

Digitized by the Internet Archive  
in 2015

<https://archive.org/details/b21982636>







THESAURUS

MATERIAE MEDICAE

*Collegii* ET *Regii*

ARTIS PHARMACEUTICAE

*Medicor.* QUEM *Edinburg.*

COLLEGIT ATQUE EDIDIT

IOANN. CHRIST. TRAUGOTT SCHLEGEL

MEDICIN. ATQUE CHIRURG. DOCTOR,

SERENISS. PRINCIP. REGN. DE SCHOENBURG CONSI-  
LIAR. AULIC. ET ARCHIATER, DYNASTIARUM WALDEN-  
BURG ET LICHTENSTEIN ETC. PHYSICUS ORDINAR., ET  
ACADEM. CAESAR. NATUR. CURIOSOR. SODALIS.

*N. L. 12-13*

TOMUS PRIMUS.

C. TABUL. AEN.

LIPSIAE

SUMTU E. B. SCHWICKERTI.  
MDCCXCIII.



V I R O

PERILLUSTRI ATQUE EXCELLENTISSIMO

IOANNI CHRISTIANO  
DANIELI DE SCHREBER

PHILOSOPH. AC MEDICIN. DOCTORI

S. R. I. NOBILI ACADEM. IMP. NATURAE CURIOSOR.  
PRAESIDI CONSILIARIO ARCHIATRO ET COMITI  
PALATINO CAESAREO CONSILIARIO AULICO BRANDENBURGICO  
MEDICINAE ET PHILOSOPHIAE PROFESS. PUBL. ORDINAR. IN  
UNIVERSITATE REGIA FRIDERICO-ALEXANDRINA ETC. ETC.

HONORIS AC REVERENTIAE

CAUSSA

TOMUM PRIMUM

HUIUS THESAURI

D. D. D.

UNAQUE

SE RESQUE SUAS DE MELIORI NOTA

COMMENDAT

E D I T O R



# LECTURIS

S. P. D.

DR. SCHLEGEL.

**O**mnes inter doctrinas, quas scire medicum oportet et decet, has praecipue, quibus non solum de historia et virtutibus medicaminum, sed et de ipsis praeparandis aequae atque componendis scite edocti sumus, hoc saeculo vergente, esse purgatas erroribus atque opinionibus praepiudicatis ac magis magisque illustratas, nemo est omnino, qui infitias ibit: quem in finem viri permulti, hac de re bene meriti, cum omni solertia iudicandi ac indefessa opera ad laborandi studuerunt, et, quanta hucusque fieri possint, omnia inventa scriptis suis, posteris quoque inseruiendis, consignata, sui commodi studio non abrepti, contulerunt.

Cum autem exempla scriptorum, quae in academiis, uti mos fuit, defenduntur, in tam minori plerumque copia typis exscribuntur, ne sufficerent, ut omnes, qui iure meritoque desideravere, ista sibi comparare possint; inutile ideo non fore, scripta materiam medicam etiam et artem pharmaceuticam spectantia congerere atque coacervare, et ex hac farragine, tempore convenienti, praestantiora tantum, denuo in thesauro, his doctrinis dicato, edenda, eligere, confidens credidi, persuasumque mihi fuit.

Thesaurus, quem iam auspicor, continebit itaque, ac servabit in primis selecta, etiamsi mole



parva, attamen materia hic tractata ponderosa et memoratu digna, scripta, quibus placita veterum atque recentiorum certiora dogmataque puriora, ex materia medica et arte pharmaceutica deprompta, ab auctoribus sunt perpolita atque magis illustrata: quorum syllogen hoc consilio curavi, ut ab interitu non modo vindicentur, sed et ut quisquis, quae iam dudum quaesiverit, facilius nunc et minori pretio sibi parare possit.

Omnes autem scientiae medicinalis patronos atque artis pharmaceuticae fautores perhumaniter oro rogoque, ut me, et in hoc negotio versantem, velint benignissime sublevare. Quisquis enim scriptum suum, hac societate meliorum libellorum non indignum, et materiae medicae l. artis pharmaceuticae explicandae et amplificandae aptum, novaque cura ab ipso auctore limatum, recudi, et in hanc collectionem, a me susceptam, recipi desideret, mecum benevole communicet. Quod favoris singularis documentum semper grato animo agnoscam.

Cum tandem vero intellexero, Vobis L. B., et aequis censoribus thesauri primum tomum non displicuisse; coeptam hanc telam strenue pertexere continuabo. Dabam Waldenburgi d. X. Ianuarii MDCCXCIII.



---

## C O N T E N T A,

### I.

Dr. *Arnoldi Iuliaans* diff. de resina elastica Caiennensi.  
Traject. ad Rhen. 1780. Pag. 1

### II.

Dr. *Guilielmi Pusey Hayle* diff. quaedam de cantharidum natura et usu complectens. L. B. 1786. 57

### III.

Dr. *Ferdinandi Dejean*. diff. qua exponitur historia, analysi chemica, origo, et usus oeconomicus sodae Hispanicae. L. B. 1773. 83

### IV.

Dr. *Wyeri Guilielmi Muys* diff. et observ. de salis ammoniaci praeclaro ad febres intermittentes usu. Franequerae, 1716. 123

### V.

Dr. *Car. P. Thunberg* diff. de medicina Africanorum. Upsaliae, 1785. 191

### VI.

Dr. *Everardi Ioann. Thomassen a Thuessink* diff. de opii usu in siphylide observatis probato. L. B. 1785. 199

### VII.

Dr. *Hermann. Dieder. Reimari* diff. animadv. quasdam de opii, praecipue in febribus, usu exhibens. L. B. 1784. 241

### VIII.

Dr. *Guilielmi Christiani Philippi Cramer* diff. de lichene islandico. Erlangae, 1780. 263

## IX.

Dr. *Ioan. Baptist. Iosephi Dillenii* diff. de lichene pyxidato. Moguntiae, 1785. - - - Pag. 307

## X.

Dr. *Car. Henrici Stolte* diff. de vitriolo albo ejusque usu medico et chirurgico: ab auctore nunc correcta et recent. observ. aucta. 1792. - - - 327

## XI.

Dr. *Ioannis Müller* diff. medicamentorum antimonialium conspectum sistens. Havniae, 1787. - - - 363

## XII.

Dr. *Ioan. Petri Xav. Fauken* diff. de solutione reguli et vitri antimonii in diversis vinis. Viennae, 1767. - - - 421

I.

DR. ARNOLDI JULIAANS

DISSERTATIO CHEMICA

DE

RESINA ELASTICA CAJENNENSI.

TRAJECTI AD RHENUM,

1780.

A

THE UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.

1900

## DISSERTATIO CHEMICA

DE

### RESINA ELASTICA CAJENNENSIS.

Inter omnes globi terraquei partes, quas perlustravit hominum curiositas, nullam certe indagationem nostram magis mereri, quam ingens ille terrarum tractus, qui Novi Orbis nomen gerit, nemo inficiabitur: Admirabilis sane et nostra indagatione perquam dignissima tellus, praesertim cum talia spectemus producta, quae in mortalium solamen ibi crescere jussit Summus omnium rerum Creator. Superbiat aestuans Asia PALMIS apicibus suis nubila petentibus; fragrantibus LAURIS varia in usus medicos et culinares praebentibus producta; pluribus AMOMI speciebus aliisque calidioribus aromatibus in perniciem luxurantium gulonum saepe transmissis: Mittat et eadem utramque THEAE speciem, potum gratissimum multis exhibentem; binasque KAEMPFERIAS alteram [*Galangae Radicem*] in Vertigine, Singultu, Ventriculi debilitate, aliisque morbis merito laudatam, alteram [*Zedoariae Radicem*] in Hysteria, Asthmate, Nausea cet. maxime efficacem; Praestantemque in Ictero CURCUMAM, menses provocantem, valida resolvendi virtute pollentem; in Diarrhoea Dysenteriaque pertinaci tantis encomiis nuper elatas LOPESIANAE et COLOMBAE radices. Largiatur et valde nutrientes ORCHIDEN [*Salep*] ac CYCAN [*Sago*] viribus exhaustis blandissimum praebentes nutrimentum; SANTALAEque varia; PANACEN famosam SIUMque pretiosum [*Rad. Ginseng et Ninsi*]; Variosque succos ex arboribus et plantis stillantes, uti ex CAMBOGIA *Gummi Guttam* valida vi aquas pellentem; ex ARECA et PTEROCARPO *Terram Catechu* et *Sanguinem Draconis* adstringente facultate praeditas; ex FERULA *Affam Foetidam* Hystericis et verminosis jure commendatam; ex ALOES foliis succum purgantem, vermibus infestum, Hae-



morrhoides mensesque provocantem; et ex PAPAVERE SOMNIFERO *opium*.

Mittat, inquam, Asia tot tantaque haud spernenda in vita communi ac Medicina dona, haud pauciora, haud minora, dicamne plura et valentiora, praebet recentius detectus orbis terrarum tractus, America: mittamus nobilia metalla atque gemmas pretiosas, quibus luxuriat in damnum incolarum infelix America; et oculum vertamus ad ea, quae in levamen calamitatum humanarum ibidem larga manu sparfit Divina Providentia: quae enim morbis mederi, artibus atque scientiis utilia esse possunt, abunde supeditat tellus Americana.

Quot, quantisque haec confirmare possem exemplis? sufficiant pauca, SACCHARUM, COFFEA, BROMELIAE [*Ananas*] MUSAEque Variæ, EPIDENDRON [*Vanilla*], CONVULVULUS [*Jalappa*], HIBISCUS [*abelmoschi semen*], TAMARINDUS, CASSIAque FISTULA, nam licet haec ex utraque adveniant India, majori tamen copia vel virtutibus eminentia ex Occidentali advehuntur, et hinc haud immerito huic attribui putarem gratissima illa Oeconomiae ac Pharmaciae dona.

Mittit et America NICOTIANAM, aliis culpatam, aliis laudatam, in Medicina saltem maximi usus.

Quantumne lenimen nobis praebet THEOBROMA [*Cacao*], five cum Vanilla mixtum emaciatos refocillet aegros, five oleo suo lubricante atroces Haemorrhoidum dolores leniat: Quantum in primarum viarum debilitate, febribus aliisque morbis expugnandis usum praebet QUASSIAE LIGNUM: ejusque Affinis SIMAROUBAE CORTEX (a), quem non sine summa, qua pollet sapientia, ibi

\*) Simaroubam voco Quassiae affinem praeunte Aublet, qui in opere suo, *Histoire des Plantes de la Guiane Française* etc. Tom. II. Pag. 859, descriptionem ac delineationem arboris hujus dedit: quumque illa arbor praecipuis materiae medicae auctoribus, Crantzio, Vogelio, Linneo, Rutty aliisque ignoretur, non inutile fore spero, si hanc arboris simaroubae descriptionem breviter tradam. Refert ergo Cl. Aublet eam ad classem VII. Continentem Monoecias Decandrias et sequentes ejus Characteres Genericos tradit.

crescere jussit Optimus Creator, ut habitualem Diarrhoeam, Dysenteriamque pertinacem, tum climatis fervore tum aliis ex causis saepius ortam, tolleret: Quantum et his adhuc longe excellentior CINCHONAE CORTEX praestat in

Masculi flores.

Cal. Perianthium monophyllum, quinquedentatum; denticulis subrotundis, acutis.

Cor. Petala quinque, albicantia, lanceolata, calici inserta ad ambitum disci.

Stam. Filamenta decem, corollae longitudine, disco inserta infra germen. Antherae oblongae, incumbentes, biloculares, Squamulae decem, subrotundae, villosae, basi filamentorum interiori adnaeae.

Pist. Germen sterile, subrotundum, depressum, quinquestriatum, squamulis filamentorum tectum. Stylus nullus, stigma nullum.

Femin. Flor.

Cal. Perianthium ut in masculo.

Cor. Petala ut in masculo.

Stam. Nulla, Squamulae decem, villosae, germen ambientes.

Pist. Germina quinque, coadnata, disco carnosio, orbiculato insidentia. Stylus carnosus, quinquestriatus, stigmata quinque patentia.

Per. Capsulae quinque, subcarnosae, nigrae, ovatae, laterales, distantes, receptaculo carnosio, orbiculato insertae, uniloculares.

Sem. Ovarum, testa fragili inclusum.

Simarouba Amara.

Euonymus fructu nigro, tetragono, vulgo simarouba. Barr. Franc. aequ.

Arbor trunco sexaginta pedali, ad summitatem ramoso; Ramis longis, late et undique sparsis; Ramulis foliosis. Folia alterna, pinnata; Foliolis utrinque binis, quatuor usque ad novem, ovatis, acutis, glabris, rigidis, integerrimis, subtestilibus, utrinque alternatim costae cylindraceae, in acumen longum desinenti adnexus. Flores in amplas paniculas dispositi axillares et terminales. Ramis, ramusculis et pedunculis florum, ad basin squamula munitis; e floribus alii sunt masculi alii feminei, in eadem panicula.

-Cortex trunci et radicum incisus, lacteum et amarum succum effundit: lignum leve, album, anaesceit.

Floret Novembri et Decembri; fructum fert maturum Martio et Aprili.

Ex hac Aubletii descriptione patet Simaroubae corticem non e Burseria provenire, quin ne quidem ad eandem classem pertinere, Burseriam enim refert Linn. ad Hexandrias Monogynias.

febris putridis aliisque morbis, tantum quidem, ut, ubi omnia incassum fuerunt adhibita, ille solus haud raro morbos atque letalia fuget pericula: Quantum GUAJACUM, LAURUSque SASSAFRAS, binaeque SMILACIS species *Sarsaparilla et China* viribus sudoriferis, antivenereis, antiscorbuticis, antipodagricis celebres efficere valent: Quantum LONICERAE IPECACUANHAE radix vi resolvente, Diaphoretica, Emetica, Antidyfenterica, Antispasmodica pollens: RICINIque oleum, taeniam pellens, ac dirissimos, quibus haud raro infestantur Americes incolae, Pictonum dolores colicos miranda vi leniens; nec non CISSAMPELOS [*Pareirae brauae radix*] Ischuriam, Cruciatumque Nephriticum, Podagricum ac Calculosum mitigans, in asthma humerali, ulcere Renum, Icteroque maximopere laudata, levaminis adferunt.

Non hic radicis CONVOLVULI, *Mechoacan* dicti, ecoproticas, non CORTICUM WINTERANIAE CROTONISque [*Cascarillae*] Vires stimulantibus roborantes, nec ARISTOLOCHIAE [*Serpentariae Virginianae*], nec DORSTENIAE [*Contrajervae*] Alexiterias, aut POLYGALAE [*Radic. Senegae*] resolventes, diureticas, Diaphoreticas et purgantes virtutes efferam.

Non dicam de LOBELIA, certo, ut aiunt, in Lue Venerea remedio: non de SPIGELIA, GEOFFRAEA (\*), DO-

- (\*) Plures, saltem binas, Geoffraeae seu Geoffroae species praebet America, nempe: *Spinosam*, cujus mentionem facit Linnaeus sp. Pl. 2. Tom. II. Pag. 1043. et Jacquin select. stirp. Amer. hist. pag. 207. et *Inermis*, cujus descriptionem ac delineationem dedit Cl. Wright, additis nonnullis de usu hujus corticis medico.

Vid. Philosophical Transactions anni 1777. vol. LXVII. Pag. 507. seqq. Medical and Philosophical Commentaries Vol. V.

Pag. 400. nec non L'Esprit des Journaux Mars 1779. Pag. 324.

Accepimus autem Ao. 1772. ex colonia surinamensi corticem quendam virtute anthelmintica ibidem celebratissimum: ex floribus vero fructibusque in liquore spirituofo transmissis, hunc ad Geoffraeas pertinere cognovi, ex foliis vero, comparatione cum illis *Inermis* instituta, vidi non esse eam a Cl. Wrightio descriptam speciem; videtur potius esse *spinosa* Linn., hujus jam Geoffraeae Corticem in innumeris aegris exhibitum vidi, viderunt et amici nonnulli Medici, quibus hunc corticem dedimus, eo cum effectu ut, si aegri illum sine magno incommodo debita dosi ferre



**LICHQ PRURIENTE** Vermes fugantibus, non de innumeris aliis dicam plantis, quarum usus Americanis satis notus, nobis vero, quod dolendum, saepe latet.

Quot non et salutare Resinas, Gummata, Balsama stillant Arbores variae, **COPAIFERA**, **PERUIFERA**, **HYMENAEA**, **CARANNA**, **ELEMIFERA**, **TOLUIFERA**, **RHUS**, **LAURUS BENSOIN**, **LIQUIDAMBAR**, et plures aliae, quas omnes enumerare vel diem poscerent.

Inter ea autem, quae mittit America e vegetabilibus producta, sane omnem nostram attentionem meretur **RESINA** illa **ELASTICA**, quae mirandis, quas possidet, proprietatibus, non tantum Physicorum perscrutinium ineret, verum et Chemicorum industriae materiam suppeditat accurato examine dignam. Atque hanc ob rationem est, quod resinam hanc pro subiecto Dissertationis inauguralis elegerim, et eo lubentius quidem, quum a paucis haecenus examinata fuerit; quum et, quae cum ea fecerim tentamina, aliorum pericula tum numero excedant, tum processum eventibus ad illis aliorum aliquomodo discrepent: quae igitur ab aliis relata fuerint, quae ipse instituerim, tentamina candide exponam, eaque benevolo Lectoris Iudicio subijciam.

Ne tamen L. B. in juvenilibus hisce tentaminibus Cultioris Styli Amoenitates aut Rhetorum flosculos expectes; haec barbara ignorat Chemicorum lingua, qui de verbis, quibus utuntur, non ita solliciti sunt, quam quidem de Corporum, quae examinant, natura et proprietatibus detegendis.

Ut vero ordine quodam procedamus, videbimus

I<sup>o</sup>. Historiam originemque Resinae Elasticae et methodum, quam ad Varia ex ea paranda utensilia adhibeant Americes incolae.

II<sup>o</sup>. Examinabimus Resinam per se.

potuerint, vix ullum medicamentum sit, quod tanta vi anthelmintica gaudeat, ac tam cito et valide agat in tenacissimam pituitam primas vias occupantem, quam idem hicce Cortex: Horum autem tentaminum summam alia occasione publici juris facere animus est.

III°. Videbimus quomodo se habeat ad Aërem, Aquam et Ignem.

IV°. Quomodo ad varia menstrua.

V°. Dein nonnulla addituri de praecipitatione Resinae, eo scopo, ut inde instrumenta Chirurgica parentur.

## C A P U T I.

CONTINENS HISTORIAM ORIGINEMQUE RESINAE ELASTICAE ET METHODUM, QUAM AD VARIA EX EA PARANDA UTENSILIA ADHIBENT AMERICANI.

Corpus illud singulare, quod Resinae Elasticae Cajennensis, Gummi Elastici, Caoutchouc, Cahuchu, nomine innotuit, definiri potest: quod sit succus, qui, dum ex arbore fluit, lacteus fluidusque est, dein vero Caloris ope siccatus solidescit, quique magnam in moderato atmosphaerae calore extensilitatem et elasticitatem habet, nec in aqua nec in Alchhole solvitur, imo vix in iis notabiliter mutatur.

Productum hoc Regni Vegetabilis valde singulare non diu fuit cognitum, et ante medium circiter labentis seculi, tantum in *Gazophylaccis* Historiae Naturalis scrutatorum inveniebatur; Illius autem origo densis eo temporis tenebris obvoluta erat, talisque mansit, donec Illustris DE LA CONDAMINE Ao. 1735 — 1743 iter faciens per Americam meridionalem, ad ripas Fluvii Amazonum et in Provincia Smaragdina, aliquam illius mirabilis succi notitiam acquisiverit: misit enim Ao. 1736. Sociis A. R. Sc. Par. hujus resinae portionem, et cum illa societate communicavit, arborem, ab accolis hujus fluvii *Hhévé*, Hispanis *Jévé* dici solitam, sola incisione facta, huncce fundere succum, addiditque, ex succo hoc ab Incolis parari Cereos et Ampullulas. Haec fuerunt omnia, quae illustris ille Academicus Societati tunc temporis communicavit: nil tamen hac de materia typis fuit mandatum ante Ann. 1749, quo anno Celeberr. CONDAMINE dedit relationem itineris sui, quae legitur in *Comment. A. R. Sc. Par. ad Ann. 1745. Pag. 391. seqq. Editionis in Quarto*, in qua relatione hujus Resinae mentionem facit, nihil tamen addit de Arbore succum hunc

fundente: Astronomicis enim et Topographicis laboribus obrutus vix potuit debitam Historiae Naturali operam navare, quapropter illam provinciam mandavit socio suo in itinere Don PEDRO MALDONADO, Provinciae Smaragdinae Gubernatori, qui vir magnam adhibuit curam, ut omnia, quae de hac resina detegi et cognosci poterant, colligeret, praematura vero morte sublatus suas observationes non potuit in lucem emittere, sicque illae magno scientiarum damno perierunt.

Posthaec Nobilis Gallus nomine FRESNEAU, qui in Provincia Cajennensi per quatuordecim annos Architecti militaris munere functus fuit, anno hujus seculi quadragesimo tertio in Sylvis Cajennensibus eandem arborem detexit, illiusque descriptionem ac delineationem dedit in *Actis Ac. R. Sc. Par. ad Annum 1751*; desiderabatur autem adhuc accuratior hujus Arboris cognitio, etenim in delineatione, quam dedit FRESNEAU, deerant flores, neque ex ipsius descriptione poterat dignosci, ad quamnam classem naturalem vel artificialem haec arbor pertineret, donec Cl. AUBLET accuratiorem illius dederit descriptionem et delineationem in opere eximio, nec satis pro meritis in nostra Patria cognito, cui titulus: *Histoire des Plantes de la Guiane Françoise, rangées suivant la methode Sexuelle par M. FUSEE AUBLET. IV. Volum. C. Figuris copiosissimis Paris. 1774. in 4to.*

Utrum tamen Celeberrimus ille Botanicus omnem partem impleverit, ex postea dicendis patebit.

Quoniam vero in descriptionibus, a Cl. FRESNEAU et AUBLETIO traditis, nonnulla inveniuntur, quae in altera deficiant descriptione, utrasque breviter tradam, et quidem primo FRESNEAU, quae sequens est.

„Arbor haec in insignem altitudinem recte excrescit, comam parvam habens, nullosque alios ramos nisi in summo apice: Crassities summa est ad diametrum duorum pedum: truncus hujus arboris versus basin majorem diametrum habet, ibique squamosus est adinstar Pini fructus: nullae radices extra tellurem sunt conspicuae: Folia similia satis sunt foliis Iatrophac Manihot, id est, folia in eodem ramulo sunt plura, nunc quinata, quaternata alias, ut plu-



rimum ternata, inaequalis magnitudinis, longissima quae centrum occupant, tres circiter pollices longa ac tres quartas pollicis partes lata sunt, superne amoene viridescunt, inferne vero magis pallent.

Fructus hujus arboris est drupa triangularis, figuram exhibens seminis Ricini Palmae Christi, multo tamen major est: Drupa haec crassa, lignosa ac trilocularis, in singulis loculis continet semen unicum ovatum, nucleum amygdali-forme exhibens.“ Vid. saepius jam memoratorum Comm. Annum 1751. Pag. 329.

Sequitur jam AUBLETII descriptio, cujus vestigia sequar, in succincta hujus arboris historia tradenda.

Nomine HEVEAE GUIANENSIS retulit Cl. Auctor Arborem hanc ad Classem Monoeciae Dodecandrae, sequentes vero Characteres tradit: „ARBOR TRUNCO sexaginta pedali, ad summitatem ramoso; RAMIS longis, nudis, late et undique sparsis; RAMULIS foliosis, et fructiferis. FOLIA alterna, dense posita, ternata: FOLIOLIS ovatis, acutis, superne glabris, integerrimis, inferne cinereis, subsessilibus, ad apicem longi petioli adnexis: FLORES non observavi \*).

FRUCTUS spicati, terminales. PERICARPIUM; Capsula glabra, oblonga, trigona, apice acuto, trifurcata, trilocularis, singulis loculis bivalvibus, valvulis crassis lignosis extrorsum elastice dehiscentibus: SEMINA duo, tria, quandoque unum, ovata, testa e cinereo et ferrugineo variegata, tenui, fragili, tecta, introrsum angulo valvularum affixa.

NUCLEUS edulis et dulcis. Fructum ferebat Aprili et Martio.“

Habitat in Sylvis Guianae et in variis Americae Meridionalis partibus: Nomen Caribaeum *Hhévé*, *Hévé*, *Jévé*, *Kaothove*, *Cahuchu*, *Caoutchouc*: Lusitanis *Pao de Seringa*

\*) Si flores non observaverit Cl. Auctor, nescio, quo fundamento arborem hanc ad Monoeciam Dodecandram retulerit: nisi forsitan Cl. Bernardo de Jussieu hanc partem debeamus; celebris enim ille Botanicus Aubletii delineationes cum plantis siccatis comparavit, synonyma, citationes ac terminos technicos addidit. Vid. Aublet, hist. in praefat. pag. 29.

vel *Xiringa*, Gallis *Bois de Siringue* dicitur. Quicumque jam attente utriusque Viri Clarissimi descriptionem secum invicem comparet, fatebitur illas satis bene congruere, singulare autem est, quod nec FRESNEAU nec AUBLET florum aliquam mentionem faciant, in utraque etiam delineatione desiderantur: praeterea aliqua differentia habetur in delineationibus foliorum, et majus adhuc discrimen in figura fructuum, quod ipse animadvertit AUBLET, dum ait, „*on trouve une mauvaise figure de cet arbre, de ses feuilles et de son fruit, Planche 20, Mém. de l'Ac. Roy. des Sciences 1751.*“

An forsan illa AUBLETII est varietas illius, quam descripsit FRESNEAU?

Quod usum hujus Arboris attinet, varius est: lignum enim leve et flexile, cortice griseo non crasso instructum, quumque in sat altam longitudinem recte excrescat truncus, malis navalibus minoribus parandis optime inservit. Americani praeterea in itineribus suis has arbores offendentes, earum fructus avidè colligunt ac comedunt, testaturque Cl. AUBLET, se his fructibus magna sat copia usum fuisse absque ullo incommodo: dein ex hisce nucleis contusis coctione extrahitur oleum pingue, quod ad usus culinares apud Indigenas loco butyri adhibetur, praecipuus tamen usus, quem praebet Hevea, est, quod truncus ejus leviter decorticatus emittat succum lacteum, qui inspissatus exhibet Resinam sic dictam Elasticam: ut vero majorem hujus succi copiam acquirant, sequenti methodo procedunt Americes Incolae: Lavant scilicet inferiorem trunci partem, tumque ad basin arboris faciunt incisionem horizontalem per integrum Corticem penetrantem; dein incisionem faciunt perpendicularem a superiori trunci parte inferiora versus usque ad incisionem horizontalem, ac denique plures laterales faciunt incisiones, sic dispositas, ut ex harum prima in secundam, ex hac in tertiam, et sic porro, stillet succus, donec ad ultimam pervenerit, cui vas quoddam recipiens applicant, sicque satis copiosam hujus succi quantitatem acquirunt. Hic jam succus in initio fluidus lacteusque brevi tamen, solis radiis expositus, inspissatur, nigricans redditur ac in resinam mollem mutatur: quamdiu hicce succus flui-

dus est, ex eo varia Utenfilia formari possunt, quod sequenti modo fieri solet: Parant scilicet Indi ex argilla pingui Formam, quae instrumentum parandum v. gr. Ampullulam exacte refert; formam hanc undiquaque illiniunt succo hoc lacteo, eumque exponunt fumo denso foci, cavendo tamen, ne flamma attingat fuscum, quod si fieret, resina in bulbulas elevaretur et foraminula contraheret: quamprimum jam succus hic flavescit et tangenti digito non amplius adhaerescit, altera succi portione primum stratum iterum illiniunt, similique ratione siccant, et hoc modo pergunt donec desideratam crassitiem acquisiverit, tumque, antequam plane ficcus et durus evaserit succus, ope instrumentorum ligneorum varias inprimunt figuras: hoc facto, omnibusque rite siccatis, comprimendo frangunt formam, ac in ampullulam modo paratam aquam immittunt, sicque remanentem argillam eluunt.

Dicto jam modo, mutatis mutandis, in Indiis Occidentibus parant varia Utenfilia, inter quae omnium frequentissime occurrunt Ampullulae pyriformes \*), cavae, quas ope epistomii ex arundine facti occludunt, filo lineo ampullulae collo circumdato; talem jam ampullulam, aqua tepida repletam, comprimunt, comprimendoque evacuant, sicque haec ampullula effectum exserit syphunculi vulgaris, excepto quod non indigeat embolo. Hocce instrumentorum genus valde in usu est apud Omaguas, ceterosque Maranonis fluvii accolae, quando enim hi alicujus festivitatis causa conveniunt, Pater familias suam urbanitatem monstrat, cuique convivarum ampullulam talem offerendo, cujus usus semper praecedere solet solemnibus eorum conviviiis: hoc autem imitati sunt in America degentes Lusitani, hinc arborem resinam hanc fundentem vocarunt Pao de Xiringa. Variorum praeterea ex illa Resina parant Incolae imagines Animalium, Equorum, Ovium, Bovum, Avium etc.

Ex eadem materia parantur et Annuli, qui in initio digitum accurate complectentes, postea carpum armillae

\*) Hae ampullulae praeterea adhiibentur ad thermometrorum globos accuratissime formandos, uti testatur Cl. *J. H. Magellan* Essai sur la Nouv. Theor. du Feu Element: avec la description de nouveaux Therinometres. . Lond. 1780. p. 189.



inftar amplectuntur, et dein ad priorem mensuram contrahuntur: quod vero annulus hujusmodi digito accommodatus adeo possit extendi, ut collaris, quin et cinguli vice fungatur, uti nonnulli perhibent, nimium exaggeratum esse satis constat. Magis adhuc manifeste falsum est illud, quod nonnulli de hac resina testantur \*), parari scilicet ex eadem Globos luforios, qui in pavementum cadentes ad majorem altitudinem profiliant, quam ex qua profecti sunt; hoc, inquam, manifeste falsum est, non tantum enim hoc legibus Physices plane contradiceret, verum etiam, si assertum illud verum esset, necessario sequeretur, quod globus istiusmodi in planum horizontalem libere impingens, ac alternatim in altum profiliens, iterumque cadens, continuo altior fieri saltum faceret, sicque acciperet motum, quoad altitudinem immensum, quoad durationem aeternum, quod nemo, cui mens sana est, facile affirmabit. Hoc vero certum est, quod hi globi, quomodocumque tractentur, recuperent figuram suam sphaeroidaeam, et quod in planum aliquod cadentes ad satis magnam altitudinem resiliant.

Linteamina quoque hocce succo, dum adhuc in statu fluido est, imbuunt, quae exsiccata pluviis sunt impenetrabilia, iisdemque inserviunt usibus, ad quos apud nostrates lintea cera imbuta adhibentur.

Parant et Americani ex Resina hac Faces, quae  $1\frac{1}{2}$  vel 2 pollicum diametrum et duorum pedum longitudinem habent, quasque involvunt folio duplicato Musae cujusdam, Bihai cognomine notae; eo scopo, ut ardentes et liquefactae melius possint contineri; hoc modo paratae faces non indigent ellychnio, ardentes haud ingratum spargunt odorem, flammam lucidissimam edunt, ac in quiete repositae, nec vento agitatae per 48. horas ardere possunt et quidem absque quod ullae guttae depluant. Hujus generis faces multi harum Regionum incolae adhibere solent, quin et Cl. de la CONDAMINE, iter nocte continuans, talibus taedis persaepe fuit usus.

Denique Indi ex eadem materia formant Ochreas, quae et pueri et adulti pedibus ita sunt accommodatae, ut eos ac-

\*) Vid. Histoire de saint Domingue par le Père de Charlevoix  
Amst. 1733

curate amplectantur: hae jam ochreae aquis sunt inperviae, nec facile aeris injuriis ac attritu consumuntur, ceterum hae satis bene corium simulant, praesertim ubi fumo siccatae fuerint.

Binas tales Ochreas a Cl. FRESNEAVO Indorum more paratas et figuris ornatas, a Cl. DE LA CONDAMINE Academiae R. Sc. Par. oblatas fuisse constat ex *Comm. ejusd. Acad. Anni 1768.*

Pictoribus ac delineatoribus Europaeis porro haec resina infervit ad lineas et figuras delendas, si forte illas minus accurate pinxerint Molybdaena [*Belg. Potloot.*], cui scopo tam egregie satisfacit, ut nullam in charta relinquat maculam.

Ex illa tandem tentarunt varia efformare Instrumenta Chirurgicis usibus destinata, sed ea de re alio loco paulo fufius agemus.

## C A P U T II.

### EXAMEN RESINAE ELASTICAE PER SE.

Ut jam accuratius in naturam Resinae Elasticae inquiramus, videndum primo est, quatenam sint ejus proprietates externae, quae statim sese offerunt; inter eas autem proprietates est mirabilis ista facultas, quae nulli alii corpori adhucdum cognito eo gradu competit, Extensibilitatem volo ac Elasticitatem: harum vero, ut aliquam mensuram acquirerem, sequentia institui pericula.

EXPERIMENTUM I. Sumsi frustulum Resinae, quod, quantum fieri potuit, ubique aequalis erat crassitiei, illudque in formam parallelepipedeam redegi, tumque superius et inferius inter binos posui asserculos, quos dein ab utraque parte cochleis firmavi, et ita idonei apparatus ope pependi, ut perpendicularem situm haberet et ab omni tactu liberum esset; hoc facto, hamulo inferioris cochleae apposui pondera, et notavi, in quantum ab appensis singulis ponderibus extenderetur resinae frustulum: Eventus fuit sequens \*).

\*) [Notandum autem quod in dimensionibus nostris usi fuerimus mensura Anglicana, in qua singulae Unciae pollicares constant 10. lineis.]



## A. Primi parallelepiedi pondus erat XXIX. granorum.

	unc. poll.	dec.
ejus Longitudo	I.	7.
Latitudo	O.	4.
Crassities	O.	I.

Pondus totius apparatus, inter quem parallelepipedum inferius continebatur, Unc. IV. dr. V. gr. X.

	unc.	p.	dec.	
Longitudo inter asserculos erat	I.	I.	*)	
ope $\text{fij}$ civilis extendebatur ad	I.	6.	ergo incrementum	O. 5.
— $\text{fij}$ — — —	2.	O.	—	O. 9.
— $\text{fij}$ — — —	3.	2.	—	2. I.
Rumpitur ad	3.	3.	—	2. 2.

B. Alterum parallelepipedum ponderabat XXXIX $\frac{1}{2}$  gran:

	unc.	p.	dec.	
Longitudo ejus erat.	I.	3 $\frac{1}{2}$ .	inter asserculos	O. 9.
Latitudo — — —	O.	7.		
Crassities — — —	O.	I $\frac{1}{2}$ .		

Pondus apparatus ut supra.

Ope $\text{fij}$ civ. extend. ad	I.	O.	ergo increment.	O. I.
— $\text{fij}$ — — —	I.	I.	—	O. 2.
— $\text{fij}\frac{1}{2}$ — — —	I.	2.	—	O. 3.
— $\text{fij}$ — — —	I.	6.	—	O. 7.
— $\text{fij}\frac{4}{8}$ — — —	2.	5 $\frac{1}{4}$ .	—	I. 6 $\frac{1}{4}$ .
— $\text{fij}\frac{6}{8}$ — — —	2.	8 $\frac{1}{2}$ .	—	I. 9 $\frac{1}{2}$ .
— $\text{fij}\frac{7}{8}$ — — —	3.	I $\frac{1}{2}$ .	—	2. I $\frac{1}{2}$ .
— $\text{fij}\frac{8}{8}$ — — —	3.	2.	—	2. 3**)
— $\text{fij}\frac{9}{8}$ — — —	3.	3.	—	2. 4.
— $\text{fij}\frac{10}{8}$ — — —	3.	4 $\frac{1}{4}$ .	—	2. 5 $\frac{1}{4}$ .
— $\text{fij}\frac{11}{8}$ — — —	3.	5.	—	2. 6.

Rumpitur ad extremum inferius.

## C. Terti parallelepiedi pondus erat granorum LXXXV.

Pondus apparatus inferioris ut in praecedentibus.

\*) haec Longitudo tantum computari debet, quia illa resinae pars, quae asserculis et cochleis continetur, non potest extendi.

\*\*) Latitudo nunc erat 3 dec: poll. crassities I. dec.

	unc.	poll.	dec.		
Longitudo	2.	0.		inter afferculos	I. 4.
Latitudo	0.	6.			
Crassities	0.	2.			

¶ Civis nullam dabat extensionem.

Ope	¶ij	civ: extend. ad	1.	6.	ergo increment.	0.	2.		
—	¶iiij	—	—	1.	8.	—	—	0.	4.
—	¶v.	—	—	1.	9.	—	—	0.	5.
—	¶v	—	—	2.	1.	—	—	0.	7.
—	¶vi	—	—	2.	7.	—	—	1.	3.
—	¶vii	—	—	3.	4.	—	—	2.	0.
—	—viiij	—	—	5.	1.	—	—	3.	7.
—	—viiij <sup>I</sup> <sub>2</sub>	—	—	6.	0.	—	—	4.	6. Rump.

D. Quarti Parallelepipedum pondus erat CXI.VI $\frac{1}{2}$  granorum.  
Apparatus ut supra.

	unc.	p.	dec.		
Longitudo	2.	8 $\frac{1}{2}$ .		inter afferculos	2. 0.
Latitudo	1.	1 $\frac{1}{4}$ .			
Crassities	0.	1 $\frac{1}{2}$ .			

		unc. p.		dec.					
Ope	¶ij	Civ. extendeb. ad	2.	2.	ergo increment.	0.	2.		
—	—ij	—	—	2.	3 $\frac{1}{2}$ .	—	—	0.	3 $\frac{1}{2}$ .
—	—ij $\frac{1}{2}$	—	—	2.	4 $\frac{1}{2}$ .	—	—	0.	4 $\frac{1}{2}$ .
—	—iiij	—	—	2.	6.	—	—	0.	6.
—	—iv	—	—	2.	8.	—	—	0.	8.
—	—iv $\frac{1}{2}$	—	—	3.	0.	—	—	1.	0.
—	—v	—	—	3.	2.	—	—	1.	2.
—	—v $\frac{1}{2}$	—	—	3.	5.	—	—	1.	5.
—	—vj	—	—	3.	8 $\frac{1}{2}$ .	—	—	1.	8 $\frac{1}{2}$ .
—	—viij	—	—	4.	6.	—	—	2.	6.
—	—viij $\frac{1}{2}$	—	—	5.	1.	—	—	3.	1.
—	—viiij	—	—	5.	5.	—	—	3.	5.
—	—viiij $\frac{1}{2}$	—	—	6.	3.	—	—	4.	3.
—	—viiij $\frac{3}{4}$	—	—	6.	6.	—	—	4.	6.
—	—ix	—	—	7.	0.	—	—	5.	0.
—	—ix $\frac{1}{4}$	—	—	7.	5.	—	—	5.	5.
—	—ix $\frac{1}{2}$	—	—	7.	7.	—	—	5.	7.
—	—ix $\frac{3}{4}$	—	—	8.	0.	—	—	6.	0.
—	—x	—	—	8.	4.	—	—	6.	4.

Rumpitur ad extremum inferius.

Sic videmus in experimentis nostris summum extensionis incrementum fuisse in frustulo

- A. [Quod long. habebat 1 unc. poll. 1 dec. inter asserc.] <sup>unc. p. dec.</sup> 2. 2.  
id est duplum longit. suae.
- B. [Quod long. habebat 9 dec. poll.] 2. 6. i. e.  $2\frac{8}{9}$   
long. suae.
- C. [Quod long. habebat 1 unc. p. 4. dec.] 4. 6. i. e.  $3\frac{2}{7}$   
long. suae.
- D. [Cujus longit. erat 2 unc. poll.] 6. 4. i. e.  $3\frac{1}{5}$   
long. suae.

Notandum autem, quod, dum haec pericula fecerim, altitudo mercurii in Thermometro  $72^{\circ}$ . esset; hocque ideo monendum, quia magna inveniretur differentia, ubi haec experimenta in frigidiore caperentur atmosphaera.

Cl. ACHARDS, qui unicum tale extensionis exemplum adfert, sequentia expertus est:

Frustulum scilicet  $R^{ae}$ .  $E^{ad}$ . debito modo inter binos asserculos firmavit; sicque extremo inferius bilancem adaptavit, ut in illam pondera possint immitti.

Sumfit autem frustulum, cujus longitudo erat 12 linear. poll., latitudo  $5\frac{1}{2}$ , crassities  $\frac{3}{4}$  lineae poll.

Vis  $H_j$  id est apparatus inferioris, extensionem faciebat 2 lin.

— —ij extensionem producebat 4 linearum.

— —iiij — — —  $7\frac{6}{10}$  —

— —iv — — —  $16\frac{4}{10}$  —

— —v — — —  $24\frac{9}{10}$  —

— —vj — — —  $32\frac{7}{10}$  —

— —vij — — —  $37\frac{8}{10}$  —

— —viii Rupturam resinae effecit.

Dein addit „Extensionem resinae, ac vires adhibitas „lineis pollicaribus expressi, exinde observavi in extremitate „lineam curvam regularem describi, ita ut formulâ algebræ „ca proportio inter abscissas et ordinatas hujus lineae possit „calculari, et definiri quantum Resina Elastica extendi debeat ad datas Vires trahentes“ \*).

\*) Vid. Beschäftigungen der Berlinischen Gesellschaft Naturforscher der Freunde. Dritter Band, pag. 358.

Gravitas specifica resinae elasticae ad bilancem hydrostaticam explorata est ad illam aquae uti 920: 1000. vel uti 92: 100.

### C A P U T III.

#### EXAMEN RESINAE ELASTICAE AD AEREM, AQUAM ET IGNEM.

Historiam Resinae Elasticae Chemicam perscrutaturi, illam valde imperfectam adhucdum invenimus: pauci enim Auctores de mirabilis hujus Regni Vegetabilis producti Analyfi Chemica scripserunt, et, si quid hac de re in lucem emisserint, longe tamen abest, ut omnem paginam absolvisse videantur.

Etenim ab illo tempore, quo Resina haec inter Europaeos innotuit, proprietates singulares eique privatae effecerunt, ut principes Chemicum in id praecipue incubuerint, ut invenirent aptum huic corpori menstruum, quo scilicet solveretur, ac dein, quomodo e menstruo hoc expelleretur, non mutatis proprietatibus illis, quae resinam hanc ab omnibus aliis corporibus distinguant.

Hocce Problema dissolvere omnium primus tentavit Illustrissimus DE LA CONDAMINE, sed infausto successu, ne quidem enim hanc Resinam dissolvere potuit: Illo vero felicior Nobiliss. FRESNEAU solutionem obtinuit, Resinam in Oleo Nucum diutissime digerendo, haec tamen solutio scopo suo nullo modo sufficebat \*).

Dein bini Gallorum Chemicorum Principes, MACQUER et HERISSANT eodem tempore, licet sibi invicem non communicaverint ideas, in illud omnem suam attentionem fixerunt, ut perfectam ac dictis conditionibus praeditam Resinae solutionem acquirerent, nec spes fefellit eos, uterque enim invenit hanc methodum, scilicet spiritum Aethereum Vitriolicum seu Naphtham Vitrioli rectificatissimam conjungendo cum Resina hac. Horum tentaminum relatio legitur in *Historia Ac. R. Sc. Par. A.* 1763. Pag. 49. Ha-

\*) Vid. *Memoires de l'Ac. Roy. des Sciences de Paris. Ann. 1751. Pag. 333. Memoires de Mathem. et de Physique, même année pag. 509.*



bentur et plura experimenta hunc in finem a Cl. MACQUER instituta in *Actis Memoratae Acad. ad Ann. 1768. Pag. 209.* Horum autem Clarissimorum Virorum industria sola hujus solutionis inventionem fuit limitata, nullumque, quantum scio, Resinae Elast. ulterius examen fuit institutum, donec Celebrerrimus Germanus nomine ACHARDS nonnulla instituerit experimenta, quae facerent ad melius cognoscendam Resinae nostrae naturam, quae tentamina exstant in libro *A. 1777. Berlini Germanico Idiomate edito, cui titulus Beschäftigungen der Berlinischen Gesellschaft Naturforschender Freunde, Tom. III. Pag. 356. seqq.*

Licet autem Cl. ACHARDS plura, quam reliqui memorati viri, instituerit tentamina, eaque diversae indolis, non tamen hanc materiam ita exhaustit, quin plura restent cum eadem instituenda experimenta. Post eum vero nemo aliquid novi hac de re in lucem prodidit, licet enim in multis scriptis periodicis hujus Resinae Elasticae mentio fuerit facta, illorum tamen scriptorum auctores materiam suam e Commentariis Ac. Parisinae hauserunt, immo nonnulli verbotenus, mutato tantum Idiomate, dissertationes Gallorum descripsere.

In Experimentis autem ACHARDSII nonnulla occurrunt, quae quoad eventum differunt a nostris tentaminibus, sicuti illud loco suo pace Viri Clarissimi ac decenti cum modestia indicabimus. Interea omnem curam adhibuimus, ut experimenta nostra sint accurata et cum veritate exacte quadrent: nonnulla quoque pericula (uti Exp. IV. V. IX. XIII.) feci sub Oculis Celebrerrimi NAHUSII, Praeceptoris nostri adrogum usque colendi, qui, praeter alia in me collata beneficia, suo consilio et in hac materie mihi adesse non fuit dedignatus.

Omnia instrumenta Chemicorum activa, quae adhibui, Menstrua, cet. quantum fieri potuit, ipse paravi, vel, si hoc fieri non potuerit, ut omnia purissima ac sui generis optima fuerint, curavi, si minus pura vel suspecta fuerint, addito epitheto *Venali* indicavi.

His praemissis, transeamus ad Historiam Resinae Elasticae Chemicam, et quidem videamus primo, quid AER, AQUA et IGNIS in illam valeant.

In AERE moderate calido suam elasticitatem, extensilitatem ac mollitiem retinet, quam primum vero frigus glaciæ adest, mutatur Resinae color ex nigro in cinereum, induratur et fragilis aliquomodo redditur, plurimumque de extensilitate sua amittit: hoc autem satis diu durat, licet enim medio Aprili satis moderatus fuerit atmosphaerae calor, nondum tamen pristinam suam mollitiem et extensilitatem recuperavit: et haec est causa, quare in Exp. I. indicaverim, in instituendo illo experimento caloris aliquam rationem esse habendam.

In AQUA non dissolvitur, licet in ea satis diu coquatur, imo Cl. MACQUER resinam in olla Papiniana cum aqua tractavit, nulla subsequente solutione, forsitan, inquit Cl. Auctor; in summo caloris gradu notabiliter fuit emollita Resina, quum tamen eo tempore absque periculo vix potuit aperiri olla, illum apparatus relinquere fuit coactus, donec aliquomodo refrigeratus fuit, tuncque aperta olla invenit Resinam majorem duritiem et naturam corneam induisse. *Vid. Memoires de l' A. R. des sc. A. 1768.* Ut autem viderem, qualem mutationem aqua induceret Resinae nostrae, sequens institui experimentum.

EXP. II. Sumsi frustulum Resinae, illudque scissi in formam parallelepipedi, cujus pondus erat gr. XXVII. Longitudo 18. dec. poll.; latitudo 12. dec. poll., crassities  $3\frac{1}{2}$  dec. Per frustulum hoc filum trajeci, illique aliquod pondus appendi, ut praecaveretur, quò minus semper aquae innataret Resina. Hoc facto immisi apparatus hunc in ollam aqua calida repletam, et in olla illa per 6 horas ebullire jussi, tumque sequentes inveni mutationes.

1. Resina parum non tamen notabiliter emollita fuit.
2. Ejus color griseus evasit.
3. Striae pulcre in Resina apparebant, oriundae a stratis Resinae sibi successive impositis.
4. Pondus, longitudo ac latitudo non fuerunt mutata.
5. Crassities autem post ebullitionem per  $\frac{1}{10}$  pollic. fuit aucta.

IGNIS effectus in Resinam variat, pro vario modo, quo illi applicetur; triplici ergo modo Resinam ad ignem

tractavi, 1°. nempe ad candelae flammam accendi. 2°. in vase aperto eam igni imposui. 3°. idem feci in vase clauso.

EXP. III. Frustulum Resinae elasticae ad flammam candelae admotae satis bene et cito flammam capit, lumen lucidum et flavum edit, odorem vix ullum, saltem non ingratum, spargit, fumum densum nigerrimum emittit: Guttulae Resinosae depluentes, ubi colliguntur, sunt pingues, fluidae et referunt Resinam secundum seq. experimentum liquefactam; atque adeo erroneum videtur illud assertum FRESNEAVI, quod scilicet guttulae hae collectae novis formandis facibus inservire possint, eodem modo, ac ante liquefactionem. *Vid. Mem. A. 1751. Pag. 333.*

EXP. IV. Immisi in Crucibulum portionem Resinae Elasticae in frustula discissae, igne applicato leni non multum mutatur Resina, sed adhibito majori caloris gradu (Sec. Cl. ACHARDS calor 100 grad. in Scala REAUMURII requiritur.) intumescit, sensim incipit fluere, mutaturque in massam nigram viscidam, Balsamum referentem, odoris ingrati empyreumatici, quaeque frigesacta non amplius concrevit: haec jam materia pinguis viscida sequentes dotes habet:

1°. In aqua ebulliente non dissolvitur, nec in Alkali fixo.

2°. In Sp. Vini Rect. ex parte solvitur, maxima tamen pars indissoluta manet, coquendo enim Resinam hoc modo liquefactam in Sp. Vini Rectif: acquisivi Tincturam flavescentem, cujus aliquot guttae in aquam immissae sat notabilem lactescentiam effecerunt.

3°. Miscui portionem hujus materiae Resinosae cum dr. iij. Spiritus Nitri Fumantis; mox oritur ingens tumultus ac calor; vaporesque ruberrimi copiosi producuntur, licet autem pluries hoc experimentum repetierim, nullam tamen videre inflammationem mihi contigit; uti ACHARDSIUS sibi contigisse scribit *Exp. XVI*. Sic jam acquisivi solutionem ex rubro fuscam pellucidam, quae sequenti modo sese habebat:

α. Per aquam destillatam turbabatur et praecipitabatur pulvis flavus.



β. Spiritu Vini Rect. diluebatur, non vero turbabatur solutio.

γ. Oleum Tartari per deliq., et Sp. Sal. Ammoniaci huic solutioni addita prodixerunt effervescentiam et calorem: Sp. vero Salis Ammon. praeterea albos, copiosos, vapores expulsi: Statim ubi Alkali affusum fuerit, color solutionis in flavum vertitur et praecipitatio obtinet, ubi tamen ultra saturationis punctum affusum fuerit alkali, pelluciditas redit et color intense ruber evadit, quae rubedo, affuso acido, in flavedinem denuo vertitur, iterumque turbatur liquor.

4°. Praecedens experimentum (3°.) repetii, fumendo tamen Olei Vitrioli et Spiritus Nitri fumantis aequalem portionem, et ne tum quidem inflammatio fuit exorta; eventus autem non multum fuit absimilis praecedentis.

Viso jam, quomodo se habeat Resina Elastica, quando igni nudo vel et in vase aperto applicetur, videndum sequitur, quomodo se habeat, ubi in vasis clausis ad ignem tractetur, destillationem itaque siccam institui.

EXP. V. Immisi Unc. VI. Resinae Elasticae, in frustula minora discissae, in retortam vitream quadruplo capaciorem, illamque in B. A. ita posui, ut fundus retortae fundum ollae ferreae fere tangeret, supposui in initio parum tantum ignis, atque lenissimo eo caloris gradu dr. β. liquoris subflavescentis pellucidi transit, licet Resina Elastica haecenus ad oculum, introspiciendo retortam, nullam mutationem subiisset: quum vero nihil ulterius transiret, novum apposui excipulum et ignem aliquomodo adauxi, atque tum liquefieri coepit Resina, simulque emittere Fumum et Vapores albos, qui in excipulum transibant, elevari quoque coepit Oleum pellucidum ex flavo rubicundum sub forma parvarum guttarum ad supremam retortae partem, illudque, una cum exigua Liquoris fusci intermixta copia, depluere continuavit guttatim, tardissime tamen, in vas recipiens, fumi autem illi brevi cessabant, et, quia vix quid ulterius transibat, coactus fui notabiliter adaugere ignem, antequam fumi iterum apparebant, et liquor ita stillabat, ut octo inter



binas cadentes guttas numerari possent \*), hoc quum locum habebat, eum caloris gradum conservavi, sicque per tres horas continuavi, usque dum Olci spissioris et minus pellucidi guttae apparebant, separavi tum excipulum atque liquorem intus contentum effudi, qui pondus habebat Unc. iij $\beta$ . novo applicato excipulo, ignem sensim auxi ad summum, qui adhiberi potest in Balneo arenae, gradum usque, superimpositis tandem prunis ardentibus et olla ferrea ad perfectam candescentiam excalescens; eoque caloris gradu tamdiu adhibito, usque dum dimidia horae spatio nihil prorsus transiret. Vario hoc caloris gradu destillant. adhuc Olei spissioris opaci profunde fusci dr. x, atque una cum eo transierunt Spiritus tenuioris pellucidi subflavescentis dr. v $\beta$ . In diffracta retorta restabant Carbonis nigri spongiosi, non tamen multum tumefacti, extus splendentis dr. ij.

Producta igitur, quae destillatione obtinentur ex Resina Elastica, sunt:

1°. *Phlegma*, quod parva quidem quantitate sed, leni calore, volatile redditur. Phlegma illud, affusum succo Vegetabilium violaceo, vix ullam ipsi inducit mutationem, solutioni autem Mercurii Sublim. Corros. dum affunditur, levem post aliquot minuta producit turbulentiam et praecipitationem dein pulveris grisei.

2°. *Oleum tenue*, fluidissimum, coloris ex flavo rubicundi, illudque notabili prorsus copia, acquisivi enim ipsius Unc. iij $\beta$ . Oleum illud odorem habet haud multum diversum ab eo Olei Cerae.

3°. *Spiritus*, profunde fuscus et aliquomodo turbidus. Spiritus hic quidem exigua quantitate Scr. ij. prodiit, sed examinatus manifeste alcalinus volatilis est, Syrupum Violarum enim colore viridi tingit et Mercurium Sublimatum Corrosivum ex ipsius solutione pro magna parte colore griseo prompte praecipitat, cum acidis autem non effervesceat.

4°. *Oleum spissius*, profunde tinctum opacum et paulo fortius olens, denuo insigni calore et satis bona copia elicitur, dr. x. enim hoc modo destillarunt.

\*) Cave tamen, ne nimis intendatur ignis, guttaeque citius quam dicto numero depluant, quia tum magno cum impetu vapores densi prorumpunt, et calor transeuntis liquoris vasis fulurati produceret.

5°. *Spiritus subflavescent*, pellucidus, una cum oleo spissiore transiit, atque spiritus hic manifeste quoque naturae alcalinae volatilis est, quemadmodum apparet, si Syrupo Violarum et solutioni Mercurii Sublimati Corrosivi affundatur, prioris enim colorem violaceum in viridem mutat, ex posteriore autem Mercurium colore griseo pro parte praecipitat, cum acidis autem non effervesceat.

6°. *Carbo* tandem niger remanet, non tamen magna copia, quum vigesimam quartam partem Resinae Elasticae adhibitae tantum constituat, atque carbo ille super patinam calcinatoriam calcinatus decrevit pondere dr. j. et gr. xvj., et in pulverem coloris ex flavo subrubelli conversus est, qui pulvis aqua elixatus nulla signa salis alcalini exhibuit, partem tamen salis marini continere videbatur, quia plumbum ex aqua forti aliquomodo praecipitabat.

Proportio autem, quae inter diversa modo dicta producta locum habuit, talis est, ut acquisiverimus:

Phlegmatis subalcalini	dr. β.
Olei tenuioris	Unc. iij. et dr. iv.
Sp. Alcalini volatilis paulo fortioris	scr. ij.
Ol. spissioris	Unc. j. et dr. ij.
Sp. alcal. volat. minus fort.	dr. vβ.
Carbonis	dr. ij.

Omnia producta simul sumpta exhibent pond. Un. v. dr. vj. et scr. ij

Idcirco tantum perdidimus scr. iv, qui sub operatione vel in auras avolarunt, vel lateribus vasorum adhaerentes manserunt.

Cl. ACHARDS etiam destillationem Resinae elasticae instituit, quam in *Exp. II.* sequentibus describit verbis.

„Resinae Elasticae dr. ij. in minora frustula discissi, et immisi in retortam vitream, ac, applicato recipiente, destillationem institui ex B. A. leni igne: peracta destillatione inveni in recipiente oleum ex fusco flavum, valde fluidum, odoris lardi assati. In retorta granum dimidium capitis mortui supererat.“

Duplex itaque fuit ACHARDSII ex hac destillatione productum, alterum fluidum, nempe oleum, alterum soli-

dum, nempe carbo. Quanta ergo differentia cum nostro experimento, in quo sex producta acquisivimus. Hujus autem discriminis ratio ex eo est petenda, quod Cl. ACHARDS vel non habuerit, vel saltem non adhibuerit, sufficientem hujus Resinae copiam.

Sed redeamus ad destillationem nostram, et pauca videamus de productis, imprimis de oleis. Oleum ex Resina Elastica destillationis ope productum duplex est, alterum tenuius primo, alterum spissius secundo prodeuns, in utroque autem adest oleum essentiale, adest et oleum pingue, quod sequenti demonstrabitur experimento.

EXPER. VI. 1°. Sumsi portionem *olei tenuioris*, per destillationem ex Resina acquisiti, miscui illam cum Spiritu Vini rectificato, statim color spiritus flavescit, et adhibito calore rubescit, ac pro maxima parte solvitur oleum, reliqua in fundo indissoluta relicta.

2°. Sumsi quoque *olei spissioris*, per destillationem acquisiti, portionem, et cum Sp. Vini rect. eodem tractavi modo, eventu haud dispari: illa tantum intercedit differentia, quod hujus color sit intentior et fluiditas minor, quam prioris.

EXP. VII. Scr. I. olei tenuioris et simili quantitati olei spissioris addidi duplum *Spir. Sal. Ammoniac. c. calce parati*, turbantur liquores, solvuntur olea, solutione flava turbida: Oleum autem spissius paulo tardius ac minori copia solvitur, quam tenuius. Duabus dein portionibus horum oleorum addidi *lixivium alcalinum fixum*, in utraque eadem fere conspiciuntur, quae cum Spir. Salis Ammoniaci contigerunt, sed tardius solvitur oleum spissius, praeterea dum per  $\frac{1}{2}$  horae spatium steterint solutiones, utrumque oleum expellitur e menstribus suis, iisque innatat, dum interea lixivium pelluciditatem suam plane recuperet.

EXP. VIII. Miscui *Oleum Vitrioli rect.* et oleum tenuius ad aequales circiter partes, oritur calor, vapores sulphurei producuntur, oleum paulisper inspissatur et Balsami consistentiam acquirit.

Mista autem aequali quantitate Olei Vitrioli Rect. cum Oleo Spissiore, vapores sulphurei vix apparent, calor exoritur et inspissatio, similisque Balsamus producitur. Utraque



haec Balsama solvantur in aqua et in Vini Spiritu, melius tamen in hoc quam in illa: Si vero solutioni spirituosae addatur oleum Tartar. per deliquium, oritur effervescentia, et statim solutio mutatur in massam solidam fuscam, offam referentem: hoc non ita accidit in solutione aquosa.

EXP. IX. Combinationem quoque feci horum oleorum cum *Spiritu Nitri fumante*, itaque

A. Olei tenuioris, destillationis ope acquisiti, dr. ij. affudi aequalem portionem Spir. Nitri fumantis, strepitus, displosio, fumus densus, ruber, et vehemens ebullitio quidem producebantur, nulla autem contingeat inflammatio.

B. Eadem locum habebant cum simili quantitate olei spissioris et Spir. Nitri fumantis, sed omnia tamen paulo mitiora erant.

C. Eidem quantitati olei tenuioris affusa aequalis portio Olei Vitrioli rectif. et Spir. Nitri fumantis momento citius vehementem producit inflammationem ac dissectionem materiae.

D. Idem tentatum cum oleo spissiore non successit, sed eadem tantum observata fuerunt phaenomena, ac in B. paulo tamen fortiora.

EXP. X. *Spiritus salis Acidus* oleum tenuius satis bona copia solvit, olei autem spissioris aliquid, sed non multum, dissolvit, hisce solutionibus addito spiritu Salis Ammoniaci, praecipitatio obtinetur olei colore aurantio turbido.

## C A P U T IV.

### EXAMEN RESINAE ELASTICAE AD MENSTRUUA.

Postquam vidimus, quomodo se habeat Resina Elastica ad Aërem, Aquam Ignemque, nunc videndum erit, quomodo se habeat ad varia Menstrua: in applicatione autem Menstruorum eum ordinem servabimus, ut primo inquiramus quid in Resinam valeant Acida, dein Alcalia, tum Saponacea, posthaec Media, postea Spirituosa, denique Oleosa, tandem Varia alia; videamus itaque, quid faciant



## I. MENSTRUUA ACIDA.

*Acidum Vitriolicum.*

EXP. XI. *Die 26. July 1779.* dr. j. Resinae Elast. affudi *Olei Vitrioli rectificati* unc. j. Statim coloris mutatio oritur et oleum Vitrioli ex limpido fit fuscum, parum spissescit, leniter intumescunt Resinae frustula: Vapores prodeunt sulphurei volatiles.

27. *Ejusd. Mensis.* Jam profundius adhucdum tingitur oleum, colorem enim ex rubro nigrum induit, frustula; magis sunt nigra et erosa, quam antea.

3. *Aug.* Jam omne fere oleum in se susceperant Resinae frustula, ideoque de novo affudi unc. j. Ol. Vitrioli rectificati.

13. *Ejusd.* Iterum omne oleum fuit absorptum, quapropter denuo unc. j. olei Vitrioli addidi. Statim oleum affusum tinctum fuit colore ex rubro nigricante: tum vero dimidium hujus liquidi separavi: remanentem autem liquidi copiam, una cum frustulis Resinae nondum dissolutis, leni igni exposui, post semihoram obtinui solutionem nigram, quae, dum adhuc calebat, leni concussione insigniter spumescebat, odorem fortissimum Sulphureum spargens.

Sic duplicem acquisivi Resinae Elasticae in Acido Vitrioli concentrato solutionem, alteram sine igne, alteram cum igne paratam. Harum jam proprietates sunt sequentes.

Solutio *cum igne* parata per aquam destillatam turbatur, pulvisque niger ex ea praecipitatur, qui pulvis neque in aqua, nec in Oleo Tartari per deliquium, aut Spiritu Salis Ammoniaci cum Sal. Tart. parato solvitur.

Eadem solutio per Spiritum Vini rectificatum turbatur, oriturque praecipitatio pulveris nigri.

Eandem solutionem Oleum Tartari per deliquium turbat, et ex ea expellit resinam sub forma pulveris grisei.

Spiritus Salis Ammoniaci cum Sal. Tart. par. illam turbat, et praecipitationem pulveris nigricantis producit.

Per Spirit. Sal. Ammon. c. Calc. par. huic solutioni affusum turbatur, ingens ebullitio, calor, vaporesque abuli-

mi producuntur, ac praecipitatio sub forma grumulorum nigrorum.

Solutio *sine igne* facta per additam aquam destillatam turbatur, et Resina ex ea expellitur sub facie pulveris subrubelli.

Eandem quoque turbat Spiritus Vini rectificatus, et praecipitationem pulveris ex fusco cinerei producit.

Per Ol. Tartar. p. del. turbatur haec solutio, fitque praecipitatio pulveris albi.

Spir. Sal. Ammon. c. Sal. Tartari solutionem hanc turbat, et ex ea expellit Resinam forma pulveris ex nigro purpurei.

Spir. Sal. Ammon. cum Calce par. illam quoque turbat, ingentem producit ebullitionem, calorem, ac praecipitationem flocculorum purpurascentium.

Quum jam Resina facillime in Acido Vitrioli concentrato dissolveretur, tentavi, utrum etiam solveretur in acido illo dilutiori, itaque

EXP. XII. Immisi in Vitrum quintuplo capacious unc.  $\beta$ . Ol. Vitriol. Rectif., aquae purae unc.  $i\beta$ . et Resinae Elasticae gr. xx., licet autem haec miscela diutissime steterit, nulla contigit mutatio, ubi vero ad ebullitionem perducta fuerit, eroditur Resina, colorque liquidi nigrescit, nulla tamen subsequitur dissolutio, nisi prius abundans humidum fuerit difflatum, atque adeo Acidum tantum concentratum, quantum ante additionem aquae fuerat.

### *Acidum Nitrosum.*

EXP. XIII. Immisi in urinale purum ac siccum dr. j. Resinae Elasticae, in frustula discissae, addidi unc. j. Spir. Nitri fumant.. Statim ad contactum horum ingens motus, calor et vapores ruberrimi producuntur, qui copiosissime prodeuntes insignem Acidi jacturam fecerunt, adeo ut, cessantibus his motibus, vix dr.  $i\beta$ . liquidi superfuerit, illud vero erat coloris intense flavi, Resina in initio fuit emollita, postea tamen eam longe duriores, ac crusta flava quasi salina obsessam inveni.

Sic duplex ex hoc processu acquisivi productum, alterum fluidum, nempe solutionem parvissima copia; al-

terum solidum, nempe crustam flavam, cujus dotes demonstrant, esse Resinam Elasticam per acidum nitrosum erosam, omnes enim habet proprietates, quas habet Resina in Sp. Nitri fum. soluta, ac per aquam ex eo expulsa, de qua mox plura videbimus.

Ne vero tantum fiat Spiritus Nitrosi dispendium, sequenti methodo institui Resinae solutionem.

Immissi scil. unc. iv. Spiritus Nitri Fumantis in Vitrum capacious, eique ita adaptavi epistomium vitreum, ut maximae parti vaporum exitum denegaret, non tamen exacte clauderet valis orificium; jam huic Spiritui immisi pauca Resinae Elasticae frustula, quae eroduntur et post breve tempus solvuntur, quibus solutis novam portionem Resinae addidi, sic sensim circiter dr. iij. Resinae fuerunt solutae absque magno illo tumultu, jactura quoque longe minor fuit, nam ex dicta quantitate Spiritus et Resinae acquisivi solutionem saturatissimam aurantii coloris, pondere unc. iij.

Hujus solutionis sequentes sunt proprietates.

1<sup>o</sup>.) Aqua destillata addita turbidam et flavam reddit eam et praecipitationem produxit flocculorum flavorum, quos ope chartae emporcticae separavi, sic acquisivi aquam flavescentem, quae adhuc aliquid Resinae continebat, etenim lixivium alcalinum ei additum colorem ejus flavum in rubrum mutavit, qui color affuso acido denuo in flavum fuit versus: Flocculi autem et crusta illa flava, de qua modo mentionem feci, sequentes monstrarunt proprietates.

α) In aqua non dissolvuntur.

β) In Spiritu Vini Rectif. dissolvuntur, majori tamen copia si caleat, quam si frigeat, Spiritus, hujus solutionis color est flavus; huic addita aqua Resina expellitur.

γ) In Alcalicis Fixis & Volatilibus solvuntur facile, solutio est profunde rubra, huic solutioni Acidum Vitrioli additum effervescentiam, spumamque copiosissimam producit, color vero liquoris in citrinum vertitur, nulla tamen obtinet praecipitatio.

δ) In Oleo Vitrioli Rect. solvuntur, non tamen in illo aqua diluto.



ε) Flocculi hi, ubi in vase vitreo vel figulino lenissimo imponantur igni, mox fluunt, leniter ebulliunt, ac uno quasi ictu & cum strepitu quodam emittunt vaporem densum; non tamen inflammantur, sed in carbonem nigerrimum vertuntur.

2°. Spiritus Vini rectificatus non praecipitat, verum diluit tantum hanc solutionem.

3°. Solutioni huic Ol. Tartar. p. deliquium; Sp. Sal. Ammoniaci cum Sale Tartari & illum cum Calce viva paratum addidi, ab omnibus his oritur effervescentia, & Resina sub forma flocculorum flavorum expellitur: praeterea statim, ac quis ex his alcalinis liquoribus attingat solutionem, color fit ruber, pellucens; qui tamen momento citius per concussionem evanescit, nisi plus alcali addatur, quam ad saturationem acidi requiritur, tunc enim Resina Elastica, prius praecepta data sub forma flocculorum flavorum, iterum resorbetur, solviturque in alcalicis quibuscumque, tuncque producitur solutio ruberrima, quae solutio pro lubitu aqua potest dilui absque turbatione.

4°. Huic solutioni si Oleum Vitrioli Rectif. addideris, oriuntur pauci vapores albi nitrosi, nulla tamen effervescentia & praecipitatio; sed color solutionis in flavum pellucentem mutatur.

5°. Spir. Salis Marini huic solutioni additus effecit praecipitationem flocculorum flavorum.

6°. Solutionem saturatissimam per 30 circiter dies in vitro rite clauso seposui, quo spatio elapso, in fundo vitri inveni Crystallos teneras, proxime ad figuram Rhomboideam accedentes: hae jam Crystallos succos Vegetabilium coeruleos reddunt purpureos, quod tamen videtur tribuendum acido nitroso extus illis adhaerenti, [crystallos enim rite abluere nimis parca earum copia vetuit.] Hoc confirmatur eo, quod neque cum Alkali Fixo aut Volatili effervescentiam, neque Mercurii Subl. corros. in aqua soluti praecipitationem produxerint.

7°. Saturatissimam vero solutionem, ex qua Crystallos praedictae sponte sua elapsae fuerant, igne leni evaporavi ad mellis fere consistentiam, i. e. ad remanentiam  $\frac{1}{3}$  partis:



tumque quiete seposui vitrum per aliquot dies, quo temporis lapsu crysalli apparuerunt minores, ejusdem naturae ac illae, quae sponte fuerunt elapsae.

Quum in praecedentibus vidimus, Resinam Elasticam non solvi in Acido Vitrioli, nisi concentratum fuerit illud acidum, videndum erit, utrum eodem modo res sese habeat cum Acido Nitroso.

EXP. XIV. *Die 26. July 1779.* dr. j. Resinae Elasticae addidi unc. iß. *Aq. Fortis Venalis.*

3. *Aug.* Aq. fortem non coloratam, frustula Resinae non intumefacta, sed externe fissa et colorem flavum habentia inveni, interne tamen nigredinem suam servarunt: durities eorum valde aucta est, adeo ut ad vitrum tangentia sonitum quasi lapillulorum edant: striae a stratis resinosis productae pulcre conspiciuntur.

13. *Ej.* Leni colore citrino tincta apparet Aq. fortis; nullaque alia facta fuit mutatio, dum ad diem 8. *April.* 1780. absque igne steterit miscela.

Postquam autem igni modico, scilicet cineribus calidis, hanc miscelam exposuerim, magis coloratur Aqua fortis, frustula Resinae, licet non fuerint emollita, spongiosa tamen, parvisque pertusa foraminulis, copiosasque bullulas aëreas sibi adhaerentes monstrantia, apparent; sic tandem diuturnioris digestionis ope acquisivi solutionem flavam pellucentem.

Eodem etiam modo acquisivi solutionem Resinae Elasticae in Spiritu Nitri fumante triplo aquae diluto.

Hic iterum differo ab ACHARDSIO, qui in *Exp. suo XII.* frustulum Resinae coxit in Spir. Nitri concentrato, non tamen fumante, eo cum effectu, ut, dum omnia fuerint refrigerata, Resinam viderit externe erosam et in flavam fragilissimam substantiam mutatam; interne vero immutatam mansisse et omnem suam elasticitatem conservasse testatur.

Redeamus ad solutiones nostras R. E. in Acido nitri debilitato, utraque solutio sequentes dotes habet.

1°. Per Aquam additam diluuntur et leniter turbantur.

2°. Cum oleo Tartari per deliquium, effervescentia, color turbidus intense flavus producitur.

3°. Idem facit Spir. Sal. Ammoniaci cum Sal. Tart. paratus.

4°. Spir. Sal. Ammoniac. c. Calce par. solutionem Resinae Elasticæ in aqua forti turbat colore intenso aurantio, solutionem vero in Spir. Nitri diluto colore flavo.

5°. Idem est effectus, ubi Liquor Alcalinus Phlogisticus additur, præterea effervescentia producitur.

In omnibus his post moram aliquam praeceptus datur pulvis flavescent: ex illa autem solutione, quæ per Spir. Nitri dilutum peracta fuit, sponte sua etiam elabitur pulvis albus.

6°. Spir. Vini rectificatus diluit, non vero turbat solutiones.

7°. Oleum Vitrioli nullam notabilem solutionibus mutationem infert.

8°. Spir. Salis Marini leviter turbat solutiones.

#### *Acidum Salis.*

EXP. XV. Conjunxi dr. j. Resinae Elasticæ et unc. j. *Spir. Salis Marini*. Licet hæc miscela per plures septimanas frigide steterit, nulla tamen subsecuta fuit solutio, ne quidem acidi aut Resinae color mutatus fuit. Protracta vero digestionem calida, aliquid, non quidem multum, de Resina solutum fuit, color Spiritus Salis idem est ac ante solutionem.

Hæc solutio sequenti modo sese habet.

1°. Aqua pura illi affusa diluitur, levissima tamen exorta lactescentia.

2°. Per Spiritum Vini rectific. diluitur, nec turbatur.

3°. Per Alkali Fixum color mutatur in rubrum, pulvere copioso ex flavo cinereo fundum petente.

4°. Per Alkali Volatile color in initio fit ruber, pulvis fuscus praeceptus datur, quo expulso, color liquidi pellucidus evadit.

5°. Spir. Sal. Ammon. c. Calce illi additus colorem mutat eodem modo ac No. 4.

6°. Spir. Nitri fum. triplo aquae dilutus nil in illam solutionem efficere videtur, verum illam tantum diluit.

### *Aqua Regia.*

EXP. XVI. Miscui scr. j. Resinae Elasticae cum unc. j. *Aquae Regiae*; licet per 7 menses frigide steterit miscela, nulla contigit in Acido aut in Resina mutatio, multo minus solutio.

Postquam vero ignem applicaverim huic miscelae, sensim sensimque eroduntur Resinae frustula, colorem acquirunt ochraceum, coalescunt, bullulaeque copiosae aëreae in illorum superficie spectantur, color liquoris vix mutatur.

Sic tandem taediosa satis digestionem aliquid de Resina solvitur: Solutio haec pellucida flava per Aquam et Spir. Vini diluitur, nec praecipitatur; per Alkali vero Fixum levis lactescencia producit, parvaque pulveris flavescentis copia fundum petit.

### *Acetum.*

EXP. XVII. *Aceti destillati* unc. j. et Resinae Elasticae dr. j. frigide per plures menses steterunt, quin et per longum satis tempus in Aceto hoc cocta fuit Resina, non tamen obtinui solutionem, nec ullam quidem mutationem in Aceto aut Resina accidisse observavi, nisi quod Resinae color sit magis cinereus, durities aucta, extensibilitas vero imminuta.

Eundem eventum expertus fui, ubi sumserim Acetum concentratissimum, methodo *Westendorffiana* paratum, illa tamen cum differentia, quod in hoc color Aceti fiat intensè fuscus.

## II. MENSTRUUA ALCALINA.

### *Alcalia Fixa.*

EXP. XVIII. Dr. x. *Ol. Tartari per deliquium* addidi dr. j. Resinae Elasticae; licet autem per 7. menses steterit, quin et satis diu cocta fuerit haec miscela, nil tamen de Resina fuit solutum.

EXP. XIX. *Liquorem Alcalinum Phlogisticum* eodem modo adhibui ac praecedens Oleum Tartari, effectu haud



diverso; Resinae autem frustula colorem induerunt variegatum.

EXP. XX. Dr. j. Resinae cum unc. j. *Liquor. silium* solito conjunxi more, eventus idem fuit ac in Exp. XVIII.

EXP. XXI. Miscui *Lixivii Saponariorum* unc. j. cum dr. j. Resinae Elasticae, lixivii color paulo magis fuscus evadit. Resina indurata griseum variegatum colorem induit. Solutionem protracta coctione obtinere non potui.

### *Alcalia Volatilia.*

EXP. XXII. *Spiritus Salis Ammoniaci ope Salis Tartari paratus* cum Resina coctus nullam huic mutationem induxit, nisi quod color ejus in cinereum fuerit versus, color quoque Spiritus subflavus et minus pellucens fuit redditus.

EXP. XXIII. Miscui unc. β. *Spirit. Sal. Ammoniaci tum Calce viva parati* cum dr. j. Resinae Elasticae; post bi-horium jam color Spiritus fit flavescens, dein ruber, denique fuscus; parumper intumescunt Resinae frustula, grisea evadunt ac magis opaca, striae resinosae pulcre visui sese obferunt: nulla tamen solutio secuta fuit, licet per plures dies calide tractaverim hoc mixtum.

EXP. XXIV. Dum Resinam ad ignem tractaverim cum *Spir. Cornu Cervi Rect.*, idem fuit eventus ac in Exp. XXII.

### III. MENSTRUUA SAPONACEA.

EXP. XXV. Sumsi portionem *Solutionis Saponis Veneti et Nigri*, ac in singulis horum aliquid Resinae satis diu coxi, quae tum colorem griseum acquisivit, nulla praeter hanc inducta mutatione.

EXP. XXVI. Cum *Melle Massiliensi* etiam conjunxi Resinam Elasticam, sed sive frigide, sive calide tractaverim hanc miscelam, nullam hoc modo solutionem efficere potui.

### IV. MENSTRUUA SALINA.

EXP. XXVII. Combinavi etiam Resinam cum *Solutionibus Salium praecipuorum*, nempe

Salis Tartari Vitriolati,

— Mirabilis Glauberi.



Salis Ammoniaci Secreti Glaub.

— Nitri.

— — Cubici.

— — Flammantis.

— Marini.

— — Regenerati.

— Ammoniaci.

— Tartari Tartarifati.

— — Solubilis.

— Terrae Foliat. Tartari.

— Polychrest. de Seignette.

— Sedativi Hombergii.

— Aluminis.

— Boracis.

— Vitrioli Martis.

Has miscelas per longum satis tempus coxi cum Resina, cujus color in plurimis mutatur, in quibusdam griseus evadit, in nonnullis variegatus, in aliis non mutatur, striae quoque a stratis Resinae productae egregie spectantur, nulla autem praeter haec a salibus memoratis Resinae mutatio fuit inducta.

EXP. XXVIII. Miscui unc. j. *Sp. Mindereri* cum dr.  $\beta$ . Ref. El., nullam mutationem observavi, nisi quod Resina colorem induerit griseum.

### MENSTRUUA SPIRITUOSA.

EXP. XXIX. Frustula nonnulla Resinae immisi in vitrum, dr. vj. *Alcoholis vini* continens, satis diu frigide illud seposui, tumque inveni Resinam colorem variegatum induisse, strataque ejus pulcre conspici, reliqua non mutata: quapropter per plures septimanas digestionem calidae tradidi hanc miscelam, et alcohol cum Resina ad ebullitionem perduxit, leviter tingitur alcohol, nulla tamen subsequente solutione, imo et nulla notabili mutatione.

Eundem eventum expertus fuit Cel. MACQUER, licet in Machina Papini cum Alcohole tractaverit Resinam hanc.

EXP. XXX. Combinavi Resinam cum *Liq. Anod. Min. Hofmanni*, et cum *Spiritu Salis Dulci*; in singulis horum per longum satis temporis spatium Resinam coxi, eventus

fuit similis in utroque, Resina enim non emollita fuit, sed colorem assumpsit ex flavo albicantem, liquores vero levi flavedine fuerunt tincti.

EXP. XXXI. Miscui unc.  $\beta$ . *Spir. Nitri Dulcis* et Scr. j. R. E., post 8. dies Resinae color variegatus, Spiritus vero non mutatus fuit. Caloris vero ope acquisivi Tincturam rubicundam, Resina valde emollita fuit, non tamen dissoluta.

Sumsi et, loco Spiritus hujus, illum Spiritum Nitri Dulc., quem paravi affundendo Ol. Tartar. p. Deliq. liquori remanenti a praeparatione Aetheris Nitrosi, et addidi nonnulla Resinae frustula, quae eodem modo fuerunt emollita, et multum de sua elasticitate ac consistentia amiserunt, color autem Spiritus fit saturate ruber, pellucens, sensimque intenditur, ac tandem ex rubro nigricans redditur.

EXP. XXXII. Jam ordo requirit, ut transeamus ad celebrem illam Resinae Elasticae solutionem, quae fit ope *Aetheris Vitriolici*, in quo tentamine necesse erit, ut breviter indicemus modum Naphtham hanc ita parandi, ut huic scopo sufficiat: igitur sequenti modo instituatur operatio.

R. *Alcoholis purissimi* ℥vj.

Partitis vicibus addatur aequalis portio *Olei Vitrioli rectificatissimi*, tumque immittantur in retortam puram ac siccam, applicetur vas recipiens, quo probe luto clauso, leni igne fiat ex B. A. destillatio, a qua desistendum, ubi vapores albi et striae apparere incipiant, quibus apparentibus dematur recipiens, in quo tunc invenietur liquor fragrantissimus ad pondus circiter unc. XLIX. huic affundatur aliqua Ol. Tartari per deliquium quantitas, ut sic absorbeatur acidum, quod forte in excipulum transit; quo facto, immittatur liquor in retortam puram siccam, et eodem modo sed lenissimo igni fiat destillatio, abstrahantur circiter unc. IX. Liquoris Aetherei, qui satis bonus est, sed scopo nostro nondum sufficit: sumsi enim dr. vj. hujus Aetheris, ac in vitrum epistomio vitreo, cera et vesica suilla clausum immisi; addita Res. Elasticae dr. j. per 7. menses hoc servavi, aliquo modo tingitur aether, Resina albicat, leviter intumescit, non tamen solvitur; et licet leni igni imposuerim

vitrum et per plures horas coxerim Resinam in hoc Aethere, non tamen successit solutio.

Itaque altera destillatione hujus Aetheris rectificatio est instituenda, cujus formula sequens est.

R. *Aetheris praecedentis unc. IX.*

Inmittantur in retortam minorem siccam, applicato excipulo, luto pingui rite clauso, substruatur ignis lenissimus, sufficit frustulum prunae digiti longitudinem habens, ac hoc modo fiat destillatio. Prima Uncia transeuns separatur et fervetur titulo Aetheris rectificatissimi, Sequens autem Aetheris Uncia quoque separanda est, illa enim plerumque resinam solvere valet.

Jam gr. XX. Resinae Elasticae addidi unc.  $\beta$ . Aetheris hujus rectificatissimi, mox intumescit Resina, opacatur, valde emollitur, absorbetur liquor, non tamen sufficit haec aetheris quantitas, addidi itaque ejusdem aetheris dr. ij, quo facto post paucas horas soluta fuit resina, solutio est alba, spissa, opaca, mucilaginem referens.

EXP. XXXIII. 15. Aug. 1779. immisi in vitrum rite clausum unc. j. *Aetheris Nitrosi* et dr. j. Resinae Elasticae, post paucas horas frustula Resinae intumescencia albicant, liquor levem colorem citrinum habet.

3. Janr. 1780. Sensim sensimque liquor intensioris fit coloris, frustula nunc quoque flavent.

28. Mart. Quum jam per 7 menses nulla mutatio facta fuerit, vitrum aperui, inveni frustula colore intenso flavo tincta, externe parum emollita, interne fragilissima.

Liquor autem continet portionem Resinae solutam, quod docet color flavus, et praecipitatio, etenim si guttae aliquot in aquam immittantur, post pauca minuta in superficie aquae innatat pellicula flavescens, quae si dematur, est vera resina, omnem tamen mollitiem, extensilitatem ac elasticitatem amisit, estque valde dura et fragilis.

Die 2. April. 1780. Alteram portionem Aetheris Nitrosi et Resinae, quam etiam per 7 menses servaveram, in vitrum amplissimum transfudi, et vitrum vesica suilla rite clausum igni imposui, adeo ut per tres dies leniter ebulliret, tumque inveni Resinam ex parte in aethere dissolutam, ex parte vero mutatam in materiem fragilissimam vix cohae-



rentem, quin et inter digitos in pulvem terendam, quae puls cum Aqua Calida in mortario trita pastam quandam cohaerentem plus minusve tenacem refert, ubi autem haec pasta fuerit frigesacta, vix amplius cohaeret, sed inter digitos est friabilis, in Spiritu Vini rectificato maxima ex parte solubilis.

Solutio autem, quam hoc modo ex aethere nitroso obtinui, erat spissa, turbida, coloris aurantii saturationis, post moram vero 12. horarum pars resinae sub forma mucii flavi fundum petit, supernatante liquore pellucido, pulcre rubro.

Haec solutio, eodem modo, uti vidimus in solutione absque calore acquisita, per aquam affusam dimittit Resinam, quae tunc tenacitatis et elasticitatis expers insignem subiit mutationem.

## VI. MENSTRUUA OLEOSA.

Videndum jam est, quid Olea in Resinam Elasticam efficere valeant, et quidem primo Olea Pinguia, dein Essentialia.

Nobiliss. FRESNEAU primus omnium Resinae Elasticae solutionem fecit, et quidem in Ol. Nucum, videturque in illa opinione fuisse Vir. Clar. illud Oleum unicum esse Resinae hujus Menstruum, sed, uti videbimus, immerito.

*Olea pressa.*

EXP. XXXIV. die 26. Julij 1779. Unc. j. *Ol. Olivarum* et dr. j. Resinae Elasticae miscui:

3. *Aug.* Sensim magis magisque intumescunt Resinae frustula, quae jam sunt coloris cineritii, subpellucidi: olei color non mutatur. 6to nil amplius fuit mutatum, quapropter ignem adhibui, et sic diuturnioris digestionis ope acquisivi solutionem fuscam, opacam.

EXP. XXXV. Idem accidit ubi *Ol. Amygdal. Dulc.* unc. j. et Resinae Elasticae dr. j. conjunxerim.

EXP. XXXVI. *Ol. Papav.* unc. j. et gr. X. R. E. miscui: Oleum, quamdiu friget, nullam in resinam potentiam habet, taediosa vero digestionem calida, aliqualis obtinetur solutio, colore profunde fusco.



EXP. XXXVII. *Ol. Lini.* unc. j. et Resinae Elasticae dr.  $\beta$  combinavi, frustula Resinae magis magisque intumescencia subpellucunt, non tamen solvuntur, dum frigent, adhibito autem calore ac diuturniori digestionem acquiritur solutio fusca spissa.

EXP. XXXVIII. Unc.  $\beta$ . *Ol. Ovorum* et dr. j. Resinae Elasticae miscui licet per 7 menses absque calore fuerint seposita, nulla tamen contigit solutio, frustula vero notabiliter intumuerunt, igne adhibito acquisivi dissolutionem fuscam pellucidam.

EXP. XXXIX. *Ol. Ricini* Unc.  $\beta$ . addidi Resinae Elasticae gr. XX. Frigide nullam subierunt mutationem, neque protractiori digestionem calida, quin et ebullitione per triduum fere continuata potui obtinere solutionem, e contrario vix et ne vix quidem fuit mutata Resina.

### *Olea stillatitia.*

EXP. XL. die 26. *Julii* 1779. Immisi in Vitrum, sex circiter Uncias capax, dr. ij. Resinae Elasticae et Unc. j. *Ol. Therebinthinae Venalis*, seposui absque calore, de tempore in tempus vas concussi, sic sensim omne oleum in se trahunt frustula Resinae, intumescunt, fiunt pellucida, quasi cornea; postquam per 5 horas stetit miscela, omne oleum fuit absorptum, quapropter novum oleum Thereb. ad Unc. j. addidi.

27. *Ej.* Iterum oleum fuit absorptum. Resina emolita, perfecte referebat gluten in aqua calida maceratum; addidi dr. vj. *Ol. Thereb.*

28. *Ej.* Omne rursus liquidum fuit absorptum, frustulaque Resinae magis adhuc expansa integrum replebant vitrum.

29. 30. 31. Ejusdem nil mutatum.

1. *Aug.* dr. iij. hujus massae cum dr. VI. *Ol. Thereb.* miscui et frigide seposui, solutionem tamen non obtinui, licet hoc modo ad diem 8. *April.* 1780. servaverim.

Illud autem quod reliquum erat igni exposui, sicque diuturniori Coctione bona resinae copia fuit soluta, solutio fusca est et saturatissima, saltem frigore iterum expellitur

Resinae pars sub forma mucii flavescentis, tumque liquidi color pellucidus et intense flavus evadit.

Eundem effectum expertus fui, dum loco Venalis The-rebinthinae Olei, adhibuerim Oleum ejusdem purissimum, a me destillatione paratum, quodque erat multo volatilius et subtilius.

EXP. XLI. 26. *Julii*. 1779. Conjunxi *Olei Foeniculi* Unc. j. et dr. j. Resinae Elasticae.

Postquam haec circiter per quadrihorium conjuncta fuerint, Resina intumescit, absorbetur liquor: iterum addidi Unc. j. Ol. Foeniculi: hoc autem die 27. *ejusd.* plane fuit consumtum, frustula magis sunt intumefacta, emollita, opaca ac grisea, striae a variis Resinae stratis productae pulcre conspiciuntur.

28. *Ejusd.* ad 1. *Aug.* in eodem statu, addidi Unc.  $\beta$ . Olei Foenic.

3°. *Ejusd.* Jam oleum non amplius absorberi videtur.

9°. *Ejusd.* nulla amplius mutatio accidit, quapropter miscelam hanc igni exposui, sicque brevi Resina plane fuit soluta, solutio fusca turbida ac spissa.

Licet autem Resina per plures menses in sufficiente hujus Olei Foenic. quantitate frigide fuerit macerata, nulla tamen absque calore adhibito contigit solutio.

EXP. XLII. Unc.  $\beta$ . Olei, quod ex *Seminibus Anisi* destillatione accepi, miscui cum Scr. j. Resinae elasticae.

Post biduum omne fere oleum fuit absorptum, frustula albicantia intumefacta pellucunt: Vitrum autem hanc miscelam continens igni exposui, sicque brevi post acquisivi solutionem fuscam, sat spissam.

Idem et contigit, dum *Oleo Anisi Venali* usus fuero, in hoc tamen paulo tardius acquiritur solutio.

Tentavit etiam Cl. ACHARDS solutionem Resinae in Oleo hoc efficere, sed frustra, nullam enim, inquit, notabilem potentiam in Resinam Elasticam habet Anisi Oleum, nihilque de ea dissolvit: ita quoque de Oleo Papaveris et Lini testatur quod Resinam emolliant, vix tamen solvant, haec tamen cum Experimento nostro XXXVI. et XXXVII. minus congruunt: videtur sane Clarissimus Auctor citius, quam par est, ab experimentis suis destitisse, nec dubito,

quin, si digestionem illam longius protraxisset, solutionem satis bonam acquisivisset.

EXP. XLIII. 4°. Aug. 1779. miscui Unc.  $\beta$ . *Ol. Cerae* et dr.  $\beta$ . *Resinae Elasticae*.

5. *Ejusd.* Sensim omne oleum fuit absorptum, frustula intumefacta ac pellucentia colorem induunt fuscum.

18. *Ejusd.* Quum jam valde intumefacta ac emollita fuerint frustula, portionem hujus mixti in mortario marmoreo aliquamdiu trivi, eo cum effectu, ut acquisiverim massam laevem, aequabilem, tenacem, viscidam, balsami consistentiam habentem.

19. *Ejusd.* reliquam vero partem igni apposui, post breve digestionis tempus Resina integre soluta fuit, solutio fusca, opaca, sat spissa.

EXP. XLIV. miscui Unc.  $\beta$ . *Ol. Succini rectific.* cum  $\mathfrak{z}$ . *Resinae Elasticae*, brevi post Resina valde intumescit, fitque pellucida, Striasque Resinosas pulcre monstrat; maxima pars Olei absorbetur, non tamen solvitur Resina licet per 7 menses absque calore quieverit, ubi autem per sesquihoram ignis fuerit applicatus, solutio obtinetur fusca, pellucida.

EXP. XLV. miscui portionem *Resinae Elasticae* cum sufficiente quantitate *Ol. Cajapouti, Camphorae, Cardamomi*, quae Olea ex Indiis Orientalibus ad nos advehi solent, quorum ergo puritati non multum fidere licet: in singulis his oleis resina emollitur, intumescit, fitque pellucida, olea absorbentur, non tamen solvitur nisi juvante calore, tunc vero acquiritur solutio spissa, rubra vel fusca.

## VII. MENSTRUUA VARIA.

EXP. XLVI. Conjunxi Unc. j. *Ol. Petrae Venalis* et dr. ij. *Resinae Elasticae*.

Eodem prorsus modo res sese habuit cum hoc ac cum *Ol. Therebinth*; vid. EXP. XL. Solutio autem fuit fusca, opaca, valde spissa.

Eundem expertus fui eventum, ubi loco Olei *Petrae* sumserim *Naphtham Fossilem*, paulo tamen citius solvitur resina.



EXP. XLVII. Eadem Resina cum *Venalibus Terrae et Spicae Oleis* cocta, taediosa satis digestionem, aliquali ex parte solvitur.

EXP. XLVIII. Miscui gr. x. Resinae Elasticae dr. i.  $\beta$ . *Ol. Animalis Dippelii*, color frustulorum fit griseus, liquor paulum turbatur: postquam per 3 dies Calore Atmosphaere steterit miscela; inveni oleum colore rubello tinctum, frustula parum emollita, non tamen dissoluta, quapropter ignem applicavi, sic mox liquoris color intenditur, fit rufus; nigrescens, quin et niger, ubi autem per triduum leniter ebulliverit, frustula inveni emollita nigra, ubi vero haec cum aqua calida terantur in mortario, coeunt, aliquam tenacitatem et elasticitatem monstrantia.

Oleum autem valde nigricat, nulla tamen indicia, aliquid de Resina dissolutum fuisse, apparent.

EXP. XLIX. Miscui Scr. j. Res. El. cum Unc.  $\beta$ . *Ol. tenuioris ac primi* per destillationem ex Resina elastica [Exp. V.] acquisiti.

Miscui quoque eandem Resinae quantitatem cum Unc.  $\beta$ . *Ol. spissioris* ex eadem destillatione.

In utroque post biduum Oleum fere plane fuit absorptum, frustula intumefacta pellucunt: Sic digestionem calida aliquot dierum acquisivi solutiones intense fuscas, cum Oleo vero Primo solutionem obtinui fluidiorem, magisque pellucentem, quam cum Oleo Secundo.

EXP. L. die I. Septembris 1779. immittendo bonam Camphorae partem in Vitrum sufficientem aquae fortis copiam continens, acquisivi Unc. ij. *Olei Camphorae*. Quas, in 2 partes aequales divisas, in vitra bina 3plo capacia ac epistomiis vitreis instructa immisi, sicque alterum vitrum quiete seposui, addidi autem Oleo in altero Vitro contento dr.  $\beta$ . Resinae Elasticae, utrumque vitrum vesica suilla rite clausum fuit.

2<sup>o</sup>. *Ejusd. Mens.* Oleum flavo colore tingitur, frustula Resinae flavescentia, in unam quasi massam coalita, in superficie durissima, in interioribus minus dura, exterius quoque crusta quadam Camphorea obducta fuerunt, pars quoque Camphorae praeceps datur.



10°. *Ejusd.* De die in diem magis exaltatus fuit olei color, qui jam fere aurantius est, sensim plus de Camphorâ praeceptus datur, quod partim in fundo sub forma pulveris profunde flavi conspicitur, partim Resinae et collo vasis sub forma crustae salinae flavae adhaeret.

13°. *Ejusd. mensis* pergit Camphora praecipitari, ac, licet sumserim vitrum instructum epistomio vitreo, orificium illius exacte claudente, crusta tamen Camphorea extra orificium vasis expulsa vesicam et superiorem ac exteriorem epistomii partem obtegit.

17°. *Ej. ad 15um Octobris* Licet de tempore in tempus vitrum hoc ejusque epistomium mundaverim, dummodo per tres dies steterit, nova iterum crusta superiori ac exteriore vitri parti nec non epistomio superius adhaerescit, donec tandem omne fluidum fuerit expulsum, massa solidâ friabili flava in vitro remanente, frustula vero Resinae extus erosa, flavo colore tincta, internè splendentia, sunt multo fragiliora, quam antea fuere. Massam illam Camphoream friabilem aliquam Resinae partem in se continere docet color flavus, dum enim illam in Spiritu Vini rect. igni exposuerim, facile fuit soluta, color solutionis intense flavus est.

23. *Mart. 1780.* Alteram autem portionem Ol. Camphorae, quam die 1. *Sept.* paravi, nullam subiisse mutationem vidi, tam quoad colorem, quam quoad fluiditatem.

Itaque, additis gr. XV. Resinae Elasticae, Oleum hoc immisi in vitrum 6plo. capacius, illudque leni igni exposui, mox ebullire incipit, solviturque Resina, dum per horam ignis fuerit applicatus, tumque repperi in vitro massam flavam, friabilem, non multum a praecedenti discrepantem.

Haec jam massa in Sp. Vini rectificato caloris ope tanta copia solvitur, ut post refrigerium solidescat.

EXP. LI. Miscui dr. j. Resinae Elasticae cum *Therebinth. Venet.* Unc. j. hancque miscelam per plures dies digestioni calidae tradidi, sic sensim sensimque subtiliores Therebinthinae partes in auras avolarunt, illud, quod reliquum erat, inspissatur, colorisque fusci evadit: Resina emollita apparet; ut autem facilitetur solutio, addidi dr. j.  $\beta$ . Ol. *Therebinth.* purissimi, et denuo igni apposui miscelam, sic tandem bona pars Resinae fuit soluta: solutio haec *Therebin-*

thinam coctam referebat, colorem tamen magis fuscum habebat.

EXP. LII. *die 26°. July 1779.* Miscui Unc.  $\beta$ . *Balsf. Copaivae* cum dr. j. Resinae Elasticae.

3°. *Aug.* Sensim sensimque color frustulorum resinorum mutatur in bruneum pellucidum, eaque intumescunt; Balsamus aliquo modo, non tamen plane, absorptus fuit; addidi Unc.  $\beta$ . *Balsf. Copaivae*.

6°. *Ejusd.* Iterum Unc. j. Balsami addidi, sicque dimidiam hujus miscelae partem igni exposui, ac diuturnioris digestionis ope acquisivi solutionem spissam tenacem, ac in longissima fila trahendam, coloris purpurascentis, Balsamum Peruvianum referentem.

Illa autem pars, quae ignem non fuit passa, nequidem fuit soluta *die 10. May 1780.*

EXP. LIII. Miscui Unc.  $\beta$ . *Balsami Houpae* \*) cum dr. j. Resinae Elasticae, statim ignem adhibui, sic frustula Resinae intumescunt, emolliuntur, solvuntur; solutio est fusca, opaca, spissa.

EXP. LIV. Miscui dr. ij. *Axung. Viperarum* et Scr. j. Resinae Elasticae, frigida nullam vim in resinam habet axungia, digestionis vero ope solvitur resina, atque sic massam pinguem, profunde fuscam, butyri consistentiam habentem, acquisivi.

EXP. LV. *Aquam Calcis Vivae* cum Resina Elastica ebullire sibi per aliquod tempus, color Resinae sensim variegatur, tantum autem abest, ut intumescat vel solvatur, ut potius compactior reddita videatur.

EXP. LVI. Coquendo Resinam in *Solutione Hepatis Sulphuris* nullam tamen ipsi mutationem inducere potui.

EXP. LVII. *Die 27°. July 1779.* Conjunxi Unc. ij. *Urinae recent.* cum dr. j. Resinae Elasticae.

\*) Balsamum hunc, paucissimis adhucdum cognitum, ex Colonia Surinamensi nuperrime accepimus, odorem habet Balsami Copaivae, iique est simillimus, excepto, quod magis sit fluidior: Incisionis ope ex quadam arbore, ibidem Houpa dicta, provenit. Hic jam Balsamus egregii usus est in doloribus Rheumaticis, a frigida causa oriundis, uti in binis casibus vidit Medicus, in hac Urbe prudentissimus, inhiq; amicissimus F. I. VOLTELEN.

3°. *Aug.* Urina jam magis foetere incipit, turbatur: Resina non tumefacta, sed cineritia evasit.

16°. *Septemb.* Quum jam per 50. dies frigide steterit miscela, nulla oborta mutatione, ignem applicavi per mensem et ultra, solutionem vero, ullamve aliam mutationem; factam fuisse non vidi.

27°. *July 1780.* In eodem statu inveni omnia, licet jam per integrum annum sibi relicta fuerint frustula resinae, eandem durtiem, quin et paulo majorem habere videntur.

Atque haec sunt L. B., quae institui tentamina, quoad Resinae Elasticae dissolutionem, tentavit nonnullos alios liquores Cl. MACQUER, tentavit paucos alios Cl. ACHARDS, horum autem experimentorum nonnulla imitandi defuit occasio, aliorum imitatio minus necessaria visa fuit, sufficiat itaque breviter illorum virorum relata indicasse:

Cl. MACQUER Resinam Elasticam solvit in *Oleo Lini cum Lythargyrio Costo*; sed ubi haec solutio exsiccat, omnem suam cohaesionem et elasticitatem amisit.

*Camphoram* quoque in parca Spiritus Vini quantitate solutam cum Resina hac conjunxit, pars Resinae fuit soluta, sed separata Camphora, Resina prodiit anelastica.

*Lacteos* nonnullorum vegetabilium *Succos* quoque applicavit Resinae Elasticae, sed frustra, nulla enim desideratae conditionis successit solutio.

Fecit et Solutionem Res. Elast. in *Oleo Therebinthinae* repetitis destillationibus supra calcem vivam ad summam volatilitatem redacto; haec tamen solutio, ubi cum spiritu vini tractetur, non plane solvitur Ol. Therebinth. in Spir. Vini Rectif. sed maxima ejus pars cum Resina mixta manet.

Cl. autem ACHARDS sequentia habet tentamina:

Frustula aliquot Resinae Elasticae posuit in vitro, in quo *Aether* erat, cujus basis erat Acidum Salis Marini: post paucas horas frustula erant valde intumefacta et alba, concutiendo plane dissolvebantur eodem modo ac in Aethere Vitriolico; si hac solutione illiniatur proplasma quoddam, diffiatur Aether, remanetque Resina, eandem habens elasticitatem, quam antea habuit.



*Naphtha Aceti* etiam digestionis ope parum agit in Resinam Elasticam, quae non notabiliter intumescit, nec facile erat cognitu, aliquid de Resina fuisse solutum.

*Oleum Cuiuni*, testante Cl. ACHARDS plane dissolvit Resinam Elasticam, idem faciunt *Olea Essentialia Rorismarini, Nucis Moschatae, Semin. Angelicae, Myrrhae, Chamomillae; Lign. Guajaci.*

*Ol. Caryophyllorum, Animale Dippelii, Lavendulae*, teste eodem, emacerant, sed non dissolvunt Resinam Elasticam; *Ol. Anisi, Papaveris, Lini* eundem effectum praestant, sed de tribus posterioribus, uti vidimus, hoc minus veritati consentaneum est.

*Ol. Cinnamomi, Naphthae, Melissae, Nucum* etc. parum de Resina solvunt.

## C A P U T V.

### CONTINENS VARIA DE METHODO PRAEPARANDI INSTRUMENTA NONNULLA CHIRURGICA EX RESINA ELASTICA.

Ad ultimam properamus nostri propositi partem, nempe de methodo varia instrumenta Chirurgica ex hac Resina parandi nonnulla dicturi. Huic autem scopo, jam ab illo tempore, quo primum in Europa innotuit, Resinam Elasticam fuisse destinata nemo mirabitur, qui modo proprietates illius mirabiles, eique privas, paulo attentius consideravit. Etenim 1<sup>o</sup>. satis magnam habet soliditatem, firmitatem ac robur, una cum mollitie et immutabilitate in calore moderato, liquoribus aquosis, spirituosus, acidis minus validis, alcalinis, mediis ac saponaceis etc. itaque resistit omnibus corporis nostri humoribus, urinae, puri, cet. hinc ex Resina hac parari possent Catheteres solidi et cavi; Cerei, ad varios viarum urinarum morbos utiles, qui in tenerissimis illis ac sensilissimis partibus absque magno incommodo relinqui possunt, longe diutius ac instrumenta ejusmodi ex metallis parata, quae partim duritie et gravitate sua incommodant aegros, partim acrimonia humorum eroduntur, sicque varias in corpore turbas excitare valent.



2do. Maxima gaudet extensilitate cum summa tenacitate et elasticitate juncta, hinc fit, ut ad varias fascias, et perizomata, partes de fede sua elapsas coercentia, optime adhibeatur, atque fasciae illae, ad omnes corporis figuras ac positiones sese accommodantes, aequabilissimam pressionem exerant.

Ut jam huic scopo inserviat Resina Elastica, illud efficiendum esset, ut

1º. Vel in regionibus Americanis Succus HEVEAE, dum adhuc lacteus ex arbore stillat, in varias redigatur formas, pro variis Instrumentis Chirurgicis ex eo parandis: hoc videntur fecisse Angli, illis enim in usu sunt varia instrumenta, nobis non ita cognita, uti Siphunculi ad clysmata infantibus injicienda, liquores nonnullos in urethram immittendos, et lace puerperarum et nutricum mammis extrahendum accommodati.

2º. Vel idem HEVEAE succus, adhuc dum fluidus, in vase clauso ad nos adferatur, ut sic Europaeus artifex optatum scopum feriat.

3º. Vel adhibeatur tale liquidum, quod, licet non dissolvat Resinam, illam tamen tantopere emolliat, quantum ad usus praedictos requiritur, dummodo liquidum illud facile a resina secedat, eamque relinquat suis proprietatibus non privatam; tale liquidum Ol. Animale Dippel. esse videtur. Vid. Exp. XLVIII.

4to. Vel adhibeatur liquidum, Resinam perfecte dissolvens, dummodo detur methodus resinam nostram ex tali liquido recuperandi iis dotibus praeditam, quibus antea fuit gavisa: Hoc jam liquidum esse Aether Frob. purissimum crediderunt nonnulli Chemici, et quidem omnium primus hoc excogitavit Cl. HERISSANT (Vid. *Histoire de L'Ac. R. D. S.* 1763), dein Cel. MACQUER methodum suam proposuit (*Memoires* 1768), denique alii: et certe, si solvitur Resina haec in purissimo illo Aethere Vitriolico, illaque solutio aëri libero exponitur, vel, si hujus aliquot guttae infundantur aquae, tunc, diffuso menstruo, prodit resina, sub forma solida, digitis non adhaerens, tenax et Elastica, non tamen eundem tenacitatis et elasticitatis gradum recuperare, minorem quoque molliem habere videtur, quam ante

folutionem. Jam nihil facilius videretur quam, secundum propositum Cell. eorum Chemicorum, Cereos et Catheteres ex hac Resina formare, modo sufficientem quantitatem Resinae et Aetheris purissimi possideamus, sed nihil difficilius, et dubito, ullum mortalium ad hunc usque diem fecisse Catheterem ex Resina Elastica ope Aetheris Frobenii, nec credo, fore, ut unquam hoc modo acquiratur tale instrumentum debitae qualitatibus praeditum, etenim, praeter satis insignem menstrui pretium, nulla arte potest Resina ad debitam crassitiem aequabiliter extendi circa corpus quodcumque pro basi inserviens, menstruo enim citissime in auras avolante fieri nequit, quin strata resinosa fiant inaequalia et aspera, quod recte animadverit Cel. MACQUER: nonnulla praeterea nascuntur obstacula, non praevidendae, quae tamen, ubi manum operi admovemus, felicem successum impediunt. [Ceterum de methodo, qua usi sunt varii, videantur *Memoires de L'Ac. R. D. Sc. loc. cit. et Heelkundige Mengelstoffen door D. van Gesscher* pag. 376. seqq.]

Ne tamen quis credat, nimis audacter fuisse pronuntiatum, scilicet fieri non posse, ut Catheteres etc. hoc modo formentur; meque illud posuisse, dum minus faustus eventus nostris tentaminibus successerit propter incuriam nostram et dexteritatis defectum: Celeber enim instrumentorum Chirurgicorum et Anatomicorum opifex, dexterimus GOBELS eundem sortitus fuit eventum, et quanquam, secundum monita ab Expert. GESSCHERO exhibita, omnem suam curam huic rei impenderit, nullo tamen modo scopum ferire potuit \*).

\*) Pace Expert. GESSCHERI, dextrissimi ceterum et apud Amstelredamenses de Arte Salutari optime meriti Chirurgi, pauca hancce partem attinentia ut moneam jubet veritas: Etenim quamprimum in lucem prodierunt Cel. Viri Miscellanea Chirurgica, plures Medici ac Chirurgi, imo nonnulli nomine variorum Collegiorum Chirurgicorum, litteris ad dextr. GOBELS datis, ab eo petierunt, ut Catheteres ex Resina Elastica secundum GESSCHERI praecepta formatos ipsis transmitteret; nec mirum, expert. enim ille Chirurgus in praefatione laudatorum miscellaneorum lectoribus omnibus ideam excitat, ac si dicti Catheteres, eodem modo, uti cetera instrumenta Chirurgica, in officina Gobeliana venales prostant, vel saltem ab illo artifice parari possent; Audiamus ipsius verba: „*Die voorzich* (sc. difficultas, quae

Est et altera istiusmodi instrumenta parandi methodus, a Cl. ACHARDSIO proposita, quae obtinetur Oleis vegetabilium Essentialibus: Scilicet, uti Experimentis XL — XLII. constat, R. E. satis bona copia solvitur in Oleis illis stillatiis, v. gr. Anisi, Foeniculi cet. jam haec Olea, uti satis notum est, solvuntur in Rectificato Vini Spiritu, non vero Resina nostra, si itaque solutioni Resinae Elasticae in Oleo Destillato factae addatur Spiritus Vini Rectif. solvitur oleum, remanente resina sub forma mucii plus minusve spissi, qui secundum Cl. ACHARDSIUM aëri libero expositus sensim sensimque exsiccatur ac consistentiam elasticitatemque pristinam recuperat.

Dum hanc ACHARDSII methodum consideramus, illam certe Theoriae Chemicae sanissimae optime quadrare unusquisque facile videbit; et sane, si hoc modo procedentes scopum nostrum feriremus, haec methodus aliis longe praeferenda esset, tum propter simplicitatem, tum propter sumptuum dispendium; in hac enim methodo sumtus exigui sunt, majori enim copia solvitur Resina in Oleo, praeterea oleum, quod ad solutionem fuit adhibitum et ope Spiritus vini abstractum, affusa aqua facile e spiritu vini expellitur, tumque iisdem denuo usibus inservire potest; dein spiritus adhibitus simplicis destillationis ope ab aqua separatur, adeoque fere nulli, saltem exigui, sunt sumtus.

Sed videamus an Theoriae Praxis respondeat. Plura itaque adhibui Olea, uti *Oleum Anisi, Foeniculi, Cardamomi,*

oritur, dum verbis exprimere conamur illud, quod ad facta magis pertinet et quod visu addiscere debemus) heeft my bewoogen, om onzen Werkuigkundigen Instrumentmaaker, den Heere ANTHONY GOBELS; aan te zetten tot het saamenstellen deeser Werkuigen, en hem hierin de noodige onderrigtingen te geven. Zy derhalven, welken zich van deese Catheters voorzien willen, ZULLEN DEZELVEN BY HEM BEKOOMEN KUNNEN.“ Quis certe, auctoritate viri, fide profecto dignissimi, adductus, non credidisset, instrumenta memorata jam satis facile comparari posse? Sed nihil minus; videtur nimis praeceptum et magis Theoretice quam Practice illud scripsisse Expert. GESSCHERUS, eo enim tempore, quo Miscellanea Ipsius Chirurgica in lucem prodierunt, de his parandis instrumentis nequidem cogitavit dexterr. GOBELS; quinque postea Solutionem Resinae accepisset, omne oleum operamque hac in re perdidit.



*Balsamum de Copaiva, Houpae* etc. quoniam vero eventus in omnibus haud dispar fuit, ex pluribus pauca adferre, et *Oleum foeniculi* speciminis loco adhibere lubet.

EXP. LVIII. Solutioni Resinae Elasticae in Oleo Foeniculi addidi sufficientem quantitatem *Spir. Vini rectific.*, Resina statim fundum petit sub forma mucii fusci parum cohaerentis, hunc jam mucum a liquore supernatante separatum per 5 menses libero aëri exposui, sed illum viscidum et digitis adhaerentem remansisse inveni.

EXP. LIX. Simili solutioni addidi *Spir. Sal. Ammoniaci cum Calce viva parati* portionem, oritur lactescentia et emulsi species, Resina expellitur forma guttarum, parca tantum copia superficiei liquoris innatantium.

EXP. LX. Im misi in Vitrum dr. ij Resinae Elasticae, addita Unc. j. Ol. Foeniculi, vitrum igni exposui, sic sensim intumescunt et emolliuntur Resinae frustula, quo facto, miscelam in mortario subegi, hoc modo acquisivi massam satis spissam, laevem et aequabilem, huic jam addidi portionem *Sp. Vini rectific.*, et terendo oleum, quantum fieri potuit, separavi, illudque aliquoties repetii novam spiritus vini portionem addendo, tumque acquisivi massam tenacem, digitis tamen aliquomodo adhaerentem, plus minusve elasticam, hanc massam per binos menses in loco calido, scilicet supra clibanum, seposui, sed, hoc tempore elapso, tantum abfuit, ut majorem consistentiam acquisiverit, ut potius magis viscida et fluida, ac digitis plus adhaerens evaserit.

EXP. LXI. Resinae Elasticae eodem modo per Ol. Foenic. emollitae et subactae trituratione addidi *Spir. Sal. Ammon. cum Calc. par.*, similis tunc massa tenax et subelastica oritur, quae eidem calori exposita eundem effectum produxit ac praecedens.

EXP. LXII. Resinam dicto modo subactam in *Aqua* per 24 horas coxi.

Eodem modo coxi alteram ejusdem massae resinosae portionem in *Spiritu vini rect.*, tertiam in *Spir. Sal. Ammon. c. Calc. par.* quartam in *Liquor. anod. min. Hofmanni.* In omnibus his maxima ex parte oleum dissipatur, remanentibus massis resinosis, digitis vix adhaerentibus, sube-



lascis, quae tamen per binos menses calori expositae, magis viscidae evaserunt.

EXP. LXIII. Resinae Elasticae Oleo Foeniculi-subactae et Spiritu Vini Rect. praecipitatae portiones binas exposui frigori satis *intenso*, scilicet alteram posui per 6 horas in vase plurima glaciei frusta continente, alteram per 8 dies posui in cella subterranea glaciei conservationi dicata: in utraque eventus, similis fuit, scilicet fere nulla contigit Resinae mutatio, saltem majorem consistentiam, tenacitatem ac elasticitatem non acquisivit.

Sic videmus ratiocinium, quod primo intuitu magnam veri speciem prae se ferebat, non tamen confirmari experientia, saltem in nostris tentaminibus, quod valde doleo, dum methodus haec prae ceteris propter simplicitatem suam et sumtum dispendium sese commendat; forsan alius me felicior scopum desideratum attinget, meretur sane haec res Chemicorum ulteriorem indagationem; et in hac palaestra etiam plures, quam memorati viri, desudasse ex Publicis Novellis accepimus, sic scilicet legimus Cl. BUCHOLTZIUM in conventu *Academiae Electoralis Moguntinae*, quae *Erfordiae* est, communicasse tentamina, quae instituit ad dissolutionem Resinae Elasticae, et formationem vasorum nonnullorum ex illa \*); nec non Cl. TROJAM, Medicum Neapolitanum, in conventu nuper habito *Acad. Reg. Chir. Paris.* dissertationem exhibuisse de nonnullis suae inventionis fasciis Chirurgicis ex Resina elastica paratis \*\*).

Et, quod his adhuc longe praestat, nuperrime legimus Cl. BERNARD ex Resina hac fecisse et exhibuisse Academiae modo memoratae Catheterum flexilem, illumque Catheterem a Sociis illius Academiae comprobatum fuisse \*\*\*). Sic quoque accepimus Dexterr. GESSCHERUM in Nosodochio Sancti Petri, quod Amstelaedami est, in viro quodam Ischuriâ laborante adhibuisse Catheterem ex

\*) Vid. Noordhollandsche Courant van 30. Juny 1779.

\*\*) V. Genees - Natuur - en Huyshoudkundige Jaarboeken, Eerste Deel, Derde stuk.

\*\*\*) V. Ibidem Derde deel, Tweede stuk.

Resina Elastica paratum, illumque per satis longum tempus in urethra reliquisse, (nisi memoria fallat, per 12 vel 14 dies), absque ullo incommodo. Hoc quum intellexeram, statim Amstelaedamum petii, eo scopo, ut quid hac de re esset, inquirerem, GESSCHERUMque adii, et ab illo humaniter petii, vellet mecum communicare, quid de methodo hac ipsi cognitum esset, sancte promittens, me non tantum honorificam mentionem eorum, quae mecum communicaret, facturum, verum etiam, si in scriptis mihi tradere vellet ea, quae hac de re detexerat, me totam ipsius epistolam dissertationi meae inserturam. Non obstante hoc, recusavit constanter hac de re mihi quid patefacere, nisi quod, viso Cathetere Parisino, olfecerit methodum illos parandi, methodumque illam toto coelo differre ab illa in ipsius Miscellaneis Chirurgicis proposita \*); gloriabatur porro, se secundum illam methodum absque magnis sumptibus et laboribus varia instrumenta et utensilia parare posse. Haec fuerunt omnia, quae (pro humanitate sua) Exp. GESSCHERUS mecum communicare voluit, pauca sane! Catheterem quoque videre mihi petenti non contigit.

Expectandum igitur, donec labores memoratorum virorum ad nos perveniant. Interea nulla alia methodus parandi ex Resina Elastica instrumenta magis videtur optanda, quam ut in loco natali ex succo lacteo Heveae nondum inspissato parentur desiderata instrumenta, vel ut succus ille lacteus in vase rite clauso ad nos transferatur, tum enim nullus dubito, quin peritus artifex desideratum scopum facile feriat.

Ut autem fasciae et perizomata ex Resina Elastica formantur, non necesse fore putarem, adventum succi praedicti ex America expectare: vidi enim nuper binas ex hac Resina confectas ampullulas, quarum diameter tanta est, (circiter 4 vel  $4\frac{1}{2}$  pollic.) ut in hominibus non valde obesis, saltem in pueris, huic scopo sufficiant, modo ex amplissima harum ampullularum parte circulus desumatur, qui

\*) Hoc facile crediderim, quum a nemine, methodo ibidem tradita, unquam bonum Catheterem paratum fuisse, aut parari posse, antea vidimus.

dein sensim extendi & ad partes elapsas continendas facile accommodari potest.

Haec sunt B. L. quae de Resina hac, corpore admodum singulari, dicenda habebam, vela igitur contraho; pauca tantum ex ante dictis subnectens.

## C O R O L L A R I A.

α) Resinam hanc Elasticam prorsus diversam esse ab omnibus productis vegetabilibus, hactenus cognitis, tam per singularem ipsius vim elasticam, quam per alias quamplurimas dotes supra memoratas, apparet, imo male prorsus nomen RESINAE ipsi impositum esse et adhuc minus congrua denominatione dici GUMMI, quia neque in Alcohole, neque in Aqua dissolvitur, quin nequidem in his liquoribus notabiliter mutatur: (Vid. Exp. II. et XXIX.) Meliori itaque jure huic corpori nomen SUCCI HEVEAE INSPISATI tribuerem.

β) Differre et a ceteris Resinosi corporibus principiis suis constitutivis, etenim, uti constat praecipuorum Chemicorum suffragiis, principium Acidum cum Oleoso efficit Balsamum; (Vid. Exp. VIII.) a Balsamo autem Resina tantum consistentia differt. Quae Synthesis etiam Analyfi confirmatur, Resinae enim Vegetabiles ad ignem tractatae fundunt Aquam, Oleum, Spiritum et Sal Acidum, denique paucissimam Terram; Noster vero Heveae succus, in initio praebet parum Phlegmatis Subalcalini, dein Oleum Tenuius, tum Spiritum Alcalinum Volatilem, post hunc rursus Oleum sed Spissius, dein iterum Spiritum Alcalinum praecedenti debiliorem, postea Caput Mortuum sed exigua quantitate (Vid. Exp. V.) Toto ergo coelo differt Resina nostra a Regni Vegetabilis Resinis.

γ. Miras esse mutationes, quas subit succus Heveae, dum cum Fumante Nitri Spiritu tractetur; [cum hoc certe inter reliquos liquores maxima affinitas locum habere videtur, sive enim concentratum fuerit acidum, sive minus, satis bene solvitur succus. Exp. XIII. XIV.] Sic enim ex parte in Aqua, Alcohole, et Salibus Alcalinis solubilis redditur, et ubi saturatior solutio succi hujus in Spir. Nitri fumante diu satis quieti fuerit tradita, Crystalllos emittit teneras, ad Rhomboideam figuram proxime accedentes: Unde hoc? Brevi dicam: nescio! Hoc scio, quod Gummi Arabicum cum eodem Acido Nitroso tractatum etiam lapsu temporis Crystalllos ejusmodi emittat, quarum tamen indoles nondum satis constat.

δ.) Coloris illam mutationem, quam nonnulli patiuntur liquores, dum cum succo hoc tractentur, videri attribuendam fuligini, sese inter exsiccationem succo insinuantem, quae tum per varios liquores v. g. Spiritum Sal. Ammon. c. Calce, Alcohole etc. plus minusve extrahitur, eosque tingit. Vid. Exp. XXIII. XXIX. XXX. XXXI.



e.) Singulare praeterea esse phaenomenon illud, quod Resinae contingit, dum cum Oleo Camphorae (Exp. L.) conjungitur, liquidum enim tum eo usque expellitur, ut postea nihil nisi massa solida friabilis remaneat. Unde hoc? non facile dicam! Videtur autem illud non solum acido nitroso attribuendum, hoc enim (Exp. XIV.) dum minus concentratum fuerit, tardissime et debilissime agit in succum nostrum, et dum frigide sibi relinquitur horum corporum miscela, per plures menses absque notabili mutatione possunt asservari, cujus contrarium in Experimento hoc locum habet. Et dum Ol. Camphorae cum succo Heveae ad ignem tractatur, mox post horulam solutio obtinetur, quae alias in debilitato Nitri acido, non nisi taediosa satis digestionem et diuturna ebullitione acquiritur.

§.) Solvi tandem succum hunc in Acidis fortioribus, omnium optime tamen in Acido Nitroso, liquoribus purissimis Aethereis, et Oleosis, tam Volatilibus quam Pinguibus; unicum enim Ricini Olei exemplum, in quo dissolutionem obtinere non potui, licet diu satis et in illo Oleo, ex America transmissio, et in Oleo, quod pressione ipse paraveram, ad ignem tractaverim Resinam, tantum hujus regulae exceptionem facit.

---



## A D D E N D A.

Quum jam dissertatio haec maxima ex parte typis fuerit mandata, ex Annalibus Medicis cognovi Pharmacopolam Hamburgensem, nomine THOREY, tentamina nonnulla instituisse cum Resinis Elasticis, quae descripta exstant in libro Germanico Idiomate conscripto, cui titulus: *Chemisches Journal für die Freunde der Naturlehre, etc. Entworfen von D. LORENZ CRELL. Zweyter Theil Lemgo 1779*, quorum experimentorum summam brevi tradere lubet:

Resinae scilicet Elasticae, ab auctore descriptae, e China proveniunt triplicis generis, a se invicem colore distinctae, datur scilicet *Coerulea, Flava et Rubra*; cum his experimenta instituit, illam semel tantum vidit. Haec jam Resina flava (quae Succini ad instar plerumque pellucet) a vulgari nigra variis proprietatibus differt, praesertim elasticitate, cujus exiguum quidem gradum possidet, adeo ut leviori tantum extensione, quin et frequentiori in terram lapsu, fissuram et rupturam patiatur: Flammae candelae admota et calori exposita eodem modo se praestat ac nigra: in *Liq. Anodyno Hofmanni, Rettificatissimo vini Spiritu, Spiritu salis Ammoniaci, Oleoque Therebinthinae* ex parte solvitur: *Naphtha vero Nitri, Spiritus Salis et Nitri dulces, Oleum Petrae, Acetum destillatum, Aqua Regia et Spiritus salis acidi* solutionem non efficiebant, in plerisque horum liquorum tantum mutabatur Resinae color: perfecte autem solvitur in *Oleo Vitrioli, Spiritu Nitri Acido, Liquore Salis Tartari, Oleo Anthos ac Chamomillae*, in ultimo vero hoc Oleo illud singulare locum habebat, quod, post 48 horarum digestionem, illa Resinae pars, quae nondum dissoluta erat, colorem acquisiverit profunde coeruleum, et facta fuerit friabilis, praeter bina frustula, quae, dum superiorem partem occuparunt, viridem colorem induerunt, ac tenacitatem suam conservarunt.

Plura cum Resina hac instituire experimenta non potuit Auctor propter defectum Resinae illius, quae rarissima

est: (adeo ut in Patria nostra illam, data opera, acquirere non potuerim, quin ne quidem in hisce terris cognita sit, vidi equidem binas Resinae Elasticae species, praeter *Nigram* scilicet vulgarem, et *Subflavam* vidisse memini, quae omnibus dotibus nigram aemulabat, excepto colore, quod discrimen vel methodo exsiccandi vel arbori magis minusve inveterataetribuendum esse censeo:) Auctor praeterea noster suspicatur, nec sine ratione, tres hujus Resinae species unius indolis esse, et colorem illum esse factitium.

Experimenta autem cum *Rubra* instituta conveniunt cum illis, quae cum *Flava* instituit, ergo illa repetere supervacuum foret.

---

II.

DR. GUILIELMI PUSEY HAYLE

DISSERTATIO MEDICA


QUAEDAM

DE CANTHARIDUM NATURA ET  
USU COMPLECTENS.

LUGDUNI BATAVORUM,

1786.





## DISSERTATIO MEDICA

QUAEDAM DE CANTHARIDUM NATURA  
ET USU COMPLECTENS.

CANTHARIDES quanquam medicis per longum notae fuerunt tempus, et frequenter in medicinae praxi adhibitae, suum tamen usum, qui nunc longè lateque obtinet, non nisi commodis nuper compertis, praecipue debent. Itaque notitiam quam maximam parare de re tanti momenti sollicitus, et candidatus honorum medicinae appetens, nequaquam dubitavi, tum studendo, tum varias scriptorum opiniones investigando, de iis, utpote de argumento dissertatione inaugurali haud indigno, tractare. De epispasticis, seu de cantharidum usu externo, in animo est praecipue loqui, pauca autem necessarium puto praefari:

1. De earum historia naturali.
2. De earum dotibus chemicis.
3. De earum effectibus, sive sint externe, sive interne applicatae.

4. De morbis, contra quos laudantur cantharides.

Postremo, de morbis praecipue, in quibus epispastica utiliter sint adhibenda.

## HISTORIA NATURALIS.

Ex historiis certissimis et optime comprobatis patet, cantharides indigenas esse Hispaniae, Italiae et Galliae Meridionalis: apud Germanos quoque inveniuntur, sed raro, unde etiam migrare, ac quibusdam tantum tempestatibus ibi sese ostendere putantur \*). Maximae, atque ad res medicas aptissimae, secundum cel. *Lewis* sententiam, ex Italia deferuntur \*\*). Afferuit tamen *Cartheuser* minimas anteponendas esse, quippe natura magis acri gaudent. Plurimae in Hispania abundant, ubi eas primum inventas, nec

\*) Carth. mat. med. Tom. I. p. 496.

\*\*) Lewis mat. med. new. Edition p. 188.

alibi inveniendas, et inde ad nos translatas fuisse, olim creditum fuit. Hinc forsân nomen: *muscae Hispaniae*, quod adhuc gerunt, ut quidem nuper observavit Auctor \*).

Complures scriptores, ad varias cantharidum species recensendas describendasque, multa protulerunt, praecipue autem ille vir de rebus physicis historicus celeber. C. Linnaeus. Duas praesertim species habet; quarum alteram, ita dignoscit, „quae elytra habent abbreviata absque alis,“ alteram hoc modo „quae elytris gaudent longitudine corporis alas tegentibus.“ Hanc iterum dividit in species quatuordecim; quarum autem singulas dicere, nec dissertatio hujusmodi sufficeret, nec multum foret commodi. Lectori igitur ad ipsa auctoris clariss. opera relegabo \*\*). Quoniam vero harum quatuordecim species prima, a Linnaeo *Meloë vesicatorium*, vocata, cantharis officinarum vera esse videatur, ideoque a nobis nunc tractanda. Ejus historiam naturalem leviter tangam.

Haec species plerumque pollicis dimidium longitudine aequat, colore viridi corusco misto, cum aliquo caeruleo aureoque, et ad partem inferiorem fere lurido, gaudet; sapor est illis primo levis, postea vero acerrimus exurensque, odor recentibus leviter ingratus.

Hae muscae, abeunte vere, ac menses circiter Junium Juliumque capiendae sunt, utpote tunc temporis plurimae optimaque existimantur. Captae et bene exsiccatae, per longum viribus integris servari possint. Si autem inter servandum diffingantur, ac in pulverem redigantur, corruptae inutilesque evadunt. Admodum pigrae sunt, adeo ut facillime prehendi possint, quod ita efficitur.

Sub arboribus dumetisque, quibus cantharides confidunt, pannus sternitur latus ampliusque, in quem ramis leviter motis, vel baculo percussis, magna copia decidunt. Postea aceti vaporibus obnoxiae occiduntur, per methodum a Dioscoride jam dudum propositam, et plerumque ad hunc diem usque adhibitam. „Eas (cantharides) in vas non picatum immittito, ac ipsius osculum raro puroque linteo obligatum

\*) Forsten. hist. nat. Canth. p. 4.

\*\*) System. natur. Edit. xij. Tom. I. Part. II. p. 697.



circumvertito ad vaporem ferventis aceti quam accerrimi, tandiuque universum fictile contineto, donec illae suffocentur, tandem lino transfixas reponito \*). „Posthac soli exponendo exsiccantur, et corpora ob causas supra dictas integra servantur. Haecce tamen methodus haud omnino *Neumanno* placuit, qui aceto anteposit spiritum vinosum in millepedibus curandis etiam adhibitum: „The Steams of Spirit of Wine, says he, or the liquor itself sprinkled upon them, not only soon killing the Insects, but embalming them as it were, and preserving them from decay \*\*).“

Quasdam harum partes tantum servare monent aliqui, e. g. corpus solum, capite, membris, alisque abjectis \*\*\*): alii autem his servatis, illud abjicere volunt; quippe quibus sententia est, in his partibus solum cantharidum acrimoniam propriam inesse. Has autem opiniones aequae ineptas nunc satis constat; si enim hi ita diverse sentientes, quisque invenerint, partes ab se conditas vim cantharidum causticam habere, tunc certe omnes in universum partes idem valere, nobis concludere fas sit. Ad hoc ex Galeni, Dioscoridis, Plinii, Aëtiique scriptis \*\*\*\*) apparet, caput, alas, membra corpori trunco (quippe in quo earum virus contineri opinio fuit) quasi antidotum existimata, eoque hoc simul cum illis semper applicatum.

## DE CANTHARIDUM DOTIBUS CHEMICIS.

Animalia ad res medicas adhibita, adeo sunt pauca, prae vegetabilibus, ut parvi quidem momenti illorum analysin chemicam parare, multis visum sit. Haud parum tamen conjecturae de horum insectorum partibus efficacibus prolatum fuit, et quaedam experimenta, illorum principia investigandi causa, per analysin instituta fuerunt. Haec autem plerumque vel parum vel nihil valent, et res adhuc videtur atra caliginemersa. Vegetabilia per ignem distorquere ac consumere, ut eorum principia inveniantur, jam-

\*) Dioscorid. L. 2. C. 65. p. 102.

\*\*) Vid. Neumanni Chem. p. 495. N. P.

\*\*\*) Hipp.

\*\*\*\*) Vid. Alstons Mat. Med. vol. 2. p. 500.

dudum exolevit. Nobis enim bene persuasum est, pleraque, fere omnia vegetabilia multo igni exposita, similia praebe-  
re; ideoque eorum naturam, non per combustionem nec calcinationem, aliave id genus investigare conamur; sed iis menstrua varia affundimus, ut effectus, quos edunt, liqui-  
do et manifeste observentur.

Idem de animalibus non sine causa dici queat. Haec omnia igni objecta, in eadem principia abire videntur: nec est, cur nonnulli putarent, se tali operatione veram invenisse naturam ejus cantharidum partis, in qua earum posita est vis stimulans. Quid in conclusionibus adeo incaute factis sit falsum, ostendere haud difficile; et quanquam partium hujus muscae maxima vi pollentium propria explicare non possumus, hypotheses tamen de hac re oblatas experimentis paucis ac planis refellere conabimur. Nonnulli principium cantharidum efficiens in sale volatile tenui sive oleo essentiali, manere contenderunt: alii et inprimis *Cartheuser*, esse acidum: dum alii omnino diverse sentientes, vim stimulantem alkali attribuerunt: pauci, eas vi mechanica praeditas, per filamenta parva et villosa, super corpora membraque sua eminentia, agere existimarunt. Hoc quidem adeo absurdum, ut vix refutationem mereat. Nemo certe ignoret, cantharides stimulo haud mechanico, sed chemico gaudere. Quomodo, re aliter sese habente, spiritus vinosus earum vim parare posset.

Quod ad opinionem de sale volatili, nobis, si vera esset, certe concludendum, aquam cantharidum solvens chemicum fortissimum fore. At non est: *Neumannus* \*) enim narrat, ipsos hanc opinionem tenentes, ad cantharidum vires eliciendas, non aquam, (quae salem optime solvit) sed spiritum vinosum affundere, quod suae theoriae omnino adversum.

Cantharidi nullum inesse acidum, periculum quod sequitur simplex, eam nempe cum infusu vegetabili miscendi, docet. Syrupo violarum paululo aquae diluto, cantharidum pulverem tenuem ad grana pauca addidi, ac prope simul commiscui. Mistura rite observata, non modo non

\*) Vid. *Neumans Chemistry*. p. 195.

colorem rubrum, sed nullum acidi signum ostendit, et in sententias fere omnino adversas ire coegit. Liquor enim colatus, plane viridis fuit, et ita aliquid salis alkalini adesse notavit. Inde autem dicere, horum insectorum vim stimulantem alkali inesse, non liceat; imo, rem longe aliter sese habere multa demonstrant. Acetum enim et alia acida cantharides semper acriores reddunt; alkali autem neutrum inersque. Ad hanc rem plenius investigandam, complura emplastrula vesicantia ex cantharidum pulvere super emplastrum commune trito formata, variisque liquoribus madefacta, femori meo applicavi: id quod aceto madefactum multo acrius erat, quam caetera. Cantharides quidem si unguento vel emplastro probe fuerint mistae, adeo ut cuti continuae adhaereant, suam operationem absque acido edere possunt. Acetum tamen non solum ad vesicantium vim augendam, verum ad eorum effectus certiores faciendos, ex multa experientia saepe adhibetur. Hinc igitur credamus salem alkalinum, quem his insectis adesse monstrat syrupus violarum, parum abundare; nec ab hoc ullo modo pendere eorum stimulum vel acrimoniam: cujus natura vera forsitan nos semper fallat. Tentamina autem de hac re non contemnenda; quippe quae, per varia et adhuc, jam notis, efficaciora addita, quibus Cantharidum vires augere, temperare, minuere possumus, denique invenire valeant.

Quoniam spiritus vini resinas optime solvit, cantharidumque vires admodum bene eliciat, nonnulli forsitan earum acrimoniam cuidam resinae sui generis inesse putent. Multum vero investigationis, multaque experimenta adhuc sunt peragenda, antequam de hac re certe loqui detur. Et quidem, ut dubitarem, magis adducor, quum auctoris praecleari de his nuper scribentis conclusionem perpendam, qui, multis periculis maxima cura ac labore perfectis, his utitur verbis.

„Dum itaque varia tentamina chemica, igne fortiori vel lenissimo instituta, nil adeo certi demonstrent, ut auctorum dissensus componi possit, locus videtur opinionibus et hypothesebus probabilibus relictus. Ad me vero quod attinet, satius duco, hic nihil determinare, et iudicium meum suspendere, donec chemicorum industria proferantur expe-



rimenta omni exceptione majora, quae naturam horum insectorum adeo intricatam et absconditam demonstrent \*).“

## DE CANTHARIDUM IN CORPUS HUMANUM EFFECTIBUS.

Quantumcumque de cantharidum parte partibusve, quibus earum adsunt vires, disputatum sit, hoc certe nemo negabit, acrimoniam quam maximam iis inesse, qua ubicunque applicatae, irritant, incendunt, exulcerantque. Sive externe, sive interne adhibitae, renes praecipue afficere videntur. Interne et copia laud ita magna acceptae, symptomata saevissima, et quidem lethalia excitant. Primo meatus urinarios, partesque vicinas, dolore, inflammatione, ulceratione occupant; totum corpus cito laborat; torret sitis ora; pyrexia invadit; aeger delirio, furore, ac ipsa demum morte corripitur. Cuivis externae parti admotae stimulum suum ostendunt, cutim inflammant, et cuticulam in vesiculas liquore tenui oppletas elevant; ad hoc, renes et vesicam adeo afficiunt, ut stranguria vel urinae suppressio gravi cum dolore sequantur.

Ad haec explicanda phaenomena non omnes idem putarunt medici. Alii ea ad consensum partem inter vesicatam, ac organa urinaria referri volunt: alii autem, quod verisimilius, ac, ni fallor, plurimis creditum, ad hujus muscae particulas tenuiores acrioresque, quae per vasa lymphatica transmissae, et cum toto sanguine mixtae, ad renes maximae collectae esse videntur, et mala jam dicta afferunt. In hanc quam illam sententiam ire malo; eadem enim observantur signa, et ubi cantharides, vel per se, vel liquore solutae in ventriculum acceptae, et ubi epispastica, ex his praecipue composita, externe admotae fuerunt. Contra autem, ubi quaevis alia epispastica cuicunque parti applicata sunt, nil tale sequitur, quod vel minimam probabilitatem hypothese de partium consensu daret. Dum enim aeger stranguria ex cantharide laboret, atque partes vesicatae cum aqua tepida et lacte foveantur, si aliquid sequatur auxilii, hoc non relaxationi ad partem incipienti, et per consensum (ut putatur) renes vesicamque attingenti, tribuendum;

\*) Forsten, *analys. chem. Canth.* p. 55.

sed magis quarundam muscae particularum, quae cuti adhaerent, ablutioni, et quae diutius adhaerentes, dolorem magis saevire, et morbum longius permanere facerent. Ad hoc, ablutio sola auxilium parvum et tardum praebet, nisi potus tenuis magna copia simul subministraretur.

Cantharides vi sanguinis attenuandi, et usque dissolvendi, ejusdemque putredinem augendi, esse praeditas creditum fuit. Idcirco earum in febribus, praecipue in specie putrida, applicatio, sub forma epispastici, (cujus exinde usus adeo feliciter evenit) per longum omissa erat. Experimenta autem Doctorum *Percival*, *Pringle*, et aliorum monstrant, hoc omnino falsum, atque nullam cantharidum cum sanguine misturam chemicam fieri posse. Alii vero ruborem, inflammationem et dolorem, quae semper vesicatorium parti applicatum comitantur videntes, id praecipue per suam vim stimulantem agere, eoque in morbis cum sanguinis impetu aucto noxium, nec nisi cum debilitas valeat, prodesse existimarunt. Quae tamen auctoribus probis optimisque nuper observata, ratiocinationes hujusmodi ineptas esse, ostendunt. Nec quidem mirum est medicos tunc sic errasse. Hi enim ubi talia crederent, corporis humani structuram functionesque parum notas habebant. Vis stimulans qua gaudent vesicatoria omnibus apparet: simul vero satis constat, effectus quos edunt, saepe vix ultra partem vesicatam sentiri; totum igitur corpus, minus quam putatum est, iis affici; denique, non modo vasorum sanguiferorum actionem non esse auctam, sed, in febribus ac inflammationibus, si adhibeantur, pulsus tardiores et debiliores reddunt, aliaque symptomata graviora levant atque tollunt. Non tamen negandum, quin epispastica aliquando symptomata gravissima maximeque timenda, calorem nempe auctum, sitim arentem etc. excitarunt; quod forsan eorum usum minus frequentem effecerit. Haec mala, me iudice, non ex cantharidum vi propria oriuntur, quippe quas, si res ita sese haberent, eosdem semper effectus in omnes aegros, et in singulis omnium morborum gradibus, edere necesse esset; magis vero ex corporis tunc temporis conditione singulari, quod propter suam mobilitatem, a morbo fortasse auctam, facilius epispasticis afficitur; quo et alia stimulantia externa

eadem excitarent signa. Haec igitur incommoda non epispasticis ipsis, sed epispasticis intempestive ac imperite usurpatis, attribuenda: quod omnis medicinam exercens scire debet, ne in talem errorem incidat. In eandem sententiam dicit clariss. Gregorius medicinae theoreticae Edinburgi Professor. „Nonnullis ob singularem corporis constitutionem pene intolerabilia sunt, eosque plurimum et pessime irritant, et calefaciunt, et sitim, et magnum dolorem, et tremores, et demum convulsiones excitant. Plerumque flaccidi, pituitosi, torpidi, quam firmi, sicci, atque mobiles, infantes quam adulti, feminae quam viri, frigidarum quam calidarum regionum incolae, *Vesicatoria* melius patiuntur \*).“

Praeter inflammationem ex cantharidum applicatione externa ortam, nonnulli multum ab humoris effusione, quae earum sequitur usum, pendere existimarunt.

Haec autem evacuatio plerumque parum abundat, nisi unguentum partim ex cantharide compositum, parti vesicatoriae saepe admoveatur. Ubi hoc fit, effectus iis setaceorum vel fonticulorum similes videntur. Quoniam vero medici vesicatoria propter evacuationem eorum usum sequentem raro adhibent, de hac re nil amplius dicturus sum \*\*).

Ab sanguinis quantitate, quam ad partes externas deducunt vesicatoria, aliqua ex parte discimur, quomodo ad sanguinis in partibus internis congestiones tollendas, e. g. quae adsunt apoplexiae, epilepsiae etc. prodesse possint. Hoc autem postea plenius dicendum, ubi de singulis morbis, quibus cantharides esse remedium idoneum docuit experientia, tractatum erit. Earum enim modus operandi, forsitan variet pro aegri morbo, corporis habitu, aliisque rebus, quibus prius explicatis, ille clarius apparebit.

Nunc fortasse operae pretium erit, paucis dicere, quomodo, quae haec insecta sive externe adhibita, aliquando afferunt incommodis obviam ire possumus, vel ea jam instantia levare. Cantharides per se interne praebere haud saepe licet. Tinctura plerumque adhibetur, et ne haec

\*) Consp. Med. theoret. Vol. 2. p. 604.

\*\*) Vid. Gregory, Consp. Med. Theor. Vol. 2. p. 593. et 594.



quidem, nisi remedia mucilaginosa et diluentia simul addantur. Quod ad eorum usum externum; ubi capiti vesicatorio applicato opus est, pridie abradatur capillitium, si hoc morae res finant, ita enim ad leves novaculae incisuras sanandas tempus datur: ubi vero vesicatorium statim applicare necesse est, vulnuscula ne cantharidum actioni pateant, emplastro adhaesivo (super frustra lintea extenso) tegere oportet, quod quidem necessarium, si quando epispastica iis applicentur partibus, quae jam antea scarificatae, quibusque cucurbitulae cruentae impositae erant. Semper, ut stranguriam ac irritationem parum necessariam vitemus, cavendum ne epispasticum nimis longe applicatum relinquatur, ac ne, vesicatorio amoto, partem nudatam statim unguento molli tegere omittatur. Si inflammationem excitare, cuticulamque paululum elevare valeant vesicatoria, plerumque satis erit, haec enim sunt commoda ex illorum usu maxime quaerenda. Porro saepius praestabit partis vesicatae cuticulam elevatam relinquere, donec sua sponte separetur: si enim prius divellatur, quam renovari incipiat, aegro multum irritationis ac doloris efficit. Stranguria quae nonnunquam epispasticam applicatum sequitur, aequae ac si a cantharidum usu interno orta fuisset, per medicamenta diluentia, mucilaginosa levatur; et multis testantibus medicis, probabile fit, camphoram sive interne adhibitam, sive forma pulveris super vesicatoria tritam, aliquid valere, ad cantharidum vires moderandas, et symptomata ante dicta arcenda.

#### DE MORBIS, QUIBUS MEDENDIS CANTHARIDES INTERNE ADHIBITAE, LAUDATAE FUERUNT.

Haec insecta saepius vetustis quam hodiernis medicis interne praebebantur. Eorum vim diureticam praecipue laudarunt Hippocrates et Galenus, qui ea per se adhibere ausi sunt, quanquam mala nonnunquam sequentia illis non celata fuerunt. Haec autem mala magis magisque observata, et non solum a medicis, sed poetis \*) quoque tradita,

\*) Vid. Nicandri Theriacam adnexam Tract. Grevini de venenis Antwerp. 1571. p. 316. Conf. etiam de iis Paulus Aegineta lib. V. Cap. 31.

multos a cantharidibus interne administrandis deterruerunt. Medicinam tamen exercentibus bene notum est, tincturam cantharidum interne, dosibus idoneis, praecipueque cum mucilaginosi, diluentibus, vel aliquando laudano conjunctam, tuto adhiberi posse; talibusque moderatam, morbis quibusdam inveteratis remedium bonum existimari. Hos morbos nunc dicere aggrediar, qui adeo sunt pauci, ut eos in ordines proprios speciesve colligere non necesse sit. Incipiam a morbis cutaneis chronicis, qui et symptomatum varietate, et natura inveterata, saepe nullis ne quidem fortissimis medicamentis vincenda, sunt insignes. Quo nomine appellari debent, saepe non liquet, plerumque autem vel herpes vel lepra vocantur. Mercurii praeparationes variae, vel interne vel externe, vel utroque simul adhibitae cum balneo tepido, remedia fere sunt efficacissima \*). Ubi haec morbum depellere non possint, alia, antimonium nempe multimodis praeparatum, decoctum lignorum, ac tinctura cantharidum laudata sunt.

Hanc tincturam duobus aegris morbo cutaneo diuturno laborantibus, praescriptam vidi, a viro dignissimo ac ingeniosissimo doctore Keir, nosocomii sancti Thomae apud Londinum medico, cujus immatura mors omnibus medicinam literasve colentibus maxime est deplenda. Eorum morbum esse illum saepe lepram graecorum dictum existimavit. Maculae rubrae diversa magnitudine varias corporis partes, praeter faciem, occuparunt, aliquando distinctae, aliquando inter sese conjunctae, crustisque albis squamosis tectae, quae subinde decedentes cito renovatae sunt. Pruritus adfuit, at humoris fluxus nullus. Alteri morbus intra tertiam hebdomadam omnino sanatus fuit; et alter quam cutis affectio non ut a priore penitus sublata, tamen intra dies octo insigniter levatus, nosocomio discessit. Uterque tincturae cantharidum guttas XV. pro dosi ter vel quater in die fumere incipiebat. Haecce dosis gradatim ad guttas LX. vel LXX. singulis aucta est, et uni ad guttas centum usque, sine ullo magno incommodo. Stranguriae levata symptomata, quae supervenerint, per potum mucilaginosum diluentemque subinde praebitum, amota sunt. Non-

\*) Gregory clinical Lectures.

nullis sententia est, cantharides perspirationem augendo hic prodesse. Quantum ita sit nescio, sed ita esse multum dubito: nullam enim perspirationem auctam in exemplis supra dictis sentire non potui, Cantharides per longum laudatae fuerunt, propter vim diureticam. Eas in hydropo curando, et Hippocrates et Galenus adhibere suaferunt; quod etiam quidam nostra aetate medici experti sunt, quanquam satis notum, hoc remedium incaute praebitum, urinam magis inhibere, quam ciere.

Ab iis, quae de hac re cognovi, hoc conficio, quod cantharidum pulveris granum unum cum camphorae granis duobus vel tribus conjunctum, homines aetate adulta tuto sumere possint: nec dubito, quin ex hujusmodi mixturis aliquid auxilii hydropicis nonnunquam afferatur. Doctor Gregory nuperrime hocce remedium duobus hydropo laborantibus praescripsit, et uni ex his ad cantharidum grana tria, cum camphorae granis sex sine incommodo dedit. Urinam alteri plane auxit; alteri autem neque hoc, neque quodvis aliud remedium (et magna copia tentata) vel minimum auxilium ferre visum est.

Quoniam medicamenta diuretica in genere operationem admodum incertam habent, haud parvi est momenti multa parare: dignum enim notatu est, quod saepe post complura frustra tentata, unum quanquam plerumque vi minore gaudens, ad spem eveniet. Quapropter ubi alius et mitioribus diureticis infelicititer usi sumus, cantharides forsitan saepius tentari debent.

Cum cantharides meatus urinarios praecipue afficiant, non mirandum, cur a medicis ad multos harum corporis partium et vicinarum morbos graves amovendos adhibitae sint. Quidam medicorum Londinensium, praesertim autem Doct. *Brisbane*, tincturam cantharidum in diabete curando praescripserunt ac laudarunt. Idem ut ischuriae remedium datum; atque Groenveld medicus Londinensis, qui olim de hac re scripsit, id non solum huic morbo auxilium, sed camphora temperatum, medicamentum tutum egregiumque praestitit dysuriis, stranguriae, vesicae ulceribus etc. Remedium tamen tantis viribus praeditum, in his diversis morbis sine discrimine datum, satis constat pericu-



lofissimum fore. Nam ischuriae aliquando a vesicae inflammatione pendent, vel simul invadunt; at nemo certe hic cantharides praebendas esse, unquam sibi in animum induceret. In caeteris morbis nunc dictis, hocce remedium, ut credo, inflammationem ac irritationem magis augeret, quam minueret. Ea infecta, me iudice, his morbis sunt remedium idoneum, optimumque eventum promittunt, quibus adsunt *relaxatio*, vel *torpor*, vel *paralyfis*, unum aut plura organa urinaria occupantia. Ita urinae suppressio, a vesicae ipsius paralyfi, incontinentia, ab ejus sphincteris paralyfi oriri possunt. In utroque morbo cantharides nec non balsama, terebinthinasque (quae saepe dantur, et praecipue easdem partes afficiunt) feliciter praebere possumus. Tincturam cantharidum a Doct. Gregory, nosocomii Edinensis medico clinico, aegro urinae incontinentia, simul et membrorum inferiorum paralyfi laboranti praescriptam, et prodesse vidi.

In gonorrhoeis inveteratis hoc remedium propter stimulum quo urethram afficere posset, juvare suspicarer; quod quidem in quibusdam exemplis, ubi tinctura rite adhibita, est repertum.

Propter uteri, vaginae, ac vesicae urinariae vicinitatem, expectandum est cantharides, ad amenorrhoeam et leucorrhoeam levandam, valere. Has igitur in illis morbis praescribere certe liceret. Quantum autem prodesse, nunquam mihi observandi occasio data est.

Morbis spasmodicis tribus cantharis adhibita est, epilepsiae nempe, rabiei caninae et pertussi; de quibus et praecipue de pertussi, pauca dicere in animo est. Quae pro horum morborum remediis singularibus, et nuper, et olim immerito celebrata fuerunt, nos forsan faciant, ut illud etiam, de quo nunc agitur, parvi pendamus. Nam ii morbi, sanatu tam difficiles quam antea, manent; nec ulla epilepsiae aut hydrophobiae adhuc reperta est methodus medendi tuta ac prospera: pluribus enim periculis opus est, prius quam cantharidi multum attribuamus. Hanc tamen in tussi convulsiva usurpare suaferunt Doct. Burton et prae-

cipue Doct. *Letfom* Med. Lond. \*): Ille pulverem cantharidum una cum camphora et extracto corticis peruviani dedit, hic anteposit misturam ex tinctura cantharidum, tinctura corticis peruviani et elixir paregorico ita praebitam, ut levem stranguriam excitet. Ex hac mistura asserit felicissimum sequi successum, ubi cicuta, venaesectio, emetica, cortex peruvianus, opium frustra tentata fuissent. Longe aliter Doct. *Cullen*, qui de materia medica tractans, dicit, Doctorem *Burton*, causa cantharidum acrimoniam moderandi, corticem et camphoram addidisse: se tamen existimare vires hujus misturae ex cortice solummodo pendere, ideoque corticem sine additamento adhibuisse, omniaque totius misturae commoda parasse absque ejus incommodis, quibus medici misturam praescribentes aegros obnoxios fecerunt \*\*).

Vis cantharidum aphrodisiaca diu notata est, multique ex his interne sumptis per aliquod tempus ad libidinem stimulati fuerunt. Ambigitur tamen an ita facere unquam liceat. Illis enim solis qui immoderate ac intemperate vivere assueti, vel quorum aetas jam annis confecta est, vires ad res venereas deficiunt; his autem ex tali remedio, nullo stabili ac fixo permanente bono, ea infecta, tanquam stimulum hujusmodi a medicis nunquam adhibenda, non putare non possum. Verum enimvero multa traduntur exempla, fide haud incerta, quibus ex his horridis sceleratisque libidinis excitandae conatibus, mala saevissima ac mors ipsa profecta sunt. Quae tamen omnia totum corpus certo robore firman, e. g. cibus salutaris, aer, exercitatio, remedia tonica, ea aphrodisiaca optima evadunt.

\*) See Medical memoirs of the general Dispensary in London for. 1773 et 1774.

\*\*) Mirum fortasse videatur, me auctorum adeo illustrium tam diversas sententias narrasse, ac simul nihil novum propriumve protulisse. Hanc quidem discrepantiam explicare nequeo, qui raro vel hoc vel illud remedium praescriptum vidi. Haec autem eo potissimum notavi ut omnis artem medicam exercens ipse, prout experientia excogitatioque monstraverint, de utroque remedio judicet.

DE MORBIS QUIBUS EPISPASTICA PRAECIPUE  
SUNT NECESSARIA.

Quantum epispastica proficere possunt in multis morbis, quodque mirum est, in morbis plane inter sese diversis, satis ostendit et confirmavit experientia. Hoc, ut spero, quodammodo explicare potest: sed quanquam id non attingamus, non ideo epispastica sunt contemnenda; remedium enim utile ac bonum eo rejicere, quod illius modum operandi intelligere nequeamus, prorsus iniquum atque absurdum foret. Nonnulli omnes vesicantium effectus, vel ad vim stimulantem, vel evacuantem, vel antispasmodicam referre voluerunt; atque ex his pendendis, ea in propriis morbis exhibuerunt, eorumque actionem explicarunt. Hi autem effectus incerti videntur, nec satisfaciunt. Nam ut supra dictum liquor per vesicatoria effusus minime abundat; et auxilium allatum saepe effusio admodum parca fuerat, ut in multis inflammationibus internis, de quibus in suo loco plenius dicendum.

Imprimis, quaedam de epispasticorum in febribus usu scripturus sum. In febribus continuis maxime usurpantur vesicatoria; aliquando etiam in intermittentibus; exempla-que illarum quibus hoc remedium proficit, ubi his esset utile, docent. Plerique medicorum inter se conveniunt, affectiones locales cerebri praesertim, aut pulmonum, quae febres comitantur, saepe insigniter sublevari per vesicatoria partibus vicinis applicata. Inde delirio ac stupore in typho prementibus, epispastica fere semper necessaria sunt, ideoque aliquando capiti, aliquando cervici, admoveantur. Huic autem admota eandem utilitatem paucioraque incommoda habent. Eorum operationis si ratio danda sit, nobis ex eodem principio pendere videtur, quod adest in phlegmatis, mox tractandis. Praeterea omni laesione locali praetermissa, multi clari medici epispastica brachiis cruribusve applicata laudarunt, in febribus ubi aegri summa debilitate laborarent, quippe quae, ut putarunt, pulsus arteriarum firmiores faciunt, et una cum aliis remediis stimulantibus, ad corporis vires incitandas, ac sustentandas, haud parum conferunt. Nec negandum est, quin haec saepe miris



modis perficere valeant; quanquam ut supra notatum, cantharidum stimulus raro totum corpus multum afficit, magis vero parti cui admotus continetur. Horum quae sequitur explicatio, nobis maxime probabilis videtur. Ubi debilitas plurimum grassatur, sanguinis circuitus, ad partes extremas praecipue, languidus fit: his autem, stimulo locali admotus, sanguis majore velocitate transmittitur, quod magis efficitur, si vinum aliaque remedia stimulantia ac tonica simul interne adhibeantur, quae vim cordis et arteriarum sanguinem ad extremas propellentem augent. Ad hoc, vesicantia in his morbis stimulo locali potius quam generali gaudere, ex hoc constat, quod ulli corporis ipsius parti, non adeo ut carpis talisve imposita proficiant; dummodo consilium non sit, morbum cujusdam partis localem sublevare; quod si ita fieret, vesicatorium parti affectae quam proxime imponere semper necesse est. Hoc esse vero consentaneum, ipse qui exempla vidi testari possum. Sed eo magis adducor, ut credam, sciens idem probasse experientiam viri inter medicos clariss. Doctoris Gul. *Saunders* apud Londinum, qui in suis de medicinae praxi praelectionibus hanc rem praecipue notavit.

Quamvis vesicantia, in febribus genere typhode ac nervosis dictis, a multis claro nomine medicis, celebrata fuerunt; alii tamen ea saepe nocere sibi compertum affirmant: nec dubitandum, quin vesicatoria sine discrimine usurpare, vel quod absurdum est, complura simul imponere, incommoda aliquando attulerit, eaque immerito neglecta fecerit. Doctores *Gilchrist* \*), *Gregory* \*\*), *Percival* \*\*\*), mala a vesicantibus in febre adhibitis orta observarunt. *Baglivius* etiam definite de hac re loquitur, „delirantes ab usu vesicantium plures mortuos vidi, quam sanatos \*\*\*\*).“

\*) Vid. *Etin. med. essays* Vol. 4. p. 298.

\*\*) *Praelect. clin.*

\*\*\*). *Med. et exp. essays*, Vol. I. p. 187.

\*\*\*\*) Vid. *Dissert. de vesicantium usu et abusu*. Op. Om. p. 456.

Hi auctores quidem spectatissimi sunt; nobis autem videtur, vesicatorii incommoda esse pauca ac rara, prae magnis bonis ex eo rite adhibito paratis, quod praecipue confirmavit experientia longe lateque patens Doct. Lind \*), qui hocce remedium in suis scriptis saepe summis laudibus effert \*\*).

Sub initio febrium inflammationis signis stipatarum epispastica parum necessaria, vel etiam noxia plerumque putantur, nisi una pars inflammatione praecipue afficiatur. In febribus maxime malignis, (putridis dictis) quidam medici, ne epispastica gangraenam inducerent, timuerunt; quod quidem nonnunquam evenit, et in febribus hujusmodi, et in cynanche maligna, ubi ad ultimum gradum processerint; at per primos utriusque morbi dies, vesicantia applicata saepe multum profuerunt. Chirurgus qui bello ad Indiam occidentalem proxime gesto, multos aegros febre maligna laborantes curavit, me certiore fecit, vesicatorium magnum regioni epigastricae admotum, insigniter valere, ad vomitum violentum compescendum, qui cum inflammatione erysipelatoza ventriculi atque intestinorum simul conjunctus fuit.

\*) Vid. Lind on Fevers and infection; passim.

\*\*) Attamen Doct. *Gilchrist* epispastica in febribus non omnino prohibere voluit, tempus quo, parresque quibus saepe applicantur, tantum reprehendit. Ad eorum incommoda vitanda, ita praecipit. „Upon the first appearance of the head being affected, as when the urine turns pale, when they sigh, and have great Anxiety, are deaf, or the eyes sparkle or look staring.“ tunc toti capiti epispasticum imponere suadet, quod optimos edidisse effectus dicit. Vid. *Edin. Med. essays*. Vol. 4. p. 299.

Hic nobis addere liceat aliquid dignum notatu, quod narrat Doct. Whytt (viz) ubi inter delirium in multis febribus premeus, non membranae cerebri, sed cerebro ipso, vesicatoria nil opitulari; semperque se cerebrum ipsum affici suspicari, ubi delirium nullo capitis dolore, vel oculorum rubore praecedentibus, supervenerit. Vid. *Philos. Transac.* Vol. L. P. 2. p. 578

## DEINCEPS DE VESICANTIUM UTILITATE IN VARIIS INFLAMMATIONIBUS DICERE AGGREDIAR.

Morbi in hoc ordine positi adeo abundant, ut eos singulatim recensere, me iudice, non necesse sit; omnibus enim bene noti sunt. Illi maximi momenti quique hujus remediî utilitatem in caeteris phlegmasiis satis monstrabunt, sunt Pleuritis ac Peripneumonia. De vesicantibus in his morbis adhibitis olim dubitarunt medici, cogitantes ea propter suum stimulum morbum augere; pleraque enim stimulantia in Inflammationibus hujusmodi esse noxia notum fuit. Haec autem mera opinio: experientia enim omnes sese doceri cupientes, jam satis docuit, hocce remedium non solum tutum esse, sed inter efficacissima, quae materia medica prae se fert. Illud dixit *Huxham*, de *Haen*, *Pringle*, aliique multi: nee multos nostra aetate auctores scio, qui idem non sentiunt. Quibus sententia diversa adhuc manet, qui experientiam omnino contemnunt, quique suis opinionibus ac hypothesebus toti sunt dediti, eos tantum rogo, ut hujus remediî in his morbis periculum aequum facerent, quamprimum illis occasio oblata erit.

Doct. *Whytt*, qui ad vesicantia animum diligenter advertit, multaque de eorum effectibus in lucem prodidit, ea non solum pulsuum vim et crebritatem non augere, sed saepe etiam minuere invenit \*); quod efficere visa sunt, inflammationem partis internae compescendo. Nam ut jam dudum repertum est, „duobus doloribus simul obortis, non in eodem loco, vehementior obscurat alterum \*\*).“ Sic forsan epispasticum euti in phlegmasiis quam proximae parti affectae impositum, ad inflammationem minuendam multum conferat. Inflammatio interna, quae hos morbos facit, partes membranaceas occupat, quas physiologi omnes majore sentiendi facultate praeditas sciunt, ac inflammatas multi doloris esse causam. Hae etiam, hae membranae adeo organae vitae omnino necessariis conjunguntur, ut totum cor-

\*) *Whytt's Works*, p. 242.

\*\*) *Hippoc. lib. 2. Aphor. 46.*



pus cito laboret, sanguinis impetus augere, symptomata febrilia saevire incipiant. Ubi vero inflammatio externa excitetur, sanguinis quantitas major ad partem cui vesicatorium admotum transmittitur; vasorum distensio actioque nimia in parte maxime laborante minuuntur; ideoque affectio totius corporis sublevatur: „for as there seems to be only a certain degree of nervous Energy exerted in the body at one time; the increase of its action in one part will necessarily diminish it in another \*).“ Inde intelligi potest quomodo vesicatoria sanguinis impetui, ac pulsuum crebritati moderentur. Ita optime explicantur vesicantium operandi modus utilitasque, in omni inflammationis specie. Commoda enim epispasticorum nobis oriri videntur, non a liquore effuso, qui (si solus respiciatur) adeo est parcus, ut pro nihilo habendus sit; sed ab inflammatione ac dolore magis externe quam interne saevientibus, atque a magna sanguinis copia, ex parte interna inflammata derivata, quo auxilium datur, tanquam a sanguinis detractioe locali.

Auctor tamen ille celeberrimus nunc citatus (Doct. *Whytt*) vesicantia his morbis sub initio usurpare non vult \*\*). Idem sentit auctor maxime spectandus Doct. *Cullen*, qui ea non imponere suadet, nisi prius sanguis, quam liberrime liceat, missus fuerat; si enim, inquit, citius applicantur, sua irritatione faciunt, quo minus sanguinis detractio iterata proficiat \*\*\*). Attamen celeb. *Pringle* multum in hac re versatus, morari vetat; dicens, se in exemplis, ubi morbus plurimum urgebat, epispastica imposuisse, antequam sanguis vel semel emissus fuerit; credereque satis fore si sanguis mitteretur, priusquam cantharides stimulare caeperint; atque epispastica plerumque citius certiusve opitulari, ubi statim post primam sanguinis missionem admota sint \*\*\*\*). In eandem sententiam iverunt et multi alii, praecipue au-

\*) Percival Med. and exper. essays Vol. I. p. 204. n. a.

\*\*) *Whytts Works*. p. 720.

\*\*\*) *Vid.* first Lines Vol. I. p. 340.

\*\*\*\*) *Diseases of the army* p. 141.

tem Doct. *Gregory*, qui in praelectionibus clinicis affirmat, epispasticum morbi principio adhibitum, ut sanguinem iterum detrahare non necesse sit, facere. Idem etiam, in conspectu medicinae theoreticae, illa, tanquam remedium morbis hujusmodi idoneum, multum commendat, ubi dicit, „et prae omnibus in variis inflammationibus, quarum fere omnibus vesicatoria partibus affectis quam proxime imposita insigniter opitulatur; quod profecto inter certissima et utilissima hujus seculi reperta non immerito recenseri potest \*).“ In omnibus inflammationibus internis, praeter eas, quae renes et vesicam urinariam occupant, epispastica utilissime adjuvant. Cur hi morbi excipiuntur, satis constat. Nam cantharides absorptae, proprium stimulum in meatus urinarios ostendunt, ac plane noxae sunt; ideoque rebus ita sese habentibus a medicis plerumque prohibentur. Earum vice sinapismi et rubefacientia alia sunt laudata; et vesicatorium in his morbis, si unquam utamur, ubi primum aliquid inflammationis levis excitaret, amovere oportet: camphora ante ejus applicationem rite addita, atque medicamentis mucilaginosi diluentibus simul adhibitis.

#### DE VESICANTIUM USU IN EXANTHEMATIS.

Duo tantum notabo, rubeolas nempe et variolas. In rubeolis ubi symptomata catarrhum referentia admodum ingravescant, vesicantia usui sunt; eadem de causa qua in pleuritide ac peripneumonia juvant. Cum macularum eruptio subito evanuerit, ac simul partes internae multum laborarent, remedium haud parvi momenti aliquando repertum est.

In variolarum quibusdam gradibus, epispasticorum commoda pariter sunt nota. *Huxham* eorum utilitatem in multis exemplis expertus, ea bene commendat. Praecipue necessaria sunt, ubi caput multum laborat, ubi respiratio difficilis est, (quo tempore capiti, cervici, aut pectori optime applicantur) ubi debilitas totum corpus invadit, pustulis depressis, maximeque, ubi manus et pedes non op-

\*) *Consp. Med. theor.* Vol. 2. p. 596.

portune tument, quod merito malum putatur. Utcunque enim explicandum sit, satis notum, membrorum tumorem ac inflammationem fere semper indicare, partes internas bene sese habere. Tunefactio mihi videtur, quasi vis vitae index. Si enim debilitas multum urgeat, harum partium tumor et inflammatio plerumque deficiunt. Unde colligere fas est, vesicatoria carpis admota, hic similiter opitulari, ac in typho, antea notavimus. Epispastica enim manibus pedibusve imponendo, id quod natura afferente, salutare est, efficere conamur; et hoc insigniter proficere, observationes Huxham, Hillary, et aliorum demonstrant. Aliquid simile in podagra evenit, morbo forsan rectius inter phlegmasias ponendo, cuius tamen in hoc loco mentionem faciam, quod huius remedii utilitatem magis illustrat, ejusque operandi modum in utroque morbo clarius explicat. In podagra pes inflammatus, mala partes internas occupantia sublevat; si vero pedis inflammatio quovis casu abacta sit, symptomata maxime timenda superveniunt, quae partem per vesicatorium, vel sinapismos irritando optime tolluntur.

Quanquam vesicantium in variolis usus, ex magnis auctoribus pendeat, quidam eorum applicationem vetarunt, duabus de causis. Inprimis, dicunt, cutem satis irritationis ab pustulis frequentibus pati; magis per vesicatoria irritare, inhumanum fore. At si experientia eorum commoda confirmaverit, argumentum hujusmodi pro nihilo habendum sit. Deinde, ne gangraenam variolis confluentibus inducerent epispastica, timuerunt. Hoc quidem in quibusdam exemplis ubi corpus maxime in putredinem est proclive, cavendum. Quoniam vero haecce in putredinem proclivitas raro adsit, aut parum valeat, quoniam epispastica aegris quam plurimis proficere, raro vel nunquam nocere repertum fuit, ea igitur non rejicienda, nobis sententia stat.

### IN HAEMORRAGIIS.

De epispasticorum in his morbis usu, nihil ex propria experientia proferre possum. Nonnunquam feliciter adhi-



bita sunt, ubi morbus fere lethalis fuisset. In haemorrhagiis commendat Clariss. Cullen, qui ea per vim antispasmodicam agere existimat.\*). Quatenus haec ita sese habeant, dijudicare non possum; mihi autem videtur hujus remedii operandi modum, et in his et in multis aliis morbis obscuritate involutum latere. Phthisi Pulmonali incipienti saepe profuerunt, ac, ni fallor, inter remedia ad morbum tam perniciosum praecavendum idonea jure sunt ponenda; ubi nempe causae praedisponentes et catarrhus a frigore leviter, sed saepe invadens, morbum instare docent.

### IN PROFLUVIIS.

Contra catarrhum ac dysenteriam nonnunquam opitulantur vesicantia. In societatis regiae actis philosophicis Doct. Whytt \*\*) quaedam exempla narravit, quae eorum utilitatem praecipue in catarrho inveterato, satis monstrant.

### IN CLASSE MORBORUM QUAE NEUROSES VOCATUR.

Morbi sub hac classe sunt plurimi. Aliis praetermissis hos tantum magni momenti, ac contra quos vesicatoria maxime adjuvarunt, nunc dicam. Horum primis est paralytis sive generalis sive localis. At vesicatorii utilitas in paralyti locali manifestius apparet. Nonnulla traduntur exempla in observationibus medicis Londinensibus, ubi epispastica super os sacrum imposita, vesicae urinariae ac membrorum inferiorum paralytin felicissime sanarunt. Ibi nobis suadent, ut in his morbis vesicatorium quam proxime nervis, qui ad partes affectas ducunt, imponamus. Ita enim impositum prodesse multum, minime autem cruribus ipsis admotum, satis confirmavit experientia. Historiam adolescentulae febre gravissima aegrae, narrat Cl. Dr. *Percival*, quae sub morbi finem multis signis paralyticis, epilepticis, aliisque id genus correpta fuit. Haec

\*) Vid. first lines Vol. 2. p. 314.

\*\*) Vid. Vol. 50. p. 2. P

per remedia idonea sublata sunt. Posthac omnino caeca facta est, sine ulla evidente causa, ac sine vel minimo oculorum dolore. Sagax ille medicus, oculis diligenter observatis, morbum esse guttam serenam, ab retinae paralyfi originem ducentem, suspicatus est. Quamobrem aegrae frontem subinde linimento volatili forti ex Ol. Olivarum et Sp. C. C. cum calce viva partibus aequalibus composito, fricari iussit, et aliquid ejusdem unguenti parti semper admoveri. His remediis visendi facultatem aliqua ex parte recuperavit, quae tamen non permanfit. Inde linimentum non satis stimulare existimans, ille vesicatorium fronti admovendum suavit, cujus irritationem ubi primum aegra sensit, res quasi per nebulam videre potuit, et magis magisque dum remedium suos ederet effectus, acies reddebatur, et postea incolumis mansit. \*)

In apoplexia aliquando usurpantur epispastica, tardius autem agunt, quam ut multum auxilii afferrent, nisi forsitan in levioribus morbi gradibus, quos Doct. *Cullen* in sua nosologia, carum, lethargum etc. nominavit. In hemiplegia, apoplexiam sequente, vesicantia capiti vel nuchae cum bono fructu imponuntur. Nec fortasse inutile foret, epispastica in apoplexia ipsa adhibere, una cum caeteris remediis plerumque in hoc morbo usitatis.

Morbis, qui a debilitate aut motu imminuto in functionibus vitalibus, seu naturalibus pendent, vesicantia non conveniunt: nec saepe in functionum animalium morbis spasmodicis tentantur. Parum utilia in asthma spasmodico vero existimat Doct. *Cullen*, quanquam et *Hoffman* et *Whytt* ea multum contra hunc morbum valere invenerunt. Multis dyspnoea laborantibus vesicantia plurimum proficere (etsi causa saepe fallat) satis certum est.

Vesicantia, ut antispasmodica, contra morbos, qui a partibus, intestinorum spasmodice contractis pendent, e. g. colicum, propter connexionem et consensum intestina inter corporisque tegmina, saepe usurpantur.

\*) *Essays Med. et exp.* Vol. I. p. 210

In motibus convulsivis abnormibus musculos cujusdam partis invadentibus, vesicatorium remedium praestantissimum est, testante Doct. *Wytt*; qui aegrum musculorum abdominalium motibus alternis laborantem, epispasticum abdomini imponendo, sanavit. Idem emplastrum vesicans parti affecta admoveere suadet, ubi primum manifestum erit, epilepsiae paroxysmos ab aura epileptica oriri, quo in casu omnium efficacissimum ducit. \*)

In hysteria ad hoc vel illud symptoma levandum conferunt; aut ad paroxysmum arcendum aegrarum animos a quibusdam rebus (quae antea inducere solitae sunt) avertendo; nullo modo autem per se ad curationem perficiendam valeant.

In morbis intellectum afficientibus, e. g. mania, praecipue si recentes sint, saepe utilissima sunt: et hic proficere videntur, partium subjacentium irritabilem naturam tollendo.

Quidam morbi inter *Cachexias* positi haud raro per vesicatoria sublevati sunt. Contra tympanitem, (morbum infrequentem) ea laudat *Percival* ex Auctoritate Doct. *Mead*. In anasarca cruribus aliisque partibus tumentibus, bono successu saepe usurpantur; quippe quae humori effuso exitum vel viam qua effluat, praebeant. At cavendum est, ne eorum in his casibus applicationem excipiat gangraena, quod nonnunquam evenit.

Multi quidem alii sunt morbi, quibus magnopere proferunt vesicatoria; dolores nempe inveterati in variis corporis partibus, et complures locales. Exempli sunt dolores capitis per longum vexantes; dolores rheumatismi chronici, variae molestiae artus occupantes, quae a tabe venerea, seu scrophulosa originem ducunt \*\*). Tumores scirrhusi colli aliarumve partium glandes obsidentes curatu difficillimi. Ubi hi tumores adsunt, vesicantia quam proxime secundum cursum vasorum lymphaticorum, quae ad glandulas ducunt, imponere debemus, „the finer parts of the

\*) *Wytt's Works* p. 687.

\*\*) Epispastica tumoribus spinæ adhiberi suadet Cl. *Monro* vid. *Prael. anat.*



cantharides being absorbed by the lymphatics, are carried immediately to the obstructed glands, and by their stimulus tend to disperse those indolent Swellings \*).

De his omnibus copiose loqui, et rem tanti momenti ac magnitudinis tam accurate quam aequum est dicere, nec vires ingenii, nec breve temporis spatium sinunt. Spero tamen me morbos gravissimos saepiusque occurrentes selegisse ac notasse. Denique si hoc tentamen ad medicamenti in materia medica locum excelsum tenentis naturam veram utilitatemque investigandam alios minime docuerit; hoc saltem mihi laboris oblectamento et solatio erit, me inter hanc rem indagandam complura perutilia didicisse.

\*) Percival's Essays Med. et exp. Vol. I. p. 193.

III.

DR. FERDINANDI DEJEAN

DISSERTATIO CHEMICA,

QUA EXPONITUR

HISTORIA, ANALYSIS CHEMICA,  
ORIGO, ET USUS OECONOMI-  
CUS SODAE HISPANICAE.

LUGDUNI BATAVORUM,

1 7 7 3.

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637



## DISSERTATIO CHÉMICO-OECONOMICO-PRACTICA,

QUA EXPONITUR

HISTORIA, ANALYSIS CHÉMICA, ORIGO  
ET USUS OECONOMICUS SODAE  
HISPANICAE.

## CAPUT PRIMUM.

## HISTORIA SODAE HISPANICAE.

## §. I.

*Cineres* combustionem et calcinationem *plantarum falsarum* variarum, in locis maritimis vel falsis sponte vel cultura provenientium, acquisiti, sive sint pulverulenti, sive in massis durioribus compacti, ex quibus certis encheiresibus elicitur species *salis alcalini fixi*, quod ob peculiare ipsius dotes *crystallinum, fossile, nativum*, vel *siccum* appellatum fuit, nomine generico *sodae* insignitur.

## §. II.

Soda, qua prae caeteris utimur, in littoribus Hispaniae orientalibus praecipue conficitur et ad nos deferitur, unde plerumque *soda Hispanica* per excellentiam audit. Nec tamen Hispania harum plantarum falsarum sola serax est, ut non in aliis regionibus quoque ut indigenae reperiantur, nam et in *Sicilia et Languedocia et Normannia*, Galliae provinciis crescunt, ex iisque simili, qua in Hispania, methodo conficitur soda: sic olim ex *Aegypto et Syria* haec merx in Europam sub nomine *Rochetta Levantica* adferebatur, et adhuc nomine *Cinereum Syriacorum* ad praesens venit.

## §. III.

Soda ergo ortum ducit ex *plantis falsis* varii generis, quae prope littus maris, praesertim regionum calidiorum, ut et circa lacus quosdam sale impraegnatos, nec non juxta salinas sponte crescunt: in nonnullis tamen regionibus, ut

ampliores messes colligant, hisce vegetabilibus multiplicandis cultura student indigenae.

#### §. IV.

Multifariae quamquam sint plantarum falsarum species, illas tamen ad quinque subsequencia genera commode referri posse arbitror; sunt autem herba *kali*, *salsola*, *salicornia*, *mesembrianthemum*, *fuci* et *algae*.

#### §. V.

In *Hispania* sodam ex diversis *kali* speciebus comburendo acquirunt; at in *Murciae* et *Granatae* regnis, Regi Hispaniae subditis, prae caeteris *kali Hispanicum*, *sedi foliis brevibus*, culturae subjiciunt. In *Languedocia* e satis seminibus *salicorniae annuae* sibi copiam sodae faciunt. In *Normannia* ad eundem scopum colligunt incolae plantas quas cumque a mari in littus projectas, ut et illas, quas mari recedente ex scopulis nudis relictis excerpunt; has plantas, quas ad *fucos* et *algas* pertinere crediderim, incolae nomine *Vareh*, *Varec* vel *Goemon* insigniunt. In paucis *Angliae* littoribus incolae ex iisdem, quibus Normanni, plantis suam sodam sub nomine *Kelp* praeparant.

#### §. VI.

Ex diversorum auctorum alto silentio nil certi statui posse mihi videtur circa plantas, quibus *Siculi* ad suam conficiendam sodam utuntur: ex similitudine tamen, quam licuit anno praeterito in Gallia explorare, istius sodae cum Hispanica, pronus sum ut hujus Siculae sodae ortum adscribam herbae *Kali*.

#### §. VII.

Reliquit nobis in Hist. Natur. Aegypt. PROSPER ALPINUS tres plantarum icones, quae ab Egyptiis *Kellu* dicebantur; ex hisce plantis ad usus artis tum saponariae tum vitriariae confecisse cineres perhibet; primae harum plantarum speciei *Kali geniculati* nomen, secundae *Kali albi*, tertiae denique *Kali Egyptiaci* nomen tribuit. Sedulo examnanti autem apparebit primam esse verae herbae *Kali* spe-

ciem; Clar. LINNAEUS secundam speciem pro *mesembrianthemo nodifloro* habet; dubius tamen haerere videtur perspicacissimus in Botanicis vir ad quam classiem tertia Alpini species adscribi debeat; nam nunc ad plantagineas, nunc ad mesembrianthema refert; in primo casu erit *plantago Indica*, in secundo *mesembrianthemum Copticum*.

## §. VIII.

Auctorum nullus, quod sciam, recensuit plantas, ex quibus in Syria cineres acquiruntur, sed Parisiis degens ex AMICO, VIRO NOBILISSIMO et in botanicis aequae ac aliis scientiis versatissimo, relatum accepi, quod, dum ante aliquot annos sat magnam cinerum Syriacorum quantitatem sibi comparaverit, his cineribus admixtus esset insignis ramorum plantae lignosae unius speciei numerus, cumque diversi ramuli adhuc floribus suis instructi erant, facile ipsi fuerit hanc plantam pro *mesembrianthemo* salutare.

## §. IX.

Nec tamen, ut jam vidimus, in quibuslibet regionibus contenti sunt incolae plantis salinis ad littus maris sponte crescentibus, sed ut sodae mercaturam extendant et inde lucrum petant, in agris frumentariis mari vicinis semina *kali* terrae committunt, quod praecipue in confiniis urbis *Alicante* (*Alicante*) fieri solet; nec nocent tritico haec plantae, cum versus aestatis finem propullulare tantummodo incipiant, nec plenam maturitatem adipiscantur nisi circa autumnum. Similis fere methodus in usu est in Languedocia, et forte in reliquis regionibus, ubi haec cultura locum habet.

## §. X.

Maturas hasce plantas, sive sponte sive cultura acquisite, in areas huic negotio destinatas sternunt, si anni tempestas humidior est; sed caelo sereno sub dio expandunt, ut calore solis exsiccantur; fructus sponte decedentes legunt in futuros usus. Plantae exsiccatae in horreis conservantur, et quando ipsis sat magna harum copia est, ad has combustiones sese accingunt.



## §. XI.

*Combustio* ac *calcinatio* ubique locorum fere iisdem encheiresibus perficitur: foveis nimirum in terra plus minus amplis ac profundis excavatis, quas *furnos* vocant, bifariam hos furnos interposita ferrea craticula dividunt in partem inferiorem sive cinerarium, et in superiorem, in quam herbas siccatas immittunt, et stramine accenso in cinerarium immisso siccatae plantae flammam capiunt, quam adjectis aliis atque aliis plantis continuo alunt; cineres interim per craticulam in inferiorem furni partem, qua data porta, decedentes sese accumulunt; cinerum sic continuo depluentium calor conservatur,isque adeo incrementum, ut sufficiens sit materierum salinarum liquefactioni promovendae; tandem consumtis sic per flammam omnibus plantis, superaddunt ignem suppressorium, quo torquentur cineres, et accedente deum sensim sensimque frigore concresecunt in glebas terreo-salinas coloris glauci, duritiae rupeas, ut malleorum ictibus repetitis diffringi ab opificibus debeant.

## §. XII.

Ex iis, quae §. VIII. dixi, conjecturari licet, in *Syria* simpliciter in aperto aëre comburi hasce plantas fere eodem modo, ac nos utimur, dum ex concrematione plantarum sales fixos obtinere animus est. Hujus conjecturae ratio haec est, quod haec soda nunquam, uti mihi relatum est, in *glebis* conspiciatur, sed semper in *statu pulverulento* vendatur: habent praeterea hi cineres sat copiosas plantarum non combustarum reliquias admixtas, quae plantae certe combustae fuissent, si in furnis supra descriptis calcinatio instituta fuisset.

## CAPUT SECUNDUM.

## ANALYSIS CHEMICA SODAE HISPANICAE.

## §. I.

Ex descripta nunc operatione, ni fallor, patet, salem alcalinum, fixum, nativum hic non purum ac nudum obtineri; violenta enim ignis actio partes vegetabilium crassiores,

terreas a nexu, quo invicem cohaerebant, solvit, easque cum sale intime miscet: forte et aliam materiam addunt opifices, unde et sodae inter se certant pro majori minorive quantitate et puritate salis, quam in suam mixtionem recipiunt. Quamquam hujus rei generalis regula condi nequaquam possit, quoniam forte natale solum, vel ipsa operatio plus minus protracta, vel et additamentum aliqualem differentiam inducere valeant, tamen tuto asserere licet, inter *sodas* primas tenere *Hispanicam*, circa urbem Alone confectam; *Malogensis* et *Sicula* dein sequuntur; tertio veniunt cineres *Syriaci* et *Carthaginenses*; quartum locum occupat soda *Monspeliensis*; infimum denique locum habent *Varech* Normannorum et *Kelp* Anglorum.

## §. II.

Characteres, quibus optima soda a viliori dignosci potest, sunt sequentes: 1<sup>o</sup>. quod glebae sint ex griseo nigricantes, leviter ad caeruleum vergentes; 2<sup>o</sup>. quod illae sint compactae, ponderosae, sonorae, et si malleorum ictibus diffingantur, quod in fracturis ostendant lacunulas sive foraminula, quae a peritioribus *oculis perditum* ob similitudinem comparantur; sint 3<sup>o</sup>. hae glebae ad attactum siccae, nec spirent odorem ingratum; 4<sup>o</sup>. sapore debent esse salsae alcalinae: His notis, a Clar. Jussieu datis, addi poterit 5<sup>o</sup>. ut hae glebae, si loco humidiori ac calidiori asserventur, in superficie monstrent puncta alba, efflorescentiae dicta; dein in farinam fatiscant. E contra glebae colore albidiorē donatae et quae sapore parum salsae se ostendunt, hae minori quantitate salis alcalini fixi mineralis gaudent. Glebae in totum nigricantes et odorem hepatis sulphuris eructantes salem alcalinum fossilem magis impurum recondunt; hacce etiam de causa a certis opificibus, ut minus idoneae, rejiciuntur.

## §. III.

Cum varia opificia utantur soda ob salem alcalinum fixum nativum, quem in sinu suo fovet, operae pretium erit inquirere in aptam methodum, qua hic sal non modo purior, sed et majori quantitate obtineri queat. Erat autem hic scopus, quem mihi proposueram in instituendis

experimentis sequentibus. Hinc sodam Hispanicam optimae notae tundi curavi in pulverem, ut sic aucta ejus superficie aqua undiquaque eam alluere possit, ad omnem contentum salem facilius extrahendum.

## §. IV.

Sodae sic in pulverem tusae *libras* x. commisi dolio, superaffudi aquam pluvialem puram frigidam *lb* xl., per mediam horam instrumento idoneo mixturam hanc agitavi; sex horis elapsis aqua saporem falsum urinosum contraxerat; liquor supernatans satis limpidus erat; ejus sumsi *lb* x, filtravi et ad siccitatem evaporavi; obtinui salis sicci *uncias* ii, *drachmam* i  $\beta$ . Sex horis denuo elapsis ab eodem lixivio alias x. *libras* desumsi, eoque filtrato ac evaporato ad siccitatem accepi salis sicci *uncias* ii, *drachmas* iii, *scrup* i. Vicens lixivium meum quo diutius steterit super sodam, eo plure sale impraegnatum iri, praevia hinc agitatione facta, per biduum lixivium super sodam remanserat, dein filtrato et evaporato hoc lixivio supererant mihi salis sicci *unciae* xix, *drachmae* iii: sic ut de toto hoc lixivio aqua frigida facto a sodae *libris* x obtinuerim salis sicci fere *uncias* xxiv.

## §. V.

Sodae a lixivio residuae novas xl *libras* aquae frigidae superaffudi, et bene subinde agitata hacce mixtura reliqui per triduum; decantatum tunc ac filtratum lixivium supernatans adfudi aliis *decem libris* sodae pulverisatae in secundum dolium, reliqui per xii horas nec intermissa agitatione: decantato tunc liquore eoque filtrato, et ad siccitatem evaporato, accepi salis sicci *libras* iii, *drachmas* vi  $\beta$ . Idem opus ad secundam vicem repetii et obtinui salis sicci *libras* iii, *uncias* iii, *drachmas* i  $\beta$ . Tunc residuae sodae secundi dolii superaffudi *libras* xl, aquae frigidae, qua bene agitata reliqui per triduum, decantavi liquorem superstitem, eumque filtravi et superadjeci aliis x *libris* sodae in tertium dolium immisissae. Mixtura hac subinde agitata per quatridduum reliqui, decantavi liquorem superstitem et residuo novas xl *libras* aquae addidi, similiter tractavi, mixta haec duo



lixivia et evaporata mihi dedere salis sicci *libras* III, *uncias* II, *drachm.* III  $\beta$ .

Ex processibus §. IV. et V. hujus Cap. apparet, ex *libris* xxx, sodae me extraxisse cum *libris* cc aquae frigidae salis sicci *libras* decem, *uncias* XIV, *drachmas* III, quod pondus ad centenarium applicatum daret circum circa  $\frac{36}{100}$ ; supposito tamen, omnem salemeductum fuisse.

### §. VI.

Cum gustu explorarem residua §. IV. et V. saporem manifeste salinum et alcalinum in illis adhuc deprehendi: hinc coctioni repetitae cum aqua haec subjeci usque dum insipida essent, et lixiviis ad exsiccationem deductis, salis sicci adhuc *libras* IV, *drach.* III  $\beta$ . accepi.

Hinc experimentum hoc repetendum duxi, et adhortatione Clar. GAUBII, Praeceptoris mei multum Venerandi, eandem sodae quantitatem, scilicet *libras* xxx, cum sextuplo aquae pondere coctionibus repetitis subjeci; et hae xxx *librae* sodae mihi dedere salis sicci *libras* XVI, *uncias* VII, *drachmas* V. Sic calculo facto, acquirimus ex centenario sodae circum circa salis sicci *libras* LV.

Notandum hic, quod sodam huic operi subijciendam prius in pulverem tusam calcinaverim, et opus hoc taedii plenum esse, quisque mecum experietur, cum nec sextuplum aquae ad sodae pondus sufficiat, ut omnis materia salina elici queat: hinc, ut tamen residuum ab omni sale liberatum haberem, nec lixivium, etiam inspissatum, suo sapore alcalinum maxime se monstraret, ut labori et sumtibus parcerem; aquam ultimis coctionibus adhibitam abjeci. Neo hisce experimentis disfitcaris, quaeso, B. L. si non eandem vel majorem ex soda obtinebis salis sicci quantitatem; jam monui §. I. hujus Cap. difficulter hujus rei exactum calculum dari posse ob varias rationes; praeterea et mihi et aliis accidit, sodam quandoque diversis speciebus mixtam divendi.

### §. VII.

Observavi in facienda horum lixiviorum evaporatione, si certa aquae quantitas dissipata est, et sal superpondium

acquirit, quod in superficie lixivii hinc inde nascantur parvae pelliculae, quae numero auctae se invicem petunt, et totam lixivii superficiem tegunt; tunc pellicula cito in fundum delabitur. Quum hanc pelliculam cochleari foraminulento extraxi, et examinis causa microscopio subjeci, vidi constanter hanc pelliculam ex numero infinitis crystallulis lamellatis, imbricatum sibi applicatis constare; sed prout evaporatio protrahitur, non amplius haec pellicula conspiciatur, nec formatur, sed partes salinae in fundo se colligunt, nec formam distinctam referunt; sensum sensimque materies inspissatur, speciem pultis acquirit, dein sub jugi agitatione ad siccitatem perducitur: cavendum tamen ne pars in fundo concreascet; hinc spatula ferrea continuo materies in fundo agitanda, et si, ut fieri solet, sal in grumos cogatur, illi pistillo ferreo contundendi sunt; tandem eodem igne et auctiore calcinatur materies, ut scilicet phlogiston, quo usque fieri potest; excutiat; sicque materies, quae primo utcumque fusca erat, sensim in albedinem transit.

## §. VIII.

Ex dictis §. VI. sequitur, quod si in animo sit omnem salis quantitatem in soda contentam extrahere, non sufficere aquae sextuplum pondus superadditum, sed insuper debet ebullitio sodae cum aqua institui, cum aqua frigida non nisi partem salis elicere valeat; quamquam verum sit ex §. IV. quod aqua eo plus sit saturata, quo diutius super sodam steterit: interim mihi videtur commodius, et temporis et sumptuum in evaporatione compendium fieri, si sensim portio sodae operi admoveatur, et cum penitus emuncta est talis portio, ultimum lixivium super novam sodae portionem addatur, ut sic ebulliendo se iterum impraegnet sale, quantum fieri possit.

## §. IX.

Ut nunc explorarem naturam salis acquisiti per processus descriptos §. IV. V. VI. de hoc sale ficco §. VII. summi libras xxvii, quantum fere centenarium dimidium, facto calculo, mihi dederat. Ne mihi mirum videbitur, me tantam salis copiam simul operationi subjecisse: cum ad usum

oeconomicum haec scripta sint, et Chemicis sat notum sit, majore copia operationi commissa, materias diversas, unde constant corpora, sic accuratius examinari et a se mutuo segregari posse, quam si parva modo quantitas adhibeatur. Has xxvii. libras salis ficci aqua pluviali filtrata dissolvi, solutionem filtravi et evaporationi commisi; haec evaporatio continuabatur, donec parva portio de tempore in tempus defumta et in capsula vitrea deposita, crystallos monstraret frigefacta. Tunc lixivium filtratum in patinas fictiles intus vitreatas et satis amplas reposui, ac loco frigidiori per duos dies servavi; tunc defuso liquore supernatante inveniebantur in fundo vasorum crystalli praegrandes, nitidae, purae. Defusum liquorem 2<sup>da</sup> et 3<sup>tia</sup> et 4<sup>ta</sup> vice evaporavi, ac crystallisationi commisi, et crystallos inde acquisitas vidi prioribus similes. Hisce quatuor crystallisationibus obtinui salis crystallini puri *libras XLIV. uncias II. β.*

## §. X.

Quinta vice evaporationi commisi superstitem liquorem, sed forte fortuna evenit, ut per quinque vel sex dies aliis negotiis impeditus ad hunc laborem non attenderim; tunc accedens ad meam crystallisationem, defuso supernatante liquore, vidi attonitus crystallos meas non modo tectas, sed et intra ipsas crystallorum lamellulas sese interposuisse *materiam quasi gelatinosam*. Cum non immerito crederem, hanc materiam aqua esse insolubilem, crystallos una cum hac materie dissolvi, filtravi per chartam emporeticam, mansitque super filtrum materies, quae exsiccata mihi praebebat *terram* quam albissimam, sicque separavi a meo liquore et sale.

## §. XI.

Hunc liquorem cum priori §. praeced. superstitite miscueram atque novam evaporationem, non tamen adeo protractam, ut crystallisatio instare videretur, institueram: lixivium ergo in vasa fictilia conjeci et reliqui per tres dies; defuso tunc liquore supernatante, parietes vasorum crustula alba obducti erant; illa ablata, adfudi aquam limpidam tepidam, hunc illuc agitatione facta, separabatur haec crusta



in duas partes, unam teneriorem, quam cum aqua in filtrum deduxi, ubi inhaesit; altera solidior, lamellosa, videbatur similis illi, quae crystallos §. X. tegebat. Aquam a lotione residuam asservaveram in patina fictili, sed videns illam turbidam fieri, agitata prius tota hac aqua, dimidiam ejus partem filtravi, et post aliquod tempus rediens vidi in filtro remansisse gelatinosam materiam, amylo albo admodum similem; reliqua dimidia pars aquae in patina relicta in similem gelatinam concreverat: hae gelatinae exsiccatae apparuere mihi similes materiae terrae §. X. ex gelatina acquisitae. Hujus terrae pauculum in fictili cum *unciis tribus* circiter aquae reliqueram, haec aqua post quinque dies in gelatinam pellucidam conversa erat, et haec similis erat carniū gelatinae, et denuo exsiccata praebuit terram modo indicatam.

## §. XII.

Monere hic debeo, quod quando institui crystallificationem immediatam lixiviorum, a coctione sodae obtentorum, sine praevia salis exsiccatione, *fere nunquam* hanc terram et gelatinam accepi, sed omni sale, in lixivio contento, exsiccato, inveni semper et constanter, et eo abundantius, quo fortius sal exsiccatum et calcinatum fuerat. Anne per hanc exsiccationem et calcinationem pro parte sal alcalinum destructum fuit?

## §. XIII.

His experimentis factis, evaporavi de novo liquorem superstitem, ex quo mihi crusta terrea §. XI. nata erat: interea temporis dum fervebat evaporatio, floccos hinc inde in hoc lixivio natantes vidi; hi filtrationem suadebant; haecque facta remanserat in filtro terra, quae exsiccata coloris minus albidi erat, sed caeterum similis illi, quae gelatinam praebuerat §. X. et XI. Liquorem filtratum tamen de novo evaporationi exposui, usque dum crederem crystallificationem instare; frigidatus liquor steterat per quatuor dies; decantato tum liquore nullae crystalli, sed potius materia, quam *argillaceam* diceret, parietes vasorum obsidebat.

## §. XIV.

Liquorem decantatum denuo evaporationi subjeci ad usque quid salini praecipitari videbatur: crystallulos jam

elapsas separavi et sedulo servavi; erant hae lamellosae A. Liquore supernatante bifariam diviso, in fundo praecipitabantur miculae salinae indeterminatae conformationis B. In superficie et ad latera videbantur crySTALLULI acus formam referentes; aliquot harum se invicem adeo proxime tangebant, ut plumulae barbam esse diceres C. His crySTALLIS intermixtae erant aliae planae, figuram parallelogrammaticam affectantes D. Quantum potui, separavi a semet invicem has crySTALLOS, opportunitiori tempore illas examinaturus.

## §. XV.

Liquor supernatans decantatus, denuo evaporatus usque dum similes crySTALLULI crustosae §. XIV. conspiciebantur, iterum in duas partes divisus, similes crySTALLULOS B. C. D. dedit, hac tamen cum differentia, ut hinc inde intermixtae apparuerint verae crySTALLULI solitariae salis alcalini fixi mineralis. Steterat decantatus liquor per biduum, et parietes vasis obducti erant veris crySTALLIS salis alcalini fossilis.

## §. XVI.

Bis adhuc talis evaporatio et crySTALLISATIO facta fuit, cum simili plane effectu, nisi quod secunda vice praeter crySTALLOS etiam materia argillacea se praecipitaverit in fundum vasis. Argilla haec, aqua pluries abluta, se meram terram monstravit. Interim lixivium spissius et coloratius factum recusabat crySTALLISARI, qua de causa totum inspissavi ad siccitatem.

## §. XVII.

CrySTALLI salis alcalini fixi fossilis, quas §<sup>s</sup> praecedentibus accepi, ponderabant  $\text{lb}$  II. uncias VI  $\beta$ . Sunt hae crySTALLI, quas Chemicus intendit in depuranda soda, sunt hae, inquam, quae salem alcalinum fixum fossilem vel nativum in puriori forma repraesentant, quae et similes sunt illis §. IX. acquisitis. Est hic ille sal, quem sic depuratum *saponarii, vitriarii, lotores, dotimastrae*, alique opifices ad usus suos cupiunt. Inquiram postea in veram hujus salis naturam, sed operae pretium est adducere experimenta, quae

institui ad cognoscendam salium B. C. D. naturam, qui in sua conformatione tam diversos crystallos praebebant.

### §. XVIII.

Ergo unicuique salium B. C. D. speciei adfudi separationem acidum vitriolicum concentratum; ut ut nunc erant forma diversae, mirabar ex unaquaque vaporem album, densum, in atmosphaera fluctuantem et omni dote acidum salis referentem eructari: et ut circa acidum nullum dubium mihi superesset, adjeci pauculum istorum salium ad aquam fortem, in qua aurum recusabat solvi, sed quam primum salium horum miculae erant immixtae, solvebatur aurum: unusquisque horum salium prunae inspersus crepitabat. Ex his experimentis, praecipue ex duobus prioribus, aliqua homogeneitas videbatur dari in his salibus, praesertim circa acidum. Hinc omnes has crystallos inter se mixtas aqua dissolvi, et hac solutione filtrata evaporationem institui: accepi sic partim *tartarum vitriolatum*, partim *salem marinum purum*, partim *salem marinum regeneratum*, vulgo *digestivum Sylvii*; quamquam vix, ac ne vix quidem ultima haec duo salia a se invicem satis distingui queant, tamen, ut spero §. XX. hoc B. L. clare apparebit.

### §. XIX.

Interim recusabat et hoc lixivium amplius crystallos excutere, hinc evaporavi ad siccitatem, et miscui cum residuo sale exsiccato §. XVI. ut examini subjicerem.

### §. XX.

Ut autem et Lectori et mihi satisfacerem circa conjecturam in fine §. XVIII. adductam, salem acquisitum, bene exsiccatum, in retortam immisi eo scopo, ut ope acidi vitriolici, tanquam fortioris, excuterem acidum salis; quo facto debebat mihi duplex sal enasci, nempe *tartarus vitriolatus* et *sal mirabile Glauberi*, si scilicet conjectura mea vera esset. Apparatu bene disposito ad hanc operationem, et cautelis omnibus notis adhibitis, in recipiente mihi acidum salis collectum fuit, et in retorta remanserat massa albida, quae in pulverem tusa et aqua soluta mihi praebuit verum



falem *tartarum vitriolatum* et falem *mirabilem Glauberi*. Unde veritas conjecturae apparet.

## XXI.

Restabat nunc, explorare *residua* §. XVI. et XIX. Sapor illorum alcalinus erat: effervescebant cum acidis quibuscunque. Hinc determinabar hanc materiam residuam, prius aqua pura solutam ac filtratam, saturare solutione crystallorum tartari. Facta saturatione denuo filtravi hanc solutionem, et evaporatione sat magnam copiam tartari solubilis, parum salis Seignette et nonnullos salis communis cubulos accepi. Residuus a crystallisatione liquor recusabat excutere crystallos: hinc guttatim instillavi acidum vitriolicum, ut hoc abundaret, et obtinui minimam quantitatem, quasi *faeculam coeruleam*, similem illi, quam HENKEL in supplem. vel appendice *Florae Saturnizantis* refert se obtinuisse ex lixivio cinerum *Kali* vel *salicorniae* potius, quam collegerat ad fontem salinum *Teuditzensem*.

Non abs re fore credo, si aliqua hoc *coeruleum* spectantia Lectori Curioso hic offeram. Fere omnia sodae lixivium, dummodo non admodum curiose filtrata sint, *coeruleum Berolinense* exhibent, si acido minerali, praecipue vitriolico, supersaturentur. Hoc coeruleum copiosius obtinetur, si in idem hoc lixivium paucae guttae solutionis martis instillentur. Ultimum tamen sodae lixivium, sic et illud, ex quo sal mirabile Glauberi vel Seignette praeparatum est, si recusset amplius crystallifari, et tunc aqua calida diluatur, et instillatis prius aliquot guttulis *solutionis martialis*, affuso dein per intervalla *acido vitrioli*, supersaturetur, nascitur elegans coeruleum, quod aqua saepius ablutum et exsiccatum, colorem *ultramarini* aemulatur. Quamquam experimenta nondum instituerim, an hoc coeruleum oleis mixtum pictoribus inservire queat; hoc tamen certum, quod aqua gummosa si misceatur terendo, maxime elegantem ac durabilem colorem suppeditet; destruitur tamen, si alcali admiscetur, et protinus resurgit, si acidum superaddatur. Hinc patet necessitas supersaturationis. Sine dubio debetur ferro vegetabilibus immixto, quod cum phlogisto intimam subiit unionem, uti et videmus in coeruleo Berolinensi.

## §. XXII.

Ex experimentis a §. hujus Cap. IX. ad XXI. constat, quot sales in soda obvii sint.

*Primo, generis particularis* sal, cujus naturam sequenti capite examinabo, et quod, si soda bonae notae sit, maxima quantitate inde extrahi potest.

*Secundo, Sal marinus* tum *verus*, tum *regeneratus*;

*Tertio, Tartarus vitriolatus*;

*Quarto, Alkali fixum vegetabile.*

Ex facto calculo apparet, ex *libris* XXVII salis ficci §. IX. me eduxisse *libras* XLVI, *uncias* IX salis crystallini; ponamus nunc, ut indubia experientia demonstrat, quod hae crystalli copiosissimam aquam imbibant, ut circiter dimidium illarum pondus aqua faciat; dimidiato pondere abstracto remanebunt *librae* XXIII, *unciae* IV  $\beta$ . salis ficci; quod pondus abstractum a *libris* XXVII, dabit superpondii *libras* III, *uncias* XI  $\beta$ , quod pondus adimplebat materies tum *terrea*, tum *salina*, v. g. *tartarus vitriolatus*, *sal marinus*, *febrifugus Sylvii*, et *alkali vegetabile*; sic tamen, ut *salis marini maxima* semper *quantitas* daretur. Hanc salium proportionem non semper aequalem esse in diversis sodae speciebus, superius jam monui: forte plantarum maturitas, natale solum, anni tempestas, vel ipsa denique combustio ad hanc inconstantiam aliquid conferunt: sic mihi experimentis constitit, quod cineres, ex quibus Angli suum Kelp praeparant, quosque mecum ex Anglia apportaveram, ultra  $\frac{3}{4}$  partes salis marini et pauculum salis Glauberi contineant: sic et Clar. GAUBIUS in cursu Chemico nobis ostendit salem ex falicornia Zeelandica obtinendum, merum esse cibarium. Num autem encheiresibus a Solertissimo Pharmacopola CADET in Act. Reg. scient. Paris. 1767. propositis haec falicornia, uti *Vareh* Normannorum, ita perfici queat, ut nostrates cineribus ejus ad sua opificia uti possint, tentandum foret ab incolis Zeelandiae.

## §. XXIII.

Ad plenam sodae Hispanicae analysin superest, ut residuum, coctione repetita penitus emunctum, considerem. Hujus residui exsiccati color est ex griseo coeruleus; tactu subasperus est ille pulvis; sapor ejus quasi cre-

taceus; nihil plane salinis habet; est enim clutissimus: pauciores particulas *ferreas* huic pulveri inesse, *magnes*, detexit. Residuum hoc terreum adhuc in duas terrae species opitulante aqua dispelci potest; sc. in *teneriorem*, quae forte nil aliud est, quam terra vulgaris vegetabilium, et in *graviorem*, quae ex arena, luto pingui ad maris littora obvio commissa, forte exsurgit. Sumsi hujus residui bene exsiccati uncias *iv*; in totidem partes divisi; unamquamque commisi vitro puro, ut explorarem, quid acida valerent in hoc residuum. Acida, quibus usus fui, erant concentrata, ut *vitriolicum*, *nitrosum*, *acidum salis marini*, *acetum frigore concentratum*. Affusis his acidis, statim major vel minor effervescentia, eaque nonnunquam impetuosior orta est: cum acido nitroso et salis marini ebullitio maxima facta est: acidum vitriolicum affusum excutiebat vaporem hepatis sulphuris aemulum, nec non parum hinc inde in spuma coerulei conspiciebatur; hujus mixturae color erat ex cinereo coeruleo scens, dum acidum nitrosum mixturae colorem nigrum conciliabat, et acidum salis colorem viridescentem monstrabat. Quibus etiam encheiresibus usus fuerim, nullam tamen crystallisationem obtinere potui: vidi quidem subsidentes paucos flocculos in vitro, quod habebat acidum vitriolicum; aemulabantur hi flocculi salis Ebshamensis crystallos; tamen ob exiguum illorum copiam certi quid non licebat concludere. Acida vero cuncta aliquid terrae solutum continebant, quod affuso alcali puro per praecipitationem sese manifestabat.

#### §. XXIV.

Residuum hoc igni fusorio fortissimo in officina vitriaria expositum, elegans et satis pellucidum ex flavo viridescens vitrum exhibuit.

### C A P U T T E R T I U M.

#### ALCALI FIXI MINERALIS EXAMEN CHEMICUM.

##### §. I.

Chemici omnes consentiunt in eo, quod sal crystallinum  
§. IX. Cap. praeced. ex soda acquisitum sit naturae alcali-



nae: cumque sal hoc antiquioribus jam temporibus praecipue ex herba *Kali* educeretur, hinc Arabes huic sali nomen *Alcali* dedere, quod dein toti generi alcalinorum concessum est. Verum non nisi ab aliquot retro annis constitit, quod sal alcalinum minerale praeter generales alcalinorum proprietates sibi privas quasdam vindicet, easque constanter tueatur: unde factum est, ut ab aliis alcalinis fixis vegetabilibus fuerit distinctum, v. g. a *cineribus clavellatis*, *sale tartari* etc. Praeterea non sine ratione nomina ipsi fuere imposita, quae cum privis ejus dotibus apprime conveniunt: hinc sal alcali *fixum minerale*, *crystallinum*, *fossile*, *siccum* audit.

## §. II.

Unicuique sat notum est, quod *salia alcalina fixa vegetabilium*, aqua soluta, si evaporationi committantur, ut inde crystalli acquirantur, has vix ac ne vix quidem excutiant, nisi horum salium lixivis certis encheiresibus tractentur: v. g. quas celebris Chemicus Monsp. MONTET in Act. scient. Parif. 1764 demonstravit; vel ut Cl. CARTHEUSER in Act. Acad. Elect. Mogunt. scient. util. T. I. cum publico communicavit; vel methodo Cl. HAHNII, Prof. Ultraj. Celeberrimi, quaeque ab Erud. M. D. LELYVELD in Dissert. Inaugur. de *salibus lixivis plantarum* proposita fuit. Verum enim vero *alkali fossile* aqua solutum, ad crystallisationis punctum evaporatum, constanter suas crystallos refrigeratione exhibet: hae crystalli si sunt solitariae, fere semper figuram rhomboidalem affectant, sed nonnunquam et constantius hae crystalli sibi invicem imbricati accumuluntur, apicem triangularem gerentes, simili fere forma, qua tegulae in aedium nostrarum tectis solent disponi; vel et nonnunquam oblongae et quasi glaciales sunt, et pulchre habitu exteriori conveniunt cum crystallis *salis mirabilis*.

## §. III.

*Alcali vegetabile* sive exsiccatum in massam informem, sive crystallisatum fuerit, aëris *humiditatem* continuo attrahit, brevi in deliquium abit, nisi vitreis vasis vitreoque epistomio clausis probe asservetur: E contra *alkali fixum fossile*,

etiam humidiusculo aëri expositum, *siccum* manet et, si crystallifatum fuerit, tantum abest ut aëris humiditatem attrahat, ut potius propriam suam aquam, quæ ad crystallos pellucas veluti glaciales formandas in censum venire debet, et idcirco ab Illustr. STAHLIO *aqua crystallisationis* vocata est, amittendo in farinam sive pulverem albissimum satisfiat. Crystalli hæc tantam aquæ copiam sibi conjunctam habent, ut igni etiam lenissimo expositæ illico fluant; si autem aëri per aliquod tempus exponantur (quod absque ullius salis alcalini proprietatis dispendio fieri potest) plus dimidio sui ponderis perdunt: etenim constanter invenitur, quod, quando meas crystallos sic exposueram, ex *unciis xii uncias v β*. salis sicci obtinuerim.

## §. IV.

Notabilis adhuc intercedit differentia inter *alkali minerale* nostrum et *alkali lixiviosum*, quod hoc ad sui solutionem minorem aquæ quantitatem, quam illud, requirat. Sic Therm. Fahrenh. monstrante *gradum 50*. summi *salis tartari* purissimi *unciolam*, dissolvi in aqua pura destillata, eadem qua atmosphaera temperatura gaudente: ad ejus solutionem opus mihi erant *uncia i*, *drachmae ii*, *grana XLVIII*; ad solutionem *unciolæ salis alcalini fossilis, sicci* (iusdem adhibitis cautelis) *unciæ iii*, *drachmae v*, *grana tria* requirebantur.

## §. V.

*Alkali fixi vegetabilis* lixivio si per vices injiciantur *crystalli tartari* in pulverem comminutæ, usque dum a novis crystallis alcali adjectis nulla ulterius excitetur effervescencia, et liquor saturatus filtratur, in moderato calore deponit crystallos lamellatas planas, apice terminatas: e contra, si lixivii *alkali fixi fossilis* cum tartari crystallis fiat saturatio, liquor filtratus, et ea, qua ad crystallisationem par est, ratione evaporatus, dat crystallos magnas, quæ ad illas, in quas *saccharum candy* concrefcere solet, prope accedunt. Mirâ omnino alcali fossilis in producendis magnis crystallis potentia hic observanda occurrit. Uno verbo, alcali fixum vegetabile Tartarum Solubilem, alcali fixum fossile salem Polychrestum, Seignette dictum, constituit.

## §. VI.

*Alcali fixum, vegetabile* aceto destillato saturatum format *Terram Foliatam Tartari*, vel salem diureticum qui crystallisari nescit, et aëri expositus humescit. Eodem acido si saturetur *alcali nostrum fossile*, dat salem acis formam referentem, quique in ipso aere siccitatem suam tuetur.

## §. VII.

Non minus differunt *salia neutra*, quae ex combinatione binorum *alcalinorum* cum acidis mineralibus acquiruntur, si iis saturantur: nam ex combinatione *alcali lixiviosi* cum *acido vitriolico* exsurgit *Tartarus Vitriolatus*; cum idem *acidum* cum *alcali fossili* efformet salem *mirabilem Glauberi*. Duo haecce *salia neutra* non solum externis, sed et internis et sibi privis dotibus discrepant. *Acidum nitri* *alcali vegetabili* conjunctum *nitrum* facit, cujus crystalli sunt prismaticae: *alcali fossile* *acido nitroso* nuptum coalescit in *Nitrum Cubicum*; sal non solum conformatione, sed praecipue flamma sua in detonatione a priori diversum. Denique sal ortus ex confusio *acidi salis communis* cum *alcali fixo vegetabili* dat *salem communem regeneratum*; vel dictum *febrifugum Sylvii*; qui sal quamquam forma sua cubica, vel potius parallelogrammatica, multum accedat ad salem communem sive marinum, qui ex eodem acido et *alcali fossili* conflatur, et ideo difficulter distingui possit, tamen utriusque sapor, et binorum salium instituta per *acidum vitriolicum* vel *nitrosum* analysis diversitatem testantur.

## §. VIII.

Nullo ergo fundamento inniti mihi videntur Auctores, Viri caeterum Egregii, qui *basin salis communis* non *salinam* dicunt, eam pro mera *terra alcalina* habentes: terra enim, quae ex sale communi affuso *alcali vegetabili* praecipitur, ideo secedit, quia ad experimentum sal marinum forte nondum penitus depuratum fuit adhibitum. Neque haec terra in veram *salis marini* constructionem recepta est; nec essentialiter ad illud pertinet, sed est *sal acido-terreum*, vel *Ebshamense*, et quod fere semper sal marinum nondum pu-



rificatum comitatur. Cum hanc praecipitationem obtinere nunquam mihi licuerit, dummodo sale marino optime depurato usus fuerim; neque si salem mirabilem Glauberi similiter depuratum experimento subjecerim; invitum dissentire cogor ab opinione Clar. W. G. KAHL in pereleganti sua Dissert. inaugurali. *De soda*, habita Francof. ad Viadr. in qua Clar. Auctor fortitudinem ac facultatem excutiendi alcali minerale alcali lixivioso adscribere videtur.

## §. IX.

Sed redeamus porro ad nostrum *salem alcalinum mineralem*, qui exceptis differentiis allatis caeterum easdem vires exserit, ac *alcali vegetabile*, nisi quis saporem, qui in nostro alcali paulo mitior est, adducere vellet. Alcali fossile exsiccatum igni violentiori expositum in fusionem abit, magisque inde causticum evadit: hinc arenas et lapides, ab Historiae Naturalis Scriptoribus vitrificabiles dictos, aggreditur, hosque solvit et secum in vitrum pellucidum convertit. Cum calce viva tractatum nostrum alcali magis causticum redditur, tuncque facilius cum oleis expressis unionem init, et cum illis saponem constituit: De duabus autem hisce proprietatibus paulo fusius tractabimus in *ultimo capite*, ubi de usu salis nostri alcalini fossilis, quem in artibus mechanice et oeconomicis habet, disserere animus est. Denique alcali fossile cum sulphure per fusionem unitum, in perfectum hepar sulphuris colliquescit.

## §. X.

Nondum, quod sciam, nostrum alcali nativum ad dephlegmandum spiritum vini, ut alcohol purissimum obtineatur, in usum vocatum est, nec ad decompositionem illorum concretorum, in quibus suspicio principii acidi est. In Dissertatione citata Clar. KAHL neoterice alcali fossile usurpatum video, quo fiat combinatio cum oleo aethereo terebinthinae. Forte haec intermissa sunt, quia hoc nostrum alcali difficiliore labore, quam quidem vegetabile, obtinetur, et hinc cariori pretio venire solet.

## §. XI.

Neminem latet vis, qua pollet nostrum alcali in praecipitandis terris vel metallis acido solutis, quorum, si aci-

dis, quibus soluta tenebantur, liberata sunt, nonnullorum pro menstruo est: sed phaenomena harum *praecipitationum* ac *solutionum* nondum satis fuere observata, multo minus ipsa praecipitata de industria investigata sunt, an aliquid particulare fiant, unde dignosci queant ab illis, quae salo alcalino vegetabili praecipitata sunt.

## §. XII.

Omni- bus chemicis notum est, quod alcali fixum vegetabile ignis actione, quando calcinationi committitur, semper aliquid de suo principio salino amittat, adeoque *terrae* quaedam portio per solutionem in aqua secedat: si filtretur solutio, terra in filtro remanet; et hoc toties obtinet, quoties haec operatio repetitur, ut repetitis his calcinationibus et solutionibus tandem omne alcali in *terram* decomponi possit. Idem nunc accidit alcali nostro, quod, dum exsiccat, si non simus solliciti, praesertim circa finem, ne ollae ferreae accrescant crustulae: hae igne paululum fortiori comburuntur, et nigrescunt, dumque aqua solvuntur, parum salis, sed copiosam *terram* relinquunt; sique hoc repetatur, in meram *terram* alcali fossile decompositum iri, quisque sibi persuasum habeat.

## §. XIII.

Terrae hae ex salium alcalinorum tum vegetabilium, tum mineralium de compositione §. XII. residuae, quando ab omni adhaerente principio salino per aquam puram pluries affusam bene elutae sunt, naturam maxime diversam habere videntur. Terra ab alcali lixivioso relicta cum acidis effervesceat, et in speciem *gelatinae* haec miscela convertitur, amittit quidem terra haec, quando fortiori igne calcinatur, proprietatem cum acidis effervescendi, sed non destruitur inde proprietas gelatinam faciendi. Vid. de hac re Clar. BRAND Tom. XVIII. Act. Upsal.

## §. XIV.

*Terra* autem ab alcali minerali residua *gelatinam* ex se sola producit, sine interventu ullius *acidi*; dummodo adhuc humidula sit, cum aqua coalescit, et *gelatinam* facit simi-

leim gelatinae carniū pellucidissimae, §. X. et XI. cap. praeced.: sed si semel exsiccata fuerit haec terra, non amplius cum aqua unionem inire potest, et in hoc statu resistit acidorum vi: solummodo contigit observare, quod acidum nitri, quod super hanc terram ebullire feceram, parvam tantummodo ejus portionem solverit; quam conjectare licebat ex dilutione facta hujus acidi cum aqua destillata; affuso tūc guttatim alcali fixo purissimo, mixtura obnubilabatur; quod factum non fuisset, nisi aliqua terrae portio per acidum nitri soluta fuisset.

## §. XV.

Vir in chemicis peritissimus SWAB Act. Upsal. Tom. xx. dicit, se obtinuisse gelatinas similes dissolvendo in acidis speciem *Zeolithae*, quam vocabulo Suecico *Gaesten* designat; item ex vitris, quae additione calcis, cinerum betulae; et filicis parantur: obtinuit has gelatinas solvendo vitra in acidis mineralibus; si nunc alcali fixum adderet, similis nascebatur gelatina: addit praeterea, has gelatinas omnes exsiccatas, si aëri exponantur; humidum ejus attrahere (non addit tamen, num hae gelatinae prius edulcoratae fuerint, nec ne) rimas trahere, findi, tandemque in arenam tenuem dilabi: demum dicit, quando hae gelatinae aqua pluries affusa bene fuerint edulcoratae, tunc nec acida nec alcalia ipsis vim inferre valere. Tandem, si gelatinae illae bene exsiccatae igni violentiori, folle incitato, per mediam horam exponantur, sine perfecta illarum fusione tegitur superficies vernicis ad instar, molliores fiunt, et in fracturis sese farinaceas ostendunt.

## §. XVI.

*Terra* ex alcali mineralis acquisitione residua format quoque *gelatinam*, quae insignem fovet cum gelatina Viri Praestant. SWAB analogiam, quae tamen cum illa nonnihil discrepat: *primo*, formatur sine interventu ullius acidi; *secundo*, quando semel edulcorata et demum exsiccata fuerit, ex aëre non attrahit humidum, sed fatiscit in pulverem; *tertio*, nec acidis nec alcalinis tunc afficitur; *quarto*, ante follem tractata per bihorium haec terra, verum vitrum, co-



lore nigerrimum, sine pelluciditate tamen, mihi dedit; quodque singularissimum in hac fusione deprehendi, erat, quod superficies aequabilissima splendorem ex luteo metallicum ostenderet.

### §. XVII.

Inquirens in gravitatem specificam salis alcalini fossilis crystallisati purissimi, Thermometro Fahrenheitii denotante gradum LVI., inveni ejus gravitatem specificam respectu aquae pluvialis ut 1 ad  $2\frac{236}{1000}$ .

## CAPUT QUARTUM.

### DE ORIGINE ALCALI FIXI MINERALIS.

#### §. I.

Nostro adhuc aëvo chemici salia alcalina ut ignis creaturas salutarent: nec ipsis deerant argumenta, quibus opinionem suam fulcirent. Lubet praecipua huc adducere. Dum in originem alcali fixi (puta vegetabilis; nam alcali fixum minerale, quia tale, nondum erat cognitum) dum, inquam, in originem alcali fixi inquirebant chemici, vera haec erat eorum vulgo recepta opinio, quod sit ignis creatura, quod fiat ex materia salina, quae nil minus esset quam alcali fixum, ex qua nascitur novus ille sal, et praecipue ex triplici materia illum generari aiebant, nimirum ex sale acido, ex principio phlogistō et ex materia terrea; certa proportionē vi ignis inter se intime ita commixtis, ut novus ille sal nascatur. Si, quod verum est, fatear, eas plantas, quae plurimum acidi continent, copiosum in suis cineribus exhibere alcali vegetabile, certum est, et quo magis exhaustis plantas suo acido, eo minor alcali fixi quantitas inde acquiritur; nec tamen solum acidum, tametsi siccissimum sit, sufficit, nisi phlogiston accesserit; nam sicci acidi pauperiores plantae in cineres redactae vix, nisi perparum, alcali fixi exhibere solent, et si ipsas plantas principii inflammabilis maxima parte emungit, et in cinerem redigit chemicus, eo ipso id efficit, ut parum vel nihil alcali fixi vegetabilis producat. Nondum tamen acidum et phlogiston suffi-

ciunt, debet superaccedere terra: inde, si acidum habetur cum copiosissimo phlogisto conjunctum, ita tamen, ut terreum principium non accedat, non adeo alcali fixum producit: exempla omni exceptione majora sint nobis balsa-  
ma, resinae, in quibus habetur acidum conjunctum cum copiosissimo principio inflammabili; si tamen haec corpora pingua concremantur, ex eo quod superest, et vulgo caput mortuum audit, parum cinerum, vix aliquid alcali fixi acquiritur: nempe terra fixa deest. Ex acido et phlogisto nascitur sub ipsa ignis actione sulphur, quod in altum abripitur et dissipatur: sed si tria haec conveniunt, credunt non sine ratione chemici, nasci alcali fixum, et inde deducunt varia alcalium phaenomena, quod nempe acida ament adeo alcalia, non quod contraria sint, ita ut non hic contraria contrariis pugnent, et acidum et alcali inter se conflictentur, sed, quod simile simile trahat; et quia alcali fixi praecipua pars est acidum, et acidum quidem siccissimum; ea de causa, quando acidum cum alcali in contactum mutuum venit, avidissime illud abripiet, et in mutuos amplexus quasi bina haec ruent, ut mutuo attritu intime se conjungere possint. Exinde quoque deducunt, quare adeo facile deliquium patiatur alcali fixum vegetabile aëri libero expositum: alcali enim hoc acidum habet maxime concentratum, nunc acidum concentratum est aquae amantissimum: inde deducunt demum; quam ob rationem alcali aqua frequenter solutum et exsiccatum semper aliquid terrae deponat; terreum principium nimirum maximam partem alcali constituere dicunt, et quousque hoc acido et phlogisto conjunctum intime est, aqua solubile redditur; et haec ipsa terra quasi basis est, in qua acidum illud defixum haeret; reiterata autem solutione aliquid de acido dissipatur; terra ergo acido suo liberata, jam porro renuit aqua solvi, sicque secedit. Speciosa sane argumenta pro stabilienda hac sua opinione! et fateor, primo intuitu illam omni exceptione carere, facile quemlibet sibi persuasum habere posse. Ast si cogitemus, sententiae hujus patronos ac naturae eximios scrutatores jam detexisse vegetabilia, ex quibus certis encheiresibus, sine concrematione vel violentiori igne, sed simplici pressione, decoctione et evaporatione



extrahebantur salia neutra, quorum basis vere erat alcalina: si et hoc addimus, quod, quando hoc alcali cum acido salem medium constituit; ejus natura neutiquam immutatur, illudque posse iterum iterumque recuperari, excusso acido, idemque adhuc vicies vel centies repeti posse: haec si paulo attentius consideremus, merito dubitabimus de chemicorum opinione circa alcalia, quod sint merae ignis creaturae. Rem hanc in aprico posuit et indubiis experimentis ostendit Clar. Marggraffius, vir in chemicis peritissimus, cum tartarum sine igne, non tali quidem, qui vasis clausis agat, sed certe sine tali igne, cui possit vis adscribi acidum in alcali mutandi, quod etiam sine hoc adminiculo alcali fixum ex tartaro acquiri possit, ut dicas, exstitisse ante in tartaro.

## §. II.

Experimenta Marggraffiana quidem non evincunt, utrum alcali hic nudum detur, an potius acido nuptum, et sic salem neutrum formans: etenim acida mineralia, quibus utitur, potentiam suam exerunt in expellendo acido vegetabili a sua basi alcalina et hanc sibi uniunt.

## §. III.

Non diffiteor tamen, me saepius dubitasse, utrum nostrum alcali fossile magna ex parte nudum jam in herbis maritimis concremandis existeret, praecipue in illis, quae regionum calidiorum sunt incolae; an vero hoc alcali fossile, acido salis marini adhaerens, per ignis actionem violentiorem acido hoc expulso, tum demum sese nudum sistat. Ultimum si verum foret, nonne sequeretur exinde, quod ex fucis et algis, ex quibus Normanni suum Vareh et Angli suum Kelp conficiunt, quod ex salicornia Zeelandica iisdem encheiresibus, quibus uti solent Hispani, Galli, caeteraeque gentes, soda, similis Hispanicae, praeparari posset? imo, ut superius jam dictum est, cum haec vegetabilia pro sale essentiali habeant salem communem cibarium, nonne, inquam, sequeretur, quod in omnibus terrae locis, si sal communis addito phlogisto, vel arena, vel lapidibus apyris in pulverem reductis, violentissimo igni exponeretur, alcali fossile obtineri posset? Ast, quantum scio, omnibus enchei-



resibus huc usque adhibitis nil nisi sal commune exinde educitur, recuperatur. Non ignoro quidem Clar. Lehmannum in sua praefatione ad opera chemica Clar. Marggraffii, lingua Germanica edita, scripsisse, peritissimum huncce virum secum methodum communicasse sibi cognitam, qua alcali fixum fossile maxima copia et vili pretio acquiri possit: an ex sale communi, an novum concretum faciendo, me latet, nec circa hanc rem diversa a me instituta experimenta quid detexerunt. Ut, quid de hac re et ego sentiam, candide fatear, sciat L. B. me in primam problematis nostri sententiam magis inclinare: interim antequam hac super re certiora experimenta instituere mihi liceat, non incongruum fore dubo, si illa huc adferam, quae me permoveant huic sententiae potius subscribere.

## §. IV.

Anno praeterito in Anglia et Gallia degens, Viros ibidem Egregios, tum in chemia tum in medicina Peritissimos invisurus accessi, de his et aliis rebus ad has scientias spectantibus disseruimus: inter caeteros Vir Nobilis et Amicissimus, de quo jam verba feci Cap. I. §. VIII. experimentum sequens, omni, qua par erat, sedulitate et attentione a se institutum, lubenter mecum communicavit: scilicet retulit, se Mesembrianthemi, quod copiose invenerat in cineribus sodae Syriacae, sumsisse libras duas, hasque in aquae sufficienti quantitate ter, coctioni subjecisse; haec decocta prius probe filtrata, mixta, evaporando ad consistentiam syrupi redegit; hujus si pauculum fumeret, affuso acido quocumque ingens effervescencia oboriebatur, unde concludebat, se veras alcali fossilis crystallos acquisiturum; spe tamen sua excidit, cum intra sex mensium spatium nec vel ullam crystallum obtinuerit; supernatante liquore defuso, qui semper facultatem cum acidis effervescendi conservaverat, vidit materiam faeculentam copiosam in fundo subsidisse; haec materia erat sapore alcalina, unde plurima affusa aqua hanc elixivavit; filtrato hoc lixivio, remanserat in colo maxima terrae quantitas; lixivium hoc evaporavit et ad crystallationem deduxit, sicque intra nycthemeri spatium elegantes et veras alcali fossilis crystallos, omni dote

talès, accepit; liquore supernatante inspissato, aqua soluto, filtrato, evaporato, denuo crystallos similes obtinuit. Obiciebam Amico, quod forte fieri potuerit, miculas salinas in poris herbulae altius infixas fuisse, cum jam per longum tempus rami hi in cineribus sepulti quasi jacuissent, unde facile erat eas decoctione educere: sed respondebat, se idem experimentum bis repetiisse cum ipsa herba Kali, quam ex Hispania sibi adduci curaverat, et similis erat eventus. Cum hoc experimento apprime conspirat illud, quod a Peritissimo Chemico Mompeliensi Montet in Actis Parisinis 1762. institutum legitur: testatur Clar. ille Vir, ex salicornia, in Languedocia cultura proveniente, pressione se succum obtinuisse, quem dum filtrayerat supra calcem, ut inde pinguedinem adhaerentem abstergeret, testatur, inquam, se hac operatione accepisse tum salem communem, perfecte talem, tum alcali fossilis haud parvam quantitatem.

#### §. V.

Mense praeterito Januarii in Diario artis salutaris (Journal de Medecine) video observationem à Clar. et Peritissimo Chemico Parisiensi Ruellio orbi litterato communicatam, qua cupit confirmare nudam alcali fossilis praesentiam in herbis Kali, dicitque, si rami hujus vegetabilis in aqua, acido quocunque minerali bene impraegnata, macerentur; si tunc lixivium filtratum evaporetur, obtineri inde salem neutrum, similem illi, qui obtineretur, si acidum hoc nuptum fuisset alcali fixo minerali. Quamquam nullus dubitem de successu hujus experimenti, tamen pace tanti Viri dixerim, hoc experimentum quidem probare, herbam Kali in suam constructionem admittere alcali fossile, sed nequaquam inde concludi posse, hoc alcali nudum hic dari: etenim si acido cuicumque nuptum sit nostrum alcali, et salem neutrum efformando ad compositionem herbae Kali concurrat, per acida mineralia affusa, si sint fortiora, expulso hoc acido, aliud se substituet; vel si acido salis marini, quod probabilius, jam nuptum sit alcali fossile, manebit talis, et salem communem praebebit lixivium. Longe certior foret conclusio, si Clar. ille Vir acidum tartari vel aceti summisset.

## §. VI.

Ex his experimentis apparet, alcali fossile inesse vegetabilibus, e quibus soda concremando acquiritur: sed, quod plus est, ostenditur §. iv. h. cap. etiam alcali fossile pro parte nudum in iis contineri: accedit, quod fere concipi nequeat, quomodo sal marinus etiam igne violentissimo possit decomponi, ut dissipato suo acido nudam sistat basin alcalinam.

## §. VII.

Nec tamen hic gradum sistamus, sed ulterius inquiramus. Forte aliquis objiciet; supposito, salem alcalinum hic dari nudum, unde ergo ille advenit plantis? estne vegetationis opus? an hocce alcali ex regno minerali jam praeparatum cum succis in vegetabilia transit? Respondeo, abstrusa sane res est, et observationes deficiunt, quibus haec probari possunt. Hoc tamen verum est, nusquam laetius, nusquam abundantius, et quidem sponte, crescere vegetabilia, quae alcali fixum fossile largiuntur, quam circa maris littora, lacus, fontes salinos; unde merito mihi videtur concludi posse, quod, cum alcali nostrum ejusdem sit ac basis salis marini naturae, hinc forte una cum succo nutritio decompositum jam sal marinum in haec vegetabilia penetret. An vero in ipso terrae sinu haec decompositio fiat? suadere videtur veterum Natron, quod nil aliud est, quam basis salis marini; hinc et nudum nostrum alcali refert. Hujus generis sal a natura elaboratum pluribus in locis, praecipue in calidioribus, invenitur, dissitis quidem a mari, sed ubi credibile mare anterioribus saeculis exstitisse: sic v. g. in Aegypto, in Persia, de qua re legi merentur Prosper Alpinus, Schelhamorus et Modelius; in Coronandelia circa urbem Tengenepatnam; sic nuperrime in Hungaria maxima copia hujus salis detecta est; sic quoque notum est, in fontibus foteriis plurimis, v. g. in Selteranis, Egranis, Schwalbacensibus etc. alcali nostrum reperiri.

## §. VIII.

Ex allata hac opinione facilius forte explicari poterit maxima sodae inter diversas species discrepantia, et quare



optimam et copiosiore nobis suppeditant regiones calidiores, in quibus forte ob continuum solis colorem sal marinus decomponitur. Contrarium nobis testantur eadem vegetabilia in regionibus frigidioribus provenientia, v. g. in Normanniae, Angliae, Zeelandiae littoribus, ut et salicornia ad fontes salinos Teuditzenses crescens, quae vegetabilia, testantibus id Clar. GAUBIO, HENCKELIO aliisque Praestantissimis Viris, propriisque experimentis, nil nisi salem communem exhibent.

## §. IX.

Nondum tamen hic dubitationis finis; nondum enim haec sufficiunt; sed ulterius probandum restat, in terris quibuscunque, in quibus Kali, Salicornia et Mesembrianthema, eorumque species sponte, vel cultura crescunt, in his, inquam, terris dari quoque alcali fossile nudum, si haec vegetabilia illud largiantur: e contra quod in illis terris, quae hoc alcali non gaudent, ex Kali caeterisque speciebus, in illis provenientibus, extorqueri non possit hoc alcali; quod, quantum scio, nondum factum est: interim forte occasio mihi erit in hanc rem penitus inquirendi; ubi non deero hoc cum publico communicare. Videtur tamen Clar. DU HAMEL in hujus rei scopum collimasse, dum observationes Actis Reg. Paris. 1767. insertas instituit, quae videntur hanc quaestionem enodare: verum si attenta mente haec observationes perlegerim, nescio, qui fiat, ut factis et allatis ibidem experimentis nondum subscribere possim, nec circa hanc rem maxime intricatam aliquid certi exinde hauriri posse, credo. Forte si experimenta majori cum cura instituta fuissent, ad progeniem alcali fixi fossilis aliquid determinari potuisset; et forte ipsa Clar. Viri DU HAMEL conclusio admittenda foret, dum dicit: ergo patet, quod solum, quod ipsa vegetabilia concurrant ad formationem salium, quae ex illorum cineribus obtinentur.

*CAPUT QUINTUM ET ULTIMUM.*

## DE USU OECONOMICO SODAE HISPANICAE.

## §. I.

Sal sui generis, quod maxima copia ex soda elicitur, cum juxta dicta §. I. Cap. praeced. alcalinae naturae sit, hinc

sequitur, quod ejus usus locum habere possit in illis opificiis, in quibus salia alcalina adhibentur: ob certas dotes tamen alcali fossile praefertur alcali vegetabili, sive ex cineribus clavellatis, sive ex ipso tartaro eliciatur, quoniam non adeo causticus est sal alcalinus fossilis, ac alcali vegetabile, facilius potest purificari, fusibilior quoque est, cumque non adeo corrodat partes, quibuscum miscetur, hinc ejus usus tutior, faciliorque evadit.

Tria mihi proposui opificia examinanda, quae pro magna parte huic nostro sali suam existentiam debent: sunt autem haec, *ars saponaria, telarum dealbatio, ars vitriaria.*

Non omnes encheireses, quibus utuntur hi opifices, describam, sed breviter tantum adducam praerogativas, quibus sal alcalinus fixus fossilis prae fixo vegetabili in his opificiis gaudet.

## §. II.

Antequam tamen ad illa progrediar, levi verbo in transitu annotare ea animus est, quae lucretur docimasia in purificandis *luna cornua et regulo antimonii*: in reducenda enim luna cornua per ordinarias methodos multum argenti, metalli adeo pretiosi, deperditur; acidum enim salis, cui junctum est hoc metallum, cum sua natura maxime volatile sit, una cum eo, ignis actione accedente, abripitur argentum, et in auras dissipatur. Haec dissipatio quoque obtinet, quando sua natura volatilem antimonii regulum ab heterogeneis liberare volumus. Uni et alteri huic dissipationi resistit, si lunae cornuae reducendae, vel regulo antimonii purificando adjiciatur sal alcalinus, fossilis, siccus. Debemus has methodos, ut et diversas alias, Clar. et Indefesso Chemico MARGGRAFFIO, jam saepius citato.

Sed transeamus ad artes, quae quasi per praeferentiam nostro alcali utuntur.

## §. III.

Sistunt se primo *saponarii*. Chemici sub saponis vocabulo comprehendunt concretum ex oleo et substantia salina, sive illa acida fuerit, sive alcalina; quae ultima facit, ut aquae oleum miscibile reddatur: sed in oeconomicis hoc nomen tantum conceditur concreto, quod ex oleo sive

vegetabili, sive animali, et sale alcalino fixo formatur. In regionibus meridionalibus sapo conficitur ex alcali fixo fossili et oleo olivarum: in regione, quae Turcarum Imperatori subest, loco salis alcalini ex soda acquisiti substituitur *Natron*, quod in Aegypto maxima copia reperitur, et quod, ut jam superius innui, ejusdem cum sale alcalino fossili naturae est: in septentrionalibus regionibus cineres clavellati et animalium pinguedines, nonnunquam etiam olea piscium saponi conficiendo inserviunt.

#### §. IV.

Sapones in regionibus meridionalibus confecti consistentiae sunt durioris, sicciorisque, et praeserri septentrionalibus merentur: sic quoque pleraque opificia, quibus sapo pro adminiculo est, si pretium non obstat, saponem meridionalem praeferunt.

#### §. V.

Sufficiat hic vulgarem methodum conficiendi saponem communicare; eo magis, quoniam apud varias gentes vix differt. Sodae optimae Hispanicae grosso modo tusae sumitur certa quantitas, et tantundem calcis vivae; haec ultima in planitiem expansa aqua irroratur, non ut extinguatur, sed ut pasta exinde fingi possit; haec dein cum soda bene permiscetur, et dolio in fundo foramen gerente committuntur ambo; foramen epistomio clauditur, quod pro lubitu amoveri potest. Rebus ita dispositis, aqua superaffunditur; fit lixivium, quod amoto epistomio effluit ex foramine in vas suppositum. Tria sic fiunt lixivia, quorum primum fortissimum, secundum minus forte, tertium debilius est: primum lixivium cum plus sale impraegnatum sit, est caeteris specificè gravius, quod explorant opifices immisso ovo recenti, quod in superficie sustineri debet; in secundum lixivium plus demergitur ovum, in tertium adhuc profundius: hoc parum differt ab aqua simplici. Tria haec lixivia separatim conservantur.

#### §. VI.

Lixiviis praeparatis, sumitur olei triplum pondus ratione sodae; in ahenum immittitur oleum, in quod tamen



prius tres circiter fitulae lixivii tertii sive debilioris immiffae erant; instruitur ignis, et materiae si fiat ébullitio, additur de tempore in tempus alia et alia pars lixivii tertii; si nunc oleum spiffiusculum redditur, sensim sensimque additur lixivium secundum; quod si bene mixtum fuerit, et olei consistentia spiffior facta, tunc simili modo cum lixivio primo proceditur, affundendo illud fitulatim; quando his vel ter affusum fuerit lixivium primum, ignis, qui huc usque satis violentus erat, plane supprimitur. Frigefactis materiebus, pasta saponacea supernatans eximitur, inque aliud ahenum deportatur: huic massae lixivii primi fortissimi duas vel tres fitulas superaffundit opifex saponarius, et ignis per gradus violentus instruitur, usque dum massa debitam consistentiam acquisiverit; tunc alius amanuensis instrumento ligneo quadrato hinc inde impressio foramina efformat, quae ab alio replentur lixivio secundo. Adhuc per duas horas ebullitio protrahitur, quibus elapsis ignis supprimitur et materies refrigerationi committitur per biduum circa, tuncque extrahitur sapo et eo replentur cistulae lignae, quarum fundus et parietes prius probe perfricti sunt calce extincta tenuissima. Fundus harum cistularum ita est inclinatus, ut aqua frigore ex sapone excussa facilius elabi possit.

## §. VII.

Libra una saponis hac methodo confecti, juxta experimenta Clar. GEOFFROI Aët. Règ. Par. 1739. inserta, continet *uncias x*, *drachmam i*, *grana lvi* olei; *uncias iv*, *drachmas iii*, *grana xl* alcali fixi, et *unciam i*, *drachmas ii*, *grana xlviii* aquae.

Additur alcali fossili vel sodae calx viva, ut alcali exinde educendum causticum magis et activius evadit, et conubium facilius cum oleo ineat. Experientia demonstrat, hanc unionem eo fieri intimiorem, quo parcius qualibet vice additur alcali maxima aquae quantitate solutum: etenim si tria lixivia, superius descripta, simul et semel cum oleo miscerentur, alcali non nisi difficiliter cum oleo unionem iniret, eamque laxiorem.

## §. VIII.

Hac combinatione oleum non modo redditur aquae miscibile, sed insuper ipsi nascitur proprietas, ut aliam sinceri olei et resinae quantitatem reddat huic menstruo, tantum non universali, miscibilem: et quamquam nec alcalia fixa, nec olea expressa, nec animalium pinguedines, quamdiu haec sincera sunt, solubilitatem in alcohole habeant, concretum tamen saponaceum nunc fit alcohole solubile. Hinc videmus, quomodo corpora alias et alias dotes et proprietates acquirant, prout ex aliis vel aliis admixtis concrevant.

## §. IX.

Ut ut fortem et intimam olei et alcali in sapone concretionem sibi quis fingeret; sciat is, rem se ita non habere: nam acida quaecunque sive meraca, sive unita cum basi, quae minorem cum illis, quam alcali in sapone praesens, habet affinitatem, hanc unionem dissolvunt, tollunt. Hinc est, quod quotidie experimur, quando saponem dissolvimus illis aquis, quae copiam salis selenitici in sua mixtione gerunt, tunc acidum vitriolicum, quod cum terra calcarea unitum in selenite est, suam basin terream deferens se associat et jungit cum basi alcalina, quae in sapone est: oleum sui juris factum in superficie flocculorum alborum ad instar innatat. Haec res quondam non levis momenti et factu perdifficilis visa fuit, impedire scilicet has aquas, quae ab hoc phaenomeno *duriores* appellari solebant et adhucdum appellantur, impedire, inquam, illas aquas, ne saponis decompositionem moliantur; unde hae aquae ad varios usus oeconomicos minus aptae judicabantur. Sed si in hujus phaenomeni causam curiosius quis inquiret, videbit, nil facilius excogitari posse, nec aptius huic incommodo remedium dari, quam ipse sapo: nam cum selenites sit sal, quod ad sui solutionem maximam aquae copiam requirit, inde est, quod non adeo abundare possit in aquis, etiam pro durissimis habitis; hinc si hujus speciei aquae floccos faciant, signo saponis decompositi; si nova sensim portio addatur saponis, paulo post videbimus, oleum ab alcali suo liberatum, superficiei innatans, protinus resolvi eadem aqua, saturato nunc et suo ordine decomposito sale selenitico; omne, inquam, oleum

cum sapone ulterius admixto integerrime resolvitur, ac si aqua esset quam levissima et dulcissima.

## §. X.

In decompositione saponis per acidum admixtum idem inde refurgit sal, qui fieret, si alcali purum cum determinato acido hunc constituisset. Hinc concludere licet, nostrum alcali et in hac operatione suam naturam tueri, nec immutari per hanc concretionem. Falleretur tamen is, qui similiter circa oleum ratiocinaretur: hoc quidem clarum, limpidum, caeterasque suas proprietates conservat, sed aliam praeterea nanciscitur, quam ante concretionem non habuerat: scilicet antea insolubile erat alcohole; nunc se hoc menstruo solvi patitur, ut caetera olea essentialia; quod forte evenit, quia alcali nostrum destruat materiam mucilaginosam, quae in omnibus oleis expressis et animalium quorumcunque pinguedine habetur: huic materiae mucilaginosae oleorum insolubilitas in alcohole tribuenda.

Haec circa alcali nostrum quoad saponarios sufficiant. Videamus, quemnam usum praestet alcali nostrum *lin-teo-rum lotoribus*.

## §. XI.

Secundum opificium, quod pro Sparta sumseram, se sistit, *lin-teorum* vel *telarum dealbatio*. Bifariam commode dividi potest hocce opificium; primum pro objecto habet telas recenter ex manibus textorum traditas, ut illae dealbentur; secundum est illa lotio, quae lin-teamina portatilia, usu conspurcata in pristinam albedinem restituit. Scopus non est hic in minutias descendere; solummodo intendam, ut ea exponam, quae alcali nostro fossili competunt.

## §. XII.

Telae vel lin-tea quando recenter a textoribus traduntur, fordescunt primo ex amylo, quo utitur opifex, ut fila, quibus catenam conficit, illiniat, ut eorum tensio aequalior sit; secundo, eadem haec fila colore quodam, quem ab ipso lino vel cannabi trahunt, tincta sunt; unde a duobus hisce vitiis debent liberari. In hunc finem telae primo in aqua tepida macerantur; sed haec sola non sufficit; debet



ergo menstruum efficacius in materiam colorantem agens adhiberi; hinc addunt alcalina vel et calcem vivam.

### §. XIII.

Ufus horum alcalinorum maximam meretur circumspectionem: primo, et hoc praecipuum est, debent eadem haec alcalina omni materia colorante orbata esse, nisi opifex abluendo unum colorem alteri velit substituere; secundo, debent haec alcalia tali modo esse comparata, ut non nisi tantam habeant activitatem, quae possit materies adfictitia colorans tolli, nec tamen filo ipsi noceri. Ex neglecta hac attentione plurimum evenit, quod, si telae ab insolatione domum redeant, non modo in pondere multum amiserint, sed et in textura et cohaesione sua fragiliores redditae sint; unde levi negotio lacerantur, rumpuntur.

### §. XIV.

Cineres clavellati, si bene calcinati sint, liberi sunt a quacumque materia colorante; verum alcali, quod continent, causticum magis est, quam alcali ex soda acquisitum: tamen soda vilioris notae hoc habet, ut colore inficiat telas, quamquam causticitate innocentior fila non laedat; sed soda optima, et praeprimis ejus alcali purum, concentrat duas requisitas dotes; primo quod non inficiat telas materie colorante, nec fila in cohaesione laedat, dum interim telis niveum candorem conciliat. Calx viva, quae a nonnullis substituitur alcalicorum loco, conciliat quidem multo majorem albedinem, quam alcalia, sed nimis grassatur in ipsum linum. Alcalicorum cum calce viva combinatio melius dealbat linteamina, quam alcalia sola, nec etiam linum adeo corrumpitur, quam a sola calce viva fieret: hinc est, quod in plurimis hujus opificii officinis mos inoleverit hujus combinationis. In septentrione ad idem opus utuntur cineribus clavellatis, ob abundantiam viliori pretio venientibus: in regionibus australibus ob eandem rationem potius soda utuntur.

### §. XV.

In borealibus regionibus utuntur cineribus clavellatis, qui prope Dantiscum et in Polonia conficiuntur: alii cineres

vel non bene dealbant, vel linum alterant, et nonnunquam illud maculant. Apud nos in more est, ut et cineres clavellati, et soda, et calx viva invicem jungantur. In austrilibus regionibus curant, ne cineres Syriacos ad hunc scopum assumant, utpote vegetabilium nondum combustorum reliquiis scatentes, quibus lixivium et per consequens linum colore plus minus heterogeneo tingi posset. Nec Soda odore sulphureo, limoso vel lutofo imbuta, nec illa, quae odorem habet ovi incubati, indicio hepatis sulphuris praesentis, utuntur opifices: hae enim sodae non modo maculas indelebiles linteis imprimerent, sed quod plus est, lini cohaesionem certo destruerent. Hinc merito praeferuntur sodae Alicantenses, Mallagenſes etc.

## §. XVI.

Utuntur autem opifices nostri alcalinis, postquam adscititia a textoribus addita eluta sunt pro maxima parte lotionem et insolationem repetita; addunt nonnunquam et molendinarum continuas sese insequentes pressiones. Exsiccatae dein radiis solaribus telae doliis committuntur et detinentur per sex vel septem horas sub lixivio alcalino, calce viva fortius reddito; lixivium hoc depromunt, eique substituant aliud calidius; doliis exentae telae insolantur, frigida irrorantur, ut auferatur lixivium; exsiccatae denuo eodem lixivio, sed fortiori, submittuntur: encheireses illae quinta vel sexta vice repetuntur cum hoc discrimine, quod lixivium semper fortius atque fortius admoveatur: similiter pergunt fumendo ad quintam et sextam vicem lixivium semper debilius: ultimo denique lacte ebutyrato macerantur, dum levis effervescentia conspicitur ex acido lactis evoluta et adhaerente telis alcali; denuo cum sapone abstergunt partes oleosas adhaerentes et facta per insolationem exsiccatione, complicantur lintea vel telae, machinis pressoriis compriuntur, sicque divenduntur.

## §. XVII.

Multo simplicior est encheiresis in purgandis linteaminibus, quae usui quotidiano inserviunt: etenim ut a pinguedine et sordibus expurgentur, simplex cinerum quorumcunque lixivium sufficit, quamquam perparum alcali habeat;

dein sapone et repetita saepius in aquam immersione pristinae munditiei restituuntur, ut ad usus iterumque apta reddantur linteamina.

### §. XVIII.

Dissertationi nostrae coronidis loco sit *Ars Vitriaria*, cujus utilitates pene innumeras hic adducere supervacuum fore arbitror, nec hujus opusculi pagellae permittunt, cum in volumen densum potius excreceret, si recensendis iis inhaerere vellem. Neminem praeterea latet, quid aedes nostrae, quid usus oeconomicus, quid Physica, quid Astronomia Foecundae huic Chemiae Filiae, arti vitriariae, debeant. Nostrum erit examinare, quousque alcalia, praecipue alcali fossile, huc in censum veniant.

Innititur nimirum ars vitriaria salium alcalinorum proprietati, qua, si sicca sint, ad certum caloris gradum in fusionem ruunt; et in hoc statu apta redduntur, ut possint certas terras (quae caeteroquin solae fortissimo etiam igni resisterent) sic disponere, ut una cum illis fluant, et massam homogeneam formant, quae si frigesacta est, densa, fragilis, et pellucida instar aquae est, cui nomen *Vitrum* datum fuit.

### §. XIX.

Alcalia fere omnia tum pura tum impura, ut vegetabilium cineres, elixati vel non; item salia neutra, quorum basis alcalica est, quaeque ignis violentior decomponere potest, ut tartarus, nitrum, simili admodum proprietate gaudent: attamen vitra inde confecta inter se discrepant et magis huic vel illi usui apta redduntur: sic v. g. vitra vulgaria conficiuntur ex cineribus lignorum quorumcunque, adjectis cineribus clavellatis vel soda, et arena lutea, fragmentisque vitreis; hae materiae ratione proportionis, qua miscentur, plus minus ignem violentissimum requirunt ad sui liquationem. Vitrum inde confectum solidum quidem est, sed simul colore obscuriori donatur, unde ejus pelluciditas multum patitur, nisi in totum pereat.

### §. XX.

Alcalia, quae admixtam habent majorem vel minorem salis cujusdam neutri copiam, ut v. g. quae ex cineribus ple-  
 rorumque vegetabilium concrematione obtinentur, plus minus propria sunt usui vitrificationis, pro ratione naturae



salium horumce neutrorum, eorumque quantitate, qua insunt: sic v. g. si hi sales neutri sint naturae tartaræae vel nitrosæ, non alterant vel mutant materiam vitrificandam, cum ipsis proprium sit violentiori igne alcalifari: præterea unicuique sat notum est, hos sales in ipsa incineratione jam decomponi, neque unquam in cineribus reperiuntur; cineres enim fere non alios sales neutros examinanti exhibent, quam salem *Febrifugum Sylvii*, *Salem Marinum*, *Mirabilem Glauberi*, et *Tartarum Vitriolatum*. Haec salia plus minus pro ratione suae naturae et quantitatis alcalicorum proprietati vitrificatoriae obstant, quoniam, ut haec ipsa salia fluant, requirant magnam alcali copiam: sic v. g. alcalica, quae plurimum tartari vitriolati admixtum habent, propria facultate vitrificante enervantur, quia tartarus vitriolatus, *difficilis* fusioni sal; ad sui fusionem requirit sat insignem alcali partem; secedit ergo haec pars, nec ad arenam, terram, lapidesque vitrificandos quid conferre valet: sal Glauberi *facilius* cum fluat, minus nocet vitrificationi, sed sal marinus vel febrifugus Sylvii, cum *facillime* fundantur, et in longum tempus protracta vitrificatione igne violentissimo *forte* pro parte alcalisantur, omnium minime obstant vitrificationi. Vitra ex materiis, salibus hisce neutris plurimum scatentibus confecta, ut plurimum bullulis repleta sunt, exinde plus minus fiunt *fragilia*, quod chemici frequenter luunt: vitra, in quorum conflatione multum salis cibarii datur, habent et hoc præterea, quod *lamellatim* secedat substantia vitrea.

#### §. XXI.

Cineres, qui alcalia plus minus pura recondunt, v. g. cineres filicum, Soda Hispanica optimae notae, vitra elegantissima, solida, pellucida producant: illa tamen, quae ex soda vel alcali fossili fiunt, his proprietatibus majori gradu gaudent: accedit, quod massa mitiori igne fluat.

#### §. XXII.

Alcalia sive vegetabilia sive fossilia, dummodo purissima sint, optima ac elegantissima vitra constituunt; sed in illis tamen occurrunt diversitates similes ac §. præced. de cineribus dictum fuit, qui haec alcalia continent: hinc merito soda et sal ejus alcali fossile praefertur in plurimis offi-

cinis vitrificatoriis. Sic Itali, sic Hispani, Angli, Galli in officinis vulgo *Ildephonse*, *Cherbourg*, *St. Gobin*, *Vauxhall* et *Newcastle* nonnisi soda, eaque optima, utuntur ad vitra sua conficienda. In aliquibus officinis soda talis, qualis est, op̄eri admovetur; eam certae quantitati purissimae arenae commiscent: in aliis vero sale alcalico ex soda aequifito, eo-que purissimo, utuntur; unde et vitra in ultimis his officinis confecta puriora, magis homogenea, pellucidiora esse solent, hinc praeferenda.

## §. XXIII.

Quando §. praeced. dixi, vitra ex sale sodae confecta caetera sua puritate, pelluciditate antecellere, minusque colorata esse, quam illa, quae ex sale alcalico vegetabili ut ut puro conficiuntur, illa vitra, quae sola miscela salis et arenae fiunt, subintellecta volo: verum si his materiebus minium vel alia calx plumbi adjicitur, vitra tunc ex hac miscela cum sale alcalino fossili praeparata, constantissime plus minus viridia sunt; dum e contra vitra cum alcali fixo vegetabili puro, arena et calce plumbi confecta sunt pellucidissima. Hoc phaenomenon ab opificibus mihi relatum fuit constanter observari: quatenam autem hujus phaenomeni sit causa, lubens et candide fateor difficulter enodandum mihi videri, eoque magis, quoniam similem inter fossile et vegetabile alcali discrepantiam in vitrificatione animadvertit Peritissimus MARGGRAFIUS Tom. I. pag. 196. ubi ait, Regulum antimonii cum alcali fixo fossili pro depuratione fusum exhibuisse scoriam vitream virescentem, cum alcali autem vegetabili excolorem, neque diversitatis istius rationem reddere audet.

Sunt haec, B. L. quae de Soda dicenda habebam: fateor, multa adhuc deficere; suppeditavit tamen haec materies in sua praeparatione varia phaenomena, a quibus prosequendis non sum alienus. Interim his esto contentus: digniora si licuerit assequi, ea communicare nullatenus deero.

---

IV.

WYERI GUILIELMI MUYS

MED. DR. ET HUIJ. ATQUE MATH. PROF. ORD. etc.

DISSERTATIO ET OBSERVATIONES

DE .

SALIS AMMONIACI PRAECLARO  
AD FEBRES INTERMITTEN-  
TES USU:

UNA CUM

EPISTOLA PRAEFIXA AD REGIAM SOCIE-  
TATEM LONDINENSEM.

F R A N E Q U E R A E,

I 7 I 6.



THE UNIVERSITY OF CALIFORNIA  
AND THE UNIVERSITY OF MICHIGAN  
TO THE

LIBRARY OF THE UNIVERSITY OF CALIFORNIA  
AND THE UNIVERSITY OF MICHIGAN

THE UNIVERSITY OF CALIFORNIA

LIBRARY

## E P I S T O L A

AD

R E G I A M

S O C I E T A T E M L O N D I N E N S E M

D A T A.

WYERUS GUILIELMUS MUYS

R E G I A E

S O C I E T A T I L O N D I N E N S I S. D.

Quum ad latitantem quorundam Organorum Corpus Animale constituentium fabricam, et reconditam Laticum illa pervagantium indolem, observationibus et experimentis indagandam jam ab annis aliquot acrius incumberem, atque hujusce laboris majorem in dies singulos fructum voluptatemque caperem; ad hanc et alia accessit causa, quae me movit, ut non tantum de hoc instituto nihil plane remitterem, sed et in eo majore etiam, quam ante, studio persisterem; novi nimirum Muneris ratio, ad quod ea, qua quidem cuperem, dignitate tuendum ac sustinendum hoc studiorum genus maximopere pertinere sensi. Haec autem cum haecenus privato potissimum usui servirent, nisi quod paucula tantum Doctissimis quibusdam Viris impertiveram, quibuscum nempe mihi literarum commercium intercederet; ante biennium evenit, ut nonnulla a me observata circa abstrusam *Fibrarum muscularium* structuram, quae Discipulis tunc temporis demonstraveram, ab illis forte cum aliis communicata fuerint, atque ita tandem in manus inciderint illorum Hominum eruditorum, qui Gallico sermone elegans illud, quod *Hagae Comitum* prodit, *Literatorum Diarium* conscribunt. Inde cum ab his in eo statim Opere vulgata essent, etiam Vobis, qui praeclaro et nunquam satis laudando consilio non ad Vestra solum, quantumvis egregia, sed et ad omnia totius Europae experimenta oculos eruditos

circumferre, atque ex iis utilia et novam Scientiis naturalibus lucem allaturā feligere soletis, haec nostra alicujus momenti visa sunt, adeo quidem, ut ea splendidiore loco dignati hanc in *Acta* Vestra jam diu Orbis Terrae judicio ac testimonio quam maxime comprobata. transtuleritis. Cum itaque haec tenuia laborum nostrorum specimina, quae jam quibusdam aliis Orbis eruditi Luminibus haud displicere noveram, pariter a tam augusto Philosophantium Coetu non improbari cernerem, a caeteris etiam observationibus cum Viris Doctis interdum communicandis minus alienus esse coepi; id praestantius fore ratus, quam si per plures et manus et linguas transeundo hic illic iis aliquid forte de nativa facie detereretur. Hac cum essem mente, in cumulum accessit, quod ex iis, quibus *Illusterrimus et Excellentissimus Baro*.... me honoravit, literis ad hoc propositum perficiendum Vestra me humanitate et benevola de nostris conatibus sententia allectum atque invitatum intellexerim. Inde ergo certior factus, Vobis, si quas transmitterem Observationes, gratas et acceptas fore, deesse nolui, quin hoc non solum studiosissime diligentissimeque curarem, sed et hac occasione summam meam observantiam et obsequium in splendidissimam vestram *Societatem* tot tantisque erga Rempublicam literariam meritis et per tantam annorum seriem continuatis illustrem testificarer. Quanto majorem autem animi veneratione eximiam vestram eruditionem, sapientiam, atque excellentem in omni *experimentalis Philosophiae* parte peritiam prosequor, quam omnes omnium Gentium Doctissimi Viri suspicere et admirari non desinunt, tanto magis etiam mihi honori duco, a Vobis haud penitus indignum censei, qui et meam quamvis tenuem operam in hujus Scientiae, aut quae ejus partem constituit, Artis Medicae a tot praeclaris inter Vos Viris tantopere excultae incrementum conferam.

Cum ergo Observata Anatomica, quae Vobis jam ab initio dicaveram, re iterum perpensa, ante, quam ea perscriberem, novis experimentis aucta et instructa malletm, atque aspera tunc temporis hyems, ne hoc negotium exequi possem, impediret; hinc ad ea, quae in Praxi Medica ad majorem ejus perfectionem utilia atque accommodata nota-



veram, animum converti; et quidem eo magis, quia haec Scientia, quo majorem ac magis propinquum, quam caeterae, ad tuendam valetudinem, maximum Mortalium in hac vita bonum, habet usum, eo etiam praestantiora et diligentius exquirenda videntur illa, quae ad hanc amplificandam ac promovendam faciunt, experimenta.

Jam dudum autem praeclarae huic Scientiae nihil mihi aequae, ac haec duo, deesse visum; adcurata nimirum Medicaminum usitatorum et praesertim simplicium notitia, tam respectu virium, quibus pollent, quam dosis eorundem cum minimae, quae ad usum interdum sufficere, tum maximae, quae sine noxa, cum res postulat, adhiberi potest; et deinde ejusmodi Remediorum cognitio, quae Morbo alicui depellendo paria spem tam Medici, quam Aegroti, rarissime fallunt: quorum alterum ad Praxin Medicam nova accessione augendam et locupletandam, alterum ad eandem illis, quibus nunc habemus, limitibus circumscriptam multo magis perficiendam pertinet. Medicaminum enim tanta virium cum magnitudine tum constantia valentium quam mira sit paucitas, Vos equidem minime fugere existimo; horum ergo numerum uti minimum, ita defectum omnino maximum reputo. Caeterorum autem, quae jam sunt in communem atque vulgarem usum recepta, insignis quidem, si numerum spectes, copia comparet, aut si exploratas eorundem virtutes et certa aliqua ratione definitas secteris, maxima illorum inopia patet. Quae etenim, ut quidem ego sentio, de singulorum Medicaminum viribus scire cum maxime interest, ea profecto rarissime Medicorum voluminibus consignata repperi. Qualia praesertim haec esse arbitror, 1<sup>mo</sup>. In quam Morbi specie unumquodque Medicamen vel prodesse vel obesse compertum sit; sedulo cavendo, ne confundantur Morbi diversi ob unius aut complurium effectuum convenientiam vel pro uno eodemque vulgo habiti, vel saltem eodem communi nomine appellati. 2<sup>do</sup> Qua saltem ejus dosi et quoties iterata opus sit, ut inde optatus aliquis prodeat in dato Morbo successus, et quousque haec innoxie augeri possit. 3<sup>tio</sup> Quo morbi tempore, qua methodo et quibuscum de victus ratione praeceptis ejusmodi Medicamentum Aegrotanti dandum, et quibus in

casibus, si tales fuerint, illius usu abstinendum. 4<sup>to</sup> Quantum et quale tunc inde observatum fuerit ejusmodi Morbo afferri decrementum; et quousque vel solus illius usus satis diu continuatus, vel aliis subsidiis necessariis adjutus, Morbo medendo sufficere visus. 5<sup>to</sup> Utrum constans utplurimum, an vero varius et incertus sit prosper ejusmodi Medicaminis eventus; et qualis fere inter eas, quibus successum habuerit, illoque caruerit, vices proportio obtinet. 6<sup>to</sup> An haec omnia per observationes justo debitoque numero factas et fide relatas sint demonstrata, atque ita Lectori constet, quo dictis fundamento fides haberi possit. Taceo nunc, quam et his addi posse sentio, singularium illarum causarum notitiam, quibus efficitur, ut in eadem Morbi specie exploratae caeteroquin Medicaminis virtuti interdum neutiquam respondeat eventus, sive haec effectuum varietas a diversa aliqua Morbi aut Aegroti conditione, sive a differente victus ratione, aut anni tempestate, aeris temperie, sive ventorum constitutione, aut regionum discrimine, denique aliunde pendere comperiatur: etsi enim quodammodo perfectam hujusce negotii cognitionem in plurimis fane casibus ob summam rei difficultatem optandam magis quam sperandam putem, ad eam tamen, quoad fieri potest, adnitendum existimo, ut tanto certius in posterum Medicus futurum Medicaminis eventum praevidere possit. O quam praeclara, quam salutifera foret hac ratione concinnata Medicaminum historia! Quanta inde Medicantibus lux, Aegrotantibus salus, et omnium Artium praestantissimae dignitas accederet! Verum, proh dolor,prehendimus Nos ab hoc excelfo hujus Scientiae fastigio tantopere abesse, ut de longe maxima Medicaminum etiam usitatorum parte ex Medicorum Scriptis vix quidpiam certi aut definiti ad quaestiones propositas quantumvis scitu necessarias responderi possit. Etenim hic voces ut plurimum obscurae, vagae, et plus nimio generales, quibus cum Morbos tum Medicaminum in illis effectus denotant: interdum etiam variae Pharmacorum operationes a sensuum observatione longe remotae, atque ex Authoris imaginatione et conjectura, non vero ab experientia depromptae: veri dosis limites saepe neglecti, aut ex arbitrio potius quam multiplici

experimento definiti: altum passim de illorum, quos Pharmacis adscribunt, effectuum inconstantia silentium: et denique experimenta ad comprobandas Medicaminum vires iterandi non solum, sed et ad ea provocandi desuetudo. Immo eorum plurimi, qui Remediorum vires enarrant, aliorum potius autoritate quam propria experientia nituntur; unde testimonia multiplicantur, certitudo vero nequaquam augetur: et qui experimentis etiam freti atque muniti videntur, unam saepe alteramve observationem, in qua voto respondit eventus, afferunt, caeteras autem, quae successu caruere, turpi silentio praetereunt. Hinc magnifica de Medicaminum virtute Medicorum elogia passim vana, fucosa atque fallacia. Hinc incredibilis in Arte confusio nata. Atque ita effectum est, ut Medica hac in parte Scientia, qua maxime quidem oportebat, minime omnium hactenus fuerit promota.

Quamobrem ab eo, quo ad Praxin Medicam accessi, tempore, cum memoratos in hac Arte defectus experirer, in id omni studio, cura et industria incumbere coepi, ut ex observationibus adcuratis, saepe repetitis, fide notatis, ac denique inter sese comparatis, certas ac definitas Medicaminum virtutes cognoscerem, atque ita mihi provecta magis aetate altiore Praxeos notitiam non infirmo sed stabili et certo fundamento subnixam compararem. Nunc autem ex hoc ipso apparatu Vobis offero hisce Literis adjunctum Opusculum, quod, licet unius tantummodo simplicis Medicaminis, *Salis* scilicet *Ammoniaci*, vires ex observationibus deductas complectatur, Vobis tamen haud penitus ingratum fore spero, et, quia *Salis* hujus effectus secundum methodi ante memoratae leges adcurate, quoad potui, determinatos, nec contemnendo Observationum numero demonstratos continet; et, quia praeclaram ac hactenus, quod scio, ignotam illius virtutem edocet, qua nempe non solum absque ullo alterius Pharmaci subsidio Morbis celeriter removendis sufficit, sed et singulari successuum constantia in tanta ejusmodi Medicaminum penuria sese maxime commendat. Observationes autem aliae prolixius, aliae brevius conscriptae, prout scilicet tunc temporis me de Morbi historia plus mi-



nusve certiore fieri contigerit: has tamen sic, ut ab initio notatae fuerant, retinere, quam ad compendii aequalitatem reducere malui, quo tanto melius inde pateret, in quibus Morbi phaenomenis, et qualis, ac quanta ab ipsa *Salis* operatione mutatio succederet. Ut taceam, nunc varia hinc hauriri posse, quae etsi ad praesens institutum non pertineant, et forte nonnullis etiam leviora videri queant, ad adcuratam tamen horum Morborum historiam a Medicis perperam neglectam contexendam faciunt, et tanquam *Data* ad illorum causas indagandas, easque non ex conjecturis, uti quidem haecenus, sed ex observationibus, quousque fieri potest, definiendas inservire possunt. Equidem dolendum existimo, quod Medici Morborum quotidie occurrentium casus conscribere adeo negligant, ut illorum etiam historiam, quae jam dudum omnibus numeris absoluta esse deberet, haecenus nobis non nisi admodum mancam et imperfectam reliquerint; cum eo ipso, quod Morbi sunt vulgatissimi, illorum observationes frequentissimum ac proinde maximum habeant usum. Quod tamen non ita velim accipi, ac si Casus quoscunque rariores flocci facerem: hi etenim Practicis etiam peritissimis magno interdum usui esse queunt, ut, si in similes quandoque Morbos inciderint, mox ab initio non tantum eorum progressus et exitus, sed et totam medicandi rationem melius perspicere et praevidere possint. Immo eam ipsam ob causam in has Observationes retuli singularem Tertianae duplicis historiam, caeteroquin extra illos temporis cancellos, quibus caeterae continentur omnes, constitutam, siquidem ejus phaenomena mihi visa fuerint adeo insolita atque admirabilia, ac ulla alia, quae ad nostram unquam notitiam pervenerunt.

Pluribus haecenus de instituti mei ratione ad Vos scripsi, ne simili postea occasione de ea amplius differere necessum foret; quapropter etiam, si haec forte epistola verbosior visa fuerit, Vos ejus mihi quidem veniam duros confido. Si enim in eo genere studium meum non aspernabimini, praeter Observationes Anatomicas plura quoque alia hujusmodi ac in gravioribus etiam morbis Artis experi-

menta Vobiscum, Deo volente, et animo quidem libentissimo, communicare potero. Hoc agendo, si et Hominum commodis consulere, eorumque utilitati ac saluti servire, et mihi Vestram, quam sane maximi facio, gratiam ac benevolentiam comparare queam, uti hoc ipso nihil mihi magis aut jucundum aut honorificum accidere posse sentio, ita et in hoc negotio neminem aut studio majore aut magis alacri ad omne in Vos obsequium animo versari posse intelligo. Valete.

---

D I S S E R T A T I O  
DE  
S A L I S A M M O N I A C I  
PRAECLARO AD  
FEBRES TERTIANAS ET QUOTIDIANAS INTER-  
MITTENTES USU.

I. Salis Ammoniaci egregia virtus febrifuga haecenus latuit.

Sal *Ammoniacum* arte factum, quod hoc solum tempore in tabernis proflare atque in Medicina usurpari solet, Veteribus, quantum liquet, Medicis nequitquam innotuit. Primus, qui in nostras quidem manus incidit, *Andr. Caesalpinus* hujus Salis parandi modum, quo scilicet tunc temporis in Germania confici solebat, in Libro de *Metallicis* vergente jam seculo XVI. publicavit; solum autem chymicum illius in metallis usum tradidit, medicum vero ne quidem attigit. Neque etiam de ejus interno in Arte Medica, saltem in Febribus, usu ullum, quod scio, apud *Fernelium*, *Morestum*, *Joelium*, *Dodonaeum*, *F. Platerum*, *Schenckium* et plures alios celebriores istius seculi Medicos vestigium exstat, nisi, quod *Platerus* hunc Salem in Asthmatis curatione memorat. Nonnulli vero seculi sequentis atque novissimi Authores hujus quidem Salis in re Medica utilitatem, immo et vim aliquam, ut ajunt, *febrifugam* agnovisse, ast verum illius in Tertianis et Quotidianis intermittentibus curandis usum et singularem illam virtutis excellentiam, quae ex paucis hisce pagellis patebit, nulla equidem ratione perspexisse videntur. Ita ea quidem aetate aliqui de iis, qui Medicaminum virtutes enarrare atque scripto comprehendere studuerunt, ut *Schroderus Pharm. Med. Chym. Et mulierus Schroder dilucid. Konig Regn. Miner.*, *Dale Pharmacol.*, *Margggraef in Collect. Chym. Leydens.*, *Lemery Cours de Chymie*, etc. Sal ammoniacum, illiusve Crystallos vel Flores generatim in Febribus et prae-



sertim in Quartanis prodesse notarunt. Ita pariter nonnulli ex iis, qui toto istius seculi decursu florere et de Febrium intermittentium curatione scripsere, Medici, uti multorum quidem Medicaminum, ita et Salis ammoniaci aliquam ibidem mentionem injecerunt. Sic equidem novi, *Willisium de Febribus*, *Barbette Prax.*, *Rolfincium Meth. Cur. Febr.*, *Mynsichtum Armam.*, et *Chr. Joh. Langium in Praxi Med.*, Sal Ammoniacum vel ejus Flores inter caetera qualiacunque *Febrifuga* in Intermittentibus usitata memorare; *F. De le boe Sylvium in Prax. Med.* illud, quoties Aegri constitutio biliosa fuerit, in hisce Febribus una cum caeteris aliis, ut ait, *Solventibus* atque *Incidentibus acidis* praescribere; *Grulingium Med. Pract.* hoc Sal, si septies sublimatum sit, ad omnes Febres, praecipue vero ad Quartanam utile pronunciare; *Sennertum et Primerosium, de Febribus*, referre, illud in Quartana, postquam sublimatum fuerit, a quibusdam Chymicis usurpari solere; *Michaelem Oper. Med. Chir.*, *Dekkers in Not. ad Barbette*, *Dolacum Encycl. Med.*, et *Walschmid in Prax. Med.* caeterisque *Operibus*, omnes in Quartana, *Dolacum* etiam in Quotidiana, et *Dekkers* in Tertiãna, ac *Walschmid* in utraque, hoc Sal illiusve Flores pluribus aliis *Febrifugis* in *Formulis* ibidem praescriptis adjicere. Interea tamen egregias hujus Salis vires cunctis his Authoribus neutiquam exploratas aut cognitatas fuisse, vel inde facillime liquet, quod, cum in quolibet Medicamine, de quo aliquam tantum opinionem animo conceperint, magnifice laudando atque efferendo caeteroquin nimiam Medicorum facilitatem, ne dicam temeritatem, summo quidem jure culpaveris, hic Ammoniacum Salem nullo prorsus encomio exornent, nullam ei prae caeteris, imo levissimis etiam Febrifugis praestantiam tribuant; atque solus, qui id *praemissis praemittendis* pro *singulari Febrifugo* venditat, *Etmullerus*, in iisdem morbis majore etiam laude *Spiritus* ex hoc Sale extracti vires, licet re ipsa multum inferiores et hic cum ipsius Salis virtute nequaquam comparandas extollat. Deinde id hinc quoque ulterius patere potest, quod memorati Authores, si unum quidem *Sylvium* exceperis, hujus Salis usum ad pauca tantum grana defini-verint, et qui hic, ut *Lemerius* et *Etmullerus*, caeteris etiam

majorem constituerunt dosin, maximam tamen non ulterius quam vel ad  $\text{xxiv}$  vel ad  $\text{xxx}$  solum grana extendendam putaverint, atque ita hoc Medicamen quantitate multo minore, quam qua passim Febri alicui curandae par est, praescripserint: *Sylvium* vero, etsi hoc majore quidem pondere in potionem medicatam ingesserit, id tamen propterea potius, quod hunc Salem ad bilem temperandam accommodatum crediderit, fecisse, quam quod ullam singularem illius in Febribus tollendis virtutem exploraverit, sola equidem Libri inspectione liquet. Denique id ipsum et hoc confirmat, quod ipsi hi Medici, etsi Sal ammoniacum in Quartana parum, in reliquis vero Intermittentibus plurimum possit, tamen ejus in illa vires pauci non minores, quam in hisce, plurimi multo etiam majores existimaverint. Quas ob rationes profecto mirum non est, nullam de hoc Medicamine famam percubuisse, nec aliquam ejus opinionem ad longe maximam Medicorum partem ne ad hoc quidem tempus fuisse perlatam; ac proinde a multis, qui nominatis Authoribus aequales vel aetate posteriores Febrium curandarum rationem tradidere, ut *Horstius Op. Med.*, *Rivierus Prax.*, *Guldenkleef Cas. Med.*, *Mayerne Prax. Tract. de Febr.*, *Piens de Febr.*, *Jones de Febr.*, *Morton Oper. Med. Tom. 2*, *Burnet Thesaur. Med. Pract.*, et alii plures, Sal ammoniacum in Medicaminum ad Febres intermittentes usitatorum numero ne quidem ralatam aut commemoratum fuisse, etsi eorum plurimi vel praestantiora, vel quaelibet etiam alicujus tantum existimationis Febrifuga, tam quae ante publicata fuerant, quam quae tunc innotuerant, de industria colligere atque enumerare studuerint. Haec autem hic fusius prosecutus sum, non quod inventionis tantillae laudem rem alicujus momenti putem, aut de ea mihi vendicanda laborem, sed ne aliis forte, qui in ejusmodi, qualia supra retuli, Authorum loca incidunt, hic minus candide egisse, aut aliena pro meis inventa venditasse videar. Nunc vero de re ipsa dicere, atque hujus Salis in Intermittentibus depellendis usum exponere aggredior.

## II. Salis Ammoniaci Dosis per varios aetatis gradus.

Mediocre Salis Ammoniaci *Dosis*, quae Homini adulto maxime convenit, et a me frequentius adhiberi solet, ad  $\text{ziss}$

ascendere, minimam vero, quae hic ad usum interdum sufficere, ac maximam, quae sine periculo aut detrimento aegrotanti dari potest, per varios quidem aetatis gradus cum ea, quae hic indicatur, convenire, illae, quas hic infra referam, Observationes edocent.

### Salis Ammoniaci Dosis

In Aetate	Minima	Maxima
adulti	℥i <i>Vide Cas.</i> 23, 26, 27.	℥i ℥ij <i>Cas.</i> 15. 16. vel ℥ij. <i>Cas.</i> 34.
15 vel 16 annorum	℥i <i>Cas.</i> 25.	℥i℥. <i>Cas.</i> 36.
11 vel 12 annorum	℥j <i>Cas.</i> 24.	℥i℥i <i>Cas.</i> 24.
8 annorum	℥j <i>Cas.</i> 17, 33, 38.	℥i℥℥ <i>Cas.</i> 33.
3 annorum	℥ij <i>Cas.</i> 18.	℥ij℥ <i>Cas.</i> 18, 19.
1 anni, aut paulo grandiore.	℥℥ <i>Cas.</i> 20.	℥℥ gr. iv. <i>Cas.</i> 20.

Et si vero cupiam haec dosis differentia pro ratione aetatis non ubique satis decrescere videri possit, nolui tamen eam hic ex arbitrio aut aliunde, quam ex observationibus definire.

### III. Hujus Salis adhibendi tempus ac methodus.

Hanc porro Medicinam Aegrotis adhibendi consueta mihi ratio haec est. Salis hujus dosim Febricitantis aetati convenientem prius in uncia circiter una vel Aquae sive coctae sive destillatae vel Cerevisiae dissolutam et liquefactam accipit Aeger semihora vel etiam breviori ante ipsum accessus initium intervallo, si scilicet Febris vel statim hora vel certa saltem periodo constanter recurrat, atque ita futurum reditus momentum probabili aliqua ratione praenosci ac praefiniri possit; sin vero secus sese res habuerit, hanc sine mora potiunculam haurit, simul atque prima vel ingruentis vel jam invadentis paroxysmi indicia persentire coeperit: ut primum autem eam epotavit, confestim aliquid potus ut Cerevisiae vel Theae vel Coffe, quem jam ante eum in usum paratum habeat, superbibere, atque ita salsum ex ore saporem eluendo et molestiam inde natam tollere et nauseam inde haud difficulter orituram avertere convenit. Et si autem unica saepe dosi Febrem depelli neque postmodum reverti contingat, quia tamen non constans aut certus hic



effectus est, majoris securitatis ergo, Aegrotanti eundem hujus Medicaminis usum sub alterius paroxysmi adventum simili plane ratione repetendum existimo. His peractis, etiamsi, quod raro equidem evenire solet, hac altera accessione Morbi vires nondum fractae vel admodum debilitatae videantur, nihilominus absque ulteriore Medicaminis usu tertiam accessionem expectandam censeo, utpote quam comperi passim vel neutiquam reverti, vel levissime tantum afficere, atque deinceps sponte sua Aegrotantem derelinquere. Quod si tamen inopinatus ejusmodi casus exstiterit, ut Febris pervicacior duplici Salis dosi non cesserit, sed tertia etiam accessione vegetum adhuc morbi vigorem ostenderit, quarto paroxysmo recurrente tertiam ejusdem Medicaminis dosin eadem plane ratione iterandam jubeo. His nostra *Tertianis simplicibus et Quotidianis Sale Ammoniaco* medendi methodus continetur. Hoc solum advertendum superest, quod infra ex *Observationibus* constare poterit, Tertianas quidem, ut curentur, rarius quam Quotidianas tertia Salis Ammoniaci dosi indigere. Quod autem ad *duplices Tertianas* attinet, etsi, ut in iis, quae sequuntur, *Observationibus Casus 23* edocet, unica interdum Salis dosis illis tollendis suffecerit, quia tamen id non semper accidere, vel ipse, qui sequitur, *Casus 24* documento esse potest, idcirco et ad certiolem curationis successum et ad majorem ejusdem celeritatem si non necessarium saltem utile ducō, ad singulas has, quae Morbum hunc componunt, Tertianas non tantum singulas Salis doses adhibere; sed et easdem proxima quaque accessione iterare.

IV. Victus ratio et in hujus Salis usu et in qualibet Intermittentium curatione observanda.

Cunctis his Febricitantibus eam interea victus rationem praecipio, quam nullo habito Medicaminum discrimine in omnium Intermittentium curatione observandam judico. Durante Febris accessione iis quocunque potu frigidiore interdico. Toto vero curationis tempore, imo et menstruo post hanc intervallo, *Carnem suillam ac Lardum*, et *Pisces marinos*, praesertim *Passerem* seu *Rhombum* (Bot), *Apuam cobitem* (Epierling), *Asellum minorem*, majoremque

prohibeo; et ab Aquarum fluentium ac praecipue Fluminum transitu cavendum moneo. De potus frigidioris in ipsa Febre noxa et hic forte aliquod in *Casu* 34 specimen exstat. A Carne suilla, Piscibusque recensitis Febres intermittentes jam per aliquod temporis intervallum, immo per integri fere mensis spatium, curatas et prorsus extinctas resurgere, praeter *Casus* 33 et 16 infra memorandos tot mihi, quot ad rei demonstrationem abunde sufficiunt, exempla suppetunt. Fluminum transitum ad Febres recidivas generandas aptum Medicorum alii asserunt, alii negant; illi observationibus nixi ad experientiam provocant, hi ratione freti, dum nullum inter hanc causam et quem ei tribuunt, effectum mentis acumine nexum perspiciunt, rem hanc ut inanem atque anilem fabellam rejiciendam judicant. Verumenimvero, cum innumeri in rerum natura effectus sint obvi, quorum causae omnino certissimae, illorum autem cum hisce concatenatio plane obscurissima, istiusmodi ratio ad fidem experientiae abrogandam neutiquam sufficit. Hunc unum ergo scrupulum tantummodo superesse reputo, an concessa observationum veritate utrumque, quorum alterum pro causa, alterum pro effectu habetur; non hic forte casu atque fortuna concurrerit; quod quomodo se habeat, ex ipsius rei frequentia aut raritate judicari posse intelligo. Si enim istiusmodi recidivae in ipso Fluminis transitu aut exiguo tantum temporis spatio interjecto multo frequentius contingant, quam, si hoc casu fieret, contingere deberent, id quod calculo haud difficulter aestimari potest; vel si illis, qui nuper febricitarunt, id haud frequenter impune tentare liceat; vel si plures, quos Febris nondum reliquit, hinc paulo post et insuetò omnino tempore paroxysmò corripiantur; haec sane putarem certa de hujus rei veritate testimonio. Atqui praeter illud, quod *Casus* 35 exhibet, hujus rei exemplum, jam eum ejusmodi Observationum collegi numerum, qui si rem hac via non plane demonstrare, ei saltem fidem facere, atque hujus opinionis Authores a nimiae credulitatis nota vindicare possit. Has autem ut et paulo ante memoratas Observationes hic caeteris quidem adjicerem, nisi eas ad generalem Intermitterium curationem potius quam ad nostrum hic scopum



perrinere judicarem, ac proinde nimiam hujus Opusculi molem jam nunc praeter opinionem excrefcentem veritus eas ad aliam occasionem reservare malle.

V. Qua ratione Salis Ammoniaci virtus et per Observationes et per Tabulam effectuum inde concinnatam demonstrabitur.

Ut vero nunc Salis Ammoniaci praescripta ratione usurpati operatio et virtus certius et accuratius paterent, non solum omnes Februm intermittentium Casus, quibus intra biennii spatium (quod scilicet ab initio Mensis *Septembris Anni 1702* ad finem *Augusti Anni 1704* effluxit) hocce Medicamen adhibui, nullo quidem, ut accurata successuum ratio iniri posset, omisso notare; atque ad hos unico tantum, qui extra hujus temporis limites contigit, cum ob singularia ac admiranda Febris illius phaenomena, tum ob hujus Salis operationem curiosius in ea observatam, adjecto, hic proponere et huic Dissertationi subjungere institui; sed et varios hujus Salis effectus, quos in Intermittentium inde curatarum paroxysmis evadendis, minuendis et tollendis prodidit, ex Observationibus memoratis, ubicunque nimirum de iis satis constitit, excerptos et in compendium reductos, additis temporum notis, in unam *Tabulam* ad calcem hujus Opusculi affixam cogere, et sic simul uno ante oculos Schemate, quo celerrime a mente percurri et facillime inter se conferri possent, exponere atque repraesentare conatus sum: quod etsi fortasse in ejusmodi rebus inusitatum, tamen non inutile visum.

VI. Salis Ammoniaci in Tertianis et Quotidianis intermittentibus curandis effectus, eorumque constantia et celeritas.

Ex hac Observationum sylva de Salis Ammoniaci in Tertianis et Quotidianis curandis effectus, illiusque constantia et celeritate, sequentia patent.

*1<sup>mo</sup>. Quod adeo constans sit hujus Salis effectus, ut in octo Casibus, quibus ad Tertianas et Quotidianas intermittentes sanandas ea, quam supra demonstravimus, ratione adhibetur, vix semel optato successu destituatur. Etenim ab hoc Sale sic usurpato in Observationibus memoratis Febres sequentes.*



	fuere	curatae	non curatae
Tertianae simplices	22	3	
Tertianae dupl. et Quotidianae	6	1	
Ac proinde Tertianae	—	—	
et Quotidianae conjunctim	28	4	

Immo illos etiam Febrium casus, quibus curandis impar fuit Salis Ammoniaci virtus, multo quidem, quam ex hoc calculo apparet, rariores esse posse intelligo; siquidem in quatuor his Febribus, quas a Salis hujus usu nequicquam curatas docui, successus propterea fortasse defuerit, vel quod Aegri graves, quos quidem me celaverint, in victu errores commiserint, quales ut recidivae excitandae ita et curationi impediendae pares esse queunt; vel quod post binas, quae non suffecerant, Salis nostri doses tertia renuentibus Aegris, uti quidem factum oportuerat, non fuerit iterata. Quemadmodum enim in Corticis Peruviani usu experimur quotidie, eam, quae plerumque sufficit, illius quantitatem, nonnunquam tamen Febri ejusdem licet generis curandae non solum imparem, sed et prae morbi pertinacia prius, quam curatio consequatur, ferme duplicandam esse; ita pariter, etsi duplex Salis dosis ad tollendas passim Febres satis efficax deprehensa fuerit, ea tamen, ut hoc *Casu* 24 et 28. confirmari potest, ad Febres altioribus radicibus defixas evellendas ejusdem interdum Medicaminis iterandi subsidio indigere, atque hujus adjumento destituta viribus deficere poterit. Quem autem hic proposui egregium Salis ammoniaci usum, eum non tantum me haec, quam haec adjungam, Observationum collectio docuit, sed et frequens toto deinde Praxeos decursu experientia confirmavit; neque mea solum, sed et, quae huc accessit, Fratris observatio, qui, cum hujus Remedii vires in Tertianis et Quotidianis explorasset, quae ei unius anni circuitu incredibili quidem numero curandae obtigerant, illud, ut mihi retulit, spem suam rarissime fallere comperit, et ob hanc singularem hujus Medicaminis praestantiam toto deinde reliquo vitae tempore illud in his Febribus extirpandis Peruviano Cortici praeferendum censuit.

II<sup>do</sup>. Quod in his Intermittentibus Sale Ammoniaci curatis toties saltem una illius dosis suffecerit, quoties eam iterare

*necessum fuerit.* Etenim ex 28 Febribus, quarum hoc Salis curatarum observationes retuli, 14 unica illius dosi fuere depullae; et fuissent fortasse multo plures, si id experiri licuisset; in caeteris enim binae passim Salis doses binis continuis paroxysmis adhibitae fuerunt, atque ita effectum est, ut, quid sola prioris dosi virtus praestiterit, discerni non potuerit. Saltem tres illas Tertianas *Cas. 11, 14 et 15* memoratas, in quibus alter ab assumpta priore dosi paroxysmus non rediit, hujus omnino viribus fuisse fugatas, mihi fane quammaxime probabile visum est. Fac ergo reliquas undecim Febres haud uni Salis dosi fuisse cessuras, et his 4 illas *Observ. Class. 2. Sect. 1. Art. 1.* propositas adjice, quibus etsi unica dosi curandis impar fuerit, duplicatam nihilominus sufficere potuisse, probabile puto; manebit tamen, ex 32 Febribus, quibus Salis hujus virtus mederi potuit, 17 fuisse, quibus depellendis equidem unica illius dosi suffecerit.

III<sup>uo</sup>. Quod in Tertianis et Quotidianis ea fuerit Salis Ammoniaci in Morbo levando ac tollendo celeritas, atque ea in operando constantia, ut

1. ex 5 Febribus passim 2 fuerint, quibus accessio primam Salis dosin mox inscuta magnopere levata, ex 6 solummodo 1 circiter, in qua haec aggravata, ex 7 vero 3, quibus eadem neutiquam mutata exstiterit.

seu, quod eodem redit, ex 35 Febribus fuerint mox prima a Sale sumpto accessione 14 magnopere levatae, 15 non mutatae, et 6 tantummodo aggravatae.

2. ex 27 Febribus a Sale Ammoniaco curatis fuerint 15, quibus alter a Sale sumpto paroxysmus omnino non recurrerit, 7, quibus vel levissimus vel saltem magnopere levatus redierit, et 5 solum, quibus is eodem fere ut antea vigore reversus fuerit.

3. Ex iisdem 27 Febribus a Sale Ammoniaco curatis fuerint vix 9, quibus tertius a Sale sumpto paroxysmus redierit, immo, ut probabili quidem ratione colligi potest, 5 solum tales exstitissent, si methodo Art. III. commendata Sal Ammoniacum adhibitum fuisset.

Et ex his 9, quae scilicet tertia a Sale sumpto accessione redierunt, fuerint

7, quibus ille paroxysmus vel levissimus vel saltem maxime levatus recurrerit;

et 4, quibus is paroxysmus exstiterit ultimus;

et 1, quae deinde semel tantum levissime recurrerit;

et 3, quae sua sponte vel ab eo tempore decreverint, vel paulo post cessaverint;

et 1, solummodo Tertiana duplex, quae tertia quoque Salis dosi indiguerit.

4. Immo, quod tertius a Sale sumpto paroxysmus recurrerit, id in Tertianis simplicibus sexies quidem rarius, quam in Quotidianis contigerit.

Quod enim ad primum attinet, si, uti par est, illas solum observationes spectemus, in quibus de hoc Salis effectu constitit, patebit, ex xxvii Febribus in *Tabula* memoratis duodecim, nempe *Casu* 3, 5, 6, 7, 9, 16, 20, 23, 24, 26, 27, et 28 notatas, et ex viii Febribus in *Class.* 2 et *Append.* relatis duas, *Casu* 35 et 39 propositas, exstitisse, in quibus paroxysmus mox a prima Salis dosi secutus magnopere fuit imminutus; ac proinde has conjunctim sumendo ex xxxv Febribus xiv fuisse, in quibus haec tam subita Salis operatio fuit deprehensa: ex iisdem vero xxxv casibus vi tantum Febribus, *Casu* nimirum 12, 13, 14, 15, 21, et 30 commemoratis, primum a Sale sumpto paroxysmum aggravescere visum; in caeteris vero xiv nullam, quam quidem intellexi, hujus paroxysmi mutationem fuisse observatam.

Quod vero ad alterum spectat, *Tabulam* adjunctam percurrendo liquet, ex xxvii Febribus a Sale nostro curatis xiiii Tertianas et Quotidianas exstitisse, in quibus alter a Sale sumpto paroxysmus prorsus fugatus fuit, et ii Tertianas duplices, in quibus itidem altera illius Tertianae, sub cuius scilicet adventum Sal usurpatum fuerat, accessio non rediit, etsi in horum casuum altero is, qui jam desierat, paroxysmus postmodum resuscitatus fuerit. Atque haec quidem ita se habent, ut ex xv hisce Casibus duo tantum exstiterint, quibus alterius paroxysmi tempore aliquis solummodo capitis dolor, duo, quibus tunc temporis levis quaedam alteratio, et unus solum, in quo tum aliquod caloris augmentum sese prodiderit; caeteris vero cunctis ne mini-



num quidem hoc ipso tempore observatum fuerit valetudinis indicium. Eadem porro *Tabula* docet, ex reliquis *xix* casibus, quibus alter a Salis usu paroxysmus non plane depulsus fuit, *vii* tamen fuisse, quibus is vel levissimus vel saltem maxime levatus recurrerit, et *v* solummodo, in quibus is eodem, ut ante, tenore persisterit.

Tertium pariter sola *Tabulae* inspectio haud difficulter edocet, si tantum animum adverteris, inter has *ix* Febres, quibus tertius a Salis usu paroxysmus rediit, tres adfuisse ab unica solummodo hujusce Remedii dosi tantopere levatas, ut tertia a Sale sumpto accessione non nisi levissime tantum Aegrotantem affecerint; indicio equidem haud obscuro, si altera ejusdem Medicaminis dosis iterata fuisset, eas ne tertio quidem paroxysmo fuisse reversuras. Quod de illarum postrema, *duplici* nimirum *Tertiana*, *Cas. 23* memorata, tanto etiam liquidius constat, quia unica Salis dosis illam mox Tertianam, sub cujus adventum sumpta fuerat, sustulit, et alteram ita fregit, ut tribus inde paroxysmis prorsus decreverit; unde si idem Medicamen sub alterius Tertianae accessionem iteratum fuisset, ambigi non potest, quin, quod in Febre viribus integra potuit, id tanto magis in fracta praestitisset, ac hanc proinde nullo quidem negotio confestim depulisset. Immo praeter has tres Febres, his etiam alia *Tertiana* nempe *duplex Casu 24* notata interfuit, ex cujus Tertianis altera duabus a Sale sumpto accessionibus ita decrevit, ut deinceps fere penitus fugata, decesserit, et aliquam solummodo alterationem solitis paroxysmi temporibus reliquerit; altera vero mox a Salis usu ita quidem fracta fuit, ut illico duarum insequentium accessionum tempore aegrum affligere intermiserit, deinde vero, cum nondum radicitus evulsa fuisset, viribus quodammodo relictis resuscitata fuerit; insigni equidem documento, si in harum utraque mox ejusdem Medicaminis usus, ut quidem oportuerat, iteratus fuisset, illius equidem virtute haud difficulter exiguas, quae tunc tantum supererant, Morbi reliquias ante tertii paroxysmi reditum, penitus potuisse depelli.

Ultimum denique, quod hic notandum censui, facili quidem ratione constat: etsi enim *xx Tertianis simplicibus* hic commemoratis *iv* interfuerint, quibus tertius a Sale

sumpto paroxysmus rediit, illis tamen, uti jam supra observatum est, si tantum ejusmodi Febres affuissent, si Salis usus debita methodo iteratus esset; cum e contra ex v *Quotidianis* III exstiterint, quibus tertia a Salis usu accessione reverti contigerit: unde liquet eas, quibus id in Tertianis acciderit, vices, in ea quidem ad illarum numerum ratione fuisse.

ut I ad 10,        seu ut    3 ad 30,  
in Quotidianis vero

ut 3 ad 5,        seu ut    18 ad 30,  
ac proinde hoc sexies frequentius in Quotidianis quam quidem in Tertianis simplicibus evenisse.

VII. A Salis Ammoniaci, usu Febres recidivae omnino rarissimae accidunt.

Ex his itidem Observationibus manifestum est, *Febres recidivas* quae a *Chinae Chinae* usu frequentissimae eveniunt, a nostro quidem *Sale* omnino rarissimas accidere, nisi quis eas ciborum, aut rerum officientium usu, ac sua proinde culpa sibi arcessiverit. Etenim ex XXVIII Febribus a Sale Ammoniaco curatis vix *duae* tantum postea reversae fuere, quarum altera Tertiana, *Casu* 19 memorata, quae Puellulam afflixerat, interjectis undecim a curatione diebus, forte ab aliquo, ut suspicor, victus errore recurrit; altera vero Quotidiana *Cas.* 28 notata, quae Virginem 18 annos natam et fluxum menstruum nondum expertam affecerat, et a *Salis* dosi vix sufficiente paulatim decreverat, post duarum vel trium septimanarum circuitum rediit. Haec sola in omnibus hisce *recidivae* exempla. Etsi enim in illa Tertiana duplici, cujus paulo ante memini, altera Febris, quae Morbo nondum penitus depulso per unam alteramve accessionem ferme delituerat, Medicaminis defectu, quod ad eam radicatus extirpandam iterandum fuerat, rursus in scenam prodierit, hanc tamen, quia nondum penitus curata exstiterat, haud inter Febres recidivas numerandam existimo.

VIII. Salis Ammoniaci usus Sanitati neutiquam nocivus, neque ullus inde mali futuri metus.

Quae etiam de Corticis Peruviani usu multi perhibent, quasi hic sanitati nocivus varia immo et graviora in Corpore

mala progigneret, haec sive vera sive falsa de nostro saltem  
 Sale neutiquam metuenda comperi. Ab hujus enim usu  
 Febricitantibus tantum quod inde curatis passim absque  
 ullo alterius Medicaminis subsidio Stomacho appetitum ex-  
 citandi et cibos digerendi facultatem, Faciei colorem et  
 Corpori vires restitui deprehendi, nullum autem unquam  
 incommodum inde ortum vidi; ita quidem, ut excepta  
 Puerpera *Casu* 26 et Vetula *Casu* 8 memorata, quarum al-  
 tera cacochymica, altera praeter Quotidianam Diarrhoea  
 afflicta; hanc, illa curata, gravi in victu errore incitaverat,  
 caeteri omnes, quorum Casus hic notati, postquam a Febre  
 liberati fuerant, brevi equidem pristinum vigorem atque  
 sanitatem recuperaverint. Immo ex xxxviii Aegrotis, qui,  
 ut infra patebit, annis 1702, 1703 et 1704 Sale Ammo-  
 niaco usi fuerunt, etiam nunc hoc anno 1716, quo haec  
 scribo, xxx, ni fallor, supersunt et valetudine prospera utun-  
 tur; saltem de xviii id mihi certo constat et de reliquo-  
 rum morbo vel morte nihil mihi hactenus compertum est.  
 Ex viii autem caeteris jam fato functis, una Puerpera mo-  
 do memorata ex victus errore et morbo inde aggravato de-  
 cessit; tres admodum senes aliquot post annis ad mortalita-  
 tis demum finem accessere; Frater charissimus, ut ex *Cá-  
 su* 23 liquet, elapso triennio atque insuper semestri spatio  
 acutissima Febre, quam ex contagione contraxerat, ex-  
 stinctus est; reliqui tres quadriennio post, aut longiore etiam  
 intervallo, quo passim sani vegetique fuerant, in morbum  
 impliciti suprenum obiere diem. Ex his itaque satis super-  
 que manifestum est, in Salem Ammoniacum ne minimam  
 quidem noxae neque mox neque diu post inde oriturae su-  
 spicionem posse cadere; ac proinde *Fr. Joelem* in summo  
 hic errore versari, dum *Oper. Med. Tom. 5. lib. 2.*, quo de  
 Venenis disserit, *Señ. 3. pag. m. 124.* hunc quoque Salem  
 in eorundem numerum adscripserit, et hoc quidem falsum  
 de eo testimonium reddiderit. *Symptomata*, inquit, *si in-  
 tra corpus ingeratur, excitat Sal Ammoniacum similia Mercu-  
 rio sublimato aut Arsenico; ventriculum enim et intestina exu-  
 rit, linguam arescit et fauces exulcerat.* Haec enim non  
 tantum falsitatis arguit ingens eorum, quos supra demon-  
 stravi, Medicorum cohors, qui de interno ejus usu ne



minimam quidem suspicionem alere visi, sed et clarissime convincit cum ea, ad quam jam provocavi, Observationum sylva, tum frequentissima, quae et mihi et Fratri toto deinde Praxeos decursu de hujus Salis usu non solum in adultis aut natu majoribus, sed et in tenerrimis etiam infantibus contigit, experientia. Luculentum profecto eorum, quae ante notavi, specimen, quam nimirum lubrica sit patumque tuta interdum Medicorum fides, in iis etiam, quod sane deplorandum est, de quibus non dubitanter, sed audacter et quasi re penitus explorata differere videntur.

#### IX. Salis Ammoniaci intus in Corpore operandi ratio.

Quod denique ad Salis Ammoniaci operandi modum attinet, ad hunc illustrandum non nisi perpauca et ea quidem satis exigui momenti huc afferre poterò; utpote, qui ab initio jam apud animum proposui, nulla hic luxuriantis imaginationis commenta, sola vero observatione comperta aut justis et legitimis inde consecrariis deducta tradere. Primum ergo, quod hic observo, hoc est, quod, ut primum *Sal Ammoniacum in ventriculum delapsum fuerit, mox aliqua ejus portio inde celerrime in Corpus diffundatur et Sanguini Humoribusque permisceatur.* Etenim in *Casu 23 Aeger sumptum Salem mox in ventriculo operari, et quadrantis horae spatio sese in totum abdomen diffundere, ibique adhuc per dimidiam circiter horam leniter admodum et absque ullo incommodo agere sensit*: alii vero, ut in *Casu 31, 11 et 2*; a Sale paroxysmo inchoante confestim sumpto mox vel calorem in ventriculo productum et inde prognatas frigoris ac horroris inducias, vel statim inde frigus quammaxime imminutum, vel id ipsum multo quam ante brevius experti fuere. Jam autem Salem Ammoniacum ex ventriculo sub forma liquoris per consuetam chyli faecumque viam progrediendo adeo minutulo temporis spatio non hos solum effectus edere, sed et in totum abdomen diffundi posse, mihi sane neutiquam probabile apparet; et quidem eo minus, quia hunc Salem sub ea, quam memoravi, forma per primas haud celeriter vias propelli, aut in ventriculo sat longas necere moras comperi, dum ille, de quo *Casu 15*, ventriculum inde aliquamdiu oneratum senserit, et hic ipse atque alii pariter,

ut *Casus* 13, 31, 15 et 10 edocere queunt, non femihorae tantum, sed et unius ac dimidiaae, immo bihorii intervallo a Salis usu elapso etiam tunc ejus in Aqua soluti partem vel solam sive puram vel cum potu aut bile permixtam, vomitu rejecerint. Cum itaque exilissima tunicarum Ventriculi et intestinorum, nec non Vasorum sanguiferorum illas perreptantium spiracula non solum liquorum volatilium sed et simplicis aquae in Ventriculum aut Intestina delapsae particulis ita pateant, ut ea permeare, atque inde mox vel in Vasorum sanguiferorum vel in Abdominis cavitatem evadere possint, uti praeter alias Observationes, Celeberrimorum Anatomicorum experimenta, nimirum *D. Mery* apud *Hamelium Hist. Acad. Reg. Scient. Lib. 3. Sect. 6. Cap. 2. §. 6*, et *Lib. 6. Sect. 1. Cap. 5. §. 3*, et *Vieussenii Nov. System. Vasor. p. 30 — 34*. clare demonstrant; et propterea hi ipsi meatus eidem Liquori Sale foeto multo magis patere debeant, dum Aquam, si Salibus muriaticis imbuta, quam si pura fuerit, penetrantiorē esse, vel ipsa ex Sale communi confecta Muria vasis ligneis multo quidem difficilius quam aqua pura coercenda edocet: idcirco mihi quammaxime probabile videtur, quam primum Salis Ammoniaci Liquor in Ventriculum aut Intestina descenderit, permultas ejus particulas ibidem partim in ipsa sanguifera vasa per eorum poros penetrare, partim transversos membranarum has cavitates circumvestientium meatus pervadere, atque hac via halitus hosce Salinos in totum abdomen diffundi, et insensilia ubique viscerum vasorumque spiracula permeare, atque ita sanguini et humoribus confestim permisceri: quae omnia tanto quidem celerius accidere debere videntur, si cogitemus multas Salis Ammoniaci particulas utpote volatiles mox ventriculi calore in vapores elevari, qui ipsis liquoribus et mobiliores et penetrantiores esse solent, et propterea non solum citius per intestina dissipari, sed et facilius quoslibet meatus caecos subire posse. Immo in his ipsis particulis, quae ex Sale Ammoniacō in ventriculum delapso confestim exhalant, et inchoante Febris accessione per memoratas viarum angustias celerrime in Viscera et Humores evadunt, hic quidem potissimam illius virtutem esse sitam, nonnullam nobis suspicionem injicit haec observatio, quod

etsi jam ante dicto post Salem sumptum intervallo illius pars vomitu rejecta fuerit, ejus tamen operatio in *Casu* 10, 13 et 15 propterea nequaquam debilitari visa sit, uti nec in *Casu* 19, ubi Sal ammoniacum in cupreo vase tritum paulo post, quam sumptum erat, vomitum excitaverat, atque ita ex parte saltem exturbatum fuerat.

Qua autem ratione Sal Ammoniacum Sanguini et Humoribus permixtum in ipsam Febris causam agat, illamve deleat, hic quidem accuratius exquirere aut definire neutiquam aggrediar; ad hanc enim hujus Salis operationem rite explicandam ipsa Morbi causa primo indaganda et demonstranda foret, quod a nostro hic scopo non solum alienum sed et haud levi opera expediendum puto: uti enim de hac multa dicere et conjectari facillimum, ita pauca in medium proferre, quae hoc seculo adeo illuminato perspicacioribus, quibus aures jam dudum ad lepidas et commentitias Medicorum fabellas obsurduerunt, placere, illisque certitudinis evidentia satisfacere possint, omnino difficillimum esse intelligo. Alterum ergo, quod in hac rerum caligine aliquantulum elucere ac proinde hic animadverti posse video, hoc est, *Salem Ammoniacum nec vomitum ciendo, neque ventrem movendo, neque sudores excitando operari; illudque videri in his Febris curandis potius earundem causam immutando et corrigendo, quam hanc e corpore eliminando agere.* Etsi enim paucis in casibus paulo ante memoratis Salis Ammoniaci usum vomitus fuerit insecutus, illud tamen, cum in ventriculum pervenerit, neque nauseam neque vomitum excitare solere, uti ex cunctis reliquis observationibus abunde patet, ita et ex his ipsis facile liquet: in nonnullis quippe nausea et vomitus jam ante et ab alia quidem causa aegrotantes infestabant; uti in *Casu* 13 a Phlegmatum in fauces incidentium molestia; et in *Casu* 10 a Bile in primas effusa vias, ibique copia vel acredine turbas ciende, utpote qua Salis Ammoniaci fortasse operatione soluta atque rejecta, omne nauseae et vomitus incommodum antea aegrotanti maxime molestum evanuit: in caeteris vero, uti in *Casu* 15 et 31, vomitum durante frigore et horrore febrili aut paulo post abortum ipsi Morbo adscribendum existimo, dum is hoc tempore, nullo etiam Medicamine, sed potu solum,



qualecunque fuerit, sumpto, frequenter contingere soleat, et ita pariter in horum *Casuum* posteriore, sequente paroxysmo, quo Sal ammoniacum non fuerat usurpatum, contigerit. Uti vero hoc Medicamen memorata ratione sumptum nullum omnino vomitum movere, ita nec per alvum purgare, neque sudores elicere comperi, neque pariter, an per diaphoresin seu perspirationem insensilem aut per urinas evacuet, ullis hactenus indiciis animadverti. Quod autem Humores corrigendo agat, id illud equidem phaenomenon haud obscure indicare videtur, quod *Casu* 23 a Fratre febricitante in se ipso observatum referam, nimirum *sumpto Sale Ammoniaco intra unius horae spatium putidum illum atque nauseosum Salivae saporem, quem sibi toto morbi decursu molestum senserat, maximam quidem partem correctum atque emendatum fuisse*: tantam enim, quanta huic effectui suffecerit, materiae morbidae copiam hic a Sale Ammoniaco e Corpore fuisse expulsam, etsi nullis uspiam indiciis apparuerit, et his quidem temporis angustiis, quibus hoc tunc Medicamen Humoribus tantummodo permixtum fuerat, nemo, ut opinor, sibi facile persuaserit. Praeterea hoc ipsum egregie confirmat altera, quam supra *Art. vi* notavimus, observatio, qua nempe constat, *eum ipsum paroxysmum, quo adventante Sal Ammoniacum usurpari coeptum, inde frequenter admodum magnopere fuisse levatum atque imminutum*: is etenim effectus tam subitus, quo hoc Morbi allevamentum non in fine solum, sed toto passim paroxysmi decursu, et propterea brevissimo post Sale sumptum intervallo, productum fuit, alicui materiae morbidae eiectioni adscribi non posse videtur, quippe quae ante paroxysmi declinationem, seu prius, quam sudor erumpat, sensibus saltem non deprehenditur, et quam tantillo tempore tantam, ut morbum maxime levare potuerit, et tamen insensilem fuisse, probabile non est.

X. Salis Ammoniaci in Quartanis intermittentibus curandis  
exigua virtus.

Hactenus de Salis Ammoniaci in Tertianis et Quotidianis intermittentibus curandis usu sat copiose dictum. De hujus autem Medicaminis in Quartana virtute a Fratre, qui

me in hoc experimento praevenerat, et hic hujus quidem Remedii plus semel periculum fecerat, accepi, se ejus vires pertinaciori huic Morbo eradicando neutiquam pares observasse, et propterea ab ulteriore illius in hac Febre usu prorsus desistere. Quare quum mihi in ejusmodi observationibus summa ejus prudentia et circumspectio notissima esset, pariter jam omni successus spe abjecta, quod primo intenderam, hujusce Medicamenti hic amplius experiundi consilium repudiavi.

XI. Salis Ammoniaci usus in Tertianis et Quotidianis curandis Cortici Peraviano si non praeferri, jure saltem meritoque aequiparari potest.

Missio vero *Salis Ammoniaci* ad Quartanas usu, in Tertianis tamen et Quotidianis curandis, ex iis, quae supra demonstravimus, tanta, ut opinor, illius virtus elucet, ut in his quidem Morbis cum *Peruviano Cortice*, omnium excellentissimo, quae haecenus innotuere, Febrifugo, de praestantia contendere possit, caetera vero longe superare videatur. Si enim utriusque commoda cum incommodis contulerimus, Salem Ammoniacum aliis quidem dotibus Cortice inferiorem, aliis vero superiorem comperiemus, et haec equidem ea, ni fallor, ratione comparata observabimus, ut quis omnibus utrinque rite pensitatis nec Sali favere, nec quidquam Cortici derogare videri possit, si neutrum alteri praeferendum, utrumque vero in usu retinendum et alterutrum pro re nata usurpandum censuerit, *Peruviani* quippe *Corticis* virtus in hisce major est.

I. Quod, etsi successuum constantia in Medica haecenus Arte paucissima tantum Pharmaca *Sali Ammoniaco* aequiparari possint, constat tamen, *Corticem*, ut experiundo didici, illi eo quidem nomine antecellere; imo tanta operandi certitudine eminere, ut nostram equidem expectationem centesimo vix casu fefellerit. Tametsi hujus constantia, quantacunque etiam fuerit, idcirco perpetua habenda non sit, uti vel solus *Mortonus* Medicus experientissimus et maximus *Corticis* Patronus docere poterit, qui se ter illius virtutem Intermittentibus depellendis imparem observasse, candide et ingenue fatetur.

2. Quod nonnunquam Tertianae simplices Cortice Peruriano citius curari queant; quando nimirum vel in ipso paroxysmo vel paulo post ad Aegrum Medicus accesserit; tunc enim hujus Medicaminis usu confestim inchoato vel nulla amplius vel unica tantum Febris accessio recurret; cum in ejusmodi casu a Sale Ammoniaco, quippe quod haud ante proximi paroxysmi initium adhiberi potest, unica passim et interdum binae etiam accessiones perferendae restent.

E contra vero *Salem Ammoniacum* in his rursus *Cortici* praestare comperi.

1. Quod ab illius usu recidivae omnino rarissimae, a China China vero frequentissimae fiant, uti in innumeris quidem Aegrotantibus expertus sum; nisi forte quis Cortice jam curatus per plures tamen hebdomadas ingentem pulverum ejus numerum, aut longe etiam majorem ejusdem Medicaminis sub alia forma parati molem devoraverit; quod equidem paucissimos prae maximo nauseosi Remedii toties repetiti fastidio et averfatione praestare aut posse aut velle quotidiana quemlibet experientia docere poterit. Quod hercle gravissimum hujusce Medicaminis incommodum, et tanto quidem gravius censendum, quod ab ejusmodi recidiva ejusdem Pharmaci ope curati nihilo majorem quam ante valetudinis securitatem adipiscantur; plures etenim hac ratione ter quaterve relapsos, neque tum etiam recidiva ulteriore immunes observavi, ita ut nonnulli valetudinis adeo incertae et morbi toties recurrentis pertaesi, repudiato Cortice, certius salutis praesidium in alio tandem Medicamine quaesiverint.

2. Quod illae quidem Tertianae duplices et Quotidianae, quarum accessiones diu durantes se invicem celeriter insequuntur, exiguo tantum relicto intervallo, quo Aegri ad quietem et corporis a Febre quassati refectionem indigent, passim multo citius et commodius Ammoniaco Sale, quam China China curari possint. Cum enim Cortex non nisi in ipsa Februm intermissione adhiberi debeat, illiusque usus et certis adstrictus intervallis et saepe repetendus sit, pro hoc equidem hic illud, quod paroxysmos separat, tempus, neque sat longum, neque satis commodum relinquitur:



quare plures paroxysmos Aegrum perpeti necessum est, ante quam tantam istius Medicaminis copiam consumpserit, quanta quidem Febri omnino suppressendae suffecerit.

3. Quod Tertianae et Quotidianae interdum una et passim binis Salis dosibus curari soleant; cum istiusmodi Aegri sex septemve et nonnunquam multo pluribus Chinae Chinae pulveribus ad earundem curationem egeant, atque ita eam, quam ex Medicamentis sumendis capiunt, molestiam tanto saepius subire, ac taedium inde ortum vincere necessum habeant.

4. Quod si non cunctis saltem quamplurimis multo sit facilius paucillulum Liquoris gulam celerrime transeuntis, in quo Sal Ammoniacum penitus solutum atque liquatum offertur, sorbere, quam Pulverem ex ore difficulter amolendum, et tantae quidem molis, quanta illi, qui ex Cortice parantur, devorare. Utriusque enim Medicaminis sapor, cum in altero amarissimus, in altero vero salissimus sit, aequali ferme incommodo molestus vix ullum in delectu discrimen affert.

5. Quod etsi me nullam hactenus noxam, nullumve morbum ex recto atque legitimo Chinae Chinae usu prognatam vidisse confitear, licet illud jam per 15, et quod excurrit, annorum spatium saepissime adhibuerim, multae tamen, quae hunc Corticem suspectum reddant, historiae ubique fere circumferantur; unde in his saltem Regionibus evatum est tantum in ejus usum praejudicium, ut eum multi etiamnum vehementer ac pertinaciter respuant, nec a sua se opinione dimoveri patiantur, atque ita Medicis vel invitis alio omnino Medicamento utendi necessitatem imponant. Cum e contra hisce temporibus de Sale Ammoniaco nihil tale, nullumve cuiquam praejudicium haereat, nec ullus sit inde mali futuri metus.

Quae cuncta, nisi me vehementer fallat animus, ejusmodi sunt, ut illis rite ponderatis, *Sal Ammoniacum* in Tertianis et Quotidianis curandis possit ab aequo rerum Arbitro *Cortici Peruviano* si non anteferri, summo saltem jure atque merito aequiparari.

---

O B S E R V A T I O N E S  
DE  
V I R I B U S E T U S U -  
S A L I S A M M O N I A C I  
A D  
FEBRES TERTIANAS ET QUOTIDIANAS INTER-  
MITTENTES  
C U R A N D A S.

---

C L A S S I S I.  
QUA CONTINENTUR  
O B S E R V A T I O N E S XXVIII  
DE  
TERTIANIS ET QUOTIDIANIS INTERMITTENTIBUS  
S A L E A M M O N I A C O  
FELICITER CURATIS.

---

S E C T I O I.

Quae de *Tertianis Simplicibus Sale Ammoniaco curatis*  
Observationes XXII continet.

Art. I. *In quo Observationes VIII de Tertianis Simplicibus in*  
*Adultis una tantummodo Salis Ammoniaci dosi curata.*

OBSERVATIO I. (Casus I. Ao. 1702.)

Virgo ad triginta circiter annos nata VII Octobr. ad ve-  
esperam in Tertianam incidit; cujus deinde accessiones haud  
eodem statuto diei tempore recurrunt, aut tanto brevioribus  
intervallis ut XVII<sup>mo</sup> ejusdem Mensis die jam tum hora

octava matutina aegrotantem corripere. Tunc, cum nostram imploraret opem, ei *Salem Ammoniacum* ad  $\text{ʒiv}$  sub proximi paroxysmi initium aut paulo ante sumendum praescripsi; cujus tanta quidem vis fuit, ut ea, qua tunc temporis afflictabatur, accessione finita nullam postea Febrem experta fuerit, at mox absque ullo alio Medicaminum usu perfecte convaluerit.

OBSERVATIO II. (*Casus 2. Ao. 1703.*)

Mulier sexto et trigésimo aetatis anno Tertianam nata et quatuor illius paroxysmos perpeſſa, qui non bidui spatio, sed circumactis tantummodo tribus et quadraginta horis revertebantur, xi *Martii*, quamprimum Febrem redeuntem animadvertit, mox nostrum secuta consilium *Salem Ammoniacum* ad  $\text{ʒiβ}$  in liquore dilutum hausit; unde quidem frigoris duratio fuit multo quam ante brevior, subsequens autem aestus et sitis gravior. Nihilominus xiii ejusdem Mensis nulla, quam metuebat, Febre, at aliquo tantum caloris incremento tentata pristinam sibi valetudinem ab eo tempore redditam ac restitutam sensit.

OBSERVATIO III. (*Casus 3. Ao. 1703.*)

Agricola annum agens secundum et trigésimum Febre afficitur, cujus itidem, accessiones, cum diebus alternis redeunt, pristinum invadendi momentum per aliquot horas antevertunt. Is autem, cum xxiv *Martii* quintum paroxysmum jam ingruentem praesentiret, ex praecepto nostro festim *Salem Ammoniacum* ad  $\text{ʒiβ}$  in Aqua dissoluto usus, tam admirabilem ejus effectum expertus est, ut paulo post adventans Febris vix semihora elapsa a Medicamine victa decesserit, nec unquam postea reversa fuerit.

OBSERVATIO IV. (*Casus 4. Ao. 1703.*)

Mercatori, qui ix *Maji* et anno vitae tertio ac quadragésimo prima Tertianae accessione correptus fuerat, *Salem Ammoniacum* ad  $\text{ʒiβ}$  sumendum praecepi, cumprimum scilicet alterius paroxysmi adventantis indicia persentisceret. Quo facto is hujus consilii eventus fuit, ut postridie ejus diei saporem quidem oris amarum, deinceps vero nullam omnino Febrim fuerit expertus.



OBSERVATIO V. (*Casus 5. Ao. 1703.*)

Uxori cujusdam Mercatoris annos circiter quadraginta natae, quae in Tertianam implicita jam tres quatuorve illius accessiones sustinuerat, xxvi *Maji* iv *Ammoniaci Salis scrupulos* praeberi, simulatque recurrente Febre tentari inciperet, et eo quidem successu, ut mox in hoc ipso paroxysmo debilitata Morbi vis multo mitius quam ante aegrotantem affligerit, immo exinde usque adeo fracta fuerit, ut ab eo statim tempore Febris eam penitus dereliquerit.

OBSERVATIO VI. (*Casus 6. Ao. 1703.*)

Consul Urbis Stenovici in Transsilvania annum aetatis agens tertium et trigesium, xv *Junii* hora octava matutina Tertiana laborare coepit; cujus paroxysmus horarum 43 et  $\frac{1}{2}$  circuitu recurrens xvii<sup>mo</sup> ejusdem mensis die et horae quartae nocturnae medio accessit, levi tantum frigore, ast gravioribus carniū dorsum et artus circumvestientium motiunculis stipatus, subsequente deinde calore et capitis dolore, sed neutiquam gravi, caeterisque consuetis hujusce Febris effectis; quibus cum aegrotum exercuisset, hora duodecim meridiana decessit. Postridie vero ope nostra usus, potiunculam ex *Sale Ammoniac*o ad 3iβ in aqua liquefacto, noctu febre incipiente sumendam, paravit. Quod quidem ei remedium tantopere profuit, ut non solum ea, quae mox ejus usum insequeretur, accessio multum fuerit levata, sed et illico pluribus exinde pustulis circa labia erumpentibus tota vis morbi radicitus extirpata.

OBSERVATIO VII. (*Casus 7. Ao. 1703.*)

Pistor annum circiter aetatis sextum atque trigesium gerens, xvii *Augusti* mox a meridie Febre coepit affici, a qua ei artus inferiores praesertim circa genua ita ab initio diriguere, ut eos sine difficultate movere non posset: hoc symptoma frigus insecutum, deinde calor cum cephalalgia conjunctus, denique sudor, lumborumque dolor, quibuscum haec morbi scena fuit terminata. xix *Aug.* mane circa mediam decimam altera rediit accessio priore gravior, ast in principio non ut ante artuum rigore, sed capitis dolore molesta; mox deinde frigus subsequutum horae circiter spatio

durans: hoc calor exceperit, atque vehemens capitis dolor: elapsis duabus post meridiem horis sudor erupit, atque una cum lumborum dolore ad quintam usque perstitit: quo scilicet tempore Aeger se Febre jam immunem reputans e lecto quidem surrexit, attamen Capitis dolore in fronte quammaxime circa supercilia haerente et ex Corporis motu, praesertim ab incessu, ingravescente per totam etiam vesperam afflictus fuit. Vomitus in hoc morbo nullus, nisi quod Aeger in hocce paroxysmo sumptum aquae haustum post horae quadrantem denuo rejecerit. Ciborum appetitus in ipsa Febris intermissione mediocris, in accessione nullus. Cum autem *xxi Aug.* circa mediam decimam matutinam tertius hujusce Febris paroxysmus recurrere, et primo artus inferiores, ita ut in ipso morbi initio, sed levius afficere, et mox deinde caput illis derelictis petere inciperet, confestim jussu nostro *Salem Ammoniacum* ad  $\text{ʒi}\beta$  in potione dilutum et colliquefactum ebibit, tantumque in eo expertus fuit opis, ut haec ipsa accessio prioribus non solum mitior et cum minore capitis dolore conjuncta fuerit, atque pustulae (quae saepe solent esse Febris discessum parantis indicia) circa nasum in exteriori cute erumpere, illiusque interior membrana tumescere coeperint, sed et deinde nullam amplius Febrim expertus, *ast xxiii Aug.* levi solummodo capitis dolore tentatus, quem ex eo, quo tunc se exercuerat, labore prognatum existimabat, ita quidem expectatione sua multo celerius pristinam omnino sanitatem recuperaverit.

OBSERVATIO VIII. (*Casus 8. Ao. 1703.*)

Uxor cujusdam Verbi Divini Ministri jam grandis natu, mense *Septembri* in Tertianam implicita, cum duos ejus paroxysmos per 5 vel 6 horas durantes experta fuisset, nostro consilio, tertia accessione adventante, mox *Salem Ammoniacum* ad  $\text{ʒi}\beta$  in Aqua dissolutum hausit; a cujus usu, ut postea intellexi, illa quidem phlegmata ingrati saporis in os sibi saepius adscendere conquesta, *ast Tertianâ* omnino liberata fuit. Interea tamen, cum praeter Febrim Corpore vitiatis humoribus infirmo laboraret, et ulteriorem sui curationem negligeret, non tantum depulsa jam Tertianâ vale-

tudine minus commoda usa est, sed et proximo mense in Febrem continuam incidit, ut nostram rursus opem implorare coacta fuerit. Sed hujus morbi curationem, a scopo quippe nostro alienam, hic subungere necessum non est.

Art. II. *In quo Observationes VIII. de Tertianâ Simpliciter in Adultis duplici Salis Ammoniaci dosi curata.*

OBSERVATIO I. (Casus 9. Ao. 1703.)

Juveni, cum XIX circiter annos haberet, per trimestre quidem spatium Tertianâ laboranti, IX Junii Salem Ammoniacum ad  $\mathfrak{z}\beta$  in aqua dilutum mox accedente paroxysmo, cujus reditum tunc temporis opperiebatur, sumendum praescripsi; cujus efficacitate haec ipsa accessio multum levata Aegrum longe minus quam ante afflixit. Cum vero XI Junii nova accessione redeunte eadem ejusdem Salis dosi simili ratione iterata fuisset, Febris hujus viribus resistendo impar penitus discessit, atque ita Aeger protinus convaleuit.

OBSERVATIO II. (Casus 10. Ao. 1703.)

Nobilissima Matrona annos magis quadraginta nata XXVI Julii minus recte valere, et tota porro nocte ex gravi capitis dolore, nausea continua, atque irritis ad vomendum conatibus aegrotare coepit. Postridie vero morbi rursus expers visa: ast XXVIII Julii hora nona matutina altera accessio reversa, manifesta prae se ferens Febris indicia; primo enim frigore et nausea, deinde siti, et leviori quam ante cephalalgia, ast gravi dorso crurumque dolore afflixit; et copiosis tandem sudoribus elapso 12 horarum circuitu decessit. Varia tunc a Medico praescripta Medicamina, ut Pulveres praefertim ex *Bezoart. min.*, ac *Salibus Absinth.* et *Card. bened.* compositi, et Potio ad VI circiter uncias ex iisdem una cum *Sale Prunell.*, *Croco.*, *Ol. Nuc. Mosch. expr.*, *Sale volat.*, *Conf. Alchem.* et *Aquis destillatis*, confecta; sed vix, ut patebit, usurpata. Cum enim XXX Julii mane hora media sexta Febris sat vehemens, ast cum levi frigore celeriterque recedente recurreret, in ipso accessionis initio ex dictis quidem Pulveribus unum adhibuit, sed mox rursus evomuit: porro gravis successit aestus: et, cum hora primum octava, atque iterum decima, de memorata Potione



cochlear unum alterumve sumpisset, multus ei sudor erupit ad sextam usque vespertinam persistens, et una cum Febre tum denum desinens: totum vero paroxysmum continuo fere stomachi dolore et anxietate subinde ingravescente et remittente afflictata transegit, pulsusque pariter nunc magis nunc minus acceleratum habuit. I *Augusti* accessio rediit crebro ad finem usque vomitu molesta, quo et Aegra Pulverem in principio sumptum impetu vehementi celeriter rejecit, et pariter, quidquid deinceps de Potione medicata hauserat, evomuit. Immo finita etiam Febre nausea non desit. II *Augusti* eam jam tum noctu paroxysmus ast levior corripuit; hoc tamen hora sexta matutina jam finito in animi deliquium incidit. *Postridie ejus diei* sub vespere accessio superiori similis recurrit, atque una cum sudore in ejus declinatione erumpente vix ultra 5 horas persistit. In utroque hoc paroxysmo frigus breve fuit, sitis autem et aestus graves, nausea etsi remissior quam ante, continua tamen, nec in ipsa Febris intermissione desinens. Atque hac fere ratione continuata Febris; donec x *Augusti*, appropinquante paroxysmo, primo Medicamine ex *Laud. Opiat. gr. i.*, *Sal. Absynth. ʒi, et Ol. Nuc. Mosch. expr. gr. xvi*, ab eodem, de quo ante, Medico ad vomitum cohibendum praescripto usa, de nostro porro consilio *Salem Ammoniacum* ad ʒiv in aqua liquefactum sumpserit, atque illud, cum per bihorium retinisset, tum demum, vel ex parte saltem, una cum vi fere bilis *unciis* vomitu rejecerit; quo facto, molestissimo hoc nauseae et vomitus symptomate prorsus liberata paroxysmum itidem levem, etsi fere pari ac ante spatio terminatum habuit. xii *Augusti* eandem *Salis Ammoniaci* dosin ingruente Febris accessione repetiit, eamque multo quam ante leviolem experta fuit. *Postridie* Vinum quidem Medicatum ex *Herbis Stomachicis et Febrifugis* praescriptum, sed jam ante ejus usum Febris Aegrotantem reliquit, atque ejus valetudinem infestare desit.

OBSERVATIO III. (*Casus II. Ao. 1703.*)

Virgo quadragesimo circiter aetatis anno in Tertianam incidit, et quinque vel sex illius accessiones sustinuit, quae gravi capitis dolore infestae et elapso 12 horarum spatio

decedentes, non bidui sed brevior circuitu revertebantur. Febre vero intermittente recte valuit. Tum autem hujusce morbi pertaesa iv *Septembris* me accessit, ut praesens ad hoc malum remedium quaereret, et ex nostro praescripto *Salem Ammoniacum* ad  $\text{ʒiʒ}$  proxima nocte sumpsit, cum nempe paroxysmum jam ingruentem animadverteret; quo facto vix ullum eam frigus affecit, ast calor una cum capitis dolore toto die perstitit. Quamobrem, cum me postridie confuleret, ejusdem Medicaminis usum iterandum censui: quod et proxima nocte fecit, cum nempe levem Corporis alterationem sentiens novam accessionem adventare putaret; ast *Sale* sumpto mox somnus ei obrepit, et mane expergefacta bene sese habuit, neque ulla amplius Febre vexata convaleuit.

#### OBSERVATIO IV. (*Casus* 12. Ao. 1703.)

Consul Urbis Stenovici, Vir sexagenarius et Podagra bis terve in anno graviter affectus, postquam xvii *Septembris* tempestate aliquanto frigidior in cubiculo foco destituto cum aliis sermonem per aliquot horas produxerat, octava vespertina domum reversus et algens aegrotare coepit, et quae ventriculo continuerat, vomitu rejecit: postridie vero recte rursus valuit. Ast xix *ejusdem mensis* hora media sexta Febris recurrit, et primo horrore atque rigore, deinde calore, capitis lumborumque dolore, aliisque manifestis se prodidit indiciis. xxi *Sept.*, hora circiter 12<sup>ma</sup>, tertia Febris accessio reversa, non solum horrore atque rigore, sed frigore acerrimo, ac si totum ubique Corpus aqua gelida subito perfusum fuisset, aegrotantem concutere exorsa. Quare xxiii *Sept.* tempore matutino nostro consilio usus: confestim *Salem Ammoniacum* ad  $\text{ʒiʒ}$  aqua dissolvere iussit; ast, cum mox, hora nempe nona, paroxysmus eum subito atque inopinato invaderet, *Salem* hunc in aqua nondum liquescentem protinus hausit, et gravi rursus frigore riguit. xxv *ejusdem mensis* eandem *Salis Ammoniaci* sed prius in aqua liquefacti dosin mox adventante Febre repetiit; attamen hac accessione licet ultima sat gravem illius vim sustinuit: exinde enim nullum amplius Febris aut valetudinis

indiciū fuit expertus; atque ita in antiquum sanitatis statum omnino restitutus.

OBSERVATIO V. (*Casus 13. Ao. 1703.*)

Vir circiter quintum et quinquagesimum agens annum, qui antea Bataviae in India Orientali Centurionis munere functus erat, cum per tres fere septimanas appetitum prostratum senſerat, v *Octobr.* jam vespere Febre coepit affici, quae, cum in multam noctem perſiterat, decessit. vii *Octobr.* Febris rediit, et primo horrore atque tremore, aſt levi tantum frigore et per 7 vel 8 minuta tantummodo durante, deinde vero cephalalgia atque gravi lumborum dolore, uſque dum abierit, aegrotantem exercuit. ix *Octobr.*, cum ſuoinet ipſe conſilio *Extracti Absynth.*  $\frac{3\beta}{\beta}$  ſumpſiſſet, Febris tamen hora decima matutina priori plane ſimilis reverſa. Appetitus, uti jam antea maxime languit, ita et toto morbi decurſu propemodum abolitus perſtitit. xi *Octb.* quum noctu a phlegmate e naribus in fauces delapſo vomitu ſatis vehementer correptus materiam quandam nigram ſapore dulcem et in aqua liqueſcentem rejeciſſet, mane hora media nona Febrem iterum ingruentem ſenſit, et ex noſtro tum praecepto *Salem Ammoniacum* ad  $\frac{3i\beta}{\beta}$  cereviſia diſſolutum conſeſſim hauſit; at ſemihora ferme elapſa illud, illiusve partem, ita uti ſumpſerat, abſque ulla alia materia admiſta vomitu reddidit. Paroxyſmus tunc quidem brevis, aſt prioribus multo vehementior et cum delirio conjunctus, in copioſiſſimum ſudorem exiit, atque una cum eo hora ſecunda poſtmeridiana deſiit. xiii *Octobr.* mane hora ſeptima redeunte Febre, eandem *Salis Ammoniaci* doſin repetiit, ſed ruriſum, ut ante, poſt ſemihoram oborto vomitu, caeteroquin tunc temporis neutiquam moleſto, illius in ventriculo reſiduam partem ore rejecit. Acceſſio etſi, ut ante, cum delirio conjuncta, praecedente tamen multo mitior breviorque, jam ante meridiem media undecima fuit terminata. xv *Octobr.* haud alio incommodo niſi levi tantum horrore tempore matutino per quadrantem horae affectus, nulla praeterea Febris indicia ſenſit, atque ita ab hoc morbo relictus, penitusque curatus permanſit.



OBSERVATIO VI. (*Casus 14. Ao. 1704.*)

Mulier trigesimo circiter vitae anno Febris Tertianae paroxysmo bis afflictata, xxiv *Februarii* mane paulo ante tertiam Febris accessionem de nostra sententia *Salis Ammoniaci* ad *℥iβ* in aqua diluto usa, horrorc tamen atque tremore vehementi, et gravi admodum Febre correpta fuit. Nilominus nostro nixa consilio, xxvi *ejusdem mensis*, paulo ante illud temporis momentum, quo quarti paroxysmi recursus mctuit, eandem *Salis Ammoniaci* dosin iteravit: nec ejus spem fefellit eventus, dum post hujus usum nulla omnino Febre, ast eo ipso tempore aliquo tantum capitis dolore tentata fuerit, atque ita ab hoc morbo cito penitusque curata convalucrit.

OBSERVATIO VII. (*Casus 15. Ao. 1704.*)

Vir annos ferme triginta natus, cum duos Tertianae paroxysmos neutiquam graves expertus fuisset, xviii *Martii*, tertia accessione bihorio ante illud diei tempus, quo prior accesserat, recurrente, praescriptum a nobis ad *℥v* et in aqua liquatum *Ammoniacum Salem* protinus hausit; at duabus post horis hujusce Medicaminis partem vomitu rejecit. Gravis interim paroxysmus vehementer admodum aegrotantem afflixit. Attamen xx *Martii* egregius *Salis* effectus clarissime patuit; cum enim hora octava matutina, qua circiter Febrem redituram existimabat, eandem *Salis Ammoniaci* dosin iterasset, haud aliud incommodum praeter ventriculum a Medicamine perquam oneratum expertus, sese jam a Febre liberatum advertit, neque ulla deinde valetudinis vestigia relicta sensit.

OBSERVATIO VIII. (*Casus 16. Ao. 1704.*)

Juvenis annum grens aetatis sextum et vigesimum, cum per aliquot dies rusticatus intemperanter vixisset, atque se cibis, vino, illiusque spiritu et cerevisia pinguiore frequenter et avide ingurtitasset, xx *Augusti* nausea et vomitu correptus, porro in Febriculam vigiliis, aestu et aliis incommodis noctu praesertim infestam incidit; in quem etiam morbum alter ejus socius ex eodem vitae genere paucis ante diebus implicitus fuerat. Quamobrem hisce

molestiis nequaquam remittentibus, post octiduum sese ad medicaminum usum convertit, et *Nitri fixi* 3j bidui spatio consumpsit; inde febricula liberatus sese quidem melius habuit, corpore tamen et animo magnopere languens vi vel vii *Septembris* ex Febre intermittente laborare coepit; praescripto vero *Peruviani Corticis* usu, cum eo, quo Febris intermittebat, tempore vi ejus *drachmas* usurpasset, morbo depulso rectius se habuit, et, ut recidivam praecaveret, octiduo post dimidiatam ejusdem medicaminis dosin repetiit, et pristinum interea corporis habitum atque vigorem recuperavit. Verumenimvero, cum iv *Octobr.* se ab *Asellis minoribus* etsi a me serio prohibitis non continuisset, immo his quidem ventriculum onerasset, postridie, uti et sequente, quo diu in pluviis incesserat, die febricula correptus est; et porro vii et ix *Octobr.* in paroxysmum sat gravem, medio vero inter utrumque die in accessionem valde levem, atque ita in Tertianam duplicem incidit; quae tamen x *Octobr.* iterato *Corticis* usu et vi ejus *drachmis* adhibitis celeriter fugata discessit. Hic tamen nondum hujusce morbi finis. Etenim xxviii *Octobris* rursus valetudine tentari, et postridie circa meridiem paroxysmo febrili perquam gravi, et simul crebro vomitu bilioso, alvi profluvio, atque sudoribus mox in ipso accessionis initio erumpentibus affligi coepit. xxx *Octobr.* levissima tantum Febris accessio: postero vero die paroxysmus vomitu iterum et alvi fluxione, sudoribusque penultimo similis, et eadem quoque hora exorsus, aegrotantem exercuit. i *Novembr.* Febris expers recte valuit; ast postridie ejus diei paroxysmus priori similis, eademque iterum hora recurrit. Capto ergo nobiscum consilio, iv *Novembr.* dimidia ante Febris adventum hora *Salem Ammoniacum* ad ℥v in aqua liquefactum adhibuit, atque mox ejus virtute paroxysmum tunc temporis levatum advertit; quare vi *Novbr.* eadem hora eandem istius *Salis* dosin repetiit, tuncque paroxysmum multo magis diminutum et vix tribus elapsis horis decedentem habuit. viii *Novembr.* Febris accessio sed levissima rediit, et, uti jam ei auguratus fueram, vix unam et dimidiam horam perstitit. x *Novembr.* nulla cum Febris, ast aliquis tantum capitis affecit dolor. Atque ita tandem hic morbus penitus extirpatus

aegrotantem dereliquit, neque ullam postea recidivam genuit.

Art. III. *In quo Observationes IV. de Tertianâ Simplici in Impuberibus et Infantibus, vel una, vel duabus Salis Ammoniaci dosibus curata.*

OBSERVATIO I. (Casus 17. Ao. 1703.)

Jurisconsulti cujusdam in Drenthia Filiolae, quum exacto octavo aetatis anno per aliquod tempus Tertianâ laborasset, cujus accessiones brevioribus quam bidui circuitu revertebantur, xxiv Aprilis, rogatu Parentis, *Salem Ammoniacum* ad  $\mathfrak{z}$ i in aqua dissolutum paulo ante proximi paroxysmi adventum hauriendum praecepi; nec diu post tantum hujusce Medicaminis successum intellexi, ut Febris illius opere depulsa, et prospera Puellae valetudo restituta fuerit.

OBSERVATIO II. (Casus 18. Ao. 1702.)

Puellula ad tres circiter annos nata, crasso atque obeso corporis habitu, quum 14 fere dies ex Tertianâ aegrotasset, atque me Parentes xxi Octobr. de celeri faciliq; ad hoc malum remedio consulissent, proxima nocte, cum primum Febrem recurrentem cernerent, *Ammoniacum* ei *Salem* ad  $\mathfrak{z}$ ij in liquore dilutum praebuerunt; cujus virtute morbi impetus ita retusus, ut alter a Sale sumpto paroxysmus mitius quam ante, atque aestu minore Puellulam affligeret. Porro xxvi Octobr. eo quidem tempore, quo Febris reditum opperiebantur, idem *Salis* usus ad  $\mathfrak{z}$ ij $\beta$  fuit iteratus; eo quidem Medicaminis successu, ut vix tunc Febris vel saltem non nisi levissime recurrere, atque deinceps penitus Filiolam relinquere visa fuerit.

OBSERVATIO III. (Casus 19. Ao. 1702.)

Eadem Puella a Febre liberata, atque undecim dierum spatio recte valere visa, vi Novbr. in paroxysmum febrilem recidit; et propterea viii ejusdem mensis die, cum accessionem iterum ingruentem sentiret,  $\mathfrak{z}$ ij $\beta$  *Salis Ammoniaci* in aqua liquefacti celeriter hausit; at, cum hoc Sal per errorem in aereo mortario contritum quasdam fortasse metalli particulas solvisset, accidit, ut paulo post in vomitum inci-



derit, atque ita nonnullam hujus Medicaminis partem procul omni dubio rejecerit. Id tamen haud frustra sumptum docuit eventus; siquidem Febris x *Novembr.* multo quidem levior, et xii, nec non xiv *ejusdem mensis* levissima tantum redierit, et ab eo tempore Puellulam penitus curatam reliquerit.

OBSERVATIO IV. (*Casus 20. Ao. 1704.*)

Filiolus Mercatoris, 14 aut 15 mensium infans, quem molestiae ex dentium eruptione natae per dies aliquot affecerant, cujusque scroto natibusque inde major, ut solet, orta faecum et urinae acrimonia jam a triduo cuticulam eroserat, xxxi *Januarii* insolito torpore atque somnolentia languere, postridie vero se melius habere visus est. xi *Februarii* altera morbi accessio faciei pallore atque artuum tremore exorsa, illum deinde consuetis Febris molestiis afflixit: postero vero die, ita, uti antea, recte valuit, et tum *Epicarpium* ex *Terebinthina* et *Caphura* confectum et carpo utriusque sub vesperam applicatum habuit. iv *Febr.* ferme sine tremore Febris, caetera tamen priori similis accessit, et porro alternis diebus constanter recurrere perstitit, nisi quod xvi *Febr.* duobus continuis diebus, etsi deinde rursus alternis, redierit. Atque ita se res habuit, donec Parentibus huic morbo remedium postulantibus, xxv *Febr.* *Salis Ammoniaci* ℞. paulo ante Febris adventum Parvulo in pulve offerendum curaverim; quo facto paroxysmus quidem brevius, quam ante afflixit, attamen postridie nec opinato rediit; atque ita tunc temporis Medicaminis nondum parati usus iterari non potuit. xxvii *Febr.* nulla quidem Febris, postero vero die praegressis haud dissimilis reversa; tum autem Puerulo mox in ipso accessionis initio *Sal Ammoniacum* ad gr. xiv simili ac ante ratione datum. xxix *Febr.* nulla rursus Febris; et triduo exinde secuto illius quidem aliqua indies accessio rediit, sed hoc tempore circumacto penitus discessit; atque ita hoc malo liberatus Infans protinus convaluit.

Art. IV. *In quo Observationes II de Tertianâ Simplici in Adultis, una vel altera Salis Ammoniaci dosi, adjuncto Vini Medicati usu, curata.*

OBSERVATIO I. (Casus 21. Ao. 1703.)

Vir quidam honoratus, corpore obesus, et ab aliquot retro annis nimia interdum Spiritus Vini copia usus, cujus aetas jamdum decies septenos Solis anfractus reditusque convertit. at, xxiv *Maji* hora decima matutina frigore, horrore atque tremore correptus in Febrim intermittentem incidit; cujus accessio interjecto biduo ad septimam vespertinam rediit, et nullo quidem tremore, ac levi solum frigore, mox vero non tantum calore, siti, capitis dolore, caeterisque consuetis Febris indicibus, sed et urinae incontinentia Aegrotantem afflixit. Quamobrem xxviii *Maji* nostro consilio et adjumento usus, quum proxima nocte hora media tertia Febrem rursus adventantem animadverteret, mox *Salem Ammoniacum* ad  $\mathfrak{z}\text{ss}$  in aqua dissolutum adhibuit; hujus autem accessionis initio frigus solummodo pedes adstrinxit, inde vero gradatim se sursum atque ita in totum omnino corpus diffudit; deinde non solum aestus, sitis, urinae incontinentia, caeteraque, ut ante, symptomata secuta, sed et gravis insuper praecordiorum anxietas: decima vero matutina, decresciente Febre, somnus obrepfit, eumque Aegrotum ad vespertinam extraxit. xxx *Maji*, quum corpore senili priusdiana febre quassato maxime langueret, et propterea ejusmodi pharmacum vehementer expeteret, quod ipsi posset torporem excutere, corpus roborare, et feбри simul resistere, idcirco hoc quidem ei Vinum Medicatum praescribere visum est.

*Rx Rad. Helenii, Gentianae,*

*Lign. Colubrini an.  $\mathfrak{z}\text{ss}$ .*

*Herb. Menthae, Cardui benedicti an.  $\mathfrak{M}\mathfrak{ss}$ .*

*Summ. Absinthii, Centaurii minoris,*

*Flor. Chamomillae an. P. i.*

Hisce concisis et contusis quum ante meridiem Vinum Gallicum ad  $\mathfrak{H}\mathfrak{j}$  aut paulo majore copia fuisset affusum, ab Aegro hora quarta pomeridiana tres illius unciae usurpari coeptae. Nocte proxima, fractis jam morbi viribus, nec

frigore laborans, neque aliis consuetis Febris incommodis, solam sitim atque anxietatem sat gravem expertus est, atque inde sibi ex febricula laborasse visus. Biduo sequente, nimirum *ultimo Maji* et *1<sup>mo</sup> Junii* ter quotidie *tres* Vini Medicati *unciae* ab Aegrotante sumptae. Nocte proxima, hora secunda ultima Febris accessio et quidem cum frigore rediit, ast leviter solum, neque ullo horrore aut rigore, neque tanta, ac antea, anxietate aegrotum afflixit. Exinde vero nulla amplius Febre tentatus, tota solummodo nocte, quae *v<sup>tum</sup> hujusce mensis diem* praecessit, usque ad horam decimam matutinam interno frigore, quum externe caleret, subinde ingravescente atque remittente, nullis autem aliis molestiis affectus est. *vii Junii* pedum ei tumor oedematosus obortus, qui vesperi aggravescens, triduo tamen elapso disparuit; et deinde quidem *xix Junii* rediit, ast levi solummodo purgatione paucisque remediis quotidie decrescens sensim evanuit. Atque ita omni depulsa morbi molestia Aegrotanti pristina reddita salus.

OBSERVATIO II. (*Casus 22. Ao. 1702.*)

Mulier plurimum liberorum mater, annum agens quintum et vigesimum, ab ultimo puerperio per integrum anni spatium, incertis quidem intervallis, pungentibus ab epigastrio ad umbilicum doloribus, subsequente faucium constrictione atque anxietate, afflictata, interea temporis in Febrim etiam tertianam incidit; atque ea tandem liberata, una cum appetitu prostrato memoratos dolores magis ingravescentes experta fuit; donec *xxii Septembr.* potione seu *mixtura*, ut ajunt, *antihysterica* et *sudorifera*, quam ei praescripseram, usurpata, mox inde hoc malum usque adeo levatum adverterit, ut se jam plane curatam neque ulteriore Medicaminum ope egentem existimaret. Nihilominus hoc morbo nondum radicitus evulso memorati dolores una cum faucium anxietate postea reversi fuere, ad quos iterum, ut ante, circa *Octobris* initium tertiana Febris sub vesperam recurrens accessit, oris interim anhelitu foetidum et simul subacidum odorem spirante, urina crassa atque pituitae referta. Huic ergo, cum nostram rursus opem implorasset, *ix Octobr.* hunc quidem horum Medicaminum usum praescripsi.



℞ *Laud. opiat. gr. iij*  
*Croci, Castorei an. ʒi*  
*Affae foetidae, Gumm. Ammoniacy an ʒβ*  
 Cum q. s. *Elix. Propr. M. F. Pilulae* N<sup>o</sup> xv, de quibus  
 quotidie mane, cum Febris cessaverit, tres capiat Aeger.  
 ℞ *Rad. Gentianae, Helenii, Dittamni Cretici an. ʒij*  
*Lign. Colubriini ʒβ*  
*Herb. Cardui benedicti, Menthae, Pulegii an M. j.*  
*Summ. Absinthii, Centaurii minoris an. P. i.*  
*Sem. Sileris montani ʒij.*

Quibus concisis et contusis ac deinde vasi vitreo inditis affundantur Vini Gallici ℥ iii, atque per unum alterumve diem in loco calido detineantur: tum vero extra paroxysmum de hoc Vino tres unciae Aegrotanti quotidie ter exhibendae, ac tempore matutino illius usus mox, sumptis Pilulis, erit inchoandus. Consumptis autem hisce Medicamentis, dimidia ante Tertianae adventum, hora *Salem Ammoniacum* ad ʒiβ in aqua liquefactum hauriat, idemque Medicamen proximā accessione repetat. Quae cuncta quum ex nostro praecepto rite essent perpetrata, Mulier et Tertiana et reliquo Morbo, uti postmodum intellexi, liberata feliciter convaluit.

## S E C T I O II.

Quae de *Tertianis duplicibus* Sale Ammoniaco curatis Observationes II. continet.

### OBSERVATIO I. (Casus 23. Ao. 1707.)

Charissimus piac memoriae Frater, ingenio, doctrina et experientia egregius profecto Medicus, et Urbis Vollenhovae Consul, quum jam annos quadraginta compleisset, ibidem circa medium Mensis *Octobris* Tertiana duplici corripitur, cujus phaenomena adeo singularia et insolita fuere, ut mihi quidem operae pretium visum fuerit, illius Morbi historiam ex ejus literis tunc temporis ad me datis excerpere, eamque hic in ordinem redactam proponere.

Prima Tertianae accessio vespere ad horam circiter quintam invasit, in principio haud alio quidem incommodo, quam aliqua Corporis perturbatione, seu interna atque in-

solita commotione (quam vulgo *alterationem* dicunt) sese manifestans donec tribus post horis secuto paroxysmi vigore gravis in fronte et utroque occipitis latere (non autem in medio) dolor Aegrotantem corripere. Postridie hora nona matutina successit altera accessio, primus scilicet alterius seu posterioris Tertianae paroxysmus, nullo omnino Capitis dolore molestus. Atque sic ambo utriusque Tertianae paroxysmi ea quidem ratione bis terve reversi, ut Aegrotanti neutiquam graves nullo quoque cum frigore, horrore, vel rigore affligerint, neque diu persisterint; quum prior scilicet vespere ad horam circiter octavam inciperet, et posterior ad sequentis diei meridiem desineret. Aeger itidem, quum Febres decesserant, recte valere visus, immo sani ad instar comedere, atque cuncta ex ordine quotidiano peragere. Tum verò uterque paroxysmus subito atque vehementer aggravescere coepit. Prior etenim accessio gravi cum aestu, ab octava vespertina ad primam nocturnam usque, aegrotum misere jactans tunc in sudorem copiosissimum exiit, qui una cum vehementissima siti per octo quidem horas perstitit, donec scilicet superveniens altera Febris illi finem imponeret; quae equidem ab hora nona matutina ad median primam pomeridianam nulla quidem siti, nullis etiam doloribus, quales in Tertiana sentiri solent, et levi tantum ac sicco calore, ast terribili Corporis perturbatione atque interna commotione adeo vehementer Aegrotantem afflixit, ut etsi per 14 annos graves saepe Febres expertus sit, nunquam tamen ullam cum hac quidem comparandam fuerit perpessus. Primo quoque hujus paroxysmi trihorio phaenomenon admodum singulare et prorsus insolitum adfuit, quum nimirum quaelibet tam inspiratio quam expiratio ad  $1\frac{1}{2}$  minuti tempus aut ad majus etiam spatium persisteret, et sub inspirationis cujuslibet finem Diaphragma tam alte descenderet, ut eum inde sensum atque imaginationem nancisceretur, ac si inspiratio seu potius inspiratione haustus aer sese deorsum infra umbilicum extenderet, et rursus sub cujuslibet expirationis finem expirandi principium seu aeris expirati origo tandem ad guttur usque adscendere videretur. Nullus ei interim alicujus in respirando difficultatis sensus, immo respiratio immane quantum liberior quam quidem in

sanitate visa. Pulsus Cordis hoc tempore tardus, aſt perquam validus, ita ut ſinguli ejus motus tam ſyſtoles quam diaſtoles maxima vi atque robore peragerentur: in Corde tum etiam acres punſtiones et vivi di dolores ſentiebantur, a ſiniſtra papilla ſe oblique ſurſum et antrorſum ad ſternum uſque exporrigentes. Porro ſemihora a meridie gravi cum ſiti ſudor ſecutus, et quantitate et diuturnitate omnino prodigioſus: tanta enim perpetuo copia erupit, ut continuis ſemper rivulis a fronte naribusque deſlueret, atque per lectum caeteroquin ſat craſſum plumisque anſerinis abunde reſertum in ſubjectum uſque ſtramen penetraverit, et iſta quidem vehementia ultra 24 horas perſiſtiterit. Immo in harum acceſſionum utraque id quoque prorſus inſolens atque maxime rarum, immo ſtupendum extitit, quod etſi ſemper in hoc morbo Saliva et Phlegmata prorſus omni ſaliſo ſapore carerent, hic tamen ſudor tanta atque tam mirabili Salis copia fuerit reſertus, ut non ſolum, quoties in os inſlueret, tam acri et infeſta ſalſedine, quam quidem vehementiſſima Salis Ammoniacy in pauciſſima aqua liquefacti muria, guſtum afficeret, atque vel minima illius guttula, ſi forte in oculum incideret, eum ubique ignea quaſi vehementia roderet ureretque, ſed et praeterea, quum verſus paroxyſmi finem ſudor decreſcere atque minui inciperet, mox in cryſtallos concreſceret tantae fere molis, quanta vel Salis communis ſubtilioris, quale in noſtris quidem menſis apponi ſolet, granula, vel quae ex majoribus et integris iſtius Salis cryſtallis cochleari leviter fractis exſurgunt, paſſim deprehendimus; et ea quidem multitudine, ut ubique in barba non ſolum haerent, ſed et contigua ſibi invicem granula totam fere faciem contegerent, imo ad naſi latera aliis alia denſe ſuperſtrata incumbent; et quoties faciem ab illis purgari penitusque detergi curaſſet, toties intra 7 vel 8 minuta novis rurſum Salis cryſtallis obduceretur. Erantque haec granula ita quidem comparata, ut digitorum contactu inſtar communis leviterque contriti Salis ſubrotunda, aſpera, atque acuminata ſentirentur. Cum tandem hic tam diutinus tamque vehemens ſudor deſuiſſet, veſperi rurſum prioris Tertianae paroxyſmus Aegrum ſimili ac ante ratione affecit; nec non poſterioris acceſſio poſttridie hora



consuetam, nona nempe matutina rediit, et inde quidem ad meridiem usque nec calore, nec frigore, nec tremore, sed vehementissimis et ferme incredibilibus horroribus Aegrotantem afflixit. Inspiratio et exspiratio tunc temporis, etsi duplo quidem quam in praegresso hujus Tertianae paroxysmo breviores, etiamnum tamen pergrandes atque admodum diuturnae fuere: Qualibet autem Cordis Systole dolor ejus multo quam ante major; et Corporis interna commotio atque perturbatio, etiamsi in praecedente ejusdem Febris accessione, ut supra memoravimus, gravissima fuerit, nunc tamen duplo quidem infestior extitit, adeo ut Aeger isto trihorio tantum se inde perpeffum existimaverit, quantum quidem aliquis absque funesto eventu sustinere posset. Ipso vero meridie sudor erupit, qui tam in hac, quam in ea, quae hac nocte affuerat, prioris Tertianae accessione, sive illius copiam, sive falsedinem, seu denique Salis granula, eorumque multitudinem spectaveris, prorsus ut ante sese habuit; in eo solum discrepans, quod in utroque hoc paroxysmo, uti et in sequentibus diutius etiam, quam in praecedentibus persistit; siquidem in utraque accessione sudoris tempora conjunctim computata 40 horarum spatium excefferint. Phlegmata interea uti antea, ita et in hisce, atque in sequentibus paroxysmis omni Sale, quantum quidem gustu dijudicari poterat, orbata. Imo hactenus in hoc morbo Saliva non tantum non falsa fuit, ut supra notavimus, sed et dulci ac simul nauseoso atque putido ejusmodi sapore praedita, qualis praesertim in corrupto piscium marinorum jecinore deprehendi solet; unde quum continuo in os deflueret, continuam etiam aegrotanti molestiam peperit. Adhuc nulla quidem Medicamina adhibita, si pauca Alcalina, ut *Oculos Cancris*, *Testas Ostreorum* siccatas et *Nitri fixi* duas tresve *drachmas* exceperis, quae scilicet ab eo, quo morbus aggravescere coepit, tempore, absque ullo tamen effectu, usurpata fuere. Porro finitis paroxysmi postremo memorati sudoribus paulo post, consuetam ad vesperam hora, tertia ab ingravescente morbo prioris Tertianae accessio recurrit, nec minus, quam secunda, sudorum abundantia, falsedine, atque diuturnitate memorabilis extitit. Postridie vero mane, et horae circiter spatio ante, quam hanc qui-

dem Febrem posterioris Tertianae paroxysmus exciperet, sumpsit Aeger *Salem Ammoniacum* ad  $\mathfrak{z}$ i in aqua liquefactum; cujus scilicet usum hucusque distulerat, et quia de ipso morbi genere incertus, utrum haec Febris ad continuarum remittentium, an vero ad intermittentium classem pertineret, haecenus ambegerat; et quia hic morbus adeo singularis de hujus Medicaminis effectu ei dubitationem et scrupulum iniecerat; id quidem veritus, ne isti forte Sali, cujus tam prodigiosam in Corpore copiam sudores demonstraverant, tanta cum *Sale Ammoniaco* intercederet affinitas, quae hujus vim eludere, atque ita effectum frustrari posset, Interea, ut solent esse vanae atque fallaces de Medicaminum effectis opiniones, quotiescunque experientiae non fuerint innixae, tantum hic *Sal Ammoniacum* habuit successum, ut inde confestim admirabilis in morbo mutatio nata, atque illius impetus non tantum retusus, sed et fractus fuerit, ita quidem ut Aeger haud alio ad eum penitus depellendum remedio indiguerit. Utprimum scilicet *Sal Ammoniacum* ab Aegrotante sumptum fuerat, mox illud in ventriculo operari, et quadrantis horae spatio sese in totum abdomen diffundere, ibique adhuc per dimidiam circiter horam leniter admodum et absque ullo incommodo agere sensit: quo facta, etsi mox alter ille paroxysmus accesserit, confestim necopinato putidum istum atque nauseosum Salivae saporem majore ex parte correctum atque sublatum animadvertit; et praeterea non sine admiratione tam celerem hujus Medicaminis successum deprehendit, ut haec ipsa accessio mox inde levata eum primo illo trihorio, quo ante summa violentia saevierat, nunc quidem duplo saltem minus afflicta verit; etiamsi sudores hoc tempore secuti nec copia, nec falsedine quam ante minore profluxerint, neque citius desinentes, in posterum omnino diem et quidem in pomeridianum tempus persisterint; et denique non sine stupore tam admirabilem ejusdem Medicaminis virtutem expertus est, ut hujus posterioris Tertianae Morbus (cujus ea, quam modo meminimus, accessio fuerat) etsi gravissimus plane, atque modo in summo vigore tantum non Aegrotanti exitium afferre visus, mox tamen ab hoc ipso tempore protinus extinctus et funditus extirpatus fuerit; atque



ita tantae ac tam prodigiosae Salium morbidorum atque minacium copiae affinis tamen et cognati *Ammoniaci* Salis exiguo solum pulvere tam celeriter evervae atque fugatae extiterint. O profunda, ô admirabilia rerum naturalium mysteria, ô coecas hominum mentes, qui in hisce quanto minus ingenio pollent, tanto plus ei tribuunt, atque abditas rerum naturalium causas et arcanos illarum nexus sibi ubicunque patefcere putant, et hinc fastu turgidi atque elati experimenta despiciunt, et levibus potius atque jejunis ratiunculis in tanta rerum caligine morborum curationes superstruunt! sed e diverticulo in viam. Nec solum Salis Ammoniaci efficacia ad posteriorem, ad quam depellendam sumptum fuerat sed et ad priorem Tertianam abigendam contulit. Hujus enim accessio ad vespeream, quum paulo ante ultimus alterius Tertianae paroxysmus desierat, reversa, minus quam antea vehemens extitit; quamvis sudores simili sese ratione habuerint, nec multo minore copia profluxerint: exinde porro fractis jam ejus viribus bis tantum rediit, et ita quidem, ut singulis vicibus, ipsis etiam sudoribus maxime imminutis, vehementer decreverit, atque tum aegrotantem prorsus dereliquerit. Illo autem octiduo, quo Aeger Febres hasce gravissimas expertus est, corpus maxime extenuatum, et plus quam 25 librarum pondere imminutum habuit; viribus adeo consumptis, ut nisi ab alio sustentatus ne paucissimis quidem passibus progredi valeret. Eodemque temporis circuitu copiosissimis illis, quibus tunc diffluxerat, sudoribus plures *Salis* istius supra memorati *libras* à se per cutim fuisse excretas sibi, perito admodum Geometrae, certo certius constare retulit. Maximore vero doluit, quum ob sudoris vehementiam in gravioribus illis paroxysmis ne corpus quidem commovere fuisset ausus, sibi non licuisse aliquam illius Salis copiam colligere, ut postmodum, qualis ei indoles esset, et quaenam inter illud et cognitas aliorum Salium species vel convenientia et affinitas, vel differentia intercederet, chymicis experimentis, inquirere et explorare posset; neque se magis crystallorum ex hoc Sale concretarum figuras in promptu intueri potuisse, quum prae summa morbi violentia tunc temporis neque candelae neque diei lucem oculis ulla ratione per-



ferre valuisset. Morbo nunc curatus sese ita quidem viribus exhaustum repperit, ut etiamsi cibos satis appeteret atque rite concoqueret, tamen non nisi lente admodum refici potuerit; quippe qui 14 dierum spatio praeimbecillitate nondum e cubiculo egredi sustinuerit, nec ante principium *Decembris* majorem ponderis amissi partem recuperaverit; tunc temporis adhuc pallidâ atque fuscâ remanente facie. Itidem depulsa Febre in lumbis, artubusque superioribus, ast praesertim inferioribus, mordaci adeo atque molesto cutis pruritu affectus est, ut illum saepe ferre non posset, quin quidem ad sanguinis profluvium usque cutim in cruribus scalpendo laceraret, etsi caeteroquin recte valeret; quod tamen symptoma circa *Decembris* initium valde minui coepit, atque deinceps penitus evanuit. Cum autem hic Fratris charissimi morbus insolitis adeo phaenomenis stipatus extiterit, rem forte curiosis non ingrati praestitero, si hic paucis tantum ea adjecero, quae in ejus constitutione et victu singularia fuerint, praesertim, quum horum nonnulla ad hunc fortasse morbum generandum concurrerint. Is itaque, cum juvenis Lugduni Batavorum studiis operam daret, atque illuc ex Transsalaria per *Sinum Maris australem* contenderet, ut nauseae atque aegritudinis ex motu navis ortae molestiam minueret, tota quidem nocte in aëre aperto, etsi coelo maxime nebuloso, commoratus, inde Asthma contraxit, cujus accessiones duarum triumve et quandoque sex septemve hebdomadarum spatio, atque ita incertis passim intervallis, recurrentes biduo vel triduo aegrotantem affligere solebant; ita quidem, ut sedens spiritum tardum, et gravem, ac cum ingenti saepe stertore conjunctum difficulter admodum duceret, et nonnunquam phlegmata, declinante vero morbo crebriora, excerneret; in intermissionibus autem nulla omnino respirandi difficultate laboraret. Et gravis hic Morbus eum ultra viginti annos, immo ad mortem usque, comitatus est. Victus verotum quidem ejusmodi fuit. Vix unquam Sale et paucis quoque Salsamentis, rarius Acidis utebatur. Vinum ne quidem gustabat; quippe quo exigua licet quantitate sumpto se aegrotare, et interdum Asthmatis accessione corripi expertus fuerat; nullus etiam vel spirituum ardentium vel

cerevisiae usus. Solus ipsi potus infusio *Theae* vel *Coffe*, illa quidem rarius, haec vero quotidie, et tanta equidem copia, ut Pulveris Fabarum *Coffe* unciam ter singulis diebus, mane scilicet, post meridiem, et vesperi una vel altera post coenam hora, consumeret. Hac ipsa hujus anni aestate, uti sibi compertum retulit, *transpiratio* ipsi multo quam superioribus annis parcius extiterat, et phlegmata, quae in ipso postea morbo Sale destituta, tunc temporis solito salfiora fuerant. Hic autem morbus nullam omnino Asthmati jam inveterato mutationem attulit, ast malum hoc deinceps illum quidem, ut ante, infestare perstitit. Biennio vero atque semestri spatio exinde elapso, quum *Vollenhovae* tempore verno Febres ardentes ac contagiosae et quidem acutissimae vehementer grassarentur, atque ipse quamplurimos istiusmodi Febre correptos frequenter visitasset, in eundem morbum incidit, atque inde paucissimorum dierum spatio decessit.

OBSERVATIO II. (*Casus 24. Ao. 1702.*)

Filiolus Consulis Stenovicensis duodecimo circiter aetatis anno, quum tempore aestivo se cujuscunque generis pomis, ut *cerasis*, *prunis*, *malis*, *pyris* etc. avidius ingurgitasset, xi *Septembris* Tertianam correptus est; ast quadriduo post rursum inde curatus, sumpto tantum unico *Pulvere Febrifugo* nobis usitato, atque ex aromatibus calidis parato. Tum vero, ut pueri solent, ad pristinum victum rediit, atque inde brevi in similem ast graviolem morbum recidit. Cum enim xxix *Septembr.* per aliquot horas in aëre ventoso incessisset, post meridiem domum reversus est, atque leviter aegrotare visus. Postridie vero ad meridiem in Febrim solitis intermittentis indicibus stipatam, et septima fere vespertina decedentem incidit. i *Octobr.* nova post meridiem accessio rediit, et posteriore quidem multo mitior, ita ut, etsi non decumberet, eam tamen haud difficulter toleraret. Postero vero die jam ante decimam matutinam languere, brachia extendere, oscitare, ac de nonnullo capitis dolore conqueri coepit; quamobrem, quum forte praesens haec praenuncia Febris jam imminentis indicia cernerem, Tertianam duplicem, et nunc graviolem illius accessionem veritus, con-



festum memorati *Pulveris febrifugi* dosim ei praebui; et paulo post rigor et frigus, etiamsi membris externe calentibus, cum pulsu contracto et accelerato succedere, atque ille accedente lumborum dolore adeo quidem aegrotare coepit, ut mox decumbere atque lectum petere coactus fuerit. **III Octobr.** circa decimam matutinam redeunte Febre itidem istius *Pulveris* aliquantulum datum: haec autem prioris Tertianae accessio, uti quidem hactenus, ita nunc quoque levis admodum extitit, et tribus tantum horis elapsis decessit. Postridie ejus diei gravior Tertianae posterioris accessio eadem hora recurrit, ast non ante quartam pomeridianam desiit. **v Octobr.**, quum ex hoc *Pulvere febrifugo* nullum hactenus fructum tulisset, atque ulteriorem illius usum aspernaretur, circa decimam matutinam *Salem Ammoniacum* ad  $\text{ʒi}$  in vino dissolutum hausit; et prioris Tertianae paroxysmus tunc temporis non rediit. Postero vero die, cum ad eandem horam Tertianae posterioris accessio reverteretur, confestim eandem *Salis Ammoniaci* dosim repetiit, et tunc hanc Febrim multo quam ante leviolem, ac hora tertia pomeridiana decedentem, expertus est. **vii Octobr.** nulla Febris, ast aliqua tantum interna Corporis commotio adfuit, et postridie ejus diei posterioris Tertianae paroxysmus consueto quidem tempore recurrit, ast novissima quoque Febre multo mitior tribus tantummodo horis persistit. Quare, quum jam alterius Tertianae paroxysmi cessarent, alterius vero maximopere decreverent, fractae à Sale Ammoniaco visae morbi vires, atque inde sanitatis celerimè recuperandae spes affulsit. Ast spem fefellit eventus. **ix etenim Octobr.**, quo die prior et mitior Tertiana, si persistisset, ex pristino ordine reversa fuisset, aegrotantem inopinato gravior paroxysmus afflixit, sive id ex victus errore, sin vero aliunde acciderit; postero vero die nulla Febris rediit: ast aliqua tantum Corporis interna perturbatio adfuit. **xi Octobr.** ita, ut ante biduum, gravior accessio recurrit, atque media secunda postmeridiana exorsa, ad mediam circiter octavam desiit. Postridie vero rursum, ut ante, nullus quidem paroxysmus, ast eadem interna Corporis commotio reversa. Quamobrem, quum **xiii Octobr.** ipso meridie graviolem accessionem rursus adventantem ad-



verteret, potionem ex *Sale Ammoniac* ad ðiv in aqua liquefacto confestim ebibit, tanta tamen cum averfatione, ut illius deinde partem rurfum evomuerit. Paroxyſmus interim, ut ante, 6 horas perſtitit. Poſtero iterum die ad quartam poſtmeridianam levis tantum, ut ſupra, Corporis commotio extitit. xv *Octobr.*, quum Febris pertinacioris tædio dati medicaminis effectum non opperirer, atque hora prima imminentis paroxyſmi indicia cernerem, rurfum *Pulveris febrifugi* ſupra memorati doſin aegrotanti præbui; aſt ſuperatâ jamdum a Sale Ammoniac morbi efficaciâ non ſolum levior tunc Febris acceſſio reverſa, tribus tantum horis affect; ſed et exinde Puer nullâ amplius Febre tentatus, omni tandem morbo penitus depulſo, convaluit.

## S E C T I O III.

Quae de *Quotidianis* Sale Ammoniac curatis Observationes IV. continet.

Art. I. *In quo Observationes II. de Quotidiana unâ tantummodo Salis Ammoniac doſi curata.*

## OBSERVATIO I. (Caſus 25. Ao. 1702.)

Puella, quae, cum xvi circiter annos haberet, fluxum menſtruum nondum experta fuerat (eſſi Soror ejus gemella corporis mole et forma ſimillima illud naturae tributum jam tum aliquoties ſolverat) atque pomorum avidiſſima huic appetitui hac ipſa æſtate liberrime indulſerat, v *Decembr.* in Febrem incidit, cujus paroxyſmi cum frigore accedentes quotidie recurrunt; appetitu interea non tantum integro, ſed et ſolito magis adaucto. xiii *Decembr.*, et porro deinceps paroxyſmi quotidie non ſemel, ut ante, aegrotantem afficere, aſt multiplicati bis terve et inordinate reverti coeperunt, attamen cum frigore ſemper adventare et cum ſudore decedere. Ita nempe xix *Decembr.*, quo me tempore conſuluit, noctu Febris cum frigore acceſſerat, et ſecuto deinde calore ac tandem erumpente ſudore deſierat; porro ante meridiem alter, et poſt meridiem tertius paroxyſmus, uterque priori plane ſimilis, recurrerat. Aegra vero de ejusmodi lumborum dolore, ac ſi corpus eo loci cingulo

quodam vehementer constrictum gereret, invadentibus paroxysmis, conqueritur; deinde vero illis progressis, capitis dolore praesertim affligitur. Appetitum, quem antea validiorem habuit, nunc solito remissiorem experitur; suo tamen alvus officio fungitur. Proxima nocte, redeunte paroxysmo, ex nostro praescripto *Salem Ammoniacum* ad  $\mathfrak{z}$ i in cerevisia dilutum hausit, atque inde citissime convaluit. Tam admirabilis enim ejus operatio extitit, ut vis integra morbi mox prorsus oppressa penitusque deleta fuerit, atque ita post hanc accessionem nulla omnino Febris deinde reverterit.

## OBSERVATIO II. (Casus 26. Ao. 1702.)

Puerpera xi fere dierum, xii *Decembris* circa meridiem, Febre intermittente coepit affici, cujus paroxysmi cum frigore, tremore, maxillae inferioris concussione etc. accedentes indies statim 28 horarum circuitu recurrunt. Huic malo alterum, alvi nempe profluvium, accessit. Cum vero xv *Decembr.* quartus Febris paroxysmus hora 12<sup>ma</sup> nocturna rediret, vicina quaedam mulier Pulverem ei febrifugum ex *Salis Ammoniaci*  $\mathfrak{z}$ i confectum, atque ante a me acceptum praebeuit; cujus tantus quidem successus extitit, ut haec ipsa accessio multum levata, neque altera postea reversa fuerit. Exinde itidem altero atque tertio labente die, *Lacte* cum *Cinamomo* cocto, in quo candens omnino *Chalybs* extinctus erat, saepe sumpto Diarrhoeam compescuit: unde nunc laetam sanitatis propinquae spes magna tenuit. Verum, ut fluxa mortalium fortuna, deinde cuncta subito conversa. Cum etenim ei deinceps cerevisiam recentem et potum quendam ex melle paratum darent, in diarrhoeam subito recidit, atque graviter aegrotare coepit. Quare, quum appetitu prorsus abolito morbus indies ingravesceret, xxi *Decembr.* ad vespeream tandem, rebus jam desperatis, accersitus, repperi aegrotantem pulsu vehementer accelerato, et perquam debili, continua febre laborantem, et viribus exhaustam, ac de doloribus in toto quidem abdomine, quod et tumefactum retulit, praesertim vero in latere dextro, conquerentem: alvi excrementa, quae hodie diminuto jam profluvio semel tantum dejecerat, gravissime foetentia: urina rubescentis et flammei coloris: oculi (et jam a biduo, ut

ajebant) collapsi. Quibus rite perperensis Aegram in extremo vitae discrimine versari dixi, attamen, ut illi satisfacerem, aliquod pro re nata remedium praescripsi. Interea vero, cum hoc pararetur, cuncta continuo ac celeriter in pejus vergere, atque circa decimam vespertinam aegra deficere visa; et quamvis paullo post rediret animus, pulsus tamen continuo decrescens, lingua et fauces aridae, vox jam deficiens, oculi rigentes, haud dubia dedere mortis hora prima nocturna subsequens praesagia.

Art. II. *In quo Observationes II de Quotidiana duabus Salis Ammoniacy dosibus curata; quarum posterior Febrim, quae prius unica fere dosi depulsa, ac deinde reversa fuerat, exhibet.*

OBSERVATIO I. (Casus 27. Ao. 1702.)

Adolescens annos duodeviginti natus et sartoris opificium exercens, II Octobris hora octava matutina Febre corripitur, cujus adventus inolesto in gremium sensu, quibus communi sartorum more quotidie inflexis sedere solet, primo sese prodidit; deinde frigore integram ferme horam infesto, tum aestu, cephalalgia, et caeteris consuetis hujus morbi malis, nullo tamen dorsi lumborumque dolore, ad vesperam usque aegrotantem exercuit. IV Octobr. 22 horarum circuitu, atque ita hora sexta matutina, altera accessio priori plane similis reversa. V Octobr. pari quoque temporis intervallo, hora nempe quarta matutina, similis omnino Febris tertio recurrit, at ad quintam pomeridianam iterum decessit. Alvus interea naturalis; appetitus vero usque adeo abolitus, ut toto hoc triduo vix quidpiam comederit. VI Octobr., quum ad horam quartam nocturnam anxietatem aliquam cum tremore conjunctam adverteret, Febrem adventantem ratus, de nostro consilio Salis Ammoniacy Si in cerevisia tepida dissolutam hausit; ast paroxysmus, perinde ac si hoc Medicamine repulsus atque dimotus foret, opperientem frustratus, haud ante octavam matutinam prodit; et jamtum a celerrima Salis operatione retusus non tantum levius afflixit, sed et plus quam duplo minore temporis spatio perstitit, atque jam ad primam pomeridia-



nam decessit. vii *Octobr.*, quum Febris aliquot rursum horis citius recurreret, eandem *Salis Ammoniaci* dosin repetiit, atque in levem et priori similem paroxysmum incidit. Ast viii *Octobr.* accessio multo quoque, quam ante, levior reversa; et postridie nulla quidem Febris, at quaedam tantum interna Corporis commotio accessit; atque ab eo tempore, Febre penitus depulsa, convaluit.

#### OBSERVATIO II. (*Casus 28. Ao. 1702.*)

Puella octavo et decimo vitae anno fluxum menstruum nondum experta, in Febrem intermittentem incidit. cujus accessiones indies hora duodecima recurrunt; nec ullo quidem symptomate infestius, quam lumborum crurumque dolore, aegrotantem affligunt. Hoc morbo per duas ferme septimanas implicata xi *Novembris* nostrâ sibi ope medicinam adhibendam petiit, atque semihora ante duodecimam praescriptum *Salem Ammoniacum* ad ℥iv in aqua dilutum fumere tentavit, ast prae medicaminum saevatione id non nisi difficulter admodum, et, ut postea mihi retulit, ex parte tantum haurire potuit: interea tamen paroxysmus, mox inde, ut videbatur, dimotus non nisi media secunda Puellam corripuit. *Postridie* sub novae accessionis adventum eandem *Salis Ammoniaci* dosin repetiit, at simili, ut ante, fastidio illius rursum partem vomitu rejecit. Adeo, ut Aegra, etsi quidem haëtenus bis *Salem* sumpserit, vix tamen dosis unius quantitatem rite retinuerit. Nihilominus morbus inde per aliquod tempus valde levare, imo fere cessare visus est. iv *Novembr.* etenim hora tertia pomeridiana Febris cum minore tremore ac multo levior rediit; et quamvis postridie quidem gravior reversa fuerit, deinceps tamen indies valde levata recurrit; donec xiii *ejusdem mensis*, quum alvi fluxus una cum ventris torminibus conjunctus accesserat, Febris vehementer decreverit, atque ita tandem penitus desierit. Quum vero tam exigua *Salis Ammoniaci* dosis huic morbo quidem opprimendo, non vero penitus eradicando suffecisset, is per aliquod tempus delituisse visus resurgere, atque cum gravi lumborum dolore indies recurrere coepit. Hinc xv *Decembr.* nostro consilio *Salis Ammoniaci* ℥iiiß, Febre adveniente, sumpsit, eodem-

que tempore eandem *postridie* dosin repetiit. *xvii Decembr.* paroxysmus, ast multo, quam ante, levior rediit; et *postero die*, simili recurrente Febre *Salis Ammoniacy* rursus usum et quidem ad *3iv* iteravit: attamen *xix Decembr.*, etsi nulla accessio cum frigore, horrore, vel tremore redierit, se tamen satis aegrotasse conquesta fuit. Quamobrem tardata fluxus menstrui eruptione febrim foveri ratus, ad illam promovendam, et hujus simul fomitem extirpandum *postero die* sequens Medicamen parari jussi.

*R. Rad. Gentianae, Zedoariae, Dictamni Cretici an. 3iij.*  
*Lign. Colubrini 3ß.*

*Herb. Menthae, Artemisiae, Sabinae,*  
*Cardui benedicti an. Mß.*

*Summ. Absinthii, Centaurii minoris an. P. ij.*

*Bacc. Juniperi 3i. Cubebarum 3ii.*

Haec concisa et contusa, ut sumptibus parceretur, non in vino infusa, sed in cerevisia tenuiore decocta fuere, residuis *iv Colaturas libris*, de qua mane et vesperi *3iij* Aegrotanti offerendae. Verum jam tum a *Sale Ammoniaco* adeo fractae fuere morbi vires, ut ab hoc ipso die Febris admodum indies decrescere coeperit, et *xxviii ejusdem mensis* Aegrotantem penitus dereliquerit.

## C L A S S I S II.

QUA CONTINENTUR

## OBSERVATIONES NONNULLAE

DE

TERTIANIS ET QUOTIDIANIS INTERMITTENTIBUS  
SALE AMMONIACO,

*partim manifesto dosi et methodi defectu, vel victus errore,  
partim fortasse, vel quod mediocri dosi non suffecerit, vel  
quod virtute impar fuerit, neutiquam  
curatis.*

## S E C T I O I.

*Quae de Tertianis Simplicibus et Quotidianis Sale Ammoniaco,  
vel dosi vel methodi defectu, vel victus errore, nequa-  
quam curatis, Observationes VI. continet.*

*Art. I. In quo Observationes IV. de Tertiana Simpliciter  
una Salis Ammoniaci dosi neutiquam depulsa.*

## OBSERVATIO I. (Casus 29. Ao. 1703.)

Agricolae cujusdam Uxor ab aliquo tempore Tertiana laborans, iv Aprilis Salis Ammoniaci a nobis praescripti 3iß adventante paroxysmo sumpsit, ast illius usum, ut quidem oportuerat, neutiquam repetiit. Interim Febris, ut postmodum intellexi, huic uni Salis dosi cedere renuit, sed spretis ejus viribus, adhuc prius, quam discesserit, menstruo circiter spatio perstitit.

## OBSERVATIO II. (Casus 30. Ao. 1703.)

Mercator pene sexagenarius et in Tertianam implicitus, a nobis consilium atque huic malo remedium petiit. Is tres jam Febris accessiones sustinuerat, quae primo eum frigore, deinde calore, et capitis lumborumque dolore, cae-



terisque consuetis huic morbo molestiis infestaverant, quarumque novissima *x1 Septembr.* post meridiem recurrens per 6 circiter horas aegrotantem affligerat. Ex nostro igitur praecepto *xiii Sept.*, quamprimum paroxysmum imminentem advertit, *Salem Ammoniacum* ad  $\text{ʒij}$  in aqua dissolutum fumpsit; at nequaquam eo die diminuta, sed aggravata visa Febris. Quamobrem homo harum rerum rudis et ignarus protinus omnem successus spem abiecit, et proinde proxima accessione medicaminis usum neutiquam repetiit. Atque ita Eebris, ut ante perseveravit, donec *xix Sept. Vini absinthitis*  $\text{℥ss}$ , *Oleo Olivarum* ad  $\text{ʒiij}$  affuso, paulo ante Febris adventum hauserit, atque hujus Medicaminis ope ab hoc morbo liberatus extiterit.

Hoc tamen vulgi remedium tanti non est, ut cuiquam ejus usum commendandum putem. Adeo enim nauscosum est, ut ei fumendo et retinendo pauci pares reperiantur: et deinde in eo, qui ejus usum insequitur, paroxysmo gravissima passim aegritudo febricitantem afficit: et denique incertus admodum ejus eventus, quum id, etsi interdum Febrem abigat, saepe tamen, uti quidem comperi, successu careat.

OBSERVATIO III. (*Casus 31. Ao. 1703.*)

Opulenti cujusdam Mercatoris Uxor, annum aetatis agens quartum et trigessimum, *xiv Septembr.* ab urbe profecta, quum Filiolam, quam secum duxerat, vermibus laborantem repente motibus epilepticis afflictatam vidisset, inde vehementer exterrita atque perculsa mox exigua navicula trium quatuorve horarum itinere, in aere aperto et tunc quidem frigidiore domum contendit, atque ab eo tempore appetitum abolitum primum valetudinis labantis indicium animadvertit. *xix Septembr.* post meridiem interna atque horrida commotione per membra vagante corripitur, quae una cum horrore et frigore subinde conjuncta non in noctem solummodo, sed et in posterum omnino diem persistit; ita tamen, ut quoties igni assideret, mox incalcesceret, pariterque sudore maderet; donec tunc temporis post meridiem tantum non egressa in aerem apertum, mox vehementi horrore atque tremore concuteretur: quamob-

rem celeriter ad focum reversa, ibidem intus frigans, extus calens, porro lumborum, omniumque fere membrorum, et paulo post capitis etiam dolore coepit affici, parumper interim accelerato pulsu, atque ita ex Febricula laborare, quae post horam unam alteramve in sudorem desit, atque una cum eo decessit. xxii. Sept. prope meridiem iterum interna atque horrida commotione corpus simili ratione pervagante, et cum frigore vehementi in lumborum regione coniuncta affligitur, eoque ipso tempore, quod animadversione dignissimum iudico, saporem usque adeo mutatum habuit, ut pruna dulcia, quae ei ante semihoram gustu pergrata apparuerant, nunc ferme insipida, immo et ingrata viderentur. Quum vero haec Febris invadentis indicia sentiret, confestim id, quod ei praescripseram, *Sal Ammoniacum* ad ℥iv hausit, et mox deinde aestu, lumborum dolore, caeterisque Febris incommodis laborare coepit: paroxysmus tamen neutiquam gravis extitit. xxiv. Sept. media decima matutina, dira atque terribili facie Febris cum acri frigore, horrore, tremore, dentium crepitu, oris et corporis totius concussione, nec faciei tantum, sed et labiorum tetro pallore, pulsu interim accelerato, atque valde contracto et quasi sepulto, repente adeo nec opinato invasit, ut Aegra *Sal Ammoniacum*, tunc prius in tepida liquandum, haud tempestive sumere potuerit: quo tamen, ut potuit, hausto, mox inde calorem in ventriculo productum, et hinc prognatas frigoris et horroris inducias sensit: etsi haec symptomata deinde majore cum vehementia reversa ad mediam usque duodecimam persisterint; cum interea semihora ante, quam frigus desineret, Aegra gravi anxietate et nausea oborta, rursus *Sal Ammoniacum*, et Potum *Coffe* una cum eo sumpsum vomitu reddiderit: porro aestu caeterisque malis Febris afflixit, et ad octavam vespertinam desit. xxvi. Sept., quum totam noctem capitis et lumborum dolore vexata fuisset, mane hora media octavae longe quidem gravissima febris aegrotantem corripuit; nam membris externe quoque frigentibus albor, horror, dentium crepitus, oris et corporis tremor ac concussio illam multo etiam, quam ante, vehementius affligerunt: itidem in ipso frigoris initio capitis lumborumque dolor admodum

exacerbatus extitit, qui antea non nisi cum aestu accedere consueverat. Post semihoram, etsi de frigore conqueri peristeret, cutis externe calefcere coepit; et Potum *Coffe* eo tempore haustum paulo post iterum vomitu rejecit: tum vero sensim superiores corporis partes, deinde inferiores, et ultimo pedes, hora circiter ab initio paroxysmi elapsa, incallescere sensit; et pulsus continuo magis magisque accelerari atque sese expandere orsus; inde brevi tam acer evasit aestus, ut vix quispiam manus contactum sine molestia tolerare posset: gravissimus interea capitis lumborumque dolor, et continuum ferme delirium: hora vero decima magis quiescere atque aestus mitescere coepit: paulo post meridiem sudor erupit, ac denique ad septimam vespertinam una cum Febre desit. Tum quidem et Febris violentia territus, ac propterea nihil ultra differendum ratus; et ne *Sal Ammoniacum* vomitu iterum exturbaretur, veritus, mox ei *Corticis Peruviani*  $\mathfrak{z}$ i in 8 *Pulveres* divisam per intervalla praebere jussi; a cujus usu in diarrhoeam incidit, et 6 *Pulveribus* consumptis, xxviii *Septembr.* (quum nocte praegressa fluxus ei menstruus erupisset) nullam quidem Febrim recurrentem advertit, ast caput toto solummodo die gravatum habuit; et porro feliciter praescripti medicaminis reliquiis usa convaluit.

OBSERVATIO IV. (*Casus* 32. Ao. 1702.)

Mulier ad triginta circiter annos nata, cui ante aliquot menses foetum enixae tunc temporis lochiorum et postea mensium fluxus exigua admodum copia prodierat, ex Tertianae laborare coepit; cujus quatuor accessiones perpessa me consuluit, at inde xiiii. *Februarii*, cum quintum paroxysmum recurrentem adverteret, *Salem Ammoniacum* ad  $\mathfrak{z}$ ib in aqua liquefactum hausit. Nihilominus xv *Febr.* ejusdem Medicaminis iterandi oblita in paroxysmum vehementem incidit, atque inde nostri Salis viribus diffusa mox aliud a me remedium petiit. Tum vero praescriptis vi *Chinae Chinae drachmis* mox hinc prostrata penitusque depulsa Febris discessit.



Art. II. *In quo unica Observatio de Tertiana Simplici, a Sale Ammoniaco, methodi defectu, nonnisi post adjunctum Vini Medicati usum depulsa.*

OBSERVATIO I. (Casus 33. Ao. 1703.)

Filius Mercatoris xxiv *Aprilis*, quum octo circiter annos complevisset, male se habere coepit, ita quidem, ut prae aegritudine decumbere cogeretur. Postridie vero recte rursum valuit. xxvi *Aprilis* ad meridiem recurrens aegritudo sese manifestam Tertianae sobolem prodidit, quippe quae cum frigore et rigore invaserit, et deinde aestu caeterisque molestiis hunc morbum comitari solitis aegrotantem affligerit. xxviii *Aprilis*, Aeger paulo ante Febris accessum *Sal Ammoniacum* ad ℥i in aqua liquefactum et sibi oblatum ex parte sumpsit, reliquum respuit; atque tum Febrim sat gravem sustinuit. Sed xxx *Aprilis* statu paroxysmi tempore nullam quidem Febrim, ast aliquem solummodo torporem ac somnolentiam sensit. Verumenimvero ab hujus medicaminis dosi tam imperfecta, nec, ut oportuerat, iterata, dimota solum, non vero depulsa visa Febris; siquidem postridie, i nempe *Maji*, turbato jam recurrenti ordine, consueta tamen hora, duodecima scilicet, pergravis redierit, atque reditus sui tarditatem majore rursus violentia compensaverit, ita quidem, ut Aeger jam incipiente frigore delirare coeperit: mature tamen, vespere scilicet ingratus hic et perodiosus decessit hospes. iiii *Maji* quum pristina paroxysmus hora reverteret, sine mora *Sal Ammoniacum* ad ℥iiij ab Aegrotante rite fuit sumptum: inde elapso horae quadrante horrores et tremores desierunt, et mitis porro Febris extitit. v vero *Maji*, denuo neglecto *Salis* usu, vehemens iterum accessio recurrit. vii *Maji* paulo ante meridiem oblatam rursus eandem *Salis Ammoniaci* dosin in potione dissolutam averfatus aeger illius tantum paucillulum hausit: attamen vix ulla vel saltem non nisi levissima Febris secuta, ac Puer eo tempore non aegrotare sed tantum somnolentia affici visus. ix *Maji*, etsi priore paulo gravior, levior tamen paroxysmus accessit. Neque mirum profecto, quod haetenus Febris *Salis Ammoniaci* virtute non fuerit depulsa: primae etenim et vix dimidia dosi effectus fuit

jam ante penitus extinctus, quam quidem ei altera successe-  
rit; nec huic aliquod in tantula et prorsus contemnenda  
Salis quantitate non nisi quatrduo post usurpata subsidium  
esse potuit; adeo ut unica illa dosis suam in morbo tantope-  
re levando virtutem satis equidem prodiderit, etsi illi peni-  
tus extirpando neutiquam suffecerit. Octiduo ergo ab il-  
lius usu elapso, xi nempe *Maji*, Febris relictis non tantum  
viribus sed et adauctis atrox rursus et vehemens in scenam  
rediit, immo et exinde duplicata quotidie recurrit: aegro-  
tanti quoque appetitum fustulit, eumque nonnunquam nau-  
seae et vomitus molestiis afflixit. Quare tandem *xxii Maji*  
de ejusmodi Vino Medicato, ac in *Casu 21* praescriptum  
fuerat, post meridiem horae circiter spatio ante Febris ac-  
cessum *3ij* usurpare coepit, quod tamen post semihoram  
ex parte rursus vomitu rejecit: nulla interim Febris, at  
sola eo tempore somnolentia secuta. Vespere ergo rursus  
*3jβ*, et postridie mane *3ij* Vini Medicati sumpsit, atque  
inde multo quam pridie vegetior extitit. Porro et hoc ipso  
die et biduo inde secuto pari Vini copia iisdem rursus Her-  
bis affusa per intervalla et quidem ter quaterve de die fuit  
usus, Febre interim immunis, ac jam sanitatem recuperasse  
visus; in qua et probabiliter perseverasset, nisi victus errore  
recentem nec satis confirmatam valetudinem turbasset.  
Cum enim *xxvi Maji* de capite *Porcino* comedisset, vespere  
vehemens rursus paroxysmus recurrit; pariterque *xxviii*  
*Maji* rediit, tum vero discessit, ac deinceps Pueri valetudi-  
nem infestare desiit.

Art. III. *In quo unica Observatio de Quotidiana ex Tertianā  
prognata, a Sale Ammoniaco ob graves, ut videtur, in  
victu errores nequaquam curata.*

#### OBSERVATIO I. (*Casus 34. Ao. 1703.*)

Famulus Affinis mei, Bataviae ex Parentibus Indis ge-  
nitus, et viginti ferme annos natus, *xviii Maji* in Febrim  
intermittentem incidit, quae porro *ix*, nec non *xxii ejus-*  
*dem mensis* die, atque ita bidui circuitu rediit, tum vero tri-  
dui interposita mora non nisi *xxv Maji* revertit. In hujus  
autem accessionis initio *Salem Ammoniacum* ad *3iv gr. v* hau-

fit, ac postridie recurrente paroxysmo ejusdem *Salis* usum et quidem  $\text{ʒij}$  pondere repetiit. Nihilominus Febris inde non depulsa indies aegrum accedere perstitit. Ergo ei *Salis Ammoniaci* ad  $\text{ʒiʒ}$  praescripti usum iterandum injunxi: illudque Aeger xxxi *Maji*, quum noctu paroxysmus invaderet, a se quidem praestitum, deinde tamen se adhuc per aliquod temporis spatium Febre vexatum retulit. Ast ejus Dominus, cui fraudulentum et vaferimum ignavi juvenis ingenium perspectum, vehementer dubitavit, et an quidem, ut prae se fert, ultimam Medicaminis dosin sumpserit, et an jam a morbo relictus se non diutius febricitare simulaverit, ut sic vitam magis desidem atque otiosam agere liceret; id saltem sibi compertum memoravit, Aegrum ab eo quidem tempore, quo Sale Ammoniaco uti coepit, maxime inordinatam victus rationem habuisse, eumque singulis paroxysmis se ingenti frigidae et cerevisiae copia ingurgitare consuevisse. Non itaque mirum, si tantis in victu erroribus *Salis Ammoniaci* successus extiterit irritus.

## S E C T I O II.

Quae de *Tertianis* tam *Simplicibus*, quam *Multiplicibus* et *Inordinatis*, Sale Ammoniaco, sive quod mediocri dosi non suffecerit, sive quod virtute impar extiterit, neutiquam curatis, Observationes IV continet.

Art. I. In quo Observationes III. de *Tertiana Simplici* duabus *Salis Ammoniaci* dosibus neutiquam depulsa.

### OBSERVATIO I. (Casus 35. Ao: 1703.)

Centurio annum agens septimum atque trigesium, xvi *Febr.* in Holsatia Febre ardente corripitur; ex qua fractis omnino viribus, non nisi cum summo vitae periculo evasit. Hinc quum vix in publicum prodiret, in *Tertianam* incidit; a qua curatus navi in Hollandiam tendit, atque in itinere, vegeto magis appetitu, cibis durioribus avidius usus, quum alii haberi non poterant, in *Tertianam* recidit. Ab hac ope *Corticis Peruviani* a Medico in Transsalaria praescripti iterum curatur, etsi depulsa Febre haud quidem perfecte convaluerit, sed artuum dolores eum infestare persti-



terint. Donec x vel xii dierum intervallo idem morbus tertio recurrerit, et quidem adeo vehemens, ut ejus paroxysmi non nisi 17 horarum circuitu finirentur. xxx *Maji*, quum tertia accessione laboraret, valetudinis suae curam nostro consilio commisit. Simile ergo *Vinum Medicatum*, ac in *Casu* 21, at majore copia praescriptum, de quo extra paroxysmum  $\text{℥iij}$  ter quotidie ab Aegrotante bibendae. Et porro 1 *Junii*, quum stata hora, quarta nempe matutina, Febris recurreret, semihora ante ejus adventum potio ex *Sale Ammoniaco* ad  $\text{℥iβ}$  in aqua liquefacto ab Aegro sumpta; nec successu carere visa, siquidem hic paroxysmus multo, quam ante, mitior extiterit. 111 *Junii*, quum Aegrotantis absentia Salis usus iterari non posset, hora consueta Febris revertit priore gravior, et cum infesto capitis, lumborum, scapularum, omniumque artuum dolore ad nonam usque matutinam affligens. iv *Junii* paroxysmus multo brevior, quam antea, intervallo, ad mediam nonam vespertinam inopinato recurrit; unde *Hauftus* ex *Salis Ammoniaci*  $\text{℥i}$ , aliisque Salibus Febrifugis, et Medicamentis Sudoriferis compositus, quem horae spatium ante Febris reditum Aegro offerendum praeceperam, non nisi in ipso accessio- nis initio sumi potuit. Haec autem Febris primo unguium livore, atque notabili in digitorum extremitatibus stupore; tum gravi horrore ac tremore, nec non acri frigore aegrotantem concussit; qui stragulis copiosissimis tectus, cum frigus et caetera mala modo memorata desinerent, copiose atque diu sudavit; at paroxysmum nihilominus sat gravem sustinuit. vi *Junii* ad meridiem pergravis accessio rediit; in cujus equidem initio tam vehemens tremor extitit, ut praë validiore maxillae inferioris concussionē dentes ex mutuae collisionis impetu dolerent. viii *Junii* ad meridiem paroxysmus, ante cujus adventum jam *Corticis Chinae Chinae*  $\text{℥β}$  sumpserat, pergravis, ut ante, reversus: quo finito dimidia ejusdem *Corticis uncia* per intervalla data. x *Junii* Aeger primo ante meridiem lumborum omniumque artuum dolore afflictus est, tum vero tempore consueto ipsa Febre, ast multo nunc levior, correptus. Deinde, cum haec decesserat, tres rursus *Corticis drachmae* ab aegrotante sumptae: nihilominus xii *Junii* paroxysmus, etsi levissi-

mus, rediit. Inde adhuc *duae* ejusdem Medicaminis *drachmae* usurpatae, et tum demum pertinax haec Febris Aegrotantem reliquit. Haud itaque mirum est, hanc, ut caeterae quidem Tertianae solent, duabus Salis Ammoniaci dosibus non fuisse depulsam, quum fere duplo majore Corticis dosi, quam quae aliis abigendis sufficit, eguerit; ut taceam Salis Ammoniaci doses hic non continuas, ut quidem oportuerat, paroxysmis, sed quadriduo demum interjecto, adhibitas fuisse. Porro ad recidivam praecavendam Aegro nunc curato praecepi, ut octiduo elapso *Corticis Peruviani*  $\frac{3\beta}{4}$  quadripartita unius alteriusve diei spatio utatur, atque ejusdem medicaminis usum pari intervallo ter quaterve repetat. Verumenimvero, ut postea intellexi, quum, nondum inchoato hoc *Corticis* usu, xix *Junii* ex Transsalaria in Flandriam contendens, et ob militis cujusdam fugam ira percitus, cum navicula latum propter Genemudam fluvium trajiceret, mox rursus in febrilem paroxysmum recidit, nondum valetudinis mire vacillantem finem assecutus.

OBSERVATIO II. (*Casus* 36. Ao. 1703.)

Nobilissimus quidam Adolefcens, staturae admodum procerae, sexto et decimo aetatis anno et *Augusti* xiv me de valetudine sua consultit, se jam a 14 diebus in Tertianam implicitum referens, cujus paroxysmi, nullo quidem capitis lumborumque dolore molesti, cum frigore ad semihoram fere persistente, subinde citius subinde tardius recurrunt, et cum sudore desinunt: nunc vero Tertianam vel duplicatam vel in Quotidianam conversam videri: Febrem etenim, cum ante biduum ad sextam vespertinam accessisset, heri vespere ad undecimam rediisse: praeterea, absente perinde ac praesente Febre, sese vertigine affici, et tum maxime, cum decumbens confurgere conatur: appetitu vero se hactenus vigere. Huic itaque *Salem Ammoniacum* ad  $\frac{3\beta}{4}$  in aqua liquefactum sub ipsum paroxysmi initium sumendum, atque idem medicamen proxima accessione recurrente iterandum praecepi, et praeterea ejusmodi *Vinum Medicatum*, ac in *Casu* praecedente, atque simili ratione usurpandum praescripsi. xxi *Augusti* Aegroti Nobiliss. Mater me per literas certiolem fecit, sumpto ratione memorata, *Ammo-*



*niaco Sale*, Febrim tamen neutiquam fuisse depulsam, ast duos deinde paroxysmos et quidem tribus quatuorve horis citius, quam antea, accedentes haecenus recurrisse, atque in horum posteriore Aegrotantem frigore finito in vomitum et quidem iteratum incidisse. Quamobrem ei *Corticis Peruviani*  $\mathfrak{z}$ i. in octo pulveres divisam misi; quibus consumptis Febris discessit, sed, quamvis appetitus plus solito vigeret, corporis tamen imbecillitas remansit. Hinc Aeger post octiduum eandem *Corticis* dosin repetiit, atque ita penitus convaluit.

## OBSERVATIO III. (Casus 37. Ao. 1703.)

I *Octobris* Tribunus militum mecum cognatione conjunctus petiit, ut ipsius Famulo ex *Tertiana* laboranti succurrerem. Is jam aetate provectior ante 5 septimanas hunc morbum in castris contraxerat, cujus paroxysmi cum frigore diuturno per unam alteramve horam persistente recurrunt. Ei ergo *Salem Ammoniacum* ad  $\mathfrak{z}$ i $\beta$  in aqua dilutum revertente Febrē sumendum, atque idem Medicamen altera deinde accessione redeunte iterandum praecepi. Is autem, sive quod in victu erraverit, ut rudes istiusmodi homines facile solent, sive quod mediocris haec dosis non suffecerit, me saltem octiduo elapso certiorē fecit, se, etsi Medicamine praescripto rite fuerit usus, Febre tamen haecenus, ut ante, recurrente teneri. Tum vero praescripto *Peruviani Corticis* usu morbus aegrotantem reliquit; et cum octiduo elapso revertisset, eodem iterum Medicamine, una cum *Herbarum Febrifugarum Decocto* in cerevisia facto, Febris prostrata, penitusque depulsa discessit.

Art. II. *In quo unica Observatio de Tertiana in multiplicem et inordinatam conversa duabus Salis Ammoniaci dosibus neutiquam depulsa.*

## OBSERVATIO I. (Casus 38. A.o. 1703.)

Puellae octavum circiter aetatis annum gerenti, et jam a 14 diebus Febri intermittente correptae, quae primo alternis, deinde vero singulis diebus et quidem ter quaterve inordinate revertit, VII *Martii Salem Ammoniacum* ad  $\mathfrak{z}$ i



in aqua liquatum adventante Febre sumendum, atque eandem illius dosin postridie redeunte paroxysmo repetendam praescripsi. Verum enimvero successu caruit, atque opinionem fefellit Medicaminis eventus. Febris enim, ut Mater mihi retulit, sumpto Sali nequaquam cessit, nec indies exinde, etsi cum minore, quam antea, siti, recurrere desit.

## A P P E N D I X

qua continetur

*Unica de Tertiana Observatio, in qua dubius aliquantulum extitit Salis Ammoniaci effectus.*

OBSERVATIO (Casus 39. Ao. 1703.)

Mercator macilentus jam fere quinquagenarius in Tertianam incidit, ac hujus septima accessione xvi Julii redeunte Salem Ammoniacum ad  $\mathfrak{z}\beta$  in aqua liquefactum confestim hausit. Nec remedium effectu carere visum, siquidem ejus usum levior quam antea febris subsecuta fuerit. xviii Julii eandem Salis Ammoniaci dosin iteravit, at sequentem rursus paroxysmum pergravem habuit. xx Julii omnibus praegressis gravior accessio revertit. Deinde vero quaque vice Febris, horis aliquot tardius recurrere, atque ita gradatim decrescere ac mitescere coepit, ut brevi non tantum Aeger, etsi non decumberet, eam facile sustineret, sed et ipse morbus haud diu post extinctus penitus desierit.

---

V.

CAROL. P. THUNBERG

MED. DR. ET PROF. ORD. UPSAL etc.

DISSERTATIO

DE

MEDICINA AFRICANORUM.

U P S A L I A E,

1 7 8 5.

GEORGE T. S. JONES

NEW YORK

1880

RECEIVED AT THE

LIBRARY

OF THE



*Tabula exhibens effectus Salis Ammoniaci, seu mutationes illius usum in Febribus Inter-mittentibus inde curatis subsecutas.*

De hujus vero Tabulae usu monendum, primo, quod \* *Salis Ammoniaci dosin ab Aegrotante sumptam* designat, et deinde, quod o *absentiam paroxysmi* denotat.

*IN TERTIANIS SIMPLICIBUS*

Paroxysmi post primam Salis Ammoniaci dosin ab Aegrotante sumptam secuti se, ut hic refertur, habuere.

Paroxysmi	Primus.	Dies in- termedius.	Secundus.	Dies in- termedius.	Tertius.	Dies in- termedius.	Quartus.	Dies in- termedius.	Quintus.
in Casu 3	* levissimus et tan- tum $\frac{1}{2}$ horae.		o		o		o		o
5	* multo levior.		o		o		o		o
6	* multo levior.		o		o		o		o
7	* levior et cum mi- nore cephalalgia.		o levis capitis dolor.		o		o		o
8	* ut ante.		o		o		o		o
4	* ut ante.		o		o		o		o
8	* ut ante.		o		o		o		o
2	* frigus brevius, ca- lor et sitis major.		o aliquid caloris in- crementum.		o				o
11	* frigus vix ullum, caetera ut ante.		o levis alteratio.		o		o		o
14	* valde gravis.		* aliquis capitis dolor.		o		o		o
15	* multo gravior, quam ante.		* o		o		o		o
9	* multo levior.		* levis accessio.		o		o		o
10	* levis accessio.		* adhuc multo levior.		o		o		o
11	* gravis ut ante.		* gravis.		o		o		o
13	* multo gravior, quam ante.		* gravis, aut priore multo mitior bre- viorque.		o levis horror per $\frac{1}{2}$ horae.		o		o
16	* levior, quam ante.		* adhuc levior prio- re, et 3 tantum horarum.		o adhuc levior priore et tantum $1\frac{1}{2}$ ho- rae.		o aliquis capitis dolor.		o
21	* cum gravi praecor- diorum anxie- tate.		o sine frigore, cum sola siti et anxie- tate.		o levior cum anxietate minore, et cum fri- gore sine horrore.		o		o
18	* ut ante.		levior.		* vel levis solum commotio.		o		o
19	* ut ante.		multo levior.		levissimus.		levissimus.		o
20	* brevior, quam ante.	ut ante.	o	* ut ante.	o	levis acces- sio.	levis accessio.	levis acces- sio.	o

*IN QUOTIDIANIS*

Paroxysmi post primam Salis Ammoniaci dosin ab Aegrotante sumptam secuti se, ut hic refertur, habuere.

Paroxysmi	Primus.	Secundus.	Tertius.	Quartus.	Quintus.	Sextus.
in Casu 20	* multo levior.	o	o	o	o	o
25	* ut ante.	o	o	o	o	o
27	* levior et plus quam du- plo brevior et 3 horis tardius invadens.	* priori similis.	multo levior.	o aliqua tantum alteratio.	o	o
	* post dimidiam dosin, $1\frac{1}{2}$ hora tardius inva- dens.	* a pars Salis mox vo- mitu rejecta. Febris ut ante.	multo levior.	rursus gravior.	et porro decrevit ac desit, aut postmo- dum rediit, ut linea sequens indicat.	
28	* ut ante.	* ut ante.	multo levior.	* ut praecedens.	sine frigore, horrore vel tremore, aut paulo gra- vior.	
					et porro indies decrevit, atque ita discessit.	

*IN TERTIANIS DUPLICIBUS*

Paroxysmi post primam Salis Ammoniaci dosin ab Aegrotante sumptam secuti se, ut hic refertur, habuere.  
Ubi advertendum, quod hic A unam et B alteram Tertianam denotat.

Paroxysmi	A Primus.	B Primus.	A Secundus.	B Secundus.	A Tertius.	B Tertius.	A Quartus.	B Quartus.	A Quintus.	B Quintus.
in Casu 23	* duplo levior.	minus gravis.	o	multo levior.	o	levissimus.	o	o	o	o
24	* multo levior.	o aliqua altera- tio.	o adhuc multo le- vior et 3 ran- tum horarum.	o gravior acces- sio.	o aliqua altera- tio.	o gravis ut ante.	o aliqua altera- tio.	* ut antea.	o aliqua alteratio Vide porro †	
	A Sextus.		B Sextus.		A Septimus.		B Septimus.			
	† multo levior et 3 tantum horarum.		o		o		o etc.			



## DISSERTATIO MEDICA

DE

## MEDICINA AFRICANORUM.

Multa remedia antiquitus in Pharmacopolia nostra introducta et veteribus multum saepe decantata jam dudum evi-  
luerunt et oblivioni tradita sunt. Multa quoque alia medi-  
camina, quae proxime elapsis seculis primum innotuerunt,  
jam in officinas Pharmaceuticas illata quotidie a Practicis  
cum fructu praescribuntur illis, qui atrocibus excruciantur  
morbis. Horum quidem numerum, qui certe exiguus non  
est, sufficere facile crederes, H. L. ad omnes tollendos hu-  
mani generis cruciatus; sed cum omnibus gentibus non  
aeque opportuna sese offerat occasio, haec sibi acquirendi  
medicamenta, necesse fuit, ut variae Nationes aliis uteren-  
tur medelis, ad quas facilius illis, vel earum in patria, vel  
in confiniis, aditus patet. Sic utuntur Ceilonenses *Ligno*  
suo *colubrino*, radice *Lopes* Mallabari, *Periploca indica* ad  
vomitus excitandum et *Plumbagine ceilanica* Vesicatorii loco  
Cingalli, *Senega* et *Lobelia siphilitica* Americani, radice *Ninfi*  
Sinenfes et Japonenses, atque aliis alii.

Variae etiam in usu sunt tam apud Indianos quam  
Africanos remediorum species; quae adhuc ad cognitionem  
Europaeorum non pervenerunt, quales non paucas sub suis  
tineribus in nuper dictis regionibus observavit Celeber. Do-  
minus Praeses. Ex hisce remediis ea, quae Africae austra-  
lis Incolae imprimis in usus suos convertunt, eligere mihi  
contigit; illa igitur succincte descripta specimine medico  
inaugurali publici juris facere constitui, ea tamen ipse, ut  
tibi, B. L. conamina mea non fore displicitura.



1. *GERANIUM cucullatum* Linn. Syft. veg. Edit. XIV. p. 613.  
*Crescit* locis montosis prope et extra Cap, in promontorio bonae spei.  
*Malvae* plerumque herbam, ob vires cum Malva convenientes, Incolae appellant.  
*Herba*, imprimis *folia*, parum odora et emollientia sunt atque in sacculis emollientibus ad resolvendum et emolliendum adhibentur.
2. *GERANIUM triste* Linn. Syft. veget. Edit. XIV. p. 615.  
*Crescit* in collibus et campis sabulosis inter Cap et Drakenstein in Prom. bon. spei.  
*Radix* hujus rubra adstringens est et siccata inque pulverem redacta saepius illis praescribitur, qui Diarrhoea et Dysenteria laborant. Leviter adstringit et cum fructu adhibetur; post Laxans ad evacuandam saburram et acrimoniam datum.
3. *BRYONIA africana* Linn. Syft. veg. p. 870.  
*Crescit* in collibus montium prope Cap et alibi.  
*Dauids wortel* dicitur ab Europaeis Incolis.  
*Radix* porosa valde nauseosa gustanti obvenit et imprimis a Belgis in usum vocatur, in Lue venera et morbis exanthematicis.  
*Decoctum* diureticum, quandoque catharticum et emeticum.
4. *HAEMANTHUS coccineus* Linn. Syft. veg. XIV. p. 316.  
*Crescit* ubique in dunis Capensibus vulgarissimus.  
*Bulbus* in Promontorio b. spei *Scilla montana* appellatus albus, fibrosus et satis magnus locis altis siccioribus occurrit.  
*Acris* et viscidus vim exferit incidentem et diureticam instar Scillae maritimae; ideoque ex illo acetum ex oxymel scilliticum paratum in Asthmate et Hydrope aliisque morbis propinatur.
5. *ASCLEPIAS undulata* Linn. Syft. veg. XIV. p. 258.  
*Crescit* in collibus prope Parady's, in Camenasia et alibi in Africes angulo maxime australi.

*Bitterwortel* radicem amaram et acrem nominare solent Hollandi, atque ob vim ejus diureticam ut plurimum decoctum Hydropicis bibendum commendant; Eundem in finem laude etiam extollitur *Asclepiadis crispae* radix.

6. RESOLVENTIA multa Africa profert; excellunt vero herbae sequentes, ut *Ocymi* species; *Selago corymbosa*, quae tota fraveolens; *Lantana africana*, *crispa* et *salvifolia*; *Salvia aurea*, *africana*, *paniculata*; *Geranium ciliatum* et *moschatum*; *Tanaceta* nonnulla; *Osteospermum spinosum* atque *Menthae* variae fragrantissimae et Camphorae odore praeditae.

7. GRAVEOLENTIA varia, et illa quidem repellentia exhibet Africa australis medicamina, ut *Melanthus major*, *Eriocephalus* seu *wilde Rosmarin* dictus, foliis odore Tanaceti; *Diosma betulina*, *uniflora* et *pulchella*, quae Hottentottis *Bukku* dicitur.

*Folia* horum inter lapides in pulverem redigunt Hottentotti eoque corpus pinguedine ovina prius inunctum adspargunt, unde odor eorum fortis et non adtuetis ingratus.

8. ARCTOPUS *echinatus* Linn. Syst. veget. XIV. p. 920.

*Crescit* in collibus prope Cap vulgatissimus, infra latus orientale montium tabularis et Diaboli.

*Sapore* radix ingrata decocto mundificante saepe adhibetur, imprimis in Gonorrhoea.

9. LOBELIA *pinifolia* Linn. Syst. veget. XIV. p. 800.

*Crescit* in montium lateribus prope Cap et alibi vulgaris.

*Radix* resinosa sanguinem mundificandi vi pollet, rarius tamen usurpatur.

10. RICINUS *communis* Linn. Syst. veget. XIV. p. 865.  
in omni fere villa extra Cap cultus.

*Seminibus* vi drastica dotatis raro hic loci, fortiter purgandi causa, utuntur Incolae, oleum vero ex illis expressum et leniter alvum ducens inter optima remedia domestica numeratur, et saepe parvis, sed iteratis dosibus, sumitur.

II. ADIANTHUM *aethiopicum* Linn. Syft. veget. p. 940.

*Vrouwe Haar* dictum, vulgatissimum crescit in montium lateribus et fossis circum urbem Cap.

*In fossis* montium satis communis filix cum *Adiantho capillo veneris* qualitate, viribus et usu omnino convenit, nec non in tussi, raucedine et aliis morbis pectoris, sub forma decocti et syrapi propinatur.

12. ERIOCEPHALUS sub *Gnaphalii herbae* titulo apud Belgas in usu est herba diuretica, in Hydropis variis speciebus laudata.13. MESEMBRYANTHEMA varia succulenta falsum praebent succum, quem usu diaetetico ad sitim restinguendam Hottentotti ori admovent; Incolae vero ex Europaea gente ad leviter adstringendum in Aphitis et externe in Combustionibus usurpare solent. Succus vero fructuum *Mesembr. edulis* interne in Dysenteria propinatur.14. POLYGONUM *barbatum* Linn. Syft. veg. XIV. p. 377.

*Crescit* prope Cap et alibi in omnibus fossis.

*Herba* juxta fossas in aquis crescens, acris, ad oedemata pedum quandoque tollenda adhibetur.

15. LYCOPERDON *carcinomale* Linn. Syft. veg. XIV. p. 981.

*Crescit* fungus hic oblongus in acervis argillaceis formicarum, in promontorio bonae spei.

*Pulvis* ater ad curanda ulcera cancrofa commendatur.

16. OSMITES *camphorina* Linn. Syft. veg. XIV. p. 783.

*Crescit* juxta rivos infra montes prope Drakenstein et infralatus orientale montis tabularis.

*Bellis* herba et folia appellatur ab Incolis haec planta svaevolens.

*Vis* incidens, nervina et fortiter resolvens; spiritus ejus, *Spiritus Bellidis* vocatus, eam ob causam summopere commendatur in tussi, raucedine, et morbis pectoris aliis, licet nimis calidus Nobis obveniat.



17. *PROTEA mellifera et speciosa* Linn. Syst. v. p. 139 et 141.  
*Succus* in capitulis florum copiose collectus, ab insectis filtratione purificatus, et leni igne inspissatus usum mellis praestat in morbis pectoris, rauedine, tussi, ceteris.
18. *PROTEA grandiflora* Linn. Syst. veg. XIV. p. 141.  
*Cortex* arboris adstringens ad sistendas diarrhoeas utilis judicatur.
19. *OXALIS cernua* Linn. Syst. veg. XIV. p. 433.  
*Copiose* crescit locis cultis haec herba in Cap. b. spei, et ex succu *Acetosellae sal* conficiunt Pharmacopoei.
20. *CROTALARIA perfoliata* Linn. Syst. veg. XIV. p. 649.  
*Crescit* in interioribus Cap. b. spei regionibus.  
*Foliorum* decoctum fortiter diuresin promovere creditur et cum successu contra Hydopes praescribi dicitur.
21. *TESTUDINUM sanguinem* siccatum magni faciunt rustici Africani in morsura serpentum et aliis venenatis vulneribus; Sanguinem itaque inspissatum in theca servant secumque plurimi semper circumferunt.
22. *FAGARA capensis*, arbuscula in sylvis interiorum regionum capitis bonae spei crescens.  
*Hanc* sub nomine *wilde Cardamom* seu Cardamomi sylvestris Incolae norunt et baccas aromaticas aliquatenus ingrati saporis, in Colicis flatulenta et Paralyfi adhibere sciunt.
23. *ADONIS vesicatoria* Linn. Syst. veg. XIV. p. 515.  
*Africanis*: *Brandblad* ob vim urentem.  
*Crescit* in montibus prope Cap, juxta Constantiam, trans Svellendam, alibi.  
*Acerrimae* et rubefacientis plantae folia in Rheumatismo, Ischiade et variis aliis a frigoris et caloris vicissitudinibus ortis morbis, vesicatorii instar, contusa et externe imposita quotidie fere corporis artubus adplicantur.
24. *ALOË linguaeformis* Linn. Syst. veg. XIV. p. 337. optimam et purissimam ex omnibus Aloës speciebus

gummi-resinam stillat, qua in interioribus Promontorii b. spei regionibus nonnulli Incolae uti sciunt.

25. SOLANA varia, imprimis *Solanum bonae spei* dictum.

*Crescit* prope sylvam Essebosch et alibi; colitur in urbis hortis.

*Baccae* in unguentis quandoque adhibentur, et folia in prolapsu Vaginae atque Uteri.

*Succus* herbae in unguentis ad depuranda et consolidanda ulcera, tota die adhibetur ab Africanis Incolis.

26. ALLIA varia, odore forti alliaceo, in Africa Australi contra Hecticam, Vermes, Suppurationes Incolis in usu sunt.

27. TULBAGIA *alliacea et cepacea* Linn. Syft. veg. p. 316.

*Africae* australis Incolis, *wilde knofflook*.

*Crescit* in campis depressis inter oceani littus et seriem montium proximam alibique, semper locis arenosis.

*Radix* bulbosa, tunicata, fibrosa, magnitudine pyri mediocris, odore gaudet alliaceo, nauseoso, fortissimo, diu permanente, et ad Phthisin curandam proficua praedicatur.

TULBAGIA *cepacea* cum antecedente qualitate et viribus omnino convenit.

28. CAROXYLON *salsola*, Linnaei SALSOLA *aphylla* Syft. veg. p. 264. Africanis *Cannabosch* in locis saepe sterilissimis crescit.

*Sal Sodae* e cineribus hujus confectum cum pinguedine ovina saponem Africanorum constituit, non raro tam usu oeconomico, quam medico celebrem.

29. PIPER *capense* Linn. Syft. veget. ed. XIV. p. 74.

Africanis *Startpeeper* et *Boschpeeper* audit.

*Crescit* in sylvis Hauteniquas, Grootvaders Bosch et aliis sylvis prope rivos.

*Fructus* spiritu vini maceratos, stomachica possidere vi non vane credunt Incolae.

VI.

DR. EVERARDI IOANNIS THOMASSEN  
A THUESSINK

DISSERTATIO

DE

OPII USU IN SIPHYLIDE OBSER-  
VATIS PROBATO.

LUGDUNI BATAVORUM,

1785.



PROCEEDINGS OF THE  
SOCIETY OF AMERICAN HISTORIANS

HELD AT THE UNIVERSITY OF CHICAGO

FROM JANUARY 10 TO 12, 1906  
IN THE UNIVERSITY HALL

THE UNIVERSITY OF CHICAGO

DE  
OPII IN SIPHYLIDE USU OBSERVATIS  
PROBATO.

*INTRODUCTIO.*

§. I. Inter omnia, quae tellus profert vegetabilis regni medicamenta, efficacia sua et singulari virtute longo abhinc tempore Medicis sese commendavit papaveris ille succus inspissatus, qui ab Indiis ad nos adfertur, sub specie gummi resinae, nobisque audit opium.

Ad illud remedium demum tanquam ad sacram anchoram confugit Medicus, quoties miserum acerbo dolore excruciatum nulli cedente herbae offendit, servatque hominem certo certius sub miseriarum onere succubiturum vel saltem ipsius dolores et cruciatus egregie mitigat. — Ab omni autem tempore non nisi trepidante pede hocce arripuerunt medicamentum, et parca valde manu administrarunt, facile perspicientes, quod dolores quidem vehementissimos sopiret, sed eo ipso metuentes, ne sub herba latens relinqueretur anguis, eo certius et magis furibundo morso praedam arrepturus, quam primum sopor aegrotum reliquerit. Non mirum itaque, quod nimis iusto hac opinione extensa aliae hujus remedii vires salutares non longo abhinc tempore demum casu sint inventae. Ita in dysenteria ad violentissimos cruciatus mitigandos primum datum Opium mirifice adeo profuisse visum est, ut jamjam inter primaria et tutissima, reliquis remediis haud praetermissis, sanando morbo idonea medicamenta, a principibus in arte Viris habeatur. Sic porro in intermittentibus aliisque febribus urgente dolore datum, potentis aliquando febrifugi vices gerit. In tetano sic balneo frigido junctum unicum nuper in India Occidentali repertum est solatium \*).

§. II. Vix ac ne vix quidem in casibus Venereis adhibitum fuit remedium, nisi paucis abhinc annis in Anglia,

\*) Vid. Doct. Cohvane Dissert. Inaug. de Tetano. Glasgae 1781.

ubi non tantum tanquam anodynum ad dolores et cruciatus nocturnos ossifragos sedandos, sed et ad uleera sananda fuit adhibitum, ex eodem fonte profluentia. Nuper autem inventum est, quod non tantum optimum esset variis in casibus medicamentum auxiliarium, verum etiam in multis primum, ita ut varii jam absque curationis spe, fortis suae relictis miseri, incassum tentato Mercurio, Opii largo usu plene fuerint sanati.

§. III. Quemadmodum saepe vago quodam experimento vel casu fortuito praestantissima deteguntur morbis sanandis praesidia, ita ut haud immerito inter principia Medicinae vaga experimenta et casus fortuitos memoraverit Boerhavius, ita et felici huius invento ansam dedit casus juvenis, qui, cum frustra adhibuisset per plures annos varias Mercurii praeparationes, absque, ut pessima, qua laborabat, siphylis fugari posset, nullam jam sanationis spem fovens, palliare, quem sanare non poterat morbum, maluit largis Opii dosibus, non diu autem hocce usus est remedio, quin salutes in corpore effectus experiretur, et brevi ultra omnem expectationem optima frueretur sanitate.

Mirabilem hanc cum audivisset Opii ope productam sanationem Hassici exercitus, in America tum degentis, Archiater F. Michaëlis, statim secum constituit se ipsum hac de re experimentis certiorum reddere \*). In omnibus sere nosocomiis Americanis, speciatim autem in nosocomiis militaribus Novi Eboraci (New York) pericula hanc in rem ceperunt Medici, bono plerumque cum eventu. Hisce in Europa innotescantibus, eadem in nosocomiis Londinensibus repetierunt, in specie in nosocomio Sancti Bartholomaei, et Guyi, primusque inter eos doct. Saunders, dein vero in plerisque aliis hujus metropolis nosocomiis; horum exemplo animum sibi faciens doct. amicus H. Cullen, nosocomii Regii Edinens. Medicus tentamina quoque nuperrime hanc in rem instituit. Quorum omnium eventum candide,

\*) Medical communications vol. I. p. 307. On the efficacy, of opium, in the cure of the venereal disease; by Fred. Michaëlis M. D. Physician General to the Hessian troops. Communicated, by Dr. Simmons, Read Dec. 30, 1783.



quantum ea colligere mihi licuit, enarrabo, inque his sic procedam, ut brevitet.

I. Effectus sensibiles Opii in homine morbo Venereo haud correpto, enarrem, easque comparem cum effectibus in siphylide laborante; regimen modumque simul exhibendi in venereo morbo proponam.

II. Dein effectus in debellando morbo ipso vel eo mitigando exhibeam; eundo per singula.

III. Tandem aliquas exin memorem conclusiones.

## C A P U T I.

### DE OPII EFFECTIBUS ET EXHIBENDI MODO.

§. I. Varios, circa Opii in corpus humanum in statu sano actionem, consulens auctores, eos in duas secessisse partes video: alteram strenue pro vi ipsius stimulante dimicantem, quum altera e contrario eidem vim sedativam adscribat; qui priorem tenent opinionem asserunt, Opium directe post adsumptionem fibram muscularem ad actionem citere, quam sequitur status collapsus, vel debilitas, eamque indirectam dicunt, propter exhaustam incitabilitatem. In eo itaque omnis versatur differentia quaestionis, quod unus opio vim indirecte, alter directe sedativam adscribat.

Hancce si animo volvamus opinionum circa Opii operandi modum diversitatem, non adeo mirum videbitur; quod effectus sensibiles in corpus e diametro sibi invicem oppositos Opio attribuant. Qui Opium considerant tanquam stimulans, sequentes huic adscribunt effectus, scilicet: quod augeat pulsus frequentiam, et corporis calorem naturalem, cum faciei rubore, simul cum insolito laetitiae et hilaritatis sensu, quod, hocce statu aliquantisper continuato, dein sequatur indolentia, sensus fiant imperfecti, orianturque sopor et somnus, in quo sensibilibiter diminuuntur omnes secretiones, excretionesque, excepta sola perspiratione simul cum pulsu frequenti et pleno, quod a somno adsit debilitas cum frigoris sensu. Quod si autem major justo adsumatur quantitas, majores esse hunc hilaritatis sensum, calorem et pulsus frequentiam, adfirmant, sequi delirium et plena-

riam inebriationem, et nisi somnus obrepit, magnam inquietudinem, anxietatem, et dein insignem debilitatem ac lassitudinem. Contrariae opinionis patroni contendunt, pulsuum numerum statim decrescere, respirationem fieri tardiorum et languidiorem, faciem aliquando, sed rarius, leviter intumescere, calorem corporis imminui, sequi soporem et statum indolentiae, somnumque demum obrepere. Dosi ultra modum aucta, Opium producere vomitum vel saltem nauseam, corpus fieri insensibile, et convulsiones oboriri demum fatales, et in corpore extincto nihil inveniri, nisi aliquam sanguinis majorem in capite portionem.

§. III. Utraque de Opii effectibus opinio summos suos agnoscit defensores, suisque roboratur ingeniosissimis argumentis, quae omnia refellere vel examinare, meum non est. Ingenue autem fateri liceat, quod in institutis accurate experimentis, neque Doct. amicus Skeete in Dissertatione coram Societate Reg. Med. Edinenf. neque Ds. Bards in sua Dissert. Inaug. neque ipse, effectus Opii stimulantis in corpore, experiri potuerimus: pulsus quippe constanter numero decrevit valde sensibilibus, respiratio evasit tardior, aliquando nausea, et faciei pallor accessere, simul cum sensu somnolentiae, et imminutione omnium secretionum et excretionum, aliquando etiam perspirationis: si majorem Opii quantitatem assumerem ad gr. ij et ultra, sequebatur statim somnus, cui resistere non poteram, sed qui cito turbabatur insomnia, et post somnum nulla resectio, sed potius nausea sequebatur.

§. IV. Quod si cum memoratis Opii effectibus in corpus sanum comparemus eos, quos producit in corpus viru venereo infectum, in cujusvis oculos incurrens prima fronte sese manifestabit differentia. Et primo quidem insignis est differentia in quantitate, quam ferunt aegri absque incommodo, quae si ab homine integra fruente sanitate assumerebatur non tantum molestissimas relinqueret sequelas, sed saepe ipsi foret fatalis: sic doses in primo initio gr. iij. de die, imo altera die statim gr. vj. valde ordinariae in America erant, quae dein absque prava sequela ad 3 vel 3 augebantur — Pulsus in hoc morbo ab Opio raro adscitur, in nostris saltem casibus, et in nosocomiis Londinensibus, hoc

constanter observatum est; verum, quando pulsus erat valde frequens et parvus, ordinario effectus praestabat sensibiles in pulsum, diminuendo mirum quantum ipsius celeritatem (indicio Opium gaudere vi sedante). Respiratio non adficitur sensibiliter, nisi rarissime: unicum tantum nosco casum, ubi dyspnoeam molestant creavit. Quoad functiones naturales, ordinario effectum suum in appetitum aegri non exferit, exceptis iis casibus, ubi prostratus est appetitus, propter dolorem, quo sedato, appetitus jam naturalis evadit. Rarissimo autem in casu producit nauseam atque etiam vomitum: hanc vim constantiorem esse et majorem in Solido Opio, quam Tinct. Thebaica, vel Laud. liquido, quod optime a ventriculo fertur, docuit observatio. Opium per aliquot dies ab homine sano adsumtum cito molestant creat alvi obstipationem: in hisce autem largus Opii usus saepe diarrhoeam creat, quam nonnulli Opii intestinis accumulationi attribuunt. Effectus hujus remedii in varias secretiones mirum quantum est varius; ita ut in uno multum augeat perspirationem, quam in alio suppressit, et insignem creat diuresin, ita ut insigniter urina quantitatem assumti potus excedat. Nonnullis in casibus aequae ac Mercurius ingentem produxit salivae fluxum; talem casum quidam amicorum mecum communicavit, in nosocomio Londinensi, S<sup>c</sup>i Bartholomei, ubi aeger, post assumpta gr. ix. opii solidi de die per aliquod tempus, copiosam provocavit salivationem, absque eo, ut in toto morbi decursu gr. Mercurii adhibuisset, non tamen videtur haec vel ulla alia secretio aucta, aliquid valuisse ad ipsum curandum morbum, cum saepe absque ulla sensibili excretionem sanatus sit. Alter amicorum in unico casu directe oppositum vidit effectum; scilicet quod duo grana Opii de nocte data, per aliquod tempus, pertinacissimam salivationem suppresserint, ita ut postea merc. subl. corros. solutione iterum eandem, licet largis exhibitis dosibus, provocare non potuerit. Ordinario statum somni non mutat, foemina in nostro nosocomio de die 3j. solidi opii adsumens dicebat se solita hora cubitum ire, solita expergeri, et nullam in somno percipere mutationem; idem de reliquis fere omnibus experimentis mihi relatum est. Producit autem in pluribus casibus, saltem



quos mihi observare licuit, quemdam soporis et indolentiae statum, ita ut ad opus ordinarium peragendum haud adeo videantur parati; sed ad strictum regimen eo ipso lubentius inclinent, excessus evitent, in aliis autem, absque ullo sopore, mentis tantum tranquillitatem efficit. Vires aegri et ipsius valetudo caeterum non adficiuntur, nisi quod saepe oriuntur manuum tremores, praecipue post derelictum ipsius usum, vel in initio: omnes autem Medici dicunt, quod illud symptoma haud quaquam terrere debeat, quum ordinario sponte cesset et raro impediatur, quo minus dosis continuari, imo et augeri possit. Raro producit cephalaeam, quae facile etiam, absque alia medicina cessat. Singulare porro est, quod corpus inde habitum non contrahat, ita ut de necesse Opio egeat: illud quod omnino in corpore sano, vel aliis morbis obnoxio, accedere plerumque solet.

§. VI. Modus exhibendi remedium tanquam antiphyliticum est vel solidum Opium, vel cum aqua Cinamomi sub forma Laudani vel Tinct. Thebaic. (Pharmac. Edinb.)

Prudentia exigit, ut in quovis casu a dosi minori incipiamus, quamvis impune statim largas doses exhiberi posse; experientia docuerit: gr. j. prima nocte commoda erit dosis, dein altero mane gr. j. et vespere eandem dosin exhibere possumus, et sic unoquoque die gr. addendo ad  $\Theta$  vel  $\mathfrak{z}$ , vel si nondum ullum effectum sensibilem, produxerit ad  $\Theta$ , et ultra procedere possumus. Si vero effectum praestiterit laudabilem, indicium est dosin sufficere, quod ordinario fiet exhibitione a gr. xij. ad  $\Theta$ j. aliquando etiam ad gr. vj. vel viij. Nulla autem hic generalis exhiberi potest regula, quum omnino dosis statui aegri et idiosyncrasiae sit accommodanda, et medici prudentiae committenda.

§. VII. Regimen sub usu Opii omnino statui aegri est accommodandum, quippe plethoricus aliam requirit quam phlegmaticus, et morbo debilitatus, diaetam; illi nimis mirum ante opii usum convenit phlebotomia et diaeta parvior: huic C. Peruvianus vinum et caro. In genere autem diaeta non adeo stricta hic requiritur, et omnino sub Opii usu modica corporis exercitatio est laudanda. Ne Opium, nimis in intestinis accumulatum, molestam creet adeo diarrhoeam, Americani Medici bis in septimana praescribebant.

medicamentum alvum laxans. Doct. autem Cullenus cuilibet grano Opii granulum adjecit aloës, quod praevertit non tantum accumulationem Opii, sed in casibus etiam aliis, semper optime occurrit alvi obstipationi; nonnunquam tamen idem Medicus alvi lotionem optimo, cum effectu purgantis cujusdam salis ope administrat. Si tremor manuum aut cephalaea, aut debilitas aliquem pariat timorem optimum in Cortice Peruviano habemus remedium, et notatum omnino dignum est, quod annotat Doct. Michaëlis de quodam amico, ophthalmia laborante, cui larga Opii dosis erat administrata, exiguo vini Madeirensis haustu tremorem statim fugante. Monuisse supervacuum est, quod, si primæ viae non sint purae, alvi ductio, ante Opii usum omnino sit commendabilis.

§. VIII. His intellectis, procedamus ad usum Opii indigitandum in singulis morbi venerei casibus, non tantum in iis, ubi agit tanquam antisiphyliticum, verum et in quibus sedativam tantum et palliativam exercet vim.

## C A P U T II.

### OPII EFFECTUS IN MORBUM VENEREUM.

#### S E C T I O I.

##### IN GONORRHAEA VIRULENTA.

§. I. Gonorrhæa, vel potius Blennorrhagia, uti audit Doct. amico Schwediauer \*), est inflammatio tunicae muciparae urethrae, orta ex stimulo quodam, quae, si venereum in causa est, virus, venerea est. Effectus hujus stimuli et exin ortae inflammationis est muci major secretio; et quoniam vasa glandulaeque muciparae inflammatione conditionem morbosam induxerunt, mucus ille tenuis foetens et foedi coloris est. Quando haec inflammatio moderata est, omnino naturae relinqui potest, et absque ullo artis Medicæ auxilio, solo regimine antiphlogistico ad felicem exitum duci potest. Rara autem haec est felicitas, et plerumque

\*) Practical observations on the more obstinate and inveterate venereal complaints, by I. Schwediauer M.D. London 1784.

medici aptam manum ad symptomata, ab hac irritatione nata, moderanda requirit, quod praecipuum et fere unicum hic est Medici officium. Symptomata potissimum molesta huius morbi sunt frequentes et dolorificae erectiones nocturnae, quas chordas vocant, et ardor urinae: ad priores nihil adeo conducit, quam injectio in rectum mucilaginosae cujusdam substantiae, cum largiore Laud. Liq. dosi, et interne haustum anodynum; vehementer ita hoc laudat summus I. Hunterus, ut in suis praelectionibus dicat, nihil adeo conducere, quam Laud. Liq. xl. guttas hora somni assumptas. Efficacissime moderatur ardorem urinae injectio, in qua larga solutionis Opii quantitas vel oleo vel mucilagini adjecta est. Quando constitutio debilis est, et valde irritabilis, ut dolor ingens sit, et materia tenuis valde excernatur, nihil magis conducit, quam Opium cortici Peruviano adjunctum. I. Hunterus commendat quarta quavis hora assumere x. L. Liq. guttas, ubi adest inflammatio erysipelatoſa, et tendit ad gangraenam. Doct. Hamilton, unus ex nosocomii Edinb. Medicis in quovis fere Gonorrhoeae statu, imo in ipso initio sequenti utitur formula, fallere fere nescia ab ipso constanter reperta, nec pravas quasdam relinquente post se sequelaſ:

R<sup>x</sup> Opii ℥ij.

Aq. Font. ℥xij.

solve.

dein adde solut. cuilibet ℥ss.

Sacch. Saturn. gr. viij.

pro inject.

§. II. In genere illud est notandum, quod Gonorrhoea virulenta tractata solis mucilaginosiſ injectionibus, addito Opii usu interno et externo, simul cum diaeta diluente, multo citius ordinario cedat, quam quae V. S. nitroſis purgantibus, et quod pejus, draſticis Mercurialibus curatur, recteque ſentit Doct. Schwediauer, quod huic ſimplici curationi debeatur, quod hodie tam rara ſint exempla luis, tumorum teſtium, ulcerationum veſicae, et fiſtularum urethrae, et perinaei, quae omnia ex purgantium abuſu ut plurimum ſunt derivanda.



§. III. Mirum forsitan videbitur, quod Opium adeo commendem in morbo, quem considero tanquam inflammatorium, quum Opium in quavis phlogistica diathesi nocere evidenter dicatur. Hanc autem nimis extendi opinionem plane convictus sum et plurimas dari inflammationes, in quibus optimos producit effectus, uti in variolis, morbillis, nephritide, hepatide, imo et peripneumonia, ac pleuritide, sive illud sit noxium inflammationi, qua tali, vel diminuat stimulum totius systematis, et sensibilitatem fibrae muscularis, uti putat Celeb. Professor Cullenus, de re ipsa ultra dubium constat. In Gonorrhoea certe plurimam symptomata oriuntur ex irritatione stimuli corpori applicati, cujus effectus saepe diminuitur imminuendo totius systematis irritabilitatem, ad quod efficiendum certissimum remedium est Opium. Haecque conveniunt cum optimi Praeceptoris opinione, dicentis: „As most of the symptoms arise from the irritation of a stimulus applied, the effects of this irritation may be often lessened by diminishing the irritability of the system; and it is well known, that the most certain means of accomplishing this, is by employing opium. For that reason I consider the practice both of applying Opium directly to the urethra and of exhibiting it by the mouth, to be extremely useful in most cases of Gonorrhoea \*).“

Huic de efficacia Opii in Gonorrhoea opinioni pulcre congruit etiam hodierna observatio, qua Opium interne sumtum unice curasse Gonorrhoeam probatur. Memorabilem casum mecum communicavit Ing. Lyons M. B. amicus optimus, scilicet, Philadelpiae experimenti causa Opium in pluribus casibus tentavit, quorum hic unus est.

Juvenis aetatis anno 18. per quatrimum Gonorrhoea adfectus fuerat, quando auxilium petiit. Inflammatio erat vehemens, multumque affligebatur erectionibus dolorosis per noctem. Statim ad Opii usum recurrebatur, incipiendo a gr. ij. mane et vespere; quod optime tolerare poterat, et quando symptomata evadebant mitiora, haecce quantitas per aliquot dies fuit continuata, tumque augebatur ad gr. iij.

\*) First lin. of the Practice of Physic. vol. IV. p. 401.

mane et gr. iv. vesperi: postea nulla aderat necessitas adaugendi dosin, sed continuo cepit gr. vij. de die usque ad plenariam curationem. Annotatu dignum est, quod, licet nunquam Opii usui antea fuisset adsuetus, hoc nullum praestaret in ipsius sanitatem effectum sensibilem: in promptu semper habebatur remedium laxans, quum alvi obstipationis metus erat; sed per totum illud tempus alvi status regularis erat, adeo, ac in sanitate, et nunquam illa fuit necessitas illud adhibendi.

Natura medicamenti semper illi fuit abscondita, et statim ac Gonorrhoea cessaverat, medicina omittebatur, absque ullo incommodo.

Neque injectio, neque ulla topica applicatio adhibitae fuerant, atque Opium manifesto videbatur reddere evacuationem ab urethra materiam, quantitate minorem, et minus qualitate irritantem.

## S E C T I O II.

### IN PHYMOSI ET PARAPHYMOSI.

§. I. Saepe fit, ut in Gonorrhoea ad summum inflammatione evelta, vel ipsa glande inflammata, sive ulceribus intra praeputium degentibus, acris admodum materia irriteret: adeo praeputium, ut inflammetur, tumeat, sese circa glandem constringat, vel ut retractum nullo modo reduci possit; prior phymosis, posterior paraphymosis audit. In utroque casu, cum symptomata ex irritatione materiae, et irritabilitate partium dependeant, nihil adeo conducere docuit experientia, quam largae Opii aqua soluti doses, additis fotionibus emollientibus, uti et clysmate ex mucilaginoso cum larga Opii quantitate; et simul dosin Laudani hora decubitus.

§. II. Hancce tractandi phymosin methodum commendant Ds. Foart Simmons \*) et Ds. Schwediauer, mihi quoque dixit Celeberr. Cullenus, se Opium haud quaquam inter inefficacia medicamenta in phymosi habere, nuperque in casu acerrimo largas Opii doses commendasse, ubi aderat

\*) Treatise on the gonorrhoea.

phymosis cum insigni partium gangraena: Recensetque Ds. Michaelis casum; in quo aderat vehemens adeo inflammatio, ut praeputium jamjam maculam nigram ostenderet, adhibuit V. S. largam, salia purgantia incassum, ad operationem autem procedere debuit, qua facta febris quidem diminuebatur, sed praeputium omne erat plane mortuum, adhibuit tum Opii iij de die eo eventu, ut paucorum dierum spatio decideret praeputium, cessaret brevi Gonorrhoea, et ulcera glandis sanarentur.

## S E C T I O III.

## IN ISCHURIA VENEREA.

§. I. Quam utile sit Opium in omni urinae suppressione, quae ex constrictione spasmodica oritur sphincteris Vesicae cuilibet pratico notum est, tantique aestimat Celeb. Percivall Pott, hanc praxin, largas in Ischuria exhibendi Opii doses, ut testetur, se ab eo inde tempore, quo largas exhibuit Opii doses rarissime ad operationem molestissimam paracatheseos vesicae recurrere debuisse.

§. II. Speciatim autem in ista specie Ischuriae a multis commendatur, quae ex suppressione imprudenti Gonorrhoeae oritur, quando ex quadam causa externa virus venereum pristinum sub fraenulo situm derelinquit, et sese prope sphincterem vesicae collocat, ejusque spasimum producit. Ad huncce removendum clysmata ex oleo lini, decocto avenaceo vel hordei, cum laud. sufficiente quantitate commendat Ds. Schwediauer, exstatque casus in ultimo volumine observationum Medicarum Londinensium, in quo ex suppressa Gonorrhoea suppressio urinae advenerat, quam comitabatur ingens inflammatio: liberior Opii administratio hic evidentissimam producebat symptomatum amotionem.

§. III. Chirurgus Americanus evidenter eodem in casu bonum successum expertus est ab applicatione emplastri ex Opio puro cum aquae sufficiente quantitate subacti. Manifesto quoque profuisse vidi Opii liberam exhibitionem, ubi ex intolerabili excernendae urinae frequentia, absque eo, ut aeger nisi paucas guttas evacuare posset de tempore,



summa creabatur aegro molestia, imo hoc in casu Opium tam interne, quam forma enematis administratum, momentaneum saepe levamen attulit.

## S E C T I O IV.

## I N H E R N I A H U M O R A L I.

§. I. Virus venereum post retropressam, praepostera tractatione morbi, Gonorrhaeam aliquando, uti vidimus, sphincterem vesicae petit, aliquando autem tantum descendit ad illam urethrae partem, ubi vasa deferentia et vesiculae feminales sese aperiunt, vel et post curatam ischuriam altius adscendens huncce locum petit, ibique spasmus irritatione sua produciens, aliquando momento citius vasis deferentis et epididymidis producit durum tumorem, aliquando absque, aliquando cum insigni dolore, qui tumor, si perverse tractetur, saepe ad testem ipsum sese propagat, ejusque tumorem, inflammationem, insignesque cruciatus producit. Sedes morbi haudquaquam in ipso teste est, virus venereum per nullam viam eo pervenire potest, sed irritatio ad initium ductus deferentis, omniaque adeo symptomata sunt symptomata. Juvant itaque parum topicae applicationes sacchari Saturni, aquae frigidae etc. quae causam morbi non tollunt; sed hic primaria indicatio est, ut spasmus et irritatio urethrae tollantur, et ad pristinam sedem sub fraenulo revocetur virus. Contrariam ideoque praxin perspicacissimus Schwediauer primus introduxit, suadens balneum tepidum, topicam applicationem vaporis aquae calidae cum aceto ad perinaeum et urethram, circa penem fomenta emollientia; sed maxime laudat prius foeces ordinario clysmate evacuare ex oleo lini cum hordei decocto et Opio in anum injectis semel de die, simulque opium interne copiose assumere, quo modo saepius 24. vel 48. horarum spatio aegrum se sanasse adfirmat, qui alio modo tractatus tot menses ad plenam restitutionem requireret: suadet porro positionem per illud tempus horizontalem observare, et per omne tempus, quo gonorrhoea postea laborat, suspensorium ferre. Post hunc eandem methodum commendarunt Doct. Foart Simmons, alique Anglorum Medici.

In hocce forte etiam casu incassum tentata supra memorata methodo conduceret perinaeo externe applicare emplastrum ex Opio puro, quod probabiliter eandem hic produceret vim antispasmodicam, ac idem illud praestat in curanda ischuria venerea, uti in praecedente Capitulo vidimus.

## S E C T I O V.

## I N B U B O N I B U S V E N E R E I S.

§. I. Quoties glandula lymphatica in aliqua corporis parte ex absorpta virus venerei portione tumet, bubo dicitur: obtinet autem bubo, quoniam virus venereum absorptum prius petit lymphatica in inguine, maxime in glandulis inguinalibus superioribus, dein infra axillas bubo non raro reperitur, rarius in collo, aliisve partibus. Fit autem saepius, ut ex sympathia hae glandulae sint tumidae, licet nulla adsit absorptio, priores dicuntur idiopathicae, aliae symptomatae. Duplici autem in statu bubo Idiopathicus nostram requirit medelam, vel in initio, quando in statu adhucdum inflammatorio versatur, vel quando neglectus est, et pus sese formavit et illud jam sese evacuare incipit, ulcusque apertum est.

§. II. In primo bubonis statu, quando signa inflammationis valde sunt urgentia, pulsus est frequens, et molli; constitutio aegri valde sensibilis atque irritabilis: omnino abstinendum est ab evacuationibus, quae corpus magis reddunt irritabile, sed irritabilitas tollenda est Opii largis dosibus; et applicationibus externis cum Opii solutione, diaeta adhibenda est lautior, imo et Cort. Peruvianus convenit. Nonnulli autem eo procedunt, ut ad discutiendum bubonem Opium praescribant, cui tamen non adeo considerem, quam repetitis Tart. Emet. vel Ipecac. dosibus ad vomitum moderatum ciendum. Doct. Michaëlis in unico aegro bubonem discussit exhibendo Opium a gr. iij. ad gr. vj. de die, eumque, licet praeterea ulceribus laboraret venereis, nona septimana e nosocomio curatum dimisit.

§. III. Alter bubonis status est suppuratorius, quando materia turget bubo, fluctuatio sentitur et parietes de-

veniunt tenerae, tunc non amplius discutiendus, sed omni modo ad maturitatem pervehendus est, ita ut vel sponte sua disrumpatur, vel aperiri queat: nonnulli hunc in finem aperturam cultro faciunt, vel largo applicato caustico; observat autem summus Chirurgus J. Hunterus, utramque methodum esse periculosa, quum producantur non tantum insignis dolor et inflammatio, sed ulcerum margines deveniant colloso, et sanari facile negent, suadetque simul cum parvo caustico conjunctam applicare Opium, qua applicatione escarotici vis non infringitur, sed dolor tollitur et partis irritatio et inde consequens nova inflammatio evertitur.

§. IV. Aperto autem bubone ad ulceris sanationem ipsam optime convenit Opium, tum externe ipsi ulceri applicatum, tum et interne assumtum largis portionibus, duplicique iterum hic convenit respectu: scilicet, in casibus recentibus directe post aperturam bubonis et in iis casibus ubi ulcus mali moris jam evasit, Mercurio haud cedens amplius. Utrorumque horum casuum Opii largis dosibus curatorum exempla praebent Americanorum annotationes Medicac. Ad primum genus referri debent casus, quos communicavit cum Soc. Med. Lond. Doct. Michaelis, scilicet: viri nunquam antea infecti jamjam bubonibus in utroque inguine laborantis, cum aliis simul symptomatibus morbi venerei, disparuit alter bubonum, alter apertus est: margines sub quarta hebdomade callosi erant, ita sicut ipsorum praecisio forfice necessaria dijudicaretur: postea autem applicuit solutionem Opii externe, et interne sensim augendo dosin, gr. xiv. Opii puri de die propinavit, eo effectu, ut ob omnibus symptomatibus tertio mense esset sanatus.

In bubone aperto simul cum ulceribus in aliis partibus dedit gr. xiv. Opii, tertia septimana dosi aucta, melior sese ostendebat bubonis facies et post aliquod temporis spatium dosi ad gr. xiv. aucta, omnia symptomata cessarunt.

In tertio denique casu bubone disrupto sua sponte ipsius admissionis die, Opium ad gr. v. datum fuit, eo successu, ut quarto jam die, bubo multo melius se haberet, et post sex sequentes dies plene esset sanatus. In omnibus autem hisce casibus Mercurius non fuit sive externe sive interne adhibitus.



§. V. Ad alteram classem referendi sunt bubones, qui per longum fatis tempus persisterunt absque eo, ut ulli remedio cedere voluerint: habitum ostendunt pravam, callosi sunt margines, ichorem tenuem et decolorem fundunt, corpus interea emaceratur, decrescunt vires, pulsus fiunt celeres et valde debiles; accenditur febris hectica, et misere pereunt aegri. Tantum abest, ut his in casibus conveniat Mercurius, ut potius eo ipso symptomata fiant pejora, ulcera sese spargant longe lateque et corpus magis magisque fiat irritabile. Unicum hocce in statu remedium, simul cum diaeta lauta, videtur Opium, felicissimaeque curae hujus ope plurima exempla profert Ing. Grant Nosocomii Novi Eboracensis generalis Chirurgus, itemque Doct. Michaëlis, quae breviter recensere lubet.

Momentaneum fere effectum se vidisse ex Opii applicatione asserit Exp. Grant in Juvene 25. annorum laborante bubonibus in utroque latere apertis atque tractatis moro solito, permanebant autem in statu ulcerationis per quinquemenses, per quod temporis spatium frictione introduxerat unguenti Merc. fortioris ℥iijss. quod constitutionem sufficienter adficere videbatur, diaeta morbo accommodata, omniaque alia, quae ad curam facere posse videbantur, adhibita fueré, nulla cum percipiebatur mutatio, saepius purgantia fuerunt adhibita. Non obstantibus hisce omnibus, non fuit emaciatus aeger, neque suas perdidit vires, quamvis ulcera essent sordida, callosa, et crasso margine instructa cum evacuatione ichoris, atque insigni dolore et inquietudine. Adhibebatur tum gr. jss. Opii, cum administratione diaetae parcae et tenuis et simplici ulcerum deligatione, sequenti die, cum nulla aderat mutatio, dosis Opii adaugebatur ss. gr. hoc die, die 4to. omnia sese probebant meliora, et intra tres septimanas ambo ulcera perfecte erant sanata, absque eo, ut necesse esset aliud adhibere medicamentum. Hujusmodi casus plures recenset, uti et Doct. Michaëlis, quas brevitatis ergo omittam. In genere tantum hic monendum, quod si flaccidum appareat ulcus, pulsus debilis et alia deficientium virium symptomata, tum Opium non adeo conveniet, quam cum irritabilitatis adsint indicia, sed quod eo in casu roborantia, cor-

tex, vinum, diaeta lauta et balneum maris propria sint remedia.

## S E C T I O VI.

IN ULCERIBUS VENEREIS RELIQUIS, ET IN GENERE  
IN ALIIS SYMPTOMATIBUS AB ABSORPTIONE  
VIRUS VENERI ORTIS.

§. I. Vidimus huc usque de effectibus Opii in casibus, ubi proprie Siphylis adeste dici non potest, sed tantum topicos produxit in genitalia et partes vicinas effectus, absque ut virus ipsum a lymphaticis susceptum in ipsam humorum massam penetraverit, eamque foedo infecerit veneno. Tractandum itaque jam erit, de Opio, tanquam proprie sic dicto antisiphylitico, nobisque perquirendum est, quamnam illud exferat efficaciam in corpus hocce veneno penetratum; ne tamen nimis subtilis esse videar, sub hoc titulo etiam comprehensurus sum ulcera venerea, licet in partibus ipsis generationi dicatis sint posita; absque ipsius massae infectione. In qua pertractatione, ut aliquem observem ordinem, experimenta variorum separatim sum relaturus, quamvis forsan pro diversis symptomatibus datum sit Opium a pluribus eodem modo: primo summarium exhibiturus sum observationum Doct. Michaëlis, quae fusius nuper editae sunt Anglico idiomate, quum primus sit, qui Opium commendaverit in hoc morbo tanquam specificum antivenerum, dein experimenta Exp. Grant nuperrime etiam fusius edita a): tandem collectas observationes aliorum virorum, quae mecum ab ipsis Auctoribus sunt communicata, finemque hisce inponam, addendo proprias, quas praeside Culleno feci observationes in nosocomio Edinensi.

Sequentes refert casus Doct. Michaëlis.

*Casus I.* Miles, qui per novem septimanas de die in diem ingravescens laborabat ulceribus venereis circa anum et penem, ferocem, tenuemque materiam evacuanti-

a) Observations on the use of opium in removing symptoms of morbid irritability by A. Grant, Senior Surgeon of his majesty's military hospitals during the late war in America. London 1785. uti et Medical Journal of Dr. Foart. Simmons part. 5.

bus, tandem petiit nosocomium, quando partes generationi dicatae, perinaeum, femora et interna oris superficies condylomatibus tecta erant, totumque corpus livida eruptione erat conspurcatum. Incepit funere gr. iv. extracti thebaici de die, ulceraque externe cum solutione eiusdem extracti deligabantur. Post hujus applicationem tertio die dosi ad gr. ij. augebatur. Quarto die ulcera ut plurimum sicca, et magnitudine multum imminuta deprehendebantur, et ab omni doloris sensu libera. Viginti dierum spatium omnia ulcera erant sanata, et non obstantibus hisce, usus gr. viij. Extr. Theb. per mensis spatium continuabatur.

*Casus II.* Quidam per quinque menses laboraverat Gonorrhoea, parvo glandis penis ulcere et bubonibus saepe curatis, deinde vero erumpentibus. Nosocomium intrans absque ullius antea remedii adhibitione, praesentia symptomata erant ulcera genitalium et faucium, phymosis et dolores nocturni brachiorum, quando lecto incalescebant. Adhibuit in initio gr. iij. Opii solidi de die, quae dosi hebdomadis spatium augebatur ad gr. xij. Quo elapso ulcera pene sanata, phymosis insigniter imminuta, bubones discussi deprehendebantur, atque unice de dolore dextri ilei conquirebatur. Versus finem autem quinque hebdomodum perfecte fuit sanatus. Dosi interea Opii ad ℥ss. de die aucta erat.

*Casus III.* Vir sese applicuit ad Nosocomium adfectus ingentibus ulceribus circa penem, scrotum et in faucibus simul cum condylomatibus in ano. Post adhibitionem gr. iv. Opii de die, quinto jam die ulcera sicca evadebant: die decimo tertio ulcera fere erant sanata, condylomatibus jam plane dissipatis, quando utebatur Opio ℥ss. de die. Nova dein iterum ulcera apparuerunt, licet adhiberentur gr. xij. de die, quae autem Opii gr. xxiv. assumptione de die cito evanuerunt.

*Casus IV.* Aeger laborans recenti ulcere penis cum bubone, incassum adhibitis gr. ij. Merc. sublim. de die, post usum Opii a gr. iij. ad ℥ss. de die novem septimanarum spatium sanatus fuit.

*Casus V.* Miles laborans ulcere lato, foetido et dolente ad regionem superiorem femoris, itemque ulceribus



penis et doloribus nocturnis, absque effectu; quindecim pilulas mercuriales adsumsit. Opium administratum fuit sensim augendo dosin 2 gr. iij. ad vj. de die. Statim meliori facie sese ostendit ulcus, et versus finem tertiae hebdomadis, purum apparuit, dolores nocturni plene cessaverant et quinque septimanarum spatio ulcus sanatum fuit: redierunt tamen ulcera cum insigni manuum tremore et somnolentia, quae autem symptomata brevi tempore cessarunt, post Cort. Peruv. cum Opio largam exhibitionem.

*Casus VI.* In ulceribus praeputii et condylomaribus ad genitalia primo adhibuit Doct. Michaelis solutionem gr. vj. Opii in aq. 3vj. externe quater de die. Sequenti die ulcera perfecte erant sicca, quamvis die praecedenti insignem ichoris quantitatem funderent, omnia condylomata applanata conspiciebantur, imo nonnulla plane jam disparuerant: omnia tamen modicae huic dosi externae cedere recusabant, facile tamen evanescencia adhibito interne Opio ad 3j de die, simul cum externa lotionem, et sexta hebdomade ex nosocomio curatus exiit aeger.

*Casus VII.* Vir quidam frustra adhibuit per longum satis tempus solutionem merc. subl. corrosivi, ita ut sese ac antea pejus habuerit: nosocomium petens bina lata habuit glandis et praeputii ulcera cum paraphymosi. Cataplasmata V. S. S. Opium externe applicitum posterius fugarunt symptoma triduo. Ulcera Opio aqua soluto fovebantur, simulque interne Opium 2 gr. iij, ad v. adhibebatur, eo cum effectu, ut decimo octavo die jam esset sanatus.

*Casus VIII.* Aeger laborans phymosi et ulceribus praeputii unice curabatur injectione solutionis Opii sub praeputio novem dierum spatio.

*Casus IX.* Miles mensis spatio curabatur calomelanos: ope a Gonorrhoea et bubone; tribus post curationem elapsis septimanis insignis condylomatum numerus sese ostendebat: ad anum et partes genitales: adhibuit gr. vj. Opii, et simul externe solutio Opii applicabatur, puogenes jam multum tertio die erat immutata, et decimo quinto magna parte condylomata jam disparuerant, et post elapsum mensem perfecte sanatus est, licet non ultra gr. vj. de die assumisset.

*Casus X.* Miles ulceribus glandis, praeputii et eruptione frontis laborans, curatus est gr. iv. ad xiv. de die, trium mensium spatio.

*Casus XI.* Intra quinque hebdomadas sanata sunt ulcera larga sub praeputio, post assumptionem opii a gr. iij. ad v. de die.

*Casus XII.* Lata in quodam aderant ad scrotum et femora condylomata absque Gonorrhoea vel ulcere: adhibuerat decem calomelanos pilulas absque effectu, post adhibitionem externam et internam Extr. Theb. ad gr. iv. de die, altero die jam subsederant condylomata, et 19. diebus perfecte sanatus fuit.

*Casus XIII.* Femina per quinque annos siphylitica jamjam adfecta mali moris ulcere cum marginibus nigris feticisque in faucibus et uvula adfecta, palato morbido, partimque crusta nigra oblecto, voceque inde insigniter immutata, iussit Ds. Michaelis sumere opii gr. iij de die, et decoct. Cort. Peruv. cum Elix. Vitr. gargarizare fauces. Decimo jam die manifesto melius sese habuit. Dosis ad gr. V. augebatur, continuabatur gargarisma et mensis spatio palatum sanum fuit, vox naturalis, reliqua vero ulcera sex hebdomades ad curam requirebant, dosi tamen Opii refracta ad gr. iij.

*Casus XIV.* Ulcus penis in quodam curabatur praeparatione quadam saturnina, post elapsum annum ulcera faucium oboriebantur: calomelas et Merc. sublim. corros. hoc ulcus cum uvulae tamen iactura curabant. Sequenti anno rediit ulcus. Iussit Doct. Michaelis Opium sumi ad gr. iv. de die et garg. ex Tinct. Thebaic. g<sup>tt</sup>. C. cum aquae 3vj. Effectus sequenti die fuit facilior deglutitio, ulceraque multo meliorem ostendebant faciem. Dosi aucta ad gr. viij. omnia ulcera sanata erant, excepto tantum unico, profunde admodum sito, quod tamen die 14. sanatum fuit.

*Casus XV.* Acgr afficiebatur bubonibus et doloribus crurum violentis, absque effectu Merc. dulc. adhibuerat. Post usum Opii ad gr. iij. per aliquot dies ulcera sese ostenderunt ad os et praeputium. Opii dosis sic per quatuordecim dies continuabatur, sed pilulas ore rejiciens Laud. Liq. ad g<sup>t</sup>. lx. adsumsit, quae dosis augebatur ad g<sup>t</sup>. xl. secunda

quavis hora; quam dosin iterum diminuere debuit ad gr. xv. per aliquod tempus successu tamen respondente.

De omnibus hisce adfirmat Auctor, aegros post plures menses, imo annum elapsum, nullis symptomatibus venereis fuisse correptos.

§. II. Expertiss. Grant, Chirurgus generalis Nosocomiorum Anglicorum in America unice commendat Opium in casibus inveteratis, et ope Mercurii non curandis, hujusque exempla nonnulla profert, quorum summarium hoc est.

*Casus XVI.* Vir aetatis 34 vel 35. annorum, habitus macilenti et tenuis corripiebatur faucium ulceribus, et lato sinistrae tonsillae ulcere, dolore excruciante partis anterioris cruris cum periostio incrassato et eruptione cutanea in regione thoracis: pulsus erat 130. minuti spatio, per aliquot hebdomades valde fuerat inquietus, absque somno, et mentis insignis aderat dejectio, atque anxietas. Illico omittebatur Mercurius, quem per satis longum tempus adhibuerat, et propinabat Opii gr. 1 fl. sequenti die omnis jam cessaverat dolor, atque optime dormiverat: augebat dosin ad gr. iij. vesperi et ij. mane, evidenti cum beneficio die 2<sup>do</sup> utebatur instrumento Mudgiano ad vaporem calidum inhalandum. 3<sup>tio</sup> die ulcera puriora evidenter apparebant, et gradatim sic cura processit ad 24. diem, quando omnes partes sanatae erant. 8<sup>vo</sup> die salivatio adgrediebatur, quae per undecim dies perdurabat ad pint 1. de die, absque virium jactura, ita ut jam ad negotia procedere posset, antea lecto detentus.

Adhibuit per sex septimanas decoctum sarsaparillae, et per tres septimanas  $\frac{1}{2}$  gr. merc. calcinati de die, ne aliquis foret metus remanentis veneni. In decursu 2<sup>dae</sup> septimanae eruptio disparuit, et periostei, quae aderat, incrassatio, vesicatorio cessit. Opii dosis a 24<sup>to</sup> ad 42<sup>dum</sup> diem diminuebatur ad gr. 1. de die.

*Casus XVII.* Miles aetatis 37. adfectus erat ulceribus utriusque tonsillae et faucium, cum doloribus ossifragis, quae symptomata per trimestre spatium duraverant, adhibuerat Mercurialia, aliaque medicamenta absque successu. Habitus ipsius erat gracilis atque tenuis cum pulsu ab 120. ad 130. Prima nocte incepit sumere gr. 1 fl. Opii puri.



Secundo die, cum nulla oborta esset mutatio, augebatur dosis ad gr. ij fl. Tertio die ulcera meliora apparebant, et quovis alio respectu melius sese habuit 8<sup>vo</sup> post Opii usum fauces relaxatae videbantur, et debilis apparebat, tumque omittebatur Opium, exhibitusque fuit Cort. Peruv. cum gargarismate adstringente. Die 10<sup>mo</sup> Cort. producebat nauscam, ac dolores recrudescebant, et data sunt iterum gr. ij. Opii, sero et i. mane 11<sup>mo</sup> iterum melius sese habuit: 12<sup>mo</sup> data sunt gr. ij. mane et sero: die 52<sup>do</sup> cum omnia bene cederent, dolores ossium disparuissent, omittebantur gr. ij. mane. Elapsa abhinc septimana, omnia ulcera perfecte erant sanata. Vires quotidie augebantur. Continuabatur gr. i. per 14. dies, et perfecte sanatus fuit.

*Casus XVIII.* Miles annorum 36. habitus robusti atque plethorici, adsciebatur parvis ulceribus tonsillarum et faucium, cum ophthalmia, salivatio absque ullo fructu tentata erat Mercurii Ope. Praescripsit expert. Grant diaetam parcam incepitque dare gr. j. Opii mane et sero. Insequenti die multo melius sese habuit. 4<sup>to</sup> multo melius. 6<sup>to</sup> nulla mutatio aderat. Hinc auxit dosin i gr. vespere. Per 14. insequentes dies continuo melius sese habuit, ophthalmia melior, fauces sanatae erant. 16. Omittebatur Opium mane. 18. Omitt. gr. i. sero. 23. Omnis inflammatio cessaverat, et quolibet alio respectu bene sese habuit, atque 20. dimissus est a nosocomio perfecte sanus.

*Casus XIX.* Navita aetatis 28. plethoricus ulcera glandis penis et phymosin contraxerat, ita ut praeputium esset gangraenosum cum doloribus violentissimis, pulsus erat 120 minuti spatio, et aliquando ultra, bis Mercurius os ipsius adfecerat, incepit sumere gr. Opii ij. sero, et i. mane. Transegit noctem placide dormiendo, quod diu non evenerat. 9. Eodem modo sese habuit, et gr. ij. Opii praescripsit Medicus mane et vespere. 10. Mentis quietudo et animi aderat serenitas. 11. Dolor multo erat mitior, et praeputium gangraenosum separatum deprehendebatur a sanis partibus. 15. Melius sese habuit usque ad 18, quando ulcera tantum non erant sanata, tumque dosis Opii, quae aucta erat ad gr. vj. iterum diminuebatur ad gr. iv. de die:

die 21. deſis ad gr. ij. diminuebatur. 25. Plane fuit curatus; ſumit tamen gr. j. per alteram ſeptimanam.

Adfirmat porro expert. Auſtor ſe in aliis decem caſibus deprehendiſſe ſalutares Opii effectus, quorum ſex inſignes erant ulceribus inguinum ad quaevis alia medicamenta rebellibus, et ſeſe longe lateque diffundentibus, unus aeger penis ulcerationem, et tres ulcera faucium et tonſillarum habuerunt.

Eodem tempore in America, ultimo durante bello plurimi Medici et Chirurgi in noſocomiis Opium in lue Venerea propinaverunt optato cum ſucceſſu, et in ſpecie adeo felix hac in re fuit Doſt. Scöpf, ut cuidam amicorum dixerit, ſe ab eo inde tempore quo adhibuiſſet Opium, in morbis venereis, ne granum quidem Mercurii propinaſſe. Doſt. etiam Noodt, Medicus generalis exercitus Anglici in America teſtatus eſt, plurimos caſus fauſtiſſimo eventu coronatos ſe viſiſſe.

§. III. Ab altera tamen parte et illud dicendum, quod haud quaquam adeo univerſalis fuerit haec felicitas, ut non aliquando feſeilerit, ubi Mercurius brevi fecit curationem. Exp. Robertſon cohortis 47. exercitus Anglici (Royal Highlanders) Chirurgus primarius, candide confeſſus eſt, ſe nunquam in lue confirmata, ubi Mercurius non fuerat adhibitus, in ſuo noſocomio curam Opii productam viſiſſe, licet ſaepius in aliis Americanis noſocomiis illud obſervaiſſet, et quod cum ſatis diu jam Opium adhibuiſſet, ſaepius brevi aegros Mercurio curaverit, veniam mihi conceſſit ex inſigni caſuum numero ſelectos tres caſus hic inferere.

*Caſus XX.* Jacobus Mackay, miles admiſſus eſt in noſocomio 5. Aprilis 1781. Novi Eboraci. Symptomata erant tumor cryſtallinus praeputii, paraphymosis et ulcera Venerea, orta ex infectione recenti a foemina lue laborante. Regimen antiphlogiſticum, V. S. S. ſalia laxantia per commoda intervalla fuerunt adhibita, ſimul cum applicationibus variis externis. Opium adhibutum fuit per ſeptemdecim dierum ſpatium a gr. iij ad gr. xvij de die, ita ut gr. c. Opii aſſumeret, abſque ullo effectu laudato. Opium interea produxit ſtriſturam circa praecordia et dyſpnoeam, ita ut ipſius uſus omitti debuerit: acetum larga manu ad

hoc symptoma tollendum fuit exhibitum, effectu desiderato.

Cursus Mercurialis quatuordecim dierum spatio omnia haec symptomata removit.

*Casus XXI.* C. Hannach, admissus est 26. Maji 1781. Symptomatibus hisce laborabat: gonorrhoea, tumore testium insigni, et doloribus brachiorum, forte rheumaticis, atque bubone valde largo. Utebatur injectione ex solutione calcis cupri in Sp. salis Ammon. volat. ad plenam saturationem ad guttas x. in aq. commun. ℥viij. quae injectio brevi sistebat Gonorrhoeam. VSS. et cathartica brachiorum dolorem amoverunt; verum testium tumor cuivis remedio resistebat per x. dies, quando Gonorrhoea redibat. Bubo autem intra hoc tempus fuit discussus. Opium de die ad gr. iij. removit 7. dierum spatio testis inflammationem crescente iterum Gonorrhoea: rediens iterum levis testium inflammatio illo tempore, quo Opium adhibebatur, cito abiit post applicationem Cataplasmatum cum Saccharo Saturni. Post assumptionem gr. lx. Opii, errore quodam assumpsit ejus loco gr. xv. Pil. merc. Edinb. per duos dies, quae os adiciebant. Effectibus Mercurii remotis iterum incepit assumere Opium, quando Gonorrhoea iterum augebatur, et per biduum Opii gr. ij. de die assumpsit. Conqueri jam incepit de doloribus nocturnis tibiæ, qui de tempore in tempus illi insignia excitantur incommoda per plures menses, de quibus vero antea non erat conquestus; jam vero ad insignem violentiam pervenerant. Gonorrhoea etiam valde erat molesta. Opium regulariter fuit assumptum, et injectio repetita, cujus ope Gonorrhoea sistebatur quinque dierum spatio: dolores autem persistabant in eodem violentiae gradu. Viginti unius dierum spatio 72. gr. Opii assumpta erant, quando rediit tumor testium, doloribus manentibus iisdem. Opium tunc omittebatur, et administrabantur purgantia lenia et applicationes saturninae. Post quadriuum, quando tumor subsedit, ulcerationes nonnullae sese manifestarunt in praeputio, et Gonorrhoea rediit. Iterum assumpsit Opium, dosi sensim aucta, a gr. iij. ad gr. xvi. de die, ita ut in intervallo 20. dierum caperet 169. gr. Opii, absque ullo levamine. Ultimae Opii doses producebant in-



signem nauseam et aliquando vomitum, et post ultimam dosin bis sanguinis coagulum tussi rejecit. Continuavit tamen eandem quantitatem pilularum gradatim ratione ipsius ventriculi status adaugeta dosi per 3. septimanas. Exacta quantitas non fuit annotata: interim larga admodum satis fuit. Cum valde jam esset debilitatus diæta lactea ei fuit præscripta. Cohorte iussa urbem relinquere ad nosocomium missus est ordinarius. Cursus Mercurialis fuit adhibitus et 6. hebdomadibus curatus fuit, ut fungi suo posset officio.

*Casus XXII.* Michaël Griffin, miles, admissus 17. Junii 1781. cum Gonorrhæa, phymosi et bubone non valde insigni, sed magnum pariente dolorem. Gonorrhæa persisterat 14. dies, et jam injectio cuprea adhibebatur cum regimine antiphlogistico; trium dierum spatio ardor urinae et chordae erant remotae, tumque Opium adhiberi coepit ad gr. iij. de die et emplastrum Mercuriale buboni applicari. Intra sex dies bubone crescente, et phymosi augente, omittebatur opium, et recurrebatur ad parcas calomelanos doses. Octo dierum spatio ore adfecto, omnia symptomata erant remota, excepta Gonorrhæa, quae per mensem adhuc durabat, et tandem Copaibae balsamo superabatur.

§. IV. Quemadmodum in America septentrionali, sic et in Britannia varii admodum fuerunt. Opii experiundi ergo captorum experimentorum eventus, ita ut nonnulli Medici Londinenses effectus Opii salutares deprehenderint, alii frustra sanationem morborum venereorum hocce remedio per longum satis tempus tentaverint. Operae itaque pretium duxi singulorum experimentorum in nosocomiis eventus commemorare, prout ea mecum communicata sunt a Medicis Londinensibus, quibus pro hoc benevolentiae signo maximas publice refero vices, in primis Viro Doct. Th. Skeete, M. D. et exp. Th. White, valetudinarii Londinensis Chirurgo primario, amicis exoptatissimis.

§. V. Summa cura et omni attentione Opium tentatum fuit in nosocomio Sancti Bartholomaei, in quibusvis morbis venereis, eo cum eventu, ut omnes hujus nosocomii Medici uno confiteantur ore, morbum venereum se

hocce remedio solo sanare non potuisse iis in casibus, ubi antea Mercurius non fuerat adhibitus; imo ex quodam amico Londinensi intellexi, aegrum, qui largis utebatur Opii dosibus, cito e medio sublatum fuisse, iis vero in casibus, ubi antea per longum satis tempus Mercurius absque beneficio adhibitus fuerat, optimos ex hoc remedio experti sunt effectus, et Mercurio junctum Opium in plurimis casibus salutiferum fuit valde in lue venerea remedium.

§. VI. Nosocomii Sancti Thomae Medici etiam blandientes non adeo, experti sunt effectus, ac quidem expectaverant secundum relationem Medicorum Americanorum, videntur tamen nondum sufficientem habere observationum numerum, ut ab una parte Opii usum contemnere, vel ab altera virtutem ejus antivenericam stabilire et confirmare queant. Simul tamen etiam insignem hujus remedii usum ubi Mercurius fuit antea adhibitus, vel cum Mercurio dati experti sunt.

§. VII. Experimenta Doct. Saunders Nosocomii Guyi Medici omnium experimentorum Londinensium maxime pro Opii virtute antisiphylitica facere videntur, quum in multis casibus morbus plane sanatus fuit applicatione interna et externa Opii, absque ulla Mercurii adhibitione. Doct. Hinds, M. B. Pensylvaniensis plurimos se vidisse casus mihi retulit, in quibus Opio morbus curabatur in Nosocomio Guyi, et sequentes communicavit casus.

*Casus XXIII.* Juvenis annorum 18. trium hebdomadam spatio post communicationem cum femina suspecta corripiebatur gonorrhoea virulenta et aliquod tempus post gonorrhoeae insultum plura ulcera venerea apparuerunt circa radicem coronae penis: hoc in statu sese applicuit Doct. Saunders hujus Nosocomii Medico, particularem curam non habuit curandae gonorrhoeae, quum symptomata inflammatoria valde essent mitia. Fama Opii, tamquam remedii antisiphylitici tunc primum Londinum attigerat, statimque secum proposuit Doct. Saunders hujus remedii vires tentare. Aeger huic scopo convenienter cepit gr. j. Opii puri hora somni, forma pilulae, Dosis gr. i. qualibet nocte auxit, donec dosis esset gr. xij. Jussit simul Medicus, ut ulcera Venerea frequenter lavarentur Tinct. Thebaica.

Succellus ultra omnem expectationem respondit. Intra decem dies ulcera venerea perfecte erant sanata, usumque Opii omisit post adhibitionem ipsius per 14. dies. Singulare est, quod largae hae Opii doses parum vel nullum effectum soporiferum vel pulsus mutationem producerent.

*Casus XXIV.* In femina, in qua aderat siphylis cum eruptione cutanea maligna magnam produxit symptomatum imminutionem, quamvis non omnis plane eruptio post Opii diuturnam adhibitionem evanuerit.

*Casus XXV.* In largis faucium ulceribus cum insigni dolore datum Opium, sensim ascendendo a gr. j. ad xvi. de die, junctum lotioni ulcerum cum Tinct. Thebaica, plenariam produxit curam.

§. VIII. Exp. Pearson nosocomii casibus venereis destinati, dicti the Locke-hospital, Chirurgus saepe hoc remedium tentavit, sed frustra, quum autem sibi proposuit experimenta publici juris facere in 2. volumine communicationum Medicarum societatis Medicae Londinensis, hic ea inferere non fuit visum.

§. IX. Expert. White, valetudinarium Londinensis Chirurgus (the London Dispensary) nuper mihi literis consignavit, se adhibuisse Opium in variis casibus venereis optimo cum successu. Inter alios binos refert casus.

*Casus XXVI.* Unum, in quo aderant faucium et tonsillarum ulcera, quae curabantur unice Opio, absque ut alia adhiberentur medicamenta, nisi aliquando purgantia.

*Casus XXVII.* Alterum, in quo aderant ulcera venerea in labiis pudendi; Opium unice, externe et interne adhibitum morbum sanavit, quamvis non adeo brevi temporis spatio, quo Mercurius ordinario haec ulcera sanare solet.

Ab altera parte observat, saepius voto curam non respondisse, imo et malum aggravatum fuisse post Opii adhibitionem. Considerat itaque Opium non tanquam specificum, sed ut remedium auxiliarium Mercurii egregium in plurimis morbis venereis.

§. X. In caeteris Angliae partibus nonnulli Medici hanc etiam praxin recentiorum periculis subjecerunt, et inter alios in civitate Liverpool Vir Clariss. Withering nosocomii



comii hujus Medicus varia instituit experimenta cum Opio in lue venerea; verum omnium, quae scio, experimentorum maxime successu destituta. Adfirmat quippe in pluribus casibus Opium ulcera venerea sanasse, sed tantum apparenter, ita ut post aliquod tempus magis in corpus fureret venenum. Imo \*) cuidam amicorum narravit, se quater hoc modo aegrum curasse, ita ut toties etiam rediret morbus, quo eo tempore adhucdum laborabat. Considerat ergo Opium in hocce morbo, tanquam remedium fallax et pallians.

§. XI. Enumeratis aliorum circa Opii efficaciam experimentis, reliquum est, ut videamus, quid in nosocomio Edinenfi Regio praestiterit in lue. Doleo autem, quod nostri casus non absolute sint conclusivi, quum demum D. Culeno oborta sit opportunitas Opium tentandi mense Aprili ultimo, quando demum venerei in nosocomio decumbentes ipsius curae committebantur. Ignoscas itaque quaeso, L. B. si casus tantum proponam, utut hodie sunt, quamvis omnes aegri nondum ad pristinam redierint sanitatem.

*Casus XXVIII.* An. Forbes, aetatis 22. April. d. 4. 1785. admissa.

In variis corporis partibus adsunt lata ulcera venerea, quae nonnunquam evacuant materiam adeo acrem, ut excoriationes et inflammationem partium vicinarum producat, laboravit per tres menses gonorrhoea, sed nulla alia topica adfectione genitalium: conquesta est saepius de tussi severa, speciatim tempore noctis, quae somnum tollit. Pulsus est 100 minuti spatio: alvus est regularis. Per sex menses laboravit amenorrhoea.

Utatur Iul. Mucil. urgente tussi.

Habeat Opii puri gr. i fl. hora somni.

6. Habeat Opii puri gr. iij. hor. somn.

9. ℞. Opii puri gr. ij.

Sap. Hisp.

Aloës socot. ana gr. j.

m. f. pil. et F. h. m. singulatim n. xx.

\*) Ornatissimo Juveni L. L. van Meurs, Med. Stud. qui haec mecum literis nuper communicavit.

capiat unam sexta quaque hora.

Habeat lagenam cerevisiae tenuis de die.

11. Tussis et alia symptomata sunt mitiora post  
usum pilularum. Alvus est regularis.

Cap<sup>t</sup>. pil. unam 4<sup>ta</sup> quaque hora.

15. Ulcera plane sanata sunt, alia symptomata etiam  
sunt laudatiora.

R<sup>x</sup>. Opii puri ℥j.

Sap. Hisp.

Aloës Socot. ā. gr. vj.

F. massa. divid. in pilul. n. vj.

Cap<sup>t</sup>. pil. j. 4<sup>ta</sup> quavis hora.

16. Sumat cras mane Pulv. Rad. Jalap. ℥j.

18. Purgans debitum produxit effectum.

Omit. Pil. ex Opio.

R<sup>x</sup>. Sap. Hisp.

Micæ pan. āā. gr. ij.

Aloës Socot. gr. j.

Syr. Simpl. q. s. ut F. pil.

F. hoc modo n. xii. cap. pil. i. 4<sup>ta</sup> quaque hora.

22. Dicit, pilulas a ventriculo ferri non posse, produ-  
centes quippe frequentem nauseam.

Omitt. pil. ex Sap. Hisp.

Rep. pilulae ex Opio.

25. Pilulae iterum a ventriculo bene feruntur.

Cont. Pilul.

27. Nauseat Pilulas, earumque tantum binas vel qua-  
tuor de die sumit. Ulcera antiqua sanata sunt:  
nonnulla nova circa nates sese ostenderunt paucis  
abhinc diebus.

Cont. Pilul.

Maji.

4. Ulcera, quae nuper apparuerunt jam videntur  
puriora.

Cont. Pilul.

10. Aliqua adest nausea et tumor ulceris alae sinistrae:  
nasi: ulcera circa femora apparent pejora; alvus est  
naturalis.

Applic. ulc. nās. bis. in die paux.

Ung. e lapid. Calaminari

℞. aq. Fontis.

— Cinam. ana ℥iij.

Spir. Vol. Aromat.

— Corn. Cerv. ana. ℥ij.

— Syr. Simpl. ℥℥.

Cap<sup>t</sup>. ℥℥. vel ℥j. urg. lang. vel flatu ventriculi.

22. Novae nonnullae ulcerationes apparuerunt circa femora et manus: antiqua ulcera melius sese habent.

Cont. Pilulae.

Junii.

1. Ulcerationes sanantur.

6. Omnes plane ulcerationes evanuerunt.

14. Dimissa est perfecte curata.

Haec aegra saepius morbum venereum passa erat, et ab eo antea Mercurio curata, ulcera saepius etiam, quando sumebat Mercurium, recrudescere solebant, donec plenarie erant sanata: eodem fere modo ac in nostro casu illud cum Opio accidit. Nulla aderat mutatio vel in pulsu, vel in appetitu, vel in somni statu. Per longum satis tempus inscia fuit novi hujus remedii, donec admonebatur experimenta in se ipsa institui, recusavit sumere tantum pilularum numerum, quod tamen persuasione Medici deinceps fecit. Omnis adhibita est cura ne Mercurium caperet nobis insciis, per octiduum remansit in nosocomio post plenariam omnium ulcerum sanationem.

*Casus XXIX.* C. B. aet. 36. In nosocomium admissa erat mense Octobris ultimo, laborans ulceribus largis depaupercentibus circa pudenda et nates, quae usu Mercurii curatae erant circa initium mensis Decembris: post horum curationem ulcus iterum sese ostendit in utroque nasi latere, et post sex septimanas fauces, ulceratae deprehendebantur. Die 5. Aprilis, ulceratio narium fere curata est, sed faucium permanet, producitque deglutationem difficilem, ita ut potus nonnunquam per nares redeat: plura jam non adsunt siphylitidis symptomata. Robur atque corporis vigor insigniter sunt infracta, atque corpus perquam est emaciatum,



adeſt appetitus proſtratio. Alvus et catamoenia ſunt uti in ſtatu naturali. Per binos menſes ultimos Mercurius non fuit adhibitus; ſed nunc adeſt ſalivatio ab adhibito antea unguento caeruleo. Jam per tres ſeptimanas decoctum Sarſaparillae non adſumſit, quod antea ad ℥j. de die capiebat, cum ſymptomatum levamine. Utitur victu animali quotidie pro prandio.

6. Applicetur Cataplasma emolliens circa fauces et renovetur 4<sup>ta</sup> quaque hora.

℞. Merc. Subl. corr. gr. ij.

Aq. Font. ℥v.

Solve accurate.

Utatur pro garg. ter quaterve in dies.

Habeat Opii puri gr. ij. h. f.

9. Contin. Med.

11. Dolor faucium augetur.

℞. Opii puri gr. ij.

Sap. Hiſp. gr. j.

Aloës Socot. gr. i.

Fiat pilul. et ſiant h. m. n. xii.

Cap<sup>t</sup>. pil. j. 6<sup>ta</sup> quavis hora.

14. Dolor faucium remittit: deglutitio non adeo moleſta.

Cap<sup>t</sup>. pil. j. 4<sup>ta</sup> quaque hora.

16. Alvus per triduum obſtipata fuit.

Sumat cras mane Pulv. Rad. Jalapp. ℥j.

18. Purgans binas produxit alvi deſiſitiones.

Rep. pilulae cum Opio.

20. Salivatio continuo durat: alvus eſt regularis.

Cont. pil. ex Opio.

26. Alvus eſt mollis: pilulae ſenſibilem effectum non producant.

Maji.

1. Salivatio perdurat adhucdum: vox valde rauca eſt, deglutitio eſt valde diſſicilis, quod debetur aucto doliſi faucium: ſumit regulariter pilulas: alvus eſt regularis.

Cont. pilul.

2. Utatur garg. emolliente 4<sup>ter</sup> in die.

8. Fauces haud melius sese habent;  
 Utatur garg. rosarum 3. de die.  
 Omitt. garg. emoll. Cont. Pilul.

20. Sanantur ulcera.

26. Alvi depositiones 4. adfuerunt heri: ulcerationes  
 in faucibus sanatae sunt.  
 Om. Pil. pro hac nocte.

Licet sanata fuerit, nondum dimissa fuit.

*Casus XXX.* M. [Miller aet. 17. admissa d. 26.  
 April.

Laborat Gonorrhoea, lingo bubone in inguine dextro,  
 et incipiente bubone in latere sinistro: labia pudendi in-  
 signiter sunt tumida, speciatim dextrum, cujus magna pars  
 ulceribus tecta est: nymphae et clitoris in eadem sunt con-  
 ditione: quovis alio respectu sana est: ulcera venerea et go-  
 norrhoea apparebant adhuc 5. hebdomades et non diu  
 postea tumor inguinis dextri.

Fiat VS. ad 3vj.

Cras mane s<sup>t</sup>. Sal. Glaub. 3j. fl. ex aq. fervent. 3xij.  
 part. vicibus.

28. Medicamentum bene operavit.

R<sup>x</sup>. Tart. Emet. gr. vij.

aq. Font. 3. iv.

solve.

Cap<sup>t</sup>. 3j. quavis  $\frac{1}{4}$  horae, donec evomat.

29. Emeticum vehementer operavit: bubo non adeo  
 dolet, nec adeo durus est.

Cap<sup>t</sup>. Pulv. Rad. Ipecac. 3j. et

bibat Infus. flor. Chamaem. ad promovendum vo-  
 mitum.

S<sup>t</sup>. Opii puri gr. ij. h. S.

1. Maji. Dolor et tumor glandularum inguinalium  
 sensibilibiter imminuti sunt.

S<sup>t</sup>. Pulv. Ipec. 3j. et bibat Infus Cham. ad promov.  
 vomit.

R<sup>x</sup>. Opii puri 3i.

Solve in aq. bull. 3viij.

Inserviat ad lavandas partes ulceratas.

3. Bene vomuit. Bubo decrescit. Ulcera venerea sanari incipiunt.

Repet. Emet. Vesperi.

Cap<sup>t</sup>. pil. 6<sup>ta</sup>. quaque hora, ut praescriptum pro Forbes. Cont. lotio.

8. Alvus paululum est adstricta; nausea aliqua nonnunquam adest.

Omitt. Pil. cras mane

Cap<sup>t</sup>. Tincturae fennae Comp. ʒ. ff.

10. Nausea non amplius adest: bubo lateris dextri decrescit, sinistri augetur: alia symptomata multo sunt mitiora.

Hac nocte capt. pulv. Rad. Ipecac. gr. XV. pro emetico. Cras redeat ad usum pilul. anodyn. Cont. solutio Opii.

15. Nulla post pilularum adfuntionem adest nausea: bubones decrescunt, alvus est regularis.

Cap<sup>t</sup>. pil. 4<sup>ta</sup>. quaque hora.

17. Aliquando adest somnolentia: alvus est regularis.

Cont. Pilulae ex Opio.

23. Nullus ex Opio sensibilis effectus percipi potest, nisi post prandium levis somnolentia.

Cont. Pilul.

27. Omnia symptomata multo mitiora sunt; dicit se bis evomuisse pilulas et nausea esse correptam.

Omitt. Pilul. per biduum.

cras mane Cap<sup>t</sup>. sal. Glaub. ʒff.

ex aq. fervent. ℥. i. part. vicib.

1. Junii. Symptomata leviora sunt: ulcera circa labia permanent.

Fiat solutio cum duplici Opio.

7. Ulcerationes sese latius extendunt.

Laventur ulcera solut. saturnina; deinde utatur ung. saturnino.

Linquens nosocomium Gonorrhoea et bubones sanati erant, ulcera vero et excoariatio eodem fere in statu versabantur, ac quando in nosocomium recipiebatur.

Casus XXXI. B. R. aet. 20. admissa d. 12. Maji.



Mensis ab hinc tempore glandulae in inguine sinistro et capite femoris tumere incipiebant, et dolorem creare, quae symptomata gradatim increverunt. Jam insignis aderat tumor in inguine et in parte superiori femoris: in utroque facile fluctuatio percipi poterat. Incisione facta in tumore inferiori insignis quantitas materiae purulentae sanguini mixtae evacuabatur. In parte superiore duae parvae aperturae sese ostendebant, quae incisione facta dilatatae sunt. Cataplasma emolliens utrique est superpositum.

14. Rep. Catap. emolliens 2. in dies.

R̄. Opii puri gr. ij. h. f. et rep. cr. mane.

15. Capiat Opii puri gr. ij. 3. in die.

17. Capiat Opii puri gr. ij. 4<sup>ta</sup> quaque hora.

11. Junii Aliqua somnolentia adfuit tempore matutino.

Hora 10. matutina pulsus erat 96 et plenus. Hora septima vespertina pulsus erat 102. plenus et mollis.

24. Ulcera apparebant puriora et ad sanationem disposita.

*Casus XXXII.* A. C. aet. 19. admissa d. 18. Maji.

Conqueritur de dolore intenso, procedente ab utroque genu ad malleolos, et a cubito ad carpum utrumque. Hi dolores exacerbantur post meridiem et lecti calore, sed mane mitissimi sunt; adsunt praeterea dolores lancinantes in regione maxillarum et temporum: amygdalae valde sunt ulceratae et velum atque uvula inflammata. In brachio dextro complures sunt papulae prurientes et valde dolorosae post assumptionem liquorum spirituosorum. Parca adest evacuatio vaginae et multae excrescentiae fungosae et condylomata in regione labiorum et fossa naviculari. Saepius perpeffa fuit morbum venereum, sed quo jam laborat advenit mensis ab hinc spatio. Nulla adhibuit medicamenta.

R̄. Opii puri gr. ij. h. f.

20. Aliqua de die adest somnolentia.

Rep. pil.

22. Alvus adstricta est.

Cras mane sumat Sal. Glaub. ℥j.

25. Cap<sup>t</sup>. Opii gr. ij. h. f. et rep<sup>t</sup>. cras mane.

27. Heri aliquibus symptomatibus febrilibus adfici-  
batur: vomitorium assumpsit hoc mane, et nunc me-  
lius sese habet. Pulsus et cutis naturalis sunt.

28. Redeat ad usum Opii mane et vesperi ut antea.  
Junii. I. Dicit se valde esse soporosam mane, quae  
aliquando somnolentia per totum diem durat.  
Symptomata siphylitica multo sunt leviora. Gonorr-  
rhæa aucta est.

Cap. Opii gr. j. solummodo mane et vesperi.

Rx. Aq. Rosarum ℥iv.

Acet. destill. ℥ss.

Sacch. Saturn. ℥ss.

Solve: sign. Infus. adstring.

inj. ℥ss. in vag. 3. in d.

10. Gonorrhæa decrescit: aliqua adest dysuria per  
3. dies.

Omitt. inject.

Rx. Olei Ricini ℥j.

Tinct. Senn. comp. ℥iiij.

M. F. haustus.

24. Quando pro ultima vice hanc foeminam vidi, do-  
lores multo erant mitiores, ulcera in faucibus et ge-  
nitalibus ad sanationem disposita, et Gonorrhæa  
ferme cessabat.

§. XII. Edinburgi inter alios etiam remedium hocce  
in lue confirmata tentavit Doct. Webster, M. D. et Chemiae  
praelector, in aegra, quae incassum alia tentaverat reme-  
dia; satis insignes etiam adhibuit Opii doses, quae saliva-  
tionem producebant, eamque plenarie sanabant.

### C A P U T III.

#### ANIMADVERSIONES CIRCA OPII VIM ANTISI- PHYELITICAM.

§. I. Prolatis jam ipsis casibus atque experimentis, me-  
rito quaeritur, quidnam ex tanta experimentorum facto-  
rumque diversitate circa usum Opii, ejusque operandi mo-  
dum in variis luis venereae symptomatibus sit statuendum.

Si animum advertamus ad varios casus, in quibus Opium exhibetur, statim in cujusvis oculos non potest non incurrere, quod pro varia in diversis aegris indicatione, etiam vario scopo illud propinetur medicamentum; triplex autem mihi omnis haec varietas constitui commodo posse videtur, et ex triplici fonte ipsius operandi varia methodus explicari. Agit scilicet: 1. tanquam remedium mitigans et symptomata leniens. 2. Tanquam remedium primum, sed tantum vi sedante. 3. Tanquam remedium primum et antisiphiliticum.

§. II. Opium tanquam remedium leniens symptomata considerari debet in Gonorrhoea, Phymosi, Paraphymosi, Ischuria venerea, testium tumore, et bubonibus sympathicis, quum omnia haec symptomata sint tantum topicae adfectiones, quae non ex infectione massae humorum, sed ex irritatione virus venerei in cavo urethrae haerentis profluunt. Opium ergo agit hic vi sua sedante, quia sensilitatem hujus partis auctam diminuit, ita ut ad stimulum non adeo sit sensibilis, et sic per naturae et artis molimina dilui atque evacuari possit virus, absque ut stimulo noxam creet, vel eadem vi sedante productum spasmus referat ac solvit, atque sic aequabilem restituit humorum circulum.

§. III. Si casuum, quos exhibuimus, catalogum lustremus, plures inter eos inveniemus, in quibus Mercurii variae praeparationes per longum satis tempus fuerunt exhibitae, absque eo, ut luis symptomata et in specie ulcera venerea sanarentur, quae directe post adhibiti Opii quantitatem evanescebant, quaeritur, quomodo hic operetur Opium?

Credo quod facile hoc explicari possit, absque eo, ut Opio vim specificam antiveneream hisce in casibus adscribamus. Mercurius quippe vi specifica, sive illud faciat eliminando sive obtundendo, sive compositum innoxium cum veneno venereo constituendo, certe inefficax reddit venenum, sed simul nulla hic gaudet vi specifica ad sananda ulcera semel a viru producta, irritamentum tantum tollit



Mercuriis, sicque viribus naturae medicatricibus ansam praebet illud damnum refarciendi.

Quum autem merc. sit medicamentum valde efficax et stimulus, in constitutionibus sensilibus conditionem talem inducit fibrae musculari, quae morboſa est et proprie nimia irritabilitas audit, qua fit, ut ulcera, propter nimiam vasorum irritabilitatem vi naturae sanari nequeant: opium autem vi sua sedante illam fibrae muscularis sensibilitatem tollit, ita ut ad conditionem naturalem reducta vi vitali, ulcus sanari possit. Hanc opinionem probant sequentia: pulsus, qui in hisce casibus est oppressus, debilis atque frequens, fit liberior, plenus et tardior, atque ad hanc pulsus mutationem adeo attendit Exp. Grant, ut eo usque dosin Opii augeat, donec pulsus celeritas atque debilitas sit sublata: dolor antea valde molestus decreſcit et tandem plane cessat, placidus jam obrepit somnus: ulcera, quae antea stricte, marginibus calloſis instructa et crispata erant, jam relaxata deprehunduntur, marginesque sese explicare incipiunt, plerumque loco ichoris bonam producunt materiem purulentam, et sese ad sanationem statim disponunt. Idem illud confirmant alia ulcera non venerea, quae propter partis nimiam irritabilitatem sanari nequibant, quae Opii solo usu curata sunt: ita, aliquando Opium, teste Exp. Grant, ipsum pertinax oris carcinoma cicutae junctum, itemque ulcera sordida et diuturna crurum, sanavit. Hujus rei memorabile exemplum vidit exopt. amicus Doct. Wistar in homine, qui per biennium ulcere diuturno fungoso cruris laboraverat, jam vero ad nosocomium transferebatur tetano plexus, quem ex levi alterius cruris vulnere contraxerat, propinatur Opium a gr. j. ad Dr. j. adſcendendo, absque ut levaretur tetanus, sed ulcus, altero post Opii adhibitionem, die jam circulum ostendebat, qui vulneris cicatrificationem praecedere solet, 5. die, quo homo occubuit, fere clausum deprehendebatur.

§. IV. Inter eos, quos tradidimus, casus dantur nonnulli, qui neque ad unum neque ad alterum genus referri possunt: scilicet, ubi Opio lues curata fuit absque Mercurii adhibitione, vel saltem absque usu talis quantitatis:

huius specifici, quae cum aliquo fundamento censeretur potest subegisse virus.

Difficillimum certe hic est determinare, qua ratione agat Opium, num vi sedante, num vero agat vi specifica, antisiphylitica, eodem modo ac argentum vivum. Circa hanc rem varios consulens Medicos, qui Opium satis superque in morbo venereo examini subjecerunt, omnes dubios atque haesitantes inveni, confitentes se vidisse miros in casibus recentibus venereis Opii effectus, absque ut Mercurius adhibitus fuerit, sed tantum etiam his opponi observationum catalogum, in quibus usum non praestitit, ut plurimi valde de virtute specifica dubitent, imo omnes adhucdum plane iudicium suspendant, nec de hac quaestione decidere ament, priusquam iis observationibus repetitis maior lux affulgeat.

Ab altera tamen parte et illud observandum, quod facta negativa haud quaquam destruant factorum positivorum riteque probatorum veritatem. Viro ingenuo facta momentosa referenti omnino fides denegari nequit, inprimis cum tentamina nunnulla aliorum illa confirmant.

Nonnulla, quae refert Doct. Michaëlis, facta omnino videntur decisiva, eo magis, quod auctoritas Doct. Noodt aliorumque Medicorum ea confirmet. Imo Doct. Schöpf, vir ingenus et candidus, adfirmat, se ab eo inde tempore, quo Opium adhibuit, ne granulum quidem Mercurii in morbis venereis propinasse, et si casus nostros, atque Doct. Saunders oculo lustremus, magna certe oritur suspicio, dixerim fere probabilitas, revera Opium quadam gaudere vi virus venereum vel destruendi vel eliminandi.

§. V. Non tamen diffitendum, quod ab altera parte tot momentosa contra liberiores Opii usum adferri possint argumenta, ut certe accuratum requirant examen, ad quod iam breviter sum transurus.

I. Objici potest, quod *sanationes hae, quae Opii usum sequebantur, non probent Opii effectum antivenerum*, et certe multa ulcera, dolores nocturni etc. pro venereis saepe ha-

bentur, quae haudquaquam sunt venerea, et ex alia longe causa procedunt: dantur plurima symptomata venerea, quae, sola natura adjutrice, cessarunt per aliquod tempus; potus diluentes, lignorum decocta, diaeta nutriens, aliaque absque Mercurio non raro antiqua atque inveterata ulcera venerea sanarunt; sed ab altera parte subita est adeo haec mutatio in partem meliorem, ut omnino Opio adscribi debeat.

II. *Obstant tot casus, in quibus Opium non successit, ut hicce numerus certe multo sit major, quam eorum, in quibus sanationem produxit.* Multi certo et plurimi dantur, in quibus tanquam specificum, non produxit curam, imò in manu unius alios longe produxit effectus, quam in alterius manibus. Interim tamen illud verum, quod saepe et alia medicamenta in uno fallant subiecto, quae in altero efficacissimum constituunt remedium, imò quotidie a quovis Medico adhibentur cicuta, aconitum, hyoscyamus, flammula Jovis, aliaque, quae immensus venenorum laudator Störckius commendavit, quamvis vix, ac ne vix quidem, nisi in ipsius Störckii manibus effectus desideratos praestiterint, quod tamen de Opio dici nequit.

III. Alii praevos Opii effectus urgent, quod Opium producat effectus ipso morbo peiores: quod corpus huic remedio ita adsuescat, ut dein usus omitti nequeat: quod hic largae requirantur Opii doses, quae symptomata pessima producant, illudque Indorum (amokroepers) et Turcarum exemplo probant. Posterius omnino haud inficias imus, revera somnolentiam, tremores manuum, diarrhaeam etc. producit, ita ut aliquando usus Opii continuari nequeat. Testantur autem simul omnes Medici hos effectus rarioribus esse annumerandos, et facile de novo tremores hosce, atque superstitem debilitatem sanari: nec reticendum, Chirurgum quemdam, qui hoc mecum communicavit, largas Opii doses dedisse Viro, morbo venereo laboranti, qui non diu post in febrem malignam cecidit, qua e medio fuit sublatus; licet tunc temporis nulla id genus febris in nosocomio grassaretur, ea propter Opio adscripsisse, quo autem jure equidem haud perspicio: imò et in nosocomio Sancti Bartholomaei subito



hominem fuisse mortuum, qui largas assumerat opii doses. Videntur autem siphylitici huic remedio haud adeo adsuescere, quam alii, ita ut dosis pro lubitu diminui possit absque eo, ut pravae inde observentur sequelae, vel somnus aliquo modo afficiatur, illudque variis exemplis comprobatum vidi.

IV. Omnium autem momentissima illa est obiectio, *quod sit tantum medicamentum pallians; quod non tollat morbum, sed tantum prohibeat vi sua narcotica et sedante, ne pravae suos effectus in corpus virus venereum sortiatur.* Fateor, quod venenum diu, imo per annos, in corpore latere possit, absque eo, ut effectus producat: ulterior ergo observatio diuturna probare debet, utrum sit pallians, an vero revera destruat virus. Doct. Michaelis certe adfirmat priores aegros suos per elapsam jam annum bene se habere. Doct. autem Saunders, White, Cullen, alique de hoc adhucdum dubitant.

V. Denique dicunt nonnulli, *si jam probatum esset Opium, gaudere revera vi antivenerea, quid inde? An non remedium satis tutum habemus in Mercurio, prudenter adhibito?*

Haec obiectio, quamvis prima fronte videatur esse valde momentosa, fundamento tamen mihi omnino destituta esse videtur. Cortex Peruvianus optimum certe est febrifugum remedium, quare igitur Medici noctes insudant diesque ita immaniter, ut et aliud inveniant, quare in arnica, hippocastano, salice alba vim antifebrilem quaerunt, et revera detectam esse sibi persuadent, atque gratulantur?

Videmus certe multis in casibus, propter variam aegrotorum constitutionem vel idiosyncrasiam unicum remedium aliquando inefficax deprehendi, imo noxium, cum alterum ex eadem classe directe morbum sanet. Sed praeterea tantum abest, ut semper Mercurius morbum sanare, et a quovis remedium tale heroicum innocue ferri valeat, ut contra in constitutionibus valde sensibilibus quovis modo datus Mercurius vel directe molestiam producat salivationem, vel diarrhaeam vires exhaurientem, vel convulsiones horrendas.

In casibus, ubi scorbuto jungitur morbus venereus, Mercurius nunquam dari potest, et pessimos pedissequos habet effectus: scilicet cruentam salivationem, imo et ipsam mortem: in hocce casu eo magis convenit Opium, cum in Americano nosocomio Haslariensi nuper utilissimum etiam contra scorbutum deprehensum sit remedium.

§. VI. Haec itaque si pensitemus, jure concludi posse puto, Opium in variis casibus, utpote utilissimum remedium auxiliare se commendare et conducere in ulceribus ex lue quidem ortis, nunc vero non amplius venereis: denique etiam iis in casibus, ubi contraindicatur Mercurius vel illud specificum fallit, Opium tuto, sed prudenter, dari posse dosibus satis insignibus, absque ullo periculo.

VII.

DR. HERMANNI DIEDERICI REIMARI

DISSERTATIO

ANIMADVERSIONES QUASDAM

DE

OPII, PRAECIPUE IN FEBRIBUS,  
USU, EXHIBENS.

LUGDUNI BATAVORUM,

1 7 8 4.



THE HISTORY OF THE

REIGN OF

CHARLES THE FIRST

BY JOHN BURNET

IN TWO VOLUMES

LONDON: Printed by J. Sturges, at the

## DISSERTATIO MEDICA

ANIMADVERSIONES QUASDAM, DE OPII,  
PRAECIPUE IN FEBRIBUS, USU, EX-  
HIBENS.

Legibus Academicis obtemperaturus, longe lateque thema pro dissertatione inaugurali quaesivi, donec tandem, studiorum tempore fere elapso, amicorum persuasu, ad regiones practicas animum advertens, hocce argumentum, ut materiam, a paucis adhuc tractatam, quae summi tamen momenti est, non sine diffidentia mihi sumserim. Ignoscat igitur L. B. si notiones non satis maturatas, ob experientiae ac judicii practici tenuitatem, passim a me propositas reperiatur.

*If vain the toil,  
You ought to blame the culture, not the soil.*

Medicamentum nostrum, opium genuinum, ex oriente nobis allatum, succus est inspissatus *Papaveris somniferi* (Linn.) Gummi resinam refert; frustulis majoribus extus rubrofuscam, subsplendentem, fractura intus viridescentem vel nigricantem, opacam, plasticam, digitis adhaerentem, odore narcotico, sapore acri, amaricanti calidiusculo \*).

Herculeus certe foret, augeoque ejus simillimus, labor, si omnes, vel tantum plurimos, de opii natura et usu auctores, vel perlustrare, vel breviter recensere tentarem. Sufficiat inter plurimos annotare, cl. Young\*\*), Tralles\*\*\*), Alston\*\*\*\*), Cullen †), ac Murray ‡), qui duo posteriores,

\*) Vide Petr. Jonas Bergius Mater. medic. ex regno vegetabili.

\*\*) George Young treatise on opium.

\*\*\*) Tralles Usus opii salubris ac noxius.

\*\*\*\*) Alston materia medica.

†) Cullen Lectures on materia medica.

‡) Murray Apparatus medicaminum.

concisione, nitida elegantia, nec tamen nimia brevitatem, caeteris facile palmam praeripiunt. Nec ego, cui ambobus uti praeceptoribus aestumatisissimis licuit, hocce iudicium temere profero, sed ut vocem unanimem publici juris facio. Iam quoque usus huius medicamenti historiam optime protulere le Clerc \*), Alston, ac Tralles. Hippocrati an iam notum fuit, dubitant, negare tamen non audent. Serapio empiricorum signifex, opium ut et hyoscyamum, (similis fere indolis medicamentum) externe, pro doloribus leniendis usurpavit. Galenus etsi timidus in exhibitione opii, theriacam tamen Andromachi, ex opio, aromaticis, numerosissimaque farragine confertam, ipse commendat. Arabes tunc, Rhazes, et Avicenna, opium ut validum aestimarunt medicamentum. Revivificatis dein scientiis, Theophrastus Paracelsus, liberiori ejus in morbis propinatione, timores aliquantulum dispulit; Helmontiumque discipulum, praeconi ejus forsitan nimis partialem praestitit. Boerhaave et ejus discipuli, opium summa cum cautela adhibere, dum Stahliani, eorumque aetate, ejus usum quam maxime damnare; etsi Sydenham Anglorum Hippocrates, id brevi antea tempore, inter prima medicinae numeraret instrumenta, quem postea Young, Mead, Pringle, Whytt, Lind, aliique secuti, saepissime illud in praxi adhibuere.

Antequam vero de usu, ac exhibitione huius medicamenti, aliquid proferre audeam, necesse est primum, ejus effectus in corpus humanum considerare, ne oculis quasi occoecatis iter ingrediamur. Varii hic medici, prout vel chemici, vel mechanici fuere, opii operationem, suis explicare tentarunt principiis, ac hypothesebus. Chemici igne opium, sicut plurima alia medicamenta, torquere violentiore; hacque methodo, virtutes ejus ex intimis quasi naturae secretis, eruere conati sunt. Nec melius proficere, leniorem viam incedendo, simplici solutione, ac moderata digestionem tractando; varius enim, variis experimentorum exitus. Neumann \*\*) plus resinosi, Alston plus gummosi,

\*) Le Clerc Histoire de medecine.

\*\*) Vide Neumanns Chemie.



in opio inveniri dicunt \*): Alston ex opii crudi uncis duodecim, quinque materiae gummosae, quatuor resinae, ac tres magmatis uncias obtinuit, quod nec in aqua, nec in spiritu vini solubile, aquae superficiem, ut massa spumosa, pinguis, ac graveolens tenebat. Exhalat autem, in omnibus hisce operationibus, efficacissima pars, sub forma vaporis maxime graveolentis; nec hucusque seorsim servari potuit, etsi aqua, ac spiritus vini, leni igne peracta destillatione, illam secum rapiant, effectusque opii tunc exferant. Jam quoque recentis tantum opii manipulatio, testante Cl. Lorry, mentis excitavit emotionem, semihorae somno dissipatam. Huicce autem quasi spiritui rectori, maximas ejus virtutes deberi; et coctione, et torrefactione producta inertia, demonstrat. Uncia enim dimidia opii, per triginta sex horas cocta, grana duodecim ponderis, cum illisque, testante Büchnero, omnes fere perdidit vires.

Alii Opium cum corporis humani fluidis miscuere, suntque, qui inde sanguinem solvi putarunt, dum alii potius inspissari, observasse autumant; differt autem quam maxime, sanguis extra vasa mortuus, a latice illo vivo, corporis ima penetralia pervadente, cumque solidis vivis sympathisante \*\*). Experientia tali quoque contradicit effectui,

\*) Gummosi, ac resinosi respectiva quantitas, ubi combinata sunt, quam difficillime chemia determinantur; gummi enim ope, magna resinae quantitas in aqua solubilis redditur, ac spiritus vini, resinae juncti, gummi sat largam excipit portionem, quam solam respuit.

\*\*) Sanguinem non esse fluidum mortuum, sed vera vitalitate praeditum, primus cl. Io. Hunter, chirurgus londinensis, contendere ausus est. Coagulatur, dicit ill, vir, certis sub conditionibus, in corpore vivo, in vasa viventia, sanguinem per id ipsum coagulum propellentia; quod auditoribus, dum praelectionibus suis adessem, duobus forsan simili non gaudentibus praeparatis, demonstravit. Primum est, injectio thrombi, in arteriae cruralis apri, transversum sectae orificio fere contracto. In secundo, post ob morbum testiculi, cum haematocoele conjunctum, peractam castrationem, testiculum injectione replevit, et tunc vasa duo minutissima, in duo sanguinis, in tunica vaginali coagula, intrantia, materiaque injectionis repleta, nobis cum illo perspicere licuit. Sympathisat sanguis cum solidis, sicque respectu necessitatibus, saepe vel serius, vel citius, coagulatur; quod cl. Hewson,

in corpore vivo, cl. enim Lettsom, sanguinem sanissimum, e venis foeminae, quae per multos annos laudano utebatur liquido, profilientem vidit. Alii eadem methodo, eximiam in opio vim, experimentis probarunt, adesse antisepticam; inter quos cl. Pringle secutus, novissime eminus, Jo. de Haes \*) qui hoc fundamento innixus, usum ejus in variolis defendit. Lis tamen adhuc inter medicos agitur maxima, an remedia sic dicta antiseptica, plus in corpus vi sua polleant stimulante, an potius solum antiseptice agant. Priorem nuper cl. Millman \*) opinionem, argumentis certe validissimis, stabilire conatus est; quibus et ex hujus medicamenti historia, subitae putrefactionis corporum, opii nimis larga dosi enecatorum, casus addi possunt.

Nec plus valent experimenta, de opio in venas injecto, dum blanda mucilago, in haec vasa injecta, jam nimii stimuli effectus edit, aerque atmosphaericus, in venas injectus, animalibus semper mortem infert. Whytt quoque experimentis demonstravit, et corde exempto, opium suas vires in systema exserere posse \*\*\*), subiti quod et effectus, ex eo probant, antequam enim aliquid absorptum esse, putare possumus, jam virtutes apparent.

Omittamus autem haec, aliaque experimenta similiter ad certam conclusionem inepta, consideratisque muta-

plurimis probavit experimentis, quorum aliqua, a cl. Loder ac me, anno praeterito Rothomagii repetita; similes nobis monstrant eventus. Stimulis afficitur, vitalitate enim subito exhausta, cum solidis consumilem subit alterationem, sic in animalibus omnibus fulgure necatis, et in hominibus subita ac vehementi animi passione extinctis, non coagulatur. Quod et accidere dicitur, ubi nimia dosis opii mortem infert! Nec fluiditas, ut argumentum contra vitalitatem valere potest, observationibus enim microscopicis constat, sanguinis particulas rubras, vesiculas esse organisatas, cerebrumque in infantibus semper fluidum, quod tamen vita carere non potest.

\*) In Dissertat. Inaugurali, Trajecti ad Rhenum 1783.

\*\*) Millman on the Scurvy, Lond. 1782.

\*\*\*) Experimenta cl. Whytt ac Monro in animalibus instituta, alias inconclusiva, dum uti jam Haller monet, nimia vis animalibus, ante applicationem opii illata, causam effectuum dubiam reddit.

tionibus, post opii ingestionem in corpore vivo se pròdentibus, explicationem quorundam postea tentemus.

Post opium assumptum, pulsus oritur frequentia, cum calore corporis, vultusque rubore, mens hilaritatis sensu afficitur gratissimo, veraque oritur magnanimitas, corpus ad omnia munera aptius apparet, imaginatio fervet, fereque semper jucundissima sibi met fingit phantasmata, paucis exceptis, ubi contrarium accidit. Dum haec phaenomena, per aliquod temporis spatium adfucere, sensus imperfecti evadere, imaginatio decipere incipiunt; deliriumque oritur, cum intoxicatione, ubi sensus fere evanescunt, desinens in stuporem, ac somnum, durante quo, pulsu saepius crebro ac pleno, aliquando tamen parvo ac tardo; transpiratio plus minus, ad sudorem usque, augetur, aliis excretionibus, praesertim alvina, imminutis. Expergefacto corpore, nisi aliis sustentetur stimulis, languor, debilitas, morositas, frigorisque sensus, accedunt.

Defectus autem adsunt immedicabiles, in hac effectuum enumeratione, generaliter enim abstracta, non potest quin, in omnibus casibus, justam nobis non praebeat imaginem. Variant nempe mirifice effectus, secundum status corporis, vel morbo, vel idiosyncrasia, vel consuetudine, diversos. In quibusdam serenitas ante pulsus incrementum, statim fere post ingestum opium, in aliis huic medicamento jam assuetis, post horae fere spatium, pulsu jam insigniter aucto, apparet. In prioribus, pulsus durante somno plenior, quam in his, ubi longius quoque durant effectus stimulantés. In aliis, ob morbum spastice retenta materia eliminatur, dum alias, aliae, excepto sudore, excretiones compescuntur. Willisius sic ac Bergcr opio vim tribuere diureticam. Variant eodem modo, mutationes in corpore, secundum diversitatem doscos, minorem enim dosin, nec sequitur somnus, nec languor; dum largiorem, e contrario, in non assuetis, somnolentia fere statim, absque insigni alacritatis sensu praegresso succedit, nec semper nimis largam dosin sudor comitatur.

Serie hac phaenomenonum rite perpenſa, duo quasi potestates contrariae nobis statim primo intuitu sese objiciunt, stimulans nempe, ac sedativa, seorsim mox tractandae.



Unicuique eodem tempore, maxima quaedam ante oculos versabitur analogia, inter vini ac opii effectus, quae dum ex eorum actione in nervos oriantur, difficillime explicatu.

Veteres dum soporiferis omnibus frigidam tribuerunt naturam, opium in quarto, et ultimo gradu, frigidum enuntiarunt, inde omnes illae imaginariae correctiones, stimulantium validissimorum adjectione, cujus erroris, Theriaca, Democratisque, ac Mithridati confectiones, exempla stupenda, in neotericorum pharmacopoeis, sparsim adhuc existunt. His autem si auctoritatibus bellarem, virorum illustrissimorum sententias opponere possem, Helmont jam opium naturae esse calidae asseruit. Pitcairn ejus granum unum, granis sexaginta salis volatilis cornu cervi aequivalere dicit. Sydenham, Boerhaave, Young, Tralles, ac Tissot, omnes opio vires adscribere stimulantes ac cardiacas. Et quamvis cl. Ludwig hanc opinionem amplecti noluerit, illudque in fine debilitare contendat, opium tamen, aequo jure quo vinum, nomine cardiaci gaudere posse, confiteatur \*).

Externe cuti admotum, medicamentum nostrum vesicatorii fere ad instar agit, ori amarum se praebet, moxque in lingua ac palato calorem excitat, per quadrantem fere horae durantem, cum aucto salivae fluxu. Nares irritat, ac sternutationem creat. Ingesto, vis cardiaca patet, et frequentia pulsus, ac alacritate insequente, cujus rei testem habemus, inter alios fide dignissimum, cl. Haller, qui in se ipso, opio assumpto, ex octoginta ad centum ictus, observavit ascendere pulsum. Inter Orientales, ubi religio vini usum prohibuit, opio easdem gratas in se producunt mutationes, et Alpinus de Aegyptis commemorat, illo carentes, loco ejus, vinum creticum, piperi, aliisque aromatibus nuptum, assumere. Sydenham, aegrotis, pulsu vix micante, Laudanum suum, ut cardiacum fere unicum propinavit. Young nimia ambulatione defessus, Laudanum assumsit, et quamvis per totam fere somno carebat noctem, tamen tranquillissimam vitae suae vocat. Idem illud, brevi ante chirurgicam commendat operationem, non tali dosi, ut sensibilitatem quodammodo tollat, sed ut aeger magnanimus

\*) Adversaria medico practica vol. I. pars III.

evadat \*). Vim autem opii cardiacam, imprimis probare videtur, ejus a cl. Pott in gangraena senili propinatio, ubi tali cum fructu adhibitum fuit, ut specifici nomen fere mereri putaret, quod etiam, cl. du Pui, in nosocomio Enkhufano, feliciter successit. Non solum enim vis vitae restauratur, sed quasi renovatur, et augetur, sexagenarios enim, jam diu effoetos, ad veneris praelia aptos reddidit rursus, unde hoc remedium, a plurimis et inter aphrodisiaca numeratur, qua virtute, ut stimulans, sicut et vinum, moderata dosi ingestum, equidem gaudet, priapismum tamen, in turcis semimortuis, potius inter spastica numerandum censeo symptomata. Virtute enim directe aphrodisiaca polle-  
re, contradicere videtur, Laudani summo cum fructu in pollutionibus nocturnis exhibitio, remedium, quod cl. Hunter, maximopere commendat. — Inter Belgas quoque, cl. Stinstra, in Dysenteria putrida, Laudanum summa cum euphoria exhibuit. Opii igitur viribus stimulantibus, supra memoratis, extra omne fere dubium positis, ex subitis ejus effectibus, inter stimulantia quam citissime diffusilia, primum quoque fere gradum, occupare videtur, quod in non assuetis quam maxime patet, opii enim pillula, saepe fere statim vomitu rejecta fuit, mutationibus expectatis jam productis.

Ut autem nostrum exferat medicamentum effectus suos stimulates, dosi adhibendum est parva, id est tali, quam postquam medicinae vires deferbuere, non insignis sequitur languor, alias enim sedativa apparet vis. Quam difficillime autem haec dosi determinanda, dum non solum aetas, consuetudo, sed et status corporis particulares, (qualis verbi gratia in typho occurrit), qui majorem multo stimuli quantitatem ferre possint, quam sanus, considerandi \*\*). Sic cl. Pott, aegrotis suis, grana duo opii, bis vel

\*) Cardiacam hic opii vim prodesse, casus quoque ill. Richteri, praeceptoris quam maxime colendi, probare videtur, qui post extractam vetulae cataractam, illam summo cum terrore, ex spiritu frumenti aliquantulum irtoxicatam vidit, optimo tamen cum curationis exitu.

\*\*) Edinae, in typho libras tres vini lusitanici rubri intra nycthemeron, ab aegris, spirituosis minime addictis, summa cum euphoria assumpas, vidi.



ter de die propinavit, doses, quae singulae, in homine sano, somnum cierent. Maxime autem hoc patet in tetano, ubi incredibiles doses, sine somno, infecuto, datae fuere. Cl. Hunter tetanico, grana duodecim opii, intra horam, absque vel somno, vel morbi diminutione apparente, exhibuit; dum interea, cephalalgia, rubor faciei, ac oculorum, leveque delirium, doseos augmentum vetuere \*). Lue, quoque venerea, diras suas in corpore devastationes exserente, pulsus saepissime tardus, aegerque largiorem solito, dosin opii ferre potest; unde hoc in morbo, ut stimulus, vires vitae, ad miasma vel ejiciendum, vel alterandum, idoneas reddens, curam effecisse autumo. Mercurii enim quasi antidoti, actio specifica in miasma, jam a multis inter theorias recensetur explosas, vique ejus stimulantii plurimum tribuitur. Mihi quoque, inter alia, exemplum luis confirmatae, lauta, ac tamen regulari diaeta sanatae, ex ore amici, fide dignissimi, excipere accidit.

Consideratis sic obiter viribus opii cardiacis, ad sedativos ejus ordo nos ducit effectus, sedare autem, non solum ab omnibus uno fere ore contenditur, sed et luce meridiana clarius, ex phaenomenon enarratione apparet.

Patefacit se vis sedativa, primo functionum animalium immiutione, sensus enim ac saepe motus voluntarii organa imperfecta evadunt, donec ex hisce vitiis, aliquando ortum delirium, in somnum desinit. Doloris lenimen, omnium opii effectuum gratissimus, ac motuum abnormium sedatio, huic vi tribuendi, ut et excretionum omnium, excepta transpiratione, immiutio. Pulsus parvus autem, ac lentus, ejus actionem aliquando sequens, (immo fibras cordis debilitans vocatum fuit remedium), ut et languior, ac debilitas immo aliquando mors insequens, ad hujus potestatis, in functiones vitales effectus, referenda \*\*). Sed et externe applicatum vires exserere potest sedativas: saepe in gonorrhoea chordata, optimo cum fructu, in cataplasmate adhibitum vidi, stranguriamque, ex solutionis saturatoris

\*) Hunter in praelectionibus.

\*\*) Probant quoque experimenta cl. Monro, ac Rob. Whytt, in ranis instituta, quibus vim opii cardiacam destruere studuerunt.



corrosivi sublimati, ob gonorrhoeam benignam, injectione; Laudano liquido, glandi ac urethrae cursu illinito, magico quasi modo, intra horae spatium sublatam, observare licuit. In ophthalmia scrophulosa, Laudani guttas tres vel quatuor; oculo instillatas, inter remedia efficacissima merito censer, autopsia suadet. Summo quoque cum levamine, in scirrho dolorifico prostratae, indeque stranguria quadam orta spastica, opium sub forma clysinatis propinavi, qua methodo, et in cancro uteri dolentissimo, immo in cataplasmate, ulceribus nimis irritabilibus ipsis, eodem cum eventu, adhibitum fuit.

Ubi efficere ut opium vires suas exserat sedativas cupimus, largiori dosi ingeramus oportet, alias enim cardiaci supra memorati sequuntur effectus; et hic quidem observandum, dosin quoad aetates, hic optime sic determinari, ut cum viginti Laudani guttas adulto, tum junioribus, quot annos habeant, tot guttas exhibeamus.

Difficillime certe, horum effectuum, tam diversorum, ratio reddenda, vel enim duae vires directe contrariae, in hocce medicamento existere credendum; vel una vis, pro causa effectuum alterius, quae tunc evanescit, agnoscenda, Prior positio absurditate evidentissima laborare videtur, calidum enim ac frigidum, humidum ac siccum, sapidum ac insipidum, semel ac simul, in una eademque substantia, adesse posse, non magis sensui communi contrarium. Hac igitur rejecta opinione, adhuc manet quaestio, utra vis sit vera contrariorum effectuum causa? Et sunt quidem, qui corporis solito majorem actionem, non vi directe stimulant, sed reactioni, virium naturae medicatricium, adscribunt. Sedantes autem tunc necesse esset effectus primo se proder, paroxysmumque quasi febrilem oriri; quod tum hic observationi contrarium, et haec theoria oblivioni committenda; solaque quae superest explicatio, vim nempe stimulantem, causam quoque esse eorum phaenomenon, quae sedativae effectus vulgo censentur, amplectenda.

Omnem certe excitationem validam, et subitam corporis, fere semper sequitur potestatis nervosae collapsus quidam, ac saepe somnus, modum autem, et rationem, cur haec fiant, me cum plurimis, in arte medica ac me multo

peritioribus, ignorare, lubenter confiteor. An corporis, post certum tempus, respectu stimuli cujusdam applicati, excitabilitatem amissam? an consumptionem stimuli ipsius, actione; vel mitigationem ejus per liquores gastricos, adque stimulos leniores, nimis subitum inde transitum, pro causa agnoscere licet? — Nescio. Sufficiat experientia multifaria probari, stimulantia alia, nimis libere adhibita, sedativos quoque edere effectus; quod quidem quotidie in spiritu vini observamus. Aromatum recentiorum halitus, testante Boerhaave, soporem saepe inducit. Oleum animale, annuente Hofmanno, placidum creavit somnum; immo fluidum electricum, a neotericis, ut stimulans omnium maxime penetrans celerrimeque se diffundens, summo cum fructu in medicina adhibitum; nimio impetu applicatum, asphyxiam, mortemque ipsam, producere valet. Ex decocto tabaci nimis saturato, sub forma clysmatis contra ascarides adhibito, profundissimum soporem, mortisque periculum ortos esse, ex ore amici, fide dignissimi, accepi. In morbo quoque prostratae, supra memorato, opium semper per horae quadrantem, irritationem doloresque augebat, antequam sedativi effectus gratissimi apparuere.

Superfunt tamen adhuc phaenomena, quorum ratio requiri potest, et inter ea differentia eminet pulsuum; nam ut supra jam dictum fuit, in non assuetis, durante somno creber ac fortis observatur, dum in assuetis, ac largiori dosi utentibus, debilis, ac tardus invenitur. In illis collapsus potestatis nervosae, quoad functiones animales, jam adesse videtur, dum opium absorptum, cor, et vasa sanguifera, ad majorem excitat actionem. In his, consuetudo opium minus in corpus efficax reddidit, ita ut collapsus in functionibus vitalibus, eodem tempore fere, ac in animalibus accidat. Forsitan quoque tunc, ut ex enarratione paterè videtur, excitatio functionum animalium, ex vitalium excitatione pendet. In prioribus, sudor auctae sanguinis circulationi, dum in his si apparet, relaxationi vasorum extremorum tribuendus; pruritus autem cutis, ex diathesi phlogistica, in vasis cutaneis producta, pendere videtur.

Alvi obstipatio fere semper ex opio oritur, ob stimuli sufficientis, postquam vis ejus deserbuit, defectum, ac sudo-

rem comitantem. Idem autem, vino utentibus accideret, nisi acidum in vino, intestina postea stimulare; facillime quoque huic opii vitio medemur, leniorum laxantium, vel chysinatum stimulantium, exhibitione. Nec diuretica, optimo cum fructu, medicamento nostro, ubi urinae secretionem cohibet, adjici posse, ullus dubito. Salivationis autem mercurialis nimiae imminutio, opii solutione aquosa, more gargarisnatis adhibita, ex effectibus sedativis certe pendet.

Ventriculo quidem inimicum, pronunciavit cl. Tralles remedium nostrum, hoc tamen, non nisi nimia dosi propinatum, vel ubi obstructio alvi non soluta fuerit, accidere contendam; et sunt probati auctores, quos inter Kaempfer, qui illo assumto, appetitum auctum, se observasse testantur. Nimie autem adhibitum, quam maxime, et ventriculo, et toti corpori nocere, minime negam; immo ex ore amicorum, qui in oriente medicinam per aliquod tempus exercuere, accipere mihi contigit, opii nimios amatores, similiter ac Bacchi sectatores, saepissime nervorum morbis, Hepatis obstructione, indeque hydrope laborare.

Ex supra memoratis, generales quasdam cautelas, in adhibitione opii observandas, eruere possumus; maxima imprimis circumspeditione opus est, dum opium ut sedativum, inflammatoriis in morbis propinamus; actione enim vasorum valida, impetuque sanguinis ac calore auctis, optimi quidam practici ejus usum repudiarunt; nec negari potest, medicamentum nostrum, topica determinatione, vel inflammatione, cum plethora, ac statu vere phlogistico corporis existente, plus damni, quam utilitatis attulisse. Experientia tamen quoque demonstrat, plurimos, ex antiquis receptis opinionibus, nimium contra ejus usum in inflammationibus invehere: cl. enim Chalmers, etsi praxi forsan nimis temeraria, in Carolina meridionali, pulvere Doveri sub ingressum morbi ingesto, peripneumonias, aliasque inflammationes, feliciter sustulit. Plethora autem sublata, ac aliis evacuationibus praemissis, optimo aliquando cum successu, ad symptomata levanda, in veris indolis phlogisticae morbis exhibetur. Huxham sic in pleuritide adhibuisse comme-



morat, inque nosocomio Edinenſi, cum euphoria ita praefcriptum vidi, in aegro vera pleuritide laborante.

Alia adhuc adefſt corporis conditio, exhibitioni opii contraria; illa nempe, ubi ſordes adſunt in primis viis, earum enim evacuationem impediendo, irritabilitas in corpore augetur. Praemiſſis autem evacuantibus, non ſolum optimos in morbis edit effectus, ſed et ex iis natos tumultus, optime ſedabit; qua praxi Sydenham uſus, poſt emeſin vel alvi purgationem, fere ſemper Laudanum adhibuit. Neceſſitate quoque urgente, ſimul cum purgantibus adhiberi poteſt, compoſitio a plurimis ſummopere laudata, ſemperque ſic alvus libera ſervanda.

Peculiaris opio quoque actio in organa bilis tributa, quam acriorem, ac magis putreſcentem, ejus uſu reddi, creditum fuit; dum ejus fauſtiſſimi, praemiſſis potubus blandis ac diluentibus, effectus in cholera, contrarium probare videntur, immo opii poteſtas antifeptica, bilem potius corrigere deberet.

Tranſeamus nunc, ad noſtri medicamenti in febris adminiſtrationem et uſum; ac primo quidem intermittentibus breviter conſideratis, ad continuas, maxime animum vertamus. Quinque autem ut puto modis, opium prodeſſe poteſt in intermittentibus, quos ſigillatim breviter perpendere in animo eſt. Adhiberi ſcilicet poteſt,

1. *Ut ſtimulans ac cardiacum extra paroxyſmum.* Stimulantia enim, poſt debitas evacuationes, intermittentes ſiſtere poſſe uſu innotuit. Theriacam, Riverius in tertianis rebellibus, venaefectione, ac purgantibus, ubi opus erat, praemiſſis, doſi drachmae unius, mane per triduum optimo cum effectū propinavit. Heuermann, intermittentes, calore praeternaturali, ac cephalalgia, etiam in apyrexia praefenti, opii grano uno, vel Laudano liquido, ad guttas viginti, alternis vel tertiis diebus vespere dato, dum corticem interea quoque praeberet, proſtigavit \*). Viribus vitalibus fractis, hocce remedium plurimum convenire recte aſſerit, alias enim, in continuas mutari, vel inflammationes topicae accedere poſſunt. Amicus quoque fide digniſſimus

\*) Heuermanns Chirurgiſche Bemerkungen.

Goodwyn, tertianas rebelles, in comitatu Kent in Anglia, guttis quinque laudani, quovis bihorio exhibitis, fugavit.

2. *Ut stimulant incipiente frigore febrili.* Hoc modo a cl. Berryat, Laudanum in infuso centaurei minoris exhibitum \*) fuit: imo cl. Hoffmann in febre soporosa, laudani guttis quadraginta quatuor, sub initio frigoris ingessit, pulsu majore, respiratione liberiore, ac paroxysmi febrilis suppressione, insequentibus. — Cl. Gregory, aliquando hanc opii administrationem succedere vidi, dum Laudani guttas triginta, et spiritus lavendulae compositi drachmam unam, ex aquae Menthae piperitidis Uncia una, incipiente frigore propinavit; quo medicamento, calorem solito mitiorem, ac citius finitum, sudor profusus excepit. Cortex tamen, aliaque medicamenta, quibus febris ante restiterat, simul propinata fuere. Cl. Lind, dum infantibus opium ingerere non potuit, ingruente paroxysmo, tincturam thebaicam cum linimento saponaceo, dorso spinæ illinivit. Cavendum tamen, in hac administrationis methodo, ne opii dosis sit nimia, alias enim sedativos, hic funestos, exferere posset effectus; cujus exempla Eller, ac Morton protulere, ubi frigore febrili ingestum, apoplexia, vel coma secuta sunt.

3. *Ut sedativum, brevi post inchoatum calorem.* Hac methodo, primo, optimoque cum successu, a cl. Lind administratum fuit \*\*), aquae fontanae sesquiunciam, aquae alexiteriae spirituosae, ac syrupi e meconio aā drachmas duas, cum laudani guttis quindecim, vel viginti, semihora post inchoatum calorem exhibuit. Calor hoc remedio minuitur, vel aufertur urentis sensus, sudorem efficit copiosorem solito, cum mollitie cutis, ac saepe recreantem procreat somnum. Hunc virum cl. Odier secutus, opium fausto cum eventu, et jam delirio praesente, exhibuit \*\*\*). Illustrissimus quoque Cullen, experientia permotus, huic methodo assentitur. Lind, infantibus, Syr. e meconio drachmas duas, extra vero paroxysmum, clysmata ex corticis extracto, ac laudani guttis aliquot, exhibuit, dum alvi dejectionem magnesia ciebat.

\*) Vid. Memoires présentés à l'Acad. Roy. des Sciences T. 2.

\*\*) Vid. Lind on the diseases of Europeans in hot climates.

\*\*) Vid. Duncans Medical Commentaries vol. 6.

4. *Ut diaphoreticum, ante paroxysmum.* Optime hoc scopo aliis medicamentis adjungitur, quae actionem ejus, ad vasa cutis determinant. Sydenham pillulas cochiae majores, theriacam, ac aquam vitae, quatuor jam ante paroxysmum horis ingessit, fero lactis cerevisiato, sudoris post horas paroxysmi aliquot continuandi causa, simul adhibito, sicque intermittentes profligavit. Fordyce, intra paucos dies, quartanam biennem, pulvere Doveri, eodem modo exhibitto, sanavit.

5. *Ubi diarrhoea corticis efficaciam impedit.* Commendatione hoc egere non videtur, dum diarrhoeam, non ex fordibus, sed ex nimia irritabilitate intestinorum ortam, intelligimus, cortexque opio junctus, fere semper facilius febres sistit; plurimique viri, opium cum cortice, ad vomitus, vel dolores in febribus assopandos, feliciter adhibuere.

Antequam vero speciatim, de usu medicamenti nostri, in febribus continuis, ad quas nunc ordo nos ducit, loquamur, necesse est, objectiones quasdam contra illud factas remove. Illi enim, qui febrem, in solo humorum circuitu aucto, consistere credunt, vehementissime adversus hoc remedium solent declamare; quoniam dum sanguinis motum citatiorem reddit, febrem simul augere debeat. Practici autem nunc, et alia stimulantia, in ultimo continuarum studio, ubi vires deficiunt, summa cum utilitate adhibent; vinoque ipso, pulsum non solum pleniorum, sed et tardiorum reddunt.

Alii opium, ut excretionem imminuens, ita et crises impediens medicamentum, repudiarunt, sed tamen jam cl. Young, in acme febrium, ubi aeger somno caret, cumque vires vitae deficiunt, illud quam maxime commendat; et casus sequens, ubi opii ingestionem, urina secuta est critica, contrarium probat \*).

Will Sutherland, aetat. 21. miles 1781. Die 16to Novembr. post quam febrili contagioni se exposuisset, subito languore, frigore, nausea, cephalalgia, ac somnolentia

\*) In alijs quoque casibus, ubi morbida corpus laborat irritabilitate, opium excretionem sanas, potius promovere, praxis docet; sic in colica pictonum, alvum solvit, inque partu difficili caute propinatum, dolores partus, ac expulsionem foetus promovet.



corruptus, lectum ingressus, mox calorem solito sensit majorem, absque tamen sudore insequente. Die 17mo. post venae sectionem, paullulum vesperi sudavit, et die 20mo. in nosocomium Edinense receptus est, quod tunc frequentabam. — Lingua illi tunc erat albida, ac humida, fitis modica, cutis mollis, alvus adstricta, pulsus 108 intr. minut. cl. Gregory sequentia parari curavit medicamenta. Capiat solutionis antimonialis unciam dimidiam quavis semihora, donec vomuerit, incip. statim.

Injiciatur enema commune vesperi: foveantur crura vesperi per horam, panno laneo, humido, calido. Incipiat cras mane sumere, corticis peruviani ʒj. quovis trihorio, ex lacte ebutyrato. Habeat julapii salini ʒj. quovis trihorio.

21mo. Nov. Ex solutione emesin ac dejectiones passus est. Paullulum somni per noctem habuit, pulsus 102, lingua et cutis ut heri. Repet. medta, excepta solutione et enemate. —

22mo. Somno per noctem, ac appetitu paullulum gaudere incipit, pulsus 108, alvus naturalis: contin. medta.

23mo. Bene dormivit, appetitus redit, dejectio alvina nulla. Lingua rubra sicca, injic. enema vesperi, fiat fatus per horas duas: contin. medta.

24to. Male dormivit, ac de anorexia conqueritur, enema respondit lingua rubra humida. — Omittatur cortex, repetatur julap. salinum, et fatus. Habeat haustum ex aq. Menth. ʒβ, et laudani liquidi guttis xxv hora somni.

25to. Bene dormivit, appetitus redit, puls. 108, lingua sicca, cutis calida, cont. medta.

26to. Bene dormivit, appetitus augetur, puls. 108, plenus ac mollis, alvus naturalis, levis in urina, mane ejecta, apparet nubecula.

17mo. P. 90. Cutis fere naturalis: contin. medicamenta, et habeat aquae cardiacaе ttj. de die. —

28vo. Convalescit, urina hesternā, sedimentum copiosissimum dejecit.

4to Decembris. Diaetam accepit plenam, ac nono exivit sanatus.

Opiatum hoc in casu, non solum somnum inducendo, sed et spasmodum in renibus solvendo, contra opinionem vulgarem, ad crisin perficiendam profuisse, videtur. Fetus autem calidi humidi, quam maximi in continuis usus sunt; aegrotum quietiorem reddunt, delirium compescunt, ac somnum inducunt; an spasmi cutis solutione? Applicatio tamen per horam, vel bihorium continuanda, alias effectum non praestant. —

Objectionibus igitur hisce remotis, quas in curatione continuarum indicationes implere, quibusque sub corporis conditionibus, iis aptum sit opium, considerare oportet; et hic prima, maximique ut nunc temporis censetur momenti indicatio occurrit; spasmi nempe superficialis solutio. Etsi autem hic spasmus, ut ex praegressis patet, saepissime optimo cum fructu, in febribus opio solutus fuerit; provide tamen, et circumspecte hic agendum erit; ac ubi plethorae, vel sordium signa adsunt, evacuationes primum institutendae. Sydenham, in febre pestilentiali, statim post venaesectionem, nisi vomitione impediabatur, theriacae drachma dimidia, optimo cum eventu, sudorem excitavit; et ubi jam alia incassum adhibita fuere sudorifera. „Multi dicit, „me authore, in diaphoresin viginti quatuor horarum con- „jecti, et tantum abest, ut se exinde debiliores factos quererentur, quin potius, quantum humoris sudando discessisset, tantundem novi roboris sibi accrevisse profiterentur“ in alio tamen loco, ipse quoque, phrenitides, ac pleuritides, ex diaphoreticorum usu in febribus, ortas esse commemorat. Cautioris igitur practici est, hoc medicamentum, non nisi praemissa, vel venaesectione, vel intestinorum evacuatione, exhibere, et tunc pulverem Doveri, theriacae multum antepone~~ndam~~ esse, putare liceat; dum sal medius, et emeticum, in illo cum opio juncta, ejus vires stimulant minuant; haecque compositio, potentissimi sudoriferi nomen, non inmerito gerit. Cavendum praeterea, ne calor corporis nimium augeatur, ne sudor sit partialis, vel inaequalis; neque nimis cito, vel frigore sistatur, per viginti quatuor enim fere horas, absque somno continuandus. For- san quoque, laxantia leniora, durante sudore agentia, hanc

methodum minus periculofam reddere poffent. Simili quoque etfi tutiore modo, in principio typhi ex contagio, poftquam medicamento antimoniali, vomitus, vel alvi dejectiones, producti fuere, laudani guttas xxv ingeftas fomnum placidum inducendo, celerem morbi et feliciffimum exitum produxiffe, aliquando videre contigit.

Insignis utilitatis effe poteft medicamentum noftrum, nifi vel valida diathesis phlogiftica, vel fordes tenaces motu difficiles, in primis vetant viis, ad delirium in febribus compescendum, fomnumque placidum, ubi aeger illo eget, inducendum: et hic quidem, largier faepe opii dofis neceffaria, dum minor fomnum producere non valet, fed potius irritationem auget, cl. fic Lettfom deliria in putridis laudano fugavit, ad guttas xxv exhibito \*) et cl. Fordyce, die 7ma febris miliaris, fuadente Duncano, centum ac viginti guttis laudani, intra nycthemeron fumsis, delirium fiftere aufus eft, clarius autem ejus adminiftrationis in tali cafu methodus, ac utilitas, ex hiftoria patebit fequenti.

Rahel Robertfon puella aetat. 21 annor. die 19ma novembris 1781, languore, frigore, cum insequente calore, cephalalgia, ac artuum doloribus, correpta fuit; absque fudore comitante, die 26to, fymptomatibus, exceptis doloribus, qui mitiores, continuantibus, in nofocomium Edinense recepta. Pulsus 96 intr. minut. cutis calida, lingua albida humida, cum fiti tamen, alvus ac menses regulares fuere; nulla adhuc medicina ei adhibita erat. Nunc praefcripta fuere. Habt folut. antimonialis unciam femis, omni femihora, donec vomuerit. Capiat julapii falini,  $\mathfrak{z}\text{j}$  quovis trihorio. Foveantur crura vefperi per horam unam, et habeat hauf. anodyn. c. guttis xxv laudani hor. fomni.

27. Solutio respond. Cutis humidiuscula, lingua fordida, male dormivit, pulfus 102. Capt. pulver. cortic. peruv.  $\mathfrak{z}\text{ij}$ . 4ter de die, repet. fofus, et julap falin. et hauf. cum guttis xxx.

28. Pulsus 84, cutis naturalis, bene dormivit, lingua eft ficca cum anorexia, alvus adftricta: enema commune vefperi nifi prius dejecerit, repet. reliqua.

\*) Vid. Medical Memoirs.



29. Pulsus 96. Bene dormivit, cutis naturalis, lingua obseffa, enema respond. Convalescentem se sentit. continentur medta.
30. Pulsus 96. Bene dormivit, anorexia, lingua obseffa sicca: omittatur cortex, foveatur os aqua tepida cum lacte, et repet. subinde. Incipiat fumere  $\mathfrak{D}$ ji crystallor. tartari, quater de die: repet. reliqua.
1. Dec. Pulsus 96, mollis ac plenus, male dormivit cum delirio, lingua aspera dolens, anorexia, alvus naturalis. Habeat vini lusitanici rubri  $\mathfrak{Z}$ viii, cum pari quantitate aquae font. in die: repet. reliqua.
2. Pulsus 96 debilis, male ac cum delirio dormivit, cutis sicca calida, lingua melior apparet, anorexia ac sitis, alvus adstricta. Repetat vinum ad  $\mathfrak{H}$ , cum  $\mathfrak{H}\beta$  aquae de die: repet. crystall. tartari, habeat enema commune vespri nisi prius deiecerit. Foveantur crura per hor. unam, et habeat haust. anod. cum guttis xl hor. somn.
3. Pulsus 96. bene dormivit, cutis calida, lingua sicca, anorexia ac sitis ut antea, paullulum adhuc adest deliri: repet. medicamenta.
4. Pulsus 90. plenus ac mollis, lingua humida, sed dolens, bene dormivit, ac multo minus delirat: rep. medta.
5. Pulsus 80. mollis, delirium ac anorexia adhuc remanent, alias convalescit: rep. medta.
6. Pulsus naturalis, dormivit cum insomniis, etsi vigilans non delirat, sudor adest, alvus naturalis, appetitus et lingua melius se habent. Omittat. vinum ac haustus anod. rep. reliqua.
7. Convalescit: repet. medta.
14. De anaesthesia sed tamen absque paralyfi, in manu conqueritur sinistra. Adeat machinam electricam, et educantur scintillulae plurimae ex parte affecta.
17. Exit sana e nosocomio.

Principio, hoc in casu, guttas xxx laudani suffecisse, ad somnum producendum, hocque per tres dies valuisse,

apparet; donec vel medicamento consuetudo, vel status corporis, qui majores ferre posset stimulos, dosin largiorem, ad eodem effectus producendos desiderasse videntur, quae et feliciter successit. Inprimis autem, ob cum colluvie gastrica conjunctum morbum, hujus medelae successus, omnem mereri videtur attentionem; demonstrat enim evacuationibus debitis institutis, opium aliquando cum successu adhiberi posse, dum cortex ipse absque his, febrem sistere non potuit, sordesque potius auxit. — Similes quoque observare licuit mihi casus, quos referre, tempus ac spatium vetunt. In quodam aegro delirante, guttas xxx laudani, vomitu rejectas, nil boni attulisse vidi, dum biduo post, guttae xl, non solum delirium removerunt, sed et cutim antea siccam, humidam reddidere. Determinatione quoque sanguinis versus caput, sanguisugis sublata, laudanum optimo cum effectu propinatum fuit. Diarrhoeam in febribus, ubi non est stercoracea, vel levamen affert, sed potius debilitat, opio saepe optime fisci posse, notum est, atque a plurimis practicis quotidie in usum vocatur.

Restat adhuc memorabilis indicatio, quam opio impleri posse contendimus; illa nempe, quae in ultimo continuarum stadio, cardiaca ac antiseptica postulat. Etsi enim raro adhuc medicamentum nostrum, in continuis hoc scopo adhibitum fuit, jam analogicus ejus Usus, in variolis, ac dysenteriis putridis, plurima ex hoc remedio expectanda esse, promittit: cl. Young, ac Withers, illud hoc in casu commendant, immo posterior, vino ubi ob stomachi debilitatem facile ad acorem vergit, opium anteponi deberi recte concludit. Parvae opii doses hic adhibendae, sicque cl. Fordyce, in ultimo febrium stadio, optimo cum effectu, Londini, in nosocomio St. Thomae eo utitur, necesse est tamen hic, ut supra dictum fuit, doses, non ex pondere, vel mensura, sed ex effectibus aestimare; et minutas vel largas pro re nata dare, cl. enim Bruno, Edinae, largiores, opii quantitates, in ultimo typhi stadio, optimo cum effectu, stimulandi causa praebuit. Mithridatis confectio-nem, cum sale neutro, Londini, saepe fausto cum eventu, in hisce casibus, propinatam vidi, quae certe ex opio, principalem suam habet virtutem.

Exposui strictim praecipuas animadversiones ad thema quod mihi sumsi, illustrandum pertinentes; voluisssem melius; debuisssem plenius; sed res meae nunc longiorem non concedunt moram: nec tamen stilum ponere mihi licet, quin, omnibus Viris, ex quorum vel lectionibus, vel conversatione, in variis locis utilitatis fructus cepi; praecipue etiam cl. professoribus hujus academiae, qui suis institutionibus summam urbanitatem erga peregrinos jungunt, gratias agam quam maximas, et Lectoribus benevolis judicium huic poetae sententiae respondens expetam:

*Blame where you must, be candid where you can,  
And be each critic, a goodnatur'd man.*

---



VIII.

DR. GUILIELMI CHRISTIANI PHILIPPI  
CRAMER

DISSERTATIO

DE

LICHENE ISLANDICO.

ERLANGAE.

1780.



## P R O O E M I U M.

Mente consilioque divino omnia in hoc mundo ad salutem omnium conservationemque admirabiliter administrari, sicut omni undique ratione, sic ex ea naturae benignitate concluditur, qua non solum tam multa ad vescendum, tam varia, tamque jucunda gignit; sed etiam, ut recte PLINIVS \*), nusquam non remedia disponit homini; ita, ut medicamentorum salutarium plenissimae sint terrae \*\*), et unaquaeque ea largiatur, quae morbis endemiis sanandis convenient. Quid — ut exemplo rem declarem — quid in regionibus, quas mare alluit, imprimis septentrionalibus, et in ipso mari inter nautas, frequentius scorbuto? Nullibi autem in maritimis frustra quaeruntur vegetabilia antiscorbutica. In ultima enim Spizberga, Cochlearia groenlandica LINN. et danica; in Islandia, officinalis; in Groenlandia, groenlandica, anglica et forsitan etiam officinalis; in Labradoria, danica; in Norwegiae, Sueciae, Daniae oris maritimis officinalis et danica, in Scotiae Angliaeque litore, utraque cum anglica; in Germaniae, Belgii et Galliae tractibus mari finitimis, haec et officinalis, quam in ipsum Camtschatcae litus usque provenire, *Flora sibirica* testis est, copiose nascuntur. Quibus Brassicam et Cramben maritimas pluresque alias plantas, aequae salutes, in regionibus mari vicinis et ad ipsum mare passim crescentes addere possemus. Terra magellanica, aliaeque antarcticae, Cardamine antiscorbutica abundant et Apio antarctico BANKSII, HAWKSWORTHII descriptione notis, quae, sicut inter tropicos Cocos nucifera et plures palmae, cum fructibus, tum gemmis, et praeterea tot aliae plantae acidulae amarae et aromaticae ad hunc morbum sanandum quasi destinatae videntur. — Pari providentia Lichenes, quos in septentrione aliis plantis copiosiores esse voluit, usui hominum ibidem habitantium aptavit summus hujus universi Conditor. Mirum quidem hoc quibusdam videri poterit, qui muscos, in quorum numero lichenes quoque vulgo habentur, inutiles

\*) PLIN. *b. n. l. XXIV.*

\*\*) Cic. *de nat. d. l. II. c. 53.*



nec attentione humana satis dignos iudicant. At mirari definerent, si semet a Botanicis edoceri paterentur: Lichenem fuciformem L. una cum Lichene Roccella, tinctoribus pigmentum praeberere nobilissimum, nomine Orseille notum; quale etsi longe inferius, e Lichene Parello paratur; alios quoque Lichenes, ut calcarium, tartareum, saxatilem, vulpinum, pustulatum, alios, lanae sericoque colorandis infervire; Lichenes plicatum et calicarem ad pulverem cyprium praeparandum aliquando fuisse adhibitos; Lichenem, rangiferinum, Tarandorum escam gratissimam, in pabulum pecudum hiemale a rusticis Norvegis colligi; Russos quosdam Sibiriae incolās, cerevisiae L. pulmonarium humuli loco addere; Turcas in Aegypto panem triticeum sapore ipsis grato imbuere L. prunastri, et furfuraceo; ut alios Lichenum usus taceam \*). In septentrionalibus terris, peregrini fere gelu rigentibus, frumenti proventus parcissimus vel nullus, nec aliorum vegetabilium esculentorum multo uberior est. Haud raro itaque fame periclitarentur incolae, nisi annonae penuriam aut defectum supplerent Lichenes, qui una cum Fucis salubres ipsis praebent dapes \*\*). At haec nondum sufficiunt. Vulgares ibidem existunt morbi pectoris, maxime haemoptysis, pleuritis, peripneumonia et ex his enata phthisis pulmonalis. Sicut itaque alibi Lichenes aliqui medicamenta praebent, uti caninus in rabie canina, aphthosus in aphthis vermibusque, pyxidatus in tussi ferina, pulmonarius in ictero variisque aliis morbis; ita Groenlandi, haemoptoe correpti, vescuntur lichene groenlandico *Fl. dan. tabb. 466 \*\*\**): Islandi autem, morbis pectoris, potissimum phthisi, laborantes, ad alium confugiunt, quo etiam frequenter aluntur, et qui, sive ut alimentum sive ut medicamentum consideretur, omnibus reliquis palmam praeripit, LICHENEM scilicet ISLANDICUM. Haec utilissima plantula non septentrionalium tantum, sed aliorum

\*) Conf. b. LINNEI diss. de usu muscorum in amoen. acad. rom. VII. p. 370. sqq.

\*\*) Lichene esculento FALL. *it. 3. tab. I. fig. 4.* in campis Russiae asiaticae australis crescente, populi vitam nomadicam ibidem agentes, urgente necessitate interdum satiantur.

\*\*\*) Vid. *buj. op. fasc. VIII. p. 8.*

quoque Medicorum attentione dignissima est, siquidem in Europa media et forsitan etiam australiori, perinde ac in septentrione crescit, et medicamentis praestantissimis annumerari meretur. Virtutes ejus, quas partim in PRAECEPTORUM ad cineres usque maximopere suspiciendorum scholis, partim etiam, sub Eorum auspicio, propria qualicumque experientia cognovi, tanta mentem admiratione impleverint, ut diligentius eas expendere, et specimine, summorum in Medicina honorum obtinendorum causa edendo, constituerim. — Non quidem me praeterit, esse qui modicas saltem vires ipsi concedere, vel omnem efficaciam denegare non verentur, experimenta praetexentes, quae successu caruerint. Sed inquirant, quaeso, antequam usum ejus damnent — nisi odium quoddam quorumcunque novorum pharmacorum, quod Medicum rationalem dedecere mihi quidem videtur, altius animis haereat infixum — anne morbi ingenium, perversus medicamenti usus, lichenis adhibiti corruptela quaedam, senio, humore nimio vel aliunde contracta, vel alia quaedam causa prosperum impedierit eventum. Equidem de praestanti hujus lichenis virtute medica experientia edoctus et ratione convictus, nihil cupio ardentius, quam ut hoc schediasmate usus ejusdem, in multorum aegrorum emolumentum, quodammodo promoveatur. Placido autem illud Eruditorum examini etiam atque etiam commendo, Eosque, ut memores sint, juveniles esse conatus, quos offero, obnixè oro rogoque.

---

## §. I.

## D E S C R I P T I O.

**A**ntequam ipsas lichenis islandici virtutes exponere aggrediar, formam externam hujus vegetabilis exacte describere convenit.

**RADIX** ipsi est nulla, nisi imam frondium extremitatem obtusam et rubello colore tinctam, ita appellare placeat, quibus terrae, lapidibus aliisque muscis inhaeret.

**FRONDES** trium vel quatuor digitorum transversorum altitudine, passim inter se coalitae, erectae vel adscendentes, lineares, sed latiusculae, pinnatifido laciniatae, integerimae quidem, at margine setis seu spinulis rigidis parallelis obtusiusculis, modo densius, modo rarius ciliatae, utrinque glabrae, coloris e viridi pallido fuscescentis, subtus pallidioris, maculis scrobiculisque quasi polliniferis conspersae, plerumque canaliculatae et saepe marginibus hinc inde connatae, siccae rigida et fragiles, madefactae molles et gelatinam referentes. *Laciniae* a se invicem remotae, breves, alternae, passim etiam oppositae, adscendentes, dichotomae: lacinulis divergentibus, obtusis.

**SCUTELLA** rarius frondibus latioribus minus divisis versus summum apicem innascuntur, ita ut apicem marginemve nullibi attingant, magna, orbiculata, concava, glabra, margine elevato granuloso-crispo cincta, subtus rugulosa.

*Differt itaque a reliquis Lichenibus solo natali semper terrestri, frondibus erectis, basi rubris, laciniatis, margine spinulis ciliato, ut recte exc. WEBERUS, Professor Kiloniensis celeberrimus, in Spicil. Fl. Goett. p. 237. pronunciat.*

Variat hic lichen frondibus latioribus humilioribusque, modo augustioribus et plerumque procerioribus; colore in aliis magis pallido ad viridem inclinante, in aliis magis ad fuscum seu potius castaneum vergente. Illustris SCHREBERUS, praeceptor et fautor summo pietatis studio colendus, ad thermas Carolinas Lichenem islandicum legit, paginas frondium superiore laete viridem, inferiore albidioribus; hic spinulis paucioribus ciliatus est, non tamen iis plane caret.



Aliam varietatem e Groenlandia allatam *Idem* mihi monstravit, quae frondibus differt latissimis, in lacinulas admodum parvas divisas, ita ut pene crispae appareant; margine fere toto calva, in quo hinc inde tantum una vel altera setula conspicitur. In Europa haec, quantum novi, extra Islandiam nondum lecta fuit.

Omnes istae varietates virtute non differunt, et perinde est, utram ad usus medicos adhibeas.

## §. II.

## SYNONYMA. ICONES.

Nomina quae Lichen islandicus a variis auctoribus accepit, sequentia sunt:

Muscus quidam crispae lactucae similis, minor et per ambitus leniter aculeatus, cespite latiusculo diffusus.  
CORD. *silv. obs.* p. 221.

Pulmonariae alterum terrestre genus. CAM. *epit.* p. 783.  
f. 2. bon. *hist.* l. 4. c. 57. f. 2. b.

Muscus catharticus. BORRICH. *act. hafn.* 1671 - 2. p. 126. *Descr. br. f. ic.* SIEB. *Scot. illustr.* p. 39. *descr. Borrich.*

Muscus pulmonarius terrestris sanguineus. BREYN. *eph. N. C. an.* 3. pag. 439. *descr. br. ic. bon.*

Muscus islandicus Bartholini. RAI. *hist.* 1. p. 114. *descr. Borrich.*

Coralloides cornua damae referens. TOURN. *inst.* p. 565.

Muscus islandicus purgans Bartholin. RAI. *syn.* 2. app. p. 333. *hist.* 3. p. 30. *descr. breviff.*

Musco-fungus terrestris, superne cinereus, islandicus.  
MORIS. *hist.* 3. p. 632. *descr. Borr.*

Lichen terrestris pinetorum rigidus, foliorum eryngii aemulus, basi purpurascens, substantia ad fuscum vergente. RUPP. *jen.* 1. p. 349. 2. p. 297. 3. p. 375. *nom.*

Lichen terrestris foliis eryngii. BUXB. *cent.* 2. p. 11. *tab.* 6. f. 1. *descr. et ic. mal.*

Lichen — angustifolius, spinis tenuissimis ad margines ornatus — MICH. *gen.* p. 85. *tab.* 44. f. 4. *cum scutellis.* SEGV. *veron.* 1. p. 58. n. 10.

Lichen foliis oblongis laciniatis, marginibus conniventibus ciliatis. LINN. *fl. lapp.* p. 339. n. 445. HALL. *enum.* p. 75.

Lichenoides rigidum, eryngii folia referens. RAI. *syn.* 3. p. 77. n. 90. DILL. *hist. musc.* p. 209. tab. 28. f. III.

Lichen (*islandicus*) foliaceus adscendens laciniatus, marginibus elevatis ciliatis. LINN. *fl. succ.* I. n. 959. 2. n. 1085. *mat. med.* I. n. 493. 3. n. 537. *sp. pl.* I. p. 1145. 2. p. 1611. LEYS. *fl. hal.* n. 207. GORT. *ingr.* p. 174. GERARD. *gallopr.* p. 29. HUDS. *angl.* I. p. 448. 2. p. 559. GUNNER *norv.* I. n. 425. POLLICH. *palat.* n. 1107. d. b.

Lichen fronde convexa ciliata pustulata obtuse ramosa utrinque levi, ramulis brevissime bicornibus. HALL. *hist.* 3. p. 82. n. 1978. *nomencl.* p. 180.

Lichen islandicus. OED. *fl. dan.* tab. 155. *egreg.* SCOP. *ann.* 2. p. 107. *carn.* 2. n. 1385. WEIS *goetting.* p. 68. BLACKW. *herb. Cent. VI.* tab. 599. f. I. 2. 3. WEBER. *goett.* p. 237. BERG. *mat. med.* n. 537. p. 855.

Lichen (*islandicus*) fronde erectiuscula laxa margine ciliata, scutellis subrotundis terminalibus planis. NECK. *meth. musc.* p. 109.

Nomen islandicum est *Fiallagraus*, danicum *Fiældgræs* i. e. planta rupestris. In Norvegia appellatur *Hedegræs*, *Hedemose*, sicut in Svecia *Hedemossa* i. e. muscus ericetorum. Germanico nomine proprio huc usque caruit; *isländischer Lichen*, *isländisches Moos* nuper appellari coepit.

Varietas frondibus angustioribus est

Lichenoides eryngii folia referens, tenuioribus et crispioribus foliis, Celsii. DILL. *hist. musc.* p. 212. tab. 28. *fig.* 112.

Haec apud Islandos nomen *Kloungur* fert.

Coralloides fruticuli specie fuscum spinosum DILL. *hist. musc.* p. 112. tab. 17. f. 31. quod b. a. LINNE varietatem lichenis islandici facit, distincta est species, nempe Lichen aculeatus SCHREB. *Spicil.* p. 125. WEBER. p. 207.

Icones lichenis islandici plures exstant, Camerariana, quam CONRADUS GESNERUS iam ligno incidi curaverat, Breyniana, Buxbaumiana, Micheliana, Dilleniana, Oede-

riana et quae in Blackwelliani herbarii appendice reperitur. Inter has duae ultimae praestantissimae sunt, tum Dillenii icon, in qua tamen scutella non satis bene repraesentantur. Figura Michellii operi inserta magis pulchra est quam accurata, Buxbaumiana omnino mala.

## §. III.

## PATRIA. TEMPUS COLLIGENDI.

Hunc lichenem in septentrionalibus orbis terrarum regionibus provenire, jam supra dictum est. In Islandia, quae insula nomen ipsi dedit, copiose provenit et ad usus infra enarrandos frequenter adhibetur. Abundat vero etiam in Spizberga, Groenlandia, Scotia, Anglia, Norvegia, Svecia, Finlandia, Russia, Sibiria. Germaniae non quidem omnes, variae tamen provinciae illum proferunt; circulus Franconicus eo non caret, in monte sic dicto pinifero enim copiose et circa Erlangam passim crescit. Notari meretur, primum cui innotuit, Botanicum, *CORDUM* \*), inter Suetachium et Lauffam, adeoque in vicinia nostra illum reperisse. In his terris, solo sterili sabuloso et lapidoso, modo sub umbra silvarum acerofarum, modo sub dio, innascitur. In regionibus australioribus, nempe Austria, Tyroli, Helvetia, Gallia australi et Italia superiore montes incolit altiores ipsasque Alpes.

Quod ad *tempus*, quo colligi debet, attinet, toto quidem anno, sicut alii lichenes, quaerentibus obviis et ad usus tam medicos quam oeconomicos aptus est; commodius tamen post pluviam vel tempestate humida legitur, quam sicca, qua frondes arescunt, facile franguntur, et legentium manus laedunt, aegriusque a lichenibus adhaerentibus separantur. Apud Islandos aestivae noctes huic messi destinatae sunt. In eundem campum non nisi tertio anno elapso revertuntur, lichenem hunc intra triennium adolefcere persuasi \*\*). — Collectus ab adhaerentibus heterogeneis sordibusque purgari et statim leniter ficcari debet.

\*) *Obs. Sylv. p. 221.*

\*\*) *Vid. des Vice-Lavmand EGGERT OLAFSENS und des Landphysici BIARNE POVELSENS reise durch Island, Lips. 1774. part. I. p. 85.*



## §. IV.

## O D O R.    S A P O R.

Equidem nullum in lichene islandico percipere possum odorem, nisi fungosum illum, quem cum reliquis lichenibus communem habet. Decoctum aquosum odore decoctum florum Acaciae fere refert; decoctum autem lacteum odorem minus fragrantem praebet.

Sapor lichenis islandici masticati praeter specificum lichenum saporem, amarus est. Amarities autem plurima in decoctum aquosum transit: oleosae vero lactis particulae amaras lichenis magis involvunt; hinc decoctum lacteum, gustui minus ingratum est aquoso.

## §. V.

## DIACRISIS CHEMICA.

DECOCTUM. EXTRACTUM AQUOSUM PRIMUM; RESINOSUM SECUNDUM LICHENIS ISLANDICI.

Expositis, quae sensuum adminiculo in lichene islandico inveniuntur, ad mixtionem eius progredior, quam experimentis chemicis, quantum fieri potuit, accurate institutis, eruere annifus sum. Facta sunt in laboratorio CL. FRISCHMANNI, Pharmacopoei Erlangensis meritissimi, et ob insignem in Pharmaceuticis, chemicis et historia naturali scientiam omni laude et honore dignissimi, cujus opem in hisce laboribus magnopere mihi profuisse grata mente profiteor.

Ante omnia experiri oportuit, num quid aqua communis frigida, et quidnam, e substantia lichenis educere valeat? an forte ejus ope substantiae amylaceae, aut glutinosae quidquam exinde elui possit? quae e farina variorum seminum lavando facile obtinentur \*). Exigua quidem erat spes, fore ut hac ratione partes quaedam separentur; cum

\*) Vid. praeter experimenta cl. BECCARII in *comm. Bonon.* t. I. p. II. p. 122. recensita, KESSELMAIERI *dissert. de quorund. veget. princip. nutriente*, in cl. WITTWERI *delect. diff. Argentorat.* vol. I. p. 100. cl. MALOVIN in *Schauplaz der Künste tom. VIII.* p. 188. cl. SAGE *analyse des blés, Parisiis* 1776.

aqua pura, licheni sicco adfusa, pelluciditatem non amittat. Hoc tamen non obstante, lichenis islandici, in subtilissimum pulverem redacti, unciam dimidiam aqua communi destillata frigida humectavimus, et aliquot horis elapsis in mortario puro diu et continuo trituvimus, aquae quantitatem per vices augendo usque dum octo unciarum pondus aequaret. Haec trituratione per aliquod tempus continuata, sensim turbulenta fiebat minusque fluida; tandem, lichenis reliquiis separatis seponebatur. Flocculi minutissimi, in hoc liquore suspensi, tardissime fundum petebant; quo facto sedimentum exsiccabatur, quod massam consistentiae fere corneae nigricantem, in superficie pulverulentam et cineream, sistebat, grana sex pendentem. Liquor percolatus evaporatione erogavit extracti mucilaginei fuscescentis, satis tenacis et subdulcis grana decem. Chartae ad colandum adhibitae pondus granis triginta et octo auctum deprehendebatur. — Lichen residuus, antea siccatus, aceto destillato nunc humectabatur \*), tum, adfusa aqua, denuo trituvabatur, quae evaporatione similem supra descriptae massam reddebat, ponderis granorum septemdecim, acetum olentem. Lichenis quod supererat, pendebat drachmas duas cum scrupulis duobus granisque totidem. — Pulvis supra commemoratus, massae corneae adhaerens, nihil aliud esse videtur quam molecule lichenis trituratione abrasae; microscopio enim examinatus scobem lichenis subtilissimam omnino refert; nec ipsa haec massa alius indolis esse videtur. Amylaceae itaque partes nullae, nec glutinosae aliquae in lichene islandico detegi potuerunt. — Ad alia igitur experimenta transeo.

Lichenis islandici, ab omnibus sordibus purgati et concisi uncias quatuor in aquae destillatae simplicis libris circiter viginti quatuor, successive adfusus, per horas circiter sex coimus. Decoctum percolatum, et continuo evaporatum, usque dum duae circiter librae aquae superessent, deinde loco frigido sepositum, post refrigerium gelatinam, vel potius cruorem e vena missum et coagulatum referebat. Sapor ei erat amaricans et color e rubicundo cinereo-albicans.

\*) Rationem hujus experimenti exhibet §. XII. dissertationis cl. KESSELMAIERI, l. c. p. 110.

Sequenti die inspissatio continuabatur ignis gradu lenissimo, ut ne empyreumate liquor inquinaretur. Ad aquam omnem, quantum fieri posset, abigendam, ut partium extractivarum pondus eo accuratius determinari posset, plus quam pilularis massae consistentia requisivisset, crassamentum inspissabatur, tandemque in cribro super fornace adhuc magis exsiccabatur. Hoc modo extractum nanciscebamur e flavo-virescente fuscum, scammonio smyrnaeo simile, amaroris fere expers et pene insipidum, acredine tamen aliqua non plane carens, quod uncias duas et totidem scrupulos pendebat. Colatorium, quod purum drachmas novem aequaverat, facta percolatione exsiccatum easdem scrupulo superabat. Totius itaque extracti aquosi primi, e lichenis IV. unciis educti, pondus ad uncias II. et scrupulos III. facile adscendere colligitur.

Portioni lichenis ab extractione residuae, unciam unam cum drachmis sex pendenti, adfundimus spiritus vini rectificatissimi libram unam. Digestione et destillatione facta liquorem leni iterum igne inspissare coepimus, quo tempore gustatus peramarus erat, quem saporem evaporatione continuata, adhuc intensiorem fieri observabamus. Liquorem jam spissiusculum in patella murrhina lenissimo igne — ut ne empyreumaticus fieret — ad siccitatem fere redeimus. Extractum resinofum secundum, ita collectum, colore cum aquoso primo fere conveniebat, nisi quod paullo magis fuscum esset, sapore amaricante, subadstringente, nauseoso, odore rancido. Pondus ejus erat granorum viginti et octo; grana octo circiter adhuc in patella haerebant, non facile abradenda. Colatorium drachmas novem, grana viginti et tria pendebat, quae superioribus addita, pondus totius hujus extracti dant unius circiter drachmae. Residuum ponderatum unciam unam cum drachmis quinque totidemque granis aequabat.

## §. VI.

TINCTURA. EXTRACTUM RESINOSUM PRIMUM;  
AQUOSUM SECUNDUM.

Ad haec rite paranda eandem lichenis islandici quantitatem recepimus, scilicet uncias quatuor, quibus spiritus



vini rectificatissimi uncias octodecim affudimus et e retorta destillavimus usque ad residuam quartam partem. Spiritus destillando abstractus plane nullam subierat mutationem. Color tincturae fuit olivaceus. Colaturam, affusis sedecim uncis aquae destillatae simplicis, leni igne evaporavimus, atque extracti drachmas duas et scrupulos duos obtinimus. Colatorium ponderis fuit ante extractionem drachmarum novem; extractione autem facta, drachmarum decem. Residuum hujus extracti spirituosum pondus habuit unciarum trium cum dimidia et drachmae semis. Color similis ac in extracto resinoso secundo, odor idem, sed sapor minus amarus. Extractum spirituosum secundum itaque, si amarius medicamentum desideres, primo longe est praefendum; utpote quod partes mucilaginosas multas continet, quibus inertius redditur, quas autem extractio, aquae ope instituta, plerasque aufert, et spiritui puriorem resinam relinquit solvendam. Partis remanentis unciae tres cum dimidia et drachma dimidia in aqua destillata recoctae colabantur, et colatura evaporatione eandem ob causam, quam §. V. commemoravi, ultra consistentiam massae pilularis inspissabatur. Extractum colore ab aquoso primo parum vel nihil discrepans, insipidum fere et inodorum, pondere unciam unam et drachmas quinque, colatorium autem drachmas novem et scrupulos duos aequabat. Totius itaque extracti aquosi secundi pondus unciarum duarum cum unico scrupulo fuit. Supererat, peracta hac extractione, recrementorum uncia una cum drachmis septem ac duobus scrupulis.

His observationibus confirmatur, quod experientiss. ZIEGLERUS in diss. de *digestore Papini* refert, lichenem islandicum tam aquosum, quam spirituosum extractum, aquosum autem spirituofo copiosius, erogare \*).

#### §. VII.

EXPERIMENTA CUM LICHENE PULMONARIO FACTA.  
DECOCTUM. EXTRACTUM AQUOSUM PRIMUM, RESINOSUM SECUNDUM.

Quamquam species ejusdem generis, indole quoque convenire soleant et facultatibus; tanta tamen nonnumquam

\*) *Spec. phys. chem. de digestore Papin. Basil. 1779. p. 55.*

observatur differentia, ut promiscue sibi substitui nequeant. Differentia igitur illa diligentissime disquirenda est, ne imprudenti substitutione aegrotis plus noceamus quam profimus. Quoniam a longo tempore PULMONARIA ARBOREA, seu LICHEN PULMONARIUS LINN. in nostris officinis venalis prostat, et in quibusdam morbis eodem modo, quo islandicus, adhibetur; consilium cepi, experimenta quaedam chemica cum eo instituere, ut comparatione utriusque appareat, utrum promiscue adhiberi sibi que omnino substitui queant. Hac mente lichenis pulmonarii, ab adhaerentibus bryis hypnisque mundificati ac concisi, uncias quatuor in aqua destillata coximus, et accepimus extracti aquosi primi, fusci, salivam colore brunneo ad rubellum nonnihil inclinante tingentis, amariusculi parumque acris, drachmas sex cum scrupulis duobus. Colatorium ponderis fuit ante extractionem drachmarum novem cum dimidia, post autem drachmarum decem. Residuum pendit unciam unam et semis cum drachma dimidia; ex eo conficiebatur extracti resinosi secundi fusci, saporis amaricantis et acriusculi, odoris nonnihil nauseosi, rancidi, drachma una, residuo postea unciam unam cum dimidia pendente. Huic licheni particulae mucilaginosae non tanta copia insunt quam licheni islandico. Utrumque igitur extractum sine metu ut ab igne odorem et saporem empyrevmaticum conciperet, ad consistentiam massae pilularum inspissare potuimus.

## §. VIII.

LICHENIS PULMONARII TINCTURA. EXTRACTUM  
RESINOSUM PRIMUM; AQUOSUM SECUNDUM.

In his praeparandis eadem quantitas lichenis pulmonarii cum spiritu vini rectificatissimo digesta et destillata, extracti resinosi unciam dimidiam erogavit, quod colore, sapore et odore resinosum secundum imitabatur, nisi quod amarior esset. E parte residua, drachmas tredecim cum dimidia pendente, obtinuimus extracti aquosi secundi drachmam unam et scrupulum dimidium. Hoc colore ab aquoso primo parum discrepabat, nec fere plus sapore, nisi quod

minus amarum, sed potius fere acidulum esset. Deinde residui pondus fuit unciae unius et dimidia.

## §. IX.

## EXPERIMENTA CUM LICHENE RANGIFERINO INSTITUTA.

## EXTRACTUM RESINOSUM ET AQUOSUM PRIMUM.

Absoluta Pulmonariae arboreae docimasia, animum subiit cupido experiundi, quaenam partes mixtionem notissimi illius LICHENIS RANGIFERINI LINN. ingrediantur, quo, ut supra retuli, tarandi vescuntur, qui hominibus etiam esculentus videtur, quemque Cl. FABRICIUS \*) in mensis rusticorum Norvegorum, loco panis corticei apponi vult. Duplex a. b. LINNEO \*\*) statuitur varietas: *alpestris*, quae Coralloides montanum, fruticuli specie, ubique candicans DILL. *hist. musc. p. 107. tab. 16. fig. 29.* rangiferorum potior esca; et *silvaticus*, Coralloides fruticuli specie candicans, corniculis rufescentibus DILL. *l. c. p. 110. tab. ead. f. 30.* quo apud nos cervi hiemali tempore nutriri solent. Hujus, utpote cujus folius quantitatem ad experimenta sufficientem obtinere potuimus, uncias quatuor eadem methodo, qua extracta spirituosa supra commemorata parabantur, tractavimus, et nacti sumus extracti resinosi primi drachmas duas cum granis octo. Tinctura colorem referebat straminis immaturi, sapor autem erat debilis. Extractum fusco-virescens ab initio acidulum, post exiguam moram acredine linguam urebat nihilo fere minore, ac Polygonum Hydropiper LINN. Totidem unciae in aqua destillata coctae, colatae et inspissatae praebuerunt extracti aquosi primi fusci, aciduli et acriusculi, deinde adstringentis, drachmas tres.

## §. X.

## EFFECTUS SOLUTIONIS VITRIOLI FERRI INFUSIS HORUM LICHENUM INSTILLATI.

Oportuit quoque, lichenes haecenus dictos aqua infundere et quomodo infusum a solutione vitrioli ferrei instillata mutetur, explorare.

\*) *Reise nach Norwegen p. 206.*

\*\*) *Sp. pl. p. 1620. 1621.*



Infusum *lichenis islandici* aqua destillata calida paratum, addita solutione vitrioli ferri induebat colorem e rubro badi-um, magis tamen rubrum quam badium.

Infusum *lichenis pulmonarii* a vitriolo martis colorem badium ad pallide lividum vergentem nanciscebatur. Diu dubius haesi, an hoc experimentum cum infuso lichenis pulmonarii instituerem, nec ne. Dubitari enim posse videbatur, utrum mutatio coloris a vitriolo ferreo induc- ta, licheni ipsi et foli tribuenda esset, an ne ad eandem producendam quercuum succus aliquid conferret, quibus lichen pulmonarius saepissime innascitur, unde etiam is, qui in pharmacopoliis venit, plerumque collectus est.

Infusum *lichenis rangiferini silvatici*, additis aliquot gut- tis vitrioli martis aqua soluti, versicolor, mustum ex rubris et albis uvis confectum referebat.

Observavi tamen, omnia haec infusa cum vitriolo mar- tis diversum exhibere colorem, pro diversa radiorum inci- dentium refractione.

## §. XI.

### LICHENIS ISLANDICI AQUA DESTILLATA; OLEUM EMPYREVMATICUM.

ZIEGLERUS, v. cl. supra §. VI. laudatus, lichenem islandicum inter ea vegetabilia refert, quorum partes quae- dam destillatione in vas recipiens transeunt. Nec immeri- to. Libra enim dimidia ejus incisi, additis aquae destilla- tae libris duodecim, in vesica cuprea stanno obducta per viginti quatuor horas digerebatur, et deinde destillabantur aquae librae octo pond. civ. quae odore et sapore debilissi- me acidulo et acriusculo jusculum tenue refert, in quo Mor- chellae \*) elixatae fuerunt.

Eadem quantitas lichenis islandici destillabatur e re- torta terrea, igne aperto gradatim aucto, commissuris luto probe obturatis. Quae in excipulum transierant, pondus habebant unciarum quinque drachmarum septem et scrupu- pli unius: carbonem autem vel residuum destillationis un-

\*) Elvela lamina gyrosa, sub inaequalis pileoli forma deorsum late- et sinbriatim expansa. GIEDITSCH. *merk. fung.* p. 39. n. 2.

ciarum duarum et scrupuli unius. Postquam illud aliquantisper loco frigido steterat, ope infundibuli separavimus oleum a reliquo liquore, quod ponderis fuit drachmarum duarum et scrupuli unius, et odorem talem sparsit, qualem spiritus lignorum reddere solet.

## §. XII.

## SAL ALCALI FIXUM. TERRA.

Lichenis islandici a fordibus et arena purificati libra dimidia, in lamina ferrea pura accendebatur. Magnam edebat flammam cum crepitu, non aliter ac si nitro scateret. Cinerum collegimus drachmam unam et grana quinquaginta quinque. Horum quartam partem adhuc constitebant carbonēs: immittebantur itaque crucibulo, et in igne satis vehementi per duas continuas horas detinebantur. Sic carbonēs quidem, superficiei proximi, in cineres abibant; at in fundo crucibuli multi supererant incombusti, quos etiam in cineres convertere oportebat. Totam itaque cineris et carbonum miscelam in patella ustulatoria, sub furni docimastici fornice, igni violentiori exponebamus; quo facto intra spatium horae omnes carbonum reliquiae evanescebant. Cinis, nunc purus, pondere scrupulos quatuor et grana quinque aequans, in aqua destillata coquebatur et post filtrationem et evaporationem salis alcali impuri grana dabat duo. Perillustri DELIUS, fautor ac praeceptor aeternae venerandus idem sal e lichene nostro majori copia obtinuit \*).

Terrae post elixivatum sal alcali residuae, ejus color e carneo cinerascens, adfudimus aquae destillatae unciam unam et dimidiam, deinde acidum nitri instillavimus, quod terram cum effervescentia solvebat, et calcis nitratae seu phosphori sic dicti Balduini producebat drachmam dimidiam, coloris carnei ad cinereum declinantis. Acido vitriolico phosphoro isti Balduini, adhuc soluto, instillato statim precipitabatur omnis terra sub forma selenitis, manifesto indicio, eam vere calcariam fuisse.

Lixivio sanguinis eidem calcis nitratae solutioni instillato, color illico apparuit eleganter caeruleus. Terra,

\*) Diss. de *Acetiope vegetabili*, p. XXI.

unde acidum nitri particulas calcarias extraxerat, finita earum solutione, ut partium solubilium nihil remaneret, in eodem acido cocta, in duas partes dividebatur, quarum alteri acidum vitrioli, alteri salis communis superfundebatur. His deinde lixivio sanguinis instillato, idem color caeruleus induebatur, et brevi tempore elapso, sicut in solutione supra dicta, caeruleum berolinense pulcherrimum in fundo collectum conspiciebatur. Hinc terram metallicam ferri in lichene islandico latere facile colligitur.

Omnibus quotquot solvi poterant particulis solutis, restabat terra insolubilis partim grossior, quae nihil aliud quam arena vulgaris erat, partim subtilior, filiceae indolis. Ambae ea proportionem sibi invicem permixtae deprehendebantur ut 6 ad 14.

Obtinentur itaque e libra lichenis islandici combustionem:

Salis alcali fixi	-	-	-	gr. 4.
Terrae calcariae circiter	-	-	-	112.
Arenae, fere	-	-	-	15.
Terrae insolubilis filiceae, fere	-	-	-	34.
et terrae metallicae ferri exigua portio.				

Dubitari potest, utrum terra martialis lichenis islandici mixtionem semper ingrediatur? an in eo tantum haereat, quem solum marte foetum (eisenschüssig) produxit et aqua martialibus particulis scatens subinde inundavit. Non diffiteor, lichenem quem ad experimenta supra recensita adhibui, in tractu, ubi ferro facile inquinari potuit, fuisse lectum. Nihilo tamen fecius terra martialis elementum esse videtur, quo lichen islandicus numquam caret. In ea opinione confirmor experimento, in lichene rangiferino instituto. Hujus, in solo nec ochra ferri, quantum apparet, praegnanter, nec aquis martialibus exposito collecti unciam cl. FRISCHMANNUS combussit et calcinavit, cinerisque obtinuit (carbones fere magis referentis) drachinam, cum granis decem, qui acido nitri solutus, lixivio sanguinis affuso praecipitatum coeruleum pulchrum satisque copiosum exhibuit. In hoc terra martialis, praecipitato manifestata, pro inquinamento haberi posse, mihi quidem non videtur.



## §. XIII.

## CARNIS CUM LICHENE ISLANDICO SERA PUTREDO.

Residuum aquae destillatae lichenis islandici gelatinam referebat. Per tres menses apertum loco frigido repositum, nullam subiit mutationem; color semper idem, nec ullum odoris putredinosi vestigium observabatur. Hanc ob rationem arbitrabar, carnem lichene involutam serius forte putredinem contracturam esse; quod quodque sequenti modo expertus sum.

Die secundo mensis Novembris hora decima matutina, uncias duodecim carnis bubulae bene mundatae et recentis in tres divisimus partes.

Una parte pyxidem terream inpleximus eamque charta bibula teximus; in hac post quinquaginta et sex horas, odorem animadvertimus putredinosum.

Simili vasculo alteram partem cum pulveris lichenis islandici uncia una indidimus, et in hoc non prius quam post septuaginta horas cadaverosus sese ostendit odor.

In tertio denique vasculo terreo ultima pars carnis bubulae pulveris corticis peruviani uncia una conspersa et undique tecta odorem putredinosum, septuaginta et sex horis praeterlapsis spargere coepit.

Corii quoque caprini portionem, pulvere lichenis islandici undique circumdatam, et sufficienter humectatam, convenienti loco reposuimus, simulque aliam cortice peruviano pulverisato tectam.

Sex hebdomadibus elapsis frustum, in lichene islandico maceratum, non multo inferius deprehendebatur illo ad quod praeparandum cortex fuerat adhibitus. — Patet itaque, lichenem islandicum stypticis particulis non destitui; etsi ad coria perficienda illum adhibere, potior utilitas dissuadeat.

## §. XIV.

## PRAEPARATA PHARMACEVTICA.

## PASTA LICHENIS ISLANDICI. SYRUPUS.

Residuum (§. XII.) occasionem praebuit disquirendi: annc aequè bene ac ex radice Althaeae, pasta inde confici

possit. Eadem methodo qua pasta Althaeae \*) praeparatur, rem tentavimus, ita tamen ut nullum nostrae additum fuerit gummi arabicum. Sumebantur aequales portiones sacchari et lichenis islandici. Albedine quidem caret lichenis islandici pasta, qua pasta de Althaea placet, sapore autem pergrato se commendat.

Aliud medicamentum e lichene islandico a nobis praeparatum similitudinem quidem cum syrupis habet, sed tamen consistentia gelatinae, et quidem si rite despumetur, pellucidae ab ipsis differt. Recipiebantur lichenis islandici unciae duae. Coquebantur cum aq. commun. unc. viginti quatuor usque ad residuas unc. sex; addebatur sacchari libra una. M.

Utrumque, hoc praeparatum et pasta, de qua supra loquutus sum, pergrati sunt saporis, iisque in casibus exhiberi possunt, ubi aegroti nimis delicatuli amaritiem aspernantur et cupedia in deliciis habent. Sed progrediamur ad varias vires nostri lichenis determinandas.

### §. XV.

#### LICHENIS ISLANDICI VIS NUTRIENS.

Homines, partim necessitate coacti, partim luxuria ducti, omnia fere quae regnum animale cum vegetabili subministrant, ad corpus alendum adhibent. Dura praesertim necessitas, miseros fame pressos materiam cibariam rebus augere coëgit in longe alios usus creatis, quae esculentae fieri posse vix videntur, et nutritionem cujus causa ingeruntur, potius impediunt, quam ei inserviunt. Exemplo cortex pini silvestris esse potest, adstringendi facultate notissimus, e quo in septentrionalibus regionibus frequenter panis praeparari solet \*\*). Ejusdem farinae etiam lichen noster islandicus esse, iis videri posset, qui obiter tantum illum inspexerunt; cibus aridus, exsuccus, anceps et fere nauseosus, a quo alimenti parum vel nihil expectari possit. At vehementer fallerentur qui ita sentirent. Accuratori enim ejus examine instituto et re melius pensitata dubitari nequit,

\*) *Pharmacopoea Würtemberg. ed. an. 1771. p. 135.*

\*\*) *LINN. amoen. acad. vol. V. p. 67.*

iis illum vegetabilibus adnumerari debere, quae vi nutriendi insigni pollent. In genere enim, ut verbis utar Ill. ISENFLAMMII, fautoris ac praeceptoris aeterno cultu prosequendi \*), vegetabilia materiam alimentariam praebentia eo aptiora atque ad nutritionem eo magis adhibenda sunt, quo magis eorum particulae, materiae illi, qua corpus nutritur, quaeque ad solida apponitur, sunt analogae, quoque melius constitutioni respondent hominum individuali. Materia illa nutritia, quae e particulis, ex animali aut vegetabili nutrimento eductis, elaboratur et tandem, expulsa parte aquosa, solidi naturam induit, gelatinosae indolis est \*\*). Gelatinam autem animalium jam facie externa lichen islandicus refert; neque haec convenientia tam superficialis esse videtur, ut non eum ab ipsa quasi natura gelatinae magis assimilatum, facilius cum humoribus corporis animalis misceri, subigi et in succum nutritioni aptum converti posse indicet, quam alia corpora succique mucilaginosa indolis. Mucilago omnis quidem, notante b. CARTHEVSERO \*\*\*), a gelatina animali quoad indolem parum distincta est, praeterquam quod loco salis aciduli tenerrimum quoddam sal medium ammoniacale (a perill. DELIO \*\*\*\*) egregie demonstratum) et major substantiae oleosae crassioris portio mixtionem ejus ingrediantur; unde facilis unius in alteram, intra corpus animale, peragenda mutatio perspicitur. Attamen id etiam certum est, quod idem CARTHEVSEUS, v. olim cl. monet †), quaedam mucilaginosa praeter reliquas virtutes corpori humano laudabile nutrimentum prae aliis largiri; in quorum censum v. c. radix Salab, Sago et cumprimis Lichen noster referri meretur. Hanc hujus virtutem nutrientem longa confirmat experientia, praesertim Islandorum. Cl. OLAVIUS ††) vim ejus bene et solide nutriendi praedicat, tantaque illum gaudere asserit, ut operarii, victum tenuem alias aspernantes, hoc satis sint contenti.

\*) In diss. de glutinis animalis cum veget. comp. resp. nutr. p. 20.

\*\*) LUDW. inst. physiol. §. 255. seqq.

\*\*\*) Mar. med. tom. I. p. 165.

\*\*\*\*) in diss. de Sale feri Erlang. 1766.

†) l. c. p. 166.

††) OLAFSENS und POVELSENS Reise durch Island, tom. I. p. 86.



Cl. HONREBOW testatur, se hunc lichenem non solum ut cibum salubrem, sed etiam sapidum, saepius et libenter comedisse. Idem quoque narrat, Islandos in iis insulae partibus, ubi copiose provenit, lubentius illo uti quam farina frumenti \*). Ex OLAVII ante laudati sententia haec vis nutriendi eo majorem meretur laudem, quo certius est, lichenem facilis esse digestionis, et ventriculum debilem non gravare; ut etiam apprime conveniat debili stomacho laborantibus phthisique correptis; atque ea propter frugum loco in communem et quotidianum abiisse victum \*\*). Haec lichenis praestantia non alii quam roborandi virtuti debetur, de qua nunc nobis erit agendum.

## §. XVI.

## VIS ROBORANS.

Vim roborantem licheni islandico inesse experientia testatur. Haec ex ejus amaritie potissimum deduci et explicari debere videtur. Omnes plantae amarae, pro abundantia particularum terrestrium, salinis intimius junctarum, roborandi vi pollent \*\*\*); adeoque etiam noster lichen. Dissimulari tamen nequit, amaras particulas non adeo esse copiosas, ut solae omnem roborandi facultatem, quam exserit, ipsi impertire posse videantur. Si autem, quod mihi quidem vix dubium videtur, martiales particulae semper in hoc lichene resident, ejusque mixtionem ingrediuntur; vis robur solidorum augendi his absque dubio exaltatur atque augetur, etsi molecularum benefici hujus metalli quantitas exigua sit. Altius enim cum reliquis plantulae elementis ad sanguinem penetrant, lymphae admiscentur et ad tenacem viscidamque corrigendam tantum, quantum portionis moles permittit, conferunt. Quinimmo in ipsis jam primis viis, ut dixi, robur fibris reddendo eximie prodest, eamque ob causam non solum ipse non facili negotio concoquitur, sed aliorum quoque ciborum digestionem quodammodo opitulatur. Hic tamen notari velim, in quibusdam aegris

\*) BERG. *mar. med.* p. 857.\*\*) BERG. *l. c.* p. 856.\*\*\*) LUDW. *inst. iher. gen.* §. 174.

appetitum usu lichenis esse imminutum. Hujus causam fortasse cruditates primarum viarum nondumeductae sistunt. Aegrotis qui de imminutione appetitus conquerebantur, laxans propinavi, et deinde usum lichenis continuare jussi; quo facto appetitum non imminutum, sed potius majorem existisse retulerunt.

## §. XVII.

## VIS ECCOPROTICA.

De vi lichenis islandici leniter aluum solvendi, auctorum sententiae diversae sunt. A BORRICHIO, enim ob vim illam dicitur *Muscus catharticus* et, „eo insulae, inquit, coloni primo vere ad expurgandos corporis humores noxios utuntur, reliquo aestatis siccatum comminuunt, et pulmentariis admiscunt, expirante demum vi purgatrice et succedente alimentaria \*).“ Cl. SCHOENHEYDER in aegrotis quibusdam, quibus lichenem islandicum propinavit, ab initio diarrhoeam inde oriri observavit, quam usu emulsionis gummi arabici sedavit \*\*). Contrariam autem fovere sententiam Cl. OLAVIUS vel potius Cl. PAULLI, Medicus Islandus videtur, et contendit, illum non esse catharticum, sed tantum alvum mollem et apertam servare \*\*\*). Hoc probare studet partim ex quotidiana experientia Islandorum, partim quod femina quaedam ad diarrhoeam pertinacem per aliquod tempus cohibendam lichene islandico feliciter usa fuerit. Sed neutrum cl. viri argumentum hanc efficaciam medicamenti nostri dubiam reddere mihi quidem videtur. Quod enim ad primum attinet, neminem fugit, homines alimento vel medicamento cuidam adsuetos, effectu carere, quem alii iisdem nunquam usi experiuntur. Novi aliquos, qui, vitio diaetae commissio et cruditatibus inde ortis, statim pulverem radices rhei ingerere assueverunt; frequenti hoc usu actio medicamenti in intestina sensim ita imminuitur, ut effectus sequatur longe minor, quam in

\*) *Acta hafn.* 1671. p. 126.

\*\*) *Sammlung auserlesener Abhandlungen zum Gebrauch practischer Aerzte.* Tom. III. p. 403.

\*\*\*) *Vid. OLAFSENS und POVELSENS Reise durch Island tom. 1. p. 86. et 87. et ill. BERGII mar. med. tom. 2. p. 856.*

aliis, qui raro vel nunquam antea rhabarbarum adhibuerunt, et triplum devorare debeant ad obtinendum effectum voto respondentem. Quod ad alterum attinet, perinde unicuique notum est, corticem peruvianum alvum iusto laxiorem cohibere. Idem vero, quod ipse expertus sum, hominibus laxitate intestinorum laborantibus, eandem plus minusve subducit. Pari ratione lichen islandicus, quem vi roborente corticem supra dictum imitari superiore paragrapho exposui, et alvi fluxum sistere aliquando potuit, et eundem in alio subiecto movere. — Si rarius vis lichenis eccoprotica in Islandia sentitur, id etiam exinde forsitan explicari potest, quod, teste cl. *OLAVIO*, diutius illum aqua macerare solent, antequam coquatur; qua partes multae activae eluuntur et efficacia insigniter minuitur. — Ipse testari possum, plures aegrotos, quibus lichenem islandicum praescripsi, mihi retulisse, se ab initio per aliquot septimanas alvum sensitisse aliquantò laxiorem, quam antea. Non tamen etiam dissimulandum est, esse qui lichene islandico nullatenus moventur, etiamsi illum in aqua leniter coctum, sufficienti alias copia comedant.

## §. XVIII.

VIS ANTHELMINTHICA, DIAPHORETICA, DIVRETICA  
ANTISEPTICA.

Cum lichen islandicus alvum laxet, quaeri etiam posset: anne virtus anthelmintica ipsi queat tribui? Medicamenta, quibus vermes oppugnantur, partim eos debilitare et necare, partim e canali intestinorum expellere debent. Illorum plura amara sunt; et forte amarities una cum acre dine, quae licheni islandico insunt, efficerent, ut illi anthelminticorum classi adnumerari possit, si experimenta eo scopo instituerentur. Ad expellendos vermes autem nimis videtur debilis.

Firmiori talo stat virtus diaphoretica, de qua *b. URBANUS HIAERNE* annotavit, se in se ipso periculum fecisse, et expertum fuisse, quod praeter vim eccoproticam, transpirationem quoque insensibilem promoveat \*). Haec vis

\*) *Abhandlungen der schwedischen Acad. sechster Band. p. 165.*



absque dubio particulis subtilibus acribus tribuenda est, quae ut e §. §. V. et XI. constat, lichenis islandici mixtionem ingrediuntur, stimulisque lenibus non solum diaphoresin, sed etiam, circumstantiis mutatis, excretionem vicariam urinae copiosorem promovere possunt.

Ex observationibus §. XIII. in medium prolati facile colligitur, lichenem islandicum vi putredinem avertendi non plane destitui, quam tamen ea inferiorem esse quae chinchinae cortex adeo insignis est, agnoscimus et lubenter largimur.

### §. XIX.

#### USUS LICHENIS ISLANDICI IN TUSSI.

*Observatio I.* Vir quadraginta et quatuor annorum, habitus succulentioris et robustioris, vitae generi adsuetus modice laborioso, qui plures iam morbos, praecipue in juventute febrem inflammatoriam et febrem putridam perpeffus erat, tussi hoc tempore per totum fere annum laboravit, quae eum praesertim tempore valde vexavit nocturno. Hanc ob rationem ad eum vocatus, praescripsi ei lichenem islandicum et quidem sequenti modo:

R. Lichen. island. unc. jv.

Concis. D. Sign. Sumantur duo cochlearia, coquantur per dimidiam horam in libra aquae et lactis dimidia.

Coletur per pannum et sumatur.

Hoc usus est ter per diem tempore matutino, post prandium et antequam lectum petiit. Nunc eo jam utitur per tres septimanas et a tussi fere plane liberatus est. Usus lichenis in principio appetitum ejus ingenti modo auxit, urinam majori quantitate civit atque somnum et gratiorem et placidiorem ei conciliavit.

*Observatio II.* Alutarius quidam quinquaginta annos natus, habitus ficcioris sed robustioris, multis jam morbis, praecipue semestri praeterlapso aestivo cephalaea gravi per quatuor septimanas vexatus et ab hac sanatus, febre tertiana per tres septimanas laboravit. Tunc temporis cura ejus in collegio clinico ab Illustri WENDT, viro in praxi medica experientissimo, felicissimoque, ob insignia sua in me

merita maxime semper devenerando mihi tradebatur. A febre tertiana adhibitis convenientibus remediis liberatus, cum a frequenti refrigeratione sibi non caveret, fructusque horaeos viliores copiosius ingurgitaret, in tussim incidit: adeo vehementem, ut ne noctu quidem somno indulgere posset. Praemisi tunc per aliquot dies usum potionis asthmaticae Brunneri, hac vero sine ullo levamine assumpta, praescripsi ei lichenem islandicum, quo per tres utebatur hebdomades cum insigni mutatione status. Appetitus enim redibat, somno reficiebatur, omnesque functiones cum facilitate et oblectamento fiebant. Tussicula tantum parvi momenti remansit. Tam subito convalescens non amplius lichenem adhibere necessarium putavit. Postquam autem per sedecim dies ejus usum omisisset, omnia in pejus iterum inclinarunt. Lichenis itaque decoctum repetere coactus: bis quotidie illud hausit, quo per tres septimanas facto nunc quidem sanatus est, usum tamen adhuc continuat.

*Observatio III.* Vir quinquagesimum agens annum, corporis robusti, semper vitam ducens mobilem, tussi per quatuor hebdomades laborabat; initio tussis non erat vehemens, et ceteroquin negotia sua consueta peragere poterat; remediis itaque utebatur nullis. Vehementia autem tussis de die in diem aucta, ita, ut nocturno tempore somnum capere non posset, et semper sedendo tussire cogeretur, accedente etiam dolore ardente intolerabili in thorace, usum quotidianum unciae unius lichenis in decocto ipsi commendavi, quo intra octiduum perfecte restitutus est.

Cl. SCOPOLI de concionatore Capucino refert, eum macilentum per duos annos tussisse, post usum lichenis pinguiorem factum et sanitate perfecta gavisum esse. *Idem* de femina quadam debili, tussiculosa et infirma narrat, eam solo usu lichenis convaluisse \*).

Ego ipse, tussi cum excreatione muci tenacis laborans, quotidie tempore matutino decoctum lacteum lichenis octodecim diebus assumsi. Rarissime nunc tussio, excreationis fit facilius nec adeo frequens est. Saepius tussis adeo vehemens fuit, ut vomitum produceret. Quod ad

\*) *Annus historico-natural. II. p. 117.*

reliquos attinet effectus, quos in me observavi, primis diebus alvum quam lenissime solvit, et usque ad prandii tempus omni carere potui alimento.

## §. XX.

## USUS IN HAEMOPTYSI.

Praeclarum edere effectum lichenem in haemoptysi, Cl. ZÜCKERT annotavit \*) URBANUS HIAERNE magnam quoque laudem ei tribuit in hoc morbo \*\*).

*Observatio IV.* Musicus quidam annorum triginta et quatuor, facie pallida flavescente, qui tibiae gingrinae genere, *Fagot* dicto, inflatu difficili modulari solet; in tenera juventute haemorrhagias narium largas, atque vigesimo aetatis suae anno febrem, excandescencia animi praegressa, expertus est. Medicus eo tempore accersitus, ut vena bis intra triduum ei secaretur, iussit. Ex eo tempore phlebotomiam quolibet anno instituere consuevit continuavitque usque ad trigcesimum secundum annum, per quod temporis spatium nullum sensit incommodum. Trigesimo autem quarto anno frequenter tussire coepit, doloremque prementem ingratum in utroque latere thoracis sensit. Negotia consueta peragere, praecipue instrumentum musicum inflare, non amplius potuit. Tandem in haemoptysin incidit, contra quam Illustris WENDT auxilium imploravit. Is, praemissa venae sectione, lichenem ei praescripsit, et pediluviorum usum imperavit. Quibus adhibitis omnia symptomata leniebantur, et post quinque septimanas penitus evanuerunt. Lichenem quotidie mane assumebat in lacte coctum. Tantum exiguo temporis spatio virium recuperavit robur, ut solus symphoniam totam tibia modulari posset, cum antea ne exiguae parti par esset. Continuavit usum per dimidium annum. Observavit enim, seposito lichene, pristina redire symptomata; continuato autem cessare.

*Observatio V.* Vir triginta et duorum annorum, vitae generis inter sedentarium et mobile medii, qui venae sectiones interdum instituit sed nunquam scarificationes, in

\*) *Mat. aliment. p. 169.*

\*\*) *Abb. der Schwed. Acad. VI. B. p. 166.*



juventutē dysenteria et febre intermittente laboravit, alias semper sanitate perfectissima gavissus, ante octo annos tussire coepit et tussi per annum vexatus est cum dyspnoea, prostratione appetitus et virium atque agrypnia. Multis frustra adhibitis remediis aliud adhuc accedebat malum; subinde enim sanguinem floridum spumescens expuebat. His omnibus aliis remediis spretis ad lichenem islandicum, tanquam sacram anchoram, confugit. Antequam autem ad ejus usum accederet, curavit ut vena sibi secaretur; deinde in decocto saturatissimo eo usus est ter per diem. Praeterlapsis duabus septimanis sensim excretio sanguinis imminebatur, tandemque penitus cessabat. Tussis antea vehementer, mitior nunc nec adeo frequens erat. Dyspnoea in eupnoeam mutabatur, appetitus et somnus redibant. Semper diaetae convenienti operam dabat, si excipias, quod aliquando die quodam praecalido itinere pedestri unius circiter milliaria ad pagum quemdam instituto cerevisiae meracioris aliquot pocula hauserit; quo facto statim iterum sanguis prodire coepit. Hoc ille perterritus, lichenem iterum in auxilium vocavit, et intra trium hebdomadarum spatium plenarie restitutus est, nec ullum amplius ejicit sanguinem, sed nunc integra fruitur sanitate.

## §. XXI.

## USUS IN PHTHISI.

Quamquam haud ignoro, phthisin non semper tolli lichene islandico, nisi sit incipiens, in qua illum quoque laudavit ZÜCKERT \*); nullum tamen praeclearius remedium mihi notum est. Eadem est sententia Cl. EBELING in dissertatione de hoc lichene, Glasgovii habita, ex recensione in novis litterariis Goettingensibus tantum mihi nota \*\*), qui palmam ei dat prae omnibus aliis remediis antiphthisicis cum syrupo citri conjuncto.

Addam historiam morbi ab amicissimo HASPELIO, Medicinae Candidato dignissimo, commilitone per triennium suavissimo, mecum communicatam:

\*) l. c. p. 196.

\*\*) Göttingische Anzeigen p. 1212.

*Observatio VI.* Iuvenis octodecim annorum, habitus corporis ficci, macilenti, vitae modice laboriosae adfuetus, per novem menses tussi vexabatur cum copiosa sputorum excreatione. Contra eam varia adhibebat medicamenta, sed incassum. Tussis enim quotidie fiebat vehementior, ita, ut sub finem Octobris aliquot uncias sanguinis floridi purique ejiceret; quo facto ill. WENDT accedebat, EIUS auxilium sibi expetiturus. Aderant sudores nocturni et febris; appetitus prostratus corporisque vires fractae, lingua valde impura erat. Remedium ipsi praescribebatur quod sequitur:

R. Gummi. ammoniac. depurat. unc. semis.

Solv. in acet. scillit. unc. duabus Adde

Aq. veron. vinos. unc. quatuor.

Ol. tart. p. deliqu. gtt. triginta.

Syr. diacod.

Syr. Althaeae singul. unc. semis,

Nicotian. drach. duas.

M. d. in vitr. sign. Quater per diem sumatur cochlear unicum.

tam felici effectu ut tussis et sputa quoque, quae tenacia fuerant, coctiora facilius redderentur. Elapsis vero aliquot diebus vehementius iterum increbuit tussis cum larga sputorum ejectione. Rebus igitur sic stantibus, lichenem islandicum optime hic convenire judicabatur, et quidem hoc modo:

R. Extr. lichen. island. aquos.

taraxac. singulor. drach. duas.

Aq. ejusdem unc. quatuor.

Syr. pilosellae q. s. ad gratum saporem.

M. d. in vitr. sign. Quater per diem sumatur cochlear unicum.

Hoc consumpto extractum spirituosum copiose ipsi propinabatur, absque aliis adhibitis medicamentis, eo effectu, ut notabiliter febris levior fieret. Post hujus usum aliquamdiu continuatum reficiebantur vires, ut aeger solitos rursus labores domesticos suscipere et aëri sese exponere posset, sine subsequenti frequentiori tussiendo conatu. Melius quoque succedebat expectoratio, redibat appetitus alvus.



que naturalis. Subito autem aegrotus ob vitia diætae atque regiminis commissa, diarrhoea corripiebatur enormi, qua glomeratim pus cruentum excernebat, tussi penitus cessante, tanta vero cum prostratione virium, ut negotia sua rite obire non amplius posset. Ea propter exhibebantur remedia, alvum cohibentia, viresque corporis reficientia, praesertim pulveres cort. peruviani et cascarillae, quibus diarrhoea paululum compescebatur, prorsus tamen tolli nondum potuit, nec vires refici, ita, ut lecto etiamnum adfixus sit aegrotus.

*Observatio VII.* Vir quidam habitus ficcioris et robustioris, ante decennium, quum annum ageret sexagesimum quartum, tussi corripiebatur vehementi, prostratione plenaria appetitus, agrypnia, dyspnoea et lassitudine insigni stipata. Medicamentis uti diu recusavit, dubitans dari, quae sibi iam seni levamen adferre possent. Tandem ab amico exoratus, lichenem islandicum sibi, non sine molestia, ipse collegit, quo vix per tres septimanas adhibito, lassitudo et dyspnoea disparuerunt, appetitus rediit auctior, somnus tranquillior magisque reficiens exstitit. Tussi non quidem plane liberatus, sed adeo tamen levatus est, ut molestia ipsi esse desierit. Magna saepe cum admiratione hunc senem, septuagenario nunc majorem, hilarem et alacrem vidi. Semper tempore vernali utitur lichene islandico, eo scopo, quo alii adhibent plantas recentes pro curatione vernali, et non sine insigni effectu.

## §. XXII.

### USUS IN PHTHISI ULCEROSA PULMONALI.

*Observatio VIII.* Molitor quidam triginta et octo annorum, habitus laxioris, nunc per decem annos vitam agens sedentariam, ab undecimo anno, ob narium haemorrhagias, quas frequentes a prima juventute passus erat, venae-sectionibus bis per annum institui solitis assuetus, ceterum sanitate semper gavissus secunda, cujus pater per multos annos, asthma laboraverat et denique tabe emaciatus vita excesserat, medio mensis Iulii anni praeterlapsi ab Illustri ISENFLAMMIQ. curae meae committebatur. Quem cum



inviserem, sputa purulenta cum striis sanguineis mixta ejicientem et asthma adeo laborantem inveni, ut in lecto manere non posset. Tumor pedum insignis aderat, appetitus prostratus, somnus ob asthma et tussim, quae praecipue noctu eum cruciavit, fere nullus. Multa jam antea adhibuerat remedia, quae ei parum vel nihil levaminis attulerant. Cortice peruviano quoque usus erat, ob paupertatem et curtam supellectilem tandem ab eo abstinere coactus. Hunc aegrotum lichene islandico levare, non sanari posse ratus, decoctum saturatum trium drachmarum quotidie sumendum ipsi praescribo. Ab initio, ut fieri solet, appetentiam ciborum augebat et hucusque etiam conservavit. Alvum lenissime solvit. Nunc medicamento per dimidium annum adhibito, tantopere vires recuperavit, ut laborem consuetum iterum sustinere possit. Tumor pedum quodammodo imminutus, excreatio sputorum liberior, nec amplius striis sanguineis tincta, tussi adeo levatus, ut somnum capere possit, asthma vero nondum liberatus est, nec unquam liberabitur, propterea, ut opinor, quod cum phthisi ulcerosa pulmonali quoque conjunctus est hydrops pectoris.

*Observatio IX. \*).* Femina quadraginta et quinque annos nata, perfecta semper fruens sanitate, neque medicamentis neque venesectionibus assueta, durante matrimonio undecim annorum septem feliciter partus enixa: anno quadragesimo praeterlapso, interdum sudoribus nocturnis vexabatur, qui tempore diluculi provenire solebant et a calidiori conclavi, quam cui antea assueta fuerat, ortum traxisse videntur, nullo tamen modo eam debilitabant, ad sanitatem conservandam potius proficui. Hi sudores ineunte anno millesimo septuagesimo septimo imminui videbantur, quod illa somno minus quieto tribuebat, vera autem causa erat tussis sicca quae eo tempore ipsam invadebat somnosque interrompebat. Eo tempore proprio ausu infuso sequentium simplicium:

R. Herb. meliss.

hyssop. sing. unc. unam.

\*) Hanc et sequentes Illustri WENNER debeo, qui eas mecum benevole communicavit.

Rafur. lign. sassafra. unc. duas.

— sanct. unc. unam et dimid.

Rad. chin. unc. unam.

Sem. anisi drach. duas.

coriandr. drach. unam.

Cort. citr. drach. duas.

Cinamom. acut drach. unam.

M. f. sp.

utebatur, sed sine ullo levamine, et quamquam paullo longiore in cubili mora, haustoque infuso memorato calido sudorem restituere tentaret, eventus tamen spei non respondebat, sed potius tussis eadem erat vehementia. Mense Aprili anni supra dicti materiam albam tenacemque ejicere incipiebat, sed tanta cum difficultate, ut interdum vomitus simul cieretur. His permota aegra, etsi medicamenta averfaretur, medico se committendi consilium capiebat, qui sequens ipsi per XIV. dies propinabat remedium:

R. Gumm. galban.

ammoniac. depurat. sing. unc. semis.

M. solv. in acet. scillit. unc. duabus.

Insp. ad consistent. massae pilul. add.

Sulph. aurat. antimon. tert. praec. drach. unam.

M. f. l. a. Pilul. pond. gr. unius. d. f.

Sumantur num. X. pro dosi sing. vesp.

eo cum effectu, ut tenacitas materiae imminueretur, et vomitus cessarent. Tussis autem semper erat eadem. Odoris pilularum gravis pertaesa, nunc aliam desiderabat medicinam, quapropter medicus ei uncias duas succi expressi herbarum sequentium hauriendas dabat:

R. Succi expressi. herb. nasturt. aquat.

veronic.

heder. terrestr.

betonic.

taraxac.

fanicul. ana q. f.

D. quotidie.

cibosque tantum chylum viscidum generaturos severius interdicebat. Ceterum enim aegrota a teneris diaetae exactis-

finae fuerat adsueta. Animo quoque erat tranquillo et moderato, ita ut medicus in universum, praecipue ratione rerum sex quae non naturales appellantur, pauca monenda haberet. Nihilo tamen secius herbarum praedictarum usu nihil proficiebatur; aegra potius iterum omnia esculenta et potulenta quae sumebat vomitu reddere coepit, unde vires quotidie magis frangebantur adeo, ut vix pedibus insistere posset. Iam diu usus feri lactis caprini dulcis ipsi fuerat commendatus, quod in vicinis montibus recens paratur et ab aegris e planitie eo proficiscentibus felici successu acidularum loco ingeritur. Quia autem nix ibidem ante finem mensis Maji liquecere non solet, aegra ante medium Iunii illo uti non poterat. Efficacia hujus medicinae plerumque ab aegris judicatur secundum efficaciam in organa consueta excretoria, interdum admodum validam quidem, nunquam tamen debilitantem; quinimmo tum demum aegri utilitatem ab usu feri caprini sibi promittunt; si frequenter alvum deponere coguntur. Quamquam in hac aegra serum non alvum, sed urinam tantum ciceret, usus illius tamen non fuit irritus. Tussis enim reddebatur mitior, excreatio sputorum faciliior, appetitus auctior, vomitus plane cessabat et vires augebantur; adspectu aegrotae quoque saniori gaudebat. Quatuor praeterlapsis septimanis, finitoque hujus medicinae usu, domum revertebatur, ubi ultra mensem mediocri fruebatur sanitate. Brevis autem tempore post tussis vehementior illam invadebat, cui praecipue tempore vespertino et matutino obnoxia erat. At die decimo nono mensis Augusti aegrotae fere per dimidiam horam cum tussi perpetua sanguinem ejiciebat floridum. Deficiente medico chirurgus advocabatur, qui ei per quatuor aut quinque dies potionem temperantem, deinde potionem laxantem ex manna et tamarindis, tum per quatuor septimanas extractum cort. chinchinae propinabat. Restaurabant haec remedia quidem vires, tussim autem nullo modo imminuebant, quae eadem semper vehementia saeviebat, sicut etiam visciditas ejectae materiae flavae manebat. Menstrua hucusque rite fluxerant et tempore consueto sufficiente quantitate prodierant; et quamvis unica vice mense Majo per octiduum tardarent, durante usu feri tamen in ordinem



redibant; et procul dubio fluxui menstruo, paullo post hæmoptysin iusto tempore prorumpenti tribuendum erat, quod aegrotata tam cito ab ea fuerit liberata. Mense Octobri autem menstrua emanabant, et neque hæc neque sudores nocturni denuo apparuerunt. Omnia remedia, quae aegrotata postea ab aliis medicis accipiebat, irrita erant. Quae e pulmonibus ejiciebantur, magis magisque purulenta, in aqua fundum petebant et prunis injecta odorem a BOERHAAVIO \*) descriptum referebant. Cum quotidiana diminutione virium magis magisque manifestabantur signa praesentis exulcerationis pulmonum. Tandem ad Ill. WENDT confugiebat, qui ei suasor exstitit ut pulve e lichene islandico cocto uteretur. Eo quidem induci non poterat, ut lichenem lacti incoctum comederet; lac tamen cum eo decoctum optimo successu fumebat. Tussis enim et sputa imminuebantur quotidie et vires sensim sensimque recuperabantur. Cum autem lichenem in vicinia non crescentem e longinquo semper petere oporteret, usus illius saepius interruptumebatur. Praeterea medicus ceterum non iners, qui paullo ante ibidem domicilium fixerat, lichenem islandicum in morbis pulmonum aliquid efficere posse negans, ejus loco infusum feminis lini suadebat, quo autem dyspnœa et sputa tantopere augebantur, ut aegra proprio motu ad usum lichenis recurreret, quo morbi symptomata denuo insigniter leniebantur. — Intra octodecim menses deinde praeterlapsos, aegrotata usu hujus medicamenti repetito saepe malum regerminans leniit, nunquam tamen eum sine interruptione continuavit; imo tandem innatum omnium medicamentorum fastidium recrudescens ut ab eo plane abstineret, eam impulit; quapropter aegra nunc morbo longe gravius adficitur et sine dubio brevi succumbet.

*Observatio X.* Vir quinquagesimum sextum agens annum, praegressis doloribus prementibus pectoris, difficili respiratione, motibus febrilibus, tussi et rejectione pituitae consistentis albae cum intermixtis striis sanguineis laborabat. Ad hoc malum tollendum instituebantur ve-

\*) *Aphorism. 1206.*

naefectiones, lenia exhibebantur laxantia et species pectorales, quorum compositionem Ill. WENDT non rescivit. Cum autem haec remedia nullum afferrent levamen, sed respiratio anhelans, febrisque vehementior fieret et materia viridi-flava foetida frequentius rejiceretur; medicus aegro praescripsit lichenem cum lacte coctum. Hoc per aliquot septimanas adsumto, aeger ab omnibus malis liberabatur et per biennium pristinum vitae genus continuare, labores suscipere et cibis consuetis vesci poterat: pergebat etiam venaefectiones consuetas bis quotannis, tempore scilicet vernali et auctumnali, instituere. Unicum tantum symptoma restabat, nempe calor ardens, quem prandio assumto in palmis plantisque sentiebat, siti et sudoribus nocturnis defatigantibus stipatus, ad quae tollenda Medicus ei electuarium compositum e cort. peruv. conserva rosarum et syrupo pilosellae bono cum effectu exhibebat. Sub finem secundi anni vero sputa, eadem qualitate ut antea, copiosius ejiciebantur, viresque adeo deficiebant, ut aegrotus lectum relinquere non posset. Hoc ille, electuarium fastidians, hujus usui tribuebat, eamque ob causam, repudiato quo eousque usus fuerat, Medicamento, Ill. WENDT consulebat. Hic, rebus omnibus rite examinatis non potuit quidem facere, quin aegro, corticem peruvianum abhorrenti cederet, hujus autem loco usum lichenis redauspicari serio suadebat; quo aegrotus omnibus symptomatibus mirifice levatus, extra urbem iterum exspatiari potuit. Infelici autem casu aegrotus noctu, cum sudore maderet, perterritus lecto surgere cogebatur; quod refrigerium tristissimi consequebantur eventus, nulla arte leniendi.

*Observatio XI.* Vir quadraginta et octo annos natus, ebriosus, qui vitae immoderatae noxas venaefectione saepius repetita et scarificationibus, sudando et alvum laxando avertere annitebatur et per sat longum tempus feliciter evitaverat, praecipue cum commercium pecuarium, cui operam dabat, frequentem ipsi corpus in aëre libero movendi praebere occasionem, tandem rixa sorte oborta, vehementes in pectus accepit ictus, a quo tempore vehemens dolor premeus in latere dextro thoracis mansit, quocum postea tussis,



rejectione materiae falsae in dies copiosior, motus febriles, appetitus prostratus, sudores nocturni, diarrhoeae saepius redeuntes, subitanea macies et enervatio corporis tam insignis conjungebantur, ut ne mille quidem passus sine ingenti lassitudine ambulare posset. Accedebat materiae tussi expulsaе, ratione odoris et gustus, quem aeger inde percipiebat, quotidie major depravatio. Rebus sic stantibus auxilium efflagitabat aestate anni millesimi septingentesimi septuagesimi octavi. Praemisso leni remedio laxante, post dies aliquot vena ei secabatur. Sanguis celerrime in serum decolor abibat, et coagulum exiguum in eo natans magis pus quam cruor esse videbatur. Deinde potio asthmatica Brunneri ei propinabatur, quae id efficiebat, ut facilius sputa redderentur; reliqua autem symptomata eadem manebant. Tum ei dabatur lichen islandicus in lacte coctus, cujus usu per aliquot menses continuato aegrotus ita levabatur, ut exeunte Octobri jam per miliaris spatium ambulare pectusque pugno fortissime percutere posset, et se inde dolore affici negaret. Ex eo tempore consuetis negotiis operam dat, quamquam pristinas consuetudines malas nondum plane deseruerit.

*Observatio XII.* Tibialium textor, viginti septem annorum, macer et pallidus, in iuventute variis morbis decubuit, praecipue variolis et decimo aetatis anno febre tertiana, a qua medicamentis domesticis liberatus est. Ab anno vigesimo aetatis quotannis circa festum Paschatis venae sectionem instituere consuevit. Anno millesimo septingentesimo septuagesimo octavo aliquot dies post venae sectionem febre iterum corripiebatur tertiana. Varia iterum adhibebat remedia domestica, sed frustra. Post decem septimanas tandem medicastri cujusdam curae se committebat, brevique a febre liberabatur. Iam antea per sex annos tussi, et interdum dolore pungente in pectore, scilicet si vel corpus vehementer moveret, vel nicotianae fumum sugeret, vexabatur: Nunc febre suppressa, ita augebatur tussis vehementia, ut ei semper dolorem excitaret et noctu vix per horam dormire posset. Tandem accedebat ejectio materiae purulentae, dormienti copia interdum adeo



molestae, ut suffocationis metu saepius eum expergefaceret. Appetitus plane erat prostratus, ventriculusque tam debilis, ut vix levissimos cibos perferre posset; quibus assumtis statim de dolore prementi in sinistro hypochondrio conquerebatur. Praecipuum autem incommodum fuit lassitudo adeo ingens ut vix conclave transire posset. Ill. WENDT, quem consulebat, sequens ei praescribebat remedium:

R. Gumm. ammoniac. depurat. unc. semis  
solv. in

Acet. scillit. unc. una et dimidia, add.

Aq. flor. sambuc.

hyssop. sing. unc. duas cum dimid.

Syr. de erysimo Lobel. unc. unam.

M. d. in vitr. sign. Omni trihorio cochlear fumentum.

Hoc medicamento assumpto dimidiaque ejus portione repetita, nullam sentiebat mutationem. Deinde Vir ill. eum decoctum lichenis aquosum cum saccharo et lacte bibere jussit, quo per decem dies adhibito appetitus rediit et interjecto aliquo tempore tantum augebatur, ut cibo vix satiari posset. Tussis una cum rejectione materiae purulentae cessabant post usum lichenis per sex septimanas continuatum, somnus et vires restaurabantur et nunc per biennium sanitate fruitur illaesa. Dolorem in pectore sentit nullum, laboresque opificii satis dueros, praesertim pectore laborantibus, absque incommodo subit.

### §. XXIII.

#### USUS IN ANAPHRODISIA.

*Observatio* XIII. Vir triginta et quatuor annorum, corporis obesi, in juventute veneri nimium deditus, tandem uxore ducta se viribus ad liberos gignendos exhaustum sensit. Illustriis RUDOLPH, quem Praeceptorem et Fautorem ad cineres usque veneror colloque, ei suavit usum lichenis, quo per duos menses continuato voti compos tres ex uxore suscepit liberos.

*Observatio XIV.* Chirurgus quidam in India orientali Illustri RUDOLPH se sibi tori adjunxisse sociam, sed mariti officio rarissime satisfacere posse questus est. Vir ill. ipsi quatuor libras lichenis islandici misit. Duobus annis prae-terlapsis nunciavit ei, uxorem suam filium enixam esse, seque optare, ut sibi eandem quantitatem lichenis denuo mitteret.

IDEM VIR illustris tribus aliis viris non sine insigni effectu lichenem quoque propinavit.

## §. XXIV.

### USUS IN DYSENTERIA.

In dysenteria ad materiam acrem involvendam et intestina roboranda, lichen islandicus ob partes mucilaginosas et roborantes utilissimus esse potest. Cl. OLAVIUS \*) eum remedium securum antidyntericum appellat, et a Cl. TROMSDORFF in *dissertatione de lichene islandico* gummi arabico praefertur. Dysenteria 1775 epidemice grassante experientiss. D. SAUER vocabatur ad puellam quatuordecim annorum dysenteria laborantem. Ob horrorem decocti lichenis propinabatur ei mucilago gummi arabici. Durante cura tres ejus sorores natu majores dysenteria quoque invadebat; hae decocto lichenaceo utebantur et brevi tempore restituebantur, cum natu minima adhuc aegrotaret; quae tandem in diarrhoeam habitualement incidit, cortice tollendam \*\*).

## §. XXV.

### USUS DIAETETICUS.

Colligitur ut supra §. III. jam dixi, lichen noster ab Islandis tempestate humida in campis saxosis nullo gramine vestitis, ad quos deni aut viginti simul, equis, tentoriis cibisque necessariis instructi, aestate iter faciunt, et quatuordecim diebus circiter elapsis cum sarcinis lichenis, equis impositis, revertuntur. Siccatus et comminutus lichen

\*) De KERGUELEN TREMAREC *Beschreibung seiner Reise nach der Nordsee* Leipz. 1772. p. 69.

\*\*) TROMSDORFF *diff. cit.* p. 17.

doliis immittitur, et tunc merx fit vendibilis, sed vili pretio, quandoquidem tonna i. e. 728 librae danicae, ad summum uno imperiali, monetae danicae, veneant. Comedunt eum plerumque in pulvem \*) coctum, quam duplici modo praeparant: vel enim aqua frigida eum per diem macerant, amaritudinis extrahendae causa, deinde concisum coquunt, donec gelatinae consistentiam nanciscatur; vel maceratum radiis solis igne torrefaciunt, sacco inclusum tundendo comminuunt, et deinde elixant. Coquitur vel in aqua, vel sero lactis, vel lacte ipso; pulti cum sola aqua paratae addito lacte maiorem gratiam nonnunquam conciliare student \*\*). In *Actis Acad. Reg. Scientiar. Holmienfis* \*\*\*) relatum legitur, panem ex hoc lichene in Islandia fieri. Cl. OLAVIUS nullibi quidem hoc observavit; posse autem ex eo farina addita panem coqui, se ipsum expertum esse testatur \*\*\*\*). Talem panem ego quoque parari curavi. Unciae itaque tres lichenis islandici mundificati, concisi et in pulverem redacti, cum massa e farina frumenti et fermento constante, subigebatur et finita fermentatione panis in furno rite coquebatur. Verum is non solum valde niger, sed etiam ob nimiam amaritiem ingrati saporis erat. Alio itaque modo experimentum repeti tam cum lichene per aliquot horas in aqua calida macerato, quam crudo. Miscebatur tum huius tum illius in pulverem redacti, uncia cum farinae et fermenti quantitate sufficienti. Utraque miscela seorsim cum aqua subacta, praevia fermentatione, qua satis bene levabantur, massae in furno decenter coquebantur. Illa e lichene antea macerato facta pondus habuit unciarum septem, altera unciarum octo. Panis e lichene crudo confectus iterum amarulentus, e macerato longe minus ingrati saporis erat. Sincere tamen profiteor, me hunc usum diaeteticum lichenis libenter Islandis cedere, et pulte, vel decocto cum aqua aut lacte

\*) ZÜCKERT. *mat. aliment.* p. 196.

\*\*) OLAFSENS *Reise tom. I. p. 85. et seqq. tom. II. p. 106.* KERGUELEN TREMAREC *Reise nach der Nordsee p. 69. v. TROILS Briefe über Island. p. 76.*

\*\*\* ) an 1744. p. 170. 1739. p. 9.

\*\*\*\* ) *tom. I. p. 86.*



parato, vel etiam decocto aquoso cui sub finem coctionis pauxillum chocolatae comminutae additum fuit, uti malle.

## §. XXVI.

## USUS PABULARIS.

Quemadmodum hominibus; ita bestiis quoque alimentum praebere potest lichen islandicus egregie nutriens. Cl. SCOPOLI narrat, rusticos in Comitatu Tolminensi Carnioliae, equos fame et macie confectos in ea loca, ubi lichen abundanter provenit, mittere, hosque intra quatuor septimanas, pingues viribusque restauratis redire. Porro refert, in Carniolia solo lichene islandico fues intra breve tempus, saginari \*).

## §. XXVII.

## USUS VETERINARIUS INTERNUS.

Equus quinque annorum in stabulo academico Erlangensi, cum virium prostratione emaciatus, et dyspnoicus tussi vehementi rejiciebat materiam purulentam foetidam, sed nondum striis sanguineis mixtam. Excrementa erant arida et badia. Huic, quandoquidem multis remediis adhibitis et cum motu placido conjunctis, nihil proficiebatur, ad necem jamjam damnato Cl. MAKELDEY, nunc magister equorum Serenissimi Principis FERDINANDI Brunovicensium et Luneburgensium Ducis rel. consentiente patre, tunc temporis stabuli Academici magistro, bis per diem duas circiter libras lichenis cum furfuribus, sale et aqua mistas exhibuit; quas equus semper avidissime devoravit. Elapsis aliquot diebus melius se habere coepit animal miserum, ita ut vires sensim redirent pristinumque robur, tussis autem et rejectio materiae purulentae evanescerent. Lichene sic per tres septimanas adhibito plane restitutus est, ita ut equas, quas antea nunquam tetigerat, inire valeret, et sanus adhuc Onoldi vivit.

\*) *Ann. bist. nat.* II, l. c.

## §. XXVIII.

## USUS EXTERNUS.

Ufus externus magni aestimandus non est, quamquam BREYNIUS refert, ruricolae prope Gedanum, cum notitiam lichenis acquirere cuperet, sibi narrasse, praeclarum illum esse vulnerarium, praecipue si recens et humidus cum optima cerevisia Gedanensi in mortario marmoreo contritus, admixto pulvere radicis consolidae majoris, ad fracturas ossium adhibeatur. Equum fracto crure, brevi tempore, scilicet sedecim diebus eo curatum esse affirmarunt \*).

## §. XXIX.

## USUS TINCTORIUS.

Islandi, cum primis Borgarfiordenses, cl. Olavio \*\*) teste, lichene islandico lanas colore luteo inficiunt. Conspergunt pannos aliasque telas laneas undique hujus lichenis fragmentis, quae spinulis marginalibus iisdem facile adhaerent. Tum pannus tingendus convolvitur circa baculum, cortinae ferreae immittitur et adfusa aqua coquitur per sex horas, unde colorem saturate luteum, firmum nec aëri cedentem acquirit.

Mihi basin lichenis fere coccineam chartamque in quo lichen Islandicus diu fuerat asservatus, colore rubello tinctam saepius intuenti, in mentem venit tentare anne similis tinctura ex hoc, quam e lichene Roccella vel Parello obtineri possit? Sumimus itaque lichenis islandici uncias octo, calcis vivae uncias duas, salis alcali unciam dimidiam: haec mixta odorem sparserunt ut spiritus salis ammoniaci cum calce viva paratus et post aliquot dies ut muria halicina. Deinde addidimus aquam calcis et lotii quantitatem aequalem sufficientem. Stetit hoc per tres menses nec se tantillum mutavit. Hoc tempore praeterlapso id colavimus et lenissimo igne evaporavimus. Evaporatum aqua destillata iterum solvimus, sed nec oleo tartari per deliqu. colorem coeruleum, nec cum acido colorem rubrum induit.

\* ) *Act. nat. curios. Obs. 289. p. 510.*

\*\* ) OLAFSENS *Reise 10m. I. p. 87.*

Hoc modo cum nihil profecissemus, aliam viam ingressi sumus, eam scilicet, quam HELLOTUS v. cl. ad manifestandum principium tingens, quod lichenibus inest, monstravit. Eo igitur auctore unciae duae lichenis vitro parvo injiciendae spirituque salis ammoniaci volatili et simul aequali portione aquae calcis vivae conspergendae sunt; additis deinde duobus pugillis salis ammoniaci vitrum religandum est vesica humida. Iam si lichen rubrum colorem producere valeat, fluidum e vase, etsi parva quantitate effundi potest, obscure rutilum est; eundemque colorem lichen ipse fluido evaporato accipit. Talem, si nec fluidum, nec planta ipsa induit, tincturam rubram ab ea non esse expectandam \*); Ad hanc amussim nos quoque laboravimus sed frustra nec ullum utrobique observavimus ruborem. Alia itaque ratione evolutio particularum rubrum colorem praebentium tentanda est, quod autem nunc aliis relinquere cogimur.

Extractum aquosum lichenis islandici sicut etiam pulmonarii et rangiferini a pictoribus inter pigmenta brunnea adhiberi posse, picturae non inelegantes fidem faciunt, quas alicubi vidi. Impedit enim tenacitas mucilaginis, quominus e penicillo non facile effluent; nec desunt pigmenta ejusdem fere coloris. Ad picturas tamen rudiores chartamve colorandam forte adhiberi possent.

## §. XXX.

## S U C C E D A N E A.

Cum lichen islandicus non ubique proveniat, quaeripotest an et alii lichenes inveniantur, qui ipsi pro usu medico substitui queant. Pulmonarius prae reliquis hic incensum venit, quippe qui in pharmacopiis jamdudum civitatem consequutus est, et communi scriptorum materiae medicae consensu ad tabem, pulmonum ulcera, sputa cruenta, spirandi difficultatem, tussim siccam aliaque pulmonum vitia \*\*) laudatur et a rusticis Suecis ad tussim pecu-

\*) HELLOT *Faerbekunst* übersetzt von KÄSTNER p. 300.

\*\*) MATTHIOL. *comm. in Diosc. Vener.* 1565. p. 1039. CAESALP. *de pl.* p. 602.



dum vehementiorem non sine successu adhibetur \*). Verum enim vero experimenta supra §. VII. VIII. enarrata ostendunt, eum minus mucilaginosarum quam amararum et terrearum particularum continere; unde facile colligitur, eum magis ubi tonus restituendus vel robur solidorum augendum, quam ubi nutrimentum abundans et digestu facile requiritur, exhiberi posse. Lichen rangiferinus, quo tarandi tantopere delectantur et saginantur ad minimum nutriendi facultate islandico par, et hanc ob causam substituendus esse videtur; ast e §. IX. apparet, illum huic eo respectu vero cedere, contra autem vi mixtionis in aliis affectibus medicinam praebere posse non contemnendam. Utriusque vires experimentis provide institutis curatius definire non abs re erit. Pro usu diaetetico ab Islandicis sequentes lichenes islandico substituuntur.

1. *varietas* angustior et humilior, ejus supra §. II. mentionem feci, Isl. *Kloungur*, sed minus gratum habet saporem \*\*).
2. *Lichen aculeatus* (vid. supra §. XI.) Islandis *Kræda*, in borealibus Islandiae copiose et fere lichene Islandico frequentius estur, quo sapore longe inferior et minoris venit \*\*\*).
3. *Lichen nivalis* LINN. Isl. *Mariugraus*, *Mundagraus*, islandico fere sapidior, dulcis cum grata amaritudine. Puls violacea. Parcius reperitur islandico †). Apud nos non crescit.
4. *Lichen proboscideus* LINN. Isl. *Geitnaskof*. Non nisi necessitatis casu estur; ut plurimum tantum usui tinctorio inservit.

## §. XXXI.

## E P I L O G U S.

Hic pedem figo, meaeque dissertationi finem impono, qua insignem lichenis islandici efficaciam usumque multipli-

\*) LINN. *amoen. acad. r. VII. p. 383.*

\*\*) OLAFSENS *Reise rom. I. p. 87.*

\*\*) *ibid. et p. 230.*

†) *ibid. et rom. II. p. 106.*

cem novis experimentis adstruere laudesque quam post b. OLAVIUM ipsi ill. a MYGIND, SCOPOLI, SCHOENHEYDER, TROMSDORF aliique tribuerunt, confirmare annis sum. Pluribus id observationibus, tam ab aliis fautoribus amicisque, quam me ipso factis, fieri potuisset; at, ne speciminis academici limites transgrederer, potiores tantum in medium protuli. Eadem causa quo minus cum aliis lichenibus experimenta instituerem eosque ratione indolis, mixtionis viriumque cum islandico conferrem, quod mihi proposueram, impedivit. Hunc itaque laborem in futurum tempus differre aliisve relinquere cogor. Ceterum quae in his pagellis minus plene minusque concinne prolata inveniet lector, ut aequi bonique consulat, etiam atque etiam rogo. Hanc veniam me ab aequis rerum arbitris facile impetraturum esse confido, quandoquidem secundum tritum illud, in magnis voluisse sat est.

---

IX.

DR. IOAN. BAPTIST. IOSEPHI DILLENII

DISSERTATIO

DE

LICHENE PYXIDATO.

MOGUNTIAE,

1785.



IN

THE HOUSE OF REPRESENTATIVES

OF THE STATE OF NEW YORK

IN SENATE

January 1, 1882

1882

## P R A E F A T I O.

Quantum indefessum Materiae medicae studium ad felicem morborum curationem conferat, Medici practici sapius indies experiuntur. Licet Medicus omnium causarum, morbos creantium notitia probe sit imbutus, si ad lectum aegrorum nullo contra morbum apto remedio armatus pervenerit, nullus plane erit practicus. Officinas ingenti medicamentorum farragine premi verum quidem est; non pauci tamen morborum, praecipue chronicorum, adhibitis etiam omnibus remediis, aut insanabiles manent, aut pertinaciter ac diutissime resistunt.

Itaque summa certe laude illorum virorum industria coronari meretur, qui in id omnes intendunt nervos, ut nobis medicamenta contra morbos hucusque vel insanabiles, vel adversus consueta remedia rebelles efficacia, in experimentis, quae in aegris instituerunt, fundata et certa, praesertim indigena innotescant. Exotica siquidem sapius tanti sunt pretii, ut ab illis, quibus curta est supellex, vix coëmi possint. Sic Celeberrimus D. Consiliarius aulicus CAROLUS STRACK, meus ad cineres usque venerandus Praeceptor, cui maximas pro suis in me beneficiis debeo grates, orbi medico contra morbum adversus quaevis remedia hucusque rebellem, qui singulis annis tot millia infantum occidit, tamque varias larvas induit, certum, ac tutum, in agro moguntinensi passim sponte nascens remedium, Jaceam nempe officinalem, quae viola tricolor Linnaei est, *detexit* atque communicavit.

Hujus acutissimi atque sagacissimi aetatis nostrae observatoris egregio exemplo incitatus mihi pro dissertationis themate selegi remedium ab antiquissimis temporibus contra tussim convulsivam celebratum, sed jam pridem non amplius usitatum, scilicet lichenem pyxidatum, eum in finem, ut tam efficax in tussi convulsiva aliisque pectoris morbis remedium in usum pristinum revocetur.

Dubia a Medicis circa lichenis pyxidati efficaciam mota me quidem non fugiunt; sed idem fatum permulta alia medicamenta saluberrima virtute praedita fuerunt perpeffa. Clarum nobis exemplum praebet ipse cortex peruvianus. Verum fceptici ejusmodi Medici remedius recte uti ignorant. Nam Hippocrates \*) dixit: *quae profuerunt, ob rectum ufum profuerunt, quae autem nocuerunt, ob id nocuerunt, quod non recte adhibita fuerunt.*

Quamvis experientia medicamenti cujusdam vires optime demonftrat: tamen analyfin chemicam non fupervacaneam effe duxi, ut nimirum particulae lichenis noftri conftitutivae, modusque operandi magis elucefcant. In hoc labore verfatifsimus in re chemica D. Schlippe pharmacopoeus in hujate officina ab Aethiope dicta mihi fumma dexteritate affiftebat.

Lichen pyxidatus Botanicis quidem fatis notus, et a celeberrimo quoque Dillenio ad vivum defcriptus nulla egeret icone: fed libri hujus in manibus paucorum verfantis, et in amplioribus bibliothecis vix obvii raritas, ad quem lector cognoscendae hujus plantae cupidus fruflra remitteretur, me impulit ad fubjiciendam oculis accuratam lichenum, et pyxidati, et fimbriati, et cocciferi effigiem, quae omni defcriptione prolixiori eff potior.

Siquid utilitatis ex meo labore in aegros redundet, laetabor. Remedium commendo, quod multos fumtus non exigit, et in filvis prope Moguntiam laete abundat.

\*) Hippocrates de arte.

---




*Fig. 1.*

*Tonit p 311*



*Fig. 2.*



*Fig. 3.*



*Thunberg sc*



## DISSERTATIO

DE

## LICHENE PYXIDATO.

Medici veteres quamdam pustularum rubicundarum diversis in locis, praeprimis vero in membris externis existentium speciem vocarunt lichenes seu impetigines, (germanice *Flechten*) et hanc morbi cutanei speciem curare studebant plantis quibusdam, quibus verosimiliter ob signaturam nomen lichenis imposuerunt, quia quidam eorum adspiritates ac tumores repraesentabant. Sic Dioscorides \*): *λειχην* quae *petris* innascitur, et aliqui *βερρον* appellant, seu *muscus roscidus petris inhaerens*. Et Plinius \*\*): *Lichen* vero herba omnibus his (remediis lichenis) praefertur, inde nomine invento. *Nascitur in saxosis folio uno ad radicem lato, caule uno parvo, longis foliis dependentibus. Est aliud genus lichenis, petris tantum inhaerens, ut muscus, qui et ipse illinitur.* *Pyxidatus* vero dicitur, quia infundibulum seu capsulam chartaceam refert, germanice *Düttchensmoos*, *Becherflechte*, *büchsenförmiges Erdenmoos*.

Tradita lichenis etymologia superest, ut recepto inter Botánicos systemati pressius insistens ea, quae circa lichenem ex botanica observanda veniunt, exactius determinem. *Lichen*, de quo scribo, quoad classem ad cryptogamicas, quoad ordinem ad algas, quoad genus ad lichenes, quoad divisionem ad scyphiferos est referendus. Haller corniculatis, Michelius corniculatis et pyxidatis, Dillenius coralloideis accenset.

*Lichen pyxidatus*, scyphifer, calyce integerrimo. Vid. Hagen histor. *lichen*. pag. 113. et figuram primam in tabula dissertationi annexa.

*Lichen scypho infundibuliformi simplici.* Haller *Histor. Helv. III. pag. 72. num. 1912.*

\*) De materia medica Lib. IV. Cap. 53.

\*\*) Historiae naturalis edit. in usum Delphini Tom. IV. Lib. XXVI. Cap. 3. pag. 447.



Lichen squamosus scypho integerrimo. Scopoli *Carniol. II. pag. 370. num. 6.* Lichen pyxidatus simplex. Weis *Cryptogam. pag. 84.*

Lichen pyxidatus scyphifer simplex crenulatus tuberculis fuscis. Linn. *Spec. plant. pag. 1619. num. 60.*

Quamvis hic lichen pyxidatus a Linnaeo descriptus aequalibus cum pyxidato Hagenii viribus polleat, tamen praelucentibus Hagen, Scopoli, et Weis in denominatione botanica separandus est a pyxidato simplici, characteres enim Linnaeani in simplicem pyxidatum non quadrant, qui nullis tuberculis fuscis gaudet, sed caule simplici cylindrico in infundibulum integerrimum terminatur, totus polline adpersus adparet, lichen Linnaeanus vero referendus est ad tuberculatos Hagenii. Vid. Hagen *Hist. lich. pag. 117.*

Varietates respectu magnitudinis autem sunt.

*α) minor*, cauliculis brevissimis, scypho minori. Coralloides scyphis humilibus intus fuscis. Dillenius *Musc. pag. 86. Tab. XIV. fig. 11.*

Lichen pyxidatus minor. Vaillant *Bot. Paris. pag. 115. Tab. XXI. fig. 6.* Muscus pyxioides saxatilis. Loefel *Bor. pag. 50.*

*β) major* scypho insigni.

Lichen pyxidatus major. Vaillant *Lib. cit. f. 8.*

Muscus pyxioides terrestris. Loefel *l. c.*

Lichenem fimbriatum huc quoque referendum esse censeo pluribus commotus rationibus, quarum prima est par cum lichene pyxidato vis. Clarissimus enim Ioh. Phil. Vogler \*) ait: Licheni coccifero, pyxidato, speciatim vero fimbriato adscribitur virtus specifica in tussi convulsiva, ferina dicta, si infantibus decoctum ejus, seu pulvis in zythogalo, vulgo cerevisia secundaria, (Nachbier) aliove conveniente vehiculo per aliquot dies porrigitur. Altera ratio petitur ex analogia; lichen fimbriatus enim a pyxidato differt solo margine denticulato seu ferrato. Dein notavit Buxbaum \*\*), scyphiferorum ordini subordinatos lichenes videri meras varietates, cui consensum haud denegarunt

\*) Dissert. inaugur. de muscis et algis notioribus valetudini servientibus.

\*\*) Plantarum minus cognitarum Cent. II. pag. 12. Tab. VII. f. 1.

Haller \*), Linnaeus \*\*), et alii rei herbariae scriptores. Quarto Cl. Hagen \*\*\*) circa fimbriatum ipsum observavit, proles ex uno eodemque scypho fimbriato prodeuntes, pyxidatas, fimbriatas, crenatas, tuberculatas, et cocciferas fuisse, itaque totam fere scyphiferorum familiam in uno caule vidit habitantem.

Lichen *fimbriatus* scyphifer simplex denticulatus stipite cylindrico. Linn. Spec. plant. pag. 1619. n. 61. Vid. Fig. II. dissertationi annexa.

Lichen scyphiger infundibulis ferratis. Haller Hist. plant. Helv. III. pag. 72. n. 1615. 1917.

Lichen squamosus scypho ferrulato. Scopoli Carniol. II. pag. 370. Var. 7. Lichen pyxidatus fimbriatus. Weis Cryptogam. pag. 88. Var. e.

Fimbriato subordinatae varietates, quas annotarunt auctores, sunt sequentes:

α) margine prolifero.

Lichen squamosus scypho prolifero. Scopoli Lib. c. pag. 372, Var. II.

Lichen pyxidatus margine prolifero scabro. Vaillant Bot. Paris. Tab. XXI. f. 9.

β) centro prolifero.

Lichen infundibulis ferratis proliferis. Haller Lib. c. pag. 73. n. 1924.

Lichen pyxidatus prolifer. Hellwing Suppl. bor. pag. 42. n. 242.

γ) triplicato prolifero.

Lichen pyxidatus ramosus acetabulorum oris fimbriatis. Hellwing Lib. c. n. 244.

δ) prolibus pluribus ex caule scyphi prodeuntibus.

Lichen pyxidatus damae cornu divisura acetabulorum oris crispis. Hellwing Lib. c. n. 243.

Cum Linnaeus \*\*\*\*) Vogel †) Dale ††) et alii eandem

\*) Hist. plant. Helveticar. III. pag. 70.

\*\*) Critica botanica pag. 246.

\*\*\*) Hist. lich. pag. 115.

\*\*\*\*) Mater. med. pag. 229. n. 541.

†) Hist. Mater. med. pag. 110.

††) Pharmacol. supplem. pag. 44.

vim licheni coccifero adscribant, quae pyxidato adscribitur, et ratione figurae tantum per tubercula rubra, quae mihi et aliis videntur partes fructificationis, a pyxidato sese distinguat, hic eodem jure ac fimbriatus locum occupat.

Lichen *cocciferus* scyphifer simplex integerrimus, stipite cylindrico, tuberculis coccineis. Linn. Spec. plant. pag. 1618. n. 58. Vid. Fig. III. Dissertationi annexa.

Lichen scyphiger, infundibulorum fungulis coccineis. Haller Hist. plantarum Helvet. III. pag. 73. n. 1918.

Coralloides scyphiforme tuberculis coccineis. Dillenius Musc. pag. 82. Tab. XIV. fig. 7.

Lichen pyxidatus cocciferus. Weis Cryptogam. pag. 90. Var. f.

Lichen squamosus scyphifer, scypho coccineo. Scopoli Carniol. II. pag. 372. Var. 10.

Constat ex pyxide seu scypho cinereo albicante glabro, plerumque vero squamoso, stipitato, cujus margines gerunt fungulos, seu tubercula eleganter coccinea, praecipue sequentes observavit Hagen varietates.

α) tuberculis sessilibus.

Musculus multiformiter pyxidatus, apicibus coccineis. Hellwing quasimodog. pag. 36. n. 152.

β) tuberculis stipitatis.

Lichen pyxidatus acetabulorum oris coccineis et tumetibus. Vaillant Bot. Par. pag. 115. Tab. XXI. f. 4.

γ) una parte marginibus tuberculosa.

δ) tuberculis totum discum replentibus. Schreb. Spic. Halense pag. 120. n. 1110. Var. 2.

Lichen squamosus acetabulis dense aggestis. Vaillant Lib. c. f. 10. Hujus tubercula confluere videntur.

ε) centro prolifero.

Lichen infundibulis proliferis, fungulis coccineis. Haller Histor. plant. Helvet. III. pag. 74. n. 1927.

Loca natalia, quae lichenes solent inhabitare, plerumque sunt talia, in quibus non multa alia reperiuntur vegetabilia. In saxis durissimis, in locis arenosis, in ericetis, in pinorum truncis, atque prope eorum radicem florent. Sic in monte vulgo Altsönig, in pinctis prope oppidum Mombach et Gonsenheim maximam lichenum istorum



cópiam inveni. Lichenem pyxidatum mali trunco aliquando adnatum in Rauenthal videre mihi contigit.

Aestate, qua plantae reliquae vigent et florent, omnes lichenes luctuosi, omni fere vi vitae privati, perquam friabilesprehenduntur. Autumno autem ingruente frequentesque pluvias adferente, calore solis magis magisque aufugiente vigent atque crescunt, dum reliquae percunt plantae. Adeoque tempore autumnali, praecipue pluvioso colligendus lichen pyxidatus ac debite prius ab adhaerentibus heterogeneis purgatus leniter statim siccandus est.

Progredior nunc ad chemicam lichenis pyxidati analysisin.

*Experimentum I.* Lichenis pyxidati a quisquiliis probe liberati, sicci, pulverisati uncis quatuor affudi aquae simplicis destillatae libras tres, atque in retorta, cui vas excipiens applicatum fuit, commissuris optime clausis, in balneo arenae leni igne destillationem institui, donec media pars aquae in excipulum transgressa esset. Aqua destillata odoris ingrati licheni analogi, atque saporis amaricantis erat. Illi, quod in retorta remanserat, aquae simplicis destillatae librarn unam et semissem additi, ac in vase terreo ad consumptionem mediae partis aquae decoxi, et expressum in vase vitreo ad consumptionem dimidii evaporatum in cella per viginti quatuor horas posui. Perquirens nihil salis inveni, sed fundo vasis particulae quaedam mucilaginosae, saporis amarescentis affixae erant, filtratum atque expressum secunda vice per viginti quatuor horas in cella asservavi, sed nullas inveni crystallos.

*Experimentum II.* Lichenis pyxidati, puri, siccati, atque pulverisati uncias quatuor in retorta vitrea, commissuris undique probe clausis, primum leniori igni in balneo arenae, sensum vero majori et aperto usque ad summum ejus gradum, et retortae excandescentiam exposui. Hac ratione primo ignis gradu in excipulum quid aquosi laticis transit, in secundo ejus autem gradu adparuit fumus densus, quocum adscendebat latex luteo colore tinctus, et mox disparuit fumus. Sed adaucto ad summum ignis gradu novus densior fumus una cum oleo empyreumatico rediit.

Cuncta transgressi laticis copia uncias duas et drachmam dimidiam ponderabat. Separato per separatorium hoc liquido olei empyreumatici unciam mediam, atque spiritus empyreumatici acidi unciam unam et dimidiam, mediumque scrupulum obtinui. Spiritus iste acidus empyreumaticus cum lixivio salis alcalini effervescebat. Finita hac effervescencia superficiei hujus spiritus innatarunt aliquot guttae olei empyreumatici. Guttae triginta hujus spiritus acidi empyreumatici saturabantur septem guttis olei tartari per deliquium. Diffraeta retorta ejus collo et ventris lateribus adhuc adhaerentis plane spissi olei empyreumatici quidquam deprehendi.

*Experimentum III. Extractum aquosum primum, spirituosum secundum.*

Lichenis pyxidati mundati, siccati, et pulverisati uncias quatuor cum aquae destillatae simplicis libris tribus in vase terreo ad consumptionem medietatis coxi, decoctum colavi, et leni ignis gradu in vase stanno bene obducto inspissavi, in consistentiam extracti drachmas tres ponderantis.

Residuam istam lichenis portionem bene exsiccatam cum alcoholis vini uncis duodecim per viginti quatuor horas calore leniore balnei arenae in vase vitreo digessi, digestum post refrigerationem exprimendo colavi, et essentiam probe coloratam, sapore fortem, non multum a corticis peruviani essentia diversam, sed amaritiae majorem post affusas aliquot aquae guttas lactescentem obtinui. Alcohol superfluum destillando abstraxi, quod, si spirituosum excipias, nullius neque odoris neque saporis erat. Residua post destillationem massa resinosa erat, quae leni evaporatione in extracti ficcioris consistentiam abiit. Inde accepi extracti resinosi puri drachmam unam, quod saporis perquam amarum erat expers odoris.

*Experimentum IV. Extractum spirituosum primum, aquosum secundum.* Cum alcoholis vini uncis sexdecim ejusdem lichenis ab omnibus antea fordibus bene purgati, siccati, et pulverisati uncias quatuor per viginti quatuor horas digessi, et digestum exprimendo colavi, accepi probe coloratam, perquam amaram, priori non dissimilem essentiam. Partem spirituosam hujus essentiae in balneo arenae

abstraxi, id vero, quod in retorta remanserat, resinofum leni calore in consistentiam siccam inspissavi, qua opera accepi extracti resinofi primi drachmam unam.

Residuum expressi cum aquae destillatae simplicis libris tribus ad medietatem usque decoxi, et expressi, expressum hoc per subsidentiam a quisquiliis purgatum ad humiditatis consumptionem usque inspissavi, qua ratione extracti gummosi drachmas tres accepi.

*Experimentum V.* Lichenis pyxidati puri sicci unciae quatuor in crucibulo operculo clauso validiore igne comburebantur, quae reddebant cineris subtilissimi unciam dimidiam et duas drachmas. Cineres hi cum aqua destillata simplici elixabantur. Filtratum hoc lixivium in vase e terra porcellana facto supra ignem ad siccitatem usque evaporatum salis alcalini fixi grana aliquot praebuit, quae affusis aliquot acidi vitriolici diluti guttis valde effervescebant. Operculi superficiei internae magna liquidi acidi, et olei empyreumatici copia adhaerebat, quod in destillatione sicca simul observavi.

*Experimentum VI. circa lichenem cocciferum.* Cuticulas coccineas in tuberculis hujus lichenis praesentes summo studio cultro separatas ponderis granorum viginti in mortario marmoreo in pulverem subtilissimum redeggi, tanta olei tartari per deliquium quantitate humectavi, ut fieret magma. Per viginti quatuor horas quiescens aquae simplicis unciis tribus inde dilutum in loco tepido posui, qua opera liquidum laete rubrum accepi. Huic liquido gossypium aqua solutum indidi, visurus, an gossypium indelebili colore purpureo, ut dicitur, tingeretur: sed perpallido colore rubroinctum inveni, etsi verum esset, colorem purpureum ex coccifero elici posse, tamen iste color non sine maximis sumibus praepararetur, cum ingens lichenis cocciferi quantitas ad ejus praeparationem requireretur.

*Experimentum VII.* Ut de gradu adstringentiae lichenis pyxidati, quem cum nonnullis aliis plantis adstringendi praeditis comparatus obtinet, certior fierem, drachmas duas concisi corticis salicis, radicis gei urbani, quam nunc novi post antiquos ad fugandas febres intermittentes adhi-ent, theae boheae, foliorum rosarum rubrarum, lichenis



islandici, et pyxidati sex aquae calidae unciis infudi, post viginti quatuor horas infusum rosarum rubrarum, filtro trajectum colorem profunde rubrum, theae boheae luteum, corticis salicis luridum, radicis gei urbani fuscum, lichenis islandici minus flavescentem quam pyxidati colorem ostendit. Unicuique istius infusi unciae solutionis vitrioli Martis drachmae duae, quae ex vitrioli Martis drachmis tribus, et aquae simplicis uncia una et dimidia facta erat, affusae infuso rosae atramentarium, radicis gei urbani violaceum, corticis salicis subnigrum, lichenis islandici minus fuscum quam pyxidati colorem dabant.

Duabus reliquis cujusvis infusi unciis una carnis bubulae drachma immittebatur. Post quadraginta octo horas caro ex infuso theae boheae primum, ex lichenis pyxidati secundum, ex corticis salicis tertium, ex radicis gei urbani quartum, ex lichenis islandici quintum, ex rosarum rubrarum infuso denique ultimum constrictionis gradum ostendit. Eandem igitur adstringentiae rationem cum carne non observarunt, quam quoad nigrum colorem cum solutione vitrioli exseruerunt. Ex hoc elucet, unam hanc alteramve vim adstringentem dijudicandi methodum in magno adhuc discrimine versari.

Experimenta jamjam relata licheni pyxidato *primo* quid specifici, *secundo* maximam mucilaginis copiam, *tertio* principium amarum resinofum inesse ostendunt. Si nunc observationes inferius adferendas et chemicam disquisitionem considero, atque naturam morborum, quibus mederi experientia docet, comparo, facile vires hujus lichenis polychrestas possum perspicere. Nam

1) lichen pyxidatus propter mucilaginis copiam uti lichen islandicus \*) nutrit, acrimoniam quamcumque obtundit, temperat, partes solidas erosas demulcet, inspissata et indurata emollit ac solvit.

2) principium vero amarum tonicam roborantem vim exercet. Adeoque in morbis, qui ab acri rodente et commovente solida proveniunt, praestantissimum est auxilium.

\*) In Islandia, ubi *Fiaellagrasis* vocatur lichen Islandicus, jam diu alimentum existit.

Specificum vero et usu tantum probatum in tussi convulsiva optimum est adhuc cognitum remedium.

Videamus nunc, an lichen pyxidatus vim illam specificam contra tussim convulsivam possideat, quam illi tum antiqui tum recentiores tribuunt auctores. In plurimis aliis morbis a miasmate ortis habentur specifica, uti contra miasma febris intermittens cortex peruvianus, contra crustae lacteae miasina jacea, contra syphilitidem mercurius. Cumque tussis convulsiva a suo miasmate producitur, suum quoque habebit specificum. Sic Celeberrimus D. P. STRACK \*) jam dixit: Credibile est, esse quodpiam medicamentum specificum, etiam quod crude istius morbi (tussis convulsivae) miasma citius sive alterare, sive expellere queat. Verum de eo etsi quidem rationalem suspicionem habeamus, nihilominus perfecta adhuc experientia caremus.

Optimum remedii specifici criterium est, si adhibitum similes acmulatur crises, quas natura in morbo sibi relicto facit. Scimus tussis convulsivae crisin muci cocti excretionem per os esse; jam vero observationes circa lichenem institutae ostendunt, quod in variis aliis pectoris morbis hoc remedium pituitam et mucum coquat ac expellat. Nonne ergo credere fas est, idem in tussi convulsiva facere lichenem pyxidatum?

Vetustissimi jam Medici algas e. g. Jungermanniam (epiphyllam) Marchantiam (polymorpham) Marchantiam conicam, lichenem islandicum, lichenem pulmonarium, lichenem plicatum, byssum jolithum \*\*) ob suam pectoris morbos curandi virtutem commendarunt: longe igitur potiori jure licheni pyxidato locum inter efficacia ad levandos pectoris morbos remedia vindicare fas erit. Siquidem non veteres tantum, sed et recentiores lichenis pyxidati efficaciam in tussi convulsiva, aliisque speciebus praedicarunt atque institutis experimentis comprobarunt.

Willis \*\*\*) tantam in hoc remedio contra tussim con-

\*) Dissert. de tussi convulsiv. p. 19.

\*\*) Vogler Diss. de muscis et algis notioribus sanitati servientibus p. 17. et seq.

\*\*\*) De operatione medicamentorum p. 120.

vulvivam jam posuit fiduciam, ut de eo sequentia diceret: Inter multa hujus generis remedia duo haec sequentia quibusque aliis praeferrere et in primis usurpari solent. - Viz ut muscus pyxidatus ejusque varia praeparata et compositiones intus fumantur, atque si ulteriori medela opus fuerit, ut terriculamento quodam adhibito, puer laborans in subitum timorem conjiciatur, quodsi hujusmodi administrationibus successus optatus defuerit, ptisanæ, syrupi, julapia aut decocta, aliaque pectoralia rejiciuntur, et non raro a medicamentis quibusque aliis desistitur, expectando, donec morbus vel demum sponte terminetur, vel propter succedentem anni τροπήν fanetur.

At periculosum et inane est consilium, dum Willis timorem pueris tussis convulsiva vexatis incutiendum suadet. Per illum enim non destruitur miasma tussis convulsivæ, sed potius impeditur crisis, atque etiamsi fortiore per timorem excitato spasmo alter solveretur spasmus, cura tamen haec, si ita nominari meretur, modo esset momentanea, et ipsa tussis convulsiva peiores morbos posset producere.

C. Bauhinus et Rajus \*) primi fuerunt, qui lichenem pyxidatum in cerevisia coctum contra atrocem hunc morbum tussim convulsivam adhibuerunt, ejus usum vero in tussis convulsiva Dillenius \*\*) qui in describendis plantis cryptogamicis omnes antecellit, Linnaeus \*\*\*), qui licheni coccifero quidem hanc vim tribuit, sed ex antecedentibus patet, lichenem cocciferum a pyxidato non differre, Huxham \*\*\*\*) Forbes †) Cullen ††), qui simul observavit lichenis pyxidati decoctum palato infantum quam maxime accommodatum esse, Dale †††), Vogel ††††), Schulzius \*)

\*) Hist. plantar. universalis.

\*\*) Hist. muscor. in praefatione.

\*\*\*) Mater. med. p. 229. n. 541.

\*\*\*\*) Volum. I. pag. 99.

†) De tussi pag. 82.

††) Recensetur in Cl. Code medicinischirurgischer Bibliothek II. Th. S. 113.

†††) Pharmacolog. Supplem. p. 44.

††††) Histor. Mater. med. pag. 110.

\*) Mater. med. pag. 396.



Home \*) Loefeske \*\*) et plurimi alii auctores magis comprobantur.

Inter recentiores van Woenfel \*\*\*) tussim convulsivam Petropoli epidemice grassantem hoc remedio feliciter curavit. Quadraginta pueri, quinque et septem annorum nobiles militiae tirones, quorum sanitati van Woenfel praeest, hac tussi epidemica cum periculosissimis symptomatibus conjuncta infestabantur. Paroxysmi ipsius tussis irregulares, et perquam frequentes, sputa saepius sanguine mista, saepius sincera sanguinea erant, aegri delirabant, et omnia symptomata tam periculosa erant, ut vel apoplexia lethalis, vel haemorrhagia larga, vel tabes esset metuenda. Omnia contra tussim convulsivam decantata remedia incassum adhibebantur, et quamvis van Woenfel omnes alias consuetas tentaret methodos, tamen id tantum effecit, ut vehementiam symptomatum mitigaret, et quam maxime timendum erat, ne ante veris reditum media aegrorum pars diem obiret extremum. Fortuna bona contigit D. van Woenfel, ut lichenem pyxidatum contra tussim convulsivam a Linnaeo commendatum legeret, hoc momento lichenis pyxidati uncias duas in aquae fontanae libra una decoxit et colaturae syrupum menthae addidit. Aegrorum unicuique sub vesperum uncias duas hujus decocti praebeuit, quo insequente nocte tussis et caetera symptomata mitigabantur, continuato autem hujus decocti usu intra octo dierum spatium tres aegrorum partes sanitati pristinae restituebantur, sed isti, qui pessime se habuerunt, primo intra dies quatuordecim convaluerunt, unicus tantum (forsan ad tabem jam dispositus) elapsis aliquot mensibus tabe fuit extinctus. Haec experientia cum veterum observationibus juncta clare docet, lichenem pyxidatum specificum contra tussim convulsivam remedium, et in ea adhibendum esse.

\*) Princip. Medicin. pag. 122.

\*\*) In Edit. noviss. Mater. med. pag. 504.

\*\*\*) Sammlung auserlesener Abhandlungen zum Gebrauche praktischer Aerzte, VI B. I St. 186. S.

Ipsæ adeo naturalis animalium instinctus et sequentes a me institutæ observationes docent, lichenem pyxidatum in aliis quoque pectoris humani morbis, ubi spasmus simul adest, egregii usus esse.

*Casus I.* Femina septuaginta annorum, decem retro annis phthisica, denuo hæmoptoe vexatur, post suppressum sanguinis sputum tussis antiqua multum exacerbatur, irrita, nihil cum euphoria educens; exhibita medicamenta, quæ sputum liberaliter educerent, nihil proficere, febris exasperatur, sudor nocturnus et alvus liquida vires destruunt. Exhibetur nunc decoctum lichenis pyxidati, quod sputum hæctenus suppressum facile eduxit, respiratio fit liberior, diarrhoea filet, et vires redeunt. Phthisis quidem corpus consumere pergit, verum cum incommodis multum immunitis mortem omnium aerumnarum finem tranquille expectat.

*Casus II.* Mulier 35 annorum summopere hysterica, tussi sicca per quatuor septimanas vexatur. Medicamenta, ut vocant, expectorantia nil profunt. Ad spasmos in corpore hoc consuetos leniendos antihysterica et laudanum Sydenhami propinantur, quæ aliquod licet leve lenimen præstant. Exhibito autem decocto lichenis pyxidati sputum coquitur, sine magno molimine educitur, nox fit quietæ, et sine medicamentis antispasmodicis tussis, quam nervosam vocant, sanata est.

*Casus III.* Sartor 28 annorum pallidus, macilentus corporis, festo paschatis anni 1784 saltu et potu spirituosos exæstans, hæmoptysi vexatur, una venæsectione et quiete sedata hæc est. Ast septimo die Iunii a 1785 ardore, pectoris oppressione, et anxietate corripitur, tussiendo sputa strigis sanguineis mista primo, dein sincerum quoque sanguinem ejicit, octavo autem morbi die absque remediis sputa sanguinea quidem non amplius adparent, tussis tamen sicca et oppressio pectoris manent. Dedi lichenis pyxidati decoctum, sputum coquitur et expellitur, op-

pressio et tussis filet, ac continuato hujus decocti usu fit torosus.

*Casus IV.* - Infans quatuordecim hebdomadum dira tussi ad suffocationem usque vexatus toto corpore ob perpetuos pulmonum concussus calens raro cruda tussiendo expellit sputa. Inter respirationem stridor a muco in arteria aspera accumulato auditur. Nares siccae obstructae, alvus frequens, sincera, viridis corpus pallidum viribus fractum. Dedi linctum emollientem, clysmata emollientia cum vitello ovi. Post haec alvum viridem mucosam sequitur flava pultacea, usu hujus linctus mobilis facta pituita per alvum et os secedit, liberior fit respiratio, ast continuatur tussis sicca. Dedi decoctum lichenis pyxidati, sputa prodeunt cocta, tussis fit rara, et nunc filet. Infans viribus fractus, emaciatus evadit robustus et pinguis.

Possem hic plures in praxi observatos casus adferre, sed experimenta a Celeberrimo et Expertissimo D. Professore STRACK longe perspicaciori observandi ratione in tussi, in phthisi, aliisque corporis consumptionum speciebus circa lichenem pyxidatum instituta ejus efficaciam clarius et certius comprobant.

Cum instinctus animalibus a natura datus homines ad cognitionem virium plantarum saepius induxerit, mihi quae ex arte veterinaria non incognitum fuerit, oves tussi saepius infestari, ad opiliones, qui oviariae per multos annos operam navarunt, accessi, sciscitaturus, num quem in ovibus suis tussi vexatis ad quasdam herbas, et ad quas instinctum observassent, quibus tussim levare solerent. Quidam ejusmodi opilionum, qui septuagenario major erat, ovesque a pueritia et ultra quinquaginta jam annos paverat, respondit, se observasse, oves tussi laborantes, ubi per silvas agerentur, algas albescentes (weiße Moos) avidis dentibus carpsisse, quarum frequentiore post eum tussis sensim levata penitusque sedata fuisset. In illa vero vicinia silvarum per quas hic senex pastor oves suas agere consueverat, cum crescentem copiose lichenem pyxidatum deprehenderim,



quem specifico nomine suo quidem homo rei herbariae rudis appellare nesciit, facilis mihi conjectura fuit, oves illas lichenem pyxidatum tam avide carpisse, illiusque virtute convaluisse.

Si celeberrimi ac Expertissimi D. Professoris STRACK observationes circa lichenem in phthisi institutas, et feminae phthisticae casum antea positum considero, lichen pyxidatus contra phthisin omni jure est praedicandus. Quamvis dirum hunc morbum ope illius e radice nequeam tollere, mihi tamen hoc remedium haud omni laude videtur carere, si in morbo tanti discriminis aliquod saltem levamen afferat. Omnibus contra phthisin remediis antepondere audeo: balsama enim stimulando et calorem inducendo in hoc morbi genere nocent, oleosa, uti sperma ceti, et alia, quae adhiberi olim solebant, ventriculum adgravant, et debilitant; lichen vero pyxidatus horum omnium vitiis expers blande nutrit, amaritiae, lenique sua vi antiseptica humores condit, sputa emollit, et promovet, in diarrhoea, quae sub finem phthiseos accedere solet, mucilagines et antiseptica laudantur. Quis ergo remedium velut inutile poterit improbare, quod utramque virtutem possidet, quae de lichene pyxidato constat. In phthisi nondum inveterata, praesertim quando puris excretio minus succedit, decoctum lichenis cum melle, quod simul vi detergente, ut ajunt, gaudet, egregii usus est. Non minus in catarrho fauces et laryngem a muco acri optime tuetur, et mucis excretionem promovet.

Frequens lichenis pyxidati contra febres intermittentes usus in Thuringia celebratur \*), quod mihi etiam non absque omni ratione fieri videtur, cum resinosum lichenis hujus extractum maximam cum extracto corticis peruviani similitudinem habeat, et Huxham \*\*) de pertussi puerorum dicat: *Lichen pyxidatus si quid valeat, propter vim adstringentem, et ad naturam corticis peruviani aliquanto acce-*

\*) Brückmann Epist. itiner. Cent. I. epist. 57.

\*\*) Volum. I. pag. 100.

*dentem valet.* Mihi quidem experientia propria circa hoc deest, ast oblata occasione in stadio cruditatis febris intermittens, ne salutare, quas natura facit, crises licheni meo temere tribuam, experimenta instituiam.

Plurimas plantas ab insectis et vermibus depasci deprehenditur; sed lichen pyxidatus, aliaeque plantae cryptogamicae ab his immunes sunt, atque intactae relinquuntur. Quo jure ergo lichen pyxidatus, praecipue ob amaritiam vermibus inimicam anthelminticis accensendus sit, iudicio lectoris relinquo.

Willis \*) sequentes contra tussim convulsivam praescripsit formulas, quae in morbis quoque aliis, circumstantiis mutatis, praescribi possunt.

R̄. Musci pyxidat. pulverifat. drachm. duas.

Sacchari candid. scrupul. un.

Mis. divide in 3 vel 4 part. aequal.

Sumatur dosi vespere et mane cum vehiculo apto.

R̄. Musci pyxidat. drachm. duas

Lact. sulph. scrupul. duos

Pulv. femin. anis. scrupul. unum.

divide in 6 pulv.

Sumatur dosi vespere et mane cum vehiculo idoneo.

R̄. Musci pyxidat. drachm. un. \*

Coque in lact. s. q. pro una dosi.

Sumatur vespere et mane.

\* Van Woensel praescripsit duas uncias.

Quibus lac non congruit, aut minime prodest, paratur ejus decoctum cum aqua fontana aut hyssopi, aut alia pectorali, et detur ad uncias duas vel tres bis (saepius in die) et dulcorando cum saccharo aut syrupo idoneo.

R̄. Musci pyxidat. unci. unam, coque in aquae cujusdam pectoralis libris duabus ad medietatem. Colaturae adde

\*) Libr. cit. pag. 121.

Sacchari candid. libram unam, et evaporet leni calore ad consistentiam fyrupi.

Cum hoc remedium nullo modo sit periculofum, dofis ejus augeri, et formulae v. g. in electuarium cum confervis convenientibus v. g. hyffopi, falviae, pro aegri circumftantiis, poffunt mutari. Haec mihi fufficient. Habent Practici multiplicem intelligendi occafionem, num qua falus exinde fit expectanda, et quo in morborum genere poffit ulterius cito, tuto, atque jucunde proficere.

---



X.

DE

VITRIOLO ALBO

EIUSQUE

USU MEDICO ET CHIRURGICO.

DISSERTATIO INAUGURALIS,


QUAM

IN ACADEMIA GEORGIA AUGUSTA ANTE QUINQUEN-  
NIUM DEFENDIT, NUNC PASSIM CORREXIT AC  
RECENTIORUM OBSERVATIS AUXIT

DR. CAROLUS HENRICUS STOLTE

MEDICUS APUD LONGOSALISSENSIS.

1 7 9 2.



# SECTIO PRIOR.

## HISTORICO-CHEMICA.

### §. 1.

Vitriolum dicitur sal medium metallicum, ex connubio acidi vitriolici cum calce metallica natum.

### §. 2.

Cum omnibus quidem metallis et semimetallis acidum vitriolicum conjungitur, licet id in nonnullis difficilius impetretur; omnium vero maxime affine est Zinco \*), quocum Vitriolum constituit, in cujus indolem et virtutes, quantum vires et otium permittunt, nunc inquirere tentabo.

### §. 3.

*Vitriolum album*, seu *Zinci*, purum, crystallos praebet perlucas, prismata referentes quadrangularia, quorum duo latera opposita sunt latiora. Pyramis terminalis similiter quadrilatera. Plerumque tamen in prismatis duobus angulis oppositis levis observatur defectus, unde sectio oritur hexangula \*\*).

### §. 4.

Saporem linguae imprimit adstringentem, quem mox subdulcis, at nauseosus, excipit.

### §. 5.

Aëri per aliquod tempus expositum libero multum aquae suae indeque pelluciditatem et figuram perdit, ac tandem, salua tamen albedine, fatiscit.

### §. 6.

In 50 caloris gradu secundum scalam Fahrenheit. SPIELMANN \*\*\*) in unc. I. aquae destillatae grana. 210,

\*) BERGMAN, Nov. Act. Upsal. Vol. II. p. 159. sqq.

\*\*) BERGMAN, Opusc. phys. et chem. Vol. II. de miner. Zinc.

§. 5.

\*\*\*) Institut. chem. p. 53.



cl. WENZEL \*) in 10° thermometri Reaumuriani unciam hujus Vitrioli crySTALLISATI soluit. Observante vero BERGMANO \*\*), 100 partes ejusdem, ut solvantur, aquae destillatae mediae temperaturae 228 postulant; ferventis autem multo minor quantitas requiritur.

## §. 7.

Flammae expositum facillime liquefit, spumat et valde intumescit, ac tandem massam relinquit refractariam, quae non, uti flores zinci, phosphorescit, cum sale microcosmico et boracis facile et cum effervescencia sese conjungit, cum alcali minerali primis momentis vehementer effervescens coit, dein vero quoad parvam modo partem huic jungitur \*\*\*).

## §. 8.

Destillationi subjectum, praemisso phlegmate et tenui acido sulphureo, valde concentratum acidum vitriolicum exhibuit †).

## §. 9.

EX BERGMANI ††) experimentis 100 partes continent zinci calcinati 20, acidi vitriolici 40 et aquae crySTALLISATIONIS etiam 40. Nam leni calcinatione centenarius 40 circiter aquae libras amiserat, et post trium horarum candescenciam non nisi 20 calcis zincae restabant, libris 17 zinci metallici aequiparandae.

## §. 10.

Si solutioni 100 partium Vitrioli zinci instillatur alcali phlogisticatum, mox secernuntur moleculee albae, quae post completam praecipitationem collectae, lotae et exsiccatae pulveris exhibent e flavo albidis partes 83. Iam cum zinci metallici partes 100 cum alcali phlogistico porrigant

\*) von der Verwandtsch. der Koerper, p. 441.

\*\*) § cit.

\*\*\*) BERGMAN, l. c. §. 2.

†) HELLOT analys. chem. du Zinc; in Memoir. de l'Acad. des Sc. à Paris 1735. p. 28.

††) l. c. §. 5.

495, et sic zinci pars una fere 5 praecipitati exhibeat: vel inde apparet, in 100 partibus Vitrioli zinci circiter 17 metalli contentas esse \*).

## §. II.

Acido salis solvitur quidem Vitriolum zinci, sed affuso spiritu vini e solutione plane non mutatum praecipitatur. Unde tam major zinci cum acido vitriolico affinitas, quam simul Vitrioli zinci in spiritu vini indissolubilitas elucescit \*\*).

## §. 12.

Ab acido sacchari \*\*\*), ut terris et salibus alcalinis, nec non alcali volatili caustico †) Vitriolum zinci certe, fortassis etiam acido acetosellae ††) decomponitur.

## §. 13.

Vitriolum album vel natura, vel arte paratum occurrit. *Nativum*, rarius quidem, plerumque stalacticum, e pseudogalena fatifcente ortum, in fodinis Goslariensibus (ubi *Ioekel* vocatur †††) aliisque zinci mineris divitibus \*) reperitur. Tum vero etiam forma plumosa e parietibus fodinarum efflorescere, nec non instar crustarum varii ambitus illis adhaerere dicitur \*\*). Vix unquam purum est, sed vitriolo vel ferri, vel cupri, vel utroque simul contaminatum.

## §. 14.

*Arte* paratur triplici modo.

I. Purissimum obtinetur, dum zincum indicum in acido vitrioli diluto solvitur. Plerumque partes tres acidi

\*) BERGMAN, §. cit.

\*\*) BERGMAN, Vol. III. de attract. electiv. §. 67.

\*\*\*) Id. Vol. I. de acido sacch. §. 22, et de attr. elect. §. 67.

†) Id. de attr. elect. §. 12.

††) ibid. §. 67.

†††) SCHLÜTER, gründlicher Unterricht von Hüttenwerken, p. 471. 476.

\*) NEUMANN praelect. chem. ed. ZIMMERMANN, p. 1823. HILL, hist. of the Mat. med. p. 136. WALLERIUS syst. mineral. Vol. II. p. 24.

\*\*) HILL, l. c. LEWIS, hist. of the Mat. med. Ed. 2. p. 597.

concentrati anatica portione aquae diluti zinci unam, sub leni calore facile \*) ac sine ulla resistentia fuscipiunt. Sic HELLOT \*\*) unciis tribus olei vitrioli cum aequali aquae quantitate diluti zinci drachmas sex et scrupulum soluit. Cl. WENZEL \*\*\*), ut grana 206 solvantur, modo unciam dimidiam requiri dicit. Observante BERGMANO autem haec olei vitrioli quantitas tantum drachmas duas suscepit. Solvitur zincum magna cum effervescencia, qua durante vapores inflammabiles, allium redolentes, attolluntur, qui, admoti candela, cum explosione inflammantur. Solutio dein ad pelliculam evaporata et in loco frigido posita crystallos exhibet §. 3. descriptas. Fere idem evenit, si loco metalli calx, seu flores zinci in acido vitriolico soluuntur.

### §. 15.

2. Raro ab aquis in fodinis, in quibus pyrites et minerae zinci hospitant, obviis per cocturam, seu inspissationem, filtrationem et crystallisationem hocce Vitriolum, plus minus purum, conficitur. Sic ab aquis in fodina magni Cuprimontii, seu Fahlunensi, tres varietates Vitrioli albi separari posse, colore aliquantisper discrepantes, refert WALLERIUS †).

### §. 16.

3. Tertius idemque usitatissimus Vitriolum album parandi modus fit per ustulationem et sequentem elixationem minerarum pyritosarum zinco diuitum. Maxima conficitur hac methodo quantitas e minera montis Rammelsberg, Goslariae vicini, quae vulgo *Rammelsbergisches Bleyerz* audit, et praeter plumbum copiosum, etiam zincum, ferrum,

\*) Paullo difficiliorem huius Vitrioli factitii praeparationem esse dicit WALLERIUS l. c. cum in gelatinam solutio abire soleat, vel zincum sub evaporatione praecipitari. Cui vero alii refragantur, ut cel. GMELIN Einl. in d. Chem. §. 162. et 555. cel. WIEGLEB Handb. der Chem. 2. B. p. 181. ERXLEBEN Chem. §. 766. Nec mihi ejusmodi gelatinosum coagulum vel praecipitationem observare licuit.

\*\*) l. c.

\*\*\*) l. c. p. 72.

†) l. c.



cuprum et argentum fovet. Omne Vitriolum album venale et in nostris officinis obvium hujus est profapiae.

Detectum fuit ibidem anno 1570 a Duce IULIO, qui illi tum temporis nomen *Erzalaun* imposuit \*). Vera ejus compositio usque ad annum 1735 latuit \*\*). Tum vero BRANDT \*\*\*) duas evulgavit observationes ejusdem naturam denudantes. Expertus scilicet est, hunc salem calcinatum et dein cum pulvere carbonum et cupro tractatum orichalcum efficere; deinde zincum acido vitriolico solutum salem ejusdem indolis, ac illud vitriolum album, gignere. Eodem anno HELLOT †) probavit experimentis, Vitriolum album enixum esse zinco et acido vitrioli.

Modum, quo Goslariae paratur, fusc descripsit SCHLÜTER ††). E minera nempe illa, ut paucis hic referam, prius ustulata extrahitur cum aqua quidpiam vitriolici, quod extractum alii minerae adhuc calidae adfunditur et sic tertia vice iteratur, ut justam acquirat saturationem. Postmodum hoc lixivium vitriolo diyes a minera separatum in aheni quiete relinquitur, ut subsideant impuritates. Tunc in cacabis plumbeis ad pelliculam evaporatum decantatur in alios, ut inde crystalli formentur. Hae crystalli in aheni cupreo liquantur, iterumque solutio ab heterogeneis innatantibus despumando liberata ad nonae partis jacturam inspissatur. Quo facto in arcis ligneis spathulis agitur, usque dum debitum consistentiae gradum acquirat Vitriolum. Tandem doliis immittitur, ibique mora instar, sacchari albi indurefcit.

#### §. 17.

Hoc modo autem paratum Vitriolum album non pu-

\*) SCHLÜTER, op. cit. p. 597.

\*\*) Mirum sane, veram ejus naturam tam diu in Germania latuisse, cum jam ante annum 1330 in fodinis Carinthiis quotannis octo millia centenariorum sub nomine Vitrioli zinci parata fuerint. vid. Bergbaukunde, I B. 1789. S. 152.

\*\*\*) Abhandl. von den Halbmetallen; in Aët. Upsal. T. IV. vid. ill. CRELL neues chem. Archiv, 2 B. p. 307.

†) l. c.

††) l. c.

rum \*), sed aliis metallis, seu vitriolis magis minusve inquinatum esse, omnes chemici asserunt. Sic, ut aliquos modo memorem, BAUMÉ \*\*) contaminatum vitriolo ferri esse dicit. Cel. WIEGLEB \*\*\*) saepius adhuc ferrum et cuprum illi inesse contendit; et NEUMANN †), WALLE-RIUS ††), SPIELMANN †††, HAGEN \*) MACQUER \*\*) hisce addunt etiam plumbum.

## §: 18.

Ac ferri quidem praesentiam, sicuti etiam cupri, vel utriusque simul, interdum color prodit, nec minus, quamvis inquinamentum quartam non superet partem, figura spathacea \*\*\*). — Solutio hujus Vitrioli, affuso decocto adstringente e. g. gallarum, nigrescit. — Pars ochrae flavae, vel sponte praecipitatae, si solutio per aliquot tempus in leni digestionem quiete steterit, vel adjecto zinco copiosius extricatae, post exsiccationem, magneti obsequiosam sese praestat. — Alkali phlogisticatum prodit ferrum coeruleis moleculis, quae sub prima instillatione distinctae apparent albidis immixtae, si nimirum liquor nullo modo quatitur †).

\*) Contendit equidem BRANDT l. c. hoc Vitriolum album, nihil ferri sibi admixtum habere, quia hoc a zinco arctiori affinitatis vinculo acido vitriolico juncto e connubio cum acido vitrioli inito praeceptum datum fuisset. — Quod quidem omnino etiam tum eveniret, si zincum tanta copia mineris inesset, quanta ad omne istud ustulatione a phlogisto liberatum acidum suscipiendum requiritur. Cum vero zinci quantitas huic acido saturando sola non sufficiat: non potest non reliqua acidi pars, salvis affinitatis legibus, etiam cum ferro aliisque sibi obviis metallis coire et sic varia constituere vitriola, quae nostro ex modo memorata ejus confusione ex parte admixta manent.

\*\*) Erläuterte Experimentalchemie, übers. v. GEHLER 3. Th. p. 489.

\*\*\*) l. c.

†) l. c. p. 1835.

††) l. c.

†††) l. c.

\*) Lehrb. der Apothekerk. 1786. p. 686.

\*\*) Chymisches Wörterbuch, von LEONHARDI übers. 2 Aufl. 3 Th. p. 226.

\*\*\*) BERGMAN, de min. zinc. §. 5.

†) ibid.

## §. 19.

Cupreum inquinamentum interdum, praeter colorem, prodit sapor nauseosus. — Ferrum politum huic Vitriolo affricatum, vel ejusdem solutioni immixtum mox cupro obducitur. — Praecipitatum mediante zinco factum et edulcoratum spiritum alcalinum adsumum caeruleo tingit colore. — Alkali phlogisticatum fusco rufis prodit moleculis.

## §. 20.

Plumbum vero huic Vitriolo inesse, jure a pluribus in dubium vocatur. Licet enim negari non possit, acidum vitriolicum etiam plumbum, minerae Goslariensi uberius admixtum, aggredi; vix tamen probabile videtur, inde enatum vitriolum saturninum nostro junctum manere cum illud, teste cel. HAGEN \*), difficillime, vel plane non aqua suscipi queat. Ideoque propius a vero abesse videtur, illud jam in vasis elixationi minerarum destinatis sedimento mixtum relinqui. — Aliud plumbeae indolis signum, quod NEUMANN \*\*) a sapore subdulci desumfit, per se nihil probat, cum etiam Vitriolum album factitium hunc saporē linguae imprimat.

## §. 21.

Ante vero, quam in usum medicum vocatur, ab istis peregrinis metallis liberatum sit, plerumque requiritur. Atque hoc impetratur, si solutio Vitrioli Goslariensis zinco, vel raso, vel granulato, vel in frustula dissecto adfunditur, et post digestionem et filtrationem, loco frigido crystallifatur. — Ad depurandas Vitrioli albi  $\text{℥vj}$  aquae  $\text{℔j}$  solutas additamentum  $\text{℥℔}$  zinci rasi praescribit Pharmacop. Edinb. Certius autem et melius id impetratur, si major zinci quantitas additur et solutio usque eo fervida servatur, donec nullo amplius praecipitato ochreo obscuratur, perlucida manet et praecipitatum ab alcali fixo productum candidissimum adparet. Sic, mediante zinco, acido vitriolico praeter reliquis metallis affini, omne inhabitans et cuprum, et ferrum, praecipitatur, et *Vitriolum album exit depuratum*.

\*) Experimentalchemie; affix. Tab. IV.

\*\*) l. c. p. 1836.



## §. 22.

Perperam igitur illud Vitriolum album vocant depuratum, quod solutione, filtratione et crystallisatione, seu inspissatione, licet pluries repetita, solummodo a fordibus immixtis et pauxillo ochrae ferreae sponte praecipitatae liberatum fuit. Tale Vitriolum album purificatum est veterum \*) et recentiorum *Gilla* (*Gilla vitrioli*, *f. Theophrasti*, *f. Paracelsi*, *f. Sal vitrioli* etc.) quam vero nonnulli \*\*) etiam e Vitriolo, modo coeruleo, modo albo, rarius viridi, plus minus calcinato, mediante solutione et crystallisatione, pararunt. Iam cum Vitriolum mixtum tam solvendo, quam calcinando, licet saepius iteretur utrumque, a metallis inquilinis omnino liberari nequeat; cogitur, Gillam a vitriolo, ex quo confecta fuit, vix, vel parum fuisse diversam semperque plus minus labe venerea, vel martiali laborasse, quanvis cl. HURLEBUSCH \*\*\*) illam calcinatione paratam, non obstante vi, quam exseruit, emetica, pro Vitriolo zinci puro venditare studeat. Plura de his nosse cujus interest, adeat ipsos auctores citatos, nec non IUNGKENIUM †).

## §. 23.

Varias etiam Vitriolum album intrat formulas et compositiones officinales, quarum nonnullae in recentioribus quoque Pharmacopoeis magis vel minus mutatae et emendatae occurrunt.

Sic praecipuum ingrediens est *Lapis medicamentosi Crollii* ††). Pluribus inest *Collyriis* s. aquis ophthalmicis;

\*) PENOT, Theophrast. Vademec. *Magdeb.* 1607. p. 118. BEGUIN. Tyrocin. chym. *Colon.* 1615. p. 158. M. HOFMANN, Prolus. de remed. delect. p. 125. MANGET, Bibl. pharmaceut. T. II. LEMERY, Pharmac. univers. p. 230. Ej. Cours de chym. p. 472. ERNSTING, Nucl. totius medic. p. 386.

\*\*) ANGELUS SALA, Op. med. chym. *Frft.* 1647. p. 498. CHARAS, Pharm. reg. p. 263. POTERIUS Op. o. cum annot. *Fr.* HOFFMANNI, *Frft. ad Moen.* 1698. p. 540. SCHULZE, Mat. med. p. 39.

\*\*\*) Diff. Zincum med. inquirens; *Helmst.* 1776. p. 12.

f) Corpus pharmac. chym. med. univers. p. 954.

††) v. SCHROEDERI Pharm. med. chym. Lib. II. p. 231. brevioris et concinnioris ejus compositionem in *Pb. Lond.* p. 49. et in *Pb. Wirr.* 1786. p. 93.

nec minus *Aquae aluminosae Bateanae* \*). Intrat porro *Unguentum ad scabiem Timaei* \*\*), huicque simile notissimum *Iasseri* \*\*\*), nec non *Unguentum psoricum Vogleri* †). Alias denique, quas ingreditur, compositiones, ut pulveres et liquores errhinos, injectiones, collatoria, unguenta, emplastra etc. quaeras sub his titulis, si lubet, in IUNGKENIO aliisque.

## SECTIO POSTERIOR.

### MEDICO - ET CHIRURGICO - PRACTICA.

#### §. 24.

Tam a longo retro tempore Vitriolum album in usum medicum vocatum fuit. Praecipue vero PARACELSI temporibus viguit, optimoque cum successu pluribus morbis fuit oppositum. Laudant illud inter veteres praeiertim HELMONT, PENOT, CROLL, QUERCETANUS, ANGELUS SALA, BEGUIN, LE FEBURE, RIVERIUS, ZWOELFFER, BONET, CHARAS, W. WEDEL, MORTON, FR. HOFFMANN alique, quorum, uti recentiorum, in recensu morborum, quibus id opposuerunt, fiet mentio. Recentiori vero aevo parcius in usum vocari coepit. Et quidni Vitriolum album eidem fato obnoxium fieret, cui plura alia medicamenta, vel praestantissima, ut nempe laudetur ab his, culpetur ab illis, utque tam nova detecta illud ex usu detruderent, quam incautus usus, ut suspectum, infamaret, cum tamen infelix effectus non remedio, sed sinistro usui tribuendum esset. Lubens quidem fateor, ejus usum, praeiertim internum, difficultatibus haud carere maximamque medentis cautionem vel ideo poscere, quod plerumque in pharmacopoliis non depuratum occurrat. Licet enim vitriolum martis huic admixtum ipsum egregium sit reme-

\*) *The Edinb. new Dispensatory* 1786. sic habet: R. Alum. Vitriol. alb. aa.  $\mathfrak{z}\beta$ . Aquae pint. jj.

\*\*) IUNGKEN, p. 1202 Est, quod sequitur: R. Cort. laur. Sulph. citrin. ana  $\mathfrak{z}\text{iv}$ . Enul.  $\mathfrak{z}\text{ij}$ . Vitriol. alb.  $\mathfrak{z}\text{j}\beta$ . Styr. liqu. q. s. F. Ungt.

\*\*\*) SCHMUCKER, verm. chir. Schr. 3 B.

†) *Pharmaca selecta*, Ed. 2. Wetzlar. 1788. p. 122.

dium et interdum Vitriolo zinci aequiparandum, imo anteponendum; in quibusdam tamen casibus statui morbi minus congruum esse, in aliis effectum remedii subdubium reddere potest. Magis vero cupreum ipsi inhabitans timendum est, cum nonnunquam vi sua emetica effectui intentato obesse eumque frustrare possit; quamvis etiam e contrario in iis casibus, ubi vomitum ciere propositum est, exigua illa vitrioli coerulei immixti quantitas requiratur.

Plura quidem detexit serior aetas medicamenta, in nonnullis morbis, quibus olim Vitriolo albo obuiam itum fuit, huic omnino praeferenda. Ab his vero si recesseris, plures adhuc relinquuntur morbi, in quibus sanandis eius utilitas hodiernum confirmatur. Ac recentiora cum illo etiam in quibusdam aliis morbis facta experimenta satis probant, contemptum, quo passim laborat, non mereri, sed dignum esse, praecipue purum illud factitium, cuius plura pericula caute capiantur.

#### §. 25.

Haud parum saepe negotii faceffit virium remedii determinatio ex effectu, quem in hoc illoue morbo praestitisse fertur, cum non semper de fide et obseruandi dote auctoris constet; cum saepius remedii virtus inter plura alia, vel antea, vel simul in auxilium tracta, diuisa maneat, imo his solis effectus salutare nonnunquam adscribendi videantur; cum non raro obseruatores nec indolem remedii adhibiti modumue eius praeparationis, nec causam, speciem, naturamque mali, quod illius ope sanasse perhibent, simul tradiderint, vt multa alia taceam momenta, quae frequentius in descriptis morborum historiis neglecta effectum remedio cuidam tributum dubium suspectumque reddunt. Varia id genus dubia movent et laudes Vitriolo albo in hoc illoue malo tributae. Sic, vt vnum modo hic adducam, non parum interest nosse, num Vitriolum album, praesertim interne adhibitum, depuratum, sive factitium fuerit, an non depuratum; cum, si hoc fuerit, in nonnullis casibus tam ferrum, quam cuprum, licet parcius admixta sint, etiam sibi aliquam curationis partem vindicare possint, et sic, quid huic alteriue tribuendum, non semper erui



queat. Quod quidem de Vitrioli albi puritate dubium modo ex quibusdam nostri aevi observationibus creatur, quippe cum depuratio, ante hoc ignota, in quibusdam Dispensatoriis quidem iniuncta sit, ideo vero non temper instituitur, id quod emesis, quam interdum Vitriolum album excitauit, nobis persuadet.

## §. 26.

*Vires* autem Vitrioli albi factitii, seu depurati ad frequentia capita reduci posse videntur.

Inter reliquas praecipue eminet, tanquam primaria, vis *adstringens*, quae iam ex sapore, leni dentium stupore, labiorum et linguae quadam corrugatione et exsiccatione percipitur, sed magis adhuc ex effectu, quem in morbis exerit, apparet.

Dum adstringit, cohaesionem, firmitatem et elasticitatem fibrarum auget atque *roborat*.

Quod autem tonum solidorum roborat, id eorum actionem in contenta fluida auget, horum mixtionem alterat, et sic sanguinem cogit, spissat, eiusque dissolutionem impedit, vel iam factam imminuit et *putredinem arceat*.

Vim *antispasmodicam*, quam interdum edidit, partim fibram laxam roborando, et irritabilitatem nimiam saepius cum hac coniunctam minuendo, partim, ut flores zinci, lenem diaphoresin excitando, exierere videtur.

Vires autem, quae minori gradu in illo conspiciuntur, ut *resoluens*, *diaphoretica*, *diuretica*, *laxans*, *anthelmintica* et *errhina*, nunc a vi irritante, nunc a roborante repetendae esse videntur.

Vim denique *emeticam* quod spectat, qua Vitriolum album, Gilla et Sal vitrioli apud veteres quam maxime celebrata fuere, vix quidem dubium creare poterat, hancce non factitio illi competere, sed particulis cupreis non depurati, quod etiam TRILLER \*) WEDEL \*\*) LOESEKE \*\*\*) et MOENCH \*\*\*\*) contendunt, adscribendam esse, cum ve-

\*) Dispensator. pharmac. vniuers. T. I. p. 11.

\*\*) Amoenitat. mat. med. Jen. 1704 p. 296.

\*\*\*) Mat. med. 5 Aufl. von Gmelin p. 88.

\*\*\*\*) Systemat. Lehre von den gebräuchlichsten einfachen und zusammenges. Arzneym. 2 Aufl. Marburg. 1792. S. 411.

terum purificatio non vera ejus depuratio fuerit. Nec minus in iis casibus, ubi recentiores vomitum experti sunt, cupreum illud inquinamentum in causa fuisse, verosimile erat. Attamen cum etiam Vitriolum album depuratum passim in officinis venale proftet, nec tamen unquam Vitrioli albi usurpati indolis mentio facta fuerit; cumque non semel a floribus zinci ipsis vomitum excitatum fuisse, ex pluribus observationibus a cl. HART \*) et cl. MARTINI \*\*) evulgatis constet: subdubium saltem esse videbatur, numvis emetica semper cupro admixto sit tribuenda, an vero Vitriolum zinci purum etiam, uti flores, hunc effectum interdum exferere possit. De quo ut certior fierem, data fuit copia in Nosocomio sub Ill. Virorum, RICHTERI et STROMEYERI auspiciis hic florente. Binis aegris, in quibus plura signa sordium sursum turgescientium aderant, propinare Vitriolum, quod solutione zinci Indici in acido vitriolico paraveram, mihi licuit. Alter vero, postquam grana 24 aqua soluta sensim intra horae spatium sumserat, praeter aliquot ructus, nihil inde sensit; et alteri, in qua per idem temporis spatium ad grana 45 ascenderam, ne hoc quidem evenit \*\*\*). In utrisque dein vomitus intentatus, parva tartari emetici et ipecacuanhae dosi sumta, ciebatur.

Nunc praecipui illi casus constituendi sunt, in quibus Vitriolum album particulis cupreis inquinatum reliquis emeticis minus efficacibus praefendum. Vel maxime autem emeticum, quod validius nervos ventriculi irritare, fibram muscularem ad efficaciorē constrictionem excitare atque ita certum citumque vomitum ciere valet, praesertim tunc desideratur, ubi venenum, praecipue narcoticum, degluti-

\*) Diff. de zinco ejusque florum usu med. L. B. 1772.

\*\*) Diff. de zinco medico recentius observata sistens, praef. CRELL Helmst. 1780.

\*\*\*) Mire a meis discrepant observationes censoris in Allgem. deutsch. Bibl. 96. B. S. 399. qui Vitriolo zinci arte parato pluries vomitum destinatum, quin saepe vehementem, excitasse adserit; id quod hic loci referre fas est. Jam vero, num Vitriolo zinci etiam puro vis vere emetica insit, an potius sapor ejus nauseosus cum vomituritione vel idiosyncrasia agroti conjunctim haud raro vomitum ciere valeat, ulteriora, at circumspecte repetita, pericula discernent.

tum, vel pituita glutinosa, tenax et acris, vel ingluvies etc. citissime per vomitum reiicienda sunt, nec minus etiam, ubi metus est, ne vis alius emetici versus inferiora determinetur. Tale autem non semel hoc Vitriolum album sese praestitisse aegrumque morti, alias apoplexiae, suffocationis, convulsionum etc. pedissequae eripuisse, testantur auctores infra citandi. Datum fuit in his casibus a  $\frac{2}{3}$  ad  $\frac{3}{3}$ , imo si periculum in mora, ad  $\frac{3}{j}$ . Praeterea etiam in laxitate ventriculi aliis emeticis anteponendum suadet WEDEI \*), quia, effectu edito, simul tonum ventriculi auget. Non obstante autem vi magis irritante et celeri operationis modo, a plerisque, ut lene, blandum et securum vomitorium deprædicatur.

## §. 27.

Iam, praemissa virium Vitrioli albi determinatione generaliori, ad recensendos morbos, in quibus praecipue laudatum fuit, progredior, initium de externis facturus, ad quos sanandos vero purum non depurato semper est praefendum.

## CAPUT I.

## U S U S E X T E R N U S .

## §. 28.

Magnopere celebratum remedium nunquam non fuit Vitriolum album in *Ophthalmia*. Ut plurimum in hoc morbo, sublata causa interna et mitigato prius venae sectione, vel hirudinibus aliisque remediis antiphlogisticis nimio inflammationis aestu, adstringentia emollientibus sunt anteponenda et praecipue tum necessario requiruntur, si tonus vasorum nimio sanguinis affluxu debilitatus inflammationem fovet. Inter primaria huic statui opponenda remedia militat Vitriolum album; nec parum ad ejus commendationem facit, quod famam, qua priscis temporibus inclaruit, et hodiernis tuetur. Aptissima, qua oculis applicatur, forma est illa collyrii. Pulvis enim, licet subtilissimus, seu in-

\*) l. c. p. 300.



fietur, seu penicillo applicetur, fricando malum potius augebit. Etiam unguenta, cum plerumque rancore et acrimonia peccent, emolliendo vim remedii debilitent, et transpirationem, tam bulbi ipsius, quam partium adiacentium, cohibeant, dissuadenda sunt; nisi interdum, at recens parata, ad acrimoniam humoris effluentis obvolvendam, ut in ophthalmia catarrhali, adhibere velis. Linteolum vero collyrio imbutum atque palpebris impositum plus nocet, quam iuvat. Sic enim remedium ad locum affectum pertingere nequit, calore relaxat et effluxum lachrymarum cohibet. Multo efficacius aqua ophthalmica vim suam exserit, si repetitis per diem vicibus aegroti supino aliquot guttulae cantho oculi interno instillantur. Media vero proportio, quae quidem respectu aetatis, sensibilitatis oculi et gradus morbi augeri vel minui potest, haec est, ut Vitrioli albi gr. j-jj in aquae destillatae, e. lg. rosarum, plantaginis, ℥j solvantur.

PARACELsus \*) jam laudat in hoc malo Vitriolum album. CROLLIUS \*\*) de suo Lapide medicamento gloriatur: oculorum lachrymas restinguit, rubedinem, dolores et caliginem tollit, si pluma ejus solutione madefacta anguli oculorum externi irrorentur. BONETUS \*\*\*) nobilissimum in ophthalmia remedium vocat. RIVIERIUS \*\*\*\*): in vulgari usu habetur collyrium ex Vitriolo albo in aqua rosarum aut plantaginis dissoluto, quod inflammationem temperat, discutit et fluxionem arcet. Eorum proportio talis est: R. Vitriol. alb. ℥j, Aqu. ros. ℥iv. Vitriolum album pulverisatum in aqua ad ignem dissolvatur, coletur per linteum et in oculos instilletur. Si acrimonia sua nimium eos vellicet, additione aquae ad libitum temperetur. IUNCKER †): omnium, ait, consultissimum est et efficacissimum adstringentia cum formulis humidis moderate miscere, ubi vitriolum album facile omnium est coryphaeus; modo observetur,

\*) Oper. Basil 1599. T. VI.

\*\*) Basilic. chym. p. 271.

\*\*\*) Thesaur. med. pract. P. II. p. 981. 944.

\*\*\*\*) Op. o. Frft 1674 p. 252.

†) Conspect. therap. gener. Halae, 1725. p. 219. et Conspect. therap. spec. ib. 1750. p. 208.

ut ante illius applicationem aestus inflammationis prius temperetur et saccharum saturni aqua rosarum solutum mox subjungatur. In eundem usum per albumen ovi deliquio solvitur et aqua ros. f. plantag. temperatur. SCHULZE \*): in inflammationibus oculorum et lippitudine optime se gerit pulvis vitrioli albi subtilissimus, butyro insulso permixtus et oculis inditus; quod remedium a *Binningero* commendatum saepius cum fructu expectato adhibui. Praestare haec forma collyriis videtur. HEISTER \*\*\*) post alia remedia adhibita pulverem ex sacch. alb.  $\mathfrak{z}\mathfrak{j}\mathfrak{ss}$ . Off. sep.  $\mathfrak{z}\mathfrak{j}$  et Vit. alb. gr.  $\mathfrak{ij}$ . compositum oculis inperfit. In phorophthalmia collyrium ex Aqu. ros. rubr. Plantag. ana  $\mathfrak{z}\mathfrak{ij}$ . Lapid. calam. praepar.  $\mathfrak{z}\mathfrak{j}$ . Vitriol. alb.  $\mathfrak{z}\mathfrak{ss}$  laudat. ZIMMERMANN \*\*\*) optima collyria intrare asserit. FR. HOFFMANN †): oculos si infestat salsa et calida defluxio, cui rubedo juncta, in sic dicta epiphora, et si noctu praesertim palpebrae a viscoso humore conglutinantur, paxillum, vel unum granum Vitrioli albi cum butyro recenti subactum et orbitae oculi majori inditum, admirabilem fert opem et prompte vitium abigit. LEWIS ††) solutionem  $\mathfrak{z}\mathfrak{j}$  Vitriol. alb. in pinta aquae (Aqua vitriol. Ph. Edinb.) egregium collyrium in lippitudine et levioribus ophthalmiis et, praegressa venae sectione et purgantibus, etiam in vehementioribus esse dicit. MALOVIN †††) laudat sequens: R. Vitriol. alb.  $\mathfrak{z}\mathfrak{ss}$ . pulv. Ir. flor.  $\mathfrak{z}\mathfrak{j}$ . Aqu. ros. plantag. ana  $\mathfrak{z}\mathfrak{v}\mathfrak{ij}\mathfrak{j}$ . diger. per 24 hor. et filtra. Laudant in hoc morbo praeter ALSTON \*), HILL \*\*), DALE \*\*\*), LOESEKE †), CRANZ ††),

\*) Mat. med. Hal. 1746. p. 35.

\*\*) Wahrnehmungen, 1 B. p. 355. 2 B. p. 70. 486. 595.

\*\*\*) Theoret. pract. Chym. 1567.

†) Op. omn. T. I. p. 453.

††) Experimental history of the Mat. med. Ed. 2. p. 597.

†††) Chymie medicinale, T. II. p. 396.

\*) Lectures on the Mat. med. Vol. I. p. 207.

\*\*) l. c. p. 137.

\*\*\*) Pharmacologia, Brem. 1690. p. 64.

†) l. c. p. 433.

††) Mat. med. et chirurg. T. II. p. 42.

VOGEL \*), SPIELMANN \*\*), PLENCK \*\*\*), BUCHAN †), multi alii, quorum vero paucos adhuc nominasse sufficiat, qui ejus efficaciam ipsi frequentius sunt experti. DE HAEN ††): Centies, ait, curavi lippitudinem hoc remedio: R. Aqu. pluv.  $\mathfrak{z}$ v. Vitriol. alb. Sal. marin. ana gr. v. LUDWIG †††): si laxitas vasorum corrigenda et roborantibus opus est, conducit Vitriolum album. III. RICHTER et cel. STROMEYER, Praeceptores mei summe venerandi, sub eadem conditione et in leviori mali gradu commendant. ARMSTRONG \*) in remanente laxitate vasorum conjunctivae indeque orto lachrymarum effluxu valde laudat. BATTIE \*\*): non sine fructu frequentius usus sum unguento ex butyro insulso, saccharo Saturni et Vitriolo albo debita proportionem composito, quod ad magnitudinem pisi cantho oculi majori inditum efficaciter, si prius internis rite fuerit prospectum, huic malo medetur, discutiente simulque roborante, qua pollet, virtute. PRINGLE \*\*\*) etiam in vehementioribus ophthalmiis adhibuit. Cel. SELLE †) in epiphora et lippitudine a relaxatione vasorum orta aquam suam ophthalmicam confortantem valde laudat: R. Aqu. chamom. f. v.  $\mathfrak{z}$ vjjj. Extr. Saturn. Spir. vin. camphorat. ana  $\mathfrak{z}$ jj. Vitriol. alb.  $\mathfrak{z}$ j. M. Male autem Vitriolum in connubio extracti saturni datur, quoniam sic, ex affinitatis legibus, utrumque remedium necessario decomponitur. — Novissime etiam in ophthalmia chronica, quae interdum variolas insequitur, nec minus in aliis ejusdem speciebus chronicis, albumine ovi hebetatum et marginibus palpebrarum interioribus illitum quam maxime laudatur a cel. HUFELAND ††).

\*) Hist. mat. med. p. 388.

\*\*) Instit. mat. med. vers. germ. p. 535.

\*\*\*) Pharmac. chirurg. p. 101.

†) Domestic. medic. Lond. 72.

††) Praelect. in Boerhaav. instit. patholog. T. III. p. 393.

†††) Instit. medic. clin. §. 717.

\*) An account of the diseases most incident to children, p. 108.

\*\*) Aphorism. de cogn. et cur. morb. p. 71.

\*\*\*) Beobacht. über die Krankh. der Armee, p. 160.

†) Medic. clin. Ed. 3. p. 436. 578.

††) Bemerkungen über die natürl. und künstl. Blattern zu Weimar im J. 1788. p. 159.



## §. 29.

Interdum chemosin, vel remediis majorem, vel perperam tractatam, suppuratio conjunctivae excipit. In hac *Hypopyi* specie medici est inflammationem adhuc residuam resolvere, suppurationem coercere et dein corneae pelluciditatem reddere. Ad hunc scopum impetrandum ill. RICHTER in praelectionibus suis \*) Vitriolum album hac forma adhibitum commendat: R. Vitriol. alb. gr. xv. - xxx. Album ov. no. j. ter in vas. stann. ad consist. Linimenti, 3 - 6ies in die, ope penicilli, corneae illiniendi.

## §. 30.

Ad resolvendos et discutiendos humores intra lamellas corneae, vel potius intra hanc et tunicam adnatam extravasatos, seu in vasis dilatatis stagnantes plures usi sunt Vitriolo albo. HEISTER \*\*) unguentum rosatum cum Vitriolo albo et viride aeris mixtum cum successu adhibuit. Nec minus pulverem tenuissimum e Vitriol. alb. alum. ust. et sacch. alb. compositum *Maculae* caute inspergendum commendat. DE HAEN \*\*\*) Lapid. medicam. Croll. gr. xij. aqu. fl. keyri ℥v. solut. laudat. Ill. RICHTER †) collyrio ex Vitriol. alb. gr. j. et aqu. dest. ℥j corneam, quae post vehementem inflammationem nebulosa et quasi fumo obducta videbatur, reddidit pellucidam. In graviore autem mali gradu solutionem fortiolem, e. g. Vitrioli albi ℥j ad aquae ℥jjj - iv, suadet ††). Cel. THEDEN †††) et cel. BELL \*) quoque in maculis corneae laudat.

## §. 31.

Haud raro molestat pruritus quidam et ardor palpebrarum, licet in his vix rubor et inflammatio observari possint. Vexat hoc vitium alios interdum, alios praecipue tem-

\*) vid. etiam Anfangsgr. der W. A. 3 B. p. 85.

\*\*) l. c. T. I. p. 1100. *Ej.* Instit. chir. T. I. p. 619.

\*\*\*) l. c.

†) l. c. p. 39. 128.

††) ibid. p. 146.

†††) Unterr. für Unterwundaerzte.

\*) Lehrbegriff der Wundarzneyk. 3 Th. p. 241. 242.

pore vespertino, vel post nimium iusto oculorum exercitium. Plerumque, sublata prius, si qua adsit, causa interna, solutio Vitrioli albi modo laudata citum levamen adfert, si palpebrarum margines illa saepius humectantur \*).

## §. 31 a).

In *Amblyopia* ab imminuta, vuae sensibilitate perfecta, roborandi scopo, collyrium ex aqua rosarum stillatitia et Vitriolo albo paratum commendat VOGEL \*\*).

## §. 32.

Laudatur etiam Vitriolum album a nonnullis in illa *Fistulae lachrymalis* specie, quae a metastasi materiae morbosae haud satis cognitae orta aliis remediis obscure indicatis non cedit, et ubi, praeter alia, repellentibus et roborantibus acquiescere oportet \*\*\*).

## §. 33.

In lapsu palpebrae superioris, seu *Ptoſi*, quae a causa mechanica externa extendente, seu relaxante ortum habet, collyrium e Vitriolo albo cum pulvere mastichis intra orbitam oculi mane et vespere palpebrae debili applicatum laudat cel. OETTINGER †). In *Ectropio* senum a relaxatione cutis cel. BELL ††).

## §. 34.

Valde efficax quoque sese praestitit Vitriolum album in *Aphthis*. Conducit autem praecipue in illis, quibus infantes neonati obnoxii sunt, quae plerumque nulla febre stipatae a munditie oris neglecta, lacte nutricis pingui, acri, vel alia labe peccante, et tum praesertim oriri solent, quando infans sugendo mammis obdormiscit et sic lac diutius ore retentum acorem contrahit. In hac aphtharum specie, remota causa interna, leniter adstringentia non sine fructu

\*) RICHTER, Anfangsgr. der Wundarz. 2 B. §. 564.

\*\*) Praelect. de cogn. et cur. praecip. c. h. affect. p. 474.

\*\*\*) RICHTER Anfangsgr d. W. A. 2 B. §. 535.

†) Diss. de lapsu palpebrae superioris; resp. KÜRNER Tubing.

1771

††) l. c. p. 193.

adhibentur. ROSENSTEIN \*) tepidam aliquot granorum solutionem locis aphthosis linteolo applicandam suadet. UNZER \*\*) ejus solutionem cum melle rosarum commendat. ARMSTRONG \*\*\*) optimum huic malo opponendum vocat remedium. Vitriol. alb.  $\mathfrak{B}$  aquae  $\mathfrak{Z}$ jjj soluit et linteolo hac solutione madefacto internas oris partes aliquoties in die abstergendas curat, ac simul, ad ventriculum et intestina purganda, interdum pauxillum solutionis deglutendum praebet. Praesentissimum vero ab illo auxilium expertus est cel. HERZ †) in puero trienni, atrophia confumto. Totum ejus os aphthis erat oblitum et quaquaversum, vel ad levissimum attactum, sanguinem fundebat; lingua insuper, omni licet studio a sordibus liberata, membrana lardosa videbatur obducta. Remediis congruis atrophia sublata, aphthae adhuc restabant, quibus tandem, postquam omnia alia in hoc morbo celebrata remedia per sex hebdomades incassum tentaverat, Vitriolum album, suadente ARMSTRONG, opposuit, sic, ut  $\mathfrak{B}$  in aqu.  $\mathfrak{Z}$ vj solveretur, additaque mellis rosacei  $\mathfrak{Z}$ j, os linteo hac mixtura imbuto, quarta quavis hora elueretur et aphthis profundius sitis syringis ope aliquoties applicaretur. Quo facto, post quatuor dies elapsos ne vestigium quidem mali restabat. Mel rosarum nullam curationis partem sibi vindicare posse, cel. HERZ sibi persuadet, cum jam antea, tam solum, quam aliis remediis nuptum copiose, at sine fructu, esset usurpatum. Cel. FRITZÉ ††) cum succo plantaginis et melle rosarum aphthis illitum infallibile vocat remedium. Simili modo experientia ducti studiose commendant cl. SELLE †††) et cel. ARNEMAN \*).

## §. 35.

In aliis quoque oris interni affectibus utile se praestitit

\*) von den Kinderkrankh. 5 Aufl. p. 61.

\*\*) STARK, Abh. von den Schwämmchen p. 209.

\*\*\*) l. c. p. 25.

†) SELLE, neue Beytraege etc. I Th. p. 134.

††) Medic. Annalen, I St. p. 255.

†††) l. c. p. 134.

\*) Commentatio de aphthis. Gött. 1789.



remedium nostrum. ARMSTRONG \*) collutorio suo in puero quinquenni intra paucorum dierum spatium *Ulceras oris* interni pessima sanavit. Lingua ejus alba crusta, aphtharum instar, obiecta, gingivae et palatum foedis pustulis obsita parvisque excrescentiis fungosis, verrucas mentientibus, aspera conspiciebantur, saliva, quasi mercurio prolicita, copiosa effluebat et deglutitio aegerrima gravabat. WEDDEL \*\*), Lapid. medic. Croll. in ulceribus faucium laudat, et DE HAEN \*\*\*), desperatissima ulcera dysepulotica illo sanata vidit. Ab aliis Vitriolum album in connubio tincturae laccae aquosae, vel aliorum remediorum, ad gingivarum laxitatem corrigendam, ulcera oris scorbutica detergenda, dentes vacillantes confirmandos et mundificandos varia sub forma fuit adhibitum.

### §. 36.

Quod si *Angina* inflammatoria relaxationem partium affectarum post se relinquit, vel si ipsa mitioris indolis est, ut illa, quam catarrhalem, s. serosam, s. tonsillarem vocant; tum non raro collutoria leniter adstringentia conducunt. Cel. HERZ †) modo memorata solutione in angina serosa fere semper optato cum effectu utitur. Et de hac anginae specie intelligendum est, quod VAN SWIETEN ††) de rusticis quibusdam in Zeelandia anginarum cura famosis (quibus inde nomen *Keelboeren* impositum est) refert, qui pulvisculo ex Vitriolo albo, sale ammoniaco et alumine crudo, fauces inflammatas, et quidem repetitis vicibus tangunt, quandoque cum insigni levamine.

### §. 37.

Ex iis, quae de viribus Vitrioli albi praemissa sunt, luculenter apparet ejus usus in *Haemorrhagiis externis*. Adstringente enim sua virtute orificium vasis disrupti crispatur, angustatur, dumque simul sanguinem adfluentem cogit,

\*) l. c.

\*\*) Exercitat. pathol. therapeut. p. 118.

\*\*\*) l. c. not.

†) l. c.

††) Comment. in Boerhaav. Aphor. T. II. p. 677.

thrombum efficit lumen vasis obturantem. Ejusmodi styptica inprimis in iis locis requiruntur, ubi vasa sanguinem fundunt, quibus nec ligatura circumdari potest, nec sola compressio, ut claudantur, sufficit, ut illa oris interni, narium, uteri etc. Ut plurimum solutio ex Vitriol. alb.  $\mathfrak{z}\mathfrak{z}\mathfrak{z}\mathfrak{z}$  in aqu.  $\mathfrak{z}\mathfrak{j}$  facta et mediante turunda vel compressorio, *Tampon* vocato, loco sanguinem fundenti applicata, vel syringis ope injecta, scopo respondet. RIVIERUS \*): hæmorrhagiam potenter cohibet orificia venarum constringendo, si narium cum turunda ex gossypio confecta immittitur. Cel. VOGEL \*\*) ad cohibendam enormem narium hæmorrhagiam a dissolutione humorum in febribus putridis ortam, non neglectis antiseptis internis, solutionem ex Vitri. albi  $\mathfrak{z}\mathfrak{j}\mathfrak{z}$  et aquae  $\mathfrak{z}\mathfrak{j}\mathfrak{z}$  suadet. SCHULZE \*\*\*) in hæmorrhagiis externis laudat. CRANZ †): ad compescendas vulnerum hæmorrhagias utile, vel in globulos, qui vulnere intrudantur, fingitur, vel meraca solutione applicatur. Ill. RICHTER ††) ad sistendam hæmorrhagiam evulsum polypum narium in sequentem adhibet solutionem ejus saturatam. LEAKE †††) in hæmorrhagia uteri et fluxu mensium nimio injectionem aquae aluminosae Bateanae commendat, si omnia alia non iuvant et mora periculo stipatur. Celeb. STROMEYER pessarium solutione Vitrioli albi imbutum in hæmorrhagia abortum minitante eo cum effectu adhibuit, ut sanguinis profluvium cohibitum et abortus evitatus fuerit, aut, si quandoque non evitandus esset, hæmorrhagia saltem cessarit.

## §. 38.

In ipso *Gonorrhoeae* stadio inflammatorio injectiones adstringentes e saccharo saturni, Vitriolo albo etc. a. CRIBB \*)

\*) l. c. p. 278.

\*\*) Handb. der prakt. A. W. I Th. p. 413.

\*\*\*) Mat. med.

†) l. c. T. II. p. 42.

††) l. c. I B. §. 583.

†††) Practical observat. on the childbed fever and the acute diseases most fatal to women, Vol. II. p. 286.

\*) Considerations on the use of injections in the gonorrhoea, 1773. vid. RICHTER chir. Bibl. 3 B. p. 604.

valde laudatae sunt, utpote quae inflammationem resolverent et simul leniter vasa resorbentia constringendo veneni per illa in sanguinem ingressum impedirent. Sed merito haec medendi methodus damnatur. Adstringentia enim non possunt non hic nocere, cum inflammationem et dysuriam potius augeant, effluxum materiae gonorrhoeicae cohibeant et sic veneni resorptionem potius maturent, id quod plures etiam observationes testantur.

Meliori jure ab eodem ad tollendam *Gonorrhoeam secundariam*, quam Angli *Gleet* vocant, commendantur, quam ex sola glandularum mucosarum laxitate promanare novimus. Solvit in hunc finem Vitrioli alb. gr. j. in aqu.  $\mathfrak{z}\mathfrak{j}$ , aut, si fortior reddendus erat liquor injiciendus, sequenti modo adhibuit:  $\mathfrak{R}$ . Camphor. c. paux. Spir. vin. rectific. trit. gr. jj. affund. Aqu. font.  $\mathfrak{z}\mathfrak{v}\mathfrak{j}\mathfrak{j}$ . add. Sal. saturn. Vitriol. alb. ana gr. jv. Colet. per chart. Plerumque vero profluvium, solo Vitriolo albo injecto, intra paucos dies cessavit. HILL \*) efficax in hoc malo remedium vocat. LEWIS \*\*) aquam alum. Batean. in gonorrhoeis non virulentis utilem esse dicit. Nuper adhuc cel. GIRTANNER \*\*\*) et cel. HECKER †) in Blennorrhoea idiopathica et asthenica injectiones commendarunt e Vitriolo albo, cujus ille quidem gr. jjj. in aquae  $\mathfrak{z}\mathfrak{v}\mathfrak{j}\mathfrak{j}$ , hic vero  $\mathfrak{D}\mathfrak{B}$  in  $\mathfrak{z}\mathfrak{v}\mathfrak{j}$  solvendum praescripsit.

Simili ratione etiam in *Fluore albo* a topica partium laxitate orto injectiones adstringentes cum fructu adhibentur. CRIBB ††) quoque in hoc laudat solutionem Vitrioli albi; LEWIS †††) aqu. alum. Bat.

LEAKE \*) ad tonum vaginae relaxatae restituendum et futurum uteri repositi descensum praecavendum injectiones ex Vitriol. alb. et Alum. ana  $\mathfrak{z}\mathfrak{j}$  in aqu.  $\mathfrak{H}\mathfrak{j}\mathfrak{j}$  dissolut. adhibendas suadet.

\*) l. c.

\*\*) l. c.

\*\*) Abhandl. über die venerische Krankh. Gött. 1788. p. 170.

†) Deutliche Anweisung die venerischen Krankheiten genau zu erkennen und richtig zu behandeln. Erfurt, 1791.

††) l. c.

†††) l. c.

\*) l. c.



## §. 39.

In *morbis cutis chronicis* frequentius usi sunt veteres Vitriolo albo, praecipue vero Lapide medicament. Croll. qui, uti Aqu. alum. Bat. et hodiernum a nonnullis indiscriminatum laudatur. Sed caute in his morbis adstringentia sunt adhibenda, imo potius plane rejicienda, cum facile acrimoniam hac via ejiciendam retineant, vel retropellant. Sic ad tollendas *Ephelides* \*) non nisi circumspecte illud adhibendum est. In recenti autem *scabie vera* ad necandos acaros, quos nuper cel. WICHMANN \*\*) in pristinam dignitatem restituit, Vitriolum album conferre et partem curationis sibi tribuere posse videtur, quam unguentum Iasseri, cui inest, fere semper absolvit.

## §. 40.

Profuisse quoque Vitriolum album in *Ulceribus cutis* impuris, scorbuticis purificandis et corrigendis, plures testantur. WEDEL \*\*\*) in ulceribus penis laudat, et GORDON †) saepe ulcera venerea pertinacissima, *Shankers* dicta, sequentis remedii applicatione sanasse gloriatur: R. Vitriol. alb. calcinat. Roman. calcinat. Alum. ust. ana  $\mathfrak{z}\beta$ . Camphor. ol. amygdal. trit.  $\mathfrak{z}\mathfrak{j}\beta$ . Bol. armen.  $\mathfrak{z}\mathfrak{j}\mathfrak{j}$ . M. F. P. cujus  $\mathfrak{z}\beta$ . aqu. bull.  $\mathfrak{z}\mathfrak{j}\beta$ . solvenda.

## §. 41.

In quibusdam tandem morbis a congestione serosa, seu pituitosa versus caput ortis errhina conducunt, quae irritando nimium mucum attrahunt ejusque effluxum per nares promovent. Plura huic scopo idonea applicari solent remedia, e quorum numero quoque est Vitriolum album. NENTER ††) ad muci narium incraassati solutionem commendat. JUNKER †††): errhina virtute catarrhos mucii-

\*) STOLL prael. in divers. morbos chron. ed. EYEREL. T. I. p. 286.

\*\*) Aetiologie der Krätze, Hannov. 1786.

\*\*\*) l. c.

†) Medic. observ. and inquir. Vol. II. p. 82.

††) Fundam. medicin. P. II. p. 138.

†††) Conspect. therap. gener. p. 219.

dos, coryzam etc. sublevat, si aqua majoranae solutum iusto tempore adhibetur. Fr. HOFFMANN \*) lenioribus errhinis adnumerat. WEDEL \*\*) solutionem ejus penna naribus applicat, ut liqueat catarrhos; et in infantibus recens natis, qui propter narium obstructionem vix lac fugere valebant, felici cum successu adhibuit. In eadem causa a ROSENSTEINIO \*\*\*) solutio ex aqua majoranae  $\frac{3}{\beta}$ . Vitriol. alb. et Elater. alb. ana gr. j-jj. parata laudatur, ut linteculum hac imbutum naribus immittatur. Cel. MEL-LIN ope solutionis e Vitrioli albi  $\frac{3}{j}$  cum aquae majoranae  $\frac{3}{j}$  paratae, olim ab HOFFMANNO ad solvendam coryzam usurpatae, vehementem in sinibus frontalibus dolorem sustulit †).

#### §. 41 a).

In *Odontalgia* a carie globulum inde formatum denti intrudere suavit cel. WEICKARD ††).

## C A P U T II.

### U S U S I N T E R N U S.

#### §. 42.

Rarius quidem morbi interni Vitriolo albo oppugnati sunt: attamen non parum sibi in nonnullis acquisivit fa-  
mae, quam etiam recentiora pericula ipsi servarunt, immo nonnumquam auxerunt. Non autem perinde est, num purum, an impurum adhibeas; sed in illis morbis, in quibus emesis cienda, Vitriolum album particulis cupreis comixtum sumendum est, dum in reliquis factitium, s. depuratum huicce praestare videtur. Praeant nunc illi, in quibus citum certumque vomitum desideras, quem etiam pluries optato cum successu excitavit.

\*) l. c. p. 442.

\*\*) Miscell. curios. An. III. p. 215.

\*\*\*) l. c. p. 40.

†) vid. ARNEMANN Entw. einer prakt. Arzneymittellehre, 2 Th. p. 205.

††) ibid. p. 194.

## §. 43.

Horrendum est symptomatum agmen, quibus *venena* quaedam *deglutita* stipantur, quaeque non raro, nisi promptissimam opem tuleris, ocyus seriusve morte finiuntur. Varia habentur pro varia veneni indole antidota, quibus illius vim enervare, ac periculo instanti obviam ire licet. In quibusdam vero, praesertim narcoticis, praesentissimum affert auxilium vomitus, quem, nisi jam omnis sensibilitas et irritabilitas fere exstincta, seu venenum jam altius delatum fuerit, citissime ciet emeticum, quale est Vitriolum Goslariente. BOERHAAVE \*) in tali casu Vitrioli albi 3℔. deglutendam, vel, si iam deglutitionis difficultas adesset, ope canalis flexilis injiciendam suadet. Vidit idem \*\*), octo pueros cicutam devorasse; angebantur, delirabant, vomituriebant, convellebantur omnes. Propinavit Vitriolum album, et servati sunt, qui vomuerunt, omnes. VAN SWIETEN \*\*\*), Vitrioli albi 3℔ in aquae 3jj dilutam ad venenum adhuc in ventriculo haerens, et alibi †) ad ingluviem celerrime excutiendam commendat. Et cel. WITHERING ††) vitio dare videtur WHATELEYO, quod aegro suo, qui, ingenti opii copia deglutita, mortuo similis jacebat, non illico ipecac. ʒjj. una cum Vitriolo albo ingesserat, quod multo citius reliquis emeticis vomitum excitasset. In simili casu commendant SEV. HEE †††), GREGORY \*), CRANZ \*\*), SCHERF \*\*\*), alii.

\*) Praelect. academ. in propr. institut. ed. HALLER. T. VI. §. 1136.

\*\*) l. c. §. 1138.

\*\*\*) Comment. in Boerhaav. Aphor. T. III. §. 1035,

†) ib. T. II. §. 605. n. 10.

††) Med. obs. and. inqu. Vol. VI. p. 331.

†††) Act. N. C. Vol. X. p. 334.

\*) Uebersicht der theoret. Arzneyw. 2 Th. §. 1374.

\*\*) l. c. T. II. p. 42.

\*\*\*) Anzeige der Rettungsmittel bey Leblosen etc. Altona, 1780. p. 196. 204.



## §. 44.

Haud parum frequens *Apoplexiae* causa occasionalis est colluvies primarum viarum et nimia ventriculi debilitatis a cibis repletio. Omnem hic curationis partem absolunt evacuantia, et ex his praecipue emetica, quae, praemissa, si opus est, sanguinis missione et clysinatibus, citissime causam plerumque adhuc in ventriculo stabulantem exterminant, nec raro fatum avertunt, quod, his neglectis, largiores venaesectiones properassent. Magni faciunt in hoc casu, ob citum, quem edit effectum, Vitriolum album QUERCETANUS \*), SCHULZE \*\*), GRASSIUS \*\*\*), DE MOOR †), FR. HOFFMANN ††), IUNCKER †††), PLATNER \*); nec minus cl. FOTHERGILL \*\*) in apoplexia, quae, ut plerumque, epulas excipit, largas Vitrioli albi doses, a  $\mathfrak{Dj}$ - $\mathfrak{ss}$  tuto exhibendas suadet, usque dum vomitus sufficiens excitatus fuerit. Eodem in casu magnopere commendavit heu! praematureo fato creptus STOLL \*\*\*).

## §. 45 a).

In morte *submersorum* ancipiti nuper modo a cel. KITE †), praeter alia irritantia topica, etiam vomitoria commendantur, quippe quae, remota prius versus caput congestione, stimulo, quo ventriculum, omnis consensus centrum, afficiunt, quam maximae ad resuscitandam vim vitalem sopitam atque sufflaminatam valerent. Vitriolum album, sive coeruleum, huic scopo prae aliis emeticis idoneum censet, quia utrumque sine praevia nausea effectum ederet.

\*) Tetrad. capit. affect. p. 153.

\*\*) Praelect. in Dispens. Brandenb. p. 169.

\*\*\*) Ephem. N. C. An. IX.

†) Patholog. cerebri, *Amstel.* 1704. p. 592.

††) l. c. p. 432.

†††) Consp. Ther. spec. p. 911.

\*) Ars medend. §. 385.

\*\*) Medic. obs. and inqu. Vol. VI. p. 84.

\*\*\*) l. c. T. II. p. 138.

†) An essay on the recovery of the apparently dead. London. 1788.

## §. 45.

Eadem ex causa in *Comate* et *Sopore* fuit adhibitum. RIVERIUS \*) pueros comate affectos tale vitrioli vomitivo citius ac tutius, quam ullo alio remedio liberari dicit. PLATNER \*\*) Gillam Paracelli in sopore ad  $\zeta\beta$   $\mathfrak{D}$ jj. exhibendam suadet.

## §. 46.

Eodem Vitriolo nostro cl. STACK \*\*\* ) puerum, qui dormiens sanguinem e naribus ruentem deglutiverat indeque *Lipothymia* correptus fuerat, in vitam revocavit. Longa nimirum et tranquilla inspiratione cum brevi et sonora expiratione, quam pro certo ventriculi affecti signo habet, persuasus, non tam inanitionem, quam potius pressionem a sanguine in ventriculo accumulato causam Lipothymiae esse, vini Ipecac.  $\zeta x$  propinavit, quae quidem post dimidiaae horae spatium elapsum vomitum non ciebant. Vitrioli albi vero gr. x. illico multum cruoris ejecerunt, quo ejecto sensim aeger ad seipsum rediit.

## §. 47.

Interdum accidit in decursu *Februm bilioso-putridarum*, ut vomitus, quamvis quam maxime indicatus, tamen impe- trari nequeat, dum emeticum unum post alterum exhibi- tum, nunc ob spasticam ventriculi constrictionem, vel ex- stinctam fere ejus irritabilitatem, omnino nullum effectum edit, nunc ob majorem intestinorum irritabilitatem vel pe- culiarem corporis idiosyncrasiam, praesertim vero, si diar- rhoea jam urget, hunc deorsum exserit. In hoc autem sta- tu ancipiti, praegressis remediis, quae illic spasmus solve- re, hic vero acrimoniam irritantem diluere, involvere, ni- miam tubi intestinalis irritabilitatem obtundere ac diar- rhoeam frustraneam coercere possunt, emeticum, quod hoc sibi privum habet, ut non modo majori vi stimulante irri-

\*) l. c. p. 203.

\*\*) l. c. §. 375.

\*\*\* ) Medical cases with occasional remarks, *Bath*, 1784. p. 35.

tabilitatem ac sensibilitatem sopitam resuscitare, sed etiam, absque inversae operationis metu, citum certumque vomitum provocare queat, non potest non esse exoptatissimum. Atque tale esse videtur Vitriol. album; tale saltem in binis aegris simili statu afflictis, ubi et tartarus emeticus, et ipecacuanha, vomitum speratum denegabant, lese praestitisse, cel. FISCHER, Praeceptor pie colendus, placide mecum communicavit.

#### §. 48.

In *Catarrho suffocativo*, ad pituitam tenacem et irriterantem quam citissime eliminandam. Gilla a 3β-Θjj a SCHULZIO \*) PLATNERO \*\*), LOESEKIO \*\*\*), aliisque laudatur.

#### §. 49.

Haud minorem fructum promittit Vitriolum album in *Raphania*, ubi primaria medellae pars circa eliminatorem colluviei pituitosae ac verminosae versatur. In tanta enim, quae semper adesse solet, tubi alimentaris insensibilitate, vi, qua gaudet, magis irritante, fibras nervosque ventriculi torpentes efficacius excitare et pituitam glutinosam, vermium hospitem, potentius, quam ipse tartarus emeticus, vomitu ejicere poterit.

#### §. 50.

Laudantur a pluribus in *Hydrope emetica*, quae totum corpus et viscera praesertim abdominis concutiendo debilia contrahere, obstructa aperire, serum tenax soluere, ejus resorptionem promovere et sic hac illave via evacuare possunt, modo sint viscera adhuc vitiis libera, aqua extravasata non nimium corrupta, vires nondum exhaustae. Vitriolum album vero tum praecipue reliquis emeticis praestaret, ubi tonus solidorum relaxatus simul esset roborandus. Haud ita pridem quoque in referendis obstructioni-

\*) l. c.

\*\*) l. c. §. 433. 700.

\*\*\*) l. c.



bus inveteratis indeque orto hydrope valde efficax reperit  
cl. SCHMALZ †).

## §. 51.

Magni quoque aestimarunt veteres Vitriolum album in sananda *Epilepsia*, utpote quod non modo ad colluviem, fere semper huic morbo comitem, evacuandam, sed simul etiam ad tonum relaxatum roborandum irritabilitatemque morbosam placandam prae caeteris esset aptum. ANGELUS SALA \*) ad coelum usque attollit, nec minus QUERCETANUS \*\*), PENOT \*\*\*), le FEBURE †), CHARAS ††) aliique eo fugasse gloriantur. At vero et nupera experimenta non minus huic remedio favent. Non semel Vitriolo albo epilepsiam sanasse asserit, cl. JOHNSON †††), simul autem longius continuandum ejus usum injungit, si quid inde expectare velis. Aegra, cujus historiam refert, jam per tres annos insultus epilepticos passa fuerat. Paroxyfimi, qui initio rarius reversi erant, nunc intervallo 14 dierum ingruebant. Variis jam remediis, inter haec et valeriana, frustra tentatis, cl. JOHNSONI opem implorabat, qui, suasu cl. SAUNDERS \*), Vitriolum album floribus zinci praeferentis, initio bis quotidie hujus gr. v. exhibuit, pedetentim vero ad gr. xii ascendit, quod quidem augmentum praeter levem interdum nauseam, nihil molestiae creavit. Ter quaterve initio brevioris temporis spatio et majori vehementia, quam antea, paroxysmus redibat, dein vero per duos ipsos menses absuit. Sic, continuato ejus per dimidium anni spatium usu, aegra perfectam sanitatem recuperavit. In epilepsia ab infarctibus atrabilariis orta Vitriolum

†) SCHWENKE Bemerk. über die Wasserfucht und einige langwierige Krankheiten. Mit Zusatz. von SCHMALZ. Dresden, 1787.

\*) l. c. p. 498.

\*\*) l. c. p. 153.

\*\*\*) l. c. p. 118.

†) l. c. P. II. p. 803.

††) l. c.

†††) Medic. and. philosophic. Comment. Vol. V. P. III.

\*) ibid.

album in sodalitis aquae laurocerasi et methodi Kaempferianae praedicatur a cel. THILENIO \*\*). Ad vomitum autem excitandum eodem (ut opinor, impuro) dosi sensum aucta vius est cel. HILDEBRANDT \*\*\*).

## §. 52.

Vitriolum album etiam in *Febribus putridis* eximium esse remedium, tam ex iis, quae de ejus viribus exposita sunt, colligere licet, quam ex frequenti apud veteres in peste aliisque id genus morbis usu patet. Magis vero adhuc elucescit ejus vis antiseptica ex effectibus vix expectandis, quos cl. WIEL \*) vidit in febribus putridis, quae Moscoviae epidemice grassantes in nosocomio suae curae tradito ingentem stragem edebant. Cessit interdum morbus aliis idoneis remediis. Quod si vero nono die in pejus mutabatur, vel jam ab initio malignitatis speciem prae se ferebat; statim Vitriol. alb. gr. x-xv in aqu. fl. Chamom. ꝑvj. solui, hujusque solutionis omni trihorio ꝑꝑ. propinari iussit. Unde materia peccante tam per alvum et urinam, quam per transpirationem eliminata, jam post aliquot a sumto Vitriolo dies ex 56 aegrotis 48 reconvaluere.

## §. 53.

Similem ejus efficaciam expertus est in puero, qui in quintum diem *morbo varioloso* laborabat. Variolae erant confluentes et violacei coloris cum pulsu debili, celeri, et tendinum subsultibus conjunctae. Dedit ipsi omni trihorio, quantum cochlear capere potuit mixturae ex aqu. fl. sambuc. ꝑvj. Vitriol. alb. gr. IX. et syr. cort. aurant. paratae. Sumtis tribus dosibus, pulsus plenior colorque variolarum rubicundior evasit. Sic continuato remedio, ut bis vel ter quotidie alvum motam haberet, die decimo quinto fuit sanatus. Plura ejusmodi exempla videantur in Diss. cit.

\*\*) Medicin und chirurg. Bemerk. p. 129.

\*\*\*) Getchichte der Unreinigkeiten im Magen und den Gedärmen. 3 B. p. 482.

\*) Obs. de usu interno Nucis vomicae et Vitrioli albi in pertinacibus morbis curandis conspicuo *Wienb.* 1771.

## §. 54.

Vis Vitrioli albi febrifuga jam a CHARAS \*), le FEURE \*\*) aliisque laudatur. Magis vero innotuit ex periculis, quae nuperrime cl. BLANE †) et cl. TELFORD ††) felicissimo cum effectu ad profligandas *Febres intermittentes* cum illo cepere, quarum hic plures sanasse refert, quae cortici peruviano ipsi cedere noluerunt. Exhibuit ejus gr. v. omni quadrihorio, tempore apyrexiae, ac quidem, si a duabus inveterato hydrope complicatis recesseris, in reliquis optato cum effectu. Ansam hisce experimentis capiendis praebuerunt illa, quae cl. HENDY \*), dum Barbadosii degbat, cum floribus zinci instituit, quarum ope nonnumquam febres intermittentes profligavit, quae corticis vim diu eluserant. Eandem licet efficaciam in quibusdam casibus TELFORD expertus fuerit; tamen illis Vitriolum album praefert, quippe quod lenius operetur ac magis ventriculo sit amicum. Nequaquam vero hoc omnino cortici peruviano aequiparandum vel substituendum, sed modo in quibusdam casibus, quos quidem non adfert, huic praeferendum esse arbitratur. Videtur autem in illo inprimis statu conducere, ubi laxitas solidorum cum dissolutione humorum et pronitate ad sudores noxios coniuncta conspicitur.

## §. 55.

Eximios quoque effectus Vitrioli huius usum secutos vidit cl. WIEL \*\*) in *morbis rheumaticis et arthriticis*, licet quidem hic in connubio aliorum remedium efficacium fuerit adhibitum. Dedit illud cum duplici quantitate extracti amari in pilulas gr. jj. formatum, quarum omni qua-

\*) l. c.

\*\*) l. c.

†) Observat. on the diseases incident to seamen; London 1785. P. III. Chap. I. p. 420.

††) ibid.

\*) ibid.

\*\*) Diff. cit.



drihorio 3 - 4 sumendas iussit. Citum plerumque auxilium attulerunt, dum statim peculiari modo in lotium agebant, et cum hocce materiam arthriticam sub forma sedimenti calcarei et crassae pituitae vasibus adhaerentis e corpore eliminabant. Harum usu cl. WIEL se ipsum ab arthritide haereditaria et ex illa ortis viscerum obstructionibus breui temporis spatio liberasse refert. Eosdem salutares effectus etiam ill. CRELL \*) non semel harum pilularum usu praestitos obseruauit, nec vnquam etiam sedimentum illud, materiae peccantis eiectae testis, abfuit.

## §. 56.

Iisdem pilulis cl. WIEL et ill. CRELL \*\*) varios *affectus hypochondriacos* feliciter oppugnarunt.

Cl. LETTSOM \*\*\*) *Palpitationem cordis* inveteratam post vehementem terrorem in hypochondriaco ortam Vitriolo albo leuauit. Praescripsit eius  $\mathfrak{ss}$  in aqu. alexiter. simpl.  $\mathfrak{z}$ iv. soluendum, cuius solutionis ter in die cochlear propinauit. Simili modo ill. CRELL \*\*\*\*) *palpitationem cordis* in femina plethorici habitus, instituta prius, at sine leuamine, venae sectione, penitus abstulit. Feminis debilitate hysterica laborantibus, quibus roborantia et antispasmodica sueta incassum data fuerant, quassiam vitriolo albo nuptam eximio cum effectu propinauit modo laudatus LETTSOM †)

## §. 57.

In *Fluore albo* a sola laxitate, vel vniuersali vel partiali, orto, Vitriolum album etiam, vt alia roborantia, interne

\*) MARTINI diff. cit. p. 30.

\*\*) ibid.

\*\*\*) Medicinische Nachrichten von dem allgemeinen Dispensatorio in London von 1773 bis 1774. N. d. Engl. Altenb. 1777. p. 271.

\*\*\*\*) l. c.

†) Memoires of the medical society of London. Vol. I. London, 1787. vid. Richter chr. Bibl. 10 B. S. 240.

adhibitum conducere potest, et LEVISON \*) hoc praecipue connubio datum laudat: R. Pulv. Fl. Chamom. ʒss. Vitriol. alb. ʒj. Pulv. rad. Rhabarb. Zingib. ana gr. vj. M. S. Bis quotidie talis fumendus.

## §. 58.

Eosdem pulveres LEVISON \*\*) in *Diabete* cum fructu adhibuit. Ac facile intelligitur, Vitriolum album virtute, qua pollet, adstringente et roborante vigorem virium animalium imminutum restituere, vim corporis assimilatricem debilitatem corrigere renumque laxitati mederi posse.

## §. 59.

III. CRELL \*\*\*) pilulas istas WIELII in figulo vehementi *Colica* saepius vexato cum optimo successu usurpavit. Videtur haec *Colica saturnina*, vel illa, *Pictonum* dicta, fuisse, cui GRASHVIS †), PERCIVAL ††), ipse ill. CRELL †††) aliique alumen tam felici successu opposuere. In *Colica saturnina*, praemissis laxantibus e cremore tartari seu oleo ricini, cum successu praebuit cl. MOSELEY \*).

## §. 60.

Laudatus IOHNSON \*\*) Vitriolo albo ad *Diarrhoeas* pertinaces compescendas usus est, ubi Ipëcac. Rhabarb: terra Japon. aliaque adstringentia frustra fuerant usurpata.

In *Dysenteria* praecipue efficax reppererunt Medici Mospelienses \*\*\*) et nuper maxime modo memoratus mo-

\*) Beschreib. der Lond. medic. Prax. Berl. 1782. 2 Th. p. 98.

\*\*) l. c. I Th. p. 244.

\*\*\*) l. c.

†) Tentam. de colica pictonum; Amstel. 1752.

††) Essays medical. and. experimental, Vol. II. p. 194.

†††) v. BALDINGER, Magaz. für Aerzte, Bd. 3. St. I. p. 4.

\*) A treatise on tropical diseases and on the climate of the West-indies. London, 1788.

\*\*) l. c.

\*\*\*) Chem. Lehrlätze der hohen Schule zu Montpell. p. 175.

SELEY \*), qui solutionem e Vitrioli albi 3jjj et aluminis 3j cum aquae ℥j paratam, dosi ac tempore pro re nata varie mutatis, summo cum fructu propinasse testatur.

§. 61.

*Vermes* tandem enecare et expellere Vitriolum album plures veterum saepius jam citati asserunt.

\*) l. c. vid. Gött. Anz. 1789. 65 St.



XI.

DR. IOANNIS MÜLLER

DISSERTATIO

MEDICAMENTORUM ANTIMO-  
NIALIUM CONSPECTUM  
SISTENS.

H A V N I A E,

1 7 8 7.



## MEDICAMENTORUM ANTIMONIALIUM CONSPECTUS.

### P R O O E M I U M.

Pro materia dissertationis inauguralis sumpsi mihi medicamenta antimonialia s. stibiata, sub conspectu chemico-medico ita ponenda et consideranda, ut classificentur secundum partes constitutivas, prout nempe vel utrumque principium, regulus atque sulphur, in solita proportionem, vel regulus solus adest, vel iste sulphur praevalet, vel neutrum revera datur, utque jugiter efficaciae eorundem in corpore humano habeatur ratio. Hoc labore id in votis habui, ut mihi met ipsi eo magis cognitam atque perspectam redderem praecipuam illam Materiae medicae hodiernae partem, junioribus artis cultoribus simul aliquam exinde nascituram utilitatem sperans. Apparebit enim, immensam illam antimonialium farraginem, quoad essentialia et virtutes medicas, ad paucissima praeparata posse redigi; innumeros illos Regulos, Calces, Infusiones, Tincturas etc. nihil fere esse, nisi variationes arbitrarias; multa denique, quae nostro aevo pro inventis plane novis venditantur, cramben esse bis coctam. Optarem quidem, ut et spatium et tempus mihi esset, historiam antimonii ab antiquissimis inde temporibus enucleate exponendi. At sane haec sola limites dissertationis inauguralis excederet, nec in lectores ulla alia inde redundarent emolumenta, quam ut viderent, Dioscoridis aequae ac Plinii et Galeni temporibus hocce medicamen in usu fuisse, multasque, interdum ridiculas, tam de partibus ejusdem constitutivis, quam de modo praeparandi, apud antiquos, ut et recentiorum nonnullos existisse opiniones. Paucis rem exemplis illustrare liceat. Aliqui, idque Plinii seculo, duo ejus genera statuerunt, marem nempe et foeminam. Alii antimonium pinsita farina circumlutum torruerunt, et deinde mulieris lacte extinctum in usum asservarunt. Alii iterum huic minerae omnium fere metallorum, ut auri, argenti, mercurii, aeris, princi-



pia viresque medicatas inesse putarunt. Alii de terra quadam mercuriali tanquam principio antimonii constitutivo somniarunt. Sed incerta, dubia, fabulosa mittam, quæque ex fanioze chemia de antimonii principiis et virtutibus nostro magis enubilato aevo innotuerint breviter proponam, quo magis dein elucescat, quænam falsa, quænam vera sint, cum de multivariis hujus medicamenti præparationibus agendum erit. Compendium autem laboris haud exiguum mihi pariet, et clariorem, ut spero, lucem ipsi conspectui adfundet prævia consideratio nonnullorum theorematum, tam analyticis quam syntheticis experimentis et observationibus medico-practicis superstructorum, quæ igitur præmittere fas sit.

## THEOREMATA CHEMICO-MEDICA.

### a. *Analytica.*

#### I.

*Antimonium* in statu suo naturali, quod *crudum* vocant, consideratum, constat ex metallo quodam singulari, *Regulo antimonii dicto*, et *Sulphure communi*. Hoc antimonium crudum modica dosi propinatum drasticas vires in corpore humano non exferit.

#### II.

*Regulus antimonii* solus, ex terra metallica specifica et phlogisto combinatus, semper in corpore nostro, dummodo in non nimis minuta quantitate propinetur, aque ventriculi humoribus solvatur, vomitum ciet.

#### III.

*Regulus antimonii*, calcinatione libera maximam partem suo phlogisto priyatus, in pulverem cinereum mutatus, deinde in Vitrum conversus, utraque sub conditione valentiores effectus, non raro drasticos, in corpore humano producit, quam immutatus ille regulus (II.)

#### IV.

Pulvis iste cinereus (III.) quem *Calcem antimonii* dicunt, vel etiam ex eo confectum *Vitrum antimonii*, acidis, impræ-

mis muriatico, soluta, ut statum salinum ineant, qualem e. gr. in Butyro antimonii cernimus, in fummo efficaciam drastrictam exercet gradu.

## V.

*Regulus* denique antimonii, omni suo phlogisto orbatus, sistit *terram* illam *specificam* antimoniam (II.) albidam et sub nomine *Antimonii diaphoretici abluti* notam, de cujus efficacia inter medicos disputatur. A modo tamen, quo praeparatum est, magnopere pendet sensibilis vel dubia ejus virtus.

b. *Synthetica.*

## VI.

Haec autem *terra antimonialis* sub nova cum tantillo phlogisti copula, ut calx antimonii cinerea, vires acquirit drastrictas.

## VII.

*Calx antimonii* parum phlogificata, acido nupta, qualem e. gr. sistit Tartarus emeticus, efficaciore vi drastricta praedita est.

## VIII.

*Terra antimonialis*, majori phlogisti copia juncta, eo-que quasi saturata, et ope ignis in statum metallicum reducta, in quo *Regulus antimonii* audit, difficiliter in corpore humano solvitur, adeoque minus efficax, quam antea, dum phlogisto pro parte erat destituta.

## IX.

*Regulus antimonii* denique cum sulphure in eadem proportionem, quam novimus adesse in antimonio crudo, per fusionem combinatus, exhibet productum, antimonio crudo simile, quod *Antimonium regeneratum* vocant, in quo vires drastrictae *terrae specificae antimonialis phlogificatae*, ob intimam cum sulphure copulam quam maxime limitatae sunt.

Ex his rite consideratis facile apparet, quid virtutis expectandum sit a quolibet antimoniali praeparato, in stupenda illa farragine, ad quam perlustrandam nos jam

accingimus, occurrente. Quippe in singulis, quatenus antimonium ipsis inest, ratione habita proportionis tam sulphuris, quam phlogisti, ad terram specificam antimonialem, facile computari poterit efficacia. Hunc in finem itaque medicamentorum antimonialium conspectum, qualem convenientissimum judicavimus, doctiorum examini subijcimus.

## CONSPECTUS GENERALIS.

Omnia antimonialia chemice considerata in quatuor classes dispelci possunt, quarum

Ima ANTIMONIA ipsa,

IIIda REGULINA,

IIIIda REGULINO-SULPHUREA,

IVIda PSEUDOSTIBIATA sistit.

Placeat lectori cum hacce classificatione comparare illam, quam Cl. *Saunders* in elegantissimo suo opusculo \*) dedit, nec non illam, quam nuperrimus auctor, Cl. *Ebell* \*\*) exhibuit. Prior nempe omnia *ex antimonio parata* dividit in *regulos*, sive *acido junctos*, sive *non junctos*. At vero nimis contractam seu angustam esse hanc divisionem facile patet. Et primo quidem ipsum antimonium nativum a praeparatis ex antimonio removendum esse, inficias ibit: nemo, qui perspicit, quantum simplex a praeparato distet. Deinde binas illas classes varia pseudostibiata, cum stibiatis: ipsis nequaquam confundenda, ingredi necesse est. Ita quidem ipse auctor regulinis, nulli acido junctis, inseruit Tincturam antimonii tartarisatam. Ita quoque suo systemate coactus hepar antimonii sejunxit a regulis cum sulphure combinatis. Plura exempla afferre possem, si hoc loco singula extricare liceret.

Alterum auctorem quod attinet, sequentes ille condidit classes: 1. Regulos. 2. Calces. 3. Vitra. 4. Sulphurea. 5. Salina. 6. Spirituosa. In hoc systemate mi-

\*) *Observationes de Antimonio ejusque usu in morbis curandis*,  
Londin. 1773.

\*\*) *Diff. inaug. de Medicamentorum antimonialium differentia*,  
Göttingae 1784.



nus congruum mihi videtur, quod ex calcibus et vitris classes fecerit speciales, quae tamen tanquam ordines sub regulinis comprehenduntur. Simpliciter sulphurea dicit auctor, quae ipse tamen ex regulo et sulphure composita esse agnoscit. Spirituosa in singularem redigit classem, quae tamen vel ad salina vel ad pseudostibiata pertinent.

CONSPECTUS SPECIALIS.

CLASSIS PRIMA.

A N T I M O N I A.

ANTIMONIA hic dicimus illa praeparata, in quibus regulus et sulphur adsunt in proportione et forma naturae consentanea, sive ipsa mater, sive ars illa combinaverit. Sunt autem vel simplicia, vel composita, prout vel solum adest antimonium, vel alia ingredientia admixta sunt.

A. ANTIMONIA SIMPLICIA.

I. ANTIMONIUM CRUDUM OFFICINALE, Graecis forte *συμμι, συβι*, Latinis *Stibium*, alias *Plathyophthalmon*, *Larbason* etc. dictum, a peregrinis lapideis, terrenis et aliis inquinamentis, quae ipsi adhaerere solent, separatum, est minera singularis cujusdam semimetalli, ponderosa, splendens, striata, friabilis, nigricans, saporis et odoris expers, in qua semimetallum seu regulus aequali circiter sulphuris communis portione est mineralisatum \*). Ipsum semimetallum se ab aliis, figura sua chrySTALLINA, stellam radiatam exhibens, distinguit, ejusque gravitas specifica ad g. f. aquae est ut 8000 ad 1000. Gravitas specifica antimonii crudi plerumque ad aquae g. f. ut 4700 ad 1000 \*\*), quae ratio

\*) Sulphur antimonii a vulgari nullo modo esse diversum probant *Boerhaave*, *F. Hoffmann*, *Meuser* et alii. Sulphuris vero et reguli mutua proportio diversa ab auctoribus statuitur. Hic autem dissensus oritur tam a difficultate rationem harum partium accurate indagandi, quam a varia proportione quae reapse in antimonio invenitur e diversis petito fodinis. Ita antimonium e Gallia et Britannia allatum regulum et sulphur fere aequali proportione mixta continet. In Hungarico autem ratio sulphuris ad regulum reperitur ut 1 ad 3 vel 4.

\*\*) *Muschenbroekii* introductio ad philosophiam naturalem, p. 537.

tamen pro variis fodinis, e quibus obtinetur antimonium, quin et pro ejusdem coni partibus \*) differt. Impura enim minera fusione in formam conicam a peregrinis adhaerentibus liberatur. Purior autem fusioni non subicitur.

2. *ANTIMONIUM CRUDUM PRAEPARATUM*, sive *Alcohol antimonii*, est antimonium crudum subtilissime pulverisatum et super porphyrite tandiu laevigatum, donec vel minimae particulae splendentes disparuerint, quo facto multa aqua abluitur et siccatum in usum asservatur. Antimonium ita praeparatum propter subtilitatem particularum suarum ab acido in primis viis facilius solvitur.

3. *ANTIMONIUM REGENERATUM*. Hujus praeparationem in theoremate IX. indicavimus. Non modo experimenti causa instituitur ista synthesis, verum etiam frequentius in usum medicum adhiberi deberet, ita enim purissimum medicis practicis subministraretur antimonium praeparatum.

## B. ANTIMONIA COMPOSITA.

4. *AETHIOPS ANTIMONIALIS*. Antimonium crudum et sal commune æ. p. mixta funduntur per horam; frigefacta massa in fundo crucibuli invenitur quidam regulus, (sed minus proprie sic dictus, cum maximam partem antimonium crudum sit), qui diligenter a scoriis separatus teratur cum æ. p. mercurii vivi usque dum globuli mercuriales penitus extincti fuerint \*\*). Iuxta Pharmacopoeam Danicam antimonii crudi purissimi unc. i. teritur cum mercurii vivi unc. β. Ab hac formula recedit Pharmacopoea Svecica \*\*\*) addendo scilicet florum sulphuris dr. β †). Dantur et aliae ingredientium proportiones, sed his supersedeo, quum practicis tutius et rectius sibi ipsis formulam componere expediat, quo de quantitate mercurii certiores fiant.

\*) Apex nempe basi ponderosior est et reguli ditior.

\*\*) *New Dispensatory* p. 545.

\*\*\*) In editione priori A. 1775. Sed in altera praescribitur hydragyri p. iii, cum Kermes mineralis p. ii. trituratione.

†) Cum hoc convenit *Aethiops antimonialis Huxhami*. Rec. anti. monii purif. subtiliss. pulver. p. iii. mercur. xiv. puriss. p. iv flor. sulphur. p. ii. M.

5. MORSULI ANTIMONIALES, vulgo *restaurantes Kunkelii* \*). Amygdalarum dulcium decorticatarum et minutim incisarum unc. i. antimonii praeparati unc. β. cinnamomi minutim concisi dr. ii. sacchari albissimi ad consistentiam tabulati cocti dr. vii. misceantur, fiant inde morsuli xvi aequales. Praestat tamen recentem aliquam miscelam, quam istos facile rancescentes morsulos exhibere.

*Morsulos antimoniales Pharmacop. Brandenb. et Kleini, Pilulas antimoniales ejusdem, Pilulas de Vinqued, Decoctum antivener. Zwelferi et Kleinii, sudoriferum Richardi de Hauteferk, Bolum psoricum ejusdem et inulta alia tam officinalia quam magistralia, diversimode composita, quorum infinitum fere numerum cumulare possem, omittere praestat.*

CLASSIS SECUNDA.

R E G U L I N A.

*Regulina antimonialia* mihi sunt illa, in quibus nulla alia Stibii pars adest, praeter regulum, quantumvis forma diversum. Quotquot enim plus minusve sulphuris in sinu suo foveant, ad *regulino-sulphurea* jure meritoque referuntur. Sub triplici autem forma habentur haec *regulina* strictissime sic dicta, *metalli* nimirum, *calcis* et *salis*.

A. REGULI ipsi sive *regulina metallica*.

Regulina metallica quid sint ex dictis, patet: Scilicet pars antimonii metallica a sulphure quidem separata, sed suo phlogisto, ejusque beneficio metalli dotibus, quotquot ipsi competunt, gaudens. Est vero regulus vel *simplex*, nihil alieni metalli continens, vel *compositus*, Martis, Jovis etc. majori minorive copiae junctus.

Ad sulphur ab antimonio crudo separandum complures viae sunt excogitatae, adjectis nempe vel certis salibus, qualia sunt alkali fixum quodcunque, aut quaedam salia media; vel adjectis metallis, e. g. bismutho \*\*), argento, stan-

\*) *Laborat. chem. P. III. c. 32.*

\*\*) Si ad detrahendum sulphur bismutho usus fueris, regulus antimonii purus obtineri dicitur, quia hic cum omnibus metallis, Bismutho excepto, copulam init.



no, cupro et imprimis ferro, quippe quae majorem affinitatem cum sulphure habeant, quam regulus ipse. Potest etiam regulus obtineri reductione variarum calcium, ut croci metallorum, mercurii vitae, vitri antimonii, nec non antimonii per se calcinati, addito nempe corpore phlogisti divite, e. gr. refina, sapone nigro aliove pingui cum pulvere carbonum mixto. Qui ex tali reductione producuntur reguli, simplicibus, utpote ab omni alieno metallo immunes; annumerantur.

### α. REGULI ANTIMONII SIMPLICES.

REGULUS ANTIMONII SIMPLEX quid sit ex praecedentibus elucescit. Modus autem illum parandi duplex est. Antiquior \*) et nostro aevo obsolescens methodus ea est, qua antimonio crudo sal adjicitur, ad sulphur abstrahendum inque hepatis speciem convertendum idoneum, quale est vel nitrum vel tartarus crudus, vel amborum miscela. His nonnulli addiderunt pulverem carbonum. Selectus et proportio variant. Anaticas nitri, tartari et antimonii crudi partes sumpsit veteres. Pharmacopoea Danica ad antimonii crudi unc. xxiv nitri praescribit unc. xvi et tartari unc. xviii. Alii usi sunt tartari p. ii ad antimonii p. i. Alii iterum alia proportionem usi sunt. Ea procul dubio erit optima et feligenda, quae maximam reguli puri largitur copiam. Praestantior methodus, ab aevo Kunkelii cognita, alteri, utpote ipsius reguli partem consumenti et magis sumptuosae haud immerito praeferenda, consistit in calcis antimonialis simplici calcinatione paratae reductione. Quem Zwelferus proposuit, modus, solius pulveris carbonum ope ex antimonio crudo educendi regulum, irritum sistit laborem rationali chemiae plane non congruum.

### β. REGULI ANTIMONII COMPOSITI.

Horum characterem jam dedimus. Occurrunt autem species ejusdem sequentes:

I. REGULUS ANTIMONII MARTIALIS paratur ex ferri lb. i. antimonii crudi lb. ii. alkali vel nitri unciis iv. β

\*) Regulum simplicem salis ope eductum, *Vegetabilem* perperam dixerunt antiquiores.

fufis. Si proportio antimonii ad ferrum fit uti 3 ad 1, regulus pauciores adtrahit particulas martiales, minori repurgatione indiget et indole ad regulum antimonii simplicem proxime accedit.

2. REGULUS ANTIMONII IOVIALIS constat ex p. 11. reguli antimonii simplicis et p. 1. stanni, simul fufis.

3. REGULUS METALLORUM. Reguli antimonii martialis p. 11. cupri, stanni, singulorum p. 1. simul fundantur.

4. ELECTRUM ANTIMONII MINUS *ex antimonio crudo*, obtinetur ex antimonii crudi p. vi. stanni, plumbi, ana p. 111. fufis addantur tartari crudi p. xii, nitri p. viii. Massam denuo committe igni, ut instar aquae fluat, eamque in calicem fusorium effunde. Proportio tartari et nitri ad massam heic nimia est, cum tantum addantur ad fluxum promovendum. Stannum vero cum plumbo sulphuri absorbendo inservit.

5. ELECTRUM *ex regulo*. Regulus antimonii martialis et stannum aequali pondere mixta funduntur. Hoc *Antihæctico Poterii* conficiendo inservit.

6. ALIUD *ex argento*. Reguli antimonii martialis et argenti p. æ. funduntur.

7. ELECTRUM ANTIMONII MAIUS. Antimonii crudi, martis, ana lb. i. veneris, jovis, saturni, mercurii ana dr. 11. M. fundantur adjectis nitri uncis 11. In hoc praeparato nihil mercurii remanet.

8. ALIUD. Reguli antimonii martialis unc. iv. veneris dr. 11, jovis dr. 111. saturni unc. β. lunae dr. i. solis dr. β. M. fundantur, adjiciantur nitri unciae 11.

9. REGULUS ANTIMONII SOLARIS Basilii Valentini, paratur ex auri p. l. et antimonii crudi p. iv. fufis. In hoc processu, qui interdum instituitur ad aurum purificandum \*), aliquid regulinae partis antimonii cum auro conjungitur, reliquum antimonii scoriae instar supernatat et peregrina metalla, si his aurum inquinatum fuerit, sulphure suo soluta continet.

\*) GELLERT *Anfangsgr. der metallurg. Chemie* p. 421.

## B. CALCES REGULINAE.

Sub *Calcis* nomine venit regulus, suo phlogisto plus minus vel omnino orbatus, sive hoc perficiatur vel solo igne, vel per additamenta, per sublimationem, detonationem, corrosionem, solutionem et praecipitationem. Sub triplici illa occurrit forma, *calcis* nempe *strictius* ita dicendae, *vitricatae* et *salinae*.

## α. CALCES STRICTE SIC DICTAE.

Calces regulinas strictiori sensu dicimus, quae nec vitri speciem prae se ferunt nec salini quid admixtum habent. Differunt autem prout vel simplices sunt vel compositae. In utrisque enarrandis ab illis, quae maximam iacturam phlogisti fecerunt, ordiemur.

a. *Simplices.*

I. *ANTIMONIUM DIAPHORETICUM* \*) *ABLUTUM*, *Diaphoreticum minerale*, *Calx antimonii alba*. Formula illud praeparandi antiquissima haec est. Antimonii crudi p. i. et nitri p. iiii. calcinantur et deinde aqua abluuntur. Fundamentum operationis eo nititur, quod pars acidi nitrosi cum sulphure antimonii per detonationem in auras abigatur; alia acidi nitrosi pars cum phlogisto reguli detonat, adeo ut regulus totus in calcem dephlogisticatam mutetur, qui a nullo acido simplice solvitur, sed aqua regis. Haec solutio diutius integra manet, quam illa reguli, quae successive paululum terrae metallica deponit. Aqua diversarum decantationum quodammodo evaporata et in locum frigidum seposita, crystallos praebet prismaticas, in quibus nonnullae haerent particulae regulinae. Crystalli *nitrum antimoniatum* audiunt. Praeter has quoque prodit *tartarus*

\*) Epitheton diaphoreticum non competere Calci antimonii per detonationem rite calcinatae et edulcoratae putarunt medicorum nonnulli, hanc pro terra inerte habentes. At vero non adeo inerte esse hanc terram ex reductione ejus patet. Deinde an impossibile dixeris, in corpore humano phlogisti non secus ac acidi quid cum illa calce copulam inire, hincque eandem efficacem reddi? Sed quid opus est verbis, ubi ipsi Clinici (Perillustrem de Berger nominasse sufficiat, qui instar multorum est,) testantur, diaphoreticum ablutum cum fructu jungi aliis medicaminibus.



*vitriolatus antimoniatu*s, ab acido sulphuris, sub detonatione evoluto, et ab alkali nitri exortus. Ex nitro superstite patet non tanta portione ejus ad perfectam calcinationem opus esse, nisi adhibeatur antimonium crudum, quod prae alio sulphuris majore copia gaudeat.

2. *POUDRE DE LA CHEVALRIE* est antimonium diaphoreticum per repetitas fusiones cum nitro emendatum (ut crediderunt scilicet), et edulcoratum.

3. *DIAPHORETICUM REGULINUM*, *Cerussa* antimonii, *Cerussa antimonialis diaphoretica*, *Sulphur album philosophorum Knoeffelii* paratur ex p. i. reguli antimonii simplicis et p. iii. nitri, eodem modo quo antimonium diaphoreticum, a quo etiam, si ablutum fuerit, nihil differt. Proportio nitri ad regulum quoque heic nimia est.

4. *BEZOARDICUM MINERALE* seu *antimoniale Crollii* obtinetur, si mercurii vitae p. ii. cum nitri p. iii. calcinantur et massa dein edulcoratur. Alia, et magis usitata methodus *Bezoard. minerale* parandi haec est: butyri antimonii, vel pulveris Algarothi p. i. miscetur cum acidi nitri p. ii; a miscela, retortae injecta, abstrahitur acidum, (quod *Spiritus nitri bezoardicum* perperam vocarunt antiqui; est enim *aqua regia* impura) residuum calcinatum edulcoratur. In hoc processu affusum acidum nitri \*) cum acido salis butyri antimonii efficit aquam regiam, quae partem regulinam praecipue solvit; hinc, acido abstracto, residuum calcinatum et edulcoratum est mera calx antimonii; in illo autem acidum nitrosum mercurii vitae phlogiston destruit, relinquens cum calce dephlogisticata alkali, aqua ablendum. Est itaque *Bezoard. minerale*, modo licet diverso praeparatum, mera calx antimonii cum praecedenti conveniens.

5. *PRAECIPITATUM ANTIMONII DIAPHORETICUM*. Croci metallorum p. i. cum acidi nitri p. vi. per aliquot dies digeruntur, dein igne forti ad siccitatem abstra-

\*) Acidum nitri non solum mercurium vitae, cui, ut alibi demonstrabitur, inest portiuncula acidi salis, verum et regulum antimonii, vel alias ejusdem calces, phlogisto gaudentes, in calcem metam mutare valet.

hitur acidum, pulvisque residuus aqua abluitur, qui nihil aliud est quam antimonium diaphoreticum ablutum.

6. ANTIMONIUM DIAPHORETICUM FIXUM sive *Flores antimonii fixati*, sive *Materia perlata* obtinetur, si massa salina antimonii diaphoretici adhuc calida cum aqua coquitur, posteaque aceto aut alio quodam acido praecipitatur; edulcoratum est mera calx antimonii.

7. PRAECIPITATUM ANTIMONII PURGANS sive antimonium *crudum fixatum*. Antim. crudum aqua regis solvitur, pars regulina soluta inde ope aquae praecipitata calcinatur. Haec reg. antimonii mediante aqua regia dephlogificatur, adeoque cum antimonio diaphoretico convenit.

8. NIX DIAPHORETICA ANTIMONII \*). Sulphuris antimonii aurati p. I. acidi vitriolici concentrati p. II. misceantur, in retorta digerantur et exinde liquor abstrahatur. Residuum bene ablutum praebet pulverem album, quo antiquiores externe tamquam cosmetico, interne autem tamquam diaphoretico usi fuerunt. Haec nix a praecedenti praecipitato antimonii diaphoretico in eo differt, quod acidum vitrioli semimetallum phlogisto suo non plane priverit.

9. PANACEA SULPHURIS ANTIMONII VERI *Schröderi*. Sulphuris antimonii et reguli antimonii ana p. I. cum acidi vitriolici concentrati p. III. per octo dies digerantur; liquore ad siccitatem abstracto, residuum edulcoratum nostram sistit panaceam. Hoc praeparatum est calx regulina non plane dephlogificata. Pars enim acidi vitrioli arripit phlogiston metalli, atque novum sulphur generat, cum sulphure antimonii sublimatione abiens; reliquum acidum regulum in calcem corrodit, illum vero non plane phlogisto suo privat. Hinc virtutis est parum emeticae, quae tamen major, quam in Nive diaphoretica.

10. CALX sive CINIS ANTIMONII sive antimonium *ustum colore cinereo*. Ex antimonio crudo pulverisato patinae figulinae non vitreatae imposito, leniori igne, sub perpetua agitatione sulphur cum magna parte regulini phlogi-

\*) SCHROEDER *Pharmac.* p. 442.

fit in auras abigitur. Haec calx vi emetica gaudet ob rationem in Theoremate III. adductam.

II. CALX ANTIMONII MAGICA. Sic vocatur calx antimonii per Solis radios mediante speculo aut vitro caustico parata, praecedente paullo candidior.

12. FLORES ANTIMONII CRUDI per *detonationem* \*). Antimonii crudi p. I. cum triplo Nitri in retortam tubulatam candentem successive ingeritur, atque flores inde ascendentes in recipiente excipiuntur. Hi flores gaudent virtute emetica, quippe phlogisto non plane privati, cujus tamen proportio, ut in omnibus floribus quocunque demum modo paratis, incerta est, quare etiam, ut par est, raro vel nunquam in medicina adhibentur.

13. FLORES REGULI ANTIMONII sive *Flores antimonii argentei*. Hi sub fusione reguli antimonii simplicis in tigillo superimposito perforato excipiuntur; virtute gaudent diaphoretica et secundum *Lemery* pro regulo destructo haberi possunt. Reliquae FLORUM variis modis praeparatorum species eorumque virtutes videantur passim suis locis.

14. EMETICUM MITE ANTIMONII *Boerhaavii*. Paratur illud ex antimonii crudi p. I. cum nitri p. II. detonatis. Vires nomini respondent et proxime accedunt ad eas antimonii diaphoretici; nam, dimidia parte nitri superaddita, antimonium suo phlogisto perfecte privatur.

15. PULVIS IACOBI *Primi ordinis*. Anglice: *James's Powder* parari dicitur eodem modo, ac praecedens, mutata tamen proportionem, nimirum ex antimonii crudi p. IV. cum nitri p. VII. detonatis; hinc ob privationem minorem phlogisti paulo fortius agit, quam emeticum mite.

### b. *Compositae.*

I. PULVIS IACOBI *secundi ordinis*, qualem *Donald Monro* (in praelectionibus medic. ex Cronii instituto p. 62)

\*) Ejusmodi flores sub praeparatione antimonii diaphoretici, crucibuli lateribus adhaerent, ope spathulae sollicitè separandi et rejiciendi, vel massae fluenti adjiciendi, ut in meram calcem mutantur.



descripsit, revera nihil aliud est, quam miscela e calcis antimonii granis xxx. et mercurii praecipitati rubri grano i; haec dosis ab auctore *Jacobo* ut plurimum una vice propinata, plerisque in Anglia practicis merito nimia esse videtur.

2. CROCUS MARTIS ANTIMONII APERITIVUS Stahlian. Scoriae edulcoratae reguli antimonii martialis cum duplo, aut triplo nitri mixtae in crucibulo rite deflagrando liquantur et dein aqua edulcorantur. Hic crocus potius pro calce ferri, quam antimonii habendus est.

3. ANTIMONIUM DIAPHORETICUM MARTIALE f. *Cachecticum Ludovici*, e regulo martiali, ad arbitrium ferro impraegnato, eodem modo paratur atque antimonium diaphoreticum vulgare ablutum; est adeoque calx ex antimonio diaphoretico et croco Martis composita.

4. ANTIHECTICUM POTERII. Reguli antimonii simplicis vel martialis p. iv. stanni partes ii. ad p. viii. confundantur; frigesacta massa redigatur in pulverem, cum triplo nitri calcinetur et eluatur. Rarissime haec calx in usum vocatur, nec forsitan unquam vocari debuisset.

5. SULPHUR EX REGULO ANTIMONII IOVIALI. Ex regulo Ioviali et nitro paratur calx cum lixivio alkalino forti coquenda, et soluta calx aceto destillato praecipitanda. Praecipitatum hoc elotum nullo modo sulphureum, sed mera est calx antimonii et stanni.

6. BEZOARDICUM MARTIALE obtinetur ex regulo antimonii martiali butyrum antimonii destillando; unde acidum nitri ex retorta abstrahitur, et cohobatur, residuum denique calcinatur et aqua eluitur. Est mera calx antimonii et ferri.

7. BEZOARDICUM IOVIALE eodem, ac praecedens, paratur modo; adhibito nempe regulo joviali loco reguli martialis.

8. BEZOARDICUM SATURNINUM paratur ex vitreo Saturnino et butyro antimonii, unde acidum nitri aliquoties cohobatur. Est calx antimonii et plumbi.

9. BEZOARDICUM SOLARE *Crollii*. Dimidia librae butyri antimonii dr. iv. auri, aqua regia soluti, adde et ad

ficcitatem abstrahere, a residuo affusum acidum nitri iterum iterumque abstrahere, residuum bene edulcora.

10. BEZOARDICUM LUNARE. Simili obtinetur modo, dummodo pro auro addatur argentum in aqua forti solutum.

11. CERUSSA ANTIMONII SOLARIS. Reguli antimonii simplicis unc. i. aur. dr. i. simul funduntur; frige-  
facta massa in pulverem redigitur, qui cum triplo nitri cal-  
cinatur et dein aqua abluitur.

12. ANTIMONIUM DIAPHORETICUM SOLARE AU-  
RATUM *Zwelferi* eodem modo paratur ac praecedens, ad-  
dendo ad nitrum cremoris tartari unc.  $\beta$ . Cui bono haec  
additio, sciat *Zwelferus*.

13. SPECIFICUM STOMACHICUM *Poterii* \*) est re-  
gulus antimonii martialis cum vel sine auro confectus per  
nitrum calcinatus et dein edulcoratus.

### $\beta$ . CALCES VITRIFICATAE.

Vitrificatae calces antimoniales sunt, quae fortiori igne  
in massam vitream mutatae sunt. Sunt illae vel simplices  
vel compositae.

#### a. *Simplices.*

1. VITRUM ANTIMONII, ex sola calce antimonii  
per se parata fortiori igne in crucibulo bene tecto per fu-  
sionem obtinetur. Color optimus ejusdem, teste Huxha-  
mo, est pellucide hyacinthinus, variat tamen, prout calx  
adhibita plus minus suo phlogisto privata fuit \*\*). Calcis  
antimonii unc. viii. dederunt mihi vitri unc. vi. cum  
dr. vi.

2. VITRUM REGULINUM *Schroederi*. Regulus anti-  
monii pulverisatus per se in calcem redigitur, eodem modo  
ac antimonium crudeum, ex qua tandem f. a. paratur vi-  
trum, a praecedenti non differens.

\*) vid. *I. Helfrici IUNKEN* Lexicon p. 237.

\*\*) Calx antimonii suo phlogisto nimium orbata per se in vitrum  
verti nequit absque novo phlogisti accessu. Haec est ratio, cur  
illud semper virtutem exerceat emeticam.

3. **SUCCINUM ANTIMONII** Schroederi est vitrum antimonii ex mercurio vitæ s. a. paratum. Nomen a colore habet. Respectu virium illud a præcedenti non differt.

4. **VITRUM ANTIMONII** Bergmanni \*) paratur ex antimonio diaphoretico et paucò sulphure fufis.

5. **VITRUM ANTIMONII SOLARE** Schroederi. Antimonii crudi p. xvi. cum auri p. i. funduntur, massa per se calcinatur et denique in vitrum mutatur. Num aurum hujus vitri neque in solitis menftruis medicis, neque in ventriculo folubile, virtutem medicam exercere poffit, merito dubitatur.

### b. *Compositae.*

I. **VITRUM ANTIMONII CERATUM.** Iuxta Pharmacopoeam Edinburgenfem \*\*) ceræ flavæ dr. i. in vafe ferreo liquefactæ injiciatur vitri antimonii tenerime contriti unc. i. calcinentur leni igne per femihoram, fpathula continue agitando; dein effundantur in chartam et frigefacta redigantur in pulverem. Dofis eft a gr. ii. ad xx. ufque. Non autem calcinanda fed frigenda eft massa, ut vitrum in cera quodammodo folvatur et vis ejus corrosiva per oleofas ceræ partes quafi dulcificetur. Hinc vitrum antimonii ceratum fimplici vitro mitius multo eft, et fere iners redditur iterata cum cera toffione, id quod experimento ipfe compertus fum. Ratio hujus inertiae procul dubio in eo quaerenda eft, quod vitrum antimonii ob repetitam cum cera calcinationem in regulum quafi reducitur. Iam vero vires reguli completi in corpus humanum incertae, et pro quantitate et qualitate acidi in ventriculo latitantis, variae funt. Hinc ergo colligitur, quare vitrum antimonii ceratum modo mitius agat, modo nullas fere exerat vires.

### γ. *CALCES SALINAE.*

Salinam dicimus calcem regulinam, cui admixtum eft falis quid, five hoc fub processu accesserit, five studio super-

\*) Diff. de Antim. fuphuratis.

\*\*) In editione Baldingeriana p. 104.



additum fuerit. A diversitate hujus salis derivavimus ordinem pertractionis, prout nempe illud vel acidae vel mixtae naturae fuerit.

a. *Acidae.*

I. MERCURIUS VITAE \*). *Pulvis Algarothi* \*\*), *Aquila alba* \*\*\*), *Magisterium antimonii* †), *Pulvis angelicus*, *Mercurius mortis*. Vulgaris et antiquissima hunc praeparandi methodus jubet, ut butyrum antimonii, quocunque demum modo paratum ††) magnae copiae aquae calidae instilletur; ita quidem regulus nonnihil dephlogificatus sub forma pulveris albi fundum petit; aqua supernatans decantatur et praecipitatum frigida eluitur.

Aquam decantatam veteres perperam dixerunt spiritum vitrioli philosophicum; est illa vero acidum salis dilutum, cui nonnullae particulae regulinae adhuc insunt, quae alkali beneficio inde praecipitari possunt. Praecipitatum hoc ablutum vocatur *Materia perlata*. Pulvis ille Algarothi est calx regulina phlogisto suo nonnihil orbata, adhucdum cum portione acidi salis conjuncta, cujus praesentia exinde probatur, quod mercurius vitae destillationi subjectus aliquantulum butyri antimonii praebeat. Ita quoque, si huic pulveri instilles acidum vitrioli concentratum assurgit fumus, odorem acidi salis spirans. Est autem mercurius vitae medicamentum valde drasticum, et infidum; hinc usus ejus in medicina forsan jam abrogatus esset, nisi illo magni viri, *Macquer* et *Bergmann* pro parando tartaro emetico usi essent. Hunc in finem *Schelius* †††) breviorē et minus pretiosum modum eum absque solito antimonii butyro parandi commendavit. Scilicet hepatis antimonii pulverisati lb. i. affunditur miscela ex aquae lb. iiii, olei vitrioli et salis culinaris ana lb. i.

\*) Ita Paracelsus in *Archid. magic.* L. V.

\*\*) A medico quodam Italico.

\*\*\* ) Hoc nomen confusionis causa vitandum est, quum Mercurius dulcis eodem passim insigniatur.

†) Datur aliud antimonii magisterium suo loco exponendum.

††) Observari hic meretur, nullam praecipitationem fieri ex butyro antimonii semel rectificato, vel acido salis adhuc diluto et postea crystallifato. De hujus phaenomeni causa vide butyrum antimonii rectificatum.

†††) vid. CRELLS *Neueste Entdek. in der Chem.* T. VI. p. 171.

digeritur haec massa per xii. horas, refrigerata filtratur; residuum rursus cum tertia parte antea indicati menstrui digeritur et liquor filtratur. Hae duae solutiones miscentur, illisque sat magna copia aquae fervidae affunditur, quo facto mox praecipitatur pulvis albus, qui edulcoratus et siccatus cum praecipitato ex butyro antimonii convenit.

2. FLORES BUTYRI ANTIMONII Crollii \*). Est mercurius vitae aqua calida edulcoratus.

3. MAGISTERIUM ANTIMONII B. V. Ut longam operationem paucis complectar, omnis huc redit labor. Ex aluminis usti unc. iv, antimonii crudi, salis culinaris et boli armeni ana lb.  $\beta$ . destillatur oleum (butyrum nempe antimonii) in quo solvitur aurum foliatum; solutioni denique adjicitur aqua et praecipitatur pulvis albus (nimirum mercurius vitae). Nonne antiqua haecce praescriptio recentioribus viam monstravit, butyrum antimonii viliori pretio obtinendi?

4. ROSA VITAE MINERALIS. Est mercurius vitae c butyro antimonii ope tincturae fantali rubri praecipitatus.

5. PRAECIPITATUM ANTIMONII PURGANS *Rolfincii* \*\*). Ille vitrum antimonii salis acido solvit \*\*\*) solutumque aqua praecipitavit. Praecipitatum istud est mercurius vitae.

6. PRAECIPITATUM REGULI ANTIMONII MARTIALIS Schroederi. Regulus antimonii martialis acido salis solutus aqua praecipitatur, praecipitatum edulcoratum calcinationi committitur. Procul dubio hoc idem est, ac pulvis Algarothi, quoniam particulae ferreae ab acido salis solutae, sub praecipitati edulcoratione in aqua solutae manent.

7. MERCURIUS VITAE CORRECTUS *Schroederi*. Mercurium vitae tam diu calcinari jubet *Schroederus*, donec ruber evadat. Calcinato affunditur spiritus vini iterumque abstrahitur. Pulvis residuus paulo mitior est mercurio vitae, siquidem acidum salis partim igne partim per spiritum vini aufertur.

\*) *Basilic. Chem. p. 130.*

\*\*) Eadem formula existat apud SCHROEDERUM sub nomine *Vitri antimonii correcti*, sed perperam; nam id sane vel ipso vitro simplici acrius est.

\*\*\*.) SAUNDERS l. c. p. 42.

8. MERCURIUS VITAE CATHARTICUS *Schroederi*. Mercurius vitae saepius trituratur cum sale culinari, et dein aqua abluitur. Hac via illius vim drastringentem diminueret al- laboravit auctor, sed frustra. Alii mercurium vitae ex bu- tyro antimonii ope solutionis alkali fixi praecipitarunt. Po- steriori hac methodo scopum quodammodo attigerunt che- mici; etenim mercurius vitae suo sic privatur acido salis, adeoque mitius agit.

9. VITRUM ANTIMONII CORRECTUM *Schroederi*, hoc nihil aliud est, quam *Praecipitatum purgans* Rolfinccii, de quo sub No. 5. legimus.

10. PANACEA EX BUTYRO ANTIMONII. Butyri antimonii partibus VIII. admisce spiritus vini p. III. et per hebdomadem digere; digestionem peracta, spirituque ab- stracto \*), residuo affunde acidi vitrioli diluti p. XII. ite- rumque digere et liquorem ad siccitatem abstrahere, rema- nentiam tandem ad rubedinem calcina. Est calx antimonii unde acidum salis per acidum vitrioli expulsum est.

11. FLORES ANTIMONII DIAPHORETICI. Flo- res antimonii acido sulphuris (i. e. acido vitriolico volatili) madefacti et dein siccati in crucibulo, operculo tecto, leni igne calcinantur. Vero simile tamen est hos flores parum de vi sua drastringente hac operatione amisisse. Idem ac praecedens.

12. VITRUM ANTIMONII MAXVELLI PURGANS PER INFERIORA. Vitri antimonii pulverisati unciae I. septies affunde acidi vitriolici concentrati unc. I. totiesque iterum abstrahere. Residuum autem, destillando super il- lud spiritum vini, (melius: destillando inde S. V.) edulcore- tur. De hoc praeparato idem iudicium, ac de praecedenti, ferendum est.

13. ANTIMONIUM VITRIOLATUM, s. *Mercurius vitae coelestis Klaunigii* \*\*) ex iisdem ingredientibus et eo- dem modo paratur ac praecedens, adeoque idem.

b. *Mixtae*.

I. PANACEA AUREA REGULINA PURGANS B. V.

\*) Est spiritus salis dulcis, odore tetro praeditus.

\*\*) Ejus Nosocomium charitatis 1718.



Antimonii diaphoretici e regulo antimonii martiali p. II. diagrydii et cremoris tartari ana p. I. misceantur. Est calx antimonii et martis, virtuti additorum nupta.

2. PULVIS CORNACHINI, *Pulvis Comitum de Warwick*, *Pulvis Diatrion*. Parum ille abludit a praecedente, quum sola proportio ingredientium, pro lubitu varianda, discrimen faciat. Hunc scilicet una pars cremoris tartari, tres partes antimonii diaphoretici et quatuor diagrydii constituunt. Angue autem pejus practici sibi caveant, ne ejusmodi pulverem diu servatum aegrotis propinent, quippe horrendam emesin et hypercatharsin excitantem \*).

3. ANTIMONIUM CATHARTICUM *Wilsoni* \*\*). Vitri antimonii pulverisati parti I. sensim sensimque in stilla acidi vitriolici concentrati p. III. digere per 48 horas et leni calore abstrahere acidum, residuum frigesactum aqua elue, donec omnem amiserit acrimoniam; dein sicca et cum æ. q. salis mirabilis Glauberi, nec non dupla salis enixi (i. e. Arcani duplicati) contere; haec mixtio in crucibulum injecta per spatium horae quadrantis lente fluat, tandem massam ab igne remotam et frigesactam in pulverem redige. Hoc praeparatum propinavit *Wilson* dosi a gr. II. ad x. usque, neque ullam exinde in stomacho oriri nauseam animadvertit. Praeterea tres aegrotos lue confirmata correptos illius usu se curasse auctor adserit. Quantum ad hanc curam, sit fides penes auctorem. Quod illud ne nauseam quidem excitare valeat, nullus dubito, quum id revera nihil aliud sit quam antimonium diaphoreticum cum sale mirabili Glauberi et arcano duplicato conjunctum.

### C. SALIA REGULINA.

Sal regulinum sistit regulus ab acido quodam vere solutus, sive formam induat siccam, sive liquidam. Inde eluescit, quomodo differat a calce regulina salina. Subdivisionis fundamentum a diversitate menstrui dependet.

#### α. SALIA REGULINA VITRIOLATA.

Sunt haec quoque vel simplicia vel composita.

\*) vid. thes. *Trilleri* P. I. p. 529.

\*\*) A compleat course of chemistry by *G. Wilson* 1725, p. 104. vid. et *New dispensatory* p. 573.

a. *Simplicia.*

I. SAL ANTIMONII ex Vitro. Vitrum antimonii mediante acido vitriolico diluto extrahitur; extractio decantatur, leni calore evaporatur et deinde in loco frigido chrysalisationi exponitur. Est sal regulinum vitriolatum. Ex illo, quod institui, experimento obtinui crystallos lanceolato-plumosas.

2. VITRIOLUM ANTIMONII, *Antimonium* s. *stibium vitriolatum* recentiorum. Reguli antimonii parti i. affunde olei vitrioli p. iv. destillando abstrahere acidum, quod, teste Morveau, ex reguli phlogisto volatile est et sulphureum, residui autem pars quaedam solubilis est; solutio frigesacta in crystallos abit, quae ejusdem sunt indolis, ac sal antimonii ex vitro.

b. *Composita.*

I. VITRIOLUM ANTIMONII B. V. Vitrum antimonii acido vitrioli et aceti per digestionem, quoad fieri potest, solutum, in formam salinam evaporando redigitur. Cum praecedente convenit.

2. FLORES ANTIMONII DIAPHORETICI TARTARISATI. Alkali tartari et florum antimonii alborum ana p. æ. misce et in crucibulo funde; massam exentam loco humido ad deliquescendum repone. Liquoris dein obtenti partibus ii. admisceatur acidi vitrioli concentrati p. i. et miscela ad siccitatem abstrahatur. Residuum est tartarus vitriolatus antimonii.

3. VITRUM ANTIMONII CORRECTUM B. V. et Schroederi. Vitrum antimonii in oleo tartari per deliquium solve \*) solutioni acidum vitrioli dilutum guttatim instilla; quo facto crystalli fundum petunt.

β. SAL REGULINUM NITRATUM.

ANTIMONIUM NITRATUM. Regulus antimonii ab acido nitri potius corroditur, quam solvitur, exigua tamen

\*) Hac via admodum exigua pars vitri solvitur, unde hoc praeparatum parum a tartaro vitriolato differt. Tentandum foret, num solutio majoris copiae alkali cum vitro antimonii fusi in aqua sub saturatione per acidum partes antimoniales retineat.

ejus portio soluta manet. Calcium antimonii autem major portio in acido nitri solvitur.

### γ. SALIA REGULINA MURIATICA.

I. BUTYRUM ANTIMONII. *Causticum antimoniale, Oleum antimonii* \*). *Sal antimonii muriaticum, antimonium salitum, sibiium salitum* Bergmanni. Antiquissimus illud praeparandi modus sequens est: Antimonii crudi pulverisati \*\*) parti 1. admiscantur mercurii sublimati corrosivi p. 11. vel 111. Ex hac miscela butyrum antimonii destillatur. Hodie satis superque notum est, hoc butyrum originem suam unice debere conjunctioni acidi salis concentrati cum particulis regulinis, simulque sublinari cinnabarium, mercurio vivo et sulphure antimonii sese invicem arripientibus. Recentiores chemici itaque, tam laboris quam sumtus ratione habita, secundum vetustas quasdam formulas \*\*\* et principia artis aliam inierunt viam illud viliori pretio obtinendi. Sic cl. *Wiegleb* ex salis culinaris p. 14, acidi vitriolici concentrati p. 111, diluti aquae simplicis p. 11. et antimonii crudi p. 1. destillavit butyrum antimonii. Formula a cl. *Gmelin* laudata nihil a priori differt, nisi proportionem ingredientium mutata. Eundem finem assecutus est cl. *Hagen*, adhibendo salis culinaris et aluminis usti ana p. 11. antimonii crudi p. 1. Butyrum autem antimonii his praeparatum modis id secum fert incommodi, ut ad usus externos nimis sit dilutum, atque odorem tetrum sulphureum spiret. Hoc vitium evitaveris, si loco antimonii crudi adhibueris vel regulum antimonii vel crocum metallorum, vel potius si juxta mentem *Göttlingii* illud ex vitro paraveris; alterum vero, sequendo formulam a cl. *Hagen* praescri-

\*) Hoc nomen confusio[n]i an[im]am praebere potest, quum et occurrat *Oleum antimonii B. V.*

\*\*) Vel etiam reguli antimonii p. 111. cum mercurii corrosivi sublimati p. viii. At tunc nulla oritur cinnabaris.

\*\*\* Apud B. V. reperitur formula butyrum antimonii parandi ex antimonio crudo, sale culinari et argilla. *Rolfinck* (Diss. de antimonio C. xx.) destillavit illud ex miscela antimonii crudi, salis culinaris et vitrioli. Praeterea etiam *Becher*, *Glauber*, *le Febure* et alii bene multi hujus methodi mentionem fecerunt.



ptam\*). De praecipitatione mercurii vitae ex butyro antimonii vide suo loco.

2. BUTYRUM ANTIMONII RECTIFICATUM. *Oleum antimonii*. Sic vocatur butyrum antimonii iterum ex retorta destillatum. Proprietates, quae hoc a praecedente distinguunt, sunt fluiditas major, et in aqua pura solubilitas, absque praecipitatione. Fluiditas cum perfecta solubilitate oritur partim a perfectiori calcis cum acido unione, partim a maiore acidi salis copia. Sub destillatione enim tantum proveniunt particulae regulinae acido salis supersaturatae, relicta in fundo retortae portione regulina, ad quam perfecte solvendam acidum deficiebat. Hujus theoriae fundamentum sequenti experimento nititur. Butyrum antimonii nondum rectificatum, copiosiori acido salis adfuso, totum in crystallos abit et cum butyro antimonii rectificato convenit.

3. BALSAMUS VULNERARIUS *B. V.* \*\*). Antimonii crudi p. II. salis culinaris p. I. argillae p. XII, mixta in retortam injice et exinde destilla balsamum. Prodit inde butyrum antimonii debile et parvum.

4. OLEUM ANTIMONII *B. V.* Antimonii calcinati, salis gemmae ana p. III. pulvis silicis p. II. mixta destillantur. Labor hic imperfectus similis est praecedenti, sal scilicet gemmae ut plurimum continet paululum terrae calcareae salitae sive salis ammoniaci fixi, quod acidum suum diuturno igne expelli finit.

5. OLEUM ANTIMONII CRYSTALLINUM. Floribus antimonii affunde aquae fortis p. æ. digere et exinde destilla spiritum; hunc laborem, novam aquam fortem affundendo, aliquoties repete, tandem massam ex retorta destilla, excipiendo seorsum liquorem primum, dein, mutato excipulo, oleum. Hoc veteres pro butyro antimonii habuerunt, nec injuste. Nam illud acidum, quod aquae for-

\*) Vide plura apud WIEGLEB *Algern. Handb. der Chem.* §. 1011. CRELL *Chem. Journ.* T. III. p. 118. *Neueste Entdeck.* T. VII. p. 81. T. X. p. 97. *Chem. Annal.* T. II. p. 203. TYCHSEN *Chem. Haandb.* §. 939.

\*\*) Sunt, qui butyrum antimonii rectificat. et balsamum Vulner. B. V. pro synonymis habent; sed, uti jam patet, minus recte.

tis nomine veteres insignierunt, revera fuisse acidum salis, ex adnotatione apud Schroederum didici. Scilicet expelli jubent illam aquam fortem ex vitriolo calcinato, sale culinari et argilla.

### d. SAL REGULINUM ARSENICATUM.

Regulus antimonii ab acido arsenici, teste Scheelio, via humida \*) solvitur, solutio autem plerisque acidis uti et aqua pura decomponitur.

### e. SAL REGULINUM BORACINUM.

Hoc obtinetur, si regulo antimonii, aqua regia soluto, adjiciatur solutio boracis. Sub hac operatione aqua Regis cum alkali minerali se conjungens expellit acidum boracis, quod regulum arripit et fundum petit.

### ζ. SAL REGULINUM PHOSPHORATUM.

Calx antimonii, teste *Bergmanno*, cum acido phosphori connubium init. Nuperrime etiam relatum legimus de regulo antimonii in forma calcis vi naturae per acidum phosphori mineralisato, quem Comes *Razoumowsky* in Sabaudia detexit, et experimentis subjectum invenit, ipsi aequalem mineram componi, si calcis antimonii p. viii. cum acido phosphori p. X. uniuntur \*\*). Ejusdem minerae specimen possidet Illustriss. de *Holmskiold*, ex Hungaria adlatum.

### η. SAL REGULINUM SUCCINATUM.

Calx antimonii, minime vero regulus, ab acido succini solvitur, quae quidem solutio, teste Wenzelio, nulla solutione alkalina praecipitatur, nisi hepate sulphuris soluto.

### θ. SALIA REGULINA ACETATA.

I. SAL ANTIMONII EX ANTIMONIO CRUDO, (rectius e calce) antimonium crudum, post praeviam per se calcinationem, aceto destillato extrahitur et dein evaporatur. Haec

\*) Via sicca nulla datur solutio, quia acidum arsenici eripit regulum suum phlogiston et inde in regulum arsenici mutatur.

\*\*) *CRELL chem. Annal.* 1786. IV. St. p. 291.

extractio virtute emetica gaudet; regulum ex illa reduxi. Nullae vero obtinentur crystalli.

2. VITRUM ANTIMONII DIAPHORETICUM. Sub hoc titulo intelligitur hujus vitri antimonii solutio in aceto. Cum praecedente convenit.

3. OXYSACCHARUM VOMITIVUM LUDOVICI. Vitri antimonii dr.  $\beta$ . infundantur aceti vini unc. xviii; digestionem peracta filtretur liquor, in quo solvantur sacchari unc. iv. solutio dein ad syrupi consistentiam evaporetur. Nomen suo respondet hoc praeparatum.

4. TINCTURA EX ANTIMONIO CALCINATO *B. V.* Lapides prunellae et antimonium crudum anatica proportionem mixta per quinque dies igni reverberatorio committantur. Ex massa elota, (quae fere eadem est ac crocus metallorum) ope aceti destillati extrahatur tinctura. Haec quoad vires parum ab aqua benedicta Rulandi differt, sed magis drastica est.

5. TINCTURA EX CROCO METALLORUM *Bickeri*. Ex croco metallorum cum aceto destillato extrahe tincturam decantandam et ad mellis spissitudinem evaporandam. Nomen tincturae improprium, vires autem cum praecedente conveniunt.

6. TINCTURA FLORUM ANTIMONII VITRIOLATORUM. *Antidotus Lysipyretos*. Flores antimonii rubri et vitriolati primum spiritu vitrioli veneris, (i. e. spiritu vitrioli) dein spiritu saturni aethereo, (i. e. aceto concentrato et saccharo saturni destillato) infunduntur et extrahuntur. A praecedente parum differt.

7. ELIXIR SOLARE ANTIMONII. *Electrum* sive *Lilium Paracelsi*. Reguli antimonii et auri p. æ. simul funde et cum salis ammoniaci p. iv. sublima; sublimatione peracta, partes salinae aqua eluuntur, residuum autem calcinatur; e calce primum aceto dein spiritu vini extrahuntur tincturae post mixtionem concentrandae. Hoc medicamentum gaudet vi emetica, nihil vero continet auri, quippe quod in residuo remanet.

8. TINCTURA EX FLORIBUS REGULI. *Antidotus panchrestos*. Flores reguli antimonii rubri per tres dies calcinationi committuntur, dein extrahuntur aceto, quod ad



ficcitatem evaporatur, huic denique affunde spiritum vini quem iterum abstrahe. Spiritu, ut praescribitur, abstracto, remanentia, substantiae gummosae haud dissimilis, idem sistit praeparatum ac illud, quod obtinetur extractione prima cum aceto, nempe sal quoddam antimonii acetatum \*); nisi operatio ita instituitur, ut apud alios auctores reperi, quod scilicet, extractione cum aceto peracta, residuo in retorta affundatur spiritus vini, hicque iterum destillatione abstrahatur. Hic spiritus convenit cum tinctura ex antimonio rubro fixo, et balsamo vitae B. V. quae videantur sub sectione Pseudostibiatorum.

#### ι. SAL REGULINUM BENZOINUM.

Exigua tantum portio calcis antimonii ab acido Benzoes solvitur.

#### κ. SAL REGULINUM CITRATUM.

Acidum citri libenter regulum, attamen duntaxat sub forma calcis vel vitri solvit.

#### λ. SAL REGULINUM CYDONIATUM.

ROOB VEL SAPA VOMITORIA *Sylvii*. Vitri antimonii unc. i. cum succi cydoniorum libr. iv. aliquandiu digere, liquorem digestum filtra et inspissa ad syrupi consistentiam. Est praeparatum valde drasticum.

#### μ. SAL REGULINUM SACCHARATUM.

Regulus antimonii ab affuso acido sacchari nigrescit, solutio vero non datur nisi adhibeatur vel calx antimonii, vel ejus vitrum, utrumque acido sacchari solutum et evaporatum crystallos praebet, in aqua difficulter solubiles.

#### ν. SAL REGULINUM ACETOSELLATUM.

Acidum acetosellae, nec non sal acetosellae ipsum, quod heic praestat, calces antimonii solvit, cumque illis

\*) Haec appellatio quibusdam fortasse impropria videbitur. Sed considerent, velim, particulas regulinas heic ab aceto esse solutas, licet forma crystallina non gaudeant, nam ex illa substantia quasi gummosa, maximam partem in aqua solubili, regulum reduxi.

massam salinam sistit tartaro emetico, teste *Wenzelio* et aliis, haud dissimilem; nec mirum, sal enim acetosellae, hujusque acidum, juxta recentiorum experimenta parum aut nihil differt a cremore tartari hujusque acido, quod iterum indole convenit cum acido tamarindorum, sacchari, lactis, vini, hisque similibus vegetabilium acidis.

## §. SAL REGULINUM TAMARINDATUM.

Sal essentiale tamarindorum cum alkali vegetabili saturatum cum vitro antimonii anatica proportionem mixtum atque in sufficiente quantitate aquae per semihoram coctum, teste *Lassonio* praebuit sal emeticum, viribus et indole neque a tartaro tartarificato antimoniali *Bergmanni*, neque a praecedente ulla ratione diversum.

## c. SALIA REGULINA TARTAREA.

### 1. Cum acido tartari puro.

Experimenta, quae cl. *Bergmann* \*), cum sale essentiali tartari et regulina antimonii parte sub variis formis instituit, (adhibendo nempe regulum, hepar, crocum metallorum, vitrum, antimonium diaphoreticum, materiam perlata, pulverem Algarothi etc.) manifeste ostendunt, acidum tartari solum nihil fere in corrodinga regulina substantia valere, quamdiu illa adhuc phlogisto abundat, sed prout hoc diminuitur, illa magis quoque solutioni apta redditur. Ast Vitrum antimonii, phlogisto licet ditius, quam quidem antimonium diaphoreticum, nihilominus faciliore negotio solvitur, quam hoc; non tamen, adeo ut acidum tartari purum pro menstruo congruo ad parandum tartarum emeticum haberi queat.

### 2. Cum tartaro tartarificato.

STIBIUM TARTARO TARTARISATUM *Bergmanni* \*\*). Tartarus tartarificatus substantiae regulinae stibii solvenda par est et fere eodem modo ad varias stibii praeparationes se habet atque cremor tartari, adeo, ut ab illo sale medio

\*) Diss. de Stibio tartarificato, Upsal. 1773. p. 9. seqq.

\*\*) l. c. p. 16.

regulus antimonii parum aut nihil solvatur, crocus metallorum magis, vitrum autem antimonii, antimonium diaph. et mercurius vitae maxime in illo fit solubilis.

### 3. Cum crystallis tartari.

TARTARUS EMETICUS, *Tartarus antimonialis*, *Stibium* five antimonium tartarifatum. Hujus medicamento, omnium antimonialium facile praestantissimi, praeparatio eo redit, ut tam acidum crystallorum tartari quam tartarus tartarifatus in illis delitescens regulinas antimonii partes solvant atque eiscum vel in chrySTALLINAM vel pulverulentam formam abeant.

Ad hoc praeparandum chemici variis usi sunt methodis, variisque ex stibio praeparatis, uti hepate antimonii, croco metallorum, calce antimonii per se, vitro antimonii, nec non mercurio vitae. Prima, ni fallor, formula reperitur apud *Adrianum Mynsicht* \*), qui crocum metallorum adhibuit. *Zwelfer* autem ut et *Saunders* \*\*) vitrum antimonii commendarunt. Horum sententiam amplexi sunt *Wiegleb* \*\*\*) et *Höpfner* †). *Lassone* et *Bergmann* ††) deinde novam proposuerunt methodum. Duae unciae totidemque drachmae pulveris Algarothi cum unc. v. crystallorum tartari et lib. i v. aquae fontanae per semihoram in vase figulino leniter coquantur, solutio filtrata, remanente in filtro paucopulvere nigricante, in alio vase leni igne ad cuticulam evaporetur et crystallisationi exponatur. Quantitas tartari emetici hoc modo crystallisati fere eadem vel etiam paulo major est quantitate cremoris tartari adhibiti. Licet vero de successu hujus operationis nullum sit dubium, confido tamen plerosque practicos methodum *Saundersi*, *Wieglebii* vel *Höpfneri* fore praelaturos. Illorum methodus breviter haec est, Vitri antimonii rite parati, (i. e. pellucidi coloris hyacinthini) p. i. et crystallorum tartari p. ii. affundatur aquae tantum, ut ad unc. β. tartari aquae adda-

\*) *Thesaur. chem. med.* Hamb. 1631.

\*\*) *Obs. de Antimon.* p. 80.

\*\*\*) *Algem. Handb. der Chem.* §. 1045.

†) *Abhandl. über die Bereit. des Brechweinst.* Weim. 1782.

††) *l. c.* p. 16.



tur lib. I. Coctio instituat<sup>ur</sup>, imprimis si quantitatem majorem, e. g. libram tartari emetici parare velis, per horas XII. \*), et sub coctione tantum aquae rursus affundatur, quantum fuit evaporatum. Posthac liquor fervidus filtretur et filtratus sub continua agitatione ad siccitatem inspissetur. In hoc tartaro emetico pondus cremoris tartari, a soluto vitro adauctum diversum ab auctoribus statuitur. Haec autem diversitas non imputanda est majori minori<sup>ve</sup> portioni vitri antimonii, a cremore tartari solutae, sed potius inspissationi ad pulverulentam siccitatem haud institutae, unde fit, ut cremoris tartari aqua crystallisationis haud rite evaporata pondus tartari emetici augere valeat. Namque licet ab uncia I. cremoris tartari drachmas III. cum scrupulis II. vitri antimonii per debitam coctionem solvi ipse experimentis didicerim \*\*); nihilominus tamen in tartaro emetico ad pulverulentam siccitatem inspissato, minime, ut ait *Saunders*, crystallorum tartari uncia quaeque augmentum ponderis ad drachmas tres, sed ad drachmam unam cum dimidia acquirit. Hinc ergo patet, quam necessaria sit hujus medicaminis inspissatio ad pulverulentam siccitatem. Caveatur quoque, ne coctio fiat in vasis, quorum materia in solutione fervida cremoris tartari solubilis est. Cum tartarus emeticus, hoc modo praeparatus, intentioni practico<sup>rum</sup> egregie satisfaciat, non consultum fore duco mercurium vitae in locum vitri antimonii substituere.

4. STIBIUM TARTARISATUM AMMONIACALE *Lassonii*. Cl. *Lassone* tartarum emeticum cum æ. p. salis ammoniaci depurati invicem miscuit: miscelae partibus II. aquae partes III. affundi solutionemque salinam crystallisationi tradi jussit. Ejusmodi tartarus emeticus non solum ob summam in aqua solubilitatem absque praecipitatione practicis commendandus est, sed etiam ob virtutes salis ammoniaci peculiares, quae cum illis tartari emetici junctae scopo medicorum egregie saepe favent. Plura de hoc praeparato adferre non hujus loci est; dosin vero hujus altero tanto majorem esse debere, sponte liquet.

\*) Coctionem per 24 horas injunxit cl. *Wiegleb*; sed hoc tum demum necessarium est, cum vas non fuerit satis capax.

\*\*) Idem quoque observavit cl. *Höpfner* et alii.

5. ESSENTIA ANTIMONII EMETICA *Schroederi*.  
 Florum antimonii alborum unc. II.  $\beta$ . tartari crudi unc. v. cum q. s. aquae ad plenariam solutionem coquantur. Decoctum coletur et ad remanentiam unc. vi. evaporetur. Huic remanentiae adde sacchari albi unc. vi. atque ad consistentiam syrupi inspissa. Hunc syrupum esse emeticum, at impurum et infidum, nemo non videt, cum non modo flores antimonii, quoad vires incertas, sed etiam tartarum crudum, semper impurum praescripserit auctor. Ab antiquis a dr.  $\beta$ . ad 1  $\beta$ . propinatus fuit, quod si impune factum sit, sine dubio tartaro crudo inhaerentes impuritates vin florum mitigarunt.

#### π. SALIA REGULINA VINOSA.

I. ESSENTIA s. VINUM ANTIMONII *Huxhamii* \*).  
 Vitri antimonii rite praeparati unc. I. in pulverem redigatur; cui affundantur vini maderici optimi frigidi unc. xiv; hoc liquidum per x. aut xii. dies saepius agitetur; subsideat deinde liquor per unum alterumque diem, effundatur vinum, et coletur per chartam bibulam albam, serveturque in lagena vitrea bene obturata. Tali modo paratum vinum, pergit auctor, per plures annos conservari potest; praestat tamen elapso uno alterove mense recens denuo parari, quia, ut recte admonet *Leonhardi*, per longam moram aliquid regulini fundum et latera vasis petit. Vinum madericum ab auctore praefertur, quia melius, quam pleraque alia vina, conservatur; vinum tamen album hispanicum generosum bene quoque convenire asserit. Modum praeparationis *Huxhamii* verbotenus adduxi; quia certe optandum est, hocce praeparatum, utpote reliquis antimonii tincturis, infusionibus nec non plerisque antimonialium praeparatorum, ob subtilissimam partium regularum in vino grato solutionem, palmam praeripiens, semper et ubique idem esse. Quare illud etiam primo loco inter salia regulina vinosa posui, non ut horum antiquissimum, sed ut reliquorum normam. Laudo quoque sententiam auctoris,

\*) Opp. physic. medic. edit. Reichel. T. III. p. 129. vid. et ejusdem *Medical et Chemical Observations upon Antimonium*. Lond. 1756. p. 1.

qui illud in ultimis suis scriptis absque aromaticis parari jubet. Vinum enim antimonii, per se sat efficax et jucundum remedium, aromaticorum virtute et deliciis non indiget; praeterea si quis de illorum efficacia in hac vel illa indicatione aliquid boni exspectat, addere illi licebit vinum quoddam aromaticum vel spiritum huic similem. Dosis hujus medicaminis pro medendi scopo vario varia est: propinatur nempe adultis a guttis xxx. usque ad unc.  $\beta$ . De hujus vini meritis et justa laude lege plura in *Huxhamii* opp. 1. c.

2. VINUM ANTIMONIALE *Leonhardi* \*). Est solutio tartari emetici in vino dulci, quam vino antimonii *H.* auctor praeferendam esse putat; sed ad meam aliorumque practitorum opinionem minus juste, non enim dubitandum est salia metallica, si per acidum, quod certe vino dulci inest, solvuntur, alterationem quandam subire, et praesertim tartarum emeticum, qui vel sola aqua solutus successu temporis facile inde ex parte praecipitatur. Suam tamen hoc vinum meretur laudem, si determinatam quantitatem tartari emetici contineat, inprimis si solutio fiat extemporanea, eademque non multo post aegris propinetur.

3. INFUSIO VITRI ANTIMONII *B. V.* Vitri antimonii pulverisati dr. i. vel dr. ii. cum vini generosi lib. iii. per sat longum tempus leni calore digerantur. Etiam si proportio vitri antimonii ad vinum magnopere ab ea, quam praescripsit *Huxhamus*, recedat, utrique tamen similis inest virtus, cum exigua tantum portio vitri a vino solvatur.

4. AQUA BENEDICTA *Rulandi*, per infusionem croci metallorum cum vino Rhenano obtinetur et natura sua parum aut nihil a priori differt.

5. VINUM sive HIPPOCRAS EMETICUM *Musitani*. Recipe mercurii vitae unc. ii.  $\beta$ ., caryophyllorum, cinnamomi aa dr.  $\text{ij}$ . vini graeci lbr. ii, leni calore digerantur. Hoc vinum suo nomini facile respondebit.

### CLASSIS TERTIA.

REGULINO-SULPHUREA dicimus illa praeparata, in quibus regulis et sulphur quidem adiunt, sed neque in pro-

\*) *MACQUERS chemisch. Wörterb. a Leonhardi edit. T. V. p. 331.*



portione, neque forma \*), quibus natura antimonium formavit, adeo, ut jam haec jam illa pars praevaleat. Haec iterum sunt distinguenda in simplicia et composita.

a. *Simplicia* quid sint per se elucescit; ceterum non negaverim hisce interdum portiunculam menstrui et praecipitantis adhaerescere. In his vero adornandis, quoad ejus fieri potest, ordiemur ab illis, quae indole et viribus proxime accedunt ad antimonium crudum.

1. CROCUS ANTIMONII MEDICINALIS. Antimonii crudi p. viii, nitri p. i. mixtae simul fundantur, massa fusaedulcoretur. Hic crocus est species reguli antimonii medicinalis; initius tamen ob minorem privationem sulphuris agit vulgari; quare illum haec primum adduxi: reliquae autem species videantur in sequenti descriptione.

2. REGULUS ANTIMONII MEDICINALIS, s. *Febrifugum Craanii*, s. *Rubinus antimonii*. Antiquissima et vulgatissima methodus sequens est: antimonii crudi p. v. salis culinaris p. iv. et alkali tartari p. i. simul fundantur. Massa fusa, frigefacta et a scoriis separata terendo in pulverem mutetur, qui aqua calida ablutus ficcatur, iterumque in subtilissimum pulverem teritur. Hoc praeparatum colorem ex fusco rubrum exhibens, perperam vocatur regulus, qui vires fere habet antimonii crudi, ita tamen ut hoc paulo sit efficacior; exigua enim portio alkali, sub fusione cum sulphure et regulo hepar antimonii efficiens, parum sulphuris, facta nempe ablutione, detrahit, acidi salis culinaris pars non nihil reguli sub forma butyri antimonii ficcioris aut florum volatilizat; maxima autem salis culinaris pars scoriam super nostra format massa, adeoque a nonnullis omittitur. Varii praeterea propositi sunt processus, alii

\*) Cl. Ebell antimonium crudum, Kermes minerale et sulphur antimonii auratum etc. in una eademque classe posuit, sed mea opinione minus juste; pars enim regulina Kermes mineralis et sulphuris antimonii aurati his non inest in ea proportionem ad sulphur, qua est in antimonio crudo, nec in eadem forma, sed potius ceu calx, phlogisto plus minus orbata: praeterea crocus metallorum, quem inter calces posuit, regulino-sulphureis adnumerandus fuisset, utpote non solum magna parte sui phlogisti, verum etiam aliqua sulphuris gaudens.

enim loco alkali adhibuerunt vel tartarum crudum \*), vel tartarum vitriolatum, vel nitrum, quorum salium prius sub fusione in alkali mutatum hepar antimonii format, alterius vero acidum cum phlogisto reguli sulphur: acidum autem nitrosum primum sub detonatione portionem sulphuris antimonii arripiens cum illo avolat, deinde alkali nitri a suo acido liberum, quantum per quantitatem licet, cum sulphure antimonii hepar sulphuris constituit, quod substantiam regulinam ex parte solvit. Patet adeoque, quamdiu una tantum pars hujus vel illius salis ad quinque partes antimonii sumatur, parum interesse, quoniam horum utamur; salium vero portione adaucta, actionis alkali et nitri non una eademque ratio est. Sunt et qui regulum medicinale per synthesein parant, adjiciendo nempe croco metallorum, aut vitro antimonii sulphur commune; potest quidem hac via acquiri medicamen a regulo medicinali parum diversum, ratione nempe habita ingredientium justae proportionis: ast cui bono? Sunt etiam, qui regulum medicinale per fusionem sulphuris antimonii aurati parari jubent; hoc autem fufum a regulo medicinali stricte dicto et indole et viribus differre, quis non videt? in sulphure enim aurato pars sulphurea praevalet, hujusque pars regulina mutationem majorem subiit, quam in regulo medicinali fieri solet. Experimento rem illustrabo: ex antimonii crudi et vitri antimonii p. æ. per fusionem cum paucis alkali paravi regulum medicinale, ab illo, methodo antiquissima parato, fere nihil diversum: nec mirum; nam vitrum antimonii, non solum sulphuris, verum et maxima parte phlogisti orbatur, si antimonio crudo adjeceris, idem evenit, ac si de hoc aliquam sulphuris portionem detraxeris, ejusque regulum pro parte in calcem mutaveris.

\*) Alii ex spumae (rectius sedimenti incrustati) Thermarum Carolinarum p. i, antimonii crudi p. v. per fluxionem lentam, ut ebullitio niuria impediatur, idem medicamen pararunt, huicque praeparato ob particulas subtilissimas ferreas, salii Thermarum inclusas, mirificam tribuerunt efficaciam; ferri vero admixtio per chemicas operationes magis determinato et certiori modo fieri potest.



3. CROCUS ANTIMONII MITIOR \*) paratur ex antimonii crudi p. II, nitri p. I. mixta simul fundantur, massa fusa edulcoretur. Hoc praeparatum regulo medicinali acrius est, et croco metallorum mitius.

4. PANACEA ANTIMONII \*\*) paratur, uti antecedens, ex antimonii crudi p. II, nitri p. I, salis culinaris p. I.  $\beta$ , pulveris carbonum p. I. Edulcoratum praecedente paulo acrius est, et croco metallorum mitius. Omnia haec praeparata sunt medicamenta varii gradus medii inter antimonium crudum et crocum metallorum; cujusmodi autem varietates praxis medica vix exposcit.

5. CROCUS ANTIMONII f. METALLORUM, *anodynum minerale, terra sancta Rulandi*. Hepar antimonii, sive per fusionem antimonii cum alkali, sive per detonationem cum aequali portione nitri paratum \*\*\*) sufficiente quantitate aquae fervidae solvitur, solutio adhuc calida colatur; residuum denique ablutum pulverem sistit colore spadiceo praeditum. Ob colorem *crocus* vocatur, qui cognomen *metallorum* sortitus est, quod veteres sibi pro matre veluti omnium metallorum habuerint. *Croci metallorum*, qui a *Rulando*, *Brendelio*, *Denzelio* nomen habent, nihil a priori differunt, nisi salium adjectorum copia justo major fuerit; uti nec *crocus metallorum absynthiacus Mynsichti*; sal enim absynthii non alia virtute in sibi agit, quam alkali. Quid autem sit crocus metallorum, paulo accuratius examinemus. Hepatis antimonii indolem notam ponimus, hujus massa calida, aquae fervidae injecta, partim solvitur, ob hepar sulphuris in aqua solubile, secumque ve-

\*) Vide new Lond. dispensatory.

\*\*) loco citato.

\*\*\*) Haec in praeparando hepate antimonii differentia in causa quoque est, cur nonnihil discriminis inter crocos metallorum intercedat. Sic croco metallorum, post elotionem hepatis antimonii per detonationem cum nitro parati, superstiti, testibus *Scheele* et *Wiegleb*, portiuncula arcani duplicati semper adhaeret; ablutione quantumvis optime instituta. Est et ejusmodi crocus, teste *Meu-dero*, lenioris efficaciae, idque procul dubio ob eandem causam; nam proportio sulphuris hujus croci ad regulinas partes certe minor est illa, quae in croco ex hepate antimonii cum alkali fuso obtinet.



hens regulini quid, ut lotiones ejusmodi hepatis monstrant; namque successu temporis ex illis sponte secedit pulvis colore ex rubro spadiceus, qui Kermes minerale audit, postea, adhibito acido, alius praecipitatur pulvis, altiori colore praeditus, nempe sulphur antimonii auratum; pars reliqua massae hepaticae insolubilis et in filtro remanens est species quidem Kermes mineralis, cujus partes regulinae nonnihil phlogisti et sulphuris continent; posterioris indicia praebet aer hepaticus, exinde sub affusione acidi salis oriens, et croci metallorum ulterior cum nova additione nitri detonatio; minorem tamen sulphuris portionem continet, quam Kermes minerale, quia sulphur sub lotione a croco separatur, verum in praeparatione Kermes mineralis sulphur cum particulis regulinis spontanea secessione fundum petit. Ex hisce adeoque liquet, quantum crocus metallorum a Kermes minerali discrepet, simulque perspicitur, quam longe a veritate aberrarint, et qui illum pro hepate antimonii, ablutione partibus salinis orbato habuerint, et qui meram antimonii calcem esse dixerint.

6. KERMES S. CHERMES MINERALE, *sulphur antimonii rubrum, Pulvis Carthusianorum*. Primam hujus pulveris formulam dedit chirurgus nomine *la Ligerie* \*) quam post illum fufius explicavit *Gaubius*. Methodus antiquior haec est: antimonii crudi ruditer pulverisati p. iv. coquuntur per horas quatuor cum liquoris nitri fixi p. i. et aquae communis p. viii. Absoluta coctione lixivium fervidum filtratur et reponitur, ut ex eo refrigerato pulvis se se praecipitet coloris obscure rubri. Residuum antimonium iterum cum eadem liquoris nitri fixi et aquae communis quantitate coquitur, et ex filtrato et frigesacto liquore sponte rursus secernitur Kermes minerale. Idem processus tertia vice repetitur, omniaque tria praecipitata mixta optime cum

\*) Hic formulam accepit a Monacho quodam Carthusiano, nomine *Simon*, qui primum hanc a B. V. mutuavit, et dein cum suis fratribus hujus pulveris virtutem in se et aliis exploravit, inque proprio celebravit tractatu, cujus versio in linguam Franco-Gallicam inscripta est: *Usage de la veritable poudre Alkermes, ou aurisque mineral, dite vulgairement Poudre des Chartreux, Paris 1719.*

aqua edulcorantur, et dein exsiccantur; tandem spiritus vini semel vel bis pulveri superfusus deflagratur. Haec methodus id incommodi habet, quod coctio ob exiguam alkali proportionem ad stibium saepius reiteranda sit; hinc recentiores, salis alkalini copia aucta, per unicum potius, quam per plures coctiones Kermes minerale parare suadent, et deflagrationem spiritus vini nullius usus omittunt. Proportio maxime idonea est, si antimonii crudi p. i, salis alkalii depurati p. iv. aquae communis p. xvi. simul coquantur. Alii lixivium causticum adhibendum esse volunt, quod procul dubio praestat, si modo probe caveatur, ne id calce inquinatum sit. Alii loco lixivii alkalini usi sunt calce viva, de qua *Saundersus* \*): „Ope calcis vivae Kermes minerale omnino simile illi, quod ab aliis alkalinis, sed minori copia, obtinetur.“ Rectius ille, pro „*omnino simile illi*,“ dixisset impurum; ejusmodi enim decoctio, spontaneae praecipitationis gratia reposita, per attractionem aëris fixi ex aëre atmosphaerico obducitur cuticula, quae re vera est calx cruda, quaeque una cum particulis regulino-sulphureis et reliqua calce soluta fundum petit. Usus adeoque Kermes mineralis, quod auxilio aquae calcis vivae obtinetur, omnino rejiciendus est. Utrum autem lixivium alkalinum factum sit e sale tartari extemporaneo, an ex alio sale alkalino fixo, dummodo puro, nihil refert. In genere in praeparando Kermes minerali non opus est determinata proportione ingredientium \*\*); totius enim processus cardo in eo vertitur, ut antimonium pulverisatum cum lixivio alkalino, imprimis caustico, tamdiu coquatur, donec id antimonialibus fatis superque saturum sit (saturatio patet ex pulvere rubescente liquori innatante) quo facto, lixivium, vel rectius hep-  
par sulphuris liquidum, partem reguli solutam continens, ab igne remotum statim et adhuc fervidum filtratur, vell

\*) Observat. de antimonio p. 56.

\*\*) Qua si necessario opus esset, sequitur quoque ut proportionem sulphuris, quod antimonio inest, adamussim norimus; haec autem, quemadmodum alibi diximus, incerta est, nisi in stibio regenerato, quod tam hanc ob causam, quam ob puritatem in praeparando sulphure aurato commendavit amplissimus Praeses. CRELL *chem. annal.* I. B. I. St. 1784. p. 39.

potius caute decantatur cum pulvere innatante. Liquor decantatus ad crystallisationem tartari vitriolati, in alkali forte delitescens praecavendam, duplo pondere aquae fervidae augetur; lixivium hoc dilutum et pene frigidum decantatur a pulvere in fundo remanente, huic iterum aqua calida affunditur, simulatque pulvis fundum petierit, decantatio rursus instituitur. Tali modo praeparatum Kermes minerale, si iterum edulcoratum fuerit, minori quidem obtinetur copia, sed purius est, et tum a salibus mediis, tum ab alkali quam maxime immune, adeoque ejus in medicina usus efficacior et certior. Cl. *Bergmann* reperit in Kermes mineralis p. 100 delitescere reguli p. 52, et sulphuris p. 48: at cl. *Geoffroy* in Kermes mineralis p. 100 invenit reguli p. 24, sulphuris p. 57, et alkali p. 19. Haec autem differentia partium hujus praeparati constitutivarum procul dubio vel ex errore calculi, vel potius diversae praeparationis et separationis modo resultat. Quantitas alkali admixti, non autem alteratio sulphuris procul dubio in causa fuit, cur cl. *Geoffroy* cinnabarim, post admixtum mercurium, inde sublimare nequiverit, nisi addito vitrioli acido.

7. KERMES MINERALE *Bergmanni*. Antimonii diaphoretici eloti et sulphuris communis p. æ. mixtae leni calore caute funduntur. Num haec species eadem subtilitate, qua praecedens, gaudeat, valde est dubium.

8. SULPHUR ANTIMONII FIXUM *Stabelii* \*) praeparatur per solutionem eodem modo ac Kermes minerale; nisi quod loco antimonii crudi fumatur regulus medicinalis, et pro liquore nitri fixi adhibeatur alkali fixum, ope calcis vivae acido aëreo orbatum. Pulvis rite ablutus et siccatus a Kermes minerali nihil differt; liquet autem e regulo medicinali minorem illius acquiri copiam, quam si antimonio crudo usus fueris. Ratio ex illis, quae sub sectione reguli medicinalis dicta sunt, manifesta est.

9. SULPHUR ANTIMONII *Hoffmanni* \*\*). E regulo medicinali et alkali fixo paratur lixivium hepatis, ex quo ope aquae calcis vivae loco acidi cujusdam fit praecipitatio.

\*) Chem. dogmat. p. 315.

\*\*) Obs. Phys. Chem. p. 290.



Hoc sulphur cl. *Hoffmann* sulphure aurato communi fixius et virtutis lenioris esse perhibet. Per fixitatem auctor procul dubio difficiliorem ejus solubilitatem intelligit, cujus, uti et virtutis lenioris ratio facile exinde colligitur, quod pulvis noster, quem Kermes minerale impurum voco, sub spontanea praecipitatione secum vehat particulas calcareas, easque in crudas, ut vocant, ab aëris accessu mutatas; nam e lotione antimonii hepatica frigefacta, absoluto nimirum pulveris spontaneo secessu, ope quidem acidî cujusdam, non autem beneficio aquae calcis vivae ulteriorem fieri praecipitationem, experimentis constat.

IO. FLORES ANTIMONII CRUDI per se. Ad hos obtinendos antimonium crudeum ex cucurbita, cui superimponitur alembicus l. a. sublimatur. Ejusmodi flores tum ob variam proportionem sulphuris, cujus plus minus sub sublimatione deflagrat, ad regulum, tum ob majorem minoremque mutationem vel jacturam regulini phlogisti, quo in hoc processu orbatur stibium, colore et virtute quam maxime inter se discrepant; hinc nulla ratione habita emendationum, quas commendarunt antiqui, eorum usus jam dudum merito rejectus est.

II. SULPHUR ANTIMONII EX MINERA, *vel ex antimonio crudo*. Sub hoc intellexerunt vetustioris aevi chemici, ut *Basilus Valentinus*, *Quercetanus*, *Keslerus*, *Hartmannus* et alii, modo Kermes minerale, modo sulphur auratum, utrumque autem jam ex minera antimonii, jam ex antimonio crudo via sicca, ut vocant, et humida simul, vel tantum via humida paratum. Nec in praeparando sulphure aurato via humida ab hodiernis chemicis multum aberrarunt; adhibuerunt enim lixivium, modo ex alkali vegetabili solo, cui interdum adjecerunt alkali minerale, modo ex alkali vegetabili caustico, quin et nonnulli minerae vel antimonio crudo addiderunt sulphur commune, et ad praecipitationem plerumque usi sunt aceto. Hinc, si paulo accuratius rem tractassent atque explicassent, et nisi minerae antimonii virtutem mirificam inesse credidissent, venerandam antiquitatem nihil sane neglexisse video, quod circa haecce praeparata nostra emendaverit aetas.

12. ANTIMONIUM DIAPHORETICUM TARTARISATUM. Antimonium crudum et sal tartari aequali proportionem mixta subduntur, massa e crucibulo desumpta loco humido deliquescenti ergo reponitur, e liquore dein obtento ope acidi vitrioli diluti praecipitatur pulvis edulcorandus. Antimonium diaph. tartarificatum impropria est hujus praeparati denominatio; nam illud nulla ratione differt a sulphure aurato. De spontanea liquefactione massae hepaticae nil loquar, cum omnibus constet, hujus cum aqua coctionem esse praeferendam.

13. PANACEA GLAUBERIANA \*) alias CONERDINGIANA. E lixivio hepatis antimonii vel scoriarum reguli simplicis cum solutione cremoris tartari loco acidi cujusdam instituitur praecipitatio. Praecipitatum hocce edulcoratum et siccatum panaceam nuncupavit *Glauberus*; est autem sulphur antimonii auratum; acidum enim praecipitans praecipitati indolem hinc ipsius sulphuris antimonii nequaquam mutat, nisi, quatenus tartari tartarificati portiuncula praecipitato forsan adhaereat; maxima enim ejus portio sub edulcoratione certe abluitur.

14. SULPHUR ANTIMONII AURATUM, s. *praecipitatum* in genere ex quovis hepate antimoniali, uti etiam ex scoriis reguli antimonii simplicis, nec non e residuo tincturae antimonii tartarificatae obtinere licet, parato nempe ex illis lixivio, ex quo ope acidi cujusdam, ut acetici, vel etiam acidi vitrioli diluti praecipitatur pulvis; haec autem praecipitatio non unica, sed tribus ut plurimum vicibus instituitur; pulvis tertia vice praecipitatus, colore altiori aurantio praeditus, probe elotus caute siccatur. Haec methodus chemiae peritis manca esse videtur, nec immerito. Ratio enim, cur tertia vice praecipitatum sulphur tantum a practiciis medicis praescribatur, sola quaerenda est in sulphuris tertiae praecipitationis majori copia ad partes regulinas, unde ejusmodi sulphuris prae sulphure 2da aut 1ma vice praecipitato efficacia lenior. At vix et ne vix quidem in singulis hisce praecipitationibus, utcumque accurate institutis, ratio sulphuris ad regulum una eademque semper esse

\*) *Meuderi analyf. antimonii* p. 69. et *Hagen Lehrbuch der Apothekerkunst* §. 577.

potest, ob majorem minoremque copiam pulveris, qui hac vel illa vice praecipitatur. Hinc, uti jam diximus, recentiores chemici methodum praeparandi sulphur antimonii praecipitatum sequentibus modis emendare conati sunt. Nonnulli enim unicam praecipitationem suadent; alii pulverem diversis vicibus praecipitatum in unum miscunt; at tum iste pulvis virtutis efficacioris est, quam ille tertia vice praecipitatus. Hinc *Hirschingius* \*), *Wieglebicus* \*\*) et alii \*\*\*) ex antimonio crudo cum determinata proportionem sulphuris communis et alkali tartari per fusionem pararunt hepar antimonii, quod dein per coctionem in aqua solverunt et omne, quod praecipitari potest, una vice ope acidi vitrioli diluti praecipitarunt. Per fusionem vero quaedam pars sulphuris in aërem dispergi potest, adeoque ratio sulphuris ad regulum incerta redditur. Ad hanc jacturam sulphuris praecavendam hodie plerique, et *Wieglebicus* ipse, illorum sequuntur sententiam, qui sulphur antimonii per coctionem cum lixivio caustico parari suadent. Hanc methodum commendarunt *Wallerius*, *Baumé*, *Lemery* †) et accuratissime tandem *Göttlingius* ††), qui antimonii crudi partes II. cum sulphuris communis partib. III. exactissime in pulverem miscuit, hujus pulveris unc. IV.  $\beta$ . coquuntur in mensuris tribus lixivii caustici, ex alkali vegetabilis depurati unc. XII. et calcis vivae unc. XVI. parati. Absoluta coctione lixivium antimoniale hepaticum filtratur; liquor filtratus cum sufficiente aquae copia diluitur et ope spiritus vitrioli omne sulphur, partes regulinas secum vehens, una vice ex eo praecipitatur, quod rite elotum et caute exsiccatum pondus unciarum IV. aequare solet. In hoc praecipitato ratio sulphuris ad regulum, teste *Bergmanno*, est uti 75 ad 25.

\*) Antimonii crudi p. I. sulphuris comm. p. II, ciner. clavellatorum depurat. p. IV. mixta funduntur.

\*\*) Antimonii crudi p. I, sulphuris p.  $\beta$ . cin. clavell. p. III.

\*\*\*) Pharmacopoea Stralsund. 1778 praescripsit antimonii crudi et sulphuris ana partem I, cin. clavell. p. II.

†) Hi usi sunt lixivio caustico saponariorum absque additamento sulphuris.

††) CRELLS neue Entdeckung. In der Chemie T. II, p. 14, seqq.



b. *Composita.*

1. *HEPAR ANTIMONII*, *f. hepar sulphuris antimoniale* obtinetur, si antimonii crudi et nitri p. æ. mixtae carbone accendantur. In hoc processu nitrum sub detonatione partim cum sulphure antimonii deflagrat, partim in alkali mutatum cum reliquo sulphure hepar sulphuris efficit, quod partes regulinas solvere valet, oriturque simul portiuncula salis polychresti *Glaferi* ex acido sulphuris et alkali nitri. Partes itaque ejusmodi hepatis antimonii sunt sulphur, (in minori tamen proportionem, quam inerat antimonio crudo) alkali vegetabile, et partes regulinae quodammodo reclusae et phlogisti parte orbatae, nec non sal polychrestum *Glaferi*. Si vero, ut nonnulli faciunt, sumseris antimonii crudi et alkali vegetabilis fixi p. æ., hancque miscelam fuderis, nulla oritur detonatio, adeoque minor fit sulphuris jactura; hinc ejusmodi hepar antimonii indole et viribus proxime accedit ad antimonium crudum, quo tamen paulo fortius est, ob indolem reguli, ope hepatis sulphuris mutatam; mitius autem est hepate antimonii per nitrum parato.

2. *LIQUOR ANTIMONII per deliquium f. balsamus antimonii ex scoriiis* obtinetur, si scoriae reguli antimonii simplicis (nimirum per nitrum et tartarum parati) aëri ad deliquescendum exponantur. Liquor iste est solutio hepatis sulphuris antimonialis.

3. *SULPHUR ANTIMONII DIAPHORETICUM Schröderi*. Scoriae reguli antimonii martialis loco humido ad deliquescendum reponuntur, liquefactae cum aqua coquuntur, et dein solutione alkali fixi fit praecipitatio. Praecipitatum est sulphur antimonii martiale, et cum praeparato hujus nominis convenit, nisi quod particulae ferreae in hoc subtiliores esse videantur. Praecipitatio autem solutionis alkalinae per alkali antiquum sane olet chemiae studium.

4. *SULPHUR ANTIMONII MARTIALE*. Ex lixivio hepatis antimonii loco acidi cujusdam fit praecipitatio per solutionem vitrioli martis. Praecipitatum est sulphur antimonii auratum martiale, colore nigrescente praeditum; nam acidum vitrioli (quod solutioni vitrioli martis inest)

cum alkali lixivi hepatis copulam init, adeoque pars regulina cum sulphure fundum petit, secumque vehit Martem, nemine, cui nubatur, relicto.

5. FLORES SALIS AMMONIACI ANTIMONIALES, *flores sibi Helmontii, s. flores antimonii compositi*, sub his intelliguntur flores ex antimonii crudi et salis ammoniaci p. æ. sublimati. Hi flores nondum edulcorati procul dubio sunt virtutis admodum drasticae, cum partes regulinae ope salis ammoniaci reclusae sint, et parte phlogisti privatae; praeterea pars aliqua sulphuris sublimatione avolat: iidem flores aqua eloti, teste Meudero, fiunt *Tincturam antimonii siccam Grammanni*, de qua nullum iudicium feram, cum ejus natura mihi nondum satis liquet.

6. FLORES ANTIMONII VITRIOLATI, s. *nobilis antidotus Lysipyretos, s. febrifugum certissimum*. Florum antimonii cum sale ammoniaco sublimatorum p. iv, sulphuris communis p. ii, colcotharis vitrioli p. xii. simul sublimentur. Hi flores ob majorem sulphuris portionem praecedentibus mitiores sunt, simulque virtuti Martis nupti.

7. PULVIS ALTERANS PLUMERI. Sulphuris antimonii aurati et Mercurii dulcis p. æ. terantur usque dum fiat pulvis subtilissimus. Huc quoque pertinent *Pilulae alterantes ejusdem, Pilulae mercuriales Piederit*, multaque alia ex sulphure antimonii aurato et Mercurio dulci confata remedia, de quibus practicos monitos esse velim, ne haec diu in officinis servata aegrotis propinent; ejusmodi enim praeparata, ut experientia docet, successu temporis vim drasticam acquirunt, cujus ratio ex acidi salis actione in partes regulinas deducenda esse videtur.

#### CLASSIS QUARTA.

#### PSEUDOSTIBIATA.

Dicuntur praeparata diversae indolis ab antimonio nomen sortita, ad quae obtinenda adhibitum quidem fuit antimonium, cujus tamen vel nihil praeparatum ingreditur, vel saltem adeo exigua ejus portiuncula, ut inde nulla salutaris actio in corpus humanum expectari possit. In hujus classis distributione ordinem alphabeticum sequamur, quo

facilius lectores desiderata invenient; cujus vero sint naturae, si id non sponte liquet, ad finem singulorum adjicietur.

I. ACETUM ANTIMONII B. V. sub hoc antiqui intellexerunt liquorem e minera antimonii sine ullo additamento per destillationem s. a. elicatum. Ignis nihil aliud ex antimonio expellere potest, quam spiritum sulphuris, id est, acidum vitrioli volatile.

2. ANTIDOTUS SOAEPHILOS *Quercetani*. Floribus antimonii compositis atque edulcoratis superfunde acetum destillatum, quod, digestionem peracta, abstrahitur et inspissatur, dein ex inspissato opere aquae vitae coralliorum tincturam extrahe, quae denique igni fortiori ex retorta iterum iterumque abstrahenda est, donec instar olei rubicundi prodeat. *Schröderus*, *Basilii Valentini* commentator, putat: aquam vitae coralliorum esse spiritum vini in coralliis reGENERATUM, huncque obtineri dicit, si corallia aceto vini solvantur, et dein ex retorta destillentur. Ipsum destillatum est spiritus vini partes oleosas e coralliis praeparatis extractas continens.

3. AQUA ANTIEPILEPTICA *Quercetani*. Ex croco metallorum cum micis panis per se destilletur spiritus, qui non alius esse potest, quam spiritus panis acidulus empyreumaticus, antimonialis nihil secum elevare valens.

4. AQUA OPHTHALMICA ANTIMONIALIS. Ad hanc parandam crocus metallorum aqua destillata infundatur. Crocus vero metallorum ab aqua pura non solvitur, sed trituratione subtili aliquatenus per eam diffundi potest.

5. AQUA STIMMI SULPHUREA, s. *Clyffus antimonii*. Antimonii crudi, nitri et sulphuris p. æ. misce et in retortam tubulatam ignitam sensim injice, spiritumque in recipiente, cui aqua inest, excipe. Prodit inde *Clyffus* sulphuris, scilicet mixtura spiritus nitri dilutissimi et spiritus sulphuris, aut vitrioli volatilis.

6. AQUA STIMMI TARTAREA, paratur ex antimonii crudi, tartari crudi et salis communis partibus aeq. eodem modo ac *Clyffus antimonii*. Nihil aliud inde prodit, quam spiritus tartari, nisi sal commune inquinatum fuerit calce salita, tum quidem portiuncula butyri antimonii obtinebitur.



7. BALSAMUS ANTIMONII SENNERTI. Antimonii crudi lib.  $\text{II}$ , alkali vegetabilis fixi lib.  $\beta$ . nitri unc.  $\text{IV}$ . misce, dein igni forti ut fluant cura, post fluxionem effunde in tabulam lapideam. Huic massae pulverisatae admisce calcis vivae unc.  $\text{III}$ , eandemque, spiritu terebinthinae ad eminentiam quatuor digitorum affuso, digere donec liquor rubro tingatur colore; postea adde filices contusos ad spissitudinem mellis et destilla; quamprimum autem guttae flavae apparent, muta recipientem, et auge ignem, sic exstillabit oleum rubrum. Est oleum terebinthinae empyreumaticum; destillatio autem incongrua est: sola digestio cum spiritu terebinthinae, absque pulvere filicum sufficit ad sulphur hepatis antimonii solvendum et in saponem stibio-terebinthinatum redigendum.

8. BALSAMUS, s. TINCTURA REGULI ANTIMONII *Schroederi*. Pulvis antimonii q. v. cum spiritus terebinthinae s. q. digeritur et abstrahitur, dein affunditur spiritus vini et extrahitur tinctura. Huic nullae particulae regulinae inesse possunt.

9. BALSAMUS SULPHURIS ANTIMONII *Zwoelferi*. Sulphuris e cinnabari antimonii, et salis tartari p. æ. misce et funde, dein cum oleo terebinthinae ad solutionem digere. A balsamo sulphuris terebinthinato in eo tantum differt, quod loco sulphuris communis nostro praeparato insit hepar sulphuris.

10. BALSAMUS VITAE *Basilii*. Antimonio crudo pulverisato affunde acetum destillatum, digere, extrahe et cola; residuo denique, ad siccitatem abstracto, affunde spiritum vini, iterumque abstrahere, ut obtineatur tinctura. Vi-res in aceto et residuo, non in hac tinctura quaerendae sunt.

II. CINNABARIS ANTIMONII, *sulphur minerale, Bezoar rubrum, antimonium rubrum sudoriferum, Butyri antimonii parergon*, s. *Flores antimonii*, obtinetur per sublimationem e residuo, post destillationem butyri antimonii, si nimirum illud praeparatur ex antimonii p.  $\text{I}$ . et mercurii sublimati corrosivi p.  $\text{II}$ . Haec autem cinnabaris, per iteratam sublimationem ab acido salis aliisque sordibus purgata, nihil reguli continet, et a cinnabari artificiali e mercurio

et sulphure vulgari nullatenus differt. Sulphur enim in antimonio est sulphur commune. Hinc vires hujus cinnabaris a viribus cinnabaris vulgaris differre nequeunt.

12. INFUSIO ANTIMONII CRUDI. Antimonii crudi pulverisati unc.  $\beta$ . cum aquae destillatae vel vini unc.  $\text{iii}$ . per nycthemeron digeritur. Virtutes antimonii ope aquae extrahere idem est atque aethiopem lavare: Vinum autem, digestionem diutius protracta, levem emesin in sensibilibus excitabit subjectis.

13. INFUSIO CROCI METALLORUM s. *Aqua benedicta Quercetani*. Croci metallorum unciae  $\text{i}$ . infunde aquae cardui benedicti lib.  $\text{ii}$ , aquae cinnamomi unc.  $\beta$ . macera per triduum et liquorem transcola. Nullius frugis est haecce infusio, nisi aquae adhibitae vinosae fuerint.

14. LIQUOR E SALE VITRI ANTIMONII. Vitrum antimonii tritum ovorum albumini, ad duritiem cocto, aut rapis excavatis inclusum in cella deliquescenti gratia reponitur. Absurdum sane conamen; nam liquor non tam e vitro antimonii, quam ex albumine vel rapis proveniet.

15. MANNA ANTIMONII cum tinctura ex antimonio crudo, de qua suo loco, convenit.

16. OLEUM ANTIMONII COMPOSITUM B. V. Antimonii crudi, sulphuris communis ana p.  $\text{ii}$ , salis ammoniaci p.  $\text{i}$ , calcis vivae p.  $\text{iv}$ . seorsim pulverisata misce et in retortamingere, ex qua primum leni, dein fortiori igne destillatur oleum. Est sulphur in alkali volatili solutum, quod parum aut nihil a *spiritu fumante Beguini* differt.

17. OLEUM ANTIMONII FEBRIFUGUM ET ANTI-  
PLEURITICUM. Regulus antimonii per se calcinatus in acido vitrioli (quoad fieri potest) solvitur, solutio filtrata inspissatur, et ope spiritus vini inde destillatur oleum, per ignorantiam ita nuncupatum. Si loco abstractionis tantum institueretur extractio, ut veterum nonnullis placuit, tinctura prodiret acido-spirituosa; destillatus vero liquor est spiritus vitrioli dulcis.

18. OLEUM S. LIQUOR ANTIMONII MELLITUS. Antimonii crudi lib.  $\text{i}$ , mellis optimi lib.  $\text{iii}$ . bulliant simul, moveanturque spatula, usque dum substantia aquosa mellis evaporaverit, et remanserit materia quaedam nigra,

hanc destilla gradatim recipiendo liquorem in excipulo amplo. Liquor prodiens, quo antiqui usi sunt ad ulcera sordida mundificanda, est acidulato empyreumaticus, ne quidem ipsi melli virtute aequiparandus.

19. OLEUM ANTIMONII SACCHARATUM *B. V.* Vitro antimonii affunde succum uvarum immaturarum, digere per aliquot dies, deinde succo ad siccitatem abstracto admisce sacchari p. æ. cum modico aceti, destilla per retortam gradatim, tandem igne fortissimo, ut prodeat oleum rubicundum, cum spiritu vini exaltandum. Nihil aliud est quam liquor spirituoso et saccharato empyreumaticus: si vero succus uvarum, digestionem peracta, non abstraheretur, sed solummodo decantatus cum saccharo misceretur, liquor foret saccharato-acidulatus, vi emetica gaudens.

20. ALIUD EX ANTIMONIO CRUDO *B. V.* Antimonium crudum et saccharum miscentur et per se distillantur. Liquor prodiens est spiritus sacchari impurus.

21. OLEUM ANTIMONII SACCHARATUM *Beguini*, ex iisdem, ac praecedens, praeparatur ingredientibus, superaddito alumine usto, quo acidum sacchari facilius expellatur.

22. OLEUM ANTIMONII SACCHARATUM *Fausii*. Croci metallorum, sacchari ana p. ix, acidi vitrioli diluti p. ii, spiritus vini p. β, misceantur et per hebdomadem digesta igni forti ex retorta destillantur. Spiritus elicited est saccharato-acidulatus.

23. OLEUM ANTIMONII SACCHARATUM *Sennertii*. Antimonii crudi p. viii, sulphuris p. i. misce et deflagrato sulphure funde; massam fusam cum aceto destillato extrahere, remanentiae dein partibus iii. adde sacchari p. i, et spiritus vini p. ii; omnia denique destillationi subijce, et liquorem destillatum ad quartam circiter partem evaporare. Si in fine non nimius adhibeatur ignis, spiritus vini exigua portione e residuo extracta maritatus prodibit; jam vero liquor elicited est saccharato-empyreumaticus.

24. OLEUM ANTIMONII SACCHARATUM *Quercetani* s. *Antidotus Panaeretos*. E minera antimonii et saccharo s. a. paratur syrupus, igni dein forti ex retorta destillans.



us. Prodit spiritus sacchari et denique oleum ejus empyreumaticum, nonnihil sulphuris secum evchens.

25. RUBINUS ANTIMONII MERCURIALIS *Clodii*. Stibii et tartari crudi p. æ. funduntur, ut fiat hepar antimonii, hujus massae p. 11. cum mercurii vivi p. 1. et acidi vitrioli concentrati p. 11. mixtae leni calore ad siccitatem digeruntur. Deinde ope alcohol vini extrahe tincturam \*), quae decantata ad mellis consistentiam inspissatur. Sic, dicit auctor, habebis materiam, quae frigori exposita indurefcit in lapidem instar Rubini.

26. SAPO CHEMICUS \*\*) f. *Tinctura alkalina Veneris et antimonii juniperina Dippelii*. E cupri p. 1, antimonii crudi p. 11. et alkali vegetabilis fixi p. 1v. fusione paratur hepar adhuc calidum tereudum, huic calido superfunde 3. partes olei juniperini, illudque trituratione diuturna hepatis bene incorporetur: tum adde p. 20. spiritus vini rectificatissimi et miscelam digestionem per 8 dies committe, deinde tinctura decantetur. Residuo de novo affundatur spiritus, iterumque decantetur tincturā, haec cohobatio tamdiu repetenda est, quamdiu spiritus peregrino tingatur colore. De mixtis hisce tincturis superfluum abstrahatur spiritus, donec saturatissimus restet liquor, cui addatur balsamus peruvianus pro usu interno, vel sapo venetianus pro usu externo. Huic praeparato nullae insunt particulae regulinae, nisi spiritum adhibueris peraquosum (ut in praeparando sulphure antimonii liquido); at tum simul aderunt particulae cupreae, quibus illud redditur noxium.

27. SAL EMETICO-CATHARTICUM *Meuderi* \*\*\*). Ex hepate antimonii, per fusionem ex anatica portione salis tartari et antimonii parato, post secessionem Kermes mineralis ope aceti destillati obtinetur sal colore albo, qui etiam si aëri expositus deliquescat, nulla tamen, ipso auctore fatente, indicia alkalinae naturae monstrat: nec mirum; nam

\*) Est tinctura alkalina; in residuo autem remanet turpethum minerale cum parte regulino-sulphurea.

\*\*) Conf. vitae anim. morb. et med. auctore *Chr. Democrito*. Lugd. Batav. 1711. p. 93.

\*\*\*) l. c. p. 42.

hicce sal est terra foliata tartari, et convenit cum *Terra foliata tartari antimoniatâ Lehmanni* \*), quae obtinetur, si lixivium, post sulphuris antimonii aurati praecipitationem per acetum remanens, evaporetur.

28. SPIRITUS REGULI ANTIMONII. Per sublimationes repetitas regulus antimonii ex opinione veterum fixior reddendus est; quo facto in loco humido ad deliquescentium reponitur: deliquium destillationi subjicitur, ut obtineatur spiritus. Est operatio in musaeo a chemiae imperito concepta, in praxi nullum promittens successum.

29. SULPHUR ANTIMONII AURATUM LIQUIDUM s. *Tinctura saponata Jacobi* \*\*). Haec tinctura maxime convenit cum *Tinctura saponata Schultzii* \*\*\*). Hic saponem venet. in lixivio caustico solvit, et solutionem ad siccitatem evaporavit: hujus massae uncias ii. solvit in lib. i. alcoholi vini, cum hac tandem solutione e scoriis reguli martialis simplicis extrahit tincturam, quae ab illa Jacobiana non indole, sed methodo praeparandi parum differt; *Jacobus* enim e scoriis jam nominatis cum alkali paravit lixivium forte, illudque cum olei amygdalarum s. q. ad consistentiam saponis coxit: huic massae affudit tincturae antimonii acris p. iii. vel iv, et digestionem peracta, extrahit tincturam. Ille autem *Jacobus* in scriptis suis aliquid de laude tincturae Schultzii detrahare conatur, cum haec sulphuris antimonii nihil contineat, quod tamen suae tincturae inesse perhibet. Verum prius est, sed non posterius, nisi spiritum adhibuisset nondum rectificatum. At genuinum sulphur antimonii auratum liquidum obtinetur sequenti methodo, quam commendavit cl. *Wiegleb.* Stibii unc. ii. cum sulphuris comm. unc. i. trituratione mixtae in vase figulino vitreato coquantur cum lixivio caustico, donec perfecta fiat solutio; solutioni filtratae adjiciantur olei amygd-

\*) Vide apud cl. *Hagen* l. c. §. 557.

\*\*) *Christianus Iacobus* primus hujus tincturae mentionem fecit in Act. Acad. Elect. Mogunt. 1757. Conf. et *Iob. E. Theoph. Guericke* dissertationem, Erfordiae 1776.

\*\*\*) Vide ejus praelectiones in dispensatorium Braudenb. edit. 2da. Norimb. 1753. p. 634.

dalarum vel olivarum unc. vi, mixturam leni igne ad consistentiam saponis evapora. Huic saponi antimoniali spiritus frumenti peraquosi unc. 24 superfunde, et tandem debita digestionem extrahe tincturam, quae sulphur antimonii auratum in se solutum tenet; nam adjecto acido sulphur antimonii statim ex illa praecipitatur.

30. TINCTURA ANTIMONII ACRIS. In genere ex reguli antimonii p. i. cum multivariis proportionibus nitri, ab una nempe parte usque ad octo per fusionem, et dein per extractionem ope alcohol parari solet. Hodie omnibus chemiae peritis constat, hanc esse meram tincturam salis alkali caustici \*), uti sunt tinctura salis tartari aliaeque; nitrum enim, per detonationem et calcinationem in alkali causticum mutatum, nullum in regulo invenit sulphur, quocum hepar efficiat; quae tamen haec unica foret via regulini quid solvendi, hinc alcohol vini nihil solvit, praeter alkali causticum, atque ad hoc optime parandum necessario adsit basis quaedam fixa metallica. Per experimenta enim satis evictum est, neque nitrum, neque alkali fixum solum per se vehementiorem ignis gradum diu sustinere, quin per crucibulum effluant. Hanc basin pro usu medico praeprimis suppeditat regulus antimonii martialis, quod cl. *Dehne* luculentius demonstravit, quare hujus methodum omnium instar exponam \*\*). Reguli antimonii martialis pulverisati unc. iv. cum unc. viii. nitri depurati sicci in crucibulo satis capaci simul fundantur, post horam iterum nitri unc. iv. fluenti massae adjiciantur, idque bis amplius cujusvis horae spatio praeterlapso, adaugendo simul ignem, repetitur, ita ut ad reguli antimonii p. i. accedant nitri p. v. et tota massa per horas iv. in igne fluens teneatur. Hoc facto illa in mortarium ferreum calefactum effunditur, ruditer pulverisatur et adhuc calida phiolae, cui inest spiritus vini rectificatissimi lib. i. sensim et caute injicitur, et miscela, sub mixtione lactescens, digestionem per

\*) Hujus sententiae sunt hodie omnes Chemici, et dudum fuerunt *Hoffmann, Meuder, Schulze, Lavater* et alii.

\*\*) Dissertatio medica de praeparatione tincturae antimonii acris concentratae. Auctore *I. Ch. Courad. Dehne*. Helmstad. 1776.



aliquot dies traditur, quae inde colorem ruberrimum accipit. Decantata prima tinctura, residuo rursus libra una vel altera alcohol vini affundi, et plus minusve concentrata inde tinctura extrahi potest.

31. TINCTURA ANTIMONII ALKALINA s. TARTARISATA. Varii hujus praeparandae modi exstant; omnes tamen huc redeunt, ut antimonium crudum cum alkali vegetabilis fixi p. II. vel III. fundatur et calcinetur; deinde ope vini alcohol extrahatur tinctura. Haec recens parata, ob hepar sulphuris sub fusione ortum, et substantiae regulinae solvendae idoneum, exiguam quidem portionem sulphuris aurati continet, quae tamen successu temporis sponte exinde separatur, nisi pro spiritu vini rectificatissimo ad extractionem adhibueris spiritum frumenti semel rectificatum; tum obtinetur tinctura, minus quidem caustica, sed particulis stibiato-sulphureis magis saturata; siquidem spiritus vini semel rectificatus majorem quam rectificatissimus continet aquae quantitatem, quae hepatis sulphuris solvens est praecipuum.

32. TINCTURA ANTIMONII GENUINA MANGOLDI \*). Sulphuris antimonii aurati unc.  $\beta$ . cum tincturae tartari, vel tincturae antimonii acris, vel etiam tincturae metallorum unc. iv. per hebdomadem sub frequenti agitatione digeritur. Auctor hanc tincturam similem illi esse autumat, quam invenit *Abrah. Vater* \*\*); hoc quidem non negandum est; utrique tamen nihil inest regulini, probante id cl. *Bucholtz* sequenti experimento: fumsit nempe sulphuris antimonii aurati unc. i. terendo in mortario vitreo sensim addidit tincturae antimonii acris unc. xii; sub continua trituratione sulphur auratum colorem nigrescentem induit, simulque substantiam resinae haud dissimilem exhibuit. Hanc mixturam in retortam ingessit et digestionem commisit, spiritumque dein ad dimidiam partem abstraxit. Quod in retorta remansit, sapore minus acri, quam antea

\*) Dessen chem. Erfahr. u. Vorth. Frankf. et Leipzig 1749. p. 49.

\*\*) Progr. de tinct. antimonii antehac invent. virt. et effic. Viteb. 1749.

gaudebat \*); residui autem in filtro sulphuris aurati pondus nihil fere diminutum esse deprehendit. Liquet inde tincturam regulini nihil continere. Ad sulphur in filtro superstes edulcorandum, huic infudit aquam calidam, cujus ope totum sulphur, sesquidrachma excepta, solvebatur. Haec solutio sulphuris antimonii aquosa, colore ex fusco rubro et sapore amarissimo erat praedita. Hanc solutionem voco *Tincturam sulphuris antimonii aquosam Bucholtzii*, quae adeoque pertinet ad praeparata regulino-sulphurea. Totum huncce processum eodem cum successu repetii, eum in finem, ut viderem, numne tincturae alkalinae aptae forent dissolvendae portioni sulphuris aurati; eventus autem contrarium probavit.

33. *TINCTURA ANTIMONII NIGRA, sive mineralis amara Gmelini.* Pharmacopola quidam Norinbergensis; *Dietrich*, primus hujus tincturae mentionem fecit \*\*), ejus autem exactam descriptionem non dedit, sed illam tantummodo e regulo antimonii medicinali parari jubet, quare cl. *Gmelin* \*\*\*) et *Model* †) qui modum conficiendi secundum experimenta propria uberius exposuerunt, pro hujus tincturae auctoribus habendi sunt. Illorum methodus haec est. Ex antimonii crudi unc. iv. cum nitri unc. 1β. s. a. paratur regulus antimonii medicinalis. Huic pulverisato addantur lixivii alkalini saturatissimi unc. iv. vel viii, totumque digestionem committitur. Cum hac massa, per digestionem paululum inspissata, periculum instituitur, num alcohol vini ipsi adfusum inde colorem obtineat; quod si contingat, massae adhuc calidae, in cucurbitam immiscae, instillantur successive alcohol vini unc. viii. vel xvi, vas subinde commovendo. Quo facto intra spatium dimidiae horae obtinetur tinctura ††). In praeparatione hujus tincturae antimonium crud. cum nitro mixtum successive in crucibulum

\*) Procul dubio alkali causticum particulis sulphureis involutum, causticitatem aliquatenus amisit.

\*\*) Vid. *Commerc. litter. Norib.* 1731. p. 133.

\*\*\*) *Pbil. Fr. Gmelin* diss. de tincturis antimonii minus usitatis. Tübing. 1759. §. 7. seqq.

†) *Model* *Chem. Nebenstunden.* Petersburg. 1762 p. 169. seqq.

††) de qua vid. plura in *Macq. chem. Wörterbuch* 5 Th. p. 326.

ignitum injiciatur, neque nova portio miscelae superaddatur, antequam prior deflagrata fuerit, interque singulas ingestiones crucibulum claudatur: tota sic deflagrata miscela, ignis augetur, et iteratis vicibus ope stili ferrei tentatur, num huic stilo massae fluenti immisso adhaereant flores ex brunneo flavi; quod si fiat, massa e crucibulo extrahitur et in mortario ferreo calefacto in pulverem redigitur, qui dein cum lixivio alkalino et alcohol vini praescripto modo tractatur. Ita scilicet regulus medicinalis parandus est, ut obtineatur tinctura colore nigerrimo, et sapore amaricante gaudens. Alcoholis vini bonitas cognoscitur, si alkali tartarii ipsi injectum, in eo non solvitur.

34. TINCTURA ANTIMONII THEDENII \*). Pulverisatum hepar antimonii, per fusionem antimonii crudum p. I. cum salis alkali p. III. paratum, saturatur s. q. acetum vini per congelationem concentrati. Mixtura haec saturata post plenariam evaporationem cum alcohol vini p. v. vel vi. diluitur. Spiritus iterum abstrahitur, et aliquoties \*\*) cohobatur. Spiritus denique affusus per tres menses cum massa digeritur, et tinctura inde orta filtratur. Cl. *Thedenius* et post illum cl. *Gmelin* in peculiari tractatu \*\*\*) hanc tincturam particulas regulino-sulphureas continere contendunt, sed alii bene multi, inter quos cl. *Wiegler*, contrarium perhibent. Neque causa, cur huic nihil antimonii insit, illum latere potest, qui processum, utcumque laboriosum, animo perpenderit. Hepar enim antimonii cum aceto perfecte saturatum deponit et sulphur et regulum, et alkali cum aceto connubium iniens terram foliatam tartarii constituit, quae quidem in alcohol vini solubilis est, sed neque sulphur, neque regulus, adeoque nec utrumque, in spiritu vini solvi potest, nisi antea sulphur cum alkali et oleo in saponem quasi fuerit redactum, quod tum partem

\*) Vid. dessen neue Bemerk. et Erfahr. zur Bereicherung der Wundarzen. et Arzen. Gel. Berl. 1782. T. II. p. 84 seqq.

\*\*) Numerum incertum pro certo posui, partim quia repetitas cohobationes hic inutiles censeo, partim quum ab autoribus tam incerti ponantur numeri: ut ter, novies, terdecies etc.

\*\*\*) Vid. Chem. Annalen I B. p. 101 — 134.



metallicam secum recipit. Ast forsan nonnulli aliquid expectant a tredecies repetita cohobatione spiritus; nam sic judicavit *Basilius* \*), quem *Thedenius* fideliter secutus est: sed repetatur sexcenties, et spiritus vini nihil aliud efficiet, quam ut terram foliatam tartari solvat, quod vel prima vice facere valuit. Ejusmodi vero tincturam non solum particulis regulino-sulphureis praeditam, verum etiam breviori tempore obtinere licet; si dimidia tantum parti hepatis antimonii cum aceto saturati, et dein evaporati adjiciatur altera dimidia pars haud mutata: et si loco alcohol vini, adhibeatur spiritus vini semel rectificatus: vel etiam, si juxta mentem *Leonhardi* et *Hartwig* spiritus vini, terra foliata tartari imbutus, hepatis antimonii adhuc calido et pulverisato superfundatur, et per aliquot dies leni igne digeratur, tum obtinetur tinctura particulis regulino-sulphureis una cum terra foliata tartari praedita.

35. TINCTURA ANTIMONII EX VITRO ANTIMONII SOLARI. Vitri antimonii p. ii. auri p. i. funde simul et cum aceto destillato extrahe tincturam, eamque ad siccitatem abstrahere. Deinde massae affunde spiritum vini et igne forti abstrahatur tinctura. Est spiritus paululum dulcificatus, at impurus. Vitrum et aurum in residuo remanent. Cum hac tinctura conveniunt *Tinctura ex antimonio crudo*, *Tinctura ex antimonio rubeo fixo*, et *Alexiterium antimonii*.

36. TINCTURA EX ANTIMONIO TARTARISATO. Antimonii crudi et tartari crudi p. æ. mixtae funduntur: massa fusa et pulverisata ope alcohol vini extrahitur. Est tinctura alkalina et parum caustica. Differt quoad preparationem a tinctura antimonii tartarisata Pharmac. Danic.

37. TINCTURA EX FLORIBUS REGULI MARTIALIS s. *Antidotus Isochrysos*. Praecipitati et calcinati flo-

\*) *Basil. Valentin*. Chem. Schriften. Hamb. 1717. p. 457.

res reguli martialis aceto destillato philosophico (i. e. aceto ex aerugine destillatum) extrahuntur, extractio ad siccitatem abstracta per aliquot horas calcinatur, ex qua spiritu juniperi extrahitur tinctura rubicunda. Extractio prima, antequam spiritus juniperi additus fuerit, vi pollet emetica; nisi acidum aceti in calcinatione abigeretur, spiritus juniperi ejus adjumento tincturam aliquam, sed incertarum virium, extrahere valeret.

38. TINCTURA EX OLEO ANTIMONII SACCHARATO. Oleum antimonii saccharatum *Basili* triplo vel quadruplo aceti destillati infusum et digestum extrahatur, ut prodeat tinctura rubicunda. Est liquor saccharino-acidulatus.

39. TINCTURA FLORUM ANTIMONII s. *Lilium Paracelsi* \*). Antimonii crudi et salis amoniaci p. æ. sublima, flores bene edulcoratos in vase clauso ad rubedinem calcina, dein cum spiritu vini extrahe tincturam, quae ad oleositatem usque abstrahitur.

40. TINCTURA NEPHRITICA *Amelongii*. Antimonii crudi, nitri, tartari crudi et silicis p. æ. pulverisatas misce, et retortae tubulatae ignitae sensimingere. Spiritus exinde elicitus est clyffus nitri et sulphuris perexiguus.

41. TINCTURA REGULI MARTIALIS. Calx reguli martialis solvitur in spiritu salis, et destillatur, prodibit inde oleum vel butyrum antimonii, quod cum spiritu vini mixtum digeritur, et spiritus inde abstrahitur. Est spiritus salis dulcis odore alliaceo praeditus, quem tamen praevia additione testae ostrearum praecavere licet.

42. TINCTURA SULPHURIS ANTIMONII AURATI. Ex sulphure antimonii aurato ope alcohol vini extrahitur liquor, ad spissitudinem mellis dein inspissandus. Val-

\*) Datur et aliud *Lilium Paracelsi* tinctura nempe metallorum, quae mere alkalina est. Vid. suo loco.

de debilis hoc modo obtinetur tinctura sulphurea, cui nihil regulini inest. Vid. not. n. 32.

43. TINCTURA SULPHURIS REGULI IOVIALIS f. *Antidotus Joterios Quercetani*. Haec licet diverso a praecedente modo praeparatur, nihil tamen ab hac differt; superfluum itaque foret taediosam ejus praeparationem heic exposuisse.

44. TINCTURA VITRIOLI vel *Crystallorum antimonii*. Solutio reguli in acido vitrioli aqua diluitur multa, ita quidem praecipitabitur pulvis albus; cui post praeviam calcinationem infunditur acetum desillatum, quo abstracto ex residuo ope alcohol vini extrahitur tinctura, Extractum acetosum emeticam exercebit virtutem. Quod vero alcohol vini mediante acido aceti residuo efficacem tincturam reguli antimonii extrahere non valeat, crisis tincturae *Thedeanianae* monstravit.

45. TINCTURA ANTIMONII EX MINERA B. V. Mineram antimonii cum aceto proprio \*) extrahe, decanta atque acetum abstrahere. Residuum extrahe cum spiritu vini optimo, decanta et rejectis faecibus circulationi expone. Si hanc tincturam per mensem unum alterumve circulatam destillaveris, consequeris oleum seu essentiam antimonii, omnium fere morborum panaceam, ex qua lapis ignis paratur. Haec sunt verba Basilii; panacea autem laudata nihil aliud est, quam spiritus vini spiritu sulphuris impraegnatus.

\*

\*

\*

Medicamentorum antimonialium farragine hactenus exposita, superest, ut efficaciae eorundem in corpore humano habeatur ratio; quod quidem negotium, quo facilius succedat, selectus ejusmodi medicaminum antimonialium habendus erit, quorum virtutem e partibus constitutivis tu-

\*) Vid. acetum antimonii, quod alii majori cum successu per extinctionem minerae ignitae in aqua parant.



tius eruere et cautis experimentis confirmare licet: omnium enim et singulorum efficaciam in corpore humano fideliter per experimenta determinare neque utile foret, neque vita unius medici huic operi sufficeret. Quamprimum itaque desiderata quaedam tentamina huc pertinentia absolverim, selectum medicaminum sibiatorum faciam, eorumque in corpore humano operationis, relationisque ad alia medicamenta socia, nec non cautelas inde observandas in supplemento hujus dissertationis expositurus sum \*).

\*) Quod supplementum utilissimum adhuc desideramus. Edit.

---

XII.

DR. IOANN. PETRI XAV. FAUKEN

DISSERTATIO

DE

SOLUTIONE REGULI ET VITRI  
ANTIMONII IN DIVERSIS  
VINIS.

V I E N N A E,

1 7 6 7.

THE UNIVERSITY OF CHICAGO

LIBRARY

THE UNIVERSITY OF CHICAGO  
LIBRARY

CHICAGO, ILL.

1900



## D I S S E R T A T I O

D E

SOLUTIONE REGULI ET VITRI ANTIMONII IN  
DIVERSIS VINIS HIC LOCI COGNITIS.

Antimonium fibris capillaribus separatis, semimetallum est friabile, ponderosum, igne volatile, rapax \*) constat binis principiis, sulphure nempe et parte metallica regulina \*\*). Antimonium hoc calcinatum cinerem exhibet, qui igne majori vexatus Vitrum Antimonii procreat hyacinthinum.

Regulinae jam partis, ut et Vitri Antimonii hyacinthini solutio in diversis vinis hic loci cognitis mihi examinanda venit. Magnum, quem non praevidi, laborem! praeterquam enim, quod difficile admodum sit, nisi difficilimum. accipiendi vina genuina et aliis vinis non adulterata, restat adhuc labor certe pertaesius: quodcunque enim experimentum quinquies statera examinandum est. Nihilominus tamen, cum viderem saepius in pharmaciis *Aquam Benedictam Rulandi*, nec non *Syrupum Emeticum* ex hac praeparatum in formulis praescribere, quin tamen dosi Vitri Antimonii in his praeparatis praesens ipsis esset cognita, animo perpendebam necessarium esse maxime, ut per experimenta saepius repetita indagarem quantitatem Reguli aut Vitri Antimonii in vinis solutam, qua accurate determinata tutius praescribenda veniunt haec praeparata, cum sine cognita dosi maximum instet periculum tale quid exhibendi; debet enim interdum dirissima mala experiri Medicus, si bona adhuc fortuna aegrotantem sub spe curationis non mittat ad patres.

Verum enim vero ut citam crism praematuri scoli evitare eo certius, non sine consilio Clariss. D. Professoris Crantz in aeternum venerandi omnes etiam minimas adhibui cautelas, quas hic secundum ordinem adducam, ut illi, qui experimenti probam experiri volunt, eas etiam adhibere

\*) Clariss. vir Profess. Crantz Mat. Med. Tom. III. pag. 68.

\*\*) ibidem.

possint; cuicumque enim non erit ignotum, quam difficile sit laborem quemdam suscipere novum, cum tot scioli invidia turgiduli plurimis plerumque stimulentur judiciis, a quibus afficiuntur, et ita quidem, ut experimentorum laudem vel minuere vel plane delere contentur, at dum omnes huic fato sunt expositi, me non excipiam, et lubens me crisi expono, hoc autem praemonitum volui, ut praejudiciis liberi omnes cautelas infra adnotatas sincere applicent, minimum enim accidens (ut praxis Chemiae docet) eventum coelo interdum diversum in experimentis demonstrat, praecipue si artifex vel rudius, vel incautius, vel negligentius tractet.

Ut itaque omnia dicam, quae ad rem pertinent, silentio praeterire nolim, quod Regulum Antimonii vulgarem stellatum dictum ex quatuor partibus Antimonii, tribus tartari, et duabus nitri compositum, ut et Vitrum Antimonii hyacinthinum minutissime pulverisatum in Pharmacia ad S. Spiritum accepi, et erant genuina, cum ipsemet ea praeparare viderim.

Vina vero ad experimenta haec facienda necessaria a quibusdam amicorum meorum mihi pro munere fuerunt oblata, sic parsis sumtibus accepi vina profecto catholica, quae ab oenopolis propter adulterationem pro certo sperare non poteram, et sunt sequentia: Vinum nempe Tockavien-  
se, Hispanicum, Champaniense, Burgundicum, Rhenanum, Mosellanum, Budense, Austriacum.

Cum itaque ad experimenta haec facienda maxime necessaria, eaque genuina possidebam; necesse etiam erat, ut omnes cautelas quascunque possibiles in quovis experimento adhiberem, quae jam secundum ordinem sequuntur.

Imprimis accepi vas vitreum latiori aliquantulum fundo constructum, quatuor circiter unc. continens, hoc optime depuratum staterae imposui obtento aequilibrio, Reguli aut Vitri Antimonii quantitatem in experimento adhibendam libravi, hoc facto affudi vini quantitatem determinatam. Obmunivi dein vas vesica suilla, et digestionem exposui, prout in experimentis notatis videndum est.

Secundo filtrum, per quod liquor digestus filtrandus erat, similiter attentionem non minimam merebatur; cogi-

tabam enim filtrum statera examinatum a transfuso liquido etiam post opinatam exsiccationem majorem in se posse continere aquae quantitatem, et sic experimenti veritatem falsificare infcio artifice. Propterea accepi filtrum diu radiis solis ad exsiccandum expositum statera examinavi, et determinatum pondus annotavi, his factis vinum solum cum aqua mixtum transcollabam, iterumque radiis solis ad exsiccandum exponebam, ut viderem, utrum filtri pondus a transfuso liquido augetur: tum enim experiebar, filtri pondus a transfuso liquido non augeri, sed idem omnino habere pondus, ex quo conclusionem deducere poteram, quod post filtrationem liquidi cum Regulo digesti, aut cum Vitro Antimonii nihil in filtro maneat exsiccatione probe observata quam Regulus aut Vitrum Antimonii, prout experimentum fuit; methodo enim sequenti determinabam solutam quantitatem Reguli aut Vitri; in filtro adnotatum erat pondus et filtri et Reguli aut Vitri Antimonii, omnibus dein rite observatis, pondus filtri et Reguli aut Vitri Antimonii simul in una parte staterae imponebam, in altera parte filtrum cum intus contento Regulo aut Vitro in experimento applicato: in quantum ergo aequilibrium turbabatur, tanta erat solutio aut Reguli aut Vitri Antimonii.

Tertio. Digestione peracta accepi vitrum, in quo digerens liquidum continebatur, hoc pollice clausum concussi, ut sic particulae Reguli aut Vitri Antimonii graviores in fundo vasis haerentes innatarent liquido, et sic liquidum per filtrum transjeci, ne autem aliquid in vitro maneret, saepius aqua elui, pollicemque ad filtrum saepius absterfi, donec vas purissimum evaderet, et ita certo certius credere poteram, me nullam Reguli aut Vitri Antimonii fecisse jacturam.

Quarto. Accepi semper filtrum duplex ex charta bibula tenuissima, qua thee involutum ex Hollandia ad nos adferri solet, ne nempe particulae quaedam aut Reguli aut Vitri Antimonii maxime alcoholisati per filtrum pertransire valerent, sicque semper liquidum transcollatum lucidissimum evasit. His peractis filtrum in latiori ejus parte plicis obfirmavi, ne nempe particulae quaedam Reguli aut Vitri An-



timonii rudiori aut incauta tractatione, exsiccatione et libratione ex filtro prolabi posset.

Quinto. Aura pluviali experimenta nunquam statera examinavi, ne aliquis credere posset, chartam bibulam prius bene exsiccatam humiditatem aëris ad se traxisse, et sic Reguli aut Vitri Antimonii quantitatem solutam praesentasse longe minorem, cuius possibilitatem mihi sequens experimentum demonstravit. Chartam bibulam radiis solis diu, ut omnem humiditatem ad sensum possibilem amitteret, exposebam, dein statera ipsius pondus inquirebam, hocque determinatum annotabam, aliquibus diebus praeterlapsis aura pluviali accelerante, dum aër humiditate impraegnabatur, mox eandem chartam statera examinabam, ubi experiebar hanc chartam pondere ad aliquot grana esse majorem.

Sexto. Stateram, quae minutissima, mox dixissem, cogitationes indicabat, diligentissime semper depuravi, ne pulvisculorum hinc inde in aere volitantium moles in stateram deposita turbaret ejus aequilibrium. Quod hoc notatu dignum, assignavit mihi, casus quidam accidentalis, qui mihi contigit cum experimento septimo Sectionis secundae: in hoc experimento unc. I. vini Hispanici per viginti quatuor horas solvebat unam decimam sextam partem gr. unius; dum observatis omnibus cautelis hoc experimentum statera examinabam. Hoc idem experimentum prout cum omnibus factum repetii, dum vero statera examinabam repetitum hoc experimentum, indicabat mihi solutionis differentiam vix non ad unam decimam sextam partem gr. unius. Hinc inde cogitabam et causam hujus differentiae diu non attingere poteram. Dum vero omnes cautelas adhibendas denuo examinarem, videbam me non depurasse stateram, qua dein depurata differentia non amplius apparebat. Hoc autem non intelligendum; quasi ante librationem experiienti aequilibrium staterae non examinasset. Hoc non: examinavi enim, et habuit. Inter examinandum vero adhibendo, desumendo, iterumque addendo pondera ad aequilibrium componendum in una parte plus prae altera abstergitur pulvisculorum moles, et sic quam facillime in tam delicata materia decipitur artifex.

Pondus minutissimum, quod in experimentis meis annotavi, est decima sexta pars gr. unius, nolebam enim laborem reddere difficillimum, qui per se satis difficilis est, et alioquin in experimentis meis semper annotabo excessum vel defectum unius decimi sexti.

His itaque praemonitis, et omnibus cautelis bene observatis, experimenta mea institui tempore aestivo, sola digestionem frigida, occasio enim ut et requisita ad digestionem calidam instituendam omnino mihi defuerunt.

Uni experimento fidem non adhibui, bis enim repetita placent, praecipue si exitus semper observatur idem.

Quaedam experimenta digestionem exposui per viginti quatuor horas, alia per octo dies, quaedam institui cum minori, alia cum majori Reguli aut Vitri Antimonii quantitate, quoad primum: observavi per majus temporis intervallum, simul etiam majorem Reguli aut Vitri Antimonii solvi quantitatem, quae differentia, ut in experimentis meis patebit, certe non est minoris momenti. Quoad secundum, communiter accepi vini alicujus unc. unam (haec enim est determinata quantitas vini in meis experimentis, nam defectus quorundam vinorum prohibuit majorem sumere pro uno experimento quantitatem, dum quodvis experimentum bis repetendum erat:) et Reguli Antimonii in uno experimento gr. duo, in alio experimento eandem quantitatem vini, sed triginta grana Reguli. Verum ad experimenta cum Vitro Antimonii facienda, quia major quantitas hujus solvitur, etiam major erat in experimentis adhibenda. Accepi sic vini cujusdam unc. unam, et Vitri Antimonii gr. quatuor in uno experimento, in altero vini quantitatem eandem cum gr. triginta Vitri Antimonii, et pariter in binis, tam in experimentis cum Regulo, quam cum Vitro Antimonii differentia apparebat satis notabilis, ut postea patebit.

Examinatis itaque bene experimentis meis pro certo statuere poteram sequentes positiones:

#### I.

Major in omnibus vinis solvitur Vitri Antimonii hyacinthini quantitas, quam Reguli Antimonii vulgaris stellati dicti.

## II.

In quibusdam vinis solvitur Vitrum Antimonii hyacinthinum, in quibus Regulus ante dictus non solvitur.

## III.

Quo diuturnior protrahitur digestio, eo major solvitur quantitas, tam in Regulo, quam in Vitro Antimonii.

## IV.

Majori quantitate Reguli, aut Vitri Antimonii in experimento adhibita major pariter solvitur quantitas.

## V.

In vinis acidulis plus solvitur et Reguli et Vitri Antimonii, quam in aliis vinis.

His omnibus bene notatis fateor nihilominus hoc opusculum minus esse completum, cum plurima adhuc desint experimenta, deficit enim tentamen cum fero lactis cum tartaro praeparato, quod quidem probavi saepius, sed semper praeter morem etiam ad nauseam usque repetita transcolatione turbulentum evasit liquidum digestum.

Deficit tentamen cum aceto destillato, at dum vitreum vas crusta quasi vitrea (in experimento enim adhibitum fuit Vitrum Antimonii) et in fundo et ad latera obducebatur, quantitatem solutam non determinare ausim, cum crustam hanc sine laesione vitrei vasis abradere non poteram.

Spiritus vini alcoholisatus nec Regulum nec Vitrum Antimonii tetigit.

Deficiunt adhuc experimenta cum acidis mineralibus, quorum duo agunt decomponendo, aliud vero, tum ob certas encheireses, ad quas instituendas et occasio, et vasa, et adminicula mihi desunt, tum ob laborem nimis taedium instituere non potui. Rem verbo; si experimenta adhuc instituenda instituere vellem, labor forte foret annuus; sufficit me fecisse haec cum vinis maxime usitatis: alia potius curiositatis, quam utilitatis gratia instituenda sunt, quod nimium; labor enim hic tam diuturnus et ob nimias observationes tam difficilis est, ut experimentis in hac Dissertatione contentis tres menses dedicare debuerim.

Ultimo adhuc monere debeo, omnia haec vina cum Regulo aut Vitro Antimonii digesta medicatum quemdam



habere odorem, non aliter, ac si cum resina abietina infusio facta fuisset. Unde hoc? Non minus: si quis tale infusum praescribat, ne majorem quantitatem pro dosi exhibeat; nam expertus fui, aliquem satis caeterum robustum ab unc. una vini Rhenani, cujus digestio cum gr. duobus Reguli Antimonii per 24 horas protrahebatur, octies vomuisse, dum tamen non plus, quam tres decimae sextae partes in hoc solutae fuerant, hoc tamen etiam notandum, illum tam levem habuisse vomitum, ut ne vel minimum inde senserit ita dicendo incommodum. Iterum alteri satis robusto unc. unam vini Mosellani, quae digestionem cum gr. duobus Reguli Antimonii per 24. horas exposita fuerat, propinavi, quam sine vomitu quidem assumpsit, at sequenti die ter vel quater alvum solito laxiorem habuit, an hoc a liquore digesto, an ab alia causa accidentali, non determino. Utinam occasionem haberem pluribus tale infusum propinandi, ut dosim certiore ad vomitum promovendum determinare possem; verum binis his experimentis factis nulli amplius dulcissimis etiam verbis persuadere poteram, ut tam dulce apparens nectar assumeret. Attamen hoc practicus relinquo, qui visis his experimentis quantitatem vini talis vel fyrupi emetici nota perspectaque corporis idiosyncrasia determinare possunt.

His itaque praemissis ad experimentorum demonstrationem me verto, quae jam secundum ordinem sequuntur.

## S E C T I O I.

In hac sectione continentur experimenta facta cum unc. una cujuscunque vini, et gr. duobus Reguli Antimonii, cujus digestio per 24. horas protracta.

### *Experimentum I.*

℞. Vini Austriac. unc. j.  
Reguli Antimonii gr. ij.  
Stet in dig. frig. per 24 horas.

### *Solutio.*

Quinque decimae sextae partes gr. unius.

## II.

R̄. Vini Champaniens. unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Una quarta pars gr. unius.

## III.

R̄. Vini Rhenani unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Tres decimae sextae partes gr. unius.

## IV.

R̄. Vini Mosellani unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Una octava pars gr. unius.

## V.

R̄. Vini Burgundici unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Vix non una octava pars gr. unius.

## VI.

R̄. Vini Budensis unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Fere una octava pars gr. unius.

## VII.

R̄. Vini Hispanici unc. j.  
Reguli Antimonii gr. ij.  
St. in dig. frig. per 24 hor.

*Solutio.*

Vix aliquid aut plane nihil.

## VIII.

- ℞. Vini Tockaviensis unc. j.  
 Reguli Antimonii gr. ij.  
 St. in dig. frig. per 24 hor.

*Solutio*

Nihil omnino solvitur.

## S E C T I O II.

In hac sectione continentur illa, quae cum majori Reguli quantitate digerebantur per 24 horas.

*Experimentum I.*

- ℞. Vini Austriaci unc. j.  
 Reguli Antimonii gr. xxx.  
 St. in dig. frig. per 24 hor.

*Solutio.*

Gr. unum.

## II.

- ℞. Vini Champaniens. unc. j.  
 Reguli Antimonii gr. xxx.  
 St. in dig. frig. per 24 hor.

*Solutio.*

Gr. unum minus una decima sexta parte.

## III.

- ℞. Vini Rhenani unc. j.  
 Reguli Antimonii gr. xxx.  
 St. in dig. frig. per 24 hor.

*Solutio.*

Undecim decimae sextae partes gr. unius.

## IV.

- ℞. Vini Mosellani unc. j.  
 Reguli Antimonii gr. xxx.  
 St. in dig. frig. per 24 hor.

*Solutio.*

Novem decimae sextae partes gr. unius.

## V.

- ℞. Vini Burgundi. unc. j.  
 Reguli Antimonii gr. xxx.  
 St. in dig. frig. per 24 hor.



*Solutio.*

Gr. dimidium.

## VI.

- ℞. Vini Budensis unc. j.  
Reguli Antimonii gr. xxx.  
St. in dig. frig. per 24 hor.

*Solutio.*

Gr. fere dimidium.

## VII.

- ℞. Vini Hispanici unc. j.  
Reguli Antimonii gr. xxx.  
St. in dig. frig. per 24 hor.

*Solutio.*

Una decima sexta pars gr. unius.

## VIII.

- ℞. Vini Tockaviens. unc. j.  
Reguli Antimonii gr. xxx.  
St. in dig. frig. per 24 hor.

*Solutio.*

Nihil omnino solvit.

## S E C T I O III.

Iam sequuntur experimenta, quorum digestio per octo dies protracta fuit, et cum quoad tempus simul major solvatur quantitas, loco, quod adhibuisssem in quovis experimento duo gr. Reguli, adhibui quatuor.

*Experimentum I.*

- ℞. Vini Austriaci unc. j.  
Reguli Antimonii gr. iv.  
St. in dig. frig. per 8 dies.

*Solutio.*

Gr. dimidium.

## II.

- ℞. Vini Champaniens. unc. j.  
Reguli Antimonii gr. iv.  
St. in dig. frig. per 8 dies.

*Solutio.*

Sex decimae sextae partes gr. unius.

## III.

℞. Vini Rhenani unc. j.  
 Reguli Antimonii gr. iv.  
 St. in dig. frig. per 8 dies.

*Solutio.*

Una quarta pars gr. unius.

In hoc experimento quarto vinum Mosellanicum per octiduum contraxit in superficie pelliculam, consequenter pellicula mansisset in filtro, et false mihi determinasset solutum pondus.

## V.

℞. Vini Burgundici unc. j.  
 Reguli Antimonii gr. iv.  
 St. in dig. frig. per 8 dies.

*Solutio.*

Tres decimae sextae partes gr. unius.

## VI.

℞. Vini Budensis unc. j.  
 Reguli Antimonii gr. iv.  
 St. in dig. frig. per 8 dies.

*Solutio.*

Una octava pars gr. unius.

## VII.

℞. Vini Hispanici unc. j.  
 Reguli Antimonii gr. iv.  
 St. in dig. frig. per 8 dies.

*Solutio.*

Una decima sexta pars gr. unius.

## VIII.

℞. Vini Tockaviensis unc. j.  
 Reguli Antimonii gr. iv.  
 St. in dig. frig. per 8 dies.

*Solutio.*

Nihil omnino solvit.

## S E C T I O IV.

In hac continentur experimenta cum majori quantitate Reguli, digestionem similiter per octo dies protracta.

*Experimentum I.*

R. Vini Austriac. unc. j.  
Reguli Antimonii gr. xxx.  
St. in dig. frig. per 8 dies.

*Solutio.*

Gr. unum cum dimidio.

## II.

R. Vini Champaniens. unc. j.  
Reguli Antimonii gr. xxx.  
St. in dig. frig. per 8 dies.

*Solutio.*

Gr. unum cum una quarta parte gr. unius.

## III.

R. Vini Rhenani unc. j.  
Reguli Antimonii gr. xxx.  
St. in dig. frig. per 8 dies.

*Solutio.*

Gr. unum.

In hoc experimento quarto vinum Mosellanum similiter modo, ut in priori contraxit pelliculam.

## V.

R. Vini Burgundici unc. j.  
Reguli Antimonii gr. xxx.  
St. in dig. frig. per 8 dies.



*Solutio.*

Quaduordecim decimae sextae partes gr. unius, seu septem octavae partes.

## VI.

- R̄. Vini Budensis unc. j.  
 Reguli Antimonii gr. xxx.  
 St. in dig. frig. per 8 dies.

*Solutio*

Tres quartae partes gr. unius.

## VII.

- R̄. Vini Hispanici unc. j.  
 Reguli Antimonii gr. xxx.  
 St. in dig. frig. per 8 dies.

*Solutio.*

Tres decimae sextae partes gr. unius.

## VIII.

- R̄. Vini Tockaviensis unc. j.  
 Reguli Antimonii gr. xxx.  
 St. in dig. frig. per 8 dies.

*Solutio.*

Plane nihil.

## S E C T I O V.

Vifis experimentis cum Regulo Antimonii fequuntur illa cum Vitro Antimonii hyacinthino eodem ordine inftituta.

*Experimentum I.*

- R̄. Vini Auftriaci unc. j.  
 Vitri Antimonii hyac. gr. jv.  
 St. in dig. frig. per 24 hor.

*Solutio.*

Gr. duo cum una quarta parte gr. unius.

## II.

- R̄. Vini Champaniens. unc. j.  
Vitri Antimonii gr. jv.  
St. in dig. frig. per 24 hor.

*Solutio.*

Gr. ji. cum una octava parte gr. unius.

## III.

- R̄. Vini Rhenani unc. j.  
Vitri Antimonii gr. jv.  
St. in dig. frig. per 24 hor.

*Solutio.*

Gr. duo.

## IV.

- R̄. Vini Mosellani unc. j.  
Vitri Antimonii gr. jv.  
St. in dig. frig. per 24 hor.

*Solutio.*

Gr. unum cum semisse.

## V.

- R̄. Vini Burgund. unc. j.  
Vitri Antimonii gr. jv.  
Stent in dig. frig. per 24 horas.

*Solutio.*

Tres quartae partes gr. unius.

## VI.

- R̄. Vini Budensis unc. j.  
Vitri Antimonii gr. jv.  
St. in dig. frig. per 24 hor.

*Solutio.*

Decem decimae sextae partes gr. unius.

## VII.

- ℞. Vini Hispanici unc. j.  
 Vitri Antimonii gr. jv.  
 St. in dig. frig. p. 24 hor.

*Solutio.*

Gr. dimidium.

## VIII.

- ℞. Vini Tockaviensis unc. j.  
 Vitri Antimonii gr. jv.  
 St. in dig. frig. p. 24. hor.

*Solutio.*

Aliquid plus una decima sexta parte gr. unius.

## S E C T I O VI.

In hac continentur illa cum majori quantitate Vitri Antimonii hyacinth.

*Experimentum* I.

- ℞. Vini Austriaci unc. j.  
 Vitri Antimonii gr. xxx.  
 St. in dig. frig. p. 24. hor.

*Solutio.*

Gr. quatuor.

## II.

- ℞. Vini Champaniens. unc. j.  
 Vitri Antimonii gr. xxx.  
 St. in dig. frig. p. 24. hor.

*Solutio.*

Gr. quatuor minus una quarta parte gr. unius.

## III.

- ℞. Vini Rhenani unc. j.  
 Vitri Antimonii gr. xxx.  
 St. in dig. frig. p. 24 hor.



*Solutio.*

Gr. tria cum dimidio.

## IV.

℞. Vini Mosellani unc. j.  
 Vitri Antimonii gr. xxx.  
 St. in dig. frig. p. 24 hor.

*Solutio.*

Gr. tria.

## V.

℞. Vini Burgund. unc. j.  
 Vitri Antimonii gr. xxx.  
 St. in dig. frig. p. 24 hor.

*Solutio.*

Gr. unum cum dimidio.

Pro hoc VI<sup>to</sup> experimento mihi defuit vinum Budense.

## VII.

℞. Vini Hispanici unc. j.  
 Vitri Antimonii gr. xxx.  
 St. in dig. frig. p. 24 hor.

*Solutio.*

Gr. unum cum dimidio.

Pro experimento VIII<sup>vo</sup> pariter defuit vinum Tockavienſe.

## S E C T I O VII.

Ultimo demum ſequuntur experimenta quoad diuturnitatem temporis a prioribus diſtinſta.

*Experimentum I.*

℞. Vini Auſtriaci unc. j.  
 Vitri Antimonii gr. jv.  
 St. in dig. frig. p. 8 dies.

*Solutio.*

Gr. iij. minus una quarta parte.

## II.

- R̄. Vini Champaniens. unc. j.  
 Vitri Antimonii gr. jv.  
 St. in dig. frig. p. 8. dies.

*Solutio.*

Gr. duo cum dimidio.

## III.

- R̄. Vini Rhenani unc. j.  
 Vitri Antimonii gr. jv.  
 St. in dig. frig. p. 8. dies.

*Solutio.*

Gr. duo.

Pro hoc IV<sup>to</sup> defuit vinum Mosellanum.

## V.

- R̄. Vini Burgundi. unc. j.  
 Vitri Antimonii gr. jv.  
 St. in dig. frig. p. 8. dies.

*Solutio.*

Gr. unum et trēs quartae partes gr. unius.

Pro experimento VI<sup>to</sup> defuit vinum Budense.

## VII.

- R̄. Vini Hispanici unc. j.  
 Vitri Antimonii gr. jv.  
 St. in dig. frig. p. 8. dies.

*Solutio.*

Gr. unum.

## VIII.

- R̄. Vini Tockaviens. unc. j.  
 Vitri Antimonii gr. jv.  
 St. in dig. frig. p. 8. dies.

*Solutio.*

Sex decimae sextae partes gr. j.

S E C T I O VIII.

*Experimentum I.*

R̄. Vini Auftriaci unc. j.  
Vitri Antimonii gr. xxx.  
St. in dig. frig. p. 8 dies.

*Solutio.*

Gr. viginti unum cum semisse.

II.

R̄. Vini Champaniens. unc. j.  
Vitri Antimonii gr. xxx.  
St. in dig. frig. p. 8 dies.

*Solutio.*

Gr. viginti et unum.

III.

R̄. Vini Rhenani unc. j.  
Vitri Antimonii gr. xxx.  
St. in dig. frig. p. 8 dies.

*Solutio.*

Gr. viginti.

IV.

R̄. Vini Mosellani unc. j.  
Vitri Antimonii gr. xxx.  
St. in dig. frig. p. 8 dies.

*Solutio.*

Gr. novemdecim.

Pro V<sup>to</sup>. cum vino Burgundico uti et pro VI<sup>to</sup>. cum  
vino Budensi non habui vina.

VII.

R̄. Vini Hispanici unc. j.  
Vitri Antimonii gr. xxx.  
St. in dig. frig. p. 8 dies.

*Solutio.*

Gr. jv.

Ultimi defectus defectui vini pariter adscri-  
bendum.



# I N D E X.

## NUMERI INDICANT PAGINAS.

<i>A.</i>		
Acetum antimonii <i>Baf. Valenzini</i>	407	Balsamus vitae <i>Basilii</i> , 408
Adiantum aethiopicum <i>Linn.</i>	196	— vulnerarius <i>B. V.</i> 387
Adonis velsicatoria <i>Linn.</i>	197	Bezoardicum ioviale, 378
Aethiops antimonialis	370	— lunare, 379
Alcali fixi mineralis examen		— martiale, 378
— chemicum	99	— minerale f. anti-
— — — origo	106	moniale <i>Crollii</i> , 375
Aloë linguaeformis <i>Linn.</i>	197	— saturninum, 378
Antidotus Soaeophilos <i>Querce-</i>		— solare <i>Crollii</i> , 378
<i>rani</i>	407	Bryoniae africanae <i>L.</i> decoctum
Antihecticum <i>Poterii</i> ,	378	diureticum, quandoque
Antimonium catharticum <i>Wil-</i>		catharticum et emeticum, 194
<i>foni</i>	384	Butyrum antimonii, 386
Antimonium crudum eiusque		— — rectificatum, 387
proprietates,	369	<i>C.</i>
Antimonium diaphoreticum		Cachecticum <i>Ludovici</i> , 378
ablutum,	374	Cahuchu vid. Resina elastica.
— — fixum,	376	Calx antimonii alba, 374
— — martiale,	378	— f. cinis antimonii, 376
— — solare au-		— — magica, 377
ratum,	379	Cantharidum doses chemicae, 61
— — tartarifa-		— historia naturalis, 59
tum,	403	— effectus in corpus
— nitratum,	385	humanum, 64
— vitriolatum,	383	— usus internus va-
Antimonii praecipitatum dia-		riis in morbis laudatur, 67
phoreticum,	375	Caoutchouc vid. Resin. elastica.
— — purgans,	376	Caroxylon fassola <i>L.</i> 198
Aqua antiepileptica <i>Querce-</i>		Cerussa antimonii solaris, 379
<i>rani</i> ,	407	Cinnabaris antimonii, 408
— benedicta <i>Rulandi</i> ,	395	Clyssus antimonii, 407
— ophthalmica antimonial-		Crocus antimonii medicinalis, 396
lis,	407	— — mitior, 398
— stimmi sulphurea	407	— martis antimonii ape-
— — tartarea,	407	ritivus, 378
Aquila alba,	381	— metallorum, 398
Arctopus echinatus <i>L.</i>	195	Crotalaria perfoliata <i>L.</i> 197
Afclepiadis undulatae <i>L.</i> deco-		<i>D.</i>
ctum hydropicis bibendum		Diaphoreticum minerale, 374
commendatur,	195	— regulinum, 375
<i>B.</i>		<i>E.</i>
Balsamus antimonii <i>Sennerti</i> ,	408	Elixir solare antimonii, 389
— reguli antimonii <i>Schrö-</i>		Emeticum nite antimonii, 377
<i>deri</i> ,	408	Essentia antimonii emetica
— sulphuris antim. <i>Zwoel-</i>		<i>Schroederi</i> , 394
<i>feri</i> ,	408	— — <i>Huxhami</i> , 394
		<i>F.</i>
		Fagara capensis, 197
		<i>F f</i>

Febres intermittentes usu fa-  
lis ammoniaci cito ac tuto  
curatae, 152  
Flores antimonii crudi, 377 et 402  
— — diaphoretici, 383  
— — tartarifati, 385  
— — vitriolati, 406  
— — reguli antimonii, 377  
— — falsi ammoniaci anti-  
moniales, 406

## G.

Geranium cucullat. et triste L. 194

Gummi elasticum vid. Resin.  
elastic. H.

Haemanthus coccineus L. vim  
exerit incidentem et diu-  
reticam instar scillae mari-  
timae, 194

Hepar antimonii, 405

## I.

James's Powder s. Jacobi pulvis, 377

Infusio antimonii crudi, 409

— croci metallorum, 409

— vitri antimonii B. V. 395

## K.

Kermes minerale, 399

— miner. Bergmanni, 401

## L.

Lichenis islandici descriptio  
botanica, 268

— — Patria et tempus  
colligendi, 271

— — Diacrisis chemica, 272

— — pasta et syrupus, 281

— — variae vires, e. g.

vis nutriens, roborans, ec-  
coprotica etc. 282

— — usus in anaphrodisia, 299

— — — in haemoptysi, 289

— — — in phthisi, 290

— — — in tussi, 287

— — — diaeteticus, 300

— — — veterinarius

internus, 302

Lichenis pyxidat. analysi che-  
mica, 315

— — descriptio botanica, 311

— — maxima mucila-  
ginis copia et principium  
amarum resinosum, 318

Lichen. pyx. usus valde profi-  
cuius in tussi convulsiva, 319

Lilium Paracelsi, 418

Liquor antim. per deliquium, 405

— — mellitus, 409

— e sale vitri antimonii, 409

Lobelia pinifolia L. 195

Lues venerea, eiusque sym-  
ptomata curantur opio, 207.

non semper quidem hoc so-  
lo remedio, sed certissime, si  
opio mercurio iunctum sit, 225

Lycoperdon carcinomale L. ad  
ulcera cancerosa commen-  
datur, 196

## M.

Magisterium antimonii, 381

— — Bas. Valent. 382

Mercurius vitae, 381

— — catharticus Schroe-  
deri, 383

— — correctus eiusd. 382

Morsuli antimoniales Kunkelii, 371

## N.

Nix diaphoretica antimonii, 376

## O.

Oleum antimonii B. V. 387

— — compositum B. V. 409

— — crystallinum, 387

— — febrifugum et  
antipleuritic. 409

— — mellitum 409

— — saccharatum B. V. 410

— — — Beguin, 410

— — — Fausti, 410

— — — Quercetani, 410

— — — Sennerti, 410

Opium diversi effectus et exhibendi

modi, 203 In gonorrhoea virulen-

ta, 207. In phymosi et paraphy-

mosi, 210 In bubonibus venereis,

213. In ulceribus venereis et in

aliis symptomatibus ex absorptio-

ne virus venerei ortis, 216. Lues

venerea non semper solo hoc re-

medio curatur, 224. De opii vi

antisiphylitica animadversiones,

234. Effectus post opium assum-

tum in c. h. 247 Cautelae in opii ad-

hibitione observandae, 253. Quo-

modo opium prodest in intermit-		<i>Meuderi,</i>		411
tentibus febribus, 254. et in con-		Sal regulinum arsenicatum,		388
tinuis, 256. Opium ut efficax sit,		— — acetosellatum,		390
semper sufficiente dosi exhiben-		— — benzoinum,		390
dum,	259	— — boracinum,		388
Osinites camphorina L.	196	— — citratum,		390
Oxalis cernua L.	197	— — cydoniatum,		390
Oxytaëcharum vomitivum <i>Lu-</i>		— — phosphoratum,		388
<i>dovici,</i>	389	— — saccharatum,		390
<i>P.</i>		— — succinatum,		388
Panacea antimonii,	398	— — tamarindinatum,		391
— ex butyro antimonii,	383	Salis ammoniaci egregia virtus		
— Glauberiana,	403	febrifuga laudatur,		132
— sulphuris antim. veri,	376	— — adhibendi tempus ac		
Piper capense L.	198	methodus, 135. in tertianis		
Polygonum barbatum L.	196	et quotidianis intermittenti-		
Praecipitatum antim. purgans		bis effectus, eorumque con-		
<i>Rolfinkii,</i>	382	stantia,		138
— reguli antim. martia-		— — ab usu febres recidi-		
lis <i>Schroederi,</i>	382	vae rarissimae accidunt,		143
Protea mellifera, speciosa et		— — intus in corpore ope-		
grandiflora L.	197	randi ratio,		145
Pulvis <i>Algarotbi,</i>	381	— — usus in intermitten-		
— <i>Cornacini,</i>	384	tibus cortici Peruviano ae-		
— alterans <i>Plumeri,</i>	406	quiparari potest,		149
<i>R.</i>		— — usu victus ratio ob-		
Regulus antimonii iovialis,	373	servanda,		136
— — martialis,	372	Sapo chemicus,		411
— — medicinalis,	396	Simarubae arboris, qua cortex		
— — simplex,	372	desumitur, descriptio,		4
— — solaris,	373	Sodae Hispanicae historia,		85
— metallorum,	373	— — analysis chemica,		88
Resina elastica Caiennensis: arbor,		— — usus oeconomicus,		
qua exstillat, describitur, 9. Quo		nempe in arte saponaria,		113
ex succo inspissato parantur varia		— — — in linteis l. te-		
utensilia, 12. Examinatur per se,		lis dealbandis,		117
14. ad aërem, aquam et ignem,		— — — in arte vitriaria,		120
18. ad varia menstrua l. acida, 27.		Solutio reguli et vitri antimo-		
l. alcalina, 33. l. saponacea et sa-		onii in diversis vinis caute		
lina, 34. l. spiritiosa, 35. l. oleo-		instituenda,		423
sa, 38. l. denique per varia, 41. Ex		Specificum stomachicum <i>Po-</i>		
hac resina comparantur instru-		<i>rierii,</i>		379
menta nonnulla chirurgica,	46	Spiritus reguli antimonii,		412
Ricini communis L. semina, et		Stibium tartaro - tartarisatum		
oleum ex his expressum,	195	<i>Bergmanni,</i>		391
Rubinus antim. mercur. <i>Clodii,</i>	411	— tartarisatum ammonia-		
<i>S.</i>		cal. <i>Lassoni,</i>		393
Sal ex antimonio crudo,	388	Succinum antimonii,		380
— antimonii ex vitro,	385	Sulphur e regulo antimonii io-		
— emetico - catharticum		viali,		378



Sulphur antimonii auratum,	404
— — — liquidum,	412
— — — diaphoreticum	
<i>Schroederi</i> ,	405
— — fixum <i>Szabelii</i> ,	401
— — <i>Hoffmanni</i> ,	401
— — martiale,	405
— — ex ininera l. anti-	
mon. crudo,	402

## T.

Tartarus emeticus antimonial.	392
Tinctura antimonii acris,	413
— — — alcalina f. tartarifata,	414
— — — genuina <i>Mangoldi</i> ,	414
— — — nigra,	415
— — — nephritica <i>Amelongii</i> ,	417
— ex antimon. calcinato B. V.	389
— — — tartarifato,	417
— ex croco metallor. <i>Bickeri</i> ,	389
— florum antimonii,	418
— florum antim. vitriolator.	389
— ex floribus reguli martialis,	417
— — — reguli,	389
— ex minera B. V.	419
— ex oleo antim. saccharato,	418
— saponata <i>Iacobi</i> ,	412
— sulphuris antim. aurati,	418
— — — reguli iovialis,	419
— vitrioli l. crystallo. antim.	419
— ex vitro antim. solari,	417
Tulbagia alliacea et cepacea L.	198

## V.

Vesicantium utilitas in variis	
morbis, tam inflammatoriis,	
tam exanthematicis, quam	
nervosis,	75
Vinum antimoniale <i>Leonbardi</i> ,	395
— antimonii <i>Huxhami</i> ,	394
— emeticum <i>Mustrani</i> ,	395
Vitrioli albi indoles, 329. analysis	
chemica, 330. Quo modo arte pa-	
ratur, 331. Aliis metallis plerum-	
que est contaminatum, et quibus	

ex notis hoc cognoscitur,	333.
Quomodo rite depurandum,	335
Vires vitrioli albi facti f. depu-	
rati, 338. Vis emetica istius valde	
dubia et incerta, 340. Ad morbos	
sanandos purum non depurato	
semper praeferendum, 341. Usus	
externus in ophthalmia et aliis vi-	
tiis oculorum, 342. in aphtis, 346.	
in angina et haemorrhagiis ex-	
ternis, 348. in gonorrhoea, 349. in	
fluore albo, 350. in morbis cutis	
chronicis et ulceribus, 351. ut et	
tanquam errhinum, 351. De uso	
interno vitrioli albi, 352. ab aliis	
celebratus ad venena narcotica de-	
glutita emesi excutenda, 353. in	
apoplexia a colluvie in primis viis	
354. in decursu febrium biliolo-	
putridarum, 355. in catarrho suf-	
focativo, in raphania et hydropo,	
356. in epilepsia, 357. in febribus	
putridis et morbo varioloso eius-	
dem indolis, 358. ad febres inter-	
mittentes profligandas, et in mor-	
bis rheumaticis et arthriticis, 359	
contra palpitationem cordis inve-	
teratam et in fluore albo, 360. in	
diabete, in colica saturnina, ad di-	
arrhoeas, et in dysenteria, 361	
Vitriolum antimonii,	385
— — B. V.	385
Vitri antimonii in omnibus vi-	
nis solvitur maior quam re-	
guli antimonii,	427
Vitrum antimonii,	379
— — <i>Bergmanni</i> ,	380
— — <i>Maxvelli</i> purgans, 383	
— — correctum B. V. 385	
— — — <i>Schroederi</i> ,	379
— — ceratum,	380
— — diaphoreticum,	389
— — solari <i>Schroederi</i> ,	380
— regulinum <i>Schroederi</i> ,	379

## FINIS TOMI PRIMI.

## ERROR TYPOTHETAE EMENDANDUS.

a pag. 330. usque ad pag. 362. l. i. leg. Dr. Caroli Henrici Scolre.

*et alii*  
THESAURUS

MATERIAE MEDICAE

*Collegii* ET *Regii*

ARTIS PHARMACEUTICAE

*Medicor. QUEM* *Edinburg.*

COLLEGIT ATQUE EDIDIT

IOANN. CHRIST. TRAUGOTT SCHLEGEL

MEDICIN. ATQUE CHIRURG. DOCTOR,  
SERENISS. PRINCIP. REGN. DE SCHOENBURG CONSI-  
LIAR. AULIC. ET ARCHIATER, DYNASTIARUM WALDEN-  
BURG ET LICHTENSTEIN ETC. PHYSICUS ORDINAR., ET  
ACADEM. CAESAR. NATUR. CURIOSOR. SODALIS.

*N. L. 12-13*

---


TOMUS SECUNDUS.

C. TABUL. AEN.

LIPSIAE

SUMTU E. B. SCHWICKERTI.

MDCCXCIV.





V I R O

ILLUSTRI ATQUE EXCELLENTISSIMO

JOANNI GOTTFRIED  
LEONHARDI

PHILOSOPHIAE AC MEDICINAE DOCTORI

SERENISSIMI ELECTORIS SAXONIAE CONSILIARIO  
AULICO ATQUE ARCHIATRO, COLLEGII SANITATIS  
ASSESSORI, ACADEMIAE IMPER. NATURAE  
CURIOSOR ETC. SODALI ETC. ETC.

TOMUM SECUNDUM

HUIUS THESAURI

D. D. D.

UNAQUE

SE RESQUE SUAS DE MELIORI NOTA

COMMENDAT

EDITOR,

THE  
GREAT  
MAGNIFICENT

THE  
GREAT  
MAGNIFICENT  
THE  
GREAT  
MAGNIFICENT

THE  
GREAT  
MAGNIFICENT  
THE  
GREAT  
MAGNIFICENT

THE  
GREAT  
MAGNIFICENT  
THE  
GREAT  
MAGNIFICENT

---

---

## C O N T E N T A.

### XIII.

Dr. *Joannis Christoph. Enslin* diss. de boleto sua-  
colente Linnaei. Erlangae, 1784. Pag. I

### XIV.

Dr. *Rudolph. Aug. Vogel* Progr. de verioribus balsa-  
i Meccani notis. Goettingae, 1763. 33

### XV.

Dr. *Georgi Gottl. Küchelbecker* diss. de saponibus.  
psiae, 1756. 43

### XVI.

Dr. *Matthiae a Paecken* diss. de sale acido essentiali  
rtari. Goettingae, 1779. 90

### XVII.

Dr. *Petr. Remig. Francisc. de Paula Willemet* diss. de  
goris usu medico. Nanceii, 1783. 111

### XVIII.

Dr. *Joann. Schaeffer* diss. sistens anthelmintica regni  
getabilis. Altdorfii, 1784. 127

### XIX.

Dr. *Georg. Albert. Weinrich* diss. de haematoxylo  
ampechiano. Erlangae, 1780. 187

### XX.

Dr. *Joann. Daniel. Carl* diss. de viribus Chamomillae.  
goettingae, 1775. 221

### XXI.

Dr. *Jo. Theod. Phil. Christ. Ebeling* diss. de Quassia  
t lichene islandico. Glasguae, 1779. 253



---

---

XXII.

Dr. *Frider. Degenhard Kerckfig* diff. sistens observationes et experimenta circa usum medicum calcis Zinci et Bismuthi. Halae, 1792. 29

XXIII.

Dr. *Carol. Josephi Wirtensohn* diff. demonstrans opium vires fibrarum cordis debilitare, et motum tamen sanguinis augere. Secundum editionem alteram. Monasterii Westphal. 1775. 30

XXIV.

Dr. *Joann. Brickenden* diff. de radice scillae. Edinburgi, 1759. 36

XXV.

Dr. *Joann. Anton. Adami* diff. de Oleo Cajepu Goettingae, 1783. 37

XXVI.

Dr. *Christ. Frider. Jaeger* et Resp. Dr. *Car. Engel Gaupp* diff. de Cambogiae Guttae succo s. Gummi Guttae officinali. Tubingae, 1777. 40

XXVII.

Dr. *Leonh. Christph. Hellmuth* diff. de radice Senegae Erlangae, 1782. 42

XXVIII.

Dr. *Phil. Frider. Gmelin* et Resp. Dr. *Carol. de Olshausen* diff. de probato, tutoque usu interno Vitrioli ferri factitii adversus haemorrhagias spontaneas, largiores. Tubingae, 1763. 45

---

---

XIII.

DR. JOANNIS CHRISTOPH. ENSLIN

DISSERTATIO

DE

BOLETO SUAVEOLENTE  
LINNAEI.

ERLANGAE,

1784.

aegrotorum, pauperiorum inprimis, id quod haud infimae utilitatis rem esse cenfeo, quum non pauci respuant omnem medelam, quam non nisi bonorum suorum jactura conciliare sibi possunt. Hisce potissimum rationibus commotus, quum de specimine, quod edendum a me erat, inaugurali cogitarem, non inutile plane suscepturum me esse negotium speravi, si et ex mea parte paullo exactius inquirerem in plantae inquilinae vires, quae crebrius, quam hucusque factum est, in usum vocari mereri mihi videtur, *boleti* nimirum *suaveolentis* Linn. seu *fungi salicis officinarum*, eaque, quae circa eandem institui, experimenta publici juris facere conarer, cui consilio eo plus inde accessit roboris, quod incassum in plurimis libris, qui de medicaminum apparatu agunt, boletum nostrum quaesiverim, quum tamen ob egregiam, qua pollet, vim medicam optimo jure in iisdem vindicare sibi possit locum. Non fugit me quidem, in judicanda ejus efficacia in diversas sententias abire medicos, neque deesse, qui omnem fere ipsi denegent vim salutarem. At idem factum permulta medicamina, haud dubiae virtutis saluberrimaeque in debellandis morbis efficaciae perpessa esse, quis nescit? — Quot quantaque de remedii hujus, cui soli innumeri mortales sanitatem debent atque vitam, viribus movebantur lites! — Eadem ratione et sexcentis aliis medicaminibus efficacissimis vel omnis denegata est vis auxiliatrix, vel nociva iisdem adscribebatur, quotidiana licet experientia contrarium probante, dummodo justa dosi ac tempore congruo fuerint propinata nilque adfuerit, quo usus eorundem fuerit contraindicatus. Id quidem lubenter concedimus, morbi aciem vel optimorum interdum remediorum eludere vim, eandemque sortem et in boletum nostrum cadere. Sed quis medicus non plane iniquus culpam in pharmacum conjiciet, quae sola adscribenda est morbo vel nimis provento vel in se insanabili? Habet ars sane suos limites, quos transgredi nemini mortalium licet; sat saepe felices sumus, si vel rariori in casu, dum reliqua remedia nos deserunt, ad tale demum confugere permissum nobis est, quod vel ex parte tantum votis nostris respondeat; sat felices, si vel nimiam solummodo morbi



vim frangere vel miseram aegroti vitam per pauculos adhuc diēs diducere valeamus. Hi itaque audiendi non sunt, qui vel ideo boletum nostrum nihili faciendum esse opinantur, quod spem inde conceptam interdum frustraverit, vel quod et nunquam ipforum desiderio satisfecerit, si, dosi nimis refracta, vel morbo jamiam desperato, in usum illum vocarunt, taceo de iis, qui solo medicamentorum novorum, saltem non adeo notorum odio ducti, aliasve ob causas haud magis laudabiles alto supercilio despiciunt in remedia, quibus uti nunquam consultum sunt rati. Convertito me potius ad hos, qui in alteram extremitatem dilabentes, tantum abest, ut pro inertī habeant boletum nostrum, ut venenatum potius eum esse putent. Firmiori talo neque et haec opinio stare videtur, quam altera, quum nunquam vel ab auctiori quoque ejus dosi vel minimum viderimus exortum, esse incommodum. Alia forsan boleti species nostro fuit substituta, quae noxium exseruit effectum, cujus dein causa nostro immerito est attributa, id quod eo facilius fieri potuit, quum plures boleti species falci insideant. Necessitas inde exsurgit eo major, ut exacte ab omnibus reliquis boleti speciebus suaveolens noster distinguatur, qui scopus ut eo facilius attingatur, haud minimae utilitatis rem futuram esse censevi, si, praeter descriptionem botanicam, aeri incidendum illum curarem. Accipiat is itaque, B. L. hosce meos juveniles conatus ea indulgentia, quam ei non detrectabit, qui pro dignitate pertractare materiem, quam sibi elegit, omnibus annis est viribus, licet longius forsan distet adhuc ab eo, quem sibi praefixit, scopo. Laetabor saltem atque ex intimo mihi gratulabor, si unus vel alter hasce pagellas perlecturus non dedignabitur, pharmaco uti, antea nunquam ab ipso in usum vocato, iis saltem in casibus, ubi efficacissima jam alia medicamina incassum adhibuit, suaeque cum eo instituta experimenta, in humanitatis afflictæ solatium, publici facere juris, haud recusabit. Si vel pauciores quidam hac ratione misero fato eriperentur, nil scio, quod comparari possit cum laetitia, quae in me esset redundatura, si sperare mihi licuerit, et hasce pagellas aliquid ad eorum contulisse salutem.

§. I.

## HISTORIA BOTANICA BOLETI SVAVEO- LENTIS.

Non videtur notus fuisse Boletus suaveolens BAUHINIS, qui expressis saltim verbis illius haud faciunt mentionem. Primus, cui cognitionem ejus debemus, est FRANCISCUS VAN STERBEEK, Presbyter et Canonicus Hooghstraten-  
sis, qui 1675. ita inscriptum *Theatrum fungorum, of tonneel der Campernoelien* cet. Antverpiae edidit, in quo plures fungos tam a BAUHINIS et CLUSIO, quam a se ipso detectos descripsit aerique incidendos curavit. Hocce in libro obvenit et Boletus noster, sub nomine: De eerste Soort van willige Fungi, Falsus Agaricus, Fungus albus, saligneus, odore iridis, pag. 251. ac Tab. aen. N. 27. lit. D. falicis trunco insidens depingitur. Praemissa descriptione, in qua pondus hujus fungi ab una ad undecim uncias ascendere, odoremque illi, qui in radice iridis florentinae deprehenditur, similem esse, et per annum unum cum dimidio satis fortem fuisse, tradit, se hoc genus fungi mense Julio. anni 1670. primum observasse narrat, in falicibus crescens, humana statura non multo altius, et ita saepe, ut verticillatim circum caulem proveniat. Innoxium eum esse pag. 252. judicat, ad usus quosdam medicos forte utilem futurum. Ex eo in taleolas dissecto tusoque fomitem parari posse, ad ignem e filice excussum excipendum aptum; Fungum VI. C. BAUHINI in *Pinace*, p. 370. eundem esse videri. In hoc certe errat STERBEEKIUS; Bauhini enim Fungus longe alius est, et ad Fagos nasci, disertis verbis, dicitur. Addit p. 253. hunc Fungum latus australe trunci prae reliquis occupare. — Caeterum Icones STERBEEKIANAE, etsi parvae, et poros in superficie supina non exhibentes, non malae tamen sunt. Ex hoc Auctore JACOBUS BOBART in MORISONI *Historiae plantarum univers.* Tomum tertium a se editum, pag. 643. n. II. sub nomine: Fungus albus saligneus odore iridis, 118. STERB. Tab. 27. D. atque ex hoc RAJUS in *tertium suae plantarum historiae Tomum*, pag. 24. sub eadem denominatione, — ubi vero per errorem typographi-

cum loco vocabuli: odore, colore legitur — illum translulerunt, nihil tamen, praeterea denominationi adjicientes. In reliquis RAY operibus, sicuti et apud multos alios botanicos, qui plantis Anglicis describendis operam dederunt, nulla omnino de boleto nostro fit mentio, nisi fungus salicis a DOODY in Anglia detectus, atque sub nomine: Fungus arboreus albidus maximus, seu Agaricus spurius DOODY, in RAY *Synopsi stirpium Britannic. ed. II. App. pag. 335.* atque in EJUSDEM *Hist. plantar. Tom. III. pag. 22.* descriptus, coincidat cum nostro. Attamen praegrandem istum fungum esse, ibidem affirmatur, et DOODY de illo dicit: „Frustrulum solummodo penes me est, quod exsiccatum jam pendet libras tres,“ quae proprietas aliena est a nostro boleto. Non tamen hunc fungum arboreum albidum maximum semper ejusdem magnitudinis esse, probabile est, ac ex sequentibus quoque scriptoribus patet. In tertia Synopsios editione DILLENIUS, quo curante et augente illa anno 1724. prodiit, boletum dictum, pag. 23. n. 11. sub nomine: Agaricus officinali similis, e Cat. Giss. p. 192. deprompto proposuit; sed, si EJUSDEM *Catalogum plantarum sponte circa Gissam nascentium, pag. 192.* pervolvimus, synonymon agarico dicto adjectumprehendimus, e CASP. BAUHINO desumptum, boleto nostro non respondens; simulque, tanquam locum natalem fungi, quercum nominatam. In HUDSONI *Flora Anglica, ed. I. p. 497. n. 4. ac. ed. 2. pag. 626. n. 9.* fungus arboreus albidus maximus, sub nomine: Boletus albus, cum differentia specifica: acaulis, pulvinatus, laevis, poris oblongis, atque alieno quodam synonymo Halleriano reperitur. Sub eodem nomine: Boletus albus, eademque, sed additamento: „et rotundis“ adaucta differentia specifica, addita simul brevi descriptione,prehenditur idem fungus in LICHTFOOTII *Flora Scotica, Vol. II. pag. 1037. n. 8.* tanquam fungus salicis etiam in Scotia sponte proveniens, et botanicus iste dexterrimus conjecturam addit, boletum hunc album cum suaveolente LINN. unum eundemque esse posse, licet vix sensibili narēs feriat odore. — Quos antea allegavimus, scriptores omnes nullius plantae mentionem faciunt odoris, id. quod ulteriori commit-



timus indagationi eorum, qui in Anglia herbarum scientiam excolunt, quique, simul melius, quam nos, poterunt dijudicare, an Fungus Collyricus in putrescenti salice natus — ita dictus, quod Collyrae Judaeorum nostratium paschali valde assimilatur, PLUKENET. *amalth. botan. pag. 102.* — cum nostro unus idemque sit? Id quod tamen in dubium magis vocandum, quam suspicandum nobis quidem videtur. Botanici Galli boleti nostri suaveolentis ne in universalibus quidem indicibus suis mentionem faciunt. Itali quoque de eo silent, adeo ut sub numerosis in MICHELII *nov. gen. plant. allegatis arborum fungis* ne unus quidem deprehendatur, qui respondeat boleti nostri characteribus. Nec apud BATARRAM, quem nuper adhuc evolvi, deprehendere eum mihi contigit. In Germania diu, uti infra ex §. V. patebit, notus fuit fungus noster. Indicasse eum videtur jam a. 1719. DILLENII in *Catal. plant. circa Giff. nascent. pag. 193.* sub nomine: „Agaricus villosus, et porosus, candidus, salignus;“ anno vero 1720. BUXBAUMIUS in *Enumerationi plantarum in agro Halensi crescentium pag. 8.* sub STERBEEKII nomine eum proposuit. Idem ille Botanicus, in Russiam postea translatus, ulterius adhuc de fungo nostro promeritus est, cum in *Centuria V. plantarum minus cognitarum, Petropol. 1740.* sub denominatione ex DILLENII *Catal.* antea allegata, quae *pag. 3.* legitur; et cui bina Synonyma, sed aliena, subjunxit, *Tab. V.* pronae ejus atque supinae partis exhibuit iconem, a perfectione quidem paullo remotiorem, habitum tamen fungi sat bene exprimentem. Mirandum est, varios Floristas Germanos boleti nostri ne verbulo quidem mentionem fecisse, cum tamen in pluribus Germaniae provinciis nascatur. Ipse Generosiss. a LEYSER in *Flora sua Halensi*, caeterum egregia, eum omisit, etsi BUXBAUMIUS in *Enumerat. pl. Halensium*, ut diximus, ejus expressam fecerit mentionem. Celeberrima DOERRIENA in libro: *Verzeichnis der im Oranien-Nassauischen wildwachsenden G6wächse*, *pag. 331. n. 3.* atque b. REICHARDUS in *Flor. Francofurt. P. II. pag. 157. n. 901.* ejus quoque meminerunt. An ac quo demum loco deprehendendus sit in Ill. Consilarii aulici, GLEDITSCHII *Me-*

*thodo fungorum*, determinare haud magis audeo, quam, an et ubinam in Reverend. Consiliarii, D. SCHAEFFERI *Hist. fungorum* obveniat? — Delineari quidem curavit Vir hicce celeberr. *Vol. II. Tab. CXXIV.* Boletum albidum, sed parva tantummodo, ac uti videtur, tenuia ejus exemplaria, quibus SCOPOLII Boletum umbilicatum, *Flor. Carniol. II. P. II. pag. 467. n. 1590.* ejusque *var. 2.* tamquam synonymon apponit, quae verò alium eumque diversum plane a nostro boletum indicare videntur. Paullo majori cum verisimilitudine cum nostro boleto equiparari poterunt icones — licet etiam haud satis exacte expressae — boleti cujusdam, quem album vocat Auctor modo laudatus, *l. c. Vol. IV. Tab. CCCXIV.* cui cum interrogatione addit HALL. *Hist. n. 2280.* atque DILL. *Giff. pag. 198.* quae possent forte pro juniõribus Boleti veri suaveolentis exemplaribus valere. Magnitudine exaequant prunum, vel malum parvum — figurae magis globosae, quam praecedentia — coloreque stramineo flavo sunt picta. Tota fungi hujus definitio sequentibus absolvitur verbis: „pileo subglobofo, hirsuto, albedo, tubulis angulatis, difformibus, non secedentibus, albidis“; locum vero natalem non aliter definit, quam in plurimis aliis fungis id fieri ab ipso solet; dicit nimirum, in arboribus lignoque putrido illum deprehendi. — In Suecia jam a. 1732. vel forsan maturius adhuc, boletum nostrum observavit b. a LINNE, eumque sub nomine, differentiam specificam exprimente: „Boletus acaulis, superne laevis, salici infidens“, primo in *Floram Lapponicam, Amstelod. 1737. editam, pag. 368. n. 522.* introduxit, dein in *utramque Florae Suecicae editionem*, sub n. 1095. et 1255. postea in *Species plantarum pag. 1117. prioris, et pag. 1646. posterioris editionis*, ubi simul nomine triviali: „Boletus suaveolens“ donatus est; qua utraque sub denominatione a perill. OEDERO in *Enumerat. plant. Florae Danicae, pag. 62. n. 705.* a b. D. GUNNERO in *Florae Norvagicae Part. II. pag. 137. n. 1052.* tum a Celeberr. Prof. REZIO in *Floram Scandinav. pag. 250. n. 1581.* et ab hoc quidem apposito vocabulo: „odoratus“ introductus est. Omnes autem Celeberrimi hi scriptores, b. LINNEUS, et qui eum



sequuti sunt, ne unicum quidem ejus synonymon addiderunt. Vix dubitari poterit, nostrum fungum in Helvetia quoque crescere, atque a b. HALLERO *Historiae plantar. Helvetiae* esse insertum. Maximum itaque attingit probabilitatis gradum, quod sit: „Polyporus sessilis, convexo planus, albiſſimus, superne hirsutus, poris latoribus, *Tom. III. pag. 140. n. 2280. ubi DILLENII Cat. Giff.* atque BUXBAUMII *Cent. V.* allegati sunt. Odoris tamen b. Vir ne verbulo quidem meminit. Et quum hancce speciem in genere, ut arboribus insidentem indicet, haud temere suspicabimur, boletum nostrum suaveolentem non solum sub denominatione allegata intelligi, cui conjecturae et ipsa descriptio multum roboris addere videtur. In Palatinatu nostrum fungum sponte provenire, testis est Cel. de NECKER, in *enumerat. stirpium Palatar. T. 2. Act. Acad. Theodoro-Palatinae, p. 447. inserta.*

## §. II.

## DESCRIPTIO BOLETI SUAVEOLENTIS.

Sed pedem hinc moveamus, et ad descriptionem boleti nostri accedamus.

Pertinet is ad eas boletorum species, quae arborum corticibus insident. Radicum vestigia aequae in eo desiderantur, ac stipes; semper pileum dimidiatum sistit arbori quasi agglutinatum. Directio ejus horizontalis fere est, vel parum inclinata. Basis longa semper atque lata deprehenditur; plana, si in laeviori; inaequalis, si in rimoso profundisque scissuris exsculpto arboris cortice crescit. Figura ejus naturalissima ea esse videtur, quae scilicet ellipsin secundum longitudinem dimidiatam exprimit, cujus axis longior coincidit cum basi fungi, ac duplam circiter axis brevioris longitudinem habet. Attamen et plures figurae irregulares in hoc fungo deprehenduntur. Ellipsis dimidia magis interdum minusve est obliqua, ac si non per longiorem axin, sed per diametrum, cum hac angulum acutum formantem, esset divisa. Interdum pars quaedam extra circumferentiam ellipseos prominet, et nonnunquam in angulum exit, interdum segmentum quasi ab eadem est abscissum. Quidam horum fungorum repraesentant lunulas; alii semi-circulos, quadrantes aliosve circuli secto-



res. Corpus fungi in basi crassum est, ita ut considerabilis huic sit magnitudo, versus marginem sensim sensimque redditur tenuior. Superficies superior mediocriter est pulvinata, sic ut versus basin elevetur, versus marginem deprimatur, ac inter utrumque magis minusve convexa sit. Interdum inaequalitatibus irregularibus nodisque praedita est. In exemplaribus junioribus adultioribusque quibusdam obscure pubescit, a subtilibus brevibusque villis, ope microscopii demum detegendis, vel potius villorum fasciculis, qui ab interna substantia sese elewant; crescente aetate, hisce villis vel depressis vel detritis calva eadem redditur, ita ut tunc fungum optimo jure laevem appellare possis. Substantia interior densa nudo oculo tanquam firmum apparet densumque corium; Sub microscopio autem constare illa deprehenditur ex villis albis subtilissimis brevissimisque, in multifaria directione sese decussantibus, in teneras lamellas irregulares se unientibus iterumque discedentibus et s. p. Huic subjacet substantia tubulosa, diversae altitudinis, coriacea, ex innumeris tubulis constans, parallelis, dense sibi invicem accumbentibus, partim rotundis, partim angulatis, diversae amplitudinis, et quidem non in diversis tantum, sed et in uno eodemque individuo, quae vero tanta in genere esse solet, ut parvam vel mediocrem aciculam recipiat. Horum tubulorum altitudo varia est; quidam — ii nimirum, qui proxime ad marginem positi sunt — vix lineam, alii dimidium fere pollicem altitudine aequant. Parietes tubulorum oculo armato exhibent substantiam multo compactiorem, quam interior fungi est. Superficies inferior, interdum paullulum concava, interdum sat plana, interdum et in medio parum convexa, in quibusdam individuis a basi fungi in arboris corticem eidem subjectum longe decurrens, innumeris denseque stipatis poris, qui tubulorum ostiola sunt, usque ad marginem fere pertusa conspicitur, prope marginem vero, in distantiae unius, dimidiaeve lineae, vel et quartae tantum ejus partis a margine, porosa esse desinit, ita ut fimbria quaedam angusta hanc superficiem circumcirca quasi cingat, sub basi interdum hinc inde ampliata. Pori, tubulorum, ut diximus, orificia, aequae

arcte sibi invicem accumbunt, ac tubuli ipsi, horumque adinstar rotundi sunt vel angulati, ac ratione luminis cum iisdem conveniunt, vel et paullo angustiores sunt, septis nimirum in margine crassescens; nonnunquam tubuli aliqui confluunt quasi brevesque efformant lineas flexuosas labyrinthicas. In quibusdam ejusmodi fungis tubuli aliqui plerumque in postica parte, propius ad basin, vel in ipsa basi positi reliquos anteriores longitudine superant, ita ut eorum portio notabilis promineat. Nonnulla tubulorum orificia non rotunda sunt, sed oblonga, angulata, aut alius irregularis figurae. Margo boleti integer est, raro obsolete lobatus, nunquam non integerrimus, nonnunquam quodammodo acutus, plerumque tamen obtusus, interdum et tumidus, supra poros sibi proximos protuberans, praesertim post exsiccationem. Tam margo, quam substantia ac superficies fungi utraque haud raro corpora heterogenea, praesertim corticis frustula, ramulos foliaque saligna exhibent, quae iis accrevère, vel circa quae fungus vel totus vel ex parte tantum circumnascitur. Color fungi vel lacteae albedinis est, vel flavido albens; superficies inferior tincta interdum est colore ex flavo brunneo, quem et superior quorundam individuorum prae se fert superficies. Substantia interior densa coloris semper est pulchre lactei, cum admixta flavedine aliqua ad brunneum colorem declinante; magnitudo diversissima deprehenditur. In conspectum venere exemplaria, decem pollices longitudine, quatuor ad quinque pollicum mensuram latitudine aequantia.

Quae huc usque in medium protuli, Tabula aenea opusculo huic annexa illustrabit, quae diversis iconibus praecipuas hujus fungi varietates exhibet, qui forma, foraminum structura, colore atque imprimis odore, infra exactius determinando, a reliquis boletis arboreis parasiticis sessilibus distinctissimus est.

### §. III.

#### LOCUS NATALIS BOLETI SUAVEOLENTIS, TEMPUS, QUO VIGET.

Quo fungus noster eo facilius detegatur, atque ab aliis discernatur, scire quoque interest locum ejus na-

talem. Solummodo in salicibus crescit, exclusis omnibus reliquis arboribus. Praecipuae vero, quibus insidere solet hicce fungus, salices sunt: alba; fragilis; vitellina atque amygdalina — quae sub salicis rusae nomine, §. V. intelligenda esse videtur — quarum Cortici arcte adhaeret; in aliis facilibus hic saltem locorum nondum est deprehensus. Ex scriptoribus, §. I. citatis aliisque elucere videtur, boletum nostrum crescere in Lapponia, Norvegia, Dania, Suecia, Russiae parte, Germaniae quibusdam provinciis, Belgio atque Britannia adeoque sat amplum terrae tractum patriam suam agnoscere.

Tempus, quo apud nos in conspectum venire incipit hic fungus, Autumnus est, et quidem mensis Octobris, a quo per totam hyemem colligi potest, usque dum vere, mense Majo atque Junio, calor augefcit; ab insectis enim tunc temporis devoratur, in putredinem abit atque nigredinem contrahit. Hisce mensibus corrumpitur adeo, ut exeunte Julio vix ac ne vix quidem deprehendenda adhuc sint ejusdem vestigia. Meretur itaque annuus appellari vel biennis.

## §. IV.

## ALII BOLETI SIMILES.

Licet praeter formam atque colorem Boleti nostri suaveolentis, ut facili detegatur negotio, inservire queat arborum genus, in quo parasitice habitat odorque specificus, dantur tamen et alii adhuc fungi salignei, a nostro distincti; dantur et alii fungi suaveolentes, quorum species, quae mihi quidem innotuerunt; ut omnis eo magis praecaveatur error, brevibus recensbo.

In salicibus deprehenditur praeter A.) notissimum Boletum versicolore, atque B.) haud minus notum Boletum igniarium LINN. etiam C.) alius adhuc Boletus acaulis, igniario similis, superne coerulescente-albidus, in flavidum inclinans, cum tenerrimis poris in superficie inferiore obscurius brunnescente, substantiae interioris solidae, e griseo et brunneo albae, tenuioris, quam, qua praeditus est Boletus suaveolens; an Polyporus sessilis hirsutus, superne fuscus, poris albis tenuissimis. HALL. *hist. pl. Helv.* 3. p. 141. n. 2281? — Distinguitur vero hic odore proprio



nauseoso, post exsiccationem adhuc residuo, et; quam antea, fortiore.

Tandem in iis crescit D.) Boletus quidam stipitatus, pileo obliquo reniformi sublobato molli, supra e luteo brunneus, squamis orbiculatim digestis laceris fuscis, poris majusculis angulatis coadunatis, odore praeditus fungoso, cui tamen aliquid odoris cinnamomo similis vix percipiendi sese immiscet. Haberm illum pro Boletoglandis BULLIARD. *Herb. de France, Tab. 19.* si hicce majoribus praeditus esset tubulis, ejus circiter magnitudinis naturalis, quales Fig. D, lentis vitreae ope delineatos, exhibet, et si Cel. BULLIARDUS odoris grati mentionem faceret.

Boletos suaveolentes, quorum locus natalis vel plane non commemoratur, vel saltem non solis attribuitur salicibus, sequentes recensere possum.

1) Boletus polymorphus BULLIARD. *Herb. de France Tab. 114.* Pro suaveolente ipso huncce haberm, ni stipite brevi, superficie flavescente, brunneo maculata, atque secundum descriptionem, humida, neque non carne instructus esset mollissima atque aquosa, ita ut non supra duos dies, absque putredine, conservari posset. Suaviter odore imbutus tantummodo est adhuc juvenis; qui, dum incrementum capit fungus, abit in foetorem.

2) Boletus elegans. BULL. *Herb. Tab. 46.* Substipitatus, subrotundus est, superne laevis colorisque cinnamomei, subtus tubulis subtilissimis brunneis instructus. Substantia densa coriacea est ac solida, coloris albidus. Facile ficcatur. Odorem spargit talem, qualis anisi est; sapore insignitur amaro. Uterque in Gallia crescit in arborum truncis putridis.

3) Boletus odoratus Perillustris ac plurimum reverendi Lib. Bar. a WULFEN, Clagesfurt. cujus eximiam descriptionem cum Ill. Consil. aul. et Prof. SCHREBERO, Fautores meo ac Praeceptore, ad cineres venerando, communicavit vir celeberrimus. Est acaulis, supra convexus, subpulvinatus, inaequalis, aurantiacus, subtus albidofulvescens, poris inaequalibus, rotundato angulatis, ut a perill. inventore definitur. An Polyporus sessilis, convexo-planus

laciniatus, flavus, imbricatus, caespitosus. HALL. *Hist. stirp. Helv.* 3. 143. n. 2291? — AN. SCHAEFFERI ic. 110? — Habitat supra truncos arborum resectarum. Labaci et Clagenfurti; semper in pino crescens nec in salice unquam. Odor suavissimus fere caryophylli aromatici, quem vel ficcus diu retinet. Optandum est, ut vir celeberrimus, cui res herbaria tot nova inventa, totque accuratiores plantarum rariorum descriptiones, iconesque pulcherrimas acceptas refert, non solum descriptionem hujus fungi, a se conceptam, sed figuram quoque aliquando in lucem emittat. —

Duae posteriores species eidem vel simili inservire posse videntur usui medico, qui notatu dignum reddit Boletum suaveolentem; et ad quem uberius declarandum jam sumus progressuri.

## §. V.

## HISTORIA USUS MEDICI BOLETI SUAVEOLENTIS.

Quo tempore Botanicis innotuerit Boletus noster, §. I. exposuimus. Usus ejus medicus antiquior fuisse videtur, paullo angustioribus licet circumscriptus limitibus. An sub pilulis scabris, in furculis salicis latifoliae, quarum JOACH. CAMERARIUS in *horto med. et philos.* p. 151. ac GEORG. HYERON. VELSCHIUS in *Hesatosteis II. obs. phys. med. pag. 80.* mentionem faciunt, intelligendus sit Boletus noster suaveolens, uti SCHROEKIUS in Nota ad postea allegandam Observationem Sartonianam in *Miscell. N. C.* vult, dubito. Alias jam sub anno 1676. salutaris ejus in phthisi pulmon. ulcer. effectus exhibere valeremus testimonium. Ante laudatus enim VELSCHIUS in *Mictomimematibus suis, Miscellaneis Acad. Nat. Cur. Dec. I. an. IV. V. subjunctis Cent. II. num. 60. p. 39.* ubi dixit: „Pulmonibus exulceratis extractum corticis medii salicis tenellae, antequam folia emittat, collecti, expertus est singulare remedium;“ JO. BREVIORIUS adnotationem sequentem subjungit: „Nemo ignorat, nostra aetate plures fungos illos, sive pilulas excrementitias salicis, tanquam singulare experimentum proposuisse, de



quibus iccirco egimus Hecatost. I. Obs. 61. " Haecce Miscellaneorum pars in lucem prodiit 1676. — Pluribus tamen rationibus ductus existimo, intelligi hic potius Gal-  
 larum speciem quandam, quam fungum nostrum: Multo certius autem, quid? quod certissimum mihi esse videtur, Boletum nostrum suaveolentem eundem esse fungum, cu-  
 jus in *Miscellaneor. Academiae Nat. Curiosor. Anno I. Decuriae II. Obs. 121. p. 310.* notatu dignam legimus def. Archiatri Bambergens. D. Jo. GEORG. SARTORII observa-  
 tionem, juxta quam in periculosa phthisi pulmon. ulcero-  
 sa ad drachmas duas quotidie cum Saccharo Candiano, juncta diaeta lactea, exhibitus egregium edidit effectum. Audit ibidem Fungus Salicis ruffae. Affirmatur quidem de hoc Fungo Salicis ruffae in RAPI *Synops. stirp. Brit. edit. III. p. 22.*, eum esse Agaricum Lichenis facie varie-  
 gatum Tourn. sive *Boletum versiculorem* LINN. attamen impetrare a me non possum, ut huic sententiae calculum meum adjiciam, quum Boletus hicce posterior, quantum equidem scio, nunquam in usum cessit medicum. Pari ratione Fungus Salicis in BOECLERI *Cynosura Mat. Med. continuata Arg. 1729. pag. 175.* qui ibi in phthisi consummata collaudatur, si in ovis frixis, vel in pulvere, ad drachmam dimidiam vel integram pro dosi, mane atque vespere propinetur, nullus alius esse videtur, quam Boletus sua-  
 veolens noster, quamquam descriptio, quae ibidem de illo exhibetur, ac juxta quam Fungus lamellatus vel Agaricus LINN. esset, in nostrum plane non quadret. Id quod BOECLERUS de eo pronunciavit, verbotenus fere in *Pharmacopoeam Würtembergicam* transit, cum sola additione, quod a quibusdam fungis noxiis accenseatur. Hac ratione magis sensim magisque in usum est versus Boletus noster, multo minus licet, quam adhiberi promeruit. Erlangae, ubi haec scribo, jam per multos annos in usu est. Cum exoptatissimo effectu praescripsit illum per triginta jam, ac, quod excurrit, annos Perill. Consiliar. aul. intim. et Archiater Sereniss. Marggrav. Brandenb. SCHMIDELIUS, Decus quondam Universitatis Fridericianae Erlangen-  
 sis. Eodem fausto cum omine in usum quoque adhucdum vocatur ab Illustr. Consil. aul. ac Prof. WENDT, Fautore ac:



Praeceptore meo in aeternum pia mente devenerando, cui permulti sanam felicemque redditam referunt vitam, cui et ego, si quid valeant in practicis humeri, debeo plurimum. Videamus igitur, quibus in morbis, quomodo et quo demum cum effectu propinatus ille fuerit et adhuc propinetur, si prius partes ejus constitutivas, juxta experimenta, in laboratorio Clar. FRISCHMANNI, Pharmacopœi Erlangenfis dexterrimi meritissimique, instituta, quo, quantum fieri id possit, patefiant inde vires ejus agendique ratio, exposuero.

## §. VI.

## ODOR ET SAPOR.

Priusquam vero ad haecce me convertam, necessarium erit, boleti nostri *odorem saporemque*, quantum fieri id licet, determinare. *Odori* nimirum ejusdem fungoso jungit sese gratus quidam atque dulcis, quem tamen cum nullius rei mihi notae grato odore sat exacte possum comparare. Recens imprimis atque tunc potissimum temporis eum spargit, si post pluviam madefactus sensim iterum incipit exsiccari, in exsiccato autem longe debilior percipitur odor, qui leniori humectatione redit quidem, nunquam tamen adeo fortis atque antea. In genere vero notandum est, non cuilibet boleti nostri individuo eandem esse odoris gratiam, sed alterum ea superare alterum; in nullo autem apud nos, quantum observare mihi contigit, tam fragrans deprehenditur odor, qui aptum eum reddat usui plane singulari, cujus mentionem facit b. a LINNE, *Flor. Lapp. n. 522. p. 368.* dum ait: „Adolescentes hunc inventum solliciti servant in Marsupio ante pubem pendulo, ut gratiorem odorem spirantes nimphis suis placeant, additque:“ „O ridicula Venus! tibi, quae in exteris regionibus uteris Coffea, Chocolata, Conditis et Saccharatis, vinis et bellariis, gemmis et margaritis, auro et argento, serico et cosmetico, saltationibus et conventiculis, musica et comoediis, tibi sufficit hic solus exsuccus fungus.“ *Sapor* boleti nostri tunc demum se manifestat, si per aliquod tempus fuerit masticatus. Est vero peculiaris

indolis, nec in quolibet individuo idem; in quibusdam enim ab initio acidulum eum inveni, postea amaricantem, illo nimirum sensim in hunc transeunte; in aliis autem, praeter amarorem leniorem, nil potui distinguere.

# §. VII.

## ANALYSIS CHEMICA BOLETI SUAVEOLENTIS.

Venio nunc ad recensenda experimenta chemica, cum boleto nostro instituta.

### AQUA DESTILLATA BOLETI, TAM SICCI, QUAM RECENTIS.

Quum boletus suaveolens jucundiore suo sese commendet odore, interfuit nostrā scire, an et haec odoris suavitas transeat in aquam ejus destillatam, hinc fungii nostri bene siccati atque comminuti librae dimidiae affudimus aquae destillatae simplicis mensuras tres, atque in vesica cuprea stanno probe obducta instituimus destillationem, sub qua prodiit in vas excipiens aqua pellucida decolor, odorem quidem boleto nostro proprium, multo tamen minus suavem spargens, sapore peculiari, amariuscule ac subnauseoso, cum nulla re mihi nota comparando praedita. Oleum in superficie ejus observabatur nullum.

Cum verò omnis, qui ex corporibus exhalat, odor volatilibus horum partibus sit adscribendus, suavius olentem forte aquam nos esse obtenturos credidimus, si boletum recentem, ex quo nimirum tantum volatilis in auras nondum avolaverit, subjiceremus destillationi; eidem itaque boleti recentis probe purgati ac comminuti quantitatem affudimus aquae destillatae mensuras duas, ac, ignis destillatorii ope, obtinuimus; praeter spem ac opinionem, laticem ejusdem quidem odoris saporisque, qui in aqua destillata boleti sicci percipitur, utriusque vero debilioris, id quod sine dubio nimiae attribuendum erat humiditati, qua partes odoriferae boleti involvebantur nimis ac diluebantur, quam ut potuerint in aqua ejus destillata nares adeo ferire, ac si superflua humiditas antea ex eo exhalasset.



Nèque in hacce aqua destillata; ex boleto recenti parata, quidquam olei in conspectum venit.

#### DESTILLATIO SICCA.

Quemnam effectum editurus tandem in boleto nostro esset fortior ignis, quasque inde partes esset expulsi-  
 rus, nunc etiam experturi, ejusdem ficci minutimque  
 concisi uncias octo in retorta vitrea optime loricata, com-  
 missuris luto probe obturatis, igni aperto exposuimus;  
 leniori primum, sensim vero ad candescentiam retortae  
 usque adaucto, quo factum est, ut in excipulum transferit  
 latex pulchre rubens, odoris fuliginosi saporisque ejusdem  
 ac leniter simul acescentis, utraque hac qualitate spiritui  
 fuliginis proxime accedentis, ponderis unciarum duarum,  
 drachmae unius cum scrupulis duobus.

Innatarunt superficiei hujus liquoris olei empyreu-  
 matici nigri, fuliginosi atque foetentis, infundibuli ope  
 a reliquo liquido separati, scrupuli quatuor, grana duo;  
 materiae vero oleoso-salinae siccae ne vestigium quidem  
 detegi potuit in collo retortae. Sed aliud, dum diffregi-  
 mus vas retortum, notatu dignum observavimus phaeno-  
 menon; ibi nimirum, ubi venter vitri in collum transit,  
 haerebat, quod se sublimaverat, sulphureum concremen-  
 tum, quod vix explicare mihi possum, nisi assumam, inesse  
 boleto suaveolenti acidum vitrioli, quod, durante vehe-  
 mentioris ignis gradu, conjugium cum phlogisto inierit  
 talique ratione in verum concreverit sulphur.

#### EXTRACTUM AQUOSUM PRIMUM, SPIRITUOSUM SECUNDUM.

Boleti suaveolentis, incipiente hieme collecti, siccati,  
 ab omnibus quisquiliis probe mundati minutimque concisi  
 uncias duas cum aquae destillatae simplicis libris sex per  
 quatuor circiter horas coximus. Durante hacce coctione,  
 odorem, boleto nostro specificum, suavem per sentiscebamus. —  
 Decoctum exprimendo colavimus, et residuo  
 a colatura duas adhuc affudimus aquae destillatae libras,  
 quo reiterata coctione expressioneque extraheretur omne,  
 quod extorqueri inde posset, gummosum, utramque dein



colaturam in eodem vase commixtam leniori ignis gradu paullo magis inspissavimus, quam ad massae pilularis consistentiam obtinendam necessarium erat, ac, quod jam remansit, crassamentum super fornace in vase murrhino magis adhuc exsiccavimus; quo omne hac ratione exhalaret fluidum partiumque extractivarum quantitas eo exactius posset determinari; sicque obtinuimus extracti huius aquosi primi drachmas duas cum dimidia, coloris ex fusco nigricantis, odoris fere nullius, saporis amarescentis, subnauseosi, leniterque salsi.

Portionem boleti ab extractione residuam, probe exsiccatam, ponderis unciae unius, drachmarum sex, cum Spiritus vini rectificatissimi libris duabus per viginti quatuor circiter horas, calore leniore balnei arenae, in vase vitreo digessimus exprimendoque colavimus, atque superfluum inde destillando abstraximus spiritum, qui, spirituosum si excipias, nullius erat odoris saporisque. Residuam a destillatione massam resinofam leni evaporatione ad extracti ficcioris consistentiam redigentes accepimus extracti huius resinosi secundi grana quindecim, quod sapore amaro nauseosoque et colore nigricante superat extractum aquosum primum, odore vero aequae debili est praeditum. Remanentiae exsiccatae pondus aequavit unciam unam, drachmas quinque cum granis quindecim.

#### EXTRACTUM SPIRITUOSUM PRIMUM, AQUOSUM SECUNDUM.

Ut et experiremur, quantum insit boleto nostro partis resinosae, cum Spiritus vini rectificatissimi libris duabus duas iterum ejusdem, ab omnibus antea sordibus probe purgati ac comminuti uncias per viginti quatuor horas digessimus exprimendoque colavimus, atque a colatura, cucurbitae vitreae immissa, partem spirituosam in balneo arenae abstraximus; quod vero remansit magma resinofum, leni calore ad massae pilularis ficcioris consistentiam inspissavimus, qua ratione nacti sumus grana quinquaginta extracti resinosi primi, sapore salso atque amaro, et odore peculiari praecedentia extracta superantis, coloris vero ratione extracto resinoso secundo sat exacte respondentis.

Residuo optime siccato, ponderis unciae unius cum drachmis septem, aquae destillatae sufficiens affundebatur quantitas, instituebatur coctio, percolatio, atque evaporatio, lenioris ignis adminiculo, eademque de reliquo procedentes methodo, qua ad obtinendum extractum aquosum primum usi fuimus, drachmas duas cum granis quinque nanciscebamur extracti aquosi secundi, cujus color paullo dilutior erat, ac aquosi primi, sapor debilior ac odor plane nullus.

Remansit post hanc extractionem recrementorum uncia una cum drachmis duabus.

Colatorium sub omnibus hisce laboribus nil unquam suscepit, sed post colaturam ejusdem semper ponderis fuit ac ante eandem.

Extractorum resinorum dissolutio in saliva facilior, quam quae resinis solennis esse solet, invitavit me, ut et experirer, quomodo in aqua sese haberent? ideoque paucis eorundem granis aquae fontanae sufficientem quantitatem affudi agitationemque institui, quo factum est, ut utrumque mox in totum fere solutum brunneo tinxerit aquam colore. Ex quo facile colligitur, extracta haecce resinosa multis commixta esse partibus gummosis, quae cum resinosis intime connexa et has in aqua solubiles reddidere.

#### COMPUSTIO, CALCINATIO, ELIXIVATIO BOLETI SUAVEOLENTIS.

Boleti suaveolentis exsiccati unciae quadraginta et octo comburebantur in tabula argillacea cocta, quae reddebant cineris tenerrimi unciam unam cum drachmis quinque et scrupulo uno. Inde elixivabantur salis alcali impuri drachmae tres cum scrupulis duobus et dimidio. Residuus ab elixivatione cinis pendebat unciam unam cum drachmis duobus; denuo calcinatus perdebatur drachmas duas. Alkali impurum iterum solvebatur in aqua destillata, evaporabatur et ad crystallisandum reponebatur; quo facto, sextuplici evaporatione ac crystallisatione oriebatur sal, secundum saporem magis ad tartarum vitriolatum; secundum figuram crystallorum magis ad sal mirabile Glauberi accedens. Crystalli puriores, etsi minores, collectae

ponderabant conjunctim drachmam unam et grana novem: Impuriore, alcali scilicet fixo vegetabili brevi in liquamen converso, immerſae, poſt ſeparationem ab hoc, pauca adhuc grana pondere aequabant. Reſidui ab elixivatione, in aqua non amplius ſolubilis, drachmae uni inſtillabatur ſpiritus nitri aqua diluti uncia, poſt ſolutionem omnium particularum ſolubilium et filtrationem liquoris, inſtillabatur ſufficiens quantitas olei vitrioli puri, a quo tamen nulla ſtatim fiebat praecipitatio; liquido autem ad dimidium evaporato, eaque triplici evaporatione ſimul acidi nitroſi parte expulſa, oriebantur cryſtalli minimae, tenuiſſimae, pellucidiffimae, e communibus centris radiantes, plane ut Gypſum cryſtalliſatum Hungaricum, ab Ill. SCOPOLIO in *cryſtallogr. Hung. P. I. Tab. X. Fig. 14.* delineatum, cujus, ut et ſequentis, *Tab. XI. Fig. 1.* repraeſentati, cryſtallis noſtrae cryſtalli, oculo armato viſae, erant ſimillimae. Harum cryſtallorum junctim ſumtarum, pondus erat gran. quadraginta et quinque. Patet igitur, in reſiduo iſto, aquam reſpuente, hoc modo terram calcariam detectam fuiſſe. Remanſit tandem terrae inſolubilis drachma dimidia, quam ulteriori docimaſiae ſubmittere ſuperfluum duximus, ſatis convicti, eam nihil aliud, quam terram ſiliceam eſſe poſſe. Martialem tamen eidem adhaerere, exinde patet, quod reſiduum elixivationis cinerum boleti, ad pondus drachmae unius, in vaſe murrhino rudiori — *Steingut* — oleo lini humectatum, hoc accenſo et combuſto, magneti miculas ferri, granum unum exacte pendentes, ſubminiſtraverit.

### §. VIII.

#### VIRES MEDICAE.

Amarities boleti noſtri, lenior licet ſit, ſuadere tamen jam videtur, eum vi roborante non carere. Rem vero extra omnem ponunt dubitationis aleam experimenta chemica fidelesque ante aegrotorum lectos inſtitutae obſervationes. Explicanda potiffimum roborans haecce leniterque ſimul adſtringens virtus erit ex particulis, quas in ſe continet fungus noſter, martialibus, pauculis licet, terraeque calcaria, in acido ſolutis; ſimulque etiam reſinoſa.



ejusdem portione. Ob gummosas inprimis mitesque mucilaginosas partes egregium simul noster boletus remedium praebet demulcens, quod acrimonias quascunque involvendo in pulmonum potissimum vitiis, iisque praesertim, quae ab acri erosioneque ducunt originem, eximiae est utilitatis. Neque minus laudari meretur ob non contemnendam, qua pollet, virtutem antispasmodicam, quae quidem deducenda inprimis esse videtur ex qualitatibus modo laudatis, roborante nimirum efficacia ac demulcente simul, cui accensenda quoque erit acidula, qua praeditum esse vult nostrum fungum, si salutarem inde expectaveris effectum, Perill. SCHMIDELIUS, in litteris ad Ill. WENDT datis, cui easdem benevole mecum communicare placuit. „Recens sit, ait Perill. Vir, salicis fungus, mitis, mucilaginosus, acidulaque ejus qualitas necesse est, si cum fructu uti eodem volueris.“ — Eandem hancce acidulam ejus indolem symbolam quoque suam ad antisepticam, qua pollet, efficaciam contribuere, nil est, quod repugnet. Neque nervinam vim fungo nostro denegabis, si experientiarum historias lustraveris, in qua quidem virtute explicanda volatilium praepriis partium habenda erit ratio, licet nec fixas excludendas omnino esse, neminem iturum credo inficias.

## §. IX.

## USUS IN PHTHISI.

In phthisi pulmonali, et quidem ea potissimum hujus morbi specie, quae, a causa sua proxima, ulcerosa audit, boleti suaveolentis efficaciam nos quidem inprimis experti sumus; id quod tam feliciter interdum factum est, ut, omnibus fere pharmacis, quae gravi hocce in morbo in auxilium vocari a medicis solent, incassum adhibitis, in hoc tamen boleto nostro suaveolente solatium invenerimus. Interdum vel ipsi Cortici lichenique Islandico, divinis caeterum, sicuti in multis aliis, ita et in hoc inprimis morbo, remediis palmam praeripuit, cujus quidem rei causa in hoc forsan erit quaerenda, quod demulcentem simul cum roborante boletus noster conjungat virtutem, quarum prior Cortici deest, posterior vero debilior inesse videtur

licheni, quam fungo nostro. Nonnunquam, licet non radicitus ex corpore evelli morbus valuerit boleti beneficio, nimia tamen ejusdem ope fracta ejus est vis, multumque inde aegrotus accepit levaminis; id quod in rebus desperatis summum saepius, quod attingere ars valet, fastigium esse, quem medicorum latet? — Agendi vero in statu pulmonum ulceroso medicaminis nostri ratio haud adeo difficili explicanda erit negotio. Acrem nimirum lichoris, quo ulcera pulmonalia scatent, indolem blanda sua virtute demulcente mitigat atque corrigit, irritationem inde productam compescit, ac teneriora pulmonum vascula ab ulteriores defendit erosione; humorum massam intrans eadem sua miti involventeque efficacia eandem et lenit redditque magis blandam, corque a stimulis liberando febris vim coercet, eademque ratione et tussis medetur ferocitati; vi sua leniter adstringente partium erosarum promovet consolidationem, fibrisque debilitatis tam pulmonum, quam universi corporis, amissum restaurat robur, torpidos nervos refocillat, antiseptica tandem sua indole humorum compescit putredinem, talique ratione omnibus fere, quarum hocce in morbo ratio habenda est, satisfacit indicationibus. Lubenter tamen concedimus, non sub omni phthiseos ulcerosae conditione statim ad boletum nostrum, tanquam ad sacram anchoram, esse confugiendum. Neque pro specifico illum damus, a quo solo omnis nostro in morbo expectanda sit salus. Sit et reliquis remediis, quibus hujus morbi curationem felicem, ni altas nimis jam egerit radices, statusque ejus plane fuerit conclamatus, referimus acceptam, laus sua meritusque honos! — Nec ab initio statim, quocunque in casu, in usum vocandum esse boletum nostrum, contendimus, quin saepenumero potius alia cum fructu praemitti medicamina persuasi sumus, quae abstergant materiem purulentam ulceraque purificent, qualia sunt v. g. succi herbarum recentium, huic scopo dicatarum, si per anni tempora propinare eosdem liceat, sexcentaque alia, quae singula referre, nimis prolixum nec hujus loci esset, quorum vero plura relata deprehendis in Perill. DELLI, Fautoris ac Praeceptoris mei pia mente emper colendi, brevi lustratione medicamentorum an-

tiphthificorum, Erl. 1783. — Quodsi vero causa phthiseos manifesta liqueat, in ea tollenda omnem prae reliquis movendum esse lapidem, atque, peracto demum hoc negotio, ad talia confugiendum esse remedia, quae pristinum corpori restituant vigorem, non est, quod uberius prolem. Propero potius ad proferenda felicissimae diri morbi boleto nostro peractae sanationis exempla, quippe quae argumentis omnium maxime evidentibus egregiam ejus stabilire valent virtutem.

## §. X.

## HISTORIAE. MORBI.

## I.

Vir Juvenis, annor. XXI. a potu motuque calens, aëri frigidiori sese exposuit, refrigeriumque sibi hac ratione contraxit, quo factum est, ut statim corripere tussis sicca, quae, accedente tempestate autumnali, humida simul ac frigida, adeo est exasperata, ut insignis sinceri sanguinis copia ab aegro exspueretur. Venaesectione instituta, ac remediorum mitigantium lenientiumque usu sedata quidem est sanguinis rejectio, tussis vero eadem vehementia aegrum vexare continuavit, idque per totam, quae insecuta est, hyemem; conjuncta ab initio tussis erat cum excreatione muci albidī, striis sanguineis interdum remixti; tempore hyemali autem in vernale vergente, in materiam ex viridi flavescentem, male olentem, mutati. Quae tunc temporis in usum vocata sunt, remedia omnia salutari frustrabantur effectu. Febris vehemens, corpus insigniter depascens, absque ulla remissione excruciat aegrotum nostrum, qui somno appetituque orbatus atque per totam noctem sudoribus diffuens haud levem perpeffus est virium jacturam. Intumuerunt interdum et pedes, quae tamen intumescencia mox iterum disparuit, sicuti et diarrhoeae, reliquis symptomatibus nonnunquam sese associantes, raro duorum excedebant dierum spatium. Hisce sub aegroti nostri conditionibus electuarius ipsi propinavimus ex boleto nostro suaveolente ac melle paratum, cujus cochlear parvum, quali ad Coffeam sorbil-



landam utuntur, aqua ut dilueretur, quaterque de die ingereretur, jussimus, id quod tam felici successu factum est, ut mitigarentur sudores, tussisque minori cum molestia conjuncta esse videretur, sputorum tamen conditione nullam subiente mutationem. Post quarundam hebdomadum decursum in femore dextro apparuit exanthema, quod, vesicatoriorum ope, magis adhuc elicere annisi sumus. Non tantum respondit etiam spei nostrae effectus, sed et, insigni cum voluptate, symptomata reliqua, antea descripta, multo leniora reddita inde esse, observavimus. Febris autem cedere huic nostro remedio adhucdum recusavit, sputaque per sat longum temporis spatium eodem adhuc, quo antea imbuebantur, tincta erant colore, odoremque spargebant putridum eundem. Nihilominus tamen per menses adhuc aliquot eandem propinare continuavimus medicinam, nilque in ea mutavimus, nisi alium interdum, ne taederet aegrum electuarii per tantum temporis spatium ingerendi, addendo Syrupum; qua demum ratione eo pervenimus, ut felicissime cum sanitate in gratiam rediret noster aegrotus, id quod revera ita factum esse, neque vitium aliquod remansisse in viscere antea laeso, non tantum laetus, quo jam superbit, aspectus, sanitasque illaesa, qua per duos iterum integros annos fruebatur, demonstrent, sed et ex eo jam sat luculenter patet, quod praecedenti autumnno febrem quartanam satis obstinatam felicissime, ac absque ullo remanente incommodo, superaverit.

## II.

Vir triginta sex annos natus, autumnno anni MDCCLXXXII. quatuor hebdomades ante, quam diem obiit supremum ejus conjux, tabe e vivis erepta, accessibus corripiebatur febrilibus. Hujus incommodi tunc temporis nullam fecit mentionem; alias enim Ill. WENDT, uxoris tunc gerens curam, consilium jamjam datum, ut vitaret lectum conjugis, sudoribus nocturnis colliquativis tempore isto disfluentis, sine dubio repetiisset. Pipere potius, ac Spiritu vini ingestis, ventriculo labefactato mederi tentavit, persuadens sibi, febre

intermittente se laborare; qua perversa medendi methodo tamen morbum exasperavit potius quam sanavit. Interim tamen negotiis consuetis extra domum per aliquot adhuc dies operam dedit, donec tandem viribus exhaustus lectum relinquere haud amplius posset. Morbus ejus typum febris intermittens habebat, cujus exacerbationes pomeridianae prioribus septimanis incipiebant cum horrore leniori; quotidie redeunte, quem excepit calor non adeo vehemens. Exhauriebantur inde nihilominus, post breve temporis spatium, aegroti vires adeo, ac si fortissima febris exagitatum fuisset corpus. Tussis asperior, sputa odorem spargentia sat ingratum, sitis clamosa fere, insomnia vix interrupta, ciborum ingerendorum fastidium ingens, pedum oedemata, diarrhoeae, summa tandem virium prostratio vix boni quid hocce in morbo, quem per tres integros menses eadem fere concomitabantur symptomata, augurari permiserunt nullaeque vel exiguae saltem sanitatis rediturae spei dederunt locum. Silentio praetereo remedia plurima, rebus aegroti ita sese habentibus, in usum vocata, quippe quae vel omni frustabantur effectu salutari, vel exiguum tantum inconstantemque producebant. Omne et in hoc morbo solatium ponebatur in boleto nostro fualeovente, qui solus tulit levamen, pristinaeque tam cito restituit sanitatem, ut post mensem jam liber a febre esset noster aegrotus; disparuit et pedum oedema, licet tardius paullo; cessarunt simul et tussis et sputa aegri amplius exhaurire vires. — Vitae ab aegroto hoc post recuperatam sanitatem gestae ratio debito minus ordine erat composita, ita ut per spirituosorum praesertim abusum, ante paucas adhuc hasce septimanas, febrim sibi contraxerit acutam, a qua tamen etiam felicissime convaluit.

### III.

Tertius aegrotus, Vir XXXII. ann. correptus est phthisi, post diu praegressos pectoris dolores, qui tamen et alias saepenumero occupavere partes, atque motus febriles, anxietates, tussim siccam insultusque vertiginosos habuerunt comites. Associavit se hisce symptomatibus sanguinis sapor ori inhaerens, in acidum interdum dege-



nerans, post ingestos cumprimis cibos sese manifestans. Progrediente morbo, sputa excernébantur lateritia, lingua contraxit squalorem; febris vis magis magisque intendebatur; crevit pedetentim respirandi difficultas; tussis exasperata est adeo, ut impediret aegrotum, quominus somnum capere posset deque die in diem magis magisque exhaustae sunt emaciati corporis vires. Mutationem tandem subiit et vox, raucedinem contrahens; sputaque verum prodidere pus, fundum in aqua petens, in vitrioli acidololutum, aqua vero dilutum homogeneous constituens sedimentum. Lac caprillum recens emulsum in Corticis peruviani connubio exhibitum primo morbi ingredientis tempore haud spernendum edidit effectum; multo minus injucundam enim faciem inde induxit sputorum indoles febrisque vis insigniter est fracta, simulque acidus, qui ori inhaesit, ac multum aegro creavit molestiae, sapor feliciter fugatus. Vocis tamen raucedo remediis his, diligentissime licet adhibitis, victrix restitit, nec ita diu post novas vires nata febris, vehementiusque, ac antea, irruens, lecto affixum retinuit nostrum aegrotum. Tenaciorem quoque viscedinem contraxerunt sputa, nec absque intensiore molestia rejici potuerunt; quae mala ex Chinchinae usu originem duxisse, creditum quum fuerit, lichen Islandicus, cum lacte decoctus, vicem ejus ut expleret, curavimus, id quod ab initio salutaribus aegroti cum rebus factum esse videbatur, temporis tamen successu laetam, quam inde conceperamus, spem esse frustratam, non absque ingrato animi sensu percepimus; iterumque hinc exhibitam huc usque medicinam cum alia ut commutaremus, necessarium duximus. Parvis jam liquaminis Myrrhae cum Saccharo Canariensi combinati dosibus expectationi laboriosae medelam afferre non absque fructu an-nisi sumus; reliquis vero aeruminis, quas inter febris aegri vires universumque ejus corpus depascens primum occupabat locum, electuarium opposuimus, ex herba et radice Consolidae majoris, pulmonaria Gallorum, Cortice peruviano, fungo salicis ac Sirupo e G. ammoniaco conflatum; quibus remediis febris suppuratoriae acies mirum in modum fracta quum fuerit; simplicem adhuc aegroto nostro



ex fungi salicis albissimi lactisque sacchari partibus aequalibus constantem pulverem subministravimus, quo per menses aliquot ad scrupulum pro dosi quater de die adhibito, sanitati pristinae feliciter iterum est restitutus.

## §. XI.

## USUS IN QUIBUSDAM ALIIS MORBIS, SPASTICAE PRAEPRIMIS INDOLIS.

A longis retro annis fungum salicis in auxilium qui vocavit, Perill. SCHMIDELIUS; ejusdem quoque efficaciam, uti refert in litteris supra laudatis, expertus est in morbis spasmodicis, atque iis potissimum in casibus, in quibus commendari ab Auctoribus viscum quernum solet. Drachmam dimidiam pro dosi, saepius de die repetendam plerumque hisce in morbis exhibuit.

Casum quoque iisdem in litteris narrat Vir celeberrimus notatu dignissimum hypochondriaci cujusdam, in quo stricturas infimi ventris spasticas, quae maximas ei, peracta digestionem, atque per noctem creaverunt molestias, quibusque tollendis impar erat Vitrioli naphtha, adeo lenivit boletus noster suaveolens, ut levia tantum remanserint earundem vestigia.

Quantum hypochondriacorum molestiae medicorum saepenumero exerceant defatigentque solertiam, quantumque haud raro artem nostram illudant, quem medicorum vel mediocriter tantum in praxi exercitatum fugit? — Quis non mecum gratissimum testabitur animum Viro summo, qui benevolentissime permisit, ut et hanc observationem, quae ulterius repetita sanationi hujus morbi, maxime interdum obstinati, multum affundere poterit lucem, publici facerem juris? —

Egregiam etiam opem praestitit boletus noster viro, qui asthmatis spasmodico erat obnoxius, ac cujus curam gessit Cl. PFEIFFER, summorum in medicina honorum candidatus dignissimus, amicus atque commilito per plures annos suavissimus. Ex nulla enim alia medicina notabilius ensuit levamen, quam ex fungo salicis albissimo, ope melius in Electuarii formam redacto.

## §. XII.

## EXHIBENDI MODUS.

Pulverem boleti nostri suaveolentis vel cum saccharo remixtum, vel ope mellis syrupive cujusdam in Electuarii formam redactum aegrotis exhibendi, omnium maxime solennis est mos; qui etiam sine dubio omnibus aliis propinandi ejusdem methodis praeripit palmam. In pulvere enim combinatae intimeque mixtae sunt omnes partes ejus constitutivae, quae adeoque conjunctis suis agunt viribus. Taceo, quod optime quoque hac ratione aegrotorum consulatur palato. Non praetereundum tamen hic loci esse credo, quod, quum fungus noster, ob sat insignem, qua praeditus est, tenacitatem, non adeo facile possit in pulverem redigi, is finis omnium optime attingatur, si antea, quam instituatur pulverisatio, obducatur Gummatibus cujusdam, v. g. arabici vel Tragacanthae mucilagine, lenique dein exsiccetur calore; vel si modice exsiccatum sub trituratione subinde spiritu vini rectificatissimo humectetur, qui, cum postea avolet, vires alterare nequit. — Ad dosin vero remedii nostri quod attinet, non sat exacte in genere haec poterit determinari, quum pendeat a natura morbi magis minusve jamjam protracti, cum majori minorive vitae periculo conjuncti, neque minus ab aliis aegrotorum conditionibus, dosin vel augendam suadentibus vel minuendam. Plerumque tamen a scrupulo uno ad drachmam integram usque solet exhiberi, atque juberi, ut pluries de die eadem ingeratur medicamento nostri quantitas. Decocto boleti, quod etiam subinde vocatur in usum, vix tantum inesse crediderim virium, quum nimia absque dubio fungi tenacitas prohibeat; quin omnis in id transeat ejusdem efficacia, id quod et ex sapore ejus debiliore, coloreque dilucidior videtur elucere. An extractis fungi in morbis tollendis insignior quaedam insit virtus, quum clinicas cum iisdem instituere observationes haud mihi contigerit, nec ausim decernere. Idem judicium esto de Aqua boleti nostri destillata, cui quidem, non omnis licet odoris saporisque experti, ut multum tribuam efficaciae, vix impetrare a me possum.

Consultum quoque nonnunquam erit, alia cum boleto nostro suaveolente, si aegrotorum id sibi postulant res, conjungere pharmaca, quae diversa esse poterunt, pro diversis, quae haec jubent, indicationibus. Omnium interim maxime mihi arridet connubium ejus cum Cortice peruviano, quorum pulveres cum melle vel Symplo quodam in Electuarii formam redacti eximiam subinde nobis praestitere utilitatem.



## EXPLICATIO ICONUM TABULAE AENEAE.

- FIG. 1. Exhibet duos boletos suaveolentes, cortici falicis albae annosae una cum Lichene parietino et saxatili adhaerentes, ita declineatos, ut tam prona, quam supina superficies conspiciatur. Superior, idemque minor, circumferentiam habet semiellipticam, inferior major in angulum antice excurrit et pene triangularis est. Illius pori minores, hujus majores sunt: Utriusque tubuli postici elongati supra corticem decurrunt; margine albo cincti.
- FIG. 2. Boletum suaveolentem sistit, ambitu semielliptico paullulum obliquo, superficiem superiorem oculo obvertentem; una cum frustulo Corticis saligni, cui innatus fuerat, ipsi adhaerente.
- FIG. 3. Boleti suaveolentis exacte semielliptici superficiem inferiorem ostendit, porosam, margine undique cinctam. Vix opus est, ut moneamus, portionem imam, numero proximam, eam esse, qua fungus falici agglutinatus fuerat.
- FIG. 4. Frustum Boleti suaveolentis sistit, sectionem verticalem, et in ea tam substantiam internam, seu carnem fungi, quam tubulos, exhibens.
-











XIV.

DR. RUDOLPH. AUGUST. VOGEL


P R O G R.

DE

VERIORIBUS BALSAMI MECCANI  
NOTIS.

GOETTINGAE,

1763.



## DE

## VERIORIBUS BALSAMI MECCANI NOTIS.

Quandoquidem Balsamum de Mecca, alias quoque orientale, Iudaicum, Aegyptiacum, Arabicum, Syriacum, de Gilead, Opobalsamumque verum dictum, omnium non modo maxime aromaticum atque fragrantissimum, sed ob rariorem quoque proventum atque pretium inde haud mediocre constitutum, ceterorum balsamorum haud parum superans, non hodie demum, sed ab antiquissimis inde temporibus adulterari quam frequentissime consuevit: id quod equidem non tam ab emtoribus, ut in aliis mercibus, quam ab ipsis satoribus et possessoribus stirpis balsamiferae in Arabia petraea fieri certo nunc, teste *Hasselquistio*, novimus \*): naturalium rerum curiosi et medentes sagaciores inde a vetustissimorum Graeciae de rebus ad materiam medicam pertinentibus scriptorum, *Theophrasti* atque *Dioscoridis*, aetate variis omnino modis nequissimam fraudem in tam nobili medicamento, cujus vires inde tantopere minuuntur, percontari satagerunt, et permultas ita notas, quicquid verum ab adulterato discerni posset, divulgarent. Verum cum permultae istiusmodi notarum haud prorsus fuerunt semper ab omnibus doctis viris probatae, et ego quidem in dubio jam diu versatus sum, quibus recte uti signis aut minus liceat: haec res me tandem permovit, sive, ut rectius dicam, excitavit, ut quid verum illis, aut falsum, aut subreptitium forte subsit, ipse studiose percontarer. Atque in hoc studio cum maxime adjutum me esse ab Ill. *Io. Bern. de Fischer*, Russiarum Imperatricis Annae Personae quondam Medico, et per Russias res medicas dirigente Archiatro, gratissima non minus ac summe laetabunda mente profiteor. Hujus enim incomparabilis Viri liberalitas non in me solum, sed in complures alios, qui ex hac qualicunque scriptiuncula nonnihil se profecisse de-

\*) vid. *Ej. Reise nach Palästina*, herausgegeben von C. Linnaeus. Rostoch. 1762. 8. p. 565.



mum putabunt, tanta et tam singularis exstitit, ut me prorsus non rogante (nesciebam enim, Ill. Virum Opobalsamum verum possidere) ipsius copiam ultro mihi faceret. Quod equidem qua occasione factum sit, quaque excitata fuerit Venerandi Senis munificentia, ex ejus ad me datis humanissimis litteris, quas hic adscribere ideo non poenitet, lectores cognoscent:

*VIR EXCELLENTISSIME, DOCTISSIME.*

*In densissima Materiae Tuae Medicae sylva oberrans et ad balsami de Mecca frugem pedem figens, ex verbis Tuis observavi, Te famosissimum hoc balsamum nunquam vidisse. Commovebar itaque statim de eo, quod mihi superest, hanc Tibi mittere portiunculam, dignum judicans, ut tanto naturae scrutatori ejus fieret copia, licet usus ejus medicus tanti revera non sit momenti, quanti ejus ubique audit praedicatum: nam craseos licet haec resina sit subtilioris, tamen cum optima therebinthina de Chio multum convenit. Accepi hoc balsamum ante hos 22 annos Constantinopoli in theca plumbea, in qua, utpote vitro minus fragiliore, liquidas materias transmittere solent. Turcae, e. g. suaveolentissimam aquam rosarum, quae temporis tractu acidula facta, cerussam parat odoris gratissimi. Alius balsamus de Mecca mihi aliquando ex Persia adferebatur, qui colore et consistentia therebinthinae distae propius accedebat. Hic Turcicus, dum recens est, semper pallidi vitelli ovorum colorem tenet. Vale, Vir Celeberrime, in rei medicae incrementum. Dab. Rigae. M. Jul. 1760.*

*I. B. de Fischer.*

Hoc igitur balsamum, de cujus sinceritate permultas ob causas dubitare prorsus non licet, siquidem, qui in Principum aulis versantur, potiri ejus omnium optime possunt, tentaminibus admodum multis a me fuit subjectum: et quamquam aliquot lustrorum aetatem jam attigerit, nihil inde tamen detrimenti ipsi obtigisse, ex odore ejus adhuc fragrantissimo atque penetrante intellexi.

Sed ante quam vero ipsorum meorum periculorum eventum enarrem, non alienum abs re esse puto, si, quas auctores passim in suis monumentis, quorum non pauca de hoc balsamo existunt \*), stabiliverunt, notas recenscam. Sunt autem hae, quae sequuntur:

1. Odor ipsi jucundus ac therebinthinaceus est.
2. Naribus admotum haemorrhagiam excitat.
3. Saporem vetustae adipis gallinarum et paullo subamaricantem habet, ardoremque in gula facit.
4. Oculo instillatum ardorem pariter insignem creat.
5. Mediae est consistentiae, ex albo flavesceus, admodum viscosum, minus pellucidum ac limpidum.
6. Panno laneo instillatum non se penetrat, nec maculam relinquit.
7. Lacti instillatum coagulationem inducit.
8. Manu detentum transfusat.
9. Aquae instillatum innatat et se in ejus superficie expandit in telae araneorum modum, quae ope cultri elevari et auferri ex toto potest.
10. In Spiritu vini descendit.
11. Ferro candenti instillatum non diffuit more ceterarum resinarum, sed in globulum magis colligitur.

\*) Fortassis non injucundum est, librorum de Opobalsamo scriptorum tabulam hic legere: *Prosp. Alpini* Tr. de Balsamo. Venet. 1592. *Martii. Lobelii*, Tr. de Balsamo, Opobalsamo etc. Londin. 1598. *Mich. Doering*. Diatr. de Opobalsamo, Neapol. 1640. *Petr. Castelli* Opobalsamum examinatum, defensum, judicatum, absolutum, et laudatum, Messan. 1640. *Ej.* Opobalsamum triumphans. Basil. 1640. *Io. Ge. Volcammer* Opobalsami orientalis in Theriacae confectioem Romae revocati examen. Norimb. 1644. *Io. Andr. Slevogt* diss. de Balsamo vero, quod vulgo Opobalsamum dicitur. Ien. 1705. *Ej.* diss. de Opobalsamo, ib. 1717. *Io. Adam. Goeritz* Nachricht von der Salbe in Gilead oder dem wahren Arabischen Balsam. Regensp. 1718. *Abr. Vater* Progr. de Balsami de Mecca natura et usu. Vitemberg. 1720. *Mart. Gouth. Löffcher*. diss. de Balsamo de Mecca ib. 1726. Omisso *Dioscoridem*, *Strabonem*, *Plinium*, et Itinerariorum scriptores, qui hujus balsami cum suis notis mentionem injecerunt; ex quibus *Hasselquistius*, cujus praematura fata eximie dolemus, ut novissimus, sic verissimus nominari, ceterisque omnibus praeferrere meretur.

Has quidem notas nemo auctorum omnes habet, ut nec omnibus adeo singulae innotuisse videantur. Recensere tamen hic cunctas accurate eo magis placuit, ut vel in hac re aliquid perfectius a me diceretur. At quanta miratio non subitura est, si asseveravero, *plurimas harum notarum prorsus esse falsas, multas fallaces, vix duas veras atque constantes!* Unicum scilicet phaenomenon saltem invenire mihi licuit, quod verum ab adulterato discernit: illud scilicet, quod aquae instillata gutta non in morem aliorum quorumcunque balsamorum in ipsius superficie unita persistit, sed se mox late in circulum diffundit, sic, ut vix nummo argenteo, quem grossum vocant, is contegi queat. Atque haec guttula in laminam subrotundam extensa simul protinus albescit, velut ipsa fere aqua, immo adeo, quod omnium maxime mireris, majorem longe tenacitatem nunc acquirit, ita, ut bene cohaerens ope cuspidis cultri vel calami scriptorii integra attolli et auferri queat.

Vix duo scriptores recentiores ad hoc phaenomenon, verissimum licet ac constantissimum signum Opobalsami genuini, attenderunt. Neque hi vero omnes se hic manifestantes circumstantias observarunt, ut nec eadem ratione aliquid ad memoriam de ipso phaenomeno mandaverint. Ex epistola Medici Sueci *Goeritzius* mentionem ejus in hunc modum injicit: Wo man davon etwas auf Wasser fallen laest, so breitet er sich aus, bleibt auf der Höhe, und wenn man ihn mit dem Messer heraus nimmt, so scheint es ein Spinnewebe zu seyn, etwas weiß und milchicht \*). Alter scriptor, *Chiliani*, Medicus olim Wisnariensis, ita perhibet: Im Wasser schwimmt er oben, und zertheilt sich, und zerfließt in etwas\*\*). Tertium addo, laudatum jam supra *Hasselquistium*, auctorem recentissimum, qui instillatum aquae balsamum protinus cuticulam efformare aequalem atque puram, h. e. vesiculis haud distinctam, quales in adulterato visuntur, scribit; quae

\*) libr. cit. cap. I.

\*\*) Act. Vratislav. Tent. IV. p. 1233.



deinceps calamo scriptorio integra elevari se finat, et circumvolvi possit \*).

Non ergo hi clari Viri neque ad majorem tenacitatem et cohaerentiam, quam aquae innatans balsamum consequitur, paradoxam quidem illam, cum quod diffluit et se expandit liquidum, tenuius reddi oportere videatur, satis attenderunt; neque quem memoravi *Chiliani* ad coloris mutationem advertit, quae tamen non mediocrem vim demonstrandi habet; neque recte denique anonymus Suecus colorem lacteum appellavit, quem aqueum dicere debuisset: neque singuli postremo ceteras in hoc tentamine se efferentes circumstantias, quas nunc breviter commemorabo, observarunt: nimirum primo, quod quo altius gutta e vitro destillat, eo latius ea super aqua se diffundit; deinde, quod minus alte destillans gutta flavedinem suam non prorsus exuit et interjecto temporis spatio in fundum aquae demum descendit compulsa digito, ibidemque etiam, concussio licet vase, unita remanet, quamquam fundo ejus haud cohaereat; tum vero, quod ex gutta efformata lamina commodius interjecto spatio quindecim circiter minutorum, quam statim a concretione elevatur, ubi interdum adnotata cuspide cultri discerpitur neque adeo ex toto elevari se finit. Haec telae divulsio in genuino balsamo subinde eveniens me simul edocuit, quod non vera adulterati nota existat, pro qua *Hasselquistius* eam habet \*\*). Sed ultimum memoro phaenomenon singulare, a nemine adhuc animadversum, quod scilicet aquae fervidae instillata balsami gutta cum undulatione quadam se expandit, quae in gelida haud conspicitur.

Huic unicae ac sufficienti quoque, nec sine multo labore eruendae notae adjicias forte aliam in externa balsami qualitate, colore inprimis, atque consistentia quacrendam. Per hanc enim non posse non discrepare aliquantisper genuinum ab adulterato, facile quidem concipies; cum, quidquid ipsi ad temperationem admissum fuerit, sive sit oleum Sefami in Aegypto parari solitum, sive thebinthina Cypria, sive Struthionis adeps, aut quaecun-

\*) libr. cit. p. c.

\*\*) l. c. p. 566.

que res alia, tum colorem ejus, tum consistentiam naturalem alterare nonnihil debeat. Sed difficillimum tamen esse credam, hac nota sensuali ubique, uti, inprimisque tum, ubi vel parum saltem peregrini immistum fuerit, vel genuinum balsamum ad manus non sit, cui illud commode comparari queat. Est vero sinceri balsami, quod adnotare hoc loco non alienum erit, color subflavus, non prorsus pellucidus; consistentia autem velut therebinthinae fere Cypriae, adeoque valde viscosa ac digitos conglutinans: *Hasselquistius* tenacissimam vocat, ac in longa fila tractilem, calore solis in climate Natoliae vix unquam liquefcentem.

A veris notis ad *fallaces* progredior: quas ex odore et sapore vulgo desumi sciendum est. Equidem odorem ipsi esse prorsus singularem ac jucundum, haud abnegamus; at nec in adulterato talis unquam deest, quantumvis debilior paullo existens. Nunc autem multum vereor, ut quis eruere hoc quidquid inter fortitudinem ac debilitatem odoris intersit, haud difficulter possit: praesertim cum quae vel vehementem odorem res habet, ea nec semper eundem omnium ac singulorum naribus aequaliter imprimat. Neque multum profecto odoris determinatio scrutatores juvabit, si naribus scilicet percontari suis therebinthinacei quidquam in genuino jubentur. Non enim omnes istud facile deprehendunt, etiamsi insit: quemadmodum recordor, aliis quidem, quibus balsamum dedi olfaciendum, therebinthinaceum fuisse perceptum, aliis contra, et mihi met ipsi nequaquam. Sed finge vero, ex therebinthinae odore habere quidquam lacrymam, quod ad ipsius naturam pertineat: quomodo, quaeso, nunc poteris therebinthina adulteratum discernere a genuino?

Nil magis unquam vero ridiculum mihi visum est, quam ut ex odore balsami genuini sanguinis excitari e naribus profluvium a nonnullis dicatur. Quod si forte hoc ita cuidam contigerit, quod fieri omnino etiam propter levem acrimoniam, cum odore balsami conjunctam, poterat: anne protinus nota aliqua inde repeti debebat? Sane nisi quis idiota fuerit, ratiocinari ita eum pudebit. Mirorque profecto, quod non adjecerint quoque, balsamum

sternutationem movere. Interim ut nec hanc notam intactam prorsus relinquerem, cum ipse ego meis saepe admovi balsamum naribus, tum aliorum quoque admoveri passus sum: enimvero nemini nostrum inde stillavit cruor, neque sternutavimus!

Sed ab odore ad saporem descendamus. Ut is quidem aromaticus est et subamaricans, diuque in ore inhaeret: non potest tamen sinceritatis quaedam inde nota repeti. Etenim et haec sensatio in singularibus adeo hominibus admodum variat; nec eodem sapore destitutum unquam adulteratum reperies. Quodsi vero nonnullis sinceri balsami sapor ut vetustae pinguedinis gallinarum esse videatur; vereor profecto, ne ille depravationis potius, quam sinceritatis index audiat: quandoquidem compertum est, Struthionis pinguitudine balsamum vitari: quae ergo non potest ejusmodi saporem non communicare balsamo, utique cum rancorem contraxerit.

Quod equidem balsamum in oculum illapsum ardorem efficiat, non prorsus permiramur, neque unquam abnegamus, quum non sit expers liquor omnis acrimoniae. At nihil vero haec res ad probationem conferre poterit, cum nihil obftet, quod dubitare nos sinat, quin etiam adulteratus ardorem excitaturus sit.

Quodsi denique in spiritu vini descendere balsamum genuinum dicatur, illud prorsus commune cum ceteris hujus generis habet liquoribus. Adeoque nec hoc uti phaenomeno licebit ad verum ab adulterato discernendum. Sed unam rem tamen immixtam, axungiam puta Struthionis, ut et oleum pingue Sefami, miscela balsami cum spiritu ardente recte proditura est; cum quod pingue est, in ipso haud descendat, sed in ejus superficie obhaere scat.

Mentio adhuc notarum *falsarum* facienda est. Merum balsamum in laneam vestem fustum neque maculam facere, neque, si eluatur, notam relinquare; itemque et lac coagulare, *Dioscorides* memoriae prodidit\*). At utrumque falsissimum esse, non alii solum ante me jam cognoverunt, sed ipse quoque ita in meis periculis depre-

\*) L. I. c. 18.



hendi. Linteis enim et pannis instillatum protinus omnino se non modo penetrat, sed et maculam relinquit, aqua haud eluendam. Neque lac sive frigidum sive calidum coagulat. In illo ut in aqua diffluit, at non tam late se expandit: minus etiam pallescit, quam super aqua. In hoc gutta statim absorbetur. Falsum denique est, quod perhibent nonnulli, manu detentum balsamum transfudare.

Sed satis jam de Opobalsami notis cum verioribus, tum fallacibus atque falsis. Verbum addo de lactis atque spiritus vini in hoc balsamum actione. Nullus liquor est, quo balsamum cuti adhaerescens tam egregie abstergi possit, quam lac. Unde etiam credam, pro fuco qui adhibere velint, eo optime uti posse cum remixto lacte. Spiritus vini alcoholisatus non sustentat balsamum; sed id ad fundum ejus protinus descendit, et se paullisper illinc expandit ac pallescit. Neque tamen perfecte vel in frigido spiritu, vel calido dissolvitur, sed concussum maximam partem lateribus, in minimas molelas divisum, tenaciter adhaerescit.

---

XV.

DR. GEORGI GOTTL. KÜCHELBECKER

DISSERTATIO

DE

SAPONIBUS.

LIPSIÆ,

1756.





## Q. D. B. V.

## §. I.

*S a p o n i s ἱστουμον.*

Vix hoc, quo vivimus, saeculo, si de medicamentis, fucos corporis humani mutantibus, sermo est, alius eorundem classis frequentior in scholis medicorum occurrit commemoratio, quam illius, quae de *sapone*, ejusque efficacia in sordibus abluendis, suum nomen atque virtutis agendi ideam traxit: Postquam enim perspexerant medici, ad repurgandas vestes et lintheamina, oleo aliisque impuritatibus conspurcata, artifices uti materiis, ad id efficiendum idoneis; cumque simul iudicassent, corpori humano quandoque extrinsecus inhaerere vel et intus inesse squalores, massam humorum spurcitie inficientes, qui tamen nulli medicamento facile obsequerentur; exinde, ni fallor, occasio illis suppeditata fuit, eo consilio ingerendi massas ejusmodi purificas, quae ad oleum et mucum, ex pannis linteisque extergendum, alias adhiberi solent. Illam enim notionem semper fuisse saponis, quod spurcicies, ejus ope, solui, et ex variis vestimentorum generibus elui potuerit, quodque ipsius nostrae cutis squalorem ille demere valeat, hujus ideae, de gente ad gentem, deque lingua altera ad alteram translatio, clare docet, licet rebus, quarum ope haec extersio facta fuit, non semper et ubique veteres usi fuerint iisdem. Sic enim vocem Ebraeorum בִּרְיָ<sup>a</sup>) a radice בָּרַר, quod, *expurgavit, purificavit*, significat, desumtani esse, atque massam purificam designare, locorum in Sacro Codice occurrentium consensus, et vocabulorum.

a) Haec vox occurrit IEREM. II. 22. ubi ex Sebast. CASTEL-  
LIONIS interpretatione verba latine sic sonant: *Quodsi te nitro  
laueris, et quantumvis strubii* (saponariae) בִּרְיָ *adhibueris;*  
et MALACH. III. 2: *Erit enim quasi quidam ignis explorans, aut  
lanaria fullonia* מְכַבְּרִית וְכִבְרִית, quod ad verborum pro-  
prium significarum: et uti smegma lotorum (fullonum) vert

adjectorum sic interpretandi aptitudo, nobis assumere suadent. Quodsi deinde Graecorum vocem *σμήγμα* \*), illiusque significandi valorem disquiramus, eam scilicet adhiberi, tum, si de fordibus quibusvis auferendis \*\*), tum, si de dentibus \*\*\*), pfora †) et lepra ††) repurgandis ser-

potest. Fuit igitur *בִּרְתַּ* materia ad purgandum, lavandum vel abluendum apta: *בִּבֶּס* enim, quae radix est, atque *ΙΕΧΕΜ*.

1. c. occurrit, significat abluit, lavit, tinxit; unde derivatur *בִּוּבֶס* vel *מִבֶּס* quod lotor, fullo, tinctor est. Quocunque igitur modo veritas hanc vocem, *בִּרְתַּ* semper erit massa purifica, quia ejus ope lotio vel ablutio fit, quae tinctoribus quoque ad praeparandos, et post infectum eluendos pannos opus est.

\*) Conf. FOESII Oecon. Hippocr. et GORRAEI Definit. Medic. sub voce *σμήγμα*, quod pulveribus inspergendis primum tributum est, uti postea ex DIOSCORIDE patebit; Vid. et AETIUS Lib. VI. c. 54. et PAULUS Lib. VI. c. 13. quorum prior de pulveribus istis, nonnunquam liquido quodam diluendis, sicque inungendis habet. Sic quoque in Histor. SUSANNAE v. 17. *καὶ εἶπε τοῖς κορασίαις ἐσέματε δὴ μοι ἔλαιον καὶ σμήγματα*, hoc vocabulum denotat rem, ad lavandum adhiberi solitam.

\*\*) DIOSCORIDES *περὶ ὕλης ἰατρικῆς* Lib. II. c. 102. de rapae semine: *Μίγνυται δὲ σμήγμασι προσώπῳ καὶ τῷ ἄλλῳ χρωτὶ.* Miscetur bis, quae ad extirpandam faciem reliquumque corpus conficiuntur.

IDEM Lib. V. c. 101. de Chia terra, *σμήχει δὲ ἀντὶ νίτρου ἐν βαλανείῳ* ununtur hac in balneo ad abstergendum pro nitro.

\*\*\*) IDEM Lib. II. c. 52. de cornu cerui: *ὀδόντας παρατριβόμενον σμήχει* dentes, aurium, purgat. Hinc dentrificii pulveres: *σμήγματα τῶν ὀδόντων* quoque dicti sunt.

†) IDEM Lib. II. c. 1. de marino erinaceo: *Ἐ τὸ ὄσρακον ὡμὸν μίγνυται χρησίμως ὀπτηθὲν τοῖς περὶ τὰς ψώρας ἀερόζεσι σμήγμασι.* Cujus cruda et tosta testa utiliter miscetur medicamentis, quae ad pforas seu scabies extirpandas conveniunt.

††) IDEM Lib. II. c. 73. de urinis: *πρὸς λέπρας καὶ κνησμάς σμήγμα σὺν νίτρω* urina cum nitro remedio est leprae atque pruriginis tanquam expurgans: et c. 74. de melle: *δύναμιν δὲ ἔχει σμηκτικὴν* melli est vis abstergendi; et paulo inferius: *λευχῆνάς τε θεραπεύει* impetigines sanat. PLINIUS Hist. Nat. Lib. XXII. c. 25. *Si lupini silvestres coelesti aqua discoquantur, succus ille singula fit, quo fovere gangraenas, eruptiones pituitae, ulcera manania utilissimum.* Eosdem ad mellis crassitudinem decoctos, vitilignes nigras et lepras emendare, paulo antea affirmat.

mo est, ipsam vero a *σμήχω* vel *σμάω*, quod abstergere, purgare, significat, derivari perpendamus, quilibet statim iterum videt, spurcitiei tollendae ideam hanc vocem involuere. Unde autem Latinorum vox *sapo* originem habeat, incertum est. An a Graecorum *σάπων* forte derivata sit, affirmare non audeo, GORRAEUS tamen, *σάπωνος* et saponem idem esse, dicit \*), locum vero nullum allegat, ubi apud Graecum aliquem scriptorem hoc sensu occurrat. Neque etiam saponis mentio injicitur apud Latinos ante PLINIUM, qui tamen eum hac ratione describit, uti nunc in oeconomicos usus confici solet a saponariis, scilicet, quod compositus sit ex sevo et cinere \*\*). Incertae igitur originis et derivationis videtur esse hic *sapo* PLINII, siquidem a nemine veterum scriptorum illius ea traditur notio, quae salis alicujus cum pingui commixtionem manifestaret: quaecunque enim ante PLINII tempora de *σμήγμασι* leguntur, ejusmodi sunt, ut potissimum sub pulveris specie adspersa atque affricata immunditiem absumerent. De *sapa* quidem, consono vocabulo, apud veteres rerum rusticarum ac naturalium scriptores passim legimus \*\*\*), ast illa neque pro sapone habita, neque etiam ad fordes extergendas adhibita, sed mere potus species fuit: quamvis, quod inferius §. XVI. adstruimus, suo modo hodie ad saponem referri possit. Saponis usum in medicina,

\*) I. c. sub voce *σάπων*.

\*\*) PLINII Lib. XXVIII. c. 12. *Prodest et sapa: Gallorum hoc inventum rutilandis capillis ex sevo et cinere; optimus fagino et carpineo, duobus modis, spissus ac liquidus: Uterque apud Germanos majore in usu viris, quam foeminis. Paulo antea vero commendat sebum caprinum cum calce, quae saponis speciem constituunt.*

\*\*\*) Sapa est quidem mustum decoctum: ast varie describitur ab his scriptoribus. Modo enim dimidia, tertia vel quarta pars, modo duae tertiae decoctae fuerunt, hinc vix a defruto et careno distingui potest. Conf. COLUMELLA XX. 19. 20. et 21. VARRO de vita pop. Rom. Lib. I. NONIUS XVII. 14. PLINIUS XIV. 19. et XXIII. 2. quorum omnium sententias breviter quoque allegatas invenies penes Matth. GESNERUM in Lexico Rustico, scriptoribus rei rusticae ab Ipso Lips. Ann. 1735. in 4. editis, annexo.



externum saltem, non recentem esse, ex GALENO \*) apparet; neque eundem Arabes ignorasse, quamvis in medicina nullus forte usus fuerit, ab AVICENNAE \*\*) et RHAZAE \*\*\*) interpretibus discimus. Quemadmodum vero saponis non quidem materiam, attamen formam internam seu essentiam eandem ubique esse, mox videbimus, ita olim Romae nullum saponem seu, quod idem est, sordium purgamentum extitisse, vel propterea sibi persuadere poterit nemo, cum peculiare istis temporibus esset opificium, *fullonica* nempe, cui multi homines ex populo Romano per totam vitam atque soli sese addicarent, quae vero circa lanas purgandas ac potissimum circa vestes emaculandas versaretur. In usu enim frequenti erant Romanis civibus togae albae, quae facile conspurcandae fullonibus tradebantur purgandae, et albae iterum reddendae. Quodsi itaque pinguium rerum maculae ex hisce togis exsolvendae essent, opus omnino erat aliqua re, qua mediante pingue illud infectitium dissolvi atque aquae miscibile reddi posset. Frequentius quidem inter alia eos usos esse urinam humanam, diu quandoque asservata et putrida facta, ex PLINIO †)

\*) De compos. pharmacor. secundum locos Lib. II. De apophlegmatismis et quae naribus infunduntur, *saponis* meminit, et ibid. Lib. V. ad varos cellosos *saponem Gallicum* commendat; In Graeco vero textu *σάπων* reperitur.

\*\*) Lib. IV. Fen. 6. Tract. I. c. 10. De aqua saponis.

\*\*\*) Lib. III. c. 45. *Sapo calidus existit*.

†) Lib. XXVIII. c. 6. *Virilis urina podagrae medetur, argumento fullonum, quos ideo tentari eo morbo negant. Eodem scilicet forte modo vestium isti balneatores opus suum perficiebant, uti hodie Italii in more adhuc esse Bern. RAMAZZINI in Libro: De morbis artificum Cap. XV. scribit: Urinae, inquit, sic asservatae et aquae tepidae partes aequales una cum quadam saponis veteri portione ponunt in vase ligneo, in quo pannum immergunt, mox, ut humor altius penetret, ac pannus illo perfecte saturetur, pedibus premunt. Eadem urinis eluendi maculas consuetudo apparet etiam ex PLINII Lib. XXVIII. c. 7. Maculas autem e veste eas, non nisi ejusdem urina elui. Praeterea fullones utebantur aliis quoque saponaceis, teste iterum PLINIO XVII. 8. Est autem certa fullonia mista pingui: Terras enim pingues saponaceas et dici et esse, inferius suo loco dicitur.*

et GALENO \*) constat; attamen eo ipso actus, nisi urina in se jam saponis indolem habeat, sapo factus est a fullonibus istis, siquidem cum oesypo isto seu sudore et sordibus pinguibus, lanae subinde adhaerentibus combinatum sal urinae illud acre saponem rudem confestim constituit. Quidquid vero tandem fuerint veterum illi sapones, sufficit nobis explicuisse, semper notionem eam una omnes involvisse, quod impurum, eorum ope, purum redderetur, inprimis autem ad lanam et tunicas ex lana confectas dealbandas, atque sordes cutis eluendas adhiberetur, sicque illis oleum seu pingue, lanae enim et nostrae cutis sordes semper de pingui quodam participant, aquae miscibile fieret. Σηήματα autem illa sive sapones veterum jam longis retro temporibus in medicina locum habuisse, ex supra allegatis DIOSCORIDIS et GALENI locis apparere, negabit nemo: Attamen veluti olim solummodo ad externa corporis vitia commendari solebat, ita hodie sepe omnis saponum et saponaceorum usus est mere internus, qui cum latissime apud nos nunc pateat, et in quamplurimos morbos sese extendat, largitissimam ad specimen academicum mihi erat suppeditaturus materiam, nisi nunc potius mihi sumissem, hunc in finem sapones medicatos ipsos ad sua capita colligere, deque ipsorum historia atque natura, quam ex diversis diversimode compositis principiis nacti sunt, quaedam proponere.

## §. II.

*Saponis definitio.*

Antequam vero ad ipsius operis pertractationem accedam, ea praemittenda sunt, ad quae reliqua, tanquam ad principia dicendorum revertuntur: Quandoquidem non in eo solum occupati erimus, ut sapones tonsoribus atque aniculis lotricibus quoque cognitos pertractemus, de omni-

\*) Lib. III. de sanitate tuenda c. 13. ubi de Quinto, Medico sua aetate non incelebri, urinarum patronos, qui ex matula, tanquam ex tripode, se omnes morbos hariolari posse, de se gloriosius praedicabant, subsannante, narrat, eum dicere solitum esse, hujusmodi considerationem fullonum esse magis, quam medicorum.

bus potius corporibus nativis atque artefactis, saponis characterē donatis, pro virium modulo acturi. Quidquid proinde hodie vel in oeconomia, vel in chymia, vel denique in physiologia sub saponis nomine venit, illi sequentia tribui oportet; ut sal atque pingue in aliqua massa, pauca interveniente aqua, invicem juncta sint; utque haec tria in tertium aliquod corpus, quod ulterius nunc neque sal, neque pingue est, combinata, in aqua dissolvi, atque oleum his aquae miscibile reddi possint. Olim quidem nulla materia pro sapone agnita fuit, nisi alcali fixum, quale est omne sal cinerum, cum oleo fixo, sive id esset pinguedo animalis, sive oleum vegetabile expressum, commixtum fuisset, et hodie quoque vulgares isti saponēs, qui mechanici usus sunt, alia ratione haud componuntur, quam ad istam PLINII normam ex alcali scilicet fixo et sevo, cujus in locum tamen nonnunquam oleum olivarum, uti fertur de illo Veneto, adhibetur. Strictius igitur loquentes semper istiusmodi solummodo massae, cujus nunc mentionem fecimus, ideam habemus, atque ab aliis sub hac notione intelligimur, si quando de saponibus sermo est. At enim vero, postquam chymici atque medici plures alias excogitarant et in rerum natura jam existentes invenerant massas, quibus mediantibus, suo quaevis modo, pingua aqueis miscibilia reddi posse perspiciebant, igitur, quodcunque demum salinum sit, quod ad commixtionem aquae atque pinguedinis symbolam suam confert, ob id solum, quod per istiusmodi mixturam aquosa atque oleosa, alias semper sibi reluctantia, arctius invicem adjungerentur, omnes istas massas ad saponēs retulerunt \*). Cum his igitur nos quoque sentimus, siquidem, quocunque demum

\*) Quamquam praecedentibus saeculis habebant praeter domesticum, Venerum, Hispanicum, et ex his ulterius compositos cosmeticos et odoratos, nullos saponēs, saltem, qui in usu essent, idquod ex SCHROEDERO, JUNKENIO aliisque appareret; Attamen, postquam Helmontianis monitis et promissis videlicet BOERHAAVE Elem. Chym. Lugd. Bat. 1732. Tom. II. p. 261. sapo inventus est de oleo stillarum et alcali fixo, simili deinde modo salinum quodvis, nec acido excepto, natura et arte cum oleo combinari perspicientes alii, haec sic composita corpora saponēs et saponacea dixerunt, idquod a BOERHAVIO l. c.



modo oleum aquae committatur, et ubicunque sub una forma haec duo existant, semper quoque saponis praesentiam coindicant. Hinc saponem definimus, quod sit *massa, constans oleo, sale et pauca aqua, invicem unitis, aquae miscibilis, cujus interventu pingua varia certa ratione in aqua dissolvuntur, unde ipsi facultas est sordes eluendi, atque pingue extergendi*. Quodsi itaque omnia, quae modo diximus, competant corpori cuidam, tam quoad propriam miscelam, partesque hanc constituentes, quam quoad solubilitatis in aqua, huiusque cum oleo combinationis effectum, tunc *verum* saponem illud appellamus, quo distinguatur ab hoc ille *spurius*, qui aliqua ex parte a conditionibus, vero saponi propriis, recedit. Illud tamen tenendum est, saponem magis effectu suo, quo in aqua ipsi solvuntur, atque oleum aquae committunt, diiudicandos esse, quam partium, ex quibus orti sunt, exacta determinatione, inprimis, cum ipsa inter partes saponem constituentes relatio, harumque exacta mensura, suppeditari nequeat, utpote quae valde diversa esse potest, effectum tamen manente, si non eodem, quam maxime tamen simili, idquod in vulgari sapone habemus, in quo nunc pingue, nunc sal excedere potest, minime cessante penitus effectum, quo oleum atque aqua in unam massam aequalem rediguntur. Sunt enim corpora bene multa, quae, si ad salis et pinguis sub una massa collectionem solam respicias, cum saponibus habent similitudinem, neque tamen propterea statim effectum istum, quo aqua oleo conjungitur, praestant, nisi antea ad eundem producendum apta, vel a peregrinis rebus illis adhaerentibus, agendique facultatem impredientibus liberata, sicque tandem saponis indolem indepta fuerint. Haec corpora saponem quidem in se continent, non vero ipsa, quanta sunt, propterea sapo dici possunt, sed,

Tom. I. p. 63. 486. 583. 731. seq. Tom. II. p. 33. 35. 156. 210. 218 et frequentius adhuc sqq. et ab eodem in libello ipsi adscripto: De viribus medicamentorum Part. III. c. 6. et 8; a SWIETENIO Comment. in Boerh. aphor. Tom. I. p. 204. Tom. II. p. 165. et 776; a Io. GORTERO in Comp. Med. Tract. XXXVIII. 24. et 33. sqq. Tr. LXXVIII. 17. LXXXI. 20. sqq. aliisque factum est. Conf. quoque Rüdigers systematische Anleitung zur allgemeinen Chymie Lips. hoc ipso anno edit. S. 210.

cum tamen de sapone participant, *saponacea*, vel et *sapones* spurii dicenda erunt. Similiter possent olea in se spectata jam sapo esse videri, quoniam omnibus oleis ac pinguedinibus sal aliquod per essentiam jam inest \*); sed propterea sapo dici olea nequeunt, cum saponis sit, miscere posse alia olea cum aquis, quod tamen de oleo oleis addito dici nequit. Denique nec quodvis pingue cuiusvis salino conjunctum saponem constituere animadvertimus, alias resina pini et terebinthina, cui ingentem acidi liquoris quantitatem inesse, destillando hasce resinas, certiores reddimur \*\*), ad saponem referenda essent, quod tamen a nemine adhuc factum esse legas, neque fieri propterea potuit, cum effectibus saponi propriis destituantur. Est enim omnis pinguedo nativa, five animalis, five vegetabilis sit profapiae, semper res fugiens cohaesionem cum aqua, hancque repellens. Quare tandem, mediante aqua, sal alcali solutum continente, et pinguibus adhaerente, sit sapo perfectus atque purus ad usus domesticos, veluti et omnis vulgaris sapo bene saturatus magnam aquae quantitatem in se continet, idquod destillatione saponis discimus \*\*\*), ut itaque, quodsi ad notionem vulgaris, primi, et antiquissimi saponis, tanquam ad normam omnium saponum recurras, reliquorum quoque saponum characteres exinde constituere possis, siquidem in quocumvis demum sapone simul adsit aliqua aquae quantitas. Et sane, si quemlibet etiam saponem verum ob oculos tibi ponas, examine chymico peracto, sat notabilem aquae copiam mixtioni infuisse, reperies, licet in aliis atque aliis saponum speciebus proportio aquae ad sal et oleum valde discrepent. Sub quacunque igitur forma sal oleum et aqua commixta sint in aequalem massam, five solida, five liquida illa fuerit, dummodo in aqua dissolvi et huic quoque novam pinguedinem adungere possit, sapo erit illa massa chymicis atque medicis, ni-

\*) Vjd. BOERH. Elem. Chym. Tom. I. p. 753. et passim.

MAQUER Elem. Chym. Part. I. c. 10. et Part. II. sect. II.

c. 5. proc. I.

RÜDIGER l. c. §. 166.

\*\*) BOERHAAVE l. c. Tom. II. proc. 35.

\*\*\*) MAQUER Part. II. Sect. II. c. 3. pr. 3.



hilque hucusque refert, verusne sit, an spurius, idquod igitur de mea pertractatione in posterum quoque intellectum volo.

### §. III.

#### *Saponum differentiae.*

Haecenus consideravimus saponem secundum ea, quae ipsis semper et ubique suo modo inesse oportet, nimirum, quatenus in aqua diffiunt, pingue aliquod recipiunt, idque, in aqua dissolvi posse, efficiunt: Nunc ad ea progressuri, quae diversam saponum originem atque formam concernunt, quot modis ipsi inter se diversi sint, dispiciamus. Indicavimus quidem in praeced. §. aliqua saponum discrimina, dum scilicet de *vero* ac *spurio*, obiter locuti sumus, haec tamen propterea necesse erat definitioni nostrae statim subnectere, siquidem de quavis massa, ad saponis indolem aliquantisper etiam accedente, et a medicis huc relata, simul agere apud animum constituimus. Ad originem saponum quod attinet, illi vel sola natura sunt, nulla accedente, vel tamen exigua hominis industria, vel sola arte parantur \*). Qui deinde a natura producuntur, discrepant inter se secundum vulgo cognita tria naturae regna; illi vero, qui ingenio atque industriae artificis suam debent productionem, a se invicem suae compositionis rationibus recedunt; omnes tamen, tum naturales, tum artefacti sua diversi sunt consistentia: namque haec nunc solida, nunc fluida, nunc intermedia est. Porro hi saponem omnes non idem et quodvis semper pingue admiscunt aquae; nam alii agunt in omne oleosum, alii ad pinguedinem stricte sic dictam seu oleum animale, alii ad oleum vegetabile expressum, alii ad destillatum seu aethericum unice sua solvendi efficacia adstricti sunt. Postmodum et salia constituunt discrimina, saponibus vel saponaccis immixta, siquidem illa modo sunt acida, modo alcalina, modo iterum intermediae et peculiaris indolis \*\*). Sunt quoque saponem, qui nullum manifesto includunt sal, idquod ter-

\*) Saponem naturales ab artificialibus ubique distinguunt BOERHAAVE, VAN SWIETEN, de GORTER libr. et loc. citr.

\*\*) de GORTER l. c. Tract. LXXIX. 17.



rae, saponis vim habentes ostendunt, cum tamen caeteroquin plurimi saponēs de sale copioso participant. Quod ad pingue attinet, quod ad saponēs constituendos requiritur, illud iterum varia ratione differre solet, quandoquidem alii fiunt cum oleo animali, sevo scilicet atque axungia qualibet, alii vero de oleo vegetabili, eoque vel expresso, vel destillato, habent. Has vero omnes differentias nunc non secundum sua genera speciātim colligo, quippe de quibus inferius passim dicendi habebō occasionem, saponēs potius nunc enumeraturus, quatenus ex diversis naturae regnis progignuntur, vel in officinis parantur. In hoc autem perficiundo ad id unice animum habebō intentum, ut de saponibus solummodo dicam, qui in artis medicae cancellis considerari merentur, quamvis pauci forte sint excepti, qui suo modo nihil huc contribuere possint. Age itaque, incipiam in saponibus enarrandis naturalibus cum illis, qui animalibus et imprimis homini, aut secundum, aut praeter naturam, insunt, vel et inesse vulgo dicuntur, ad rationes tamen, cur varia concreta saponēs appellentur, quippe quas postea exponendas mihi reservo, hactenus non respiciens. Ad naturales et eos, qui animali insunt, primo loco ponenda est saliva, utpote quae inter primas causas est, quibus alimenta in nostram naturam convertenda afficiuntur, cui aliqua ratione accedunt albumen et vitellus ovi, quamvis in totum non sint eadem. Secundum dictas causas sequuntur liquor gastricus atque ille pancreaticus, fortasse et intestinorum, qui vero salivae non omnino dissimiles sunt. His liquidis vicina est bilis, cum illa hepatica, tum vero cystica, et ipse qui praecedentium effectus est, chylus. Praeterea haud excludendi sunt a saponis officio liquor articulorum et lymphā nostra, atque serum sanguinis, nec non gelatina quaevis, quam partibus solidis per naturam inesse, novimus. Quemadmodum igitur hi liquores, tanquam causae ingesta mutantes, considerandi veniunt, ita quoque in homine sano occurrunt alii liquores, qui extra corporis pomoeria eliminantur, et tanquam priorum omnium soboles aestimandi sunt. Ast, si lac exceperis, vix habebis in homine sano aliquem excretum humorem, qui ad saponēs sua effi-

cacia accedat. Nam, quod urina sani hominis a quibusdam pro sapone habeatur, id quidem per experimenta mihi non constitit. Verum enim vero, cum nunc saponis in aegrotis occurrentes ordine sequantur, in his eatenus locum urina habitura est, quatenus, illi aegrotorum saponi simile quid inesse, ex spuma, quam agit, copiosiori discimus. Minus tamen e contrario ambigere decet de aliis aegrotorum in corpore productis liquoribus saponaceis, quales sunt, pus, sanies et pituita. Ab animalium grege egressi vegetabilium familias pervagantes, magnum campum nobis patentem praevidemus, in quo multas inventuri sumus massas, quae haud exiguam cum saponibus vulgo cognitis habebunt affinitatem. Cum autem nullum corpus sapo dici mereatur, nisi in aqua dissolvi possit, omnia statim vegetabilium educta, quibus hic character deest, hoc ipso removemus. Hae vero massae statim, totae quantae, sine praegresso examine chymico, seu in partes, quibus constant, resolutione, per characteres superficiales ad sequentes loculos redigi possunt. *Primus* succos continet vegetabilium in pellucidam et friabilem massam condensatos, qui *Gummi* nomine veniunt, quibus, quamvis non solida, soluta tamen sub forma, consimiles sunt *mucilagines*, seu tenaciorem consistentiam nacti in aqua dispersi vegetabilium succi. *Alter* complectitur illos succos, qui tenaciores quidem et haud pellucidi, neque tamen omnino friabiles sunt, sed splendente adhuc superficie gaudent, et gummi inter atque resinam intermediū habentur, proptereaque *Gummiresinae* appellantur; In *tertio* comprehenduntur succi blandi, dulces, qui ex semini- bus cum aqua tritis educti, lacti animali similem constituunt massam proptereaque, quasi de uberibus pressi seu emulsi essent, *emulsionum* nomine prostant. Hunc inse- quens *quartus* habet similes colore succos, sapore vero discrepantes, atque vel amaricantes, ex plantis lac lacry- mantibus et semina papposa gerentibus promanantes, vel acres gustu, plantarum nempe lactescentium, fructu tri- cocco uti *tithymalorum*, aut pappo intra vaginam clauso, veluti *apocynorum*. *Ultimus* denique, idemque *amplissimus* recipit omnes vegetabilium partes, inprimis vero fructus,



quibus insunt succi dulces fermentationis capaces. Veluti vero hi omnes succi, secundum externos statim characteres, inter se multum discriminis habent, ita, si ad examen chymicum revocantur, in partibus formam constituentibus diversi similiter reperiuntur, idquod inferius, ubi sigillatim de saponibus congeneribus dicendum est, a nobis indicabitur. Hae sunt saponum animalium et vegetabilium differentiae. Quodsi nunc de mineralibus dicendum est, non adeo frequentia inveniemus naturalis saponis indicia, siquidem, praeter terras pingues et fontes soterios, nihil occurret, quod, saltem uti sapo, in medicina utilitatem aliquam haecenus cognitam habiturum esset. Sed officinae etiam chymicorum saponem, qui in illis perficiuntur, exhibebunt varios. Componuntur autem isti, nunc ex alcali fixo, additis, pinguedine animali vel oleis expressis, nunc ex alcali volatili atque oleo stillatitio, qui volatiles propterea nuncupantur; quibus fortassis plures adhuc aliae compositiones officinales addi possent, quales sunt *Liquor Cornu Cervi succinatus*, *Tinctura tartari*, *aliaque praeparata*. Quo mel referam, sane dubius haereo. Quatenus enim in florum nectariis jam existit, ad vegetabiles eosque naturales saponem pertinet; cum vero ab apibus in folliculos colligitur, inque suam denuin formam redigitur, hoc respectu, non quidem pro animali, attamen arte facto sapone haberi posset. Quia autem principiorum, quae insunt succis vegetabilibus unde mel fit, nulla ab apibus inducta fuit mutatio, illisque sua natura manet, cumque, si ad originem respicias, mel vegetabilis sit prosapiae, ad dulces saponem pertinebit, quo mannam quoque et sacharum atque saponem refero.

#### §. IV.

##### *Usus saponum in genere.*

In generalibus adhuc constituto opus mihi est utilitatem indicare eam, quam omnes saponem, secundum ea, quae semper et ubique illis competunt, et *essentialia* dicuntur, in corpus nostrum ingesti, nunquam non habituri sunt, quo norma aliqua existat, ad quam, tanquam ad praestabilitum gnomonem, singuli deinde examinari possint.



Saponis genuini effectum esse cum, quo oleum aquae jun-  
gatur, §. II. a nobis statuminatum fuit. Quamquam vero  
non omnis sapo quaecumvis olea in se recipit, illud tamen  
nihilominus constans est atque perpetuum, non solum per-  
multas massas saponatas sibi associare qualiacunque pingua,  
verum et quodvis horum saponi suo appropriato exactius  
adungi posse. Saponem igitur tantum non omnes in suam  
texturam adsciscunt quaevis olea morbida in corpore animali  
reperiunda, quae miscelam humorum non solum deprava-  
nt \*), verum et diversas alias morborum causas occultant,  
hinc atrocia saepe symptomata excitant. Quodsi  
enim sapo vel solutus est, potulentorum atque inquilino-  
rum humorum ope, vel in forma soluta aut fluida ingeri-  
tur, atque, sero nostro unitus, cum hoc per exiles visce-  
rum canales perque varia corporis diverticula circumducit-  
ur, sibi, ubicunque oleum aliquod nudum inveniet, illud,  
propter affinitatem, adunabit, sicque sero per colatoria  
fluxuro junctum cum hoc trajicietur; quare etiam, dum  
sordida atque putrida olea, aliis rebus juncta, hinc tenacia  
reddita et vasa oppilantia, eluuntur saponibus; sub classe  
resolventium et aperientium \*\*) illi inprimis hodie occur-  
runt. Inest quoque, si de artefactis praecipue loquimur,  
saponibus illis, qui de alcali aliquo, atque pinguedine vel  
et oleo quovis fixo participant, ea efficacia, ut ferimen-  
tantes motus cohibere possint. Quapropter inter carmi-  
nativa et flatum coercentia locum quoque habiturus est sa-  
po. Possumus porro, ex oleo quodam et terra compacta  
corpora solida dura, saponum beneficio extra corpus no-  
strum liquare atque frustatim discerpere: Cum autem in  
homine varia reperiantur concreta lapidea, quae ex oleo  
aliquo atque terra sensim sensimque compacta sunt; cum-  
que probabile valde sit, saponem adeo in nobis non mutari,  
ut non illis satis superfit virium, quibus, ad latibula ho-  
rum concretorum subrepentes, eorum compagem divel-  
lant atque dilacerent; cum denique frequens experientia  
successum felicem medicamentorum saponatorum in dis-  
fringendo calculo renum et vesicae, cui forte dissolutio

\*) Vid. BOERH. Inst. Med. §. 765.

\*\*) GORTER l. c. Tr. LXXIX, et LXXXI.

calculi cystidis felleae adnumeranda esset, per longos abinde annos, exemplo Lithontriptici Anglicae foeminae nobilis STEPHENS \*) comprobaverit; saponibus in classe lithontripticorum locum haud ultimum concedere qui dubitet, existimo fore neminem. Inest porro id quoque saponibus, quod, in aqua soluti, lubricitatem egregiam conciliant corporibus super se movendis, tum in spissiori, tum in liquidiori forma, hinc, in intestinis, inter duras faeces atque sicca intestina constituti, non solum viam eorum lubricam reddunt, verum et, cum duriora et fere lapidea concreta solvendi facultate polent, ipsa quoque scybala penetrandi efficacia multum valent, ut propterea inter lubricantia atque eccoprotica referri jure mereantur. Nihil nunc dico de utilitate, quam habere possunt, exterius corpori applicati, multivariam, neque de medica eorum virtute plenius et ex instituto agendum mihi nunc esse, censeo, utpote qui historiam potius saponum, quam eorum corpus nostrum afficiendi rationem pertractare apud me constitutum habeam. Quemadmodum vero hactenus dicta quibusvis fere saponibus, vel plurimis tamen, competunt: ita, e diverso, concreta sunt, quae ad peculiare saponem adstricta sunt, dum scilicet ad specialem et expeditiorem dissolutionem inque novum aggregatum aliquod combinationem requiruntur singularia salia, vel et olea, saponem una constituentia, prouti videmus, concreta, quae acidum oleo junctum habent, a saponibus alcalicis, et vicissim concrementa alcalina ab acidis divelli atque destrui.

#### §. V.

##### *De saliva, ut sapone.*

Praemissis eis, quae de saponibus in universum praemonenda videbantur, secundum ordinem §. III. indicatum,

\*) Qui super hoc famoso remedio scripserunt atque inclaruerunt, omnes fere citantur a SPRINGSFELDO in nuper hic edita commentatione: De praerogativa thermarum carolinarum in dissolvendo calculo vesicae, prae aqua calcis vivae, quibus accedit libellus, qui Parisiis, anno 1740. 12. gallico idiomate ab anonymo, titulo: Recueil d'experiences et d'observations sur la pierre etc. prodiit, ubi sapo Alicantiacus primas semper tenet.



in specialiori tractatione progressuri, deque praecipuis saponatis verba facturi, saliva chorum ducat: Hanc, vim oleosa aquosis committendi inque aequalem massam ea, quae sese alioquin repellunt, immutandi, habere, hinc jure quoque locum inter saponem animales postulare, cui, quid in ciborum masticatione conferat saliva, ex physiologicis cognitum est, inficias ibit nemo. Sumatur enim ore ossa pinguis, addatur illi aqua, agitetur massa in ore, moveatur simul maxilla inferior, quo copiosior exprimatur saliva, omnia isthaec ore contenta conquassentur, his continuatis per minutulum temporis intervallum exspuas ore contentam tuam ossam, invenies omnia aequabiliter mixta, albescentia, spumam multam agentia, haud aliter, ac si ipsum saponem vulgarem admiscuisses. Vellesne, haec perspicere, dubitare de saponis indole intra salivam praesente, ut, nisi illa per totum sapo sit, similis certe eidem sit quam maxime. Habere autem salivam omnes veri saponis characteres, statim apparebit ex sequentibus. Quamvis vero a priori, quod ajunt, non ubique determinare audeam saponis nativi in corpore animato, et speciatim in saliva, praesentiam, siquidem mixtio particularum diversarum, quibus saponem constant, in nostris humoribus evidenter omnino haud elucescit; id tamen de saliva, liquore per agitationem semper spumescente, saporis et odoris quidem experte, nihilominus tamen, si aliorum experimentis \*), circa ejusdem analysin institutis fides habenda est, sal atque oleum intime commixta habente, mihi persuasum habeo, atque ex modo adductis indiciis clare video, saponaceam ejus indolem vere esse, etiamsi effectus ejus omnino tales, quales sunt saponum, respicere nunc nollem. Ex multa enim spuma dilutioris alicuius succi, hinc ex salis oleique una existentis, et ex spuma concludendi, etiamsi haec adesse, nec sapore nec odore percipiantur, praesentia in aliqua massa, ad saponis naturam magna cum probabilitate conjectura institui potest. Namque nec sapo ille

\*) Conf. quae leguntur apud BAGLIVUM Dissert. II. De experimentis circa salivam ejusdemque naturam, usu et morbis p. 422. sqq. quae extat cum ejus Operibus; Nec non BOERHAAVIJ Praelect. Acad. ab HALLERO edit. Vol. I. p. 146. sqq.



oeconomicus, quem tanquam normam inprimis assumimus, minus sapo est, etiamsi neque alcali, neque pingue, sed insulsum fere sapore refert, imo tunc demum perfectus sapo dicitur, si, praeter multas diuque persistentes, postquam aqua dilutus fuit, spumas, nullum amplius saporem salinum gustantibus manifestat \*). Certiores longe de saponata salivae virtute reddimur ipso effectū, tanquam certissima saponis nota, dum videmus, salivam oleo atque aquae junctam utraque conjungere in aequabilem massam, colore et consistētia simillimam ei, quae, interventu ipsius saponis vulgaris, fit. Hac de re ut magis adhuc me convincerem, fumo salivae meae, jejūni, bene valentis juvenis, qualem BOERHAAVIUS \*\*) postulat, drachmam unam, huic addo olei amygdalarum dulcium recenter expressi guttas viginti, quibus probe in mortario agitata, affundo aquae cisterninae \*\*\*) unciam unam cum semisse, concutio haec in vitro cylindraceo, constituunt serosum et parum lactescentem liquorem, spumescētem, ubique sibi aequalem. Quieti haec committo per horas septem, retinent colorem et consistētia, fere ut ab initio, parum tamen mucidi tenuioris innatat, exiguum vero ejusdem sed crassioris, a pituita sorte remixta orti, fundum petit: Vitri parietibus adhaerent maculae paucae albae, uti fit ab emulsione: Neque cum oleo tartari per deliquium, neque cum spiritu nitri, utrisque puris, copiosius affusis, effervesceat, vel quocunque modo mutatur: Alcohol vini per parum solutionem coagulat; nullibi olei separati vel minimum vestigium invenio. Cum itaque video, oleum, me-

\*) Conf. BOERH. Elem. Chym. II. p. 257. sqq.

\*\*) In Praelect. cit. p. 142.

\*\*\*) Propterea in experimentis usus sum aqua cisternarum, seu ea, quae ope machinarum hydraulicarum et canalium ex flumine urbem praeterlabente, in domus derivatur, quia fontium nostrorum aqua impurius est, quam ob causam huic quoque illa a lotricibus et coquis apud nos praefertur. De aquis fontium Parisinorum conf. MAQUER l. c. et Frid. HOFFMANNUS Oper. Genevae 1740. fol. editor. Tom. V. De element. aquar. mineral. §. 32. p. 137. Tenendum itaque est, me, quoties aquam ad experimenta adhibitam nominabo, intelligere semper aquam cisternarum, vel eam, quae *purealis* dici solet.

diante saliva statim uniri aquae, ita, ut multa spuma agatur, utque colorem mixtura recipiat lacteum; qualis est tenuioris emulsionis, neque vero, accedente mora, oleum ab aqua divellatur, nullum plane dubium mihi remanet, salivam esse saponem \*) haud mediocris efficaciae, quamvis, secundum aliorum experimenta, non adeo multum vel olei, vel salis, quod ad cognitum aliud sal analogum referri possit, in mixtione sua contineat. Quia enim, quod §. II. diximus, ex effectu magis, quam ex miscela, seu partium sub uno complexu conjunctione, saponem dijudicari oportet; hinc supervacaneum esse atque praejudicium sapere mihi videtur, si in quovis sapone determinatum non solum sal, sed et ejusdem certam quantitatem postulare vellemus. Qualis igitur indolis illud recentis salivae ex sano homine depromptae sal sit, meum nunc non est disquirere; interea tamen, ad acidam magis indolem illud accedere, propterea persuasum mihi habeo, quod non solum, corporibus fermentationis capacibus admixta, fermentationis actum confestim instituit \*\*), verum et ulcera sordida, utpote alcali aliquod in sinu suo semper occultantia, mundificat, ipsique mercurio facile adhaeret, neque per sui ipsius putredinem alcalinam induit naturam \*\*\*). Salivae, liquorem gastricum, pancreaticum, atque illum ex intestinorum villis destillantem, ipsamque lympham, consimiles esse, plurimi auctores consentiunt. Mihi sufficit, saponaceam illis inesse virtutem, quo huc referantur, caeterum de exacta similitudine non adeo sollicitus, cum tamen, ob analogiam, ad nullum alium liquorem commodius, quam ad praecedentem, referri possint. Hisce porro similis fortassis est chylus, nisi tamen, quod bile commixtus est, ex aliqua hinc parte recedit et cum lacte potius convenit.

\*) Conf. BAGLIUS l. c. p. 426.

\*\*) BOERHAAVE Prael. acad. ad §. 56. p. 144.

\*\*\*) BAGLIUS l. c. experimento cum putrida saliva instituto, et aliis induciur ut credat, salivam continere in se sal nitro salinum, universali soli analogum p. 428. Et paulo inferius, ubi, parum differre a sapore salis salivae sal nigris, dixerat, crediderim itaque, pergit, salivam abundare sale nitro.



## §. VI.

*De albumine et vitello ovi, tanquam saponibus.*

Inter materias saponatas, quae in foro medico frequentius occurrunt, jure haud exiguo referri merentur ovi albumen atque vitellus. Quod autem salivae proxime adjungam ovi contenta, propterea adductus fui, quoniam albumen inprimis atque saliva eadem fere exhibent phaenomena, si quando cum aliis corporibus miscentur, aequè, quod ipse expertus sum, ac si, in retorta, ignis examini, sola, subjiciuntur, si quidem hac in re fide dignissimis viris fides habenda est. Sumo enim albuminis ovi drachmam unam, hancque contero in mortario cum olei amygdalarum dulcium guttulis duodecim, affundo aquae fescunciam, misceo, agito, fit liquidum inter feri et lactis colorem intermedium, spumofum, elevantur flocculi, qui mucum seu pelliculam innatantem constituunt, cremori lactis similem, subpinguem, nihil tamen olei separatur. Saepius deinde agito et quieti repono iterum, eadem semper recurrunt. Affundo alcohol circiter drachmam unam, extemplo plus albescunt invicem, cogitur scilicet albuminis particula, parum coaguli fundum petit, plus superficiei accedit, nihil iterum olei superesse sentio, quod in mixtionem intimam non fuerit admissum. Albumen quidem et vitellus diversissima esse videntur: quodsi vero ignis scrutinio explorantur, praeter olei copiam caeteroquin materia, seu principiis, fere eadem sunt. Plus tamen saponacei, posteriori inesse deprehendi, quandoquidem plus olei, idque expeditius, in sui consortium abripit, et maculas quoque pingues citius ex pannis, tritura cum aqua, delèt, quam albumen, qua similitudine, hac in re, illi quoque saliva accedit. Similitudinem nimirum, licet non convenientiam habent albumen ovi atque saliva, dum utraque, destillatione peracta, ineductis examinantur. Utrobique igitur multum aquae insipidae, parum olei salisque, paucissimum terrae, inventa sunt \*). Plus vero, oleum, quod praelo-

\*) Comparentur, quae BOERHAAVIUS El. Chym. Tom. II. proc. CXII. et Praelect. I. c. p. 146. cum utrisque instituit experimenta chymica.



elici statim potest, atque terra, in vitello abundant, sicuti ex altera parte aquae vis in illo parcius est. Massa enim reliqua vitelli, post olei expressionem, eadem continet principia, quae ovi albumen, auctore MAQUERO \*). Efficiunt vero ova, inprimis autem vitellus, ut diversae res erga unionem reluctantes in aequale liquidum cogantur, sicque, in sanis aequae ac aegrotis, tum ad nutriendum corpus, tum ad excretionem varias promovendas, apta reddantur. Nullibi tamen majus commodum praestant, quam, ubi bilis defectus vel inertia accusatur; namque tunc saponis hujus naturalis inopiam non solum suppleant olea vitellis subacta, maxime si gummi ferulaceum accesserit, et bilem veluti artificialem sistunt, verum et acidum in primis viis stabulans, propter viscedinem, obvolvunt, atque, ob alcalinum una absconditum, obtundunt. Quanti deinde usus sint albumen atque vitellus in officinis pharmaceuticis ad recludendas atque subigendas varias massas, nemo ignorat, qui modo aliquoties medicamentorum praeparationem mixtionemque attento oculo inspexit animoque sibi impressit.

## §. VII.

*De bile, quousque sapo dici possit.*

Ea est erga viros magni nominis penes me reverentia, tantaque opinionum ab his receptarum existimatio, ut vix, etiamsi autopsia ipsa aliud fortasse me edocuisset, mente conceptas, eorum auctoritate, ideas deferere, oppositamque sententiam amplecti valeam. Etiam si ergo de bilis saponata indole persuasus essem, Magni BOERHAAVII \*\*) et Illustris HALLERI \*\*\*), auctoritate, ut illud crederem, inductus, et propterea experimentis, tanquam super re extra omnem dubitationis aleam posita, cum bile instituentis opus forte haud fuisset: Attamen, nescio qua luxuriante, uti mihi videbatur, curiositate adactus, misceo bilis

\*) l. c. Part. II. Sect. III. c. 2. proc. 5. eadem principia albumen et vitellum continere affirmat, quamvis forma caeteroquin discrepent.

\*\*) Instir. Med. §. 99. et Praelect. ad hunc locum Tom. I. p. 357.

\*\*\*) Primae lineae Physiologiae §. 693.

recentis ex tauro recens mactato defumtae semunciam cum olei amygdalarum dulcium guttis viginti; hisque antea bene agitatis affundo sensim, affatim conquassans mixta, aquae frigidae fescunciam. Repono haec temperato loco horas octo; sed oleum mixturae, eodem fere modo, uti, post conquassationem, purae aquae innatat: Color bilis dilutior factus ab aqua affusa, caeterum non mutatus est. Non desperabam, oleum cum bile et aqua in unam eandemque mixturam redigi posse, si alcalicum adiecissem liquidum. Igitur drachmis mixtionis tribus affundo olei tartari per se liquati drachmam unam, agito haec, color evadit viridis, nullum adest effervescentiae vestigium, oleum innatat, uti antea. Simili portioni mixtionis instillo sensim spiritus salis ammoniaci drachmam unam, nullus existit feruor, tinctura fit viridis, graminei coloris, agitata valde spumescens; spuma post quindecim horas adhuc adest bene multa, oleum evanuit; denuo olei pressi guttas quinque instillo, quae, post levem concussionem, a praecedente tinctura ocysime absorbentur. Commisceo deinde cum mixtura sensim spiritus nitri drachmam unam adduas, nullus motus fit, praeter illum, qui oritur, si aquae additur acidum aliquod minerale, omnia mutantur in tincturam rutilantem, quae post aliquot horas fit luteola, talisque manet post horas quindecim, oleum vero itidem, uti in mixtione cum alcali fixo, innatat. Similiter affundo quoque bili cum aqua et oleo combinatae acetum destillatum; color fit manetque viridis, obscurior paulo, quam ille cum oleo tartari, clarior, quam alter cum spiritu salis ammoniaci \*), oleum non subigitur. Confundo dein mixturam, cui inest spiritus nitri cum altera illa ex oleo tartari participante, effervescunt egregie, oleum tamen post motum adhuc elevatur. Pergo experiri conditiones illas, sub quibus bilis oleum aquae jungere possit, et bilis bovinae ac salis culinariae, singulorum drachmam unam, olei amygdalini guttas viginti, aquae vero uncias duas indo vitrum cylindrico, agito manu, statim fit perfecte aequalis mixtura, emulsiōni ex lacteo viridescenti analogā, quae post

\*) Conf. BAGLIV., l. c. Diss. III. de experimentis circa bilem, p. 436. sqq.



horas duas, praeter cuticulae variegatae parvas areolas, vix quidquam, quod superficiei innataret, ostendit, olei vero nullum vestigium ulterius habet. Bilis praedictae drachmam unam et olei terebinthinae semidrachmam confundo, oleum subigitur, superaddo aquae frigidae unciam unam, invicem mixta concutio, quae egregie spumescunt, mixtura fit obscura, viridescens, nihil olei apparet in superficie. Disquiro, num bilis cum pinguedine animali sese uniat, hinc axungiae canis, quae proxime ad manus erat, scrupulum unum cum bilis taurinae ad dimidium inspissatae drachma una in mortario agito; misceri videntur: affundo aquae fescunciam, stant horas duas, mixtura emulsiōni viridescenti similis facta est, hinc de pinguedine aliquid excepisse videtur, plurimum tamen axungiae forma squamularum albarum vitro adhaeret et solutiōnis superficiei innatat. Quae igitur ex meis experimentis colligi possunt, sequentia sunt: Bilis sola oleum expressum aquae non committit: Non apparet, ad cuiusnam salis indolem accedat bilis, quia neque cum alcali neque cum acido effervesceat; cumque eadem, bilis aqua dilutae, portio a spiritu nitri, rufum, deinde luteum, ab aceto vero destillato, viridem induit colorem; hinc diversa isthaec coloris mutatio neque ab acido neque ab alcali quodam in bile abcondito progigni videtur: Bilis cum sale culinari conjuncta solvit omnino oleum: solvit quoque sola facillime oleum aethereum in aqua: De pinguedine animali particulam solvit, quod color emulctum referens comprobatur: Omnium denique expeditissime oleum, et fortassis pinguis quaevis miscet aquae, si spiritus salis ammoniaci accedat: Per se igitur, quodsi tamen homini aliisque animalibus eadem bilis miscela atque virtus est, fel non miscet oleum aquae, neque etiam per longum motum mechanicum et temperatum teporem mixtio mihi successit; attamen, cum bilis non agat per se et sola in ingestam aquam atque oleum, sed simul varia alimenta accedant, oris quoque, faucium, oesophagi, ventriculi, pancreatis et intestinorum liquores saponis aemuli interveniant; cumque haec omnia committantur in loco non solum calido, sed et continuo mobili; omnem omnino oleum aquae committendi vim bili de-



negare, hincque illi nihil, quod una conferat, relinquere velle, nimis forte durum in bonam bilem, ejusque virtutis saponatae optimos patrones, esset. Accedit, quod omnibus fere nostris cibis vescimur, sale marino conditis, multum quoque de vegetabilibus, ad fermentationem pronis, hinc oleum attenuatum in se continentibus una assumimus, vel denique de animalibus, in ammoniacalem indolem vergentibus, haud pauca comedimus, quae omnia suo modo bilis efficaciam olea miscendi adjuvare possunt. Quod si igitur bovinum fel, quod mihi in experimento fuit, non alius prorsus fuit indolis, quam illud BOERHAAVII et HALLERI, vel ego deceptus sum, vel hi summi viri non instituere experimenta a me visa, vel denique, ne quis de fide sua periclitetur, diversae hae experientiae ita comparari possunt, quod illi viri celeberrimi, in sensu physiologico, facta nimirum ad corpus humanum et ad motus in illo semper vegetos, facta etiam ad liquores concurrentes relatione, de bilis-saponata virtute locuti solummodo sint, qua in re illis, quorum scilicet eruditissimis pariter ac utilissimis scriptis qualiscunque meae doctrinae magnam partem venerabundus debeo, facile subscribo; ego vero experimenta extra corpus instituerim, atque ad sensum mercurchymicum eadem revocaverim.

#### §. VIII.

##### *De gelatinae saponacea indole.*

Ad aliam nunc progredior massam, quae saponis characterem exactius nobis sistit, et coquendo cum aqua, ex durioribus et tenacioribus inprimis animalium partibus, ossibus scilicet, tendinibus atque membranis, elici potest, cui nomen est gelatinae. Quamvis vero haec, nisi aliquid artis, coctio nimirum, accedat, nuda et simplex in corpore haud occurrat, ut cum ea, veluti in humoribus, vel in caeteris nostris reperitur, experimenta institui nequeant; nihil tamen secius ad naturae producta, et ad liquores spontaneos gelatina propterea referenda esse mihi visa est, quoniam similia omnino illi liquida varia in corpore passim offunduntur. Namque eidem non omnino dissimilis est unguinosus ille liquor articulorum, qui gelatinam exacte

refert, atque non aliter, ac illa, per calorem concrevit, estque lymp̃ha propter moram, accedente calore, inspissata, ut propterea, quae cum gelatinis instituuntur experimenta, ad liquorem HAVERSIANUM, experiundi causa, an sapo sint, referri valeant; quare, cum gelatina diaeteticam quoque et therapeuticam utilitatem praestet multumque intersit, scire, an et quomodo, uti sapo, illa in corpore agat, hoc etiam respectu disquisitionem ejus suscepi. Sumo igitur, siquidem non interest, undenam excoquatur, gelatinam ichthyocollae saturatam, atque hujus drachmis duabus in mortario, cum undecim guttis olei amygdalini subactis, unde jam magma tenax nascebatur, aquae uncias duas affundo. Concussa haec stant horas septem, gelatina tunc ultra dimidium soluta est in aqua, quae tenuis emulsionis lacteum colorem refert, reliquum gelatinae fundo tenaciter adhaeret, ne globulus quidem olei superficiem petit. Addo solutionis portioni oleum tartari, ichthyocolla coagulatur, aqua fit limpidissima, quod idem fit ab alcohol; instillo aliis portiunculis sigillatim spiritum nitri acetum destillatum et spiritum salis ammoniaci, nihil mutatur. Committo alcalinam et acidam mixturam, effervescent, caeteroquin, uti in prioribus omnibus, ne guttula quidem olei libera redditur. Gelatinae analogum esse articulorum liquorem, superius pronunciavi; hujus itaque ex vitulo desumpti drachmam unam cum olei amygdalarum guttis decem et aquae uncia una similiter conjungo: oleum solvi videtur, post moram vero horae unius elevatum est sub forma muci; quo saepius deinde haec agito, eo plus mutantur in emulsionis seu mucilaginis similem massam cum diminutione muci praedicti, hinc olei, quod vero ex toto non dissolvitur. Quamquam vero hic non omne in se recipit oleum, nihilominus tamen, cum gelatina, quae mihi in experimento fuit, et articulorum liquor, animalis sint originis, cumque uterque liquor spissus, licet non omnino aequaliter, oleum tamen dissolvat, sibi similes hos liquores, et saponatos esse, pronunciare haud dubito; quae similitudo magis adhuc apparebit, quodsi ad principia, utrisque communia, respiciamus, nisi tamen tenacitas, quae in gelatina praevalet, aliquod discrimen constituat. Quid-

quid vero etiam discriminis sit, illud sane nunc non curo, dum de gelatina prae caeteris loquor, cujus videlicet multiplex est usurpatio in re medica, tum ad acrimoniam obvolendam, tum vero ad superficiēs aridas inungendas \*), particulas vero olei morbosae abundantes aquae miscibiles reddendas, easdemque hoc modo de corpore propellendas.

## §. IX.

*De lacte, ut saponem.*

Quamquam lac diversissime variare potest, quatenus scilicet illud ex alio itemque alio, diverso victu utente, saginato vel macro animante, desumitur, vel quoque, prouti nunc emulctum est, aut in partes, quibus constat, suas jam discessit; hae tamen diversitates me nunc non movent, siquidem ipsam rem ex parte, non vero ex toto, variant. Quoniam igitur in lacte nihil constans, idcirco etiam perinde est, quoniam lacte utar; eligo igitur lac bubulum, pingue adhuc, cujus scilicet butyraceae, caseosae et serosae partes nondum discessere. Hujus semunciae combino olei amygdalarum guttas viginti, insuperque affundo aquae fescunciam; haecque dum invicem agito, oleum absorbetur, cujus etiam nullum, post octo horas, globulum separatum invenio: Oleum tartari neque colorem aut consistentiam post horae spatium mutat, neque etiam quidquam se jungit. Cum aceto destillato eadem eveniunt. Ast spiritus nitri mixturam aequaliter rubentem reddit, flos autem seu cremor lactis elevatur. Alcohol affusum flocculos confestim exhibet coagulatos, dumque denuo haec multa aqua diluo, in superficie globuli oleosi apparent. Cum mixturam illam ex lacte et oleo tartari factam, alteri illi cum spiritu nitri elaboratae miscerem, en coagulum, quod spumae albae forma obducit superficiem, neque tamen oleum amygdalarum separatim existit. Ex hisce igitur phaenomenis apparet, lac, quod ex acido vegetabili atque oleo vegetabili pariter atque animali conflatum est, sicque compositionis ratione jam saponem constituit, in oleum expressum agere, uti sapo, dum nimirum illud

\*) GORTER l. c. Tr. LXVI. §. 6.



aquae admiscet. Videtur vero prae ceteris caseosa pars lactis, quae tanquam mucilago butyro atque sero intergesta in lacte est, saponis naturam habere, dum illud huic adnectit, siquidem, quamprimum lac coire, id est, caseosa pars condensari, incipit, statim et butyrum a sero dimittitur, huicque innatat. Lacti animalis ejusdem quoque chylus fortasse similis est, utpote cui idem non solum color inest, verum et naturalis affinitas, siquidem lactis proventus, propter celerem ejus, post pastum et meracum potum, restaurationem, chylo novello recte omnino tribuitur. Quod autem ad ipsum lac attinet, illud, tanquam sapo acescens, oleum acre corpori cuidam inhaerens eluere, atque, propter admixtam aciditatem, putredinem quoque coercere, in sano vero homine pinguium subactionem et digestionem promovere, valet.

## §. X.

*De urina, in quantum saponibus accedit.*

Dubius quidem aliquandiu haesi, num urinae inter saponem locum aliquem concedere debeam, nec ne? Namque, tum apud veteres, tum quoque apud recentiores, urinae abstergentem, hinc saponaceam virtutem, adscriptam, vel et saponati quid in ea contentum esse, passim lego: siquidem, quod *priores* concernit, ad togas a sordibus repurgandas saponis loco a fullonibus adhibitam esse urinam \*), id quod adhuc dum non penitus exolevit, ex iis scimus, quae, de hac arte, a majoribus nostris tradita, ad nostra tempora pervenerunt, quaeque RAMAZZINI, Patavinus olim Professor \*\*), magno studio collegit: a *nostris vero saeculi medicis* itidem, urinae saponaceum aliquod, secundum etiam naturam, inesse, nihil minus assumitur, id

\*) Urina *lorium* quoque dicitur, quasi a *lavando* vel *diluendo*, quia hac sordes non solum e vestibus eluebantur a fullonibus, verum et in ablundo corporis squalore veteres usi esse videntur, id quod mihi, dum M. PORC. CATONEM: De re rustica, evolvo, probabile valde apparet: Ibi enim Cap. CLVII. sic lego; *Lorium conservato ejus, qui brassicam esitavit, id calfacito, eo hominem demittito, cito sanum faciet hac cura, expertum hoc est. Item pueros pusillos, si laues eo lorio, nunquam debiles fient.*

\*\*) l. c. cap. XV. de morbis fullonum.

quod vel ipse BOERHAAVIUS \*) statuit, quem deinde alii sunt secuti, vix minoris auctoritatis viri, quorum fidei propterea nihil decedit; quodsi experimentis meis cum urina recenti hominis sani institutis, illi perparum saponis forte inesse, vel, si etiam aliqua ejus copia infit, illam, in relatione ad singulare aliquod pingue accessorium, temporariam saltem esse, deprehensum fuit. Addo urinae sani, jeiuni, robusti, laboriosi hominis unciae uni olei amygdalarum guttas decem, agito frequenter, nihil omnino neque color urinae mutatur, neque olei miscetur, quod omne innatat. Inspisso deinde ejusdem hominis urinam ad mellis consistentiam, atque hujus drachmis duabus olei amygdalarum guttas decem addo, haecque invicem diu pistillo intra mortarium agito, nihil de oleo disparet. Affundo his aquae uncias duas, in vitro invicem agito, parva interjecta mora oleum; neque consistentia, neque colore mutatum, iterum innatat, fundum vero sedimentum furfuraceum petit, cui tamen olei vix quidquam adhaerere videtur. Quanquam autem ex his experimentis saponatum aliquod in sana, nec *potus*, sed *coctionis*, urina contineri, nondum apparet, fortassis tamen, ex aliis rationibus convicti, saponaceam indolem summi viri de urina praedicavere: urina enim, pro diversitate victus, miris differentiis ludit. Sit vero etiam, urinam sanam nullo respectu ad saponem referri posse; nihilo tamen secius aegrotorum aliqua forte urinae species jure suo in horum classe locum obtinebit. Talis est illa urina spumescens, multasque, agitata, bullas agens, atrophicorum vel similibus morbis adfectorum. Videtur enim haec, propter saponaceam tenacitatem \*\*), in spumam formari, eadem ratione, quae sapo aqua solutus atque bacillo agitatus spumam multam intuentibus offert. Quodsi etiam, urinae sani hominis recenti saponaceam inesse materiam concedere nolumus, ean-

\*) Instit. §. 377. *Sal natus urinae saponaceus*: et Praelect. ad hunc locum Vol. III. p. 293. sqq. Deinde Elem. Chym. Tom. II. Proc. XCII. p. 304. *lorium spirituosum, salinum, saponaceum continet de sanguine.*

\*\*) Conf. de GORTER. l. c. Tract. XXXVI. §. 30. *Bullae, quae ex levi urinae conqussatione excitantur, et diutissime persistunt, indicant urinam nimis saponaceam esse.*

dem tamen, putredini commissam, saponem prodere, qui neget, invenietur nemo. Fullones, urina, prius putrefacta, ad lanificia purganda, usos quondam fuisse, atque id demum officii ab urinis tunc praestari, cum in putredinem abierint, compertum est; qua de re BOERHAAVIUS \*) nos certiores reddit. Facile etiam perspicio, et hoc semper tenendum est, experimenta cum humoribus extra corpus positis instituta, illorum indolem in corpore vivo aliqua quidem ex parte, et non sufficienter, declarare eamque, non simplicem, sed ubivis mixtam et subinde mutatam, aliter sese habere intus, quam extra corpus esse conspicitur; oleum in sanguine nostro non amplius erit illud, quod deglutitum, vel de ipsa animalis pinguedine exsolutum et absorptum ante fuit, hinc, quatenus jam commutatum est, solvi quoque poterit a menstruo, cui antea et priusquam mixtionem cum reliquis succis nostris subivit, in totum relictari deprehendebatur. His igitur perpensis, urina nostra sana recensque sapo dici nihilominus poterit, si ad olea, qualia in machina animali, sub perpetuo humorum motu, sunt et esse possunt, respicias, quamvis, extra corpus nullum omnino pingue ab eadem solui intelligas. Nisi vero et hoc largiri aliquis urinae vellet, quod sit sapo explicitus; id tamen forte concedet, eam saponem implicitum et vehiculum aliquod saponis esse, si modo ad animum revocare placeat, urinae inesse ea, quae ad saponem constituendum requiruntur. Quid enim, praeter alcali et oleum, ad saponem efficiendum, amplius necessario concurrere debeat, sane nescio; ast, haec principia ex urina, sat notabili quantitate, educi posse, nemo negabit \*\*).

\*) Tom. II. proc. XCIV. p. 310. de urina inspissata loquens, si, inquit, *ad detergendum a fullonibus et lanam depurantibus adhibetur, non depurat, nec deterget; vim ideo lixiviosam saponaceam non habet, quam tamen putrescendo quam optimam acquirit.* Quum igitur urina ad usum a fullonibus olim diu in vasis asservanda esset, unde haec gravem et rancidum odorem contrahebant, inde quoque facile intelliguntur MARTIALIS, quae l. VI. Epigr. 93. extant, verba:

- - - fullonis avari  
Testa vetus, media sed modo fracta via.

\*\*) Conf. ВОЕРН. El. Chym. Tom. II. proc. XLV. p. 311. sq.



## §. XI.

*De pure, sanie et pituita; num saponibus adnumeranda sint?*

Postquam de iis a me haecenus dictum est saponum speciebus, quae sano homini, vel soli et semper, vel simul et quandoque, competunt, nunc ad eas progredior, quae in aegroto solummodo corpore inveniuntur. Hoc igitur sensu urina illa spumosa, de qua sub praecedente §. actum est, huc pertinet. Est quoque saliva aliqua aegrota, sub ptyalismis, aut si quando per febrem spissescit, aut bile tincta, aut scorbuti labe infecta est, sed itidem de ea peculiariter hic agere animus non est, quia saponacea indoles, quae sanorum salivae inest, sub certis mutationibus, aegrotae non minus inerit; qua de causa de humoribus illis, qui praeter naturam corpori tantum insunt, uti saponaceis, quales sunt *pus*, *sanies* et *pituita*, mihi pauca quaedam monenda esse intelligo. Puri inesse saponis principia, ad spectus aequae et tactus \*) docent, et ipsa ejus origo, etiamsi alia experimenta deessent, istud comprobant. Namque animale oleum suppuratione solutum, et sal acre inibi contentum, putridum, hinc alcalinum, etiamsi illud ex blando pure per febrem cocto clare non perspicias, sese, temporis progressu, haud obscure explicant, cum vetustas accessit et ulcus factum est. Sed et recens pus saponis absoluti naturam non obscure ostendit. Puris ex abscessu maturo, mox aperto, desumpti, cum sanguine vero parum remixti scrupulos duos, misceo cum olei amygdalarum guttis decem; agito, miscentur: addo aquae semunciam, referunt, per horae quadrantem, aequalem, ex albido parum luteolum, ad loturam tamen carnis accedentem quoque colorem, quo tempore elapso, pus album fundum hac ratione petit, ut non tenaciter adhaereat, sed suspensum veluti et laxè cohaerens fluctuet, plus tertia parte totius massae constituens, ab oleo sibi adhaerente levius redditum. Aqua sedimentum hoc inundans colore pallide luteolo ita tincta est, ut simul ad loturam carnis accedat, sitque spissiuscula, minime pellucida, cui ipsi in cylindro lagenulae

\*) *Liquorem unctuosum* pus appellat Gerard. van SWIETEN Comment. in BOERHAAVE Aphor. Tom. I. ad §. 158. p. 230.

vitreae innatat spuma oleosa, neque sincerum oleum ulterius dicenda, neque tamen aquae miscibilis, quippe quae viscedinem oleo tenaciorem adhuc refert. Spumae hujus quantitas, maximam quidem partem, oleum additum exaequat; sed sincerum porro haud est, aut puris atque aquae particula remixtum, idquod, praeter tenacitatem, bullulae intergestae atque pallidus color confirmant, unde, olei portionem a pure susceptam et aquae adjunctam esse, concludo. Sufficit enim, massam aliquam saponaceam esse, quod si illa olei compagem invertere et eandem aquae miscibilem, etiamsi saltem ex parte, reddere valet. Sanies, cujus species *ἰχώρ* est, *pure et sanguine tenuior*, atque *ex malo ulcere exire*, CELSO \*) dicitur; Haec, quamquam forma a pure multum recedit, materia tamen sua non adeo ab hoc discrepat, nisi in loco oriatur, qui puri laudabili spisso gignendo ineptus est, et quod cohaesio inter moleculas rarior est et laxior, id quod, quo minus sapo dici possit, nihil impedit: Namque similis quodque efficaciae, respectu saponaceae suae virtutis, cum pure, esse mihi videtur ichor, uti et illa saniei species, quae *μελίκηρα* CELSO \*\*) dicitur. Ad pituitam denique quod attinet, quae ab isto muco sani in eo discrepat, quod illa semper sit morbosa, hic vero a sero in cavo quodam collecto, et ab aeris afflatu inspissato proveniat; ea, dum drachmae dimidiaae hujus ex naribus gravedinosi educitae tres guttas olei et fescunciam aquae addo, oleum aquae committere penitus quidem non videtur, et bullulae pingues spumae hujus mixtionis pituitosae distinctae inhaerent, ex lactescente tamen alba solutione, simulque valde spumescente saponis aliquod vestigium illi inesse hariolari aliquis posset.

## §. XII.

*De gummi et mucilagine, ut saponibus.*

A priori saponum naturalium classe ad alteram illam nunc progressuri, deque saponibus in regno vegetabili naturae beneficio reperiundis acturi, incipiamus de iis sapo-

\*) Aur. (Corn. CELSUS de medicina Lib. V. c. 26. n. 20.

\*\*) IBID. *Μελίκηρα* crassior est, glutinosior et subalbida, mellique albo similis.

natis succis agere, qui purissimi, intuitu reliquorum, inveniuntur. Hos vero esse *gummi* et hisce similes *mucilagines* \*), quilibet mihi concedet, qui pelluciditatem utriusque intuitus unquam fuit. Quodsi in *gummi* et *mucilaginis* principia inquirimus, has massas, praeter aqueas oleo-fas et acidas, terreis multis et paucis alcalinis particulis conflatas, hinc saponis requisita principia in illis abscondita esse, reperiemus \*\*). Mucilaginis spissiusculae seminum cydoniorum, quae prius pellucida erat, et, agitata, praeter bullulas aereas nihil albi continebat, drachmis duabus olei amygdalarum guttas viginti in mortario jungo, oleum brevi evanescit; affundo aquae fescunciam, agitata invicem horas octo quiescere sino: Solutio tenuem emulsionem aequat, cui olei guttae circiter quatuor vel quinque innatant vix mutatae, in minores solummodo globulos divisac. Oleum tartari nihil mutat, neque quidquam divellit. Alcohol drachma una solutionis drachmis tribus affusa mucilaginem cogit, et fundum versus demittit, oleum vero a vinculo soluit et sursum elevat: Acetum destillatum similem fere effectum exserit. Dein etiam pulveris *gummi Arabici* drachmam unam cum olei amygdalarum guttis viginti contero in mortario, affundo his aquae uncias duas, praeter fordes *gummi* adhaerentes omnia soluuntur consciuntque diluti cum aqua lactis colorem, cui nihil olei innatare video. Oleum tartari, ut et spiritus nitri, nihil mutant. Infundo dimidium acidae solutionis illi, quae per alcali facta erat; obscurus feruor oritur, qui insignior est, cumque multa spuma conjunctus, dum sic combinatas solutiones acidae reaffundo: nullibi tamen oleum liberum redditur. Solutioni *gummi* cum oleo per aquam factae affundo alcohol; oleum, sub suo colore naturali, in forma cuticulae seu arcularum libertati redditum, summo vasis loco sistitur. Eandem solutionem sine alcohol diluo multa aqua recens affusa; dilutior fit lacteus color, nihil amplius mutatur, vel segregatur. Quae igitur perspicuiens, de saponis natura in *gummi* praesente, quis est qui dubitet, vel ambigat, *gummi* nativum saponem esse, quandoquidem in

\*) MAQUER I. c. Part. II. Sect. §I. Cap. 8. proc. 6.

\*\*) IDEM, ibid.



gummosis omnibus oleum fixum cum acido vegetabili conjunctum est? sufficit enim aliquod concretum saponem dici, cum sal aliquod, acidumne an alcalicum, oleo junctum fuit. Hinc varios succos arborum, qui earundem gummi, sub forma fluida, dici possunt, huc refero: Tales sunt illi *betulae, vitis, juglandis*, alique, qui ut saponati ad solvendo impuros humores, eosque ad excretiones, maxime cutaneam, aptos reddendos, itidemque ad varias cutis maculas extergendas, in usum trahi, et a medicis suaderi solent \*).

### §. XIII.

#### *De gummiresinis, tanquam saponibus.*

Facilius adhuc, quam modo descripta saponacea, oleum cum aqua conjungunt illi plantarum succi, qui in massas tenaces concreti plantis ferulaceis, ex classe umbelliferarum, suam debent originem, et praeter acidum vegetabile et paucum oleum fixum, quod gummosis particulis inest, multum olei aetherei in sinu suo continent. Partes enim gummosae, quae istis insunt massis, ad normam omnium gummi, ex oleo fixo paucio, sale vegetabili, terra atque aqua intimius conjunctis, conflatae, atque illae sunt, quae sola aqua soluuntur: resinosae vero partes, quae his similiter insunt, et quae spirituosius obtemperant menstruis, simul tamen ex parte aquae etiam, mediantibus gummosis, junguntur \*\*), magis de oleo aethereo, atque de altero illo ponderoso, quod ignis vehementiori tortura sub specie empyrevmatici prodit, participant, in quorum principiorum singulorum quantitatem curiosius inquirere, meum nunc non est, dummodo, ad saponem constitutum, requisitas particulas, sal scilicet atque oleum quodcumque demum inesse, evicero. Etiam si autem haec, tan-

\*) Vid. de GORTER l. c. Tract. XXXVIII. §. 38. Commodissimum etiam locum olera hic inveniunt suum, quae ad saponacea a quibusdam referuntur. Vid. IDEM. Tr. LXXVIII. 17: *Pro sapone neutro, Olera possunt sumi, quae succo saponaceo nitroso refrigerante, et solvente, cum multo humore diluente, constant.* Conf. IDEM Tract. LXXXI. 23.

\*\*) MAQUER loco proxime allegato.

quam per experimentorum frequentiam saepius comprobata, nemo negaturus facile sit, attamen, qua ratione gummirefinae istae sese habeant ad oleum atque aquam, ostendendum mihi est. Rei exemplum gummi Ammoniacum exhibeat, cujus unam drachmam cum olei amygdalini guttis viginti in mortario contero, hisque deinde duas uncias aquae affundo, quae cuncta simul constituunt mixturam aequalem, vere lacteam; de sordibus parum fundum petit; nullum olei superest vestigium. Post septem horas eadem manent. Cum multa aqua solutum diluo; feri consistentiam haec mixta recipiunt, quae, dum agito, ut saponis solutio, spumas agunt, sordesque manuum abstergunt. Alcohol affusum diluit quidem, sed nihil mutavit post semihorium; idem effectus est olei tartari. Ubique nihil omnino amplius fundum petit, nec oleum liberatur. Eadem fieri oportet in reliquis gummirefinis; atque illae analogum quoque exhibebunt effectum; quarum singularum phaenomena speciatim recensere velle, longum nunc, nimis foret.

#### §. XIV.

##### *De seminibus lactescentibus, quatenus saponaceum continent.*

In officinis ex variarum nucum nucleis exque seminibus, maxime, pulpam albam habentibus, ope triturae cum aqua, elici succum lacti similem, quis est, qui ignoret? Hunc vero succum ex oleo fixo, mucilagine et acido vegetabili, aqua dilutis, constare, iterum facile convincimur. Oleum enim inesse isti succo, *emulsum* dicto, ex hoc edocemur, quod furfures amygdalarum oleo suo per pressionem orbi parum nobis offerunt lactei istius liquoris: acidi vero praesentiam vel sola, horis paucis a praeparatione interpositis, emulsi acescentia et mixtionis conturbatio, abunde comprobant. Illud denique, quod modo recensita principia in unum liquorem conjungit, dubio procul est ista mucilago, quae acidum succum vegetabilem in sinu suo continet. Ex omnibus seminibus, quae oleum pressu nobis exhibent, emulsionem elici posse, Cl. MAQUER auctor est, et una eademque opera atque encheiresi ex semine lini et nucleis amygdalarum emulgeri liquorem album, lactei

coloris, ipse expertus affirmo, quamquam lini semen, sine tritura, aqua infusum, ad modum cydoniorum seminis, mucilaginem magis exhibet, quam emulctum. Licet vero in lino eadem, quae in aliis seminibus pinguibus, adsint, ad emulctum constituendum, requisita principia, aliqua tamen est diversitas, siquidem salinum illud principium vegetabile in amygdalis aliisque lactescentibus seminibus gummosae magis rei, illud autem, quod in lino est, mucilagini magis involuitur, unde hujus oleum et ponderosius et crassius est; quam alterum illud amygdalarum dulcium; hinc emulsio lini semen tenax ac obscure albi coloris est, ut emulctum vel res lacti similis dici vix possit. Sunt autem praeterea adhuc semina bene multa, quae oleo quidem scatent copioso, neque tamen emulctum supeditant, ideo, quod nec gummi nec mucilaginis quidquam, quod tamen ad emulctum requiritur, in mixtionem admittunt. Quae igitur semina oleum aliquod aethericum, sive aromaticum, uti *cumini*, *foeniculi*, *apii* semina, sive acre volatile, quale habent semina *sinapi*, *nasturtii*, in sinu foveant, ad emulgendum, quamvis mucilagine non careant, prorsus inepta reperiuntur. Quaecunque vero emulctum aliquod, tritu cum aqua, largiuntur, ea non ita quidem oleum suum firmiter aquae adjungunt, ut non aliqua ex parte illud solvi suumque deferere vinculum possit, uti videmus, quod si emulcta aliquandiu quiescunt; tunc enim oleum, sub forma lactis pinguis sive cremoris, cum mucilagine seminis conjunctum vasis partem superiorem occupat; licet et ille cremor aqua penitus haud destituatur. Igitur in emulcto quovis conjuncta sunt oleum atque aqua sub lactis specie, cujus utriusque vinculum sistit mucilago, ipsa pro saponem jam habenda, veluti supra, §. XII. ostensum comprobatumque fuit, mucilaginem et gummi, quod saponem sint, exinde cognosci, cum oleum et aquam in unum schema conjungunt; veluti in reiteratis experimentis, ubi mucilaginis seminum lini unciae uni drachmas duas olei lini admiscui, evidenter observavi, vidique, sensim, uti oleum mucilagini arctius jungeretur, colorem quoque mucilaginis ex viridi luteum in album et gryseum transivisse. Verum, tantum olei fixi in se non continent



emulſiones, ut non novum oleum preſſum in ſe recipere porro poſſint; namque ſi amygdalinae de novo addimus oleum, hoc cum illa conjungi videmus, quod dum conſpicio, dubium ſane oritur, num toti emulſo, an vero parti ſolummodo ejusdem, mucilagini ſcilicet ſaepius dictae, hunc effectum adſcribere debeamus. Namque, ſemina mucilaginosa trita ſimiliter oleum in ſe recipere, video. Cum igitur perſpicerem emulſionis amygdalinae ſaturatio-  
ris unciae uni admiſceri adhuc poſſe multum olei, ſiquidem guttae quadraginta olei amygdalini de novo additae, ultra dimidium, conquaſſando, ſubigi potuerunt; mucilagini quidem, vel et gummoſae parti, quae eſt in ſeminibus lacteſcentibus, haud parum illud, quod emulſio oleum porro in ſe recipiat, tribui poſſe, arbitror: cum autem mucilago ex toto ſeparari et veluti diſtinctum principium emulſi conſiderari nequeat, non ejus forte ſolius vim eſſe ſaponatam, verum toti emulſioni hanc virtutem adjudican-  
dam eſſe, qua fiat, ut olea aquam abhorrentia in unum conſpirent nexum, exiſtimavi. Es his, quae haecenus dixi, non leve robur additur ſententiae illi, qua, lacti atque chylo, non ſolum colore, ſed et conſiſtentia et virtute miſcen-  
di, ſimilem eſſe emulſionem, affirmavi; ſiquidem in illo quoque phoenomeno conſpirant, quod ſingula oleum re-  
cens additum abſorbent et ſubigunt, quamdiu ſaponata ſunt, quod cum eſſe deſinunt, oleum porro non miſcent. Ita tenax illa lactis pars, ex qua caſeus cogitur, oleum nul-  
lum ulterius de novo recipit, et in chylo per acidum tur-  
bato hoc ſimiliter fit, ut olea ſibi jungendi et propterea nutriendi vim penitus amittat, qui, cum ſanus eſt, uti et lac et emulſum, pingue facile accipit, reſpectu totius ſuae maeſſae; namque haec tria liquida, ſi oleum ſubigant, id efficiunt non aliqua ſui parte, ſed tota ſua ſubſtantia.

#### §. XV.

*De plantis lacteſcentibus vel amaris vel acris ſaponaceis.*

Emulſionibus ſimiles ex plantis nonnullis, prius ſauciatis, ſtillant ſucci, qui quidem, exceptis illis, ſemioſculorum, intus ſumti, plerumque nocivi

sunt \*), nihilo tamen secius et in medicina cautius ac parcius propinari, et in chirurgia cum fructu applicari solent. De iis vero succis, quos pleraeque plantae, *flore regulari composito ex irregularibus tantum seu semiflosculosis \*\*)*, plorant, primo loco agendum mihi est, quorum scilicet sapor, cum solummodo amarus, gratus tamen, nec ullius acridinis destructivae particeps est, hac sua blanditie non tantum de innocentia, verum etiam de salubri efficacia eorundem certiores nos reddit. Continent enim hae plantae, praeter gummosas, resinosas quoque partes ex dulci amarescentes, at blandas, exemplo *taraxaci \*\*\*)*. Hujus succum lactescentem ad experimentum dum revoco, oleum quidem illò subigi penitus haud video, diversi coloris magma exinde tamen natum perspicio, atque exin, oleum aliqua ex parte in mixtionem ab isto succo lactescente admissum esse, intelligo, simulque animadverto, ex resinosarum familia istos succos esse, cum non solum attactus et tractatio hujus lactis vegetabilis, quod sensim tenax, tandemque veluti cereum fit, verum et ipsa aliqualis in aqua coagulatio, in alcohol vero reclusio idem edoceat. Maculae enim manibus hoc succo impressae tenaciter inhaerent, quas si aqua abstergere velis, id quidem efficies, quo sub frequenti frictione aliquo modo detergantur fila ductilia, non vero penitus abscedat macula, nisi, cum alcohol affusum est, quod maculam isthanc delet. Quamquam autem ex haecenus dictis nondum saponacea indoles hujus lactei succi liquido constat, cum oleum additum penitus non subigeretur; attamen eatenus saponibus adnumerandus est succus taraxaci, quod parva ejus copia particulam, tamen olei abscondidit. Qua de re etiam si quis dubitare vellet, dubium tamen nullum sibi superesse sentiet, si ad ea, quae per experimentum deprehendi, animus advertere dignabitur. Curavi enim, ut recentis

\*) LINNAEI Philof. Botanic. Stockholm. 1751. p. 283. p. 356.  
*Lactescentes venenatae sunt pleraeque.*

\*\*) Quas hoc nomine comprehendit plantas HEBENSTREIT  
 Defin. Plantar. Lips. 1731. edit. p. 26, illas LINNAEUS l. c.  
 §. 77. num. 21. et alibi *semiflosculosas* simpliciter appellat.

\*\*\*). Conf. CARTHEUSER Fundam. Mater. Med. Part. II. p. 414.



taraxaci radice fieret extractum aquosum ad mellis consistentiam, cujus semidrachmae instillo olei amygdalarum guttas decem, et aquae unciam unam affundo: haec misceo agitando, spumescunt egregie, spuma persistit post aliquot adhuc dies, oleum omne, ut ne minimum remaneat vestigium, subigitur, colorque fit pallidior paulo, postquam omnia probe sunt mixta. Mixtura haec, et vel ipsum jam taraxaci decoctum insigniter manus lubricant. Idem animo intendebam experiri cum duriori, sic enim in officinis prostant, scorzonerae extracto, ast spei non respondet eventus, sed oleum, post crebram adhuc agitationem, totum quantum pene innatat, cum tamen aequalis extracti cardui benedicti, plantae non lactescentis, portio, tantumdem olei instillati, similibus cum taraxaco phoenomenis, fere omne absorbet. Sufficit, saponatam naturam, cum taraxaco instituta experimenta, indicasse. Similis sine dubio est reliquorum succorum lactescentium, ex pappifero plantarum genere, indoles, cum respondent sapor et consistentia. Accedo nunc ad plantas lacteo succo, sed acriter praeditas, quales sunt *pappo intra vaginam clauso* \*) aliquae, ut apocynum, periploca, asclepias, et *tricoccae* \*\*) nonnullae. Inest his plantarum succis, praeter salinum illud acre causticum suae indolis, multum olei, quod, quia ab alcohol facile solvitur, ad resinosa olea referri meretur. Lac euphorbii subigit oleum, et, aqua dilutum, post aliquot dies retinet ipsum, simulque colorem lacteum. Idem succus esulae oleum recipit, aqua vero affusa, manet quidem aliquandiu color lactis, qui vero postea ita mutatur, ut flocculi cinerei, fursurum instar, fursum ferantur, et dimi-

\*) Sunt stirpes ex ordine plantarum flore perfecto regulari simplici monopetalo, capsula bipartita, semen papposum continente; vid. HEHENSTREIT l. c. p. 9. quas LINNAEUS l. c. §. 77. num. 29. et §. 365. ad contortas refert. Plurimae nimirum harum succum lacteum exhibent.

\*\*) LINN. ibid. ad lactescentes venenatas non solum contortas, quales sunt periploca, apocynum, cynanchum, asclepias aliaeque, et tricoccae, uti euphorbiam et iatropham, verum et rhoeades, quo pertinent papaver, chelidonium, atque varias adhuc alias, uti rhus et ficus, refert; quibus ex parte etiam adnumerat quasdam campanulaceas, exemplo lobeliae.



dium totius massae occupent, reliqua et inferior pars sit aquae instar diaphana, oleum vero flocculis his adglutinatum atque penitus subactum sit. Eadem cum apocyni lacteo succo tento, sed non eadem sunt; mixtura enim prius turbida, mox tota clarescit, veluti gummi aliquod solutum, olei quantitas potius aucta, quam imminuta esse videtur, quod superest magis pallidum sit, atque innatat cum paucis albis flocculis. Ipsius denique euphorbii gummi, resina potius vel gummiresina dicendi \*), drachmam unam cum olei guttis viginti tero in mortario, non tamen omnino coeunt; affundo aquam, quae lacteum simulque cinereum colorem recipit, olei tamen multum adhuc in summo gerit. Nulla, vel cum oleo tartari, vel cum spiritu nitri sit solutionis aquosae effervescencia. Affundo etiam alcohol, solutio fit lutea, turbida tamen manet: nullibi, nisi cum postremo parum, augetur olei quantitas. Neque etiam, cum resinae, fundum occupanti alcohol affundo, oleum extricatur. Etiam si ergo oleum totum ab isthoc succo absorptum haud est, aliquam tamen ejus partem disparuisse judico, quod, cum alcohol affunderetur ejus augetur quantitas, reclusis vinculis, quae oleum hactenus tenuerant: Hinc saponacei quid euphorbii succo inesse, judico.

## §. XVI.

*De dulcibus tanquam saponibus.*

Largissimus in regno vegetabili est proventus succorum, dulci et blandiente sapore praedictorum; Varia enim occurrunt plantarum genera, quae in diversis corporis vegetabilis partibus succos ostendunt, qui dulcis gratique sensum linguae nostrae inprimunt. Quamvis autem radices, et caeterae vegetabilium partes haud omnino careant succis dulcibus, sed illi, licet non eadem copia, in variis herbarum organis occurrant: Inprimis tamen in partibus fructificationi destinatis ejusmodi liquores occurrunt frequentius: adeoque de *fructibus horaeis*, horumque sobole,

\*) Vid. Paul. HERMANNI Cynosur. Mater. Med. p. 680. qui inter resinas gummosas refert Euphorbium: et GEOFFROY Mater. Med. Tom. II. Paris. 1741. 8. p. 626. Gummiresinam appellat.

*sapa*, deque *melle* ex florum nectariis collecto, hinc de *manna* atque *saccharo* mihi sermo instituendus erit. Dulcia in genere omnia, ex oleo fermentescibili acido, mucilagini mixto, constructa esse, chymicis solutionibus edocemur variis. Non solum enim ipsa fermentationem suscipiendi omnibus dulcibus connata facultas de his principiis certiores nos reddit, dum scilicet, ut fermentatio in aliqua massa fiat, eam oleo atque sale acido vegetabili, mediante mucilaginoso connexis, oportet esse praeditam, uti ubivis videmus, quamcunque fermentescibilem materiam disquiramus; verum et ipsi liquores per fermentationem praegressam educti inflammabile, acidum atque mucilaginosum sibi inesse, ostendunt. Quae, cum ita sint, quos succi fermentescibiles, sale, acido et parte inflammabili, inter se unitis, consent; nemo, haec perspicuus, facile negabit, inesse quoque succis vegetabilium adductorum dulcibus ea omnia, quae ad saponem aliquem constitutum requiruntur, siquidem quodvis salinum oleo cuicunque sic conjunctum, ut neutrum sese sigillatim manifestet, utque ambo unita, aqua dissolui eidemque jungi sese partiantur, saponis titulo merito venit \*). Refero igitur huc quosvis fructus pulposos, dulces, subadstringentes, esculentos, uti habentur inprimis ex classe plantarum, quae sunt *flore pentapetalo regulari*, *pomacea* et *drupacea*, ex classe *relativarum monophytarum*, *cucurbitacea*, *figus*, *mora*, quaeque classibus suis nonnunquam singulares interspersi sunt, *zizipha*, *tamarinda*, *ananas*, *cassia*. In universum omnes baccarum ex dulci acescentium succi huc pertinent, ex quibus pluribus unus, et qui frequentioris usus est, in exemplo esse potest, uvarum scilicet succus, quem mustum dicunt; quod, si coctura inspissatum fuit, *sapam* \*\*) dixerunt veteres. Haec ex acido atque oleo uvarum constat, quae

\*) BOERHAAVE: de virib. medicam. p. 109. et 160. van SWIETEN l. c. Tom. I. ad §. 135. p. 204. n. 3. Tom. II. ad §. 614. p. 165. et ibid. ad §. 850. p. 776. De GORTER. l. c. Tract. XXXVIII. §. 33. sqq. Tract. LXXIX. §. 17. et Tr. LXXXII. §. 24.

\*\*) Ab omnibus mox allegatis auctoribus *sapa* inter saponem vegetabiles acescentes enumerata legitur. Conf. quae §. 1. not. i) de sapae praeparatione diximus.

duo interveniente mucilagine sibi juncta sunt, id quod unctuositas et tenacitas hujus succi demonstrat. Huic, quoad principia, quamvis non quoad originem atque partes vegetabilium, quibus caeteroquin succi dulces asservantur, simillimum est mel, de quo jam §. III. dictum est; quamvis enim illud moveri possit dubium, ad quamnam classem, liquorumne animalium an vegetabilium, referri illud jure debeat; attamen, ob rationes ibidem adductas, vegetabilis prosapiae esse, omnino censetur; siquidem in florum nectariis succus iste ab apibus deinde colligendus elaboratur, atque iisdem auxiliis quo floris et fructus succi reliqui, praeparatur. Huic proxima est, non solum externa aliqua forma, sed et sapore, hinc miscela et efficacia, atque etiam sua origine non multum abludit, dulcis illa materies, quae, *mannae* nomine, in arborum diversi generis, maxime autem orni et fraxini, foliis inque eorum superficie per Calabriam, sub sole calente colligi solet \*). Accedit *sacharum*, succus scilicet mellagini similis ex caudice plantae illius gramineae, quae *sacharum* LINNAEO et *canna sacharifera* vulgo appellatur, collectus, hinc coquendo, inspissando, atque depurando, in crystallos coactus, eatenus ad regni vegetabilis producta reducendus, quatenus sal essentielle est, quod in planta sua dispersum extiterat, illi autem ars nihil addidit, quippe qua in unam massam colligitur, atque a sordibus de planta sua una abreptis purgatur. Hisce addi potest succus glycyrrhizae, qui, in officinis, varias medicaminum formulas ingreditur et frequentis usus est. Hos succos singulos ad experimenta revocaturus, vereor, ne nimis longus forem, quare quosdam ex illis tentasse, et, quid observatum iudolis saponatae asserendae gratia fuerit, recensuisse, nunc sufficiat, cum caeteroquin succi omnes, de quibus nunc quaestio est, in universum convenient. Oleum amygdalarum cum sambuci, mororum, manna, sacharo, melle ab initio quidem, agitando, vix ita uniri potest, ut utraque facile aqua

\*) Varias de Manna veterum sententias collectas et explicatas vid. in Claud. SALMASII De manna, commentario, qui extat in Eiusd. Exercit. de Homonym. Hyles Iatricae Trai. ad Rhem. 1689. fol. p. 245, sqq.



simul dissolvantur; quodsi tamen labor continetur, vel quoque mora aliqua accedat, tunc sensim sensimque oleum cum dulcibus mixtum absorbetur et cum his aquae jungitur. Quod aegrius fit cum oleis pressis, facilius longe, imo facillime peragitur cum oleis aethereis, nec non cum oleis et putridis succis animalibus. Sic olea rancida atque hinc acrida facta, expeditissime cum dulcibus committi queunt ita, ut, mediantibus his, aquae misceri possint. Similiter bilis dulcia facile in se recipit. Quae igitur perpendens, dulcibus locum inter saponos concedere nullus dubitavi.

## §. XVII.

*De terris saponatis.*

Ad tertiam saponum naturalium classem, quae saponos minerales continet, properans, terrae pingues statim nominandae sunt, quae gustatae et *in ore liquatae lactis saporem edunt* \*), atque jam attactu, et inter digitos contritu, saponi aliquid analogon ita manifestant \*\*), ut vel hoc solum efficiat, quo dubitare de saponata earum indole ne imperitus quidem possit. Dictis autem terris rem pinguem atque una salini quid inesse, quamvis utrumque nudis oculis fisci haud possit, aliis phoenomenis convictus, ut credam, inducor. Namque, haec duo, tanquam saponem efficientia, principia adesse, quodsi demonstravero, terras pingues saponatas recte dici, nemo dubitabit. Quod vero pingue in terris vulgo dictis pinguibus absconditum cernit, illud propterea inesse creditur, *quod terrae pingues leuiter calcinatae sicciores evadunt* \*\*\*). Ad salinum deinde: quod attinet, acidum potissimum iis inesse, propterea probabile est, siquidem *omnes terrarum partes, imprimis universale illud acidum in se recipiunt* †). Ex terris pinguibus,

\*) Vid. HEBENSTREIT, De Terris: Diff. Lips. 1745. habit. p. 30. 32. et 34.

\*\*) Conf. LUDWIGII Terrae Musei Regii Dresdensis Lips. 1749. fol. p. 51. sqq. et p. 110.

\*\*\*). Est haec sententia LUDWIGII l. c. p. 33.

†) IDEM ibid. p. 66. Quodsi enim omnibus terris jure conceditur potestas sponte in se suscipiendi et fovendi salini, certe acidi quid, qua ratione pinguibus terris idem illud sine injuria

quarum plures tentavi *cretam hispanicam*, quæ *sineëtidis* species est, *bolum armenum* vulgo dictum seu rubrum et album, hinc *lithomargam*, postmodum *terram lemniam*, quam sub hoc titulo in officinis vendunt, atque *sigillatam albam*, ad experimentum revocavi. Sumo cujusvis drachmam unam, singulisque addo olei amygdalini guttas viginti et aquae uncias duas. Contero prius oleum cum singula terra in mortario, quae invicem in pastam redigo: affundo dein aquam, quae agitata cum prioribus spumas plus minusve copiosas agit. Post horas sex, terra ad diversam altitudinem fundum petit, ita quidem, ut lithomargae sedimentum aequet dimidium digitum, reliquae hac leviores terrae altius altiusque sedimentum ostenderint, donec boli albi faex fluctuaret ad duas tertias; In omnibus aqua terrei coloris et consistentiae, quae sero lactis spissior erat, deprehensa est; unde statim concludo, quandoquidem olei admixti perparum in aliis, in aliis vero omnino nihil, in superficie vasis, sese ostenderet, illud a terra absorptum, et cum hoc aquae commissum fuisse. Neque enim, si ve spiritum nitri, si ve oleum tartari, si ve spiritum salis ammoniaci affunderem, praeter tenuem cuticulam variegatam in superficie et fibras anguillarum specie infra eandem, quidpiam olei inveni, uti et nulla effervescencia in his omnibus apparuit. Stare igitur sub saponis definitione eo magis poterunt terrae praedictae, quo citius oleum aquae committunt, atque maculas pingues ex vestibus quoque delent, caeteroquin spumas agunt copiosas, et de manibus sordes abstergunt. Accedit et hoc; quod, si una cum his manus super se invicem fricamus, eundem non solum, quem sapo, sensum lubricitatis, verum et spumam unctuosam animadvertimus. Novum quoque non est, pro saponibus haberi nominata concreta, cum jam multis retro

denegari possit, sane nescio. Bolo vero, terris sigillatis aliisque pinguibis terris inesse acidum, nemo dubitat, cui notum est, iisdem spiritum nitri et salis expelli posse, accedente ignis tortura, qui vero effectus a recentioribus chymicis acido vitriolico inibi haerenti tribuitur. Eadem veritas vel inde quoque patet, quod hae terrae cum acidis non effervescunt, quod passim quoque addit LUDWIGIUS, uti tamen fit, commixtis macris terris cum acidis.

saeculis iisdem uti sapone utendi mos, sub diversis mechanicis artificum operationibus \*) inque ipsa re medica \*\*), invaluerit.

## §. XVIII.

*De aquis foteriis, quousque saponaceis adnumerari mereantur.*

Plurimis forte temerarius videbor, quod huc, veluti invitas cogere velim aquas *sospitales*, siquidem multarum foteriarum, quodsi imprimis de marte, aliisque metallis ac metallicis illae participant, ea est indoles, ut tantum absit, quo saponibus adnumerari mereantur, ut potius ne eosdem quidem dissolvere valeant \*\*\*). Attamen ex altera parte non omnino destituor fundamentis, quibus adductus, aquis quibusdam, si non inter saponem veros, inter saponacea certe, locum facere possim. Sunt enim jam aquae nonnullae ex nostratibus impuriorebus, quae lubricae ac unctuosae prae caeteris deprehenduntur esse, prouti not. d) ad §. V. jam dictum est. Certe coquae atque lotrices differentiam, quae aquam in cisternis collectam atque putealem et illam fontium intercedit, animadvertunt, quandoquidem cum hac neque in culinis legumina vel carnes macerare et coquendo prompte emollire, neque etiam in lavatrinis linthea a fordibus purgare expedite possunt †) unde et mos est femellis cuticulam curantibus, quo ad eandem lavandam huic illam praeferant, quae quippe non solum mucum expeditius abstergit, sed et cuticulam, quae fontanae usu exasperari solet, mollem praestat. Effectuum horum diversitatem nulli alii causae adscribere vellem, quam, quod aqua putealis limosa et pingui terra, fontium vero, nitroso aliquo sale, remixta sit. Quodsi vero nunc ad aquas *sospitales* accedendum est, varia quidem in illis continentur, quae ad saponem constituendum parum aptae

\*) PLINIUS l. c. Lib. XVII. c. 8. *Est autem creta fullonia mista pingui terra.* Conf. et EIUSD. Lib. XXXV. c. 17.

\*\*) Evoluantur quae apud DIOSCORIDEM l. c. Lib. V. c. 101. de Chia terra, deque Cimolia creta leguntur.

\*\*\*) Conf. Frid. HOFFMANN. l. c. Tom. V. de elementis aquarum mineral. §. 32, p. 137. et MAQUER l. c. Part. II. Sect. 2. cap. 3. proc. 3.

†) Vid. HOFFMANN. loco mox allegato.



videri possent, quo omne id referendum est, quod metalli est particeps. Interea vero nulla fore, sive thermalis, sive vulgo sic dicta acidula sit, aqua invenitur, cui non insit alcali aliquod \*), tanquam alterum principium ad saponem vulgares constituendos requisitum. Quod autem oleum attinet, quod adesse debet, ut aliqua res saponata dici possit, equidem hoc nunc non urgeo, quod, phlogiston aliquod thermalibus aquis inesse, a quibusdam perhibeatur, quod nimis ex longo petittum mihi videtur: attamen, saponaceam indolem, quam istiusmodi aquis a Cl. viris attributam reperio, et \*\*) quam potissimum acidulis \*\*\*) tribui

\*) Evolvatur iterum HOFFMANNUS l. c. §. 14. Deinde ibid. Scrutinium physico medicum principiorum et virtutum in praecipuis medicatis Germaniae fontibus; passim per totam tractationem: Tum proxime in eodem Tomo: De convenientia elementorum ac virium in thermis et acidulis §. 7.

\*\*) HOFFMANNUS non quidem explicitis verbis saponum titulo insignit aquas minerales, praedicata tamen adjicit, saponibus alias propria. In Scrutinii enim §. 31. tribuit *balnei in Carolinis usui vim cutis sordes ac defoedationes in scabie, imperigine et ulceribus extergendi*: Inque Tract. de conven. therm. et acidul. §. 36: *Cutis impuritates ac defoedationes extergunt*: De therm. Carolin. §. 12. *terrae subtilis albae unctuosae in Carolinis meminit*.

IO. FANTONUS: De thermis Valderianis, Dissert. duae: Genev. 1725. p. 6. *Alia quaedam pingua corpora vulgo Muffae cernuntur; quae p. 7. gelatinosa, et a deciduis guttulis iberwarum produci dicuntur*: Hinc p. 68. *aquam thermalem laticem oleaceum vocat, et p. 69. oleaceam mollitudinem, cum salis virtute conjunctum habere, affirmat*. Quis vero nescit pinguae terrenum; nisi cum salino coinerit, hinc in saponem conversum fuerit, ad normam omnis olei fixi aquae nunquam misceri.

Iust. Io. TORKOS schediasma de thermis Pösthieniensis Posonii 1745. 8. p. 39. de aqua hac thermalis saponaceam indolem praedicat: Qui IDEM in libello: Thermiae Almafienses ibid. 1746. 6. edit. p. 54. *copiosum sulphur et sal mediae naturae ex thermalis Almafiensi eduxit*.

Ipsam denique sulphur soteriarum pro sapone esse, imprimis si sal alcali accedat, SPRINGSFELD: In der Abhandlung vom Carlsbade: Leipzig 1749. 8. p. 426. existimat. Vid. et Gottw. SCHÜSTER: Abhandlung vom Wolskensteiner Bade, Chemnitz 1747. 8. p. 43. sq.: *Daher auch das Wasser, so lange das sal noch natürlich mit ihm vermischet ist, schälfserich und fetzig ist, welchen Effectum GOBELIUS vom Erbspech herleitet*.

\*\*) Acidulae falso et per errorem vulgi dicuntur istiusmodi aquae,

posse arbitror, quod attinet, illam certis aquis soteriis inesse, pinguedinis \*), ex iisdem per experimentaeductio confirmat. Quam exiguum enim illud pingue quoque sit, est tamen aliquod, in cuius connubio cum alcali istae aquae saponum in modum agere in nostro corpore omnino possunt. Nolo autem ad experimenta provocare quando quidem celebrium Autorum fides sufficit, de quorum dexteritate nullum dubium in me remanet, etiamsi experimenta diserte nihil confirment. Ex aquis autem istis per naturam jam saponatis artificiale extemplo redditur, majoris forte efficaciae, saponatum, si lac caprillum vel asininum eidem additur, qui mos soteriis utendi primo omnium HOFFMANNO \*\*) in usu fuit.

### §. XIX.

#### *De saponibus artificialibus solidae formae.*

Saponum, qui arte parantur, et proprio quodam jure hoc nomen sibi vindicant, magnus acervus nobis considerandus restat. Hoc vero sensu accipiuntur omnia mixta, ex alcali et oleo ita composita, ut neutrum emineat, utrumque autem, nisi in aqua, penitus haud solvatur, disfluat tamen et oleum recens sibi additum aquae immisceat. Saponum quidem vulgarium atque illorum, qui ubique in officinis prostant, forma est solida, prouti Venetus et Hispanicus durum quasi aliquod corpus efficiunt; ast sunt praeterea et multi alii, qui firmam consistentiam haud nacti sunt, quique propterea fluidi dici solent. Quamquam autem quivis sapo in medicina locum habere possit,

siquidem *sal acido e diametro oppositum, alcalinum videlicet, obtineant.* HOFFMANN: de Conven. therm. et acidul. §. 7.

\*) Ioh. Phil. SEIPUS pingue salino nuptum, variis rationibus gravissimis commotus, assumit in libro: Neue Beschreibung der Pyrmontischen Stahl-Brunnen. Hannov. 1719. 8. p. 118. 123. 143: hujusque filius Tr. Georg. Phil. SEIP. in Diss. De spiritu et sale aquar. mineral. Goetting. 1748. Sect. III. §. 6. p. 37. De spiritu rectore locutus, *pinguedini*, inquit, *junctus minerali, alcali in aquis praevalens aliquod arcet*: De hac pinguedine salinis juncta agit deinde in tota sect. IV. et sect. VI. §. II. et 12.

\*\*) Vid Commentat. De connubio aquar. mineral. cum lacte longē saluberrimo §. 6. quae extat in Oper. omni. Tom. V.

sunt tamen, qui caeteris, tanquam magis impuris, praeferantur, sic saponi *nigro*, qui ex sevo vel lardo balaenarum et alcali coquitur, praestare creditur *albus*, ex oleo expresso et alcali fixo factus \*). Praeter hunc, et illum ex sale tartari et oleo olivarum, quibus sapo Venetus nonnullis constare creditur \*\*), confectum, sunt deinde alii quoque, qui, pro compositionis ratione, nunc *semivolatiles*, nunc vero penitus *volatiles*, dici possunt, quorum priores vel ex oleo aethereo seu volatili, et sale fixo, vel ex sale volatili et oleo fixo sive expresso, posteriores vero ex oleo et salibus volatilibus invicem commixtis, parantur \*\*\*). Est porro et alius saponis parandi modus, haud ita receptus, dum cineres plantarum cum pinguedine animali, additis simul herbis amaris, in aqua coquuntur, qualis est ille LENTILII. . Quodsi vero reliquos saponis odorum suavitate et colorum varietate conspicuos et nomine, cosmeticorum, femellis celebres enarrare vellem, vix finem inventurus essem, quos proinde, siquidem in medicina nullius sunt usus, tonsoribus et balneatoribus relinquo. Omnes hi saponis, si in aqua solvuntur, eandem aliquantulum turbant, et spumas, cum ea agitati, magis minusve copiosas, agunt: Addito saponis solutioni oleo, illa ex seroso in lacteum transit colorem. Licet vero sapo vulgaris ex oleo expresso et alcali compositus, purissima etiam aqua penitus, sensu chymico, ita quidem solvi nequit, ut, more menstruorum legitimorum, perspicuitas illi maneat, illud tamen fieri potest spiritu vini, addito inprimis sale tartari †), qualis videtur esse illa solutio, quae nuper, sub titulo: *Esprit de savon de Saxe*, innotuit, quaeque in eo a communi differt, quod varia, odoris et coloris amoenioris causa, fuerint addita. Hic vero sic paratus spiritus sapo-

\*) MAQUER l. c. cap. 3. proc. 3. et BOERH. II. proc. LXXIII. p. 259.

\*\*) De GORTER l. c. Tr. LXXXI. §. 21. *Ex oleo expresso fixo cum sale alcalino fixo, uti sapo niger et sapo Venetus.* BOERH. de virib. Medicam. Part. III. c. 6. p. m. 141: *ut ex sale tartari et oleo olivarum fit sapo Venetus.*

\*\*\*) De GORTER ibid. §. 22.

†) Ad inventum GEOFFROY vid. MAQUER l. c.



naceus non amplius inter saponem hujus paragraphi locum habet, sed ad sequentium ordinem potius referendus est.

## XX.

*De saponibus liquidis.*

Praeter modo adductum saponem alii adhuc liquores supersunt, qui commode ad hunc titulum, propter salini et oleosi principii unionem et utriusque sic conjuncti in aqua solubilitatem, referri merentur. Videntur quidem huc accedere varii liquores, quorum supra sub saponibus naturalibus, mentionem fecimus, quales sunt emulsio et sapa: Quia vero haeceducta jam in suis massis, e quibus parantur, ut talia existunt, atque tantum solvuntur, neutiquam vero fiunt, sed per naturam jam existunt, idcirco eadem illuc potius, quam huc pertinere arbitror. Quae e contrario artis beneficio potissimum obtinentur, qualia sunt, quae non nisi praegressa fermentatione, destillando fiunt, uti alcohol et acetum destillatum, huc omnino potius referri merentur. Nollem enim naturae tribuere, quod artis productum est, et, sine hujus auxilio, neque sensibus nudum fisci, neque effectus, quos optamus, edere potest. Saponacea vero, si saponis titulum illis concedere nolles, modo dictos liquores appellare, eo minus dubito, quia alcohol ex acido vegetabili et oleo aethereo enatum, saponis non solum ideam involvit, verum etiam effectum producit, qui est, oleum destillatum subigere, ejusque particulam aquae intergerere \*): acetum autem, ex similibus principiis combinatum \*\*), cum oleo diu coctum similiter aquae miscibilis massa fit \*\*\*), utrumque igitur aptum est, pingua et dissolvendi et aquae committendi. Minus

\*) Olea stillatitia seu aetherea alcohol adulterari solere scimus, quam vero fraudem detegimus, istiusmodi olea immittendo aquae: Tunc enim olea neque fundum petunt, neque innatant, sed aquam turbant, nec amplius, sponte, rota separantur. Vid. RÜDIGER l. c. §. 169. qui §. 618. saponem ex alcohol, imprimis vero spiritu salis Ammoniaci vinoso et oleis dictis parare docet.

\*\*) Aceto pingue inesse, destillatio docet. Vid. RÜDIGER l. c. §. 518.

\*\*\*) BOERH. de Virib. Medicam. p. 141.

adhuc dubitabit aliquis de saponacea aliorum liquorum magis minusve spissorum natura, qui fiunt ex alcali et oleo unitis, utroque scilicet vel et alterutro, volatili quo referendi sunt, *Offa Helmontiana*, *Balsami sulphuris*, *sapo tartareus seu corrector Starkeyanus*, *sal volatile oleosum Angelicae* \*), *tinctura tartari*, *antimonii*, *spiritus salis ammoniaci*. His enim neuter character deest; sive ad principia et compositionis modum, sive ad effectus respicias. Omnes nimirum fiunt ex oleoso atque salino principio, unitis, suntque tactu lubrici et unctuarii, et, cum aqua agitati, aerem irretiendo spumam concipiunt. Quemadmodum vero ex hisce rationibus jam inter saponum ordines stare possunt, ita praecipuus ille character, qui in olei cum aqua combinatione consistit, et praecipue semper respiciendus est, rem penitus conficit. Renuunt quidem dicti saponi liquidi olea expressa, ast recipiunt tamen lubenter olea aetherea eademque cum aqua conjungunt. Sunt praeterea multi adhuc liquores ad saponacea a recentioribus ut plurimum relati, cujus generis sunt, *liquor terrae foliatae tartari*, *sal volatile oleosum* SYLVII, *liquor cornu cervi succinatus*, *liquor mineralis anodynus* HOFFMANNI, *spiritus nitri dulcis*, *spiritus salis ductis*; qui autem omnes liquores cum aqua et oleis expressis mixti colorem quidem suum in albescentem sive feroso lacteum mutant, neutiquam vero oleum penitus subigunt. Neque etiam, quamvis soli de oleis destillatis multum ac promte abripiunt, eadem tamen olea cum aqua facile conjungunt. Quae enim cum hisce institui experimenta, ea facta sunt sine ignis, vel caloris, longioris morae, accessu; quibus tamen in subsidium simul vocatis, unus vel alter dictorum liquorum fortasse posset oleum subigere, id quod sine his etiam adminiculis cum quibusdam melius succedit. Sed vela nunc contraho; illum enim in hac tractatione mihi neutiquam praefixi scopum, quo omnia, quae hic recensui, absoluto in sensu habeantur pro saponibus, in id unice intentum habens animum, ut, quae passim ad saponacearum massarum classem referuntur, experimentis disquirerem, et, quatenus illa

\*) ВОЕРН. Elem. Chym. Tom. II. proc. CXXIII. p. 372. sqq.

huc pertineant, indicarem; plurimis vero virtutem relativam ad hanc vel illam olei speciem adscriberem, nec non, sub motus vel et caloris accedentis aliarumve causarum concurrentium conditionibus, illis singulares virtutes inesse, ostenderem. Quod quamvis hic, propter limitum dissertationis academicae angustiam a me perfici ubique haud potuit, nihilominus tamen spero, fore, quo Benevolo Lectori haec mea de saponibus dissertatiuncula non penitus displicitura sit: Quod igitur si illud impetravero, voti mei compotem me factum esse, arbitror...



XVI.

DR. MATTHIAE A PAECKEN


DISSERTATIO

DE

SALE ACIDO ESSENTIALI  
TARTARI.

GOETTINGAE,

1779.



## DE SALE ACIDO ESSENTIALI TARTARI.

Vt pro dissertatione inaugurali argumentum aliquod quaererem, institutorum academicorum ratio et officium meum a me postulavit. Haecce in causa sunt, cur chemicam corporis non satis hucusque examinati analyfin, publico iudicio subicere iam audeam. Annus iam praeterlapsus est, ex quo, pericula ad hanc disquisitionem necessaria, Berolini cum amico facere licuit; eorum alia iam ante me facta repetii, alia prius tentavi. Eruditionis ostentatio, citatorum (quorum tamen multitudo rarissime multae lectionis certum testimonium esse solet) infinita series, et a notarum copia commendatio, a praesenti opusculo abest. Continet nil nisi experimentorum nonnullorum enarrationem, quam fidam accuratamque esse spondeo; caeterum ut meus conatus non severe diiudicetur sed indulgenter potius excipiat, quam maxime rogo.

Quae in regno vegetabili deprehenduntur salia essentialia acida, non modo ab acidis regni mineralis et animalis diversa, sed etiam inter se inuicem, quamvis multa communia habeant, haud levi discrimine distincta esse, satis constat. Commode igitur pro diversa sua natura in binna genera diuidi posse videntur, quorum alterum, acida volatilia, quae vi ignis, natura non mutata, in sublime tolluntur, complectitur; ut v. gr. *flores Benzoes*, cet. et *aceta* quodammodo: Alterum vero, multo maiorem acidorum vegetabilium copiam comprehendit, quae maiorem aliquem ignis impetum non ferentia, urgente calore, varias ipsorum elementorum mutationes patiuntur. Notissima sunt ex hoc genere: *Tartarus*, *sal Acetosellae*, *Tamarindorum*, *Malorum Citri* rel. *acida*. Horum quoque haud parva est diversitas: differunt vel in hoc, quod alia facillime solidam capiant formam, alia plane respuant.

De *Tartaro*, et in specie de eius *sale acido puro* in hac dissertatione mihi tractare proposui. Ea quidem, quae



de *Tartari* Etymologia, Historia naturali, et usu medico dicenda essent, cum vulgo notissima sint, iterum repetere supersedeo: notionem vocabulo *Tartari* tribuo, quam iam veteres constituere, qui *sal essentielle vini* hoc nomine insigniverunt. Hujus quidem acidi analysi chemicae sequentes pagellae dicatae sunt.

*Tartarum*, ut hoc uno verbo moneam, intelligo illum puriorem, qui vulgo nomine *CrySTALLORUM* vel *CREMORIS Tartari* venit, a quo partes heterogeneae, crudo adhaerentes, separatae sunt. Proxima quidem eius Elementa sunt *acidum essenziale proprium* et *alkali fixum vegetabile*, quocum ex parte tantum in sal medium coit. Acidum illud, si a basi alcalica separaveris, in partes aqueas, terreas et oleosas resolvitur, quorum commune atque arctissimum vinculum est *aër fixus*. Hic in omnibus vegetabilium acidis frequens est, in Tartaro autem incredibili fere copia reperitur: vi ignis fueto expellitur more. Ingens quamvis aëris huius vis expulsa in auras sit, non minor tamen moles residuo alkali arctissime adhaeret.

Quae vulgo adoptata est opinio, qua, inter essentialia et proxima Tartari principia *terram* enumerare solent, argumentis certis destituta est. Licet quidem terram ad remota tartari principia referre, quippe quae necessario tam ad salis alcalici, quam acidi puri substratum constituendum, pertineat: sed iam de his nobis cura non est. Ad regenerandum tartarum, alkali tantum et acido puro, non terra, opus est: ea quae in Tartari cum salibus alcalinis saturatione deprehenditur, pro corpore heterogeneo et alienae a Tartaro indolis, minime pro principio essentiali, habenda est.

Partes Tartari constitutivae omnino hucusque parum accurate cognitae explorataeque fuerunt. Nostro demum aevo extra omnem dubitationis aleam positum est, sal alcalinum Tartari non ab igne generari vel produci, sed naturale eius et fundamentale esse substratum. *Acidum purum Tartari* serius innotuit, quod primus in eo deprehendit SCHEELIUS, Suecus, Vir magni inter Chemicos nominis: Observationum super hoc acido factarum notitiam, novis periculis confirmatam, primus cum erudito orbe:

communicauit Cel. RETZIUS in dissertatione Commentariorum Academiae Suecicae Volumini XXXI<sup>mo</sup>, pro anno MDCCLXX, inserta.

Quae quidem in praesenti libello a nobis exponuntur, non omnino superflua fore speramus, cum partim experimentis observationibusque clarissimorum virorum firmandis inserviant, partim tractatione chemica accuratius instituta, ad melius cognoscendum, illud acidum eiusque in aliena corpora effectus, conferre posse videantur.

*Acidi puri ex Tartaro praeparandi Methodus.*

Duas libras vel Uncias triginta duas *cremoris tartari* soluebam in f. q. Aquae feruidae. In bullientem solutionem immisi Cretae praeparatae eam copiam, qua acidum penitus saturaretur, et cessante efferuescentia, syrupus Violarum colorem iam non mutaret. Ad hoc efficiendum requirebantur nouem cretae huius vnciae. Ab igne remota et refrigerata solutione, in filtrum decanthauit. Terra cretacea acido Tartari nexa instar pulueris grauioris in fundum delata erat, eique incumbibat stratum tenue terrae leuioris, colore cinereo praeditae. Aliquoties cum abluta esset aqua frigida et leui calore siccata, vnciarum triginta trium pondus habebat. Persimilis erat arenae albae minutissimae, et dentibus compressa stridorem quandam ciebat, caeterum carebat sapore. Hanc terram RETZIUS vocat *Seleniten tartareum*, WIEGLEB vero nomine magis accomodato, *tartarum calcareum*. Vncis viginti et vni huius *tartari calcarei*, olei vitrioli partibus octo vel decem aquae destillatae mixti, vnciae nouem adfundebantur: efferuescebant, acidumque vitriolicum, acidum tartari a terra cretacea eo separauit, vt ipsum cum hoc in seleniten transiret. Interiectis horis circiter XXIV. liquorem acidum decanthauit: selenites residuus abluebatur aqua destillata. Acidum Tartari, quod filtrum penetrauerat, idoneis experimentis in hanc rem institutis, acidi vitriolici expers esse deprehendebatur: selenites residuus prunis ardentibus iniectus odorem tartari vsti referebat, eumque leuissimum. Ex hoc periculo mihi constabat, iustam fere acidi Vitriolici quantitatem fuisse adhibitam. Quam ad-

huc parare potuiffem, acidi tartari exilem copiam, cum mihi tantum acidum purum curae effet, facile neglexi.

E pluribus fatisque notis, acidum vitriolicum detegendi methodis, ea, quam RETZIVS Vir cl. proposuit; in hoc nostro periculo visa est ceteris securior. Cum acido, de cuius puritate quaeritur, saturnus ex saccharo suo in aqua destillata soluto, praecipitatur et coagulo inde orto acidum Nitri affunditur. Iam si acidum vitriolicum defuerit, coagulum penitus soluitur, clarum pellucidumque redditur. Contra ea pro acidi Vitriolici copiam coagulo inhaerente, plus minusue insolutum remanet.

Acidum illud Tartari per filtrum separatum, cum aqua ad abluendum tartarum calcareum adhibita, in testa vitrea ad vnciarum circiter triginta duarum pondus concentratum est. In ipsa euaporatione haud magna felentis copia separabatur, a quo acidum tartari, iterata filtratione liberatum erat. Acidum iam ab omnibus partibus alienis purum, leni subieci euaporationi, eoque modo elicui crystallos satis magnas et regulares, figurae variae, maximam partem tamen oblongae, cuspidibus lanceolatis. Probe siccatas cum ponderarem, vnciarum X pondus habere inveni. Hae quidem crystalli tartari acidum purum constituunt. Aëri expositae eadem, permanent formae solidae, et facile in puluerem minutum soluuntur. Liquefcunt linguae admotae, purumque et sincerum earum acidum sapore percipitur.

RETZIVS Vir. cl. narrat, crystallos, quas ipse elicuerit, crinium tenuissimorum formam habuisse: eius vero rei causam quam ipse etiam satis probe suspicatus est, in exigua mole, quae ad experimentum faciendum vltus est, quaerenda.

Priusquam ad acidi puri Tartari tractationem accedam, breuiter de ea Tartari parte dispicere lubet, quae in eius cum terra calcarea saturatione, soluta in lixiuio remanet. Lixiuium illud a tartaro calcareo per filtrum separatum, affusa pariter aqua illa, ad eum abluendum adhibita leniter euaporare coëgi, vnde vncias septemdecim salii medii sicci parauit, quod quidem a tartaro tartarifato naturali non differt. Constat quidem ex sale alcali fixo, quod duabus libris Crystallorum tartari in encheiresi impenso continetur, quodque tantum acidi tartari retinuit, quantum opus est, ad constituendum sal medium purum. Sal hoc



medium fueto more in cryſtallos pulchras mutari poteſt, quae plerumque priſmatum quadratorum longiorum, quorum cuspides ex vtroque latere oblique praeciſae ſunt, figuram referunt, quaeque aëri expoſitae non liqueſcunt. Quod igitur ad figuram hancce attinet, differre *tartarum tartariſatum natium* ab officinali apparet, qui quidem plerumque in cryſtallos lanceolatim coit.

Chemicorum plurimi qui tartari cum terris abſorbentibus ſaturationem tentauere experimentis, ſcriptisque expoſuere, ſeſe in eum errorem induci paſſi ſunt, vt ſal medium ſolubile inde paratum, ſal medium terreum eſſe crederent, cui terra tartaro addita pro baſi ſit. De hac quidem opinione iis tam perſuaſum fuit, vt de ea dubitare nunquam iis in mentem venerit, quod ſi ſemel factum eſſet, experimentis facillime inſtituendis edoceri potuiſſent; tartari ſolubilis, non terram, ſed ſal alcalicum genuinum, conſtituere baſin.

Vt vnum ſaltem huius erroris exemplum aſſeram, lubet ad auctorem prouocare in ceteris praeſtantiſſimum, MACQVERVM, cuius in *Elements de Chymie pratique* Vol. II. Chap. IV. proceſſus primus legatur. Patebit quam falſo et temere terram abſorbentem ſolui penitus perhibeat, ita vt in filtro exigua quaedam remanet terrae copia; cum tamen pondus tartari calcarei inſtar terrae arenosae in filtro remanentis, tres fere partes quartas eius ponderis conſtituat, quod cremor tartari Experimento adhibitus habuit. Probabile mihi videtur, MACQVERVM ipſum quidem periculum huius rei non feciſſe, ſed quae praecipit, auctoritate DU HAMELII et GROSSE inductum, ſcripſiſſe. WENZELIVS etiam, cui ob editum eximium illum *de affinitatibus* librum, maximae debentur gratiae, in eo capite, quo de affinitate tartari cum terra calcarea agit, eundem errorem haud euiſit; quod in tam ſagaci Chemico eo magis mireris, cum magnam pulueris inſolubilis in fundum delati copiam, illius attentionem et obſervationem haud eſſugiſſe videas.

Ad firmandam illam, quae inter acida regni vegetabilis intercedit differentiam, paucis, pericula eodem modo cum ſale *Acetofellae* inſtituta, exponere lubet. Vnciae duae ſalis Acetofellae ad ſaturationem parem copiam certae lotae requirebant. Terra cretacea cum acido copulata, cum probe ſiccata eſſet, drachmarum viginti cum dimidia in trutina aeſtimabatur. Ea quidem non tam arenae al-

bae, cuius formam tartarus calcareus prae se ferebat, quam pulueri cretaceo similis erat, saporemque quendam salinum habebat. Sal medium natiuum lixiuio inhaerens in crystallos satis magnas concreuit, quae non quidem quadratam illam figuram prismaticam tartari tartarifati natiui, sed rhomboidalem potius habebant et vnciae vnus pondus habebant.

*Tartarus* igitur, vt et pleraque salia acida regni vegetabilis, pro sale medio natiuo, acido suo supersaturato, haberi potest. Supersaturationis quidem huius exemplum, etiam inter salia mineralia, in *Alumine* deprehenditur; eo tamen discrimine, vt alumen, acido suo plane saturatum, corpus sit solutu difficillimum, supersaturatum vero (quale est *alumen crudum*,) sal solubile exhibeat. Tartari vero diuersa et opposita est indoles. Basis eius alcalica, si acido suo saturata tantum sit, sal medium praebet, quod ad solutionem vix aequalibus sibi partibus aquae frigidae eget. Nimio vero acido accedente et cum sale medio coniuncto, cremor tartari regeneratus producitur, cuius vni parti soluendae; aequales aquae feruidae partes duodecim ad quindecim vix sufficiunt.

Salis quidem fixi alcalini in tartaro, aliisque vegetabilibus nondum exustis, praeelementia, experimentis certissimis MARGGRAFII aliorumque abunde probata est. Horum argumenta collegit, praestantissimisque suis de salibus alcalicis periculis chemicis, confirmauit Cel. WIEGLEB, omnem quae tartaro inest salis alcalici copiam, ex hoc nullam vim ignis experto elici posse. (vide Exp. 60-65.) Rationem horum in eo reperies, quod acidum minerale potiori gaudeat attractione electiua ad basin alcalinam Tartari, aliorumque salium vegetabilium, quam acidum Tartari. Ad eos tamen, qui in instituendis processibus chemicis a MARGGRAFIO et WIEGLEBIO praescriptis, forte de aliqua terrae calcareae per acidum in sal alcali mutatione, somnianturi sunt, erroris conuincendos, sequens periculum inferuiat, quod forma specieque tantum mutata, eandem sententiam firmat, cum tamen corpus terreum vel aliud adhibitum sit nullum. Vncias duas tartari tartarifati natiui tribus cum dimidia vnciis spiritus nitri dilutas

exposui vt in crystallos excrescerent. Mox crystallos Nitri regenerati in conspectum venire, quae post repetitam evaporationem, quam fieri potuit diligentissime collectae, deinde aqua pura solutae, iterum crystallifatae atque siccatae, drachmarum decem pondus habebant. Ex ista crystallo-  
rum nitri quantitate facile supputando reperietur, ex vnciis tartari tartarifati septemdecim (quae salis medii natiui, ex duabus libris crystallo-  
rum tartari educti quantitas est) eodem, quem enarraui, modo tractatis, vncias Nitri puri decem, drachmas quinque potuisse parari. Ad elicien-  
dam hanc Nitri quantitatem opus esse videtur salis alcalici fixi, aëre fixo saturati, vncias circiter decem cum dimidia, quae pondere fere aequant, salis alcalini ex duabus crystallo-  
rum tartari libris per calcinationem parandi, quantitatem, si exiguam illam partem subtraxeris, cuius iactura in ipso processu instituendo euitari non potest.

Auctorum nonnulli v. g. NEVMANN, alique, dissua-  
dent tartarum tartarifatum in crystallos mutare; arbitran-  
tes liquefieri facile, et crystallos non esse amplius sal me-  
dium, sed potius tartarum ab alcali iam separatum. Hoc  
vero falsissimum; cum contra ea persuasi simus, parari pos-  
se per crystallisationem, sal medium purissimum, ea ta-  
men conditione, vt saturatio accurate sit instituta.

#### *Experimenta cum acido Tartari instituta.*

Drachmas duas *salis acidi tartari puri et crystallifati*  
in retortam paruam per se destillandas immisi. Leui ca-  
lore iam liquefcere et ebullire coepit acidum, mox in-  
gruente calore, cum spuma permulta sursum extolli visum  
est. Spiritus quidem empyreumaticus cum oleo in vapo-  
res albos spissosque transit, quorum odor nares vehemen-  
ter pungens, mihi exusti sacchari potius quam Tartari ae-  
quare odorem videbatur. Retortam, quae per dimidiam  
horam adhuc prunarum igne incanduerat, confregi, atque  
in ea vix aliquot fauillae leuissimae rufescentis grana in-  
veni, quae saporem alcalinum habebat nullum. Num ve-  
ro his fauillis inhaereat terra quaedam vitrescibilis, quod  
ita se habere RETZIVS Vir cl. perhibet, in exili ista copia  
explorare mihi non licuit.



Ad indagandam aliquo modo *aëris fixi* acido tartari inhaerentis copiam, drachmam dimidiam huius acidi, in parvam retortam, cui vesica alligata esset, immisi. Mox leui adhibito calore vesica intumescerebat, vix tamen excipiendo omni aëri sufficiebat. Quo cum lagenam implevissem, in spatium sedecim aquae vnciarum capiens, hunc aërem extendi, deprehendi. Fracto per incuriam vase, aër, cum eius proprietates essem exploraturus, dilapsus est.

Acidum tartari *dulcificationi* cum spiritibus inflammabilibus nullo modo aptum est, quia ut cetera salia vegetabilia (de acido enim volatili e vegetabilibus per fermentationem parando i. e. de aceto iam non agitur) in statu quidem naturali nimis iners, vel ut ita dicam fixum est; maiore vero aliqua ignis vi nimis facile commutatur vel destruitur. Salis acidi tartari partem vnam perpauca aqua ad solutionem concentratam redactam, duabus alcoholi vini partibus admiscui, diuque leui igne calefeci, quo facto postea spiritum vini abstraxi nihil omnino mutatum.

D. SCHIFFEL in Dissertatione *de acidis concentratis et dulcificatis, speciatim de vegetabili fumante et dulcificato* Halae 1759 habita, in Spho XI ma processum chemicum proposuit, quo ex tartaro tartarifato, acidum tartari per distillationem mediante oleo vitrioli, concentratum elici posse perhibet, eodem fere modo quo alcohol aceti e terra foliata tartari paratur. Quamvis equidem, cum eiusmodi tractationem chemicam salium essentialium vegetabilium naturae, propter illam in igne destructionem, minime accommodatam esse intelligerem, iam antea de successu experimenti eius felici dubitarem, tamen periculum ex auctoris illius sententia facere decreui. Sed eo instituto, tale acidum minime paravi; odor enim suffocans, satis certe mixturam acidi sulphurei cum spiritu tartari empyreumatico, prodidit. Mixtura illa quamvis usus essem retorta maxima, caloremque leuissimum applicuissem, tantam spumam emisit, ut distillationi finem imponere coactus fuero, cuius continuatio nullius quoque fuisset utilitatis, cum statim abunde edoctus essem, quam vana et inutilis esset auctoris eius praeceptio.

*Pericula de acidi tartari puri in alia corpora effectibus.*

Cum salibus alcalinis coniunctum hoc acidum producit salia media pura, quae in solidas et regulares excrescunt crystallos.

Drachmae duae *salis tartari* purissimi in aquae destillatae s. q. solutae, ad saturationem egebant *salis acidi tartari crystallisati et sicci* granis centum duodecim cum dimidio. Pauca grana lenioris terrae, qualem alcalia vegetabilia in saturatione cum acidis emittere solent, fuoto more in fundum deferebantur. *Tartarus tartarizatus* inde natus, lenique calore siccatus drachmarum trium pondus habebat. Ad componendam igitur tartari tartarizati vnam vnciam, opus est *salis acidi tartari crystallisati sicci* drachmis quinque, et *alcali puri vegetabilis* fixi drachmis quinque, scrupulo vno. Drachmas tres *salis* medii inde parati iterum solui et ad crystallisationem disposui; forma crystallis tartari tartarizati propria excrescebat.

Drachmae duae *salis alcali mineralis crystallisati et sicci* ad saturationem indigebant *salis acidi Tartari crystallisati* granis centum quinque. Ex his crystallorum perpulchrarum *salis Seignette* simillimarum paravi drachmas duas et scrupulos duos cum dimidio.

Ad drachmas duas *salis volatilis ammoniaci siccissimi* saturandas opus erat *salis acidi tartari purissimi crystallisati* partibus anaticis. Paratus inde *tartarus solubilis genuinus*, qui et *tartarus ammoniacalis* vocatur, in crystallos pulchras polyedras, eodem drachmarum duarum et scrupulorum duorum cum dimidio pondere, excrescebat.

In huius acidi tartari cum salibus alcalinis saturatione, peculiari cautione curandum est, vt saturationis punctum accurate reperiatur. Si enim acidi paullulum abundat, *cremôr tartari regeneratus* prodit, de quo infra pluribus dicendum est. Qua de causa praestat immittere acidum in salium alcalinorum solutionem; minus bene feceris, si salia alcalia in acidum indideris, quoniam hoc modo mixtum acidum, cum primis quae immittantur *salis alcalici* portionibus, statim coagulatur.

Quod ad effectus acidi nostri in *terras* et inter eas in *terram calcaream* attinet, ex processu *salis acidi tartari* parandi supra proposito, satis iam patet *terram calcaream* perlubenter imbibere hoc acidum, atque eandem cum acido coniunctam, constituere sal medium terreum solutum difficillimum. Nouem vnciae cretae lotae in solutione tri-

ginta duarum vnciarum cretæ tartari, vncias viginti tres tartari calcarei praebuere. Cum iam vnciam dimidiam huius cretæ cum acido tartari puro saturarem, tartarus cretaceus qui praecipitabatur sufficienter lotus siccatusque pondus drachmarum decem habuit.

Data hac occasione opportuna, commendationem lotionis et edulcorationis cretæ periculis adhibendæ, non inutilem esse credo. Cretam enim præter arenosas partes, etiam salium alienae indolis vestigia e. gr. salis communis, alcali volatilis etc. continere deprehendi. Cum vero ad educendum aërem fixum plerumque adhibeatur creta, fieri non potest, quin aër partibus istis salinis crudæ cretæ inhaerentibus, polluat.

Acidi Tartari cum terra calcarea affinitas remotior est quam acidorum mineralium; propior tamen quam aceti cum eadem affinitas. Acidum quidem Vitriolicum tartarum calcareum dissoluit, cum eius basi separata in seleteniten transeundo; sic terræ calcareæ in acido Nitri vel Salis solutiones, acido Tartari non turbantur, contra ex aceto statim praecipitantur. Drachmam vnam *testarum ostrearum* purificatarum in aceti vini destillati et frigore concentrati s. q. penitus solui, et acidum tartari in aqua destillata solutum affudi, ea copia, ut nihil amplius in fundum deferretur. Tartarus calcareus sic paratus, perfecta ablutione et exsiccatione necessaria, drachmarum duarum, granorum viginti et quatuor pondus habuit. Deinde ut solubilitatis quæ in *tartaro calcareo* est magnitudinem competentem haberem, drachmas duas, vncias quatuor aquæ destillatæ mistas, in cucurbita per dimidiam horam coctas ponderavi, eiusque grana decem soluta reperi.

*Terram muriaticam* acidum tartari magna cum effervescentia adoritur, ea saturatur et maximam partem tamquam corpus solutu difficile in fundum delabitur.

Paratum est duabus drachmis *salis amari Magnesiæ* cum acido tartari probe saturati, sal medium terreum quod insolutum manserat, granorum centum triginta quatuor pondus habuit. Haec quidem *Magnesia tartarificata* plus saporis salini quam tartarus calcareus prodidit; forma arenae, quæ huic propria est, caruit, cum in solidius potius frustum exsiccata esset. Eadem facilius aqua soluebatur,



quum liquidum per filtrum separatum in ipsa euaporatione crustam crystallinam lutei coloris induebat, intermixtis tenerrimis spiculis; residuum in massam terream saporis acidi transit.

Ex omnibus quidem corporibus terreis *terra aluminis* penitus sine praecipitatione soluitur. Terrae huius ex alumine romano per praecipitationem cum alcali fixo paratae, probeque edulcoratae, portionem madentem adhuc, in acidi tartari solutionem concentratam immisi; mixturam hanc coloris lactei, leni calori exposui, cuius quidem vi terra aluminis sensim soluebatur, ita vt mixtura, quamquam dominante acido, redderetur clara et aquae instar pellucida. Eiusdem terrae tantum addidi, quanto ad acidum saturandum opus esset; liquorem per filtrum decanthavi: solutio penitus saturata peculiarem quendam saporē adstringentem retulit, cuius in linguam effectus satis diu permanebat. Per euaporationem exsiccata est in massam claram coloris flauī viridis facile comminuendam, gummi arabici figuram referentem.

Si Cryſtalli Tartari cum alcali aliquo saturantur, separatur terra quaedam minuta, cana; cuius fere drachmae tres ad quatuor continentur libra vna crystallorum tartari, quae indolis est calcareae et argillaceae. Ea, quo tandem modo crystallos tartari intrauerit (partem enim eius essentialē putare nequeo) forte explicari potest. Notum est in fabrica Montis Pessulani in qua crystalli tartari conficiuntur, ad facilitandam partium faeculentarum oleosarum et sordidarum a crudo tartaro separationem, adhiberi terram quandam argillaceam. Cum vero, quod ex superioribus patet, terra aluminis ab acido tartari in continenti soluat, idem fieri in depuratione tartari crudi ope terrae argillaceae concludere licet. Huius quidem terrae, quae a crystallis tartari discernitur, sub terrae inflammabilis nomine mentionem fecit Cl. WENZEL, eo ductus, quod eam in candenti lamina splendentem viderit. Sed si accurate rem inspicias, non terra ipsa ignem lucemque emittit, sed partes oleosae inflammabiles, quas e tartaro imbiberat. Ex quo etiam patet, cur in periculo eiusdem viri in tartaro et terra aluminis facto, eadem terra inflammabilis in conspectum non venerit; cuius quoque quantitatem in Cryſtallis tartari non semper eandem esse, notauī.

In Corpora metallica effectus paucos adnotatione dignos habet acidum tartari.

In *Aurum* quidem nullam vim exferit, nec eius solutio in aqua regia per acidum nostrum mutatur. Idem valet de *argento*, eiusque in acido Nitri solutione.

In *Mercurium* habet effectum, non quidem in forma soluta, sed sicca potius. Acidi Tartari crystallisati partes duae facile per triturationem cum vna mercurii viui parte copulantur; globuli mercuriales mox euanescent et puluis inde paratus colore Aethiopis saccharati est, quem *Aethiopem tartarisatum* vocare liceret. De cremore tartari notum est, bene ab eo per triturationem extinguí mercurium. Si mercurio ex acido Nitri per alcali fixum praecipitato, vel mercurio per se calcinato, vel mercurio praecipitato rubro, affundatur salis tartari acidi solutio, cumque eo digeratur, mercurialia, mutato colore, cum parte acidi tartari coniuncta, tamquam grauiora praecipitata, colore luteo in fundum deferuntur. Enimuero solutio mercurii sublimati in aqua destillata, cum acido tartari mista, non mutatur. Mixturam eiusmodi quum leui calore euaporare coëgissem, primo quidem mercurius sublimatus, in suetas crystallas excreuit, postea acidum tartari per se crystallorum formam induit.

Diuerfa ratio est Mercurii in acido Nitri soluti. Drachmae vni mercurii in s. q. acidi nitri solutae, affundebam solutionem acidi tartari, quo facto, Mercurius instar pulueris grauioris, enituit, et vitri lateribus satis firmiter adhaesit: puluis aqua edulcoratus et deinde siccatus pondus granorum septuaginta duorum habuit. Huius praecipitati partem in cochleari argenteo prunis euaporandam imposui, residuum erat cineris paululum: cochleare vero colore aureo superinductum erat, qualis a Mercurio tartarificato Constantini produci solet.

I. Is quidem *Mercurius tartarificatus Constantini*, argumentum constituit satis celebre, epistolarum illarum alchymicarum ab auctore periculis chemicorum de calce, Hanouerae, 1767 editarum. Eundem, ex mixtura supra memorata mercurii sublimati et salis acidi tartari parauí; euaporatam scilicet illam massam crystallinam in aquae feruidae s. q. solui, exque binis mercurii drachmis, et salis acidi tartari crystallisati granis sexaginta octo constabat. Addidi salis tartari grana septuaginta duo, quae quantitas, ad acidum salis marini quod in his duabus mercurii

sublimati drachmis in erat saturandum, requirebatur. Mixture quam maxime efferbuit, et colorem amoenum auranteum induit, qui tamen cessante efferuescentia rursus euauit. Quo facto fluidum percolauit et calori exposui. Interiecto aliquo tempore Mercurius cum acido tartari coniunctus, instar pulueris argenti in fundum deferabatur. Illam in litteris memoratis commendatam virtutem *chrysopoeam* vere huic pulueri inesse, affirmare equidem nollem; tartarum tamen in conatibus veterum alchemicis non vltimas sustinuisse partes, certum est.

II. Mentio hoc loco facienda esse videtur differentiae satis notabilis, quae inter *acidum tartari* et *acidum salis Acetofellae* intercedit, quando cum mercurio coniunguntur. Ea quidem est eiusmodi: quum Mercurius tartarificatus in cochleari prunis impositus placide euaporet, idem metallum cum acido salis Acetofellae coniunctum, *mercurium fulminantem* genuinum praebet. Ad quem eliciendum, parandum est primo loco ex sale Acetofellae et sale tartari, sal medium purum, vel potius adhibendum est sal medium crystallisatum natium, quod inest sali Acetofellae, quodque ex lixiuio salis Acetofellae cum terra calcarea post saturationem residuo, educitur; cum hoc sale medio praecipitetur Mercurius ex acido nitri, edulcoretur et siccet. Is quidem satis bene fulminat, a fragore tamen illo quem aurum fulminans edere solet, longissime abest; maiori etiam calore ad fulmen ciendum opus est. Eodem modo *argentum* quoque *fulminans* reddi potest, eius tamen effectus multo imbecillior: dirumpitur enim tantummodo instar pulueris terminalis. Memorabile hoc phaenomenon diligentiore et accuratiore disquisitionem mereretur.

Acidi tartari vim aliquam esse in *Cuprum* forma metallica, non inueni: Cuprum enim in acido Nitri vel Salis solutum, non turbatur. Interiecto tamen aliquo tempore crystalli nonnullae paruae, virides, regulari forma carentes, in fundum deferuntur. *Calx Veneris* e Vitriolo veneris per alcali fixum praecipitatum, cum acido tartari digesta, solutioni per filtrum colatae colorem viridem tenuem praebuit, quae tamen per euaporationem in coagulum subuiride albicans transit.

*Ferrum* ab acido tartari cum lenta efferuescentia adortum soluitur; quod solutum est, pulueris grysei granulati forma in fundum desertur. Drachmae vnus *limaturae Martis* pars non soluta, vna cum puluere crystallino praecipitato, lota et siccata, octoginta quinque granorum pondus habebat. Tenue tantum fuit in lixiuio ferri ve-



stigma, et parum retulit saporis martialis: idem cum decocto gallarum colore aliquo conspicuo haud tinctum est. A *croco Martis* e vitriolo Martis per alcali praecipitato, acidum tartari cum eo digestum, colore tinctum est, purpureo, et leui calore exsiccatum, in massam coloris hepatici resinofam transiit. *Tincturae Martis alcalinae Stahlian* affuso acido tartari, statim *cremor tartari, regeneratus* in fundum delapsus est: colorem a particulis ferreis subfuscum duxit.

*Stanno* in acido salis soluto, acidum tartari affusum non turbatum est, sed euaporationi subiectum in solutione stanni, quae clara et pellucida manserat, in crystallos excreuit.

Maior vero acido tartari cum *Plumbo* est affinitas. Minium enim cum acido tartari digestum, amisso colore rubro, cum acido coit. Saturni in acido Nitri facta solutio, acido tartari accedente, ex parte praecipitata est: maiori vero copia saturnus ex solutione sacchari sui praecipitatur. De qua re iam supra, cum de puritate acidi tartari exploranda ageretur, quae scitu essent maxime digna, exposita sunt. Non praetereundus tamen est error in methodo a KERZIO proposita obuius, isque in eo positus quod in §pho 15ta et 16ma ad soluendum saturnum tartarifatam, acidi nitri puri loco, acidum salis, aquam regiam et acetum concentratum commendet. Acidum enim Salis fortiori gaudet ad saturnum attractione electiua quam acidum tartari; et saturnus cornuus ex illo ortus, tanquam corpus solutu difficile, huic experimento, de quo agitur, minime idoneus est. Acetum vero minorem cum plumbo habet affinitatem, adeoque acidum tartari illi eripere non potest. Coagulum enim, siue saturnus tartarifatam, a nullo acido, quamuis in omnibus non eadem causa suppetat, excepto acido nitri soluitur.

Ex omnibus metallis in *Zincum* maximam vim exserit acidum tartari, cum eo tamen instar magisterii albi in fundum defertur. Drachina vna limaturae Zinci, cum hoc acido per binos dies fortiori digestionem exposita, praecipitatum eius metallo ipsi non soluto mixtum, graiorum centum quadraginta pondus habuit. E florum Zinci in

aceto solutione, Zincum, acidi tartari vi, instar pulueris crystallini albi; praecipitatum est.

Omnino quidem, vt vniuerse hoc moneam, ea methodus acidum tartari corporibus metallicis vel terreis applicandi prae ceteris praestantior mihi videtur, qua illa corpora, eo, quo par est modo, in acido aceti concentrati soluuntur, ex solutione postea cum acido tartari praecipitantur.

Vltimo loco de *regeneratione* crystallorum vel Cremoris tartari, siue quod idem est, de eorum ex acido puro et sale alcali fixo *Synthesi*; paucis monere libet. Si acido tartari cum sale alcali probe saturato et in sal medium conuerso, addatur adhuc aliquantum acidi, hoc cum sale medio copulatum, cremoris tartari forma in fundum deferatur. *Cremor tartari regeneratus* ex drachma vna salis alcali fixi, cum sale acido tartari, modo supra enarrato, superfaturati, paratus, cum aqua lotus et siccatus esset, drachmae vnius scropulorum duorum pondus habuit.

Drachma vna *salis alcali mineralis ficci* eodem modo superfaturati, exhibuit grana tantum quinquaginta; a liquido euaporato grana octodecim crystallorum minutorum parauit.

E *salis alcalini volatilis* Drachma vna acido tartari superfaturati, grana nonaginta septem elicui; in evaporatione liquidi in crystallos excreuere grana duodecim. *Cremorem* ex hoc sale paratum RETZIUS *Cremorem tartari volatilem* nominat.

Eadem regeneratio tartari peragi solet, admisto salibus mediis, v. gr. *tartaro tartarificato natiuo* vel *officinali*, *tartaro solubili*, *salis Seignette*, quouis acido vel minerali vel vegetabili, vel acido phosphori. Inualuit huc vsque opinio, qua praecipitatio. Cremoris tartari, per nimium acidum salibus mediis acidum tartari continentibus additum, pro certo illius sententiae argumento habita est, tartarum inter omnia salia, affinitatem minimam cum salibus alcalinis habere. Haec vero sententia ex parte tantum vera est. Additum enim illud acidum (quod RETZIUS Vir. cl. bene obseruauit) ea tantum cum parte salis alcali coniungitur, quae in sale medio, praeter illam quae

tartaro constituendo necessaria est, superflua deprehenditur. Si tamen ex data Tartari quantitate, omne acidum educere placeret, ratio huius rei efficiendae optima foret ea, ut lixiuio ex acidi cum terra calcarea coniunctione residuo, et sal medium continenti, acidi alieni v. gr. Nitri vel Salis communis, aliquantum, usque ad finitam cremoris tartari regenerati praecipitationem, affundatur; quocum tartaro tartarifato regenerato, nec non cum tartaro tartarifato residuo, eodem quo antea modo procedendum.

Ex sale medio quoque e sale acetosellae excreto, et pariter acido aliquo superfaturato, sal acetosellae regeneratum, paratur.

Acidi tartari cum metallis, salibus alcalinis, terrisque affinitatem accurate inuenire, ob propriam illius indolem non licet, qua illis corporibus maiore quam qua ad saturationem iustam opus est, copia, adhaerere, et cum iis praecipitatum solutu difficile constituere solet. Quod in specie effectum huius acidi puri in corpora metallica attinet, certum est, acidum cum alcalina basi coniunctum, multo efficacius quam sine ea esse. Satis notam illam vim, quam tartarus crudus in martem, venerem, aliaque metalla exserit, immo vero metallorum in tartaro solutionem, ex parte, proprie sali medio nativo tartari tribuere licet. Nimis ampla pro huius libelli limitibus effectuum acidi tartari cum basi alcalica coniuncti, in metalla foret expositio; quamvis in hoc etiam multa nondum satis explorata et disquisitione accuratiori digna inesse non dubitem. Haec quidem pro fine, quem mihi proposueram sufficientiant: eorum quae exposui nonnulla usum aliquem in re medica habere persuasus sum. Illustris BALDINGER Praeceptor pie venerandus in additamentis ad Pharmacopoeam Edinburgensem *sal essentielle acidum tartari* iam enumeravit. Pharmacopoeae Suecicae et Rossicae eidem acido honorificum praebuerunt locum: plura certe huius acidi praeparata in dispensatoriis recenseri mererentur.

---



XVII.

DR. PETR. REMIG. FRANCISC. DE PAULA  
WILLEMET

DISSERTATIO

DE

FRIGORIS, USU MEDICO.

N A N C E I I,

1783.

THE UNIVERSITY OF CHICAGO

LIBRARY

1910 MAR 10 1891

## P R O O E M I U M.

## I.

Quo medicamenta simpliciora, quo inventu faciliora, eo sunt maxime feligenda. Non ad longinquas regiones eundum, ut aeger curetur; verum alma natura homini aegrotanti remedia potiora in natali solo ministrat. Adiunt undique stirpes salutiferae, sed praesto est potissimum diæta et usus opportunus accomodatusque rerum communium. Iam diu decantatum est:

Si tibi deficiant Medici, Medici tibi fiant

Haec tria: mens hilaris, requies moderata, diæta.

Equidem si opportune res vulgatissimas adhibere noveris, saepissime sufficient in morbis depellendis; quod ad probandum de frigore, in hoc tentamine, aggredior.

## II.

*Frigoris definitio et effectus.*

Frigus, secundum Physicorum definitionem, nihil aliud est, quam imminutio caloris, scilicet proprietas in corporibus mere relativa. Sic omnia corpora, in quibus calor minor adest, quam in homine, nobis sunt frigida. Frigoris qualitas praecipua est corpora adstringere et unire. Per ejus vim, solida majorem consistentiam firmitatemque suscipiunt, fluida vero condensantur, consolidantur, gelascunt; aer ipse, fluidum tenuissimum, condensationem citissime experitur. Ex his tribus effectibus, quos etiam corpus humanum praeclare persentit, derivantur plurimae proprietates Medico non negligendae. Scilicet, ex primo effectû, frigus fibræ tonum inducit, eas adstringit, roborat, quandoque stimulat; ex secundo, sanguinem humoresque nimium rarefactos et calidos condensat, refrigerat, sedat; ex tertio, aerem, intra corpus noxium, ad minus volumen reducit, et saepe expellit. Inde fit ut frigus non immerito referendum sit inter remedia tonica, roborantia, adstringentia, reperiçientia, antiseptica, stimulantia, evacuantia; inter refrigerantia, sedantia; atque tan-



dem inter carminantia, et ea, quae morbis, ex nimio aëris intra corpus volumine ortis adversantur.

Non has varias virtutes singulatim persequemur; sed morbos exponemus in quibus, illarum ope, frigus competit, et non raro plures simul indicationes adimplet. Experientia freti, theoria ex primis physicae lineis deprompta suffulti, brevitatem affectabimus, cum et intelligenti pauca, nec otium, nec praxis, nec opusculi forma, nec ingenii vires nobis maiora permittant.

### III.

#### *Diversi modi frigus administrandi.*

Variis modis frigus aegrotantibus administrari potest, nempe mediantibus aëre, aqua, glacie, nive, et medicamentis frigidis.

Aër frigidus, saeviente hyeme, facillime admitti potest. Sub aestate vero, ut solebant antiqui, „in subterraneo loco aeger decumbet, et pavimento aqua frigida conspergetur, ut aër hinc frigidior evadat. Aqua etiam „ex aliis vasis in alia decidat. . . Praestat adhuc, si aërem „ita immutes, ut non modo refrigerare corpus, sed etiam „corroborare possis, id quod fiet, si pavimento injicias refrigerantium aliqua, aut rosas, aut semperviva, aut rubum, aut lentisci turiones, aut vitis capreolos, aut simile „quoddam, tum ad refrigerandum, tum ad robur inducendum efficax.“ ALEXANDER TRALL. pag. 722, edit. Guinter.

Aqua minimum ad gradum trigesimum thermometri FAHRENH. frigebit: secus enim effectus minus certos ad scopum propositum ederet. Sub forma potus, balnei, fustus, clysteris, adhibenda venit, frigoris gradu a Medico, pro necessitate, aucto.

Glacies, seu aqua congelata, propter maiorem frigiditatem, in casibus ubi maximum frigus conciliandum erit, est usurpanda. Methodos artificiales glaciæ obtinendae et aquae refrigerandae non trademus. De illis vide Physicorum scripta et *Dictionn. encyclopedique*, sub voce FROID, *Physique*. Ad aquam refrigerandam, glacie vel nive tantum utebatur R. P. Bernardus-Maria de CASTROGIAANNE;

Siculus, ex Ordine Capucinorum, qui, aquae gelidae ope, morborum curationes permultas, quandoque mirificas, nobis saepe laudandas, obtinuit.

Nix, ex aquis atmosphaericis congelatis formata, eosdem<sup>us</sup> usus ac ipsa glacies praebet. Ejus ope frictiones potissimum sunt institutendae.

Quoad medicamenta frigida, non in illis operam ponemus, quae dissertationis integrae darent argumentum. Si Medicus pro quadam indicatione adimplenda, illa adhibere vellet, recurrere potest ad acida, ad nitrum, ad fructus aquosos frigidos, melonem, citrullum, etc. etc.

#### IV.

##### *Cautelae in administratione frigoris necessariae.*

Sciunt omnes nullum esse remedium quod indiscriminatim adhiberi possit. Quandoque, in morbis qui frigoris auxilium vulgo postulant, dantur contraindicationes, quae eodem abstinere cogunt. Praecipuae sunt idiosyncrasia subjectorum, quorum nervi ab illo semper male afficiuntur, et praesentia inflammationis. Frigus proclivitatem ad inflammationem ipsamque gangraenam saepe curat. Sed, ut alia adstringentia antiseptica, praesentem inflammationem adauget. Alias minoris momenti contraindicationes frigoris lectorum sagacitati relinquimus.

#### V.

##### *Frigoris usus in febris.*

Frigus mirabilem utilitatem praebet in illis febris continuis, sub quibus aegri ardorem vehementem sentiunt, et dira siti excruciantur. Tunc enim cum natura, materiae morbificae expulsionem omni ope moliens, summum calorem producat, frigus, optimum antiphlogisticum, nimium ignem temperat, simulque tamen ob vim tonicam omnibus organis impertitam, evacuationes\*) pro-

\*) HIPPOCRATES, *de morb. cap. ult.* de potibus frigidis agens: „Multos autem edunt effectus: alii siquidem mictionem provocant, alii alvi dejectionem, alii utrumque, alii neutrum, sed tantum refrigerant.“

vocat, pro unico fere remedio \*) adhibendum. In febribus ardentibus igitur, quae, inter alias synochos, enarratis symptomatis insigniter distinguuntur, cavendum est ne aeger lecto incarcerationis sub linteorum copia magis ac magis calorem contrahat, et saepe refrigerandus est aer: sed tunc potissimum administranda venit methodus, qua frigus ad interiora tuto, cito, et jucunde perveniat; scilicet exhibenda est aquae frigidae potio, quam aegrotantes etiam ex naturali instinctu magnopere appetunt. Veteres\*\*), Arabes\*\*\*), et quidam ex recentioribus †) ejus efficacitatem in hujusmodi morbis agnoverunt; at non eadem est illorum sententia de tempore exhibitionis, AVICENNAS; et caeteri Arabes bibendam frigidam continenter toto morbi decursu jubent, dum contra CELSUS, AETIUS et LOMMIUS contendunt, in exhibenda frigida, cavendum esse a principio atque incremento febris, sed totius morbi particularisque exacerbationis vigorem deligendum. *Cru-da enim, aqua, inquit LOMMIUS †), maturationi officit humorum, ideoque non recte dari, nisi in statu, qui absolutam exhibet concoctionem, potest.* Credimus equidem quod in his temperatis regionibus, imprimis quando febris non

\*) GALEN. *Meth. med.* l. 9. „Maxime vero continentium februm remedia, haec duo sunt detractio sanguinis et potio frigida.

\*\*) HIPPOCRAT. *de morbis*, l. 3. circa finem. GALEN. *Meth. med.* l. 9. c. 5. *De consuetud.* c. 1. *De simpl. med.* fac. c. 30. In hoc ultimo loco notanda sunt GALENI verba: *Non solum audacter dedi in causo, sed et aegrotantis familiaribus dixi, moriturum nisi Frigidam biberet: et omnes, cum Deo dictum sit, evaserunt.* Vide etiam PAUL. AEGIN. *ardent. curat.* c. 29. ARETAEUM, l. 2. c. 4. CELSUM, l. 3. c. 7.

\*\*\*) RHAZEUS *ad MANSOREM*, lib. 10. et in *lib. divisionum* AVICENN. *canon.* lib. 4. AVERRHOES, colliget l. 5.

†) FERNEL. *Febr. cur. meth.* p. 308. SCHELHAMMER. *de genuina febr. cur. meth. part. 3. sect. 3.* LOMMIUS, *de curand. febr. contin. sect. 3. c. 2. et 3.* HOFFMAN. *de febr. ard.* p. 113. R. P. BERNARDUS, cujus felices curationes in variis collectionibus videndae sunt, scilicet *Mercuri de Fr.* 1724 et 1725, *Biblioth. de med. Clar.* PLANQUE, sub voce *Glace*, et *Vert. medic. de l'eau comm.* 1. 2. p. 467. et seq. BOISSIEUX, *meth. rasfr.* p. 105. G. G. RICHTER. *Opuscul.* 1. 2. p. 27, etc.

††) *Loc. cit.* p. 144.



maxime ardet, abstinendum sit a nimia Frigidæ potionis in principio morbi; sed sub calidiore coelo, ubi ardor semper adest in summo gradu, Medicus eidem, toto morbi decursu, indulgere potest et sæpe debet; quod confirmant felices curæ Arabum et praxis R. P. BERNARDI, aquam gelidam aegrotantibus in insula Melita pro unico remedio ministrantis. Neque hic dissimulandum est VAN SWIETENIUM \*) methodo nostræ adversari. Veterum testimonia agnoscit, et tamen, nulla experientia fretus, infirmare tentat, additque: *patet facile, quanta mala metuenda sint, si aestuanti a febre corpori gelidus potus assatim ingereretur.* Verum, quod tanti viri pace dictum sit, non idem metus adest de potus frigidi exhibitione in aestu febris ardentis, ac in calore a corporis exercitio procedente. In statu febrili multo major est ardor sanguinis, quam ut subito vincatur aqua frigida, superveniantque gravissima symptomata, quæ in statu sano subitum frigus post calorem vulgo sequuntur. Imo in peste aegri quandoque sani evaserunt ope Frigidæ. Tria exstant exempla apud HANCOCKIUM \*\*), et AVICENNAS, de cura pestis \*\*\*), *aquam plurimam frigidam subito esse valde jvativam* asserit. Illud emolumentum insuper habet frigus, in peste, quod sub forma frictionum glacie operatorum, vim antisepticam exercendo carbones curet. Cl. SAMOILOWITZ †) hoc remedium, ab ipsa Ruthenorum Autocratissa indicatum, felicissime adhibuit.

Nec tantum febri ardenti conducit frigus. Sæpe sub forma pediluviorum, femicupiorum, balneorum in ephemera et synocho simplici emolumentum ††) fecit. Aeger quidam †††), synocho simplici cum delirio laborans, in puteum sese præcipitem dedit, sicque sanatus est. In febre variolosa RHAEZUS \*) aquæ frigidæ potionem suadet, additque illam magis etiam convenire ei qui morbillis aegro-

\*) Comment. 2. 2. §. 604. et §. 743.

\*\*) Febrifug. magn. p. 271.

\*\*\*) Canon. lib. 4.

†) Vid. *Lettres sur les experiences des frict. glacial.* 1782. Varia diarria recentissima ejus successus iterum celebrant.

††) BOISSIEUX, *Meth. rafr.* p. 19.

†††) *Jour. de med.* 2. 30. p. 127.

\*) RHAEZ de variol. edit. Goetting. 1781. p. 62.

tat, quam variolis laboranti. Cl. PAULET \*) in hocce ultimo morbo eandem saepe et paucis portionibus sumendam jubet. BERNARDUS Capucinus \*\*) etiam variolas aqua gelida curabat, et aegrorum facies nunquam foedabatur.

In febribus putridis gelidum potum aegris illum appetentibus permittit RICHTERUS \*\*\*), et equidem hujus utilitatem Cl. NICOLAS †) in seipso et in aliis tali morbo laborantibus expertus est. Felices quosdam successus Frigidae in malignis, vide apud HANCKOCKIUM ††). Eam Celeb. SARCONE, imprimis in febribus putridis malignis, ob solidorum atoniam et nervorum debilitatem †††), commendat. Fomenta frigida in febribus malignis suadet RIGLERUS *epi. Siles. p. 22. et 62.* Et in eodem morbo Americani aegrotantes in aquam frigidam mergebant; *vid. ROBERT trait; etc. t. I. p. 369.*

Pro curatione febris biliosae, ubi magis ad vomitum et diarrhaeam compescendam, quam ad febrilem motum coercendum respicere oportet; id optime prestabit, ut testatur Cl. VOGEL \*), potus Frigidae copiosus, quem dudum laudaverat \*\*) HIPPOCRATES in tali febre. Hujus reliquias, ex debilitate procedentes, Celeb. TISSOT \*\*\*), praesertim juvante balneo frigido expellit, et toto morbi decursu †) aërem, quantum potis est frigidum et saepius renovatum, in cubiculo admitti jubet.

Veteres ††) hecticam in primo gradu frigore fere solo sanabant. Aëre refrigerato, balneis et potibus frigidis maximo cum successu utebantur, et nil impedit quin eorum vestigiis insistamus.

\*) *Hist. de la pe. ver. t. 2. p. 57. et 77.*

\*\*) *Vert. de l'eau comm. t. 2. p. 485.*

\*\*\*) *Opuscul. t. 2. p. 28.*

†) *Malad. epid. du Dauphine.*

††) *Febrifug. magn. p. 184.*

†††) *Istor. del. malatt. Neap. §. 208.*

\*) *De cognosc. et cur. morb. §. 82.*

\*\*) *De morbis, l. 3.*

\*\*\*) *De febre biliosa, inter opusc. t. I. p. 84.*

†) *Loc. cir. p. 59.*

††) AETIUS, *hect. febr. cur. p. 267. GALEN. meth. med. l. 10.*

c. 6. ALEXANDER TRAL. l. 12. p. 716.

Usus frigoris non suademus in febribus intermittentibus, quamvis C. F. PAULLINI tertianam in seipso inter frigidos potus et sociata corporis exercitia \*) restrinxerit. Nec multum nos commovet exemplum Indorum \*\*), qui post paroxismos balneo frigido, vel Curlandorum qui, teste R. LENTILIO \*\*\*), ad fugandam tertianam, flumine se immergunt aut in nive volutantur, postquam in caldario sudarunt. Si quandoque profuerit frigus in hisce febribus, id variis peculiaribus circumstantiis tribuendum est. Sed in genere, tunc ab ejus usu abstinere oportet, propter calorem minorem et humorem morbosum vulgo crassiorem aut tenaciorem.

## VI.

*Frigoris usus in haemorrhagiis.*

Nullus est morbus qui melius frigoris potestatem in sanguinem probet, quam haemorrhagia. Aqua gelida, nix, glacies supra vulnus applicatae, sanguinem condensant, spissiore faciunt et ejus fluxum praepediunt. Quae remedia, natura duce, ex omni aevo cum fructu adhibentur, heroibus Homericis †) athleticque nota. Eadem medelae in haemorrhagiis internis conveniunt. Celeb. HAENIUS ††), aqua gelida pulmonis et ventriculi haemorrhagiae curam promovit. Uterinae vero sanatio valde juvatur †††) aspersioibus, applicatione linteorum aqua frigida madidorum, balneis, liquoribus acidis, etc.

## VII.

*Frigoris usus in quibusdam morbis inflammatoriis.*

Frigus etiam in morbis inflammatoriis utile reperiuntur. Iterum fatemur quod in inflammatione declarata plerumque noceat; verum si haec minima, vel tantum impendens adsit, virtus antiphlogistica frigoris non

\*) Obs. phys. med. 32.

\*\*) Eph. nat. curios. dec. 1. an. 9. et 10. obs. 194.

\*\*\*) Eph. nat. curios. dec. 2. an. 6. obs. 188.

†) Vid. Iliad. l. 11, et ATHEN. deipnosoph. edit. 1612, p. 41.

††) Ratio med. part. 10. c. 6. §. 5.

†††) Vid. Observat. sur les pertes de sang, par Mr. LE ROUX, p. 184.



parum proficere potest. Inde procul dubio repetendae sunt quaedam pleuritidis et peripneumoniae sanationes, quas a glaciei vel nivis usu obtentas TH. BARTHOLINUS \*) commemorat. HANCOCKIUS \*\*) asserit pleuritidem, a se observatam, aqua frigida affatim sumpta, potius, quam venae sectione curatam fuisse. Praeterea Celeberr. SARCONE \*\*\*) ope Frigidae, glaciei, nivisque memorandas curationes in morbis inflammatoriis pectoris vidit et operavit. Apud eundem, Cl. BRESSANI testatur se, in peripneumonia epidemica, aquam glacialemaximo cum emolumento aegris propinavisse.

Adversus hepatitis, lintea aqua frigida imbuta, regioni hypochondriacae quin et toti abdomini imposita, valde utilia observavit mox laudatus Cl. SARCONE.

Norunt omnes quantum adhibitio frigoris in phrenitide †) competat. Caput aegri ad cutem tonsui fotu frigido frequenter madefaciendum est, et balneis potissimum utendum. Clariss. PERREYMOND ††) paraphrenitidem semibalneis frigidis curavit. Oculorum inflammationem, et dolores exinde exortos, nullo alio remediorum genere sedare potuit ER. WINDIGIUS †††), quam nivis globulo parti affectae applicito.

Ergo verum et illud divini senis \*): „Frigido in his „utendum, unde fluit aut fluxurus sanguis est, non quidem eodem loci, sed ad ea loca unde influit, admoto: et „si quae partium inflammationes aut deflagrationes ad rubrum sanguineumve colorem tendunt, recenti efflorescente sanguine, iisdem ipsis adhibito. Nam inveteratas „nigrefacit. Erysipclas etiam non ulceratum juvat: siquidem exulceratum laedit.“

\*) De nivis usu, cap. 26.

\*\*) Loc. cit. p. 215.

\*\*\*) Loc. cit. §. 208.

†) Inter alios Auctores; vide potissimum ARETAEUM curat. morb. acut. lib. 1. cap. 1. In insolatione idem remedium successu praestantissimum habet.

††) Journ. de med. 1. 32. p. 138.

†††) Apud BARTHOLIN. de niv. c. 25.

\*) Aphorism. sect. 5. 23.

## VIII.

*Frigoris usus in doloribus.*

Eminet insuper virtus antiphlogistica et sedans frigoris in illis morbis, quos Authores, sub nomine dolorum, peculiariter intelligunt. Hic frigidorum utilitatem ex omni aevo Medici agnoverunt.

Cephalalgiam, praesertim ex solis ardore contractam; tantum topicis frigidis Antiqui \*) curabant; idemque remedium, a recentioribus tentatum, ex voto \*\*) successit.

Calidum dentium dolorem aqua nivis, AVICENNA \*\*\*) teste, sedat: ZACUTUS †) confirmat plures, qui hoc praesidium sunt experti, doloris saevitiem effugisse, etiam omnibus aliis remediis incassum adhibitis.

Adversus cardialgiam CAELIUS AURELIANUS ††) regimen frigidum instituit, et FR. VALLESIUS †††) potum gelidum balneumque commendat. Aqua frigida saepe minores stomachi dolores \*) expulit.

Variae colicae species a frigore maxime levantur. Nullam fere aliam opem poscit ea, quae pendet a flatibus; quod etiam obiter dicendum est de tympanitide \*\*); aër nempe condensatur et deinde facile eliminatur. Sed et caeteros dolores colicos curant, vel effusio aquae frigidae supra corpus, qua mulierem jam desperatam sanavit HIPPOCRATES \*\*\*), vel emplastrum ex nive parti dolenti impositum, ZACUTO †) monstrante viam, vel potus frigidus, quo permulti ††)-usi sunt.

\*) GALEN. de compos. med. sec. loc. l. 2. c. 1. CELS. l. 1. c. 3.

\*\*) Vert. de l'eau com. t. 1. p. 48. et 104. t. 2. p. 469, 477, 486, 517.

\*\*\*) L. 2. tr. 2. c. 524.

†) Prax. adm. l. 1. obs. 79. et Hist. Med. princ. l. 1. obs. 46.

††) Acut. l. 2. c. 37.

†††) Comment. in HIPPOCR. epid. l. 5.

\*) Vide Republ. des lett. 1708. sept. p. 290. HANCOCK. p. 220. Vert. de l'eau comm. passim.

\*\*) Journal de med. t. 38. p. 133.

\*\*\*) Epid. l. 5.

†) Prax. adm. l. 2. obs. 23.

††) GALEN. meth. l. 12. c. 7. LAZ. RIVER. Prax. l. 5. c. 1. VAL-  
LISNERI eph. n. c. cent. 5. obs. 10. NOGUEZ, explic. des eff. de  
l'eau. P. BERNARDUS, etc. etc.

Articulorum tumores et dolores absque ulcere, atque etiam podagricos, et convulsiones, magna ex parte, Frigida large effusa levat et extenuat, solvitque dolorem; nam modicus torpor doloris solvendi vim habet, ipso loquente \*) HIPPOCRATE. Non mirum igitur, si HERM. VAN DER HAYDEN \*\*) pedum crurumque immersionem arthriticis commendat et plurimis profuisse tradit, quod remedium etiam a nobili quodam Hispano adhibitum vidit TH. BARTHOLINUS \*\*\*). Nec immerito HOMBERGIUS †) curationem rheumatismi non minus a balneo frigido, quam a calido obtineri posse contendit. Cl. TISSOT ††) nullum certius remedium ad illum avertendum scribit, et Frigidæ potum contra eundem laudat HANCOCKIUS †††): quod fulcit observatio a Celeberr. MARET ad calcem ejus eximii de balneis operis \*) consignata. Demum quis nescit: podagram rarissime abstemios invadere? Frigidam bibant podagrici: rem bene vertere observarunt RONDELETTIUS \*\*) et HOFFMANNUS \*\*\*), præsertim in podagra biliosa. Applicationes frigidaæ adhuc competunt, hibernæque nives, SNEERGERO †) monente.

## IX.

*Frigoris usus in spasmis.*

Spasmi ipsi adeo sedari possunt a frigore, ut, illo ad majorem gradum adducto, totius musculorum systematis irritabilitas ††) pereat. Nil desperandum, Medico perito remedium ita efficax moderante. Iam Cl. POMME †††) ostendit omnimodas applicationes frigidas spasticis sympto-

\*) *Aphor. sect. 5. 25.*\*\*) *De aq. fr. disc. 3.*\*\*\*) *De niv. c. 28.*†) *Hist. de l'Acad. R. des Sc. de Par. an. 1770.*††) *Avis au Peuple, p. 159.*†††) *Loc. cit. p. 227.*\*) *Pag. 117. not. 30.*\*\*) *Meth. cur. morb. p. 611.*\*\*\*) *Diff. de aq. comm.*†) *Med. eupor. adv. artic. dol.*††) Id experimentis probat Cl. SPALANZANI, *Opuscul. de Physiq. trad. 1777. t. 1. p. 144.*†††) *Traité des affect. v. por. passim.*



matibus affectionis hystericae vel hypochondriacae mederi. Ad probandum solo aquae frigidae usu morbum ipsum curari, I. N. A. LEUTHNER \*), Medicus Germanus, librum scripsit.

In tetano, sine ulcere, HIPPOCRATES \*\*) Frigidae largam profusionem adhibebat, et multae observationes \*\*\*) confirmant convulsiones plurimas sic profugisse.

Potum sub frigidum tussi remedio esse testantur VAN DER HEYDEN, HOFFMANNUS et HANCOCKIUS †). Haec medela convenit tussi catharrali: equidem catharris et rheumatismis vexatos non raro sanat applicatio frigida, si vires sufficiant. SMITH Anglus ††) mulierem vidit tussi vehemente vexatam, lotionem frigidam circa aures, tempora et capitis verticem sanatam, postquam omnia remedia incassum tentasset.

In epilepsia, mania, rabie frigus laudabiles effectus edit, pro causa et symptomatis morbi. Celeberr. MARET †††) nymphomaniam, omnibus aliis antispasmodicis resistentem, solis balneis frigidis sedavit. Ex dictis, Medici erit occasionem dignoscere frigoris in his morbis adhibendi.

## X.

*Virtus stimulans et roborans frigoris, cujus actionis in fibras gradus perpenduntur.*

Frigoris vi, sedante ita demonstrata, ne παραδόξως amantiores videamur, si idem pro stimulante, tonico, roborante haberi volumus. In praedictis morbis agebat potissimum sanguinis ardorem refrigerando et nervorum sensibilitatem musculorumque irritabilitatem nimiam minuendo. Prior agendi modus non impedit quin frigus, ut jam §. II. innuimus, fibras solidorum adstringat ac roboret; nec magis alter obstabit, si frigoris effectus altius perpen-

\*) Vid. Gaz. sal. 1782. No. 12.

\*\*) Aph. 21. Sect. 5.

\*\*\*) Journ. de med. tom. 27. p. 350; t. 29, p. 129; et t. 56, p. 54. Gaz. sal. 1781; No. 40 et 41. Vert. de l'eau comm. t. 2. p. 468 et 776.

†) Locis cit.

††) Traité des vert. med. de l'eau comm. p. 118.

†††) Mem. sur la man. d'ag. des bains, etc. p. 116.

dantur. Sic enim rem intelligimus. Frigoris in fibras actio est illas constringere; sed haec constrictio, secundum minorem majoremve gradum, varios effectus producit. Quatuor gradus, pro frigoris intensione, distinguendi sunt: in primo, fibrae adstringuntur, roborantur, tonum acquirunt; in 2<sup>o</sup>. stimulantur, irritantur; in 3<sup>o</sup>. constrictione nimia torpor eis inducitur, unde sensus doloris evanescit; tandem in ultimo, moleculae igneae prorsus deficiunt, irritabilitas perit et simul ipsa vita. Ex his patet frigus, quod mox dolores et spasmos sedabat, ad minorem gradum adductum stimulare vel roborare posse. Non assignamus, ope thermometri, frigoris gradum ad illos effectus edendos necessarium, cum regulae certae de re valde relativa difficillime constitui possint. Semper idiosyncrasiam, consuetudinem, aetatem Medicus respiciat.

Vis stimulans frigoris notatur in lipothymia et syncope, ubi facies laborantium aqua frigida maximo cum successu inspergitur. Nemo nescit ex hac civitate idem remedium diutius protractum, pluries felicissime adhibitum fuisse a D. HARMANT, ut homines vaporibus carbonum suffocatos ad vitam revocaret.

Roborantem frigoris virtutem, jam theoria fultam, comprobat praxis Medicorum hujusce temporis, qui in omnibus pene morbis a debilitate ortis ad balneum frigidum recurrunt. Iis Clariss. TISSOT se ducem praebet, qui nihil praestantius noscit \*) quam nobile illud remedium, quod duce natura et adhibuit et amavit sapiens antiquitas. Nimis longa foret enumeratio morborum, quibus competit ad roborandum. „Quotiescumque enim,“ ut Celeberr. Authoris verbis utar, „adest atonia, (quando „hodie non adest?) et vitia quae secum trahit atonia, depravatae digestiones et coctiones, nervorum debilitas et „mobilitas, fluor albus aliaque omnigena horum soboles, „modo non praepediant obstructions incurabiles, aut vomicae, nullum par datur remedium a primo vitae diluculo ad senium usque.“ Nec balnea prohibent aliam fri-

\*) *De febr. bil. p. 84.*

goris administrationem, si necessaria judicetur. Sic PAULUS A SORBAIT \*) paralyfin potu liberali frigido vicit. et eadem frictionibus gelidis non semel \*\*) sanata est. Balnea frigida scopo roborante conducunt gravidis, eaque nutritibus utilia vidit WHYT, *avis aux femmes enceintes et en couche*, p. 6. Ad restituendas ventriculi vires, in digestionem difficili aqua frigida detur.

## XI.

*Virtus evacuans frigoris.*

Iam hanc virtutem §. V. leviter attigimus, cum animadvertebamus in febribus evacuationes a frigore provocari. Id fit et in aliis morbis, quibus competit ad excretionem varias excitandas.

In constipatione maxima, optatissimos edidit effectus usus aquae frigidae \*\*\*) externus: clysteres frigidi †) etiam adhiberi possunt. In cholera, ubi sordes primarum viarum eliminandae sunt, potum frigidum dabant CAELIUS AURELIANUS ††) et THEODORUS PRISCIANUS †††). Eadem ratione dysenteria pluries \*) sanata est, et HUXHAMUS \*\*) fatetur aqua frigida sola, opii pauxillo adjecto, nonnunquam ejus curationem consummasse. Juvenis, gravi dysenteria laborans, cum in fluminis aquam ad genua usque se immerisisset, et circiter semi-horam sic in flumine obambulasset, vix egressus, virium instaurationem expertus est, domumque rediit sanitati omnino restitutus: LA CASE, *inst. Med.* p. 105.

Cl. BOUSQUET \*\*\*) utilitatem aquae frigidae adver-

\*) *Eph. n. c. d. 1. a. 2. obs. 49.*

\*\*) BARTH. *de niv.* p. 210. *Vertus de l'eau comm.* p. 508. *Gaz. saluz.* 1778. No. 20.

\*\*\*) STEVENSON, *Ess. d'Edimb.* 1. 6. p. 560. *et seq.*

†) BOISSIEUX, *meth. rafr.* p. 167.

††) *L.* 7. p. 376.

†††) *L.* 2. part. I. c. 13.

\*) AMATUS, *Lusit. cent. 1. obs. 46.* LANZONUS *eph. n. c. d. 2. a. 9. ob. 53.* VICARIUS, *ibid. ob. 146.* P. BERNARDUS, *vert. de l'eau comm.* 1. 21. p. 502 et 503.

\*\*) *Tom. 1, p. 292.*

\*\*\*) *Gaz. sal.* 1777, No. 30.



fus dyfuriam observavit, et frigidorum efficacitatem in lotio suppresso laudat \*) TH. BARTHOLINUS.

Tandem ad ipsa menstrua vel lochia restituenda frigus conducere potest. In priori casu, MEADIVS immersionem pedum in aqua frigida adhibuit. In retentione vero lochiorum, mos est antiquissimus et usitatissimus Syracusarum \*\*) tum apud populum, tum apud Medicos, ut supra regionem lumbarem mulieris sacculum nive plenum applicent; donec fluxus rursus compareat, quod semper fit aliquanto post, et novum fluxum potione nive refrigerata adjuvant.

## XII.

### *Frigoris usus in Chirurgia.*

CHIRURGIA quoque magnam utilitatem ex administratione frigoris capit. Ejus ope, haemorrhagia, ut supra monuimus, sistitur, et hernia incarcerata \*\*\*) reducitur. Cancrum ab aqua gelida curari docuit Cl. POU-TEAU †). Quid plura? Frigus probe administratum frigoris immoderati noxis medetur: scilicet frictiones cum glacie institutae ††) partes corporis congelatas sanant, eodemque modo nix pernionibus adversatur.

\*) L. cit. p. 152.

\*\*) Obs. sur la Phys. par l'Ab. ROZ. etc. suppl. t. 13. p. 22.

\*\*\*) Vid. Gaz. sal. 21. Nov. 1782.

†) T. 1, p. 95, 105 et 131.

††) Vid. VRIGNAUD, Recherch. sur l'Econ. anim. 67.

XVIII.

DR. IOANN. SCHAEFFER

DISSERTATIO

SISTENS

ANTHELMINTICA REGNI  
VEGETABILIS.

ALTDORFII,

1784.





## P R A E F A T I O.

Quoad longissime potest mens mea respicere vestigia praeteriti temporis, in veterum scriptorum monumentis, inde usque repetens, interaneorum animalia video non solum tenerioribus, sed et aetate provectioribus principem et ad gignendos et ad deteriores efficiendos morbos, rationem extitisse. Ex quo factum est, ut medici, humanitate ducti, vehementer inflammarentur, ut non deessent, quibus adversarios istos, corpus omnibus profecto cruciantes modis, profligarent, imo graviter iis adfectos quasi e mortis faucibus eriperent, et scientiae medicae adhuc maior inde adfulgeret lux et splendor. Verum enim vero tantum aberat, ut prospera aequabilisque valetudo, secundo vitae sine ulla offensione cursu exinde oriretur, ut potius omnium propemodum horum remediorum vim prorsus illuderent vermes, adeo, ut infirmi incredibili hac et paene divina, qua sanitatis beneficio fruimur, voluptate carere cogerentur. Res itaque diligentius tractari coeperat. Quum enim ea maximi momenti esset, et ad salutem totius generis humani pertinere videretur, accidit, ut medici, quo se verterent, nescientes, assidue captis experimentis, Materiae, ut dici solet, Medicae tantum huius generis medicamentorum cumulum adderent, ut vix ulla inveniri posset huius pars, quae maiori instructa esset copia. Ego vero, quum iam in eo essem, ut mihi ad dissendendum materiam sumerem, operae pretium me facturum esse credidi, si, quantum id quidem in me positum erit, omnia, quae anthelmintica et praestantiora et leviora in monumentis medicorum partim dispersa, partim adhuc neglecta iacerent, paulo accuratius investigarem, eaque, servato ordine, collecta publici iuris facerem. Atque ego quidem parum hic laudis captandum esse duco e labore tam parvo; non ingratum tamen hunc ipsum, nec inutilem fore confido: quippe quem a me ipso non absque voluptate et utilitate defluxisse confiteor.

Constitueram quidem initio, brevi antea facta de eo, quo modo generentur hi hospites infesti in corpore humano, praefatione, ad tractationem earum rerum, quas hac in Dissertatione recensere animo mihi proposui, accedere; nisi magnorum Virorum Venerab. GOEZ. et Cl. BLOCH, quorum industria in amplificanda augendave historia rerum naturae non satis laudari digne potest, egregii libri de vermium in animalium interaneis viventium ortu, natura figuraque conscripti in manus venissent, meque de fixa iam statutaque sententia deduxissent. Etenim Duumviri hi omnia flagranti studio summaque animi contentione, ita, ut nulla pars ab iis praetermissa videatur, tractarunt, omnemque insimul de vermium in corpore animali primordio errorem amputare, falsarumque opinionum, quibus hucusque delectabamur, fibras evellere, seminaque extinguere studuerunt. Rebus itaque sese ita habentibus, et quum nihil, saltem parum novi ac inauditi me dicturum esse non solum suspicarer, sed et plane cernerem, eos, quorum haec omnia clare nosse, aut quorum sententiam ex contrariis diversisque inter se pugnantibus opinionibus conflata, certiorum melioremque reddere interest, ad ipsos indicatos fontes, e quibus enarratio rerum uberrima hauriri potest, relegabimus.

His praemissis pauca quaedam de distributione anthelminticorum ipsa disserere fert animus. De quibus autem quoniam omnis disputatio futura est, placet antea definire, quid nobis sit anthelminthicum, ut appareat, quid sit id, de quo disputetur. Est autem anthelminthicum nihil aliud, nisi medicamentum, quod corpori, sive interne sive externe adplicatum, interaneorum vermes vel expellit; vel enecat, vel etiam utrumque simul efficit. Posita hac definitione dividam ego omnia helminthogoga in duas classes. Quarum unam vermes *expellentia*, alteram vero *enecantia* continere dico. Quaedam enim expellentia sunt; quae aut drastica sua virtute, aut vi mechanica, aut amaritiae, graveolentiae et fragrantiae sua tollunt vermes, aut quae a vermibus ob dulcedinem suam, quam in deliciis habere creduntur, adpetita, eos ad intestina usque crassa adlectos evocant. Ex quo vel maxime intelligi potest, cur

clysteres e lacte vel dulcibus parati iniiciantur, quo vermes nimirum ad inferiora adliciantur et educantur. Quaedam vero vermes sola interficiunt, quibus potissimum cathartica subiungenda sunt, ut vermes mortui educantur. Atque etiam praeter has tertia est classis, continens ea, quae *expellentia* aequae ac *occidentia* dici queunt; propterea quod neque solum educunt, neque solum interimunt, sed, si dentur, utrumque simul faciunt. Est et alia adhuc distributio helminticorum. Nam et *simplicia* quaedam dicuntur et *composita*. De prioribus nobis est praecipue hac Dissertatione explicandum; de posterioribus vero nil nobis quasi negotii. Etiam dividuntur in *externa* et *interna*.

Perlustrando Catalogum nostrum forsitan invenies, quae votis minus respondeant. Credo. Rerum copia pressio, temporisque angustiis incluso mihi non contigit, omnium, quae adduxi, vires experiri; sed in isto genere cum multorum, tum magnorum virorum auctoritatem me sequi oportuit. Illud etiam tacitus praeterire non possum, nec fas esse duco, non omnibus eadem auxilia convenire. Notum enim est exploratumque, alia atque alia summos auctores quasi sola commendasse, prouti cuique vermes cessant. Oportet nos itaque, ubi aliquid non statim eodem modo respondet, non magis attendere auctorem, quam aegrum; sed experiri aliud atque aliud. Neque etiam ego sum is, qui tantum mihi sumam, ut omnia, quae nos circumfluunt anthelmintica, enumerasse mihi persuadeam, ut maiorem potius copiam adhuc invenire me potuisse credam, si mihi plus otii minorque festinandi necessitas fuisset.

Restat, ut, quanta maxima fieri potest brevitate, dicam de circumspeditione, qua in exhibendis anthelminticis sub ipsis paroxysmis verminosis gravioribus utendum sit. Idque eo utilius fore arbitror, quo minus in eo collocarint operam ac diligentiam suam auctores. Permultos esse nimirum intelligo, qui eam animo imbibant sententiam, ut in quolibet symptomate verminoso, omni posthabita ratione induciarum subinde paciscendarum, statim de expellendis hostibus cogitandum esse iudicent. A quibus ego vehementer dissentio, adeo, ut frequenter abstinendum esse



ab ipsa methodo expulforia, eligendamque potius symptom-  
maticam existimem. Est enim perspicuum, quam difficile  
sit, vermes expellere, si convulsiones, epilepsiae aliaque  
symptomata urgent, ubi vermes scilicet convellitatione et  
irritatione intestinorum tubum spastice constringunt, sic-  
que exitum sibi claudunt. In his si consueta methodo  
obviam ire velis, nec mitigantibus et antispasmodicis re-  
mediis nervorum tumultum sedare studeas, sane mirum in  
modum augebis symptomata, nec metam attinges tibi pro-  
positam. Data enim anthelmintica, quae cum vermes,  
tum intestina ut plurimum graviter irritant, deteriora red-  
dunt symptomata. Ex his elucet, non statim purgantia  
vel alia acria et calefacientia propinare medicum oportere,  
sed potissimum symptomata magis urgentia respicere, ea-  
que adhibere, quae symptomatibus simul respondeant. Sic,  
credo, vermibus, quos comitantur convulsiones, opium,  
asam foetidam, radicem Valerianae etc. opponere maxime  
convenit. Quae omnia relaxant spasmos atque etiam ver-  
mes simul expellunt. Sed satis de hoc — Plura praefari  
magnitudo voluminis prohibet; ad propositum potius ve-  
niemus et in hac recenserebimus Dissertatione Anthelmin-  
tica regni vegetabilis.

---

## CLASSIS I.

## M O N A N D R I A.

## M O N O G Y N I A.

## AMOMUM.

1. A. *Zingiber*. RHEED. mal. II. p. 21. t. 12. JACQ.  
hort. t. 75.

LOC. India orientalis; nunc Iamaica. *Perennis, fera.*

PHARM. ZINGIBERIS COMMVNIS Radix 3j

*condita cum vel f. Brodio.*

ALBI Radix 3j *optima,*

*condita cum vel sine Brodio.*

QUALITAS: acris, aromatica, fervida, subfragrans.

*Culinaris.*

VIS: calefaciens, (*recens eccoprotica*) stomachica, stimulan.

2. A. *Cardamomum*. RHEED. mal. II. p. 9. t. 6.

LOC. Malabaria. Zeylona. *Perennis, peregrina.*

PHARM. CARDAMOMI MINORIS (*fructus*) non excor-  
*ticatus, excorticatus, Semina* ∞.

QUAL. praecedentis.

*Culinaris.*

VIS: stimulan, nervina.

3. A. *Granum paradisi*. RHEED. mal. II. t. 6. f. 4.

LOC. Madagascar, Guinea, Zeylona, in umbrosis uligi-  
nosis ad radices montium. *Perenn. peregr.*

PHARM. PARADISI GRANA (Semina).

QUAL. antecedentis, sed acerrima.

*Rarior.*

VIS: stimulan, calefaciens.

## COSTVS.

4. C. *arabicus*. RHEED. mal. II. p. 15. t. 8. JACQ. amer  
I. tab. I.

LOC. Malabaria, Zeylona, Brasilia, Surinamum.

*Perennis, fera.*

PHARM. COSTI DVLCIS Radix 3℞

ARABICI Radix 3℞

QUAL. amara, aromatica, acris, suaveolens.

*Rarior.*

VIS: stimulan, calefaciens, stomachica.

2. [*A. C. lumbricum latum* pellit auctore DIOSCORIDE.]

4. [*Pellit lumbricum latum cum aqua, ob amaritiam, quae illi  
inest.* RAI hist. pl. L. XXIII. c. XVI.]

## MARANTA.

5. *M. Galanga*. RUMPH. amb. 5. p. 142. t. 63.

LOC. India orientalis, Philippinae.

*Perennis, fera.*

PHARM. GALANGAE MAIORIS Radix

(Ingratior)

MINOR. Radix

(fortior)

QUAL. acris, aromatica, fragrans.

*Praestans.*

VIS: stimulans, stomachica.

## KAEMPFERIA.

6. *K. rotunda*. RHEED. mal. II. p. 17. t. 9.

LOC. Zoylona, Malabarica.

*Perennis, peregrina.*

PHARM. ZEDOARIAE LONGAE Radix gr. 5 — 10.

Essent.  $\nabla$ ,  $\Omega$ ,  $\circ$ , Semina.

QUAL. subacris, aromatica, amaricans, debile fragrans.

*Frequens, praestans.*

VIS: stimulans, stomachica.

## CLASSIS II.

## D I A N D R I A.

## M O N O G Y N I A.

## OLEA.

7. *O. europaea*. BLAKW. t. 199. LEHR Diff. de Oliv. c. fig.

LOC. Hispania, Gallia, Italia (coelo temperato.)

*Arbor, mansueta, sterilis.*

PHARM. OLIVAE (fructus) conditae. Ol.

QUAL.  $\circ$  pingue, blandum, insipidum, inodorum; *Condit.*  
austera. *Culinaris.*

VIS:  $\circ$  obtundens, emolliens, leniens, relaxans. *Condit.*  
tonica, stomachica.

6. [CARTHEUS. Fund. Mat. Med. Sect. XII. c. III. §. 3.]  
7. [Ex antiquioribus medicis DIOSCORIDES olei virtutem in expellendis vermibus iam perspectam habebat exploratamque. CAEL. AVRELIANVS item id maxime extollit, ac vel solum vel aqua commixtum, ingurgitasse ad interaneorum vermes expellendos suffecturum esse docet. Atque etiam CELSVS pueris, lumbricis teretibus obnoxiiis, in alvum injectum utile iudicavit. Cuius duo aut tria cochlearia uno die sumpsisse, sufficiant. Neque alienum videtur, ascaridibus exercitatis enematis, ex hoc oleo injectis, succurrere; siquidem immort. BOERHAAVIO, foeminam quandam ascaridibus vehementer vexatam, oleo quam diligentissime hausto, et clysteri-



## GRATIOLA.

8. *G. officinalis*. OED. *Flor. dan.* t. 363.

LOC. Lusatia, Gallia, et australioris Europae humidiuscula.

*Perennis, palustris, mansueta.*

PHARM. GRATIOLAE Herba recent. 3j. in decoct. aquos. a 3iß ad 3ij. Extr. 3ß Syr.

QVAL. amara, nauseosa.

*Eximia, caura.*

VIS: purgans, emetica, hydragoga.

9. *G. peruviana*. FEWILL. *peruv.* 3. t. 47.

LOC. Peru.

QVAL. antecedentis.

VIS: purgans.

## VERBENA.

10. *V. officinalis*. OED. *Flor. dan.* t. 628.

LOC. Europa australior, Scania.

*Annua, sicur.*

PHARM. VERBENAE Herba, ▽.

QVAL. subinsipida, inodora.

*Exolera.*

VIS: adstringens.

## SALVIA.

11. *S. officinalis*. BLAKW. t. 10.

LOC. Europa australis.

*Perennis, olitoria.*

PHARM. SALVIAE Herba, ▽, Ω, ♂, Fl. Sem.

QVAL. suavem odorem spirans, amaricans. *Frequens, praestans.*

VIS: adstringens, tonica, stomachica, unde et sudoribus nimis opitulatur.

12. *S. SCLAREA*. REGNAULT bot. DOD. pempt. 292.

LOC. Syria, Italia.

*Biennis, olitoria, mansueta.*

PHARM. SCLAREAE (Gallitrichi) Herba.

QVAL. spirans.

*Rarior.*VIS: fortior *S. officinali*, stimulans.

bus ex eodem adhibitis, brevi ad sanitatem reduxisse contigit. Animadvertere autem oportet, quodlibet oleum vermibus esse infestum.]

8. [ACAD. DE SCIENCES l'ann. 1705. p. 246.

ANGEIVS SALA Essent. veget. Sect. V. c. 9. p. 158. sq.

BALDINGERS *neues Magazin für Aerzte IV Bände IV Stück.*  
1782. p. 330.]9. [*Gratiola peruviana*, infusa aqua, Indiani frequenter uti solent, quando vermium cruciatu afficiuntur. FEWILL]10. [MONARDI Lib. 3. simpl. Medicam. ex novo orbe delat. cap. de *Verbena*.]

11. [WEDELIVS, VAN SWIETEN, MELLIN, IOHN HILL.]

## T R I G T N I A.

## PIPER.

13. *P. nigrum*. PLUCK. alm. 297. t. 437. f. I. RHEED.  
mal. 7. p. 23. t. 12.

Loc. India orientalis.

*Frutex; peregrinus.*

PHARM. PIPERIS NIGRI Fructus, ♂. ☉.

ALBI Fructus.

QVAL. acris, aromatica, fervida.

*Culinaris.*

VIS: stimulan., stomachica.

14. *P. longum*. RHEED. mal. 7. p. 27. t. 14.

Loc. India orientalis.

*Frutex; peregrinus.*

PHARM. PIPERIS LONGI Fructus.

QVAL. praecedentis.

VIS: — —

15. *P. CVBEBEA*. SUPPL. pl. 90.

Loc. Iava.

PHARM. CVBEBAE Fructus, ♂.

QVAL. praecedentis.

VIS: — —

## CLASSIS III.

## T R I A N D R I A.

## M O N O G Y N I A.

## VALERIANA.

16. *V. officinalis*. OED. DAN. 570.

LOCVS: Europae prata et nemora paludosa.

*Perennis, vulgaris.*

PHARM. Valerianae sylvestr. (minoris) rad. ʒij. Extr.

QVAL. hirco-felina, amaricans.

*Praestans.*

VIS: purgans, antepileptica, ophthalmica.

17. *V. phu*. BLAKW. t. 250. REGN. bot.

Loc. Alfatia, Silesia.

*Perennis.*

PHARM. PHV (Valer. mai.) rad. herba.

13. [ROSENSTEIN von den Kinderkrankheiten, Abschn. XXII.  
pag. 551.]

16. [III. L. B. a STOERCK eam excellenter ad fugandos vermes  
facere observavit.

Mem. de l'Academie des sciences. 1706. pag. 430.

v. SWIETENII Comment. T. IV. p. 728. Edit. Hildburgh.]

QVAL. antecedenti amarior.

*Exoleta.*

VIS: antecedentis.

18. *V. celtica*. CLVS. pann. 514. 515.

LOC. Helvetia, Styria, Liguria, Genua, Alpes.

*Perennis, peregrina.*

PHARM. SPICAE CELTICAE Rad. Flores.

QVAL. fragrans, acris, aromatica, amaricans.

*Ravior.*

VIS: stomachica.

## IRIS.

19. *I. germanica*. BLAKW. t. 69.

LOC. Germaniae, Helvetiae edita.

*Cicur.*

PHARM. IREOS NOSRATIS Rad. foecula obsoleta.

QVAL. odor subnauseosus, sapor leviter amaricans, acris.

*Heroica.*

VIS: rec. purgans, hydragoga, subemetica.

20. *I. Pseudo-acorus*. OED. DAN. t. 494.

LOC. Europa ad ripas paludum, fossarum.

*Perennis, vulgarissima.*

PHARM. ACORI PALVSTRIS Radix.

QVAL. insipida, substyptica.

*Ravior.*

VIS: hydragoga.

## D I G T N I A.

## SACCHARVM.

21. *S. officinarum*. SLOAN. iam. 31. hist. 1. pag. 108.

t. 66. RVMPH. amb. 5. p. 186. t. 74. f. 1.

LOC. Indiae utriusque loca inundata. *Perennis, fera.*PHARM. *Saccharum canariense*, candidum, album, rubrum, Farinaceum, album, griseum, Penidium, Perlatum, Rubrum, Syrupus.QVAL. dulcissima, inodora, mitissima. *Culinaris, usitatissima.*

VIS: saponacea, edulcorans, relaxans, expectorans.

## BROMVS.

22. *B. Sterilis*. RETZ fasc. 1. obs. pag. 11. LEERS Herborn. n. 83. t. 11. f. 4.

20. [ETMVLLERVS lumbricos inde deiectos vidit — teste SPIELMANNO.]

21. [vid. REDI observ. de Animal. vivis in Corp. anim. viventium pag. 165.]

22. [Adversus infantum vermes tanquam singulare auxilium radicis in vino albo decoctum diebus aliquot continuis potum]



LOC. Europae australioris agri, sylvae, ad vias.

PHARM.

QUAL. et VIS:

### TRITICVM.

23. *T. repens.* SCHREBER Gram. l. p. 24. t. 26.

LOC. Europae nostrae ruderata. *Perenne, vulgatissimum.*

PHARM. GRAMINIS Radix, ▽.

QUAL. dulcescens.

*Vsitata.*

VIS: aperiens, mundificans.

### CLASSIS IV.

## T E T R A N D R I A.

### M O N O G Y N I A.

### COVTOVBEA.

24. *C. spicata.* AVBLET hist. des pl. de la Guiane p. 72. t. 27.

LOC. Guiana ad rivulos.

*Annua.*

QUAL. amara.

VIS: tonica, stomachica.

25. *C. ramosa.* AVBL. guian. 74. t. 28.

LOC. idem ibidem.

QUAL. et VIS: eadem.

### DORSTENIA.

26. *D. Contrayerva.* BLAKW. t. 579. HOVST. act. n. 421. f. I. PLVM. gen. 29. ic. 119.

LOC. Peru, Mexico, Vera crux, Inf. Vincentii.

*Perennis, peregrina.*

PHARM. CONTRAYERVAE Radix.

QUAL. aromatica, subfragrans, amaricans.

*Vsitata, praestans.*

VIS: adstringens, stomachica.

### CLASSIS V.

## P E N T A N D R I A.

### M O N O G Y N I A.

### ANCHVSA.

27<sup>a</sup>. *A. officinalis* cum HYSSOPO et NASTVRTIO pota la-  
tos ventris lumbricos excutit, referente DIOSCORIDE.

commendat TRAGVS. vid. RAH hist. pl. L. XXII. cap. X.

A. 5.]

26. [CARTHEVS. Fund. Mat. Med. S. XIII. c. 4. §. 3.]

## CYCLAMEN.

27<sup>b</sup>. *C. europaeum*. JACQ. austr. t. 401.LOC. Asiae, Pannoniae, Hungaricae, Austriae, Tartariae sicca umbrosa nemorosa. *Perenne, mansuet.*

PHARM. CYCLAMINIS Radix 3j.

QUAL. mucilaginoso, tum acris, fervida, amaricans. *Rarior.*

VIS: purgans, drastica; Externe resolvens, anthelmintica.

## MENYANTHES.

28. *M. trifoliata*. GMEL. fib. 4. t. 97. OED. FL. DAN. t. 541.LOC. Europae paludes. *Perennis, vulgaris.*PHARM. TRIFOLII AQUATICI herb. Conserva, Escent.  $\Omega$ .QUAL. amarissima. *Praestans.*

VIS: tonica, saponacea, stomachica, subeccoprotica.

## SPIGELIA.

29. *S. anthelmia*. AMOEN. acad. 5. p. 133. t. 2. BROWN iam. 156. t. 37. f. 3. PET. gaz. t. 59. f. 10.LOC. Caienna, Brasilia. *annua, fera.*

PHARM. SPIGELIAE herba.

QUAL. tetra, foetida. *Rarior.*

VIS: expellens.

28. [CARTHEVS. Fund. Mat. Med. Sect. IX. c. 3. §. 5.]

29. [S. A. summo in honore semper fuit apud medicos, adeo, ut longe ceteris excellere anthelminticis existimaretur, inprimis, ubi febres ac convulsiones comites se vermibus adiunxere, plurimum boni peperisset reperta est. Qua *Nigri*, qui incolas insularum Britannicarum eius usum docuerunt, nil habent praestantius ac frequentius, quo utantur, mirasque eam semper apud illos exseruisse vires cognitum est. De eius igitur laude neque hic locus est, ut multa dicantur, neque plura tamen dici possunt, quam b. LINNAEI Amoen. acad. Vol. 5. T. 2. continet. Namque idem ille auctor confitetur, se nunquam virtutis expertem eam deprehendisse, modo si spes salutis affulserat; quid? quod multum exinde hausisse utilitatis, ubi iam de salute pertimescere coeperat: simulque addit, in id omni studio incumbendum esse medicis, ut tam efficax remedium contra vermes in officinas introducatur. Quae tamen circumspeditione atque prudentia adhibenda erit, cavendumque, ne corpus detrimenti quid capiat, idque adversae valetudinis praesidia consumant; siquidem nimia dosis, confirmante b. LINNAEO, vertiginem excitat cum spasmis supra,

30. *S. marylandica*. HOPE Act. Edinb. 3. ann. 1771. p. 151. t. I. CATESB. carol. 2. p. 78. t. 78.

LOC. Virginia, Marylandia, Carolina. *Fruticans perennis.*

PHARM. SPIGELIAE MARYLANDICAE Radix.

QUAL. praecedentis.

VIS: praecedentis, sed praestantior.

### OPHIORRHIZA.

31. *O. mungos*. MAT. MED. p. 59. t. I.

infra et intra ipsos oculos. Ea vero symptomata vel sponte evanescent, vel aromatibus, croco aut spirituosiss, removen-  
tur. Cel. VAN SWIETEN in Comment. in Boerh. T. 4. p. 737. eandem amplectitur sententiam, affirmatque, hanc plantam corpori admodum esse inimicam; eamque ob causam non temere ea utendum esse censemus. Methodus vero hanc praeparandi medicinam haec erit: Rec. Hb. Spigeliae Mij. Coq. in aq. fontan. ℥ij. Col. exhibe ℥ij. cui adde Sacchar. alb. q. s. ad gratiam. S. Dentur circiter ℥iv. aetate provectionibus pro dosi prima; et circiter ℥ij. .i. iij. quovis sexhorio consequuturo, si ratio id permiserit. Sed gracilioribus repetatur solum quavis hora 10 vel 12: hoc continuetur per spatium 36. l. 48. horarum, tum dosi gemina iteretur; et praestito dosi sumtae effectu, iuветur Rhabarbaro vel alio quodam nobili purgante. vid. BROCKLESBY Oec. et med. obs. pag. 282. sq. Ill. MURRAY Appar. med. T. I. p. 380.]

30. [SPIGELIA MARYLANDICA in America boreali ob eximias suas vires, quibus pollere dicitur, tantis laudibus effloruit, ut plurimum ANTHELMIAE praestare credita fuerit. Cel. BERGIUS iam pridem maluerat, ut Spigeliae herba e S. MARYLANDICA desumeretur; utpote quae ex eius sententia Anthelmia viribus longe superior est. Et quidem, ut de aliis auctoribus nihil dicam, extat in PHIL. TRANSACT. T. I. Edinb. edit. narratio de natura eius et insigni ab illa praestito iuvamine. Praescribitur vel in pulvere, vel etiam in infuso aquoso. Dosis adulto herb. ℥ij, in infuso, bis de die. D. IOHN LINING radicem in forma pulveris praestantiorē putat, puerisque triennibus gr. xii. vel in infuso ℥j, hac dosi mane et vesperi per aliquot dies repetita suffectura esse. Opera vero danda, ne in exhibenda hac medicina liberalior fuisse videare; enimvero, teste Cel. BERGIO, pupillae dilatationem efficit, in nimia dosi sumta. vid. M. M. p. 95. T. I.]

31. [Quid efficere valeat haec radix in debellandis omnis generis vermibus BONTIUS in hist. nat. et Med. Ind. Orient. Amst.



LOC. Zeylona, Java, Sumatra.

*Perennis, peregrina.*

PHARM. SERPENTVM Radix.

QUAL. amarissima.

*Exoleta, praestans.*

VIS: expellens.

## CONVOLVULVS.

32. *C. Scammonia*. MORIS. hist. 2. p. 12. f. 1. t. 3. f. 5.  
MILL. dict. t. 102.

LOC. Syria, Mysia, Cappadocia per Smyrnam.

*Perennis, peregrina.*PHARM. SCAMMONIVM CRVDVM gr. vj. Diacry-  
dium ʒß. Resina ʒß.

QUAL. acri — amaricans, nauseosa, gummosa — resinosa.

VIS: purgans, heroica, crudum calcar, Resina laudabilis, Dia-  
cryd. optimum.33. *C. Turpethum*. BLAKW. t. 397. HERM. lugd. 177.  
t. 178. 179.

LOC. Zeylona, Malabarica.

*Perennis, peregrina.*

PHARM. TVRPETHI Radix ʒß. Extr.

QUAL. gummosa, subinsipido — acris, nauseosa.

*Rarior, praestans.*

VIS: purgans, hydragoga.

34. *C. Ialappa*.

LOC. Mexico, Vera crux.

*Perennis, peregrina.*

PHARM. IALAPPAE Rad. ʒß. Extr. ʒj. Resin. ʒß.

1658. expertus esse videtur; de qua re plura legi velim in b.  
LINNAEI Dissertatione *Lignum Colubrinum* inscripta, quam  
amoenitatibus suis academicis Vol. 2. inferendam curavit, ubi  
simul graviter molesteque fert, quod in huius locum frustula  
ligni cuiusdam arboris longe diversissimae (*Strychnos colubri-  
na*) in pharmacopoliis europaeis substituuntur.]

32. [ROSENSTEIN von den Kinderkrankheiten Abschn. XXII. p.  
546. v. SWIETEN Comment. T. IV. p. 737.]33. [C. T. ingreditur species diaturbith. c. rhab. quae vermibus  
destinari solent. Post mercurium enim nihil fortius illos ex-  
pellit, quam hae species, quae ad ʒß ad ʒj in formam mor-  
fulorum, ope sacchari redactae, propinantur, dicente IVN-  
KERO m. m. pag. 59. Puellae annum VI. agentis, ubi ver-  
mium suspicio mentem subibat, haec praescripti: Rec. Tur-  
peth. rad. pulv. ʒij Aethiop. min. ʒj. Syr. e Cich. c. Rheo ʒj  
M. f. Eleæ. D. S. duo Cochlearia minora mane danda.  
Sumta hac medicina lumbrici magna copia exierunt.]34. [vid APPEND. ad pharm. Edinb. p. 278. Cel. SELLE Med.  
clinic. p. 623. VAN SWIETEN Comment. T. IV. p. 737.]

QUALITAS: nauseosa, acris odore et sapore. *Trita, beroica.*  
 VIS: purgans, hydragoga. Resina calcar purgantis.

## CINCHONA.

35. *C. officinalis*. L. PFLANZENSYST. I. p. 258. t. 6. f. 1.  
 ZORN. ic. t. 292.

LOC. Loxa Peruviae.

*Arbor, peregrina.*

PHARM. CHINAE cortex 3j. Eff. Extr.

QUAL. tenacissime amara, carnes amaritie inficiens.

*Trita, beroica.*

VIS: tonica, adstringens, roborans, sublaxans.

## COFFEA.

36. *C. arabica*. AMOEN. ACAD. 6. pag. 160. t. 160.  
 IVSS. act. 1713. p. 388. t. 7. BLAKW. t. 337.

LOC. Arabia felix, Aethiopia.

*Arbor, fera.*

PHARM. COFFEAEE SEMINA, ustulata.

QUAL. nsta empyreumatica.

*Culinaris.*

VIS: excitans, pellens, carminativa.

## NICOTIANA.

37. *N. Tabacum*. BLAKW. t. 146.

LOC. America.

*Annua, mansucta.*

PHARM. Tabaci herb. Pulvis, ꝰ, Extr. gr. ij. Syr.

3iij. Sem.

QUAL. nauseosa, acris.

*Trita, praestans.*

VIS: narcotica, emetica, purgans, phthiriaca.

## CAPSICVM.

38. *C. annuum*. BLAKW. t. 129. RHEED. mal. 2. p. t. 35.

LOC. Brasilia, Mexico, Barbados. *Annua, submansucta.*

PHARM. PIPERIS INDICI fructus (Semina.)

QUAL. acris, septica.

*Culinaris Indis, eximia, varior.*

VIS: rubefaciens, stimulan.

## STRYCHNOS.

39. *S. Nux Vomica*. BLAKW. t. 395. RHEED. mal. I.  
 p. 67. t. 37.

35. [vid. MEDICVS Geschichte periodischer Krankheiten p. 31.  
 KLEIN Select. medicam. rational. p. 55.]

37. [vid. VAN DOEVEREN von den Würmern p. 312. et DES-  
 PORTES histoire des maladies de St. Dominique T. I. Pa-  
 ris. 1773. 12. p. 141. MED. OBS. and INQUIRIES Vol. 2.  
 p. 307. et MED. TRANSACTIONS Vol. I. p. 45.]

38. [CELS. lib. IV. c. XVII.]

LOC. Malabaria, Zeylonia.

*Arbor, peregrina.*

PHARM. VOMICAE NVX, 3ß.

QUAL. amara, virofa.

*Rarior, cauta.*

VIS: emetica, pellens.

40. *S. colubrina.* RHEED. mal. 7. p. 10. t. 5. BLAKW. t. 403. RYMPH. amb. 2. c. 46. t. 37.

LOC. Malabaria, Timor, Solor.

*Arbor, peregr.*

PHARM. COLVBRINI VVLGARIS Lign. (radicis) 3ß.

QUAL. suspecta, acris, amarissima.

*Exoleta, cauta.*

VIS: emetica, pellens, fatigans.

## IGNATIA.

41. *I. amara*, SVPL. pl. 149.

LOC. India, Insulae Philippinae.

*Arbor, peregrina.*

PHARM. IGNATII FABA.

QUAL. nuclei amarissima, nauseosa, fol. minus amara.

*Rarior, beroica.*

VIS: tonica, pellens, narcotica.

## CHIRONIA.

42. *C. Centaurium.* BLAKW. t. 452. OED. DAN. t. 617.

LOC. Europae humidiuscula.

*Annua, vulgaris.*

PHARM. CENTAVRII MINORIS herb. (summitat.

flor.) Extr.  $\nabla$ ,  $\Omega$ ,  $\Theta$ ; Flor. Conserva.

QUAL. amarissima.

*Tria, praestans.*

VIS: balsamica, tonica, stomachica.

## CORDIA.

43. *C. Myxa.* DILL. clth. 340. t. 255. COMM. hort. 1.

40. [CARTHEVS. Mat. Med. S. XII. c. XXI. §. 9.]

42. [Si cui forte mirum videatur, quid tandem sit causae, quod ego C. ad *Chironiae* genus retulerim; is, si me vel maxime auctoritatem magni illius SCHREBERI, cuius praecepta imbibisse magnopere laetor, sequutum esse, cognoverit, simul et id, quod feci, probabit, et me, si aliter fecissem, iustam doctorum reprehensionem nullo modo effugere potuisse existimabit. — WEDELIVS et LEDELIVS, qui de hac planta disseruerunt, C. Cent. magnis laudibus extulerunt in vermium affectibus. In clysteribus adhibita ventrem fortiter movet, atque ascaridum colluviem extinguit.]3. [Quum aliquot auctores confirment, lumbricos myxis summo pere delectari; SOLENANDER decoctum *Sebesten* pro Clystere laudat ad haec animalia adlicienda et evocanda.]



p. 139. t. 72. BLAKW. t. 398. RHEED. mal. 4

p. 77. t. 37. PLYK. alm. 306. t. 217. f. 3.

LOC. Aegyptus, Malabaria.

*Arbor, fera.*

PHARM. SEBESTEN, (Drupa).

QUAL. mucilaginoso, dulcis.

VIS: nutriens, lubricans, eccoprotica.

### VITIS.

44. *V. vinifera*. BLAKW. t. 154.

LOC. Orbis quatuor partes temperatae.

*Frutex, mansueta.*

PHARM. VITIS folia. Agrestae Syrupus. Passulae maiores, longae. Corinthiacae, pulpa, lohoc. Vinum album, Rhenanum rubrum, Ω, †.

QUAL. Fol. acidula, subtypica. Passul. acidulo-dulcis.

*Trita, eximia.*

VIS: Fol. subadstringens. Passul. nutriens, sublaxans, lubricans.

### NERIVM.

45. *N. Antidysentericum*. RHEED. mal. I. p. 85. t. 47.

BVRM. Zeyl. 176. t. 77.

LOC. Malabaria, Zeylona, Russia.

*Frutex, peregrinus.*

PHARM. Profluvii Cortex.

QUAL. lactescens, acris.

*Ignora.*

VIS:

### ECHITES.

46. *E. Suberecta*. JACQ. amer. pict. p. 21. t. 33.

LOC. Insulae Caribaeae.

*Frutex, peregr.*

PHARM. SVCCVS RECENS.

QUAL. lactescens, acerrima.

VIS: emetica, drastringa, corrosiva, venenata.

## D I G T N I A.

### ASCLEPIAS.

47. *A. Vincetoxicum*. BLAKW. t. 96. MILL. dict. n. I. icon. t. 53. JACQ. misc. austr. T. I. t. 1. f. 5. p. 17.

44. [ANDRY de la generation des vers dans le corps de l'homme. a Paris 1700. p. 244. BAGLIV. oper. omnia. pag. 699. VAN SWIETEN narrat in febre Castrensi verminosa vinum et imprimis serum lactis vinosum profuisse, dum larga copia potabatur. Vid. eius Comment. T. IV. p. 735.]

46. [Nimis violentam eam iudicat virtutis eius anthelminticae testis SLOANEVS.]

LOC. Europae arida, praesertim Gothlandiae.

PHARM. HIRVNDINARIAE Radix 3j; hb.  $\nabla$ , 3c. *Perennis, frequens.*  
 QVAL. lactescens, subvenenata. *Trita, dubia*  
 VIS: expellens.

### CHENOPODIUM.

48. *C. botrys*. ZORN. ic. t. 225.

LOC. Calabria, Hetruria, Narbona, (Russia.)

PHARM. BOTRYOS herba, Semina.

QVAL. fragrans, graviuscula.

VIS: resolvens, pellens, carminativa.

*Rarior, praestans.*

49. *C. ambrosioides*. MORIS. hist. 2. p. 605. f. 5. t. 35.  
 f. 8.

LOC. Mexico, Lusitania.

PHARM.

QVAL. praecedentis.

VIS: praecedentis.

*Annua.*

50. *C. anthelminticum*. DILL. elth. 77. t. 66. f. 76.

LOC. Pennsylvania, Bonaria.

PHARM. CHENOP. ANTHELM. Sem. 3j.

QVAL. graveolenti fragrans.

VIS: anthelmintica.

*Perennis.*

*Eximia, inusitata.*

### GENTIANA.

51. *G. lutea*. MILL. icon. 139. f. 2.

LOC. Alpes Norvegicae, Helveticae, Apenninae, Siliacae, Austriacae, Pyrenaeae, Tridentinae.

PHARM. GENTIANAE RVBRAE rad. Eff. Extr.

QVAL. amarissima, lutea.

VIS: tonica, stomachica.

*Perennis, mansueta.*

*Trita, praestans.*

52. *G. Amarella*. FL. DAN. t. 328. GESN. fasc. 2. p. 45.  
 t. 21. f. 87.

49. [Quoniam *C. ambrosioides* passim frequentius adhibetur *Botryo*, ob hanc causam addendum esse arbitrati sumus.]

50. [Semina *C. anthelm.* in Pennsylvania et Nevv-lersey inter certiora anthelmintica locum sibi vendicant, ac praecipue infantibus offeruntur. KALM. T. 2. p. 305.]

51. [CARTHEVS. fund. Mar. Med. Sect. IX. c. 3. §. 5.]

LOC. Europae prata Ecce.

*Annua, vulgaris.*

PHARM. GENTIANELLAE herba.

QVAL. amara.

VIS: balsamica, tonica.

53. *G. cruciata*. JACQ. austr. t. 372.

LOC. Pannoniae, Apenninorum, Helvetiae montosa  
aprica, sterilia, ad vias. *Perennis.*

PHARM. GENTIANAE CRUCIATAE Radix.

QVAL. amara.

VIS: tonica.

### DAVCVS.

54. *D. Carota*. BLAKW. t. 546. OED. DAN. 723.

LOC. Europae campi exaridi. *Biennis, cicur.*

PHARM. DAVCI SYLVESTRIS Semina.

SATIVI (radix) Semina.

QVAL. rad. dulcescens, leniter aromatica, fragrans.

*Tritas.*

VIS: rad. diluens, aperiens, anthelmintica. Sem. carminativa.

### FERVLA.

55. *F. asa foetida*. KAEMPF. amoen. 535. t. 536.

LOC. Persia.

*Perennis, peregrina.*

PHARM. ASAE FOETIDAE gummi, Essentia, Syrupus.

QVAL. gummi-resina, foetidissima, amaricans, acris, organica  
alliata. *Eximia, tritas.*

VIS: resolvens, carminativa, antispasmodica.

### ANGELICA.

56. *A. Archangelica*. OED. DAN. t. 206.

LOC. Alpes Lapponiae, Austriae etc. et ad rivulos.

*Biennis.*

PHARM. ANGELICAE SATIVAE Rad.  $\nabla$ ; herba, semina,  $\Omega$ ,  $\infty$ , Balsamus, Extract.

53. [MATTHIOLVS radicem tusam et ventri emplastri modo  
impositam ad vermes intestinorum remedium expertum as-  
firmat.]

55. [CI. ROSENSTEIN laudando commendat pilulas ex asa foe-  
tida cum melle pond. gr. 1. formatas, pueris lumbricis labo-  
rantibus omni trihorio N. 5. per 2. dies propinandas; inter-  
iectis vero tribus diebus Rhabarbarum ad alvum ducendam  
interponendum est, vid. eius libr. von den Kinderkrankheiten  
p. 516. edit. noviss.]

56. [CARTH. Fund. Mat. Med. Sect. XII. c. 8. §. 6.]



QUAL. acris, amaricans, fragrans, aromatica, calida.

VIS: resolvens, stomachica.

## BVBON.

57. *B. Galbanum*. JACQ. hort. 3. t. 36.

LOC. Aethiopia.

PHARM. GALBANI Gummi commune, dep. Essent. ☉.

QUAL. Resina graveolens, amaricans.

*Trita, praestans.*

VIS: carminativa, resolvens, antispasmodica.

## CORIANDRVM.

58. *C. sativum*. BLAKW. t. 176. REGN. bot.

LOC. Italiae agri.

*Annua.*

PHARM. CORIANDRI femina, Confectio, ☉.

QUAL. tetra, suspecta.

*Culinaris, ravior.*

VIS: carminativa, hypnotica.

59. *C. testiculatum*. PLVCK. alm. 120. t. 169. f. 2. RIV.

pent. t. 72.

LOC. Europae australis agri.

*Annua.*

PHARM.

QUAL.

VIS:

## IMPERATORIA.

50. *I. Ostruthium*. BLACKW. t. 279. REGN. bot. ZORN.

icon. t. 24.

LOC. ad radices alpium Helvetiae, Austriae, Alverniae.

*Perennis.*

PHARM. IMPERATORIAE Radix.

QUAL. amaro-acris, aromatica, calida.

*Trita, praestans.*

VIS: carminativa.

## PASTINACA.

51. *P. Opopanax*. MORIS. hist. 3. p. 315. f. 9. t. 17. f. 2.

GOUAN. illustr. bot. p. 19. t. 13. 14.

LOC. Galloprovincia, Italia, Sicilia.

*Perennis.*

PHARM. OPOPANACIS Gummi.

QUAL. Gummi-resina amaricans, acris, graveolens.

*Ravior.*

VIS: nervina, carminativa, eccoprotica.

58. [RAU hist. pl. L. IX. c. 22.]

50. [CARTHEVS. Fund. Mat. Med. Sect. XII. c. 8. §. 3.]

51. [Vinum OPOPANACIS olim in affectibus verminosis adhibebatur GLEDITSCH.]

## CARVM.

62. *C. Carvi.* JACQ. austr. t. 393.

LOC. Europae prata.

*Biennis, vulgaris.*

PHARM. CARVI Semina, Confectio, ▽, Ω, ∞.

QUAL. acris, aromatica, calida.

*Culinaris, praeestans.*

VIS: resolvens, carminativa.

## PIMPINELLA.

63. *P. Saxifraga.* JACQ. austr. 4. t. 395. OED. DAN. t. 669.

LOC. Europae campi.

*Perennis, vulgarissima.*

PHARM. PIMPINELLAE NOSTRATIS (albae) radix, Conserva, Esient. ▽. hb. Sem.

QUAL. acerrima, hircina, calida.

*Trita, praeestans; Siabliana.*

VIS: resolvens, stomachica.

## T R I G Y N I A.

## SEMECARPVS.

64. *S. Anacardium.* MURRAY Syft. veg. ed. nov. pag. 292. SUPPL. pl. p. 182.

LOC. desertae et sylvaticae aridae Indiae, versus Zeylonam.

PHARM. ANACARD. officin.

QUAL. nuclei dulcis amygd. putaminis acerrima.

*Exoleta.*

VIS: nuclei nutriens, putam. caustica.

## SAMBVCVS.

65. *S. Ebulus.* MILL. dict. n. 4. ic. t. 226. ZORN. icon. t. 40.

LOC. Europa, Suecia, Calmaria.

*Perennis, cicuta.*

PHARM. Ebuli Radix, Cort. interior, Folia, Flores, Baccae, Rob, Sem.

QUAL. amaro-acris, tetra foetida, nauseosa.

*Rarior, eximia, cauta.*

VIS: (pellens, emetica, drastica,) herbae olei cocti anthelmintica.

64. *S. A.* in India frequenter usurpatur adversus lumbricos, vid. GARCIA ab HORTO hist. aromat. et simpl. aliquot. Medicam. pag. 125.]

65. [LINN. amoen. acad. T. V. p. 137.]

## CLASSIS VI.

## H E X A N D R I A.

## M O N O G Y N I A.

## ALLIVM.

66. *A. Porrum*. BLAKW. t. 421. HALL. all. 6.  
 LOC. *Biennis, oleracea.*  
 PHARM. PORRI semina, Mel, Syrupus.  
 QVAL. acris, subdulcescens, orgastica. *Exoleta, culinaris.*  
 VIS:
67. *A. victorialis*. JACQ. austr. t. 216.  
 LOC. Alpes Helvetiae, Italiae, Austriae, Silesiae.  
*Perennis, submansueta.*  
 PHARM. VICTORIALIS LONGAE Radix.  
 QVAL. acris, orgastica. *Exoleta, superflua.*  
 VIS: Allii sequentis.
68. *A. sativum*. HALL. all. I. DODON. pemt. 682. CAM.  
 epit. 328.  
 LOC. Sicilia. *Perennis, oleracea.*  
 PHARM. Allii radix, ▽, †.  
 QVAL. acris, subcaustica, orgastica, lactaria, urinaria.  
*Culinaris, praestans.*  
 VIS: excitans, pellens.
69. *A. ascalonicum*. MORIS. hist. 2. p. 383. f. 4. t. 14. f. 3.  
 LOC. Palaestina. *Perennis.*  
 PHARM. CEPAE ASCALONICAE Radix.  
 QVAL.  
 VIS:
68. [Inter antiquiores medicos GALENVS, DIOSCORIDES, PAVL. DE AEGINA et CELSVS Allium sativum praecipue magnis laudibus in enecandis vermibus extulerunt; inter recentiores solum Cl. ROSENSTEINIVM attulisse sufficiat, ubi duo clara exempla enumerantur, quae eius vim vel taeniis inimicam probare videntur. In multa coctum puerisque oblatum, sive lacte decoctum et ventri superimpositum, eius saporem odoremque ingratum reformidantibus plurimum adiuventi interdum attulisse, certum est exploratumque. Russi et Turcae, qui Alliiis mirum delectantur liberosque suos harum deliciarum participes facere solent, vermibus rarius infestantur. Si ascarides in pudendo muliebri nidulentur, anthelmintica pessularia commendavit HIPPOC. de Mul. morbis l. 2. c. 60]
69. [A. A. vermes intestinorum necare asserit MATTH.]



70. *A. Ceba*. HALL. alt. 10. DODON. pempt. 687.

LOC.

*Biennis, oleracea.*

PHARM. CEPAE Radix.

QVAL. acris, orgastica.

*Culinaris, praestans.*

VIS:

### ERYTHRONIVM.

71. *E. Dens canis*. GMEL. fib. 1. p. 39. t. 7. JACQ. austr.

V. 5. app. t. 9.

LOC. Liguria, Allobroges, Augusta Taurinorum, Sibiria, Virginia, Monspelim.

*Perennis.*

PHARM. DENTIS CANINI Radix.

QVAL.

VIS:

### SCILLA.

72. *S. maritima*. ZORN. icon. t. 380. BLAKW. 591.

LOC. Hispaniae, Siciliae, Syriae litora arenosa.

*Perennis, submansueta.*

PHARM. SCILLAE Radix, Acetum, Essentia, Oxy-mel scilliticum.

QVAL. acris, amara, cruda corrosiva.

*Trita, heroica.*

VIS: incidens, stimulans, pellens, emetica, hydragoga.

### ALOE.

73. *A. perfoliata*. ZORN. icon. t. 283.

*α. vera*. RHEED. mal. 11. p. 7. t. 3.

LOC. Italia, Sicilia, Melitae tecta, muri.

*Perennis;*

*submansueta.*

PHARM. ALOES HEPATICAE ℥ij. lotae ℥j,

Tinet, Extr. ℥℥.

70. [Aniculae nostrae crudam cepam conscindunt, atque in aquam fontanam iniiciunt, perque noctem in ea macerant, postea pueris et infantibus hancce aquam potandam exhibent ad eliciendos ventris lumbricos. Neque sine fructu; sed Allium melius id efficit.]

71. [Stiriacas mulierculas radice exsiccatæ pollinem pulvis puerorum inspergere ad enecandas eliciendasque ventris taenias CLVSIVS relatum audivit. Id cum idoneum auctorem habeat, neque habere quicquam periculi possit, quamvis in monumentis reliquorum medicorum non legerim, tamen inserendum huic dissertationi meae credidi.]

73. [A. vix sola adhibetur, nisi in infantibus contra vermes, quibus enecandis et expellendis egregie conducit. Speciebus

*β. Aloe americana.*

LOCVS: Barbados.

*Perennis, submansueta.*

PHARM. ALOE SVCCOTRINA.

*γ. Aloe guineensis caballina.*

LOC. Guinea.

*Perennis, submansueta.*

PHARM. ALOE CABALLINA.

QUAL. amarissima, nauseosa.

*γ. Rara; α. β. Trita, heroica.*

VIS: purgans, pellens, stomachica.

ACORVS.

74. A. *Calamus*. ZORN. ic. t. 207. LEHRS herb. n. 260. t. 13. f. 12.

*α. Acorus verus. f. Calamus aromaticus officinarum.*  
MORIS. hist. 3. pag. 246. f. 8. t. 13. f. 4.

LOC. Europae paludes.

*Perennis, cicur.*

PHARM. CALAMI VVLGARIS radix, condita, Extract. ▽, Ω.

*β. Acorus verus f. Calamus aromaticus radice tenuiore.* RHEED. mal. II. p. 99. t. 60.

LOC. India orientalis, Brasilia.

*Perennis, peregrina.*

PHARM. ACORI VERI Radix.

QUAL. aromatica, acris, amaricans, fragrans.

*Vsitata, praeestans.*

VIS: incidens, pellens, stomachica.

T R I G T N I A.

RVMEEX.

75. R. *acutus*. MONTING brit. t. 189. BLAKW. t. 491.

LOC. Europae succulenta.

*Perennis, frequens.*

PHARM. LAPATHI ACVTI Radix, herba, semina.

admiscetur, quas *Hieras picras* medici adpellare solent; merito quidem; namque ob eius amaritiam utique vermibus infesta dici meretur; sed diligenter prospiciendum, ne gracilioribus atque etiam ad haemorrhoides vergentibus temere porrigatur, id enim frequenter usu venit, ut intestina nimium stimulando, ad haemorrhagias urgeat, quare non ultra aliquot grana semel dedisse fas est. Cum aceto et felle bovino mixta, atque umbilico imposita taenias et lumbricos exturbare dicitur.]

74. [CARTHEVS. Fund. M. M. Sect. XII. §. 3.]

QVAL. styptica, nauseosa, *radicis* amarior, lutea, *foliorum* acidior.  
*Praestans; Hb. superflua.*

VIS: adstringens, tonica, eëcoprotica.

76. *R. alpinus*. MÜNTING phyt. t. 200. ZORN. icon. t. 23.

LOC. Europae humentia.

*Perennis, frequens.*

PHARM. RHABARBARI MONACHORVM Radix.

QVAL. amaro-austera, flava.

VIS: adstringens, sublaxans.

### CLASSIS VIII.

## O C T A N D R I A.

### MONOGYNIA.

#### CHLORA.

77. *C. perfoliata*. MORIS. hist. 2. p. 565. t. 5. f. 26. f. 1. 2.

LOC. Helvetia, Anglia, Gallia, Hispania, Germania, Oriens.

*Annua.*

PHARM.

QVAL. amara citra mordacitatem.

VIS: leviter adstringens.

### CLASSIS IX.

## E N N E A N D R I A.

### MONOGYNIA.

#### LAVRVS.

78. *L. cinnamomum*. JACQ. amer. pict. p. 59. t. 117.

LOC. Zeylona, in America ad montem Calebasse Martinicae.

*Arbor, peregrina.*

PHARM. CINNAMOMI Cortex, Syr. ▽ fine vino, ▽ cum vino, Ω, ♂ Gtj.

QVAL. dulcis, dein acris, aromatica, suavissima, fragrantissima.

*Trita, beroica.*

VIS: corroborans, carminativa, stomachica.

76. [In Russia infantibus et pecoribus propinatur ad eliminandos vermes. PALL. it. 1. p. 195.]

77. [vide RAIL. hist. pl. L. XX. p. 1093. GALENVS ob insignes mirasque huius plantae facultates de ea integrum librum conscripsit.]



β. Katou-Karua. RHEED. mal. 5. p. 105. t. 53.

LOC. Malabaria.

Arbor, peregrina.

PHARM. MALABATHRI Folium.

QUAL. acris, aromatica, fragrans, debilis.

VIS: calefaciens, stimulan.

79. L. *camphora*. COMM. hort. 1. pag. 185. t. 95.

LOC. Iaponia.

Arbor, fera.

PHARM. CAMPHORAE Resina grj. — ʒʒ, Ω, ʒʒ.

QUAL. aromatica, acris, amaricans, fragrantissima.

Trita, heroica.

VIS: resolvens, nervina, pellens.

80. L. *nobilis*. ZORN. ic. t. 52.

LOC. Italia, Graecia.

Arbor, mansueta.

PHARM. LAVRI BACCAE, ∇, ʒʒ, Folia.

QUAL. subacris, aromatica.

Trita, praestans.

VIS: stomachica, resolvens, pellens, carminativa, phthiriaca.

### RHEVM.

81. R. *undulatum*. AMOEN. ACAD. 3. p. 212. REGN. bot.

LOC. China, Sibiria.

Perennis.

PHARM. RHABARBARI VERI Radix ʒj. tosta ʒij. (licet in hac forma minus concinna.) Essentia ʒj. Extractum ʒj.

QUAL. styptico-amara, nauseosa, lutea.

Trita, heroica, usitatissima.

VIS: laxans, tonica, stomachica.

79. [vid. WEDELII Diss. de Camphora pag. 22. et PRANGE Diss. de camphorae virtute anthelm. Goett. 1759. Affirmat III. BALDINGER, magnopere profuisse istam in affectibus verminosis, et in clysterum forma proinde cortici nupta. vid. von den Krankheiten einer Armee p. 408, et APPEND. pharm. Edinb. p. 269.]

81. [Secundum observationes CL. PALLAS et GEORGI verosimillimum est, *Rhabarb. verum* desumi a *Rheo undulato*; nisi, ut credere fas est, *Rhabarb. verum* singularis sit species. Doceat CL. FORSTER *Rhabarb. verum* est a *Rheo palmato*. Vid. eius *Geschichte der Entdeckungen und Schiffahrten im Norden. Erst. an der Oder 1784. S. 286.* Ego itaque fretus tantorum auctorum observationibus, *Rheum undulatum* inferendum esse putavi. Ex observat. Ven. RIMROD vero elucet, radicem *Rhei hybridi* maxime convenire *Rhab. vero*. vid. *Naturforscher* 18. St. p. 243.]

## CLASSIS X.

## D E C A N D R I A.

## M O N O G Y N I A.

## DICTAMNVS.

82. *D. albus*. JACQ. austr. t. 428. MILL. ic. t. 123.

LOC. Germania, Italia, Gallia.

*Perennis.*

PHARM. DICTAMNI ALBI radix.

QUAL. amara.

*Rarior, dubia.*

VIS: balsamica, pellens.

## RVTA.

83. *R. graveolens*. MORIS. hist. 2. p. 507. f. 5. t. 14.  
f: 3. ZORN. ic. t. 163.

LOC. Africa, Graecia, Hetruria, Narbona.

*Frutex.*

PHARM. RVTAE HORTENSIS herba, Conserva, ▽,

⊙, ⊖, ⊕, Semina.

QUAL. acerrima, amara, tetra.

*Trita, heroica.*

VIS: resolvens, pellens, carminativa, phthiriaca.

## MELIA.

84. *M. Azadirachta*. RHEED. mal. 4. pag. 107. t. 52.

BREYN. ic. 21. t. 15.

LOC. India.

*Arbor.*

PHARM.

QUAL. *Fructus* oleosa, acris, amara.

VIS:

82. [Dictamno albo multum laudis tribuitur in morbo caduco, et fellis suffusione a vermibus ortum trahente. Ill. L. B. de STOERCK vires huius radiceis in vermibus egregias expertus est, et in libello de Flammula Iovis cap. I. publici iuris fecit. Atque idem ille auctor laudat tincturam e radice paratam, imo pulverem radiceis, dosi ℥j vel 3℥; eiusque vires anthelminticas praestantiores, satis explicatas se habere atque compertas, adfirmat.]

84. [Foliorum succus, sive per os sumptus solus, aut cum vino, aut aqua, aut gallinae iuseculo mixtus, sive umbilico illinitus aut solus, aut cum felle taurino, aceti aut Aloes tantillo, ad omnis generis vermes expellendos perutilis fertur. Quam ob rem familiaris admodum et perquam salubris est medicina omnibus Malabariae incolis, quoniam lumbricis valde sunt obnoxii. RAI hist. pl. p. 1545.]

## QVASSIA.

85. *Q. amara*. AMOEN. ACAD. 6. p. 421. t. 429.  
 LOC. Surinamum. *Arbor, fera.*  
 PHARM. QVASSIAE LIGNVM.  
 QVAL. amarissima, inodora. *Eximia.*  
 VIS: balsamica, tonica, stomachica.
86. *Q. Simaruba*. AVBL. Guian. 860. t. 331. 332.  
 LOC. Guiana Americes. *Arbor, mansueta.*  
 PHARM. SIMARUBAE Lignum, Cortex 3j.  
 QVAL. inodora, amaricans. *Praestans, usitata.*  
 VIS: tonica, stomachica.

## IVSSIEVA.

87. *I. suffruticosa*. RHEED. mal. 2. pag. 55. t. 49. RVMPH.  
 amb. 6. t. 41.  
 LOC. India.  
 PHARM.  
 QVAL.  
 VIS:

## SAPONARIA.

88. *S. officinalis*. OED. DAN. t. 543.  
 LOC. Germania, Anglia, Gallia, Belgium. *Perennis, cicur.*  
 PHARM. SAPONARIAE Radix, Herba, Semina.  
 QVAL. amara, trita spumescens. *Exoleta.*  
 VIS: resolvens, pellens.

## CLASSIS XI.

## D O D E C A N D R I A.

## MONOGYNIA.

## ASARVM.

89. *A. europaeum*. OED. FL. DAN. t. 633. MILL. icon.  
 t. 53.  
 LOC. Europae nemora. *Perennis, cicur.*
85. [vid. die *Casselschen gelehrten Beyträge* de 31. Maij. et  
 7. Ian. 1769. et HIRSCHER von der *Heilung der hinfallenden*  
*Sucht* etc. Mietau 1774.)
86. [Decoctum *Q. Simarubae* magnam vim lumbricorum in puero  
 secum deportasse adfirmavit VAN DOEVEREN l. c. p. 329.]
87. [Plantae decoctum epotum lumbricis enecandis servit. RAIL  
 hist. pl. p. 1510.]



PHARM. ASARI Radix ʒj, Extr. ʒj; Fol. No. VI.

QUAL. amaro-acris, nauseosa.

*Trita, heroica.*

VIS: vomitoria, purgans.

### PORTVLACA.

90. *P. oleracea*. BLAKW. t. 287.

LOC. Europa, India, Inf. Ascensionis, America.

*Annua, cicut.*

PHARM. PORTVLACAE Hb. sem. Conserva, Syr: ▽.

QUAL. aquosa.

*Culinaris, exoleta, superflua.*

VIS: Sem. anthelmintica.

## T R I G T N I A.

### EVPHORBIA.

91. *E. officinarum*. COMM. hort. I. p. 21. t. 21.

LOC. Africa.

PHARM. EVPHORBII Gummi.

QUAL. lactescens, acris, septica.

*Rarior, cauta.*

VIS: incidens, stimulans, pellens, drastica.

### CLASSIS XII.

## I C O S A N D R I A.

### MONOGYNIA.

#### PVNICA.

92. *P. Granatum*. ZORN. ic. t. 270.

α. *Malus punica sativa*. BAVH. pin. 438.

β. *Punica fl. pleno maiore*. TOURNEF. inst. 636.

LOC. Africa, Hispania, Italia.

PHARM. (β) BALAVSTIORVM Flores.

MALICORII Cortex.

GRANATORVM Semina, Syr.

QUAL. styptica, rubrans.

*Trita, praestans.*

VIS: laxans; Fl. pellens, anthelmintica.

91. [*Cataputiae minoris* Semina pariter et *Efulae* radicem, si cum aliis purgantibus misceatur, ad lumbricum latum expellendum efficacem esse monet IACOB. OETHAEVS. vid. D. CLERIC. hist. lumbric. c. XV. p. 439.]

92. [CELS. Lib. IV. c. XVII.]

## AMYGDALVS.

- 93.
- A. Persica*
- . ZORN. icon. t. 280.

LOC. Persia.

*Arbor, mansueta.*

PHARM. PERSICAE Flores. Syr. Nuclei, ▽.

QUAL. Amygdalae amarae. (94. β.)

*Exoleta.*

VIS: Amygdalae amarae.

- 94.
- A. communis*
- . ZORN. ic. tab. 301.

α. *A. dulcis*, putamine molliore. MILL. icon. t. 28.

f. i.

LOC. Tripolis sepes.

*Arbor, mansueta.*

PHARM. AMYGDALAE DVLCIS Nuclei, oblongi, ♂.

QUAL. dulcis, sapida.

*Trita, praestans.*

VIS: obtundens, relaxans, nutriens.

β. *A. amara*.

LOC. Tripolis.

*Arbor, mansueta.*

PHARM. AMYGDALAE AMARAE Nuclei ♂.

QUAL. amara.

*Praestans, dubia.*

VIS: praecedentis (α), carminativa, pellens.

P E N T A G Y N I A.

## PYRVS.

- 95.
- P. Malus*
- . BLAKW. tab. 178.

LOC. Germania.

*Arbor, cicur.*

PHARM. POMORVM BORSDORPHIENSIVM Succus liquidus.

QUAL. acidula, esculenta, sapida.

*Parcior.*

VIS: tonica, subecccprorica.

## TORMENTILLA.

- 96.
- T. erecta*
- . OED. FL. DAN. t. 589.

93. [Folia
- A. Persicae*
- ob amaritiam suam, in cerevisia aut lacte decocta, aut vino infusa et pueris oblata, lumbricos interficiunt et expellunt. GALENVS trita et umbilico imposita id praestare ait; nonnulli cataplasmata ex foliis persicorum et felle tauri, in eundem finem ventri admovent. Idem efficiunt et flores et syrupus inde paratus.]

94. [Amygdalae amarae plerisque animantibus volatilibus et quadrupedibus commestae, mortem inferunt, ob eamque causam etiam lumbricos peremturae creduntur.]

95. [Est hoc omnibus fere pomis commune, ut succus expressus admixto paulo Croci exhibitus ventris animalia pellat, imprimis vero id ea malorum species praestare creditur, quam Latini
- Melimelum*
- sive
- Mustum*
- vocant.]

LOC. Europae pascua sicca. *Perennis, vulgarissima.*  
 PHARM. TORMENTILLAE Radix, Essentia, Extr.  
 Herba.

QUAL. styptica, rubra.

*Trita, praestans.*

VIS: adstringens.

## P O L Y G O N I A.

GEVM.

97. *G. urbanum.* OED. FL. DAN. t. 672. MURRAY in  
 nov. Comm. Goett. 5. p. 33. t. 4. A.

LOC. Europae nemora.

*Perennis, vulgaris.*

PHARM. CARYOPHYLLATAE radix, herba.

QUAL. styptica, fragrans, antacida.

*Rarior.*

VIS: adstringens, pellens.

## CLASSIS XIII.

## P O L Y A N D R I A.

## M O N O G Y N I A.

PAPAYER.

98. *P. somniferum.* ZORN. ic. tab. 371.

α. Papaver hortense sem. nigr.

β. — — sem. albo.

LOC. Europae australioris agri.

*Annua.*

PHARM. PAPAVER. NIGRI Sem. Capitula, Syrup.  
 (Diacodium) ʒj.

ALBI Herba, Syrupus ʒvj, Sem.

℞. Opium crudum gr. ij, correctum, succus inspissatus, Extractum gr. V. TR. cum †,

TR. sine †.

QUAL. Opii resinoso-gummosa, amara, acris, tetra, foetida, inflammabilis.

*Trita, beroica.*

VIS: narcotica, hypnotica, antispasmodica, pægorica.

97. [Conf. R. BVCHHAVE obs. circa rad. Gei urb. vires etc. Hafn. 1781. 8. c. fig.]

98. [Opii dos duplex esse videtur; primum quod vim stupefacientem, quam in omni animanti exserit, ipsis verum corporibus impertiat; deinde quod spasmos a vermibus relaxet; quibus relaxatis prodeunt interdum vermes. ANT. de HAEN Tract. de verm. intestin. p. 57. et B. L. TRALLES Vt. opii salub. etc. Wratisl. 1757. 4.]



## CAMBOGIA.

99. *C. Gutta*. ZORN. ic. tab. 316. RHEED. mal. I. p. 41. t. 24.

LOC. Malabaria, Zeylona.

*Arbor, peregrina.*

PHARM. GUTTAE GUMMI Gr. 3 — 5. Sulphuratum Gr. xvj.

QUAL. resinosa-gummosa, lutea, opaca, nitida, insipida, inodora.

*Rarior, beroica.*

VIS: drastringa, hydragoga, subemetica.

## CARYOPHYLLVS.

100. *C. aromaticus*. ZORN. ic. tab. 315. LINN. *Pflanzen-system*. 2. p. 50. t. 12. f. 1.

LOC. Moluccae, praesertim Ternata.

*Arbor,*

*peregrina.*

PHARM. CARYOPHYLLI AROMATICI Fructus, TR.  $\mathfrak{C}$ , Balsamus.

## ANTHOPHYLLI Fructus.

QUAL. aromatica, calidissima.

*Culinaris, eximia,*

ANTH. *superflua.*

VIS: tonica, stomachica.

## T R I G - T N I A.

## DELPHINIVM.

101. *D. Staphisagria*. BLAKW. tab. 265.

LOC. Istria, Dalmatia, Calabria, Apulia, Creta, Galloprovincia.

*Biennis, mansueta.*

PHARM. STAPHISAGRIAE Semina.

QUAL. amara, nauseosa.

*Trita, praestans, externa.*

VIS: drastringa, phthiriaca.

## ACONITVM.

102. *A. Anthora*. JACQ. austr. t. 382. MILL. ic. t. 12.

LOC. Alpes Pyreneae, Helvetiae, Taurinae, Allobrogicae.

*Perennis.*

PHARM. ANTHORAE Radix  $\mathfrak{z}$ j.

QUAL. amara, acris, toxica.

*Exolera, dubia.*

VIS: purgans.

## P E N T A G T N I A.

## NIGELLA.

103. *N. fativa*. MILL. dict. n. 3. et ic. t. 187. f. 1.

103. [CARTHEVS. F. M. M. Sect. XII. c. 39. §. VI.]

LOC. Germania, Aegyptus, Creta. *Annua, mansueta.*

PHARM. NIGELLAE Semina, ꝑ.

QVAL. acris, fragrans, toxica.

*Rarior.*

VIS: pellens.

### HELLEBORVS.

104. *H. niger.* SCHMIDEL. ic. p. 26. t. 6. JACQ. austr. t. 201.

LOC. Alpes Apenninae, Austriae, Hetruriae.

*Perennis, mansueta.*

PHARM. HELLEBORI NIGRI Radix ꝑj, Fibrae, Extractum ꝑß.

QVAL. Rad. acris, amaricans, subnauseosa, foetida.

*Trita, eximia.*

VIS: purgans, pellens.

105. *H. viridis.* JACQ. austr. t. 106.

LOC. Montes Vignenses, Euganei, rel.

*Perennis.*

PHARM. HELLEBORI VIRIDIS Radix.

QVAL. amarior, acrior magisque nauseosa nigro.

VIS: praecedenti fortior.

106. *H. foetidus.* STERB. fung. 372. t. 36. f. C.

β. *Helleborus niger trifolius.* MORIS. hist. 3. p. 406. f. 12. T. 4. f. 7.

104. [Pulvis foliorum exsiccatorum, pauca quantitate, verminantibus pueris exhibetur, vel in potu, aut iusculo, vel in ficu etc. D. de LILLE in Tractat. de palpitatione cordis p. 253. sequentem mixtionem laudat. Rec. Extr. Hellebor. nigr. ꝑj Vitriol. Martis ꝑß solve in Aqu. Card. ben. 3j, adde Syrup. Violar. 3j. M. D. S. Infanti cochlear parvum detur ieiuno stomacho.]

106. [Si ullum unquam remedium virtutis anthelminticae gloria floruit, certe *Helleborus foetidus* maxime floret, utpote cuius efficacia in Cleveland in propellendis vermibus satis perspicua est atque manifesta. Quem et Cel. BISSET semper sibi bene cessisse fatetur. Dosis erit foliorum recentium 3j in decocto; quodsi vero folia siccata sumantur, gr. xv. sufficere possunt pueris 5. vel 6. annorum, duos vel tres dies continuos mane oblata. In maiori copia sumus excitat emesin atque carharfin. Succus expressus, ope sacchari in syrupum redactus, cuius cochlear dimidium mane et vesperi infantibus 2—6 annorum propinandum, pulveri et decocto praefendus est.]

LOCVS: Germania, Helvetia, Gallia.

*Perennis.*

PHARM. HELLEBORI foetidi Herba.

QVAL. acris, tetra.

VIS: purgans, emetica.

## CLASSIS XIV.

## D I D Y N A M I A.

## G Y M N O S P E R M I A.

## TEVCRIVM.

107. T. *Chamaepitys*. OED. FL. DAN. t. 733.LOC. Italiae, Galliae, Angliae, Hungariae, Helvetiae,  
Germaniae agri.*Annua, cicur.*

PHARM. CHAMAEPITYOS Herba.

QVAL. resinoso-aromatica, amara.

*Trita, praestans.*

VIS: resolvens, pellens, tonica.

108. T. *Scordium*. OED. FL. DAN. t. 593.

LOC. Europa, Sueciae Oelandia, Gothlandia.

*Herba, perennis.*

PHARM. SCORDII Herba, Syrupus, Effentia, ▽.

QVAL. amara, acris, orgasmica alliata, lactaria.

*Trita, eximia.*

VIS: tonica, antiputredinosa, resolvens, pellens.

109. T. *Chamaedrys*. CLVS. hist. I. pag. 351. t. 17.

REGN. bot.

LOC. Germania, Helvetia, Gallia.

*Perennis;  
mansueta.*

PHARM. CHAMAEDRYOS Herba.

QVAL. spirans, amara.

*Trita, praestans.*

VIS: balsamica, tonica.

## SATVREIA.

110. S. *capitata*. CLYS. hist. I. p. 357.

LOC. Graecia, Creta, Baetica, Hispalis, Palaestina.

*Suffrutex, ferus.*

PHARM. THYMI CRETICI Herba.

107. [CARTHEVS. M. M. Sect. XIII. c. XI. §. VI.]

108. [*Scordium* in pulverem tritum, saepe profuisse in affectibus  
verminosis testatur BARRERE Obs. anat. etc. p. 170.]

109. [CARTHEVS. F. M. M. Sect. XIII. c. XI. §. 3.]

110. S. C. confirmante RAO L. XI. c. VII. p. 520, ventris taenias  
exigere valet.]



QVAL. spirans, *Thymo vulgari* fortior.

*Exoleta, praestans.*

VIS: *Thymo vulgari* fortior.

### HYSSOPVS.

III. *H. officinalis*. JACQ. austr. t. 254.

LOC. Austriae subalpina, Russia australis.

*Suffrutex.*

PHARM. HYSSOPI Herba, Conserva, Syrupus, Essentia,  $\nabla$ ,  $\infty$ , Semina.

QVAL. amaricans, nidorosa, halituosa.

*Tritia, praestans.*

VIS: tonica, resolvens, stomachica.

### NEPETA.

II2. *N. cataria*. OED. FL. DAN. t. 580.

LOC. Europae pagi, rudrata.

*Perennis, vulgaris.*

PHARM. NEPETAE Herba.

QVAL. hircosa felina, amara.

*Exoleta, praestans.*

VIS: resolvens, pellens.

### MENTHA.

II3. *M. crispa*. MORIS. hist. 3. p. 367. f. II. t. 6. f. 5.

ZORN. ic. tab. 386.

LOC. Europa.

*Perennis, cicur.*

PHARM. MENTHAE CRISPAE Herba, Conserva, Syrupus,  $\nabla$ ,  $\Omega$ ,  $\infty$ .

QVAL. amaricans, spirans.

*Tritia, eximia.*

VIS: resolvens, pellens.

II4. *M. piperita*. KNIGG. diff. t. I.

LOC. Anglia.

*Perennis.*

PHARM. MENTHAE PIPERITAE Herba.

QVAL. praecedentis, sed acrior, cum sensu refrigerii.

*Rarior, eximia.*

VIS: praecedentis, sed fortior.

### MARRVBIVM.

II5. *M. vulgare*. ZORN. ic. t. 27.

LOC. Europae rudrata argillosa.

*Perennis, vulgaris.*

PHARM. MARRVBII ALBI Herba.

QVAL. graveolens, amariuscula, ingrata.

*Exoleta, praestans.*

VIS: pellens.

III. [CELS. lib. IV. c. XVII. pag. 238. et 239. ed. HALLER. ROSENSTEIN von den Kinderkrankheiten p. 514.]

II3. [CELS. l. c. p. 239. et HIQVET Arznei und Chirurgie der Armen, teutsche Uebersetzung, 1769. p. 216. CARTHEVS. F. M. M. Sect. XII. c. XIII. §. 5.]

## LEONVRVS.

116. *L. cardiaca*. OED. FL. DAN. t. 627.β. *Cardiaca crispa*. RAII. hist. pl. p. 572.LOC. Europae ruderata, pagi. *Perennis, frequens,*

PHARM. CARDIACAE Herba, ▽.

QVAL. sicca. *Exoleta, infida.*

VIS: roborans.

## THYMVS.

117. *T. vulgaris*. BLAKW. tab. 211.LOC. Hispaniae montosa, saxosa, Gallia Narbonensis,  
ubi nulla alia planta frequentior; Sibiria.*Suffrutex, cicur.*

PHARM. THYMI VVLGARIS Herba, ▽.

QVAL. aromatica, spirans. *Vsitata, praestans,*

VIS: resolvens, pellens, corroborans, tonica, stomachica.

## SCVTELLARIA.

118. *S. indica*. RVMPH. amb. 5. p. 459. t. 170. f. 1, 2.

LOC. China.

PHARM.

QVAL. amara.

VIS: tonica, stomachica.

## ANGIOSPERMIA.

## SCROPHVLARIA.

119. *S. nodosa*. GVNN. norveg. n. 732. tab. 4. f. 1 — 3.LOC. Europae sepes. *Perennis, vulgaris.*

PHARM. SCROPHVLARIAE FOETIDAE Radix.

QVAL. tetra, foetida, amara. *Rarior, praestans.*

VIS: repellens, carminativa, Sem. anthelmintica.

## CLERODENDRVN.

120. *C. infortunatum*. RHEED. mal. 2. pag. 41. t. 25.

RVMPH. amb. 4. p. 108. t. 49.

β. *C. folio lato et acuminato*. BYRM. Zeyl. 66. t. 20.LOC. India. *Frutex.*

PHARM.

QVAL.

VIS:

116. [RAII hist. pl. p. 572]

118. [Succus expressus, vel si mavis, decoctum *Scutellariae*, pueris datum lumbricos profligat, confirmante RVMPHIQ.]

## CLASSIS XV.

## T E T R A D Y N A M I A.

## S I L I Q U O S A.

## SISYMBRIVM.

121. *S. Nasturtium*. OED. FL. DAN. t. 690.LOC. Europae rivuli fontesque. *Perennis, frequens.*

PHARM. NASTVRTII AQVATICI Herba, Succus 3iv.

Conferva, Syrupus, ∇, Ω.

QVAL. minus quam Cochlearia acris, orgastica.

*Trita, eximia.*

VIS:

122. *S. SOPHIA*. OED. FL. DAN. t. 528.

LOC. Europae maceriae, muri tectaque.

*Annua,  
vulgaris.*

PHARM. SOPHIAE Semina.

QVAL. acris, fervida.

*Exoleta.*

VIS: stimulan, adstringens.

## ERYSIMVM.

123. *E. Alliaria*. REGN. bot. ZORN. ic. tab. 91.

LOC. Europae sepes, culta, umbrosa.

*Perennis,  
vulgaris.*

PHARM. ALLIARIAE Herba, Semina.

QVAL. amara, orgastica, alliata.

*Exoleta, praestans.*

VIS:

124. *E. cheiranthoides*. JACQ. austr. t. 23. OED. FL. DAN.

731.

LOC. Europae arva.

*Annua.*

PHARM. CAMELINAE Herba.

QVAL.

VIS:

## TVRRITIS.

125. *T. glabra*.

LOC. Europae pascua sicca aprica.

121. [Foliorum succus epotus lumbricos in ventre enecat. RAIL hist. pl. p. 1571.]

122. [Sophiae semina Cinae seminibus praestantiora esse testatur C. HOFFMANN.]

125. [vid. DALE Mar. Med. p. 162.]



PHARM. TVRRITIDIS Herba.  
 QVAL. acris.  
 VIS:

## BRASSICA.

126. B. *Eruca*. REGN. bot.

LOC. Helvetia, Austria.

*Annua.*

PHARM. ERVCAE Semina.

QVAL. acris, fervida, penetrans, organica.

*Exoleta.*

VIS: incidens, resolvens.

## SINAPIS.

127. S. *nigra*. BLAKW. tab. 446.

LOC. Europa.

*Annua, cicur.*

PHARM. SINAP EOS Semina.

QVAL. acris, organica.

*Culinaris, erita, praestans.*

VIS: incidens, stimulan.

## RAPHANVS.

128. R. *fativus*. BLAKW. tab. 31.

$\beta$ . R. *niger*.

$\gamma$ . R. *chinesis annuus oleiferus*.

LOC.

*Annua.*

PHARM. RAPHANI Radix (rccens) Semina.

QVAL. aquoso-acris, organica.

*Culinaris; exoleta.*

VIS: diluens, attenuans, mundificans, carminativa.

## CLASSIS XVI.

## M O N A D E L P H I A.

## D E C A N D R I A.

## HVGONIA.

129. H. *Myrtax*. RHEED. mal. 2. p. 29. t. 19.

LOC. India.

*Frutex.*

PHARM.

QVAL.

VIS:

126. [Semen contusum ex vino potum, lumbricos interimit.]

128. [I. A. HARNISCH Select. Med. Francof. T. II.

129. [RAII hist. pl. Lib. XXVIII. p. 1570.]

## CLASSIS XVII.

D I A D E L P H I A.  
H E X A N D R I A.

## FVMARIA.

130. *F. officinalis*. ZORN. ic. tab. 14.LOC. Europae agri, culta. *Annua, vulgaris.*PHARM. FVMARIAE Herba, Conserva, Syrupus, Effentia, Extractum,  $\nabla$ , Semina.

QUAL. inodora, amarissima.

VIS: tonica, corroborans, pellens, eccoprotica.

## D E C A N D R I A.

## LVPINVS.

131. *L. albus*. ZORN. ic. tab. 321.

LOC.

*Annua.*

PHARM. LVPINI Semina.

QUAL. sicca, amaricans, ingrata.

*Exoleta, dubia.*

VIS: flatulenta.

132. *L. varius*.

LOC. Messana, Monspelim, inter segetes.

*Annua.*

PHARM.

QUAL.

VIS.

## DOLICHOS.

133. *D. pruriens*. JACQ. amer. 201. t. 122. — amer. pict. p. 99. tab. 188.

LOC. India.

*Peregrina.*

PHARM.

QUAL.

VIS: mechanica.

134. *D. urens*. JACQ. amer. 202. t. 182. f. 84. — amer. pict. p. 100. tab. 189.131. [*Lupini albi* semina interficiunt lumbricos, tum contusa et ventri imposita, tum addito melle lincta, tum in posca pota; quin et decoctum eorum idem praestat.]

134. [Secundum cl. BANCROFT incolae totius Guianae, inprimis vero servi nigritae lumbricis affliguntur, quibus nullum efficacius remedium opponere solent, quam Lanuginem DOLICHI, a leguminibus abradendam et cum Syropo quodam in formam Electuarii redigendam, cuius dosis adultis est 3j]

LOC. America meridionalis.

Frutex.

PHARM. DOLICHI VRENTIS Lanugo.

QUAL.

VIS: praecedentis.

## VICIA.

135. *V. sativa*. Cuius herbam equo oblatam plus triginta *Ascarides* diversae magnitudinis expulisse, refert Rev. GOEZ in splendido libro, qui inscriptus est: *Versuch einer Naturgeschichte der Eingeweidewürmer thierischer Körper* etc. p. 63. An itaque credendum, succum eiusdem expressum vel lumbricos C. H. expulsum esse?

## CICER.

136. *C. arietinum*. ZORN. ic. tab. 146.

LOC. Inter Hispaniae, Italiae, Orientis segetes.

*Annua, subcicur.*

PHARM. CICERIS femina alba, rubra.

QUAL. sicca, farinacea, subnauseosa.

*Rarior, dubia.*

VIS: flatulenta, pellens.

## GEOFFROYA.

137. *G. inermis*. WRIGHT in philos. transact. vol. 67. p. 507. c. fig.

LOC. Iamaica.

*Arbor, peregrina.*

PHARM. GEOFFR. INERM. Cortex. Cabbagebark.

Anglis. ꝯ Decoct. Extr. Syr.

QUAL. Recent. mucilagineo-dulcis, odor. ingrati Sicc. mucilag. amaricans, fere inodora.

VIS: purgans, narcotica.

## GLYCYRRHIZA.

138. *G. glabra*. ZORN. ic. tab. 209.

LOC. Franconia, Gallia, Italia, Hispania.

*Perennis, cicur.*

vel plures, quovis mane per triduum, sumto simul Rheo. Aequè tutum est ipsis infantibus, dosi nimirum aetati respondente. vid. BANCROFT., *Naturgeschichte von Guiana* p. 241.]

136. [Decoctum *ciceris arietini* lumbricos eiicit. RAIL hist. pl. lib. XVIII. p. 918.]

138. [*Liquiritiae* Radicis decoctum, teste CAELIO AVRELIANO, et idem cum melle mixtum et lacte dulci sumptum BOERHAVIUS specificum habuit.]



PHARM. LIQVIRITIAE Radix, Succus inspissatus, Extractum, Essentia, Syrupus, Bacilli, Trochisci.

QUAL. mucilaginosa, dulcissima.

*Trita, eximia.*

VIS: edulcorans.

### GALEGA.

139. *G. officinalis*. MILL. ic. t. 137. MORIS. hist. 2. p. 91. l. 2. t. 7. f. 9.

LOC. Hispania, Italia, Africa.

*Perennis.*

PHARM. GALEGAE Herba.

QUAL. subaromatica.

*Ravior, dubia.*

VIS:

### CLASSIS XVIII.

## P O L Y A D E L P H I A.

### I C O S A N D R I A.

### CITRVS.

140. *C. medica*. REGN. bot.

α. *Malus medica*.

β. *Malus Limonia acida*.

LOC. Asia, Media, Assyria, Persia. *Arbor, mansueta.*

PHARM. CITRI Flavedo, *Essentia de Cedro*.

*Cortex, Conditus, Essent.* 77, 80.

*Caro, Condita Succus, Conserva.*

*Syrupus, Semina, Flores.*

QUAL. *Flav.* aromatica, odorata vesiculis oleosis.

*Pulp. acida.*

*Sem. amara. Fl. fragrans.*

*Trita, optima.*

VIS: *Flav. cardiaca, stomachica. Pulp. refrigerans.*

*Sem. anthelmintica. Fl. analeptica.*

141. *C. Aurantium*. REGN. bot.

139. [Vfus eius praecipuus est in lumbricis, quos etiam extrinsecus admota sugere existimatur. Sed rarior usus certi quidpiam ponere vetat. Estur vel herba ipsa cruda, vel cocta.]

140. [Si ascarides haerent in intestino recto, qui pueros maxime exercent, semina citri medicae dari possunt. Quorum contundantur N. 12 — 15. et coquantur in lactis ℥iv. Expresso decocto et adiecto paululo Sacchari bibatur haec dosis quotidie, donec ascarides alvo reddantur. LANGII misc. veritat. de reb. med. Fasc. I. Luneburg 1774. 8. p. 85.]

141. [vid. HANNES de puero epileptico foliis aurantium curato.]

β. Citrus Sinenſis.

LOC. India Orientalis.

*Arbor, manſueta.*

PHARM. NAPHAË (Flores) *Conditae, Conſerva*, ▽, Ω.

AVRANT. Folia, Poma immatura, Cortex  
*conditus, Syrupus, Eſſentia*, ▽, ∞.  
(Bergamotte) Flavedo, *Eſſentia*.

QVAL. amara, *Naph. fragrans.*

*Trita, eximia.*

VIS: tonica, ſtomachica, corroborans, pellens.

## P O L Y A N D R I A.

### HYPERICVM.

142. H. *perforatum*. ZORN. tab. 31.

LOC. Europae prata.

*Perennis, vulgaris.*

PHARM. HYPERICI Herba, ▽, Flores, TR. Sem.

QVAL. balsamica, graveolens.

VIS: reſolvens.

143. H. *quadrangulare*. OED. FL. DAN. 640.

LOC. Europae prata.

*Perennis.*

PHARM. HYPERIC. QVADRANG. Herba, Fl. Semina.

QVAL. praecedentis.

VIS: praecedentis ſed praellantior.

144. H. *Androſaemum*. BLAKW. tab. 94.

LOC. Angliae, G. Narbonenſis, Italiae humida loca.

*Frutex.*

PHARM. HYP. ANDROSAEM. Fol. Flor. Sem.

QVAL. et VIS:

### CLASSIS XIX.

## S Y N G E N E S I A.

### POLYGAMIA AEQUALIS.

#### CICHORIVM.

145. C. *Intybus*. ZORN. ic. t. 37.

142. [*Hyp. perf.* praellantiffimum eſt ad lumbricos pellendos, ſi flores in ſp. Vini infuſi exhibeantur; id quod certa nobiliſſ. matronae experientia didicit T. BARTHOLIN. A& Med. Ann. 1671. 1672 Obſ. 40. *Hyperici* ſuccum ad vermes necandos commendat CAMERARIUS et alii. Herbae decoctum idem efficit.]

143. [Quum *Hypericum quadrangulare* perforato viribus ſuperius ſit et praellantius, ideoque officinis noſtris digniſſimum, id in anthelminticorum numero putaram haberi oportere.]

LOC. Europa ad margines agrorum viarumque.

*Biennis, cicur.*

PHARM. CICHORII Radix, *condita*; Herba, *Syrupus*,  
 $\nabla$ ; Flores, *Conserva*, Semina.

QUAL. aquoso-amara, flavo-tinctoria.

*Trita.*

VIS: aperiens, tonica.

### CARDVVS.

146. *C. marianus*. EGN. bot.

LOC. Italiae, Galliae, Angliae aggeres. *Annua, cicur.*

PHARM. CARDVI MARIAE Herba,  $\nabla$ ; Semina.

QUAL. amara.

VIS: tonica. *Sem. anthelmint.*

### CARLINA.

147. *C. acaulis*. ZORN. ic. t. 168.

LOC. Italiae, Germaniae montes aprici.

*Perennis, cicur.*

PHARM. CARLINAE Radix.

QUAL. graveolens, acris, amara, aromatica.

*Rarior.*

VIS: pellens, stomachica, subemetica.

### SPILANTHVS.

148. *S. Acmella*. BREYN. icon. 48. t. 48. SED. mus. I.

p. 19. t. 9. 10.

LOC. Zeylona.

*Annua, peregrina.*

PHARM. ACMELLAE Herba, Semina.

QUAL. amara, sapore odoreque *Sigisbeckiae*.

*Inusitata, eximia, pretiosa.*

VIS: *Sem. anthelmintica.*

### EVPATORIUM.

149. *E. cannabinum*. OED. FL. DAN. t. 745.

LOC. Europa ad aquas.

*Perennis, infrequens.*

PHARM. EVPATORII Radix, Herba.

QUAL. peramara, acri-odorata.

*Exoleta.*

VIS: corroborans. *Rd. purgans, emetica.*

### SANTOLINA.

150. *S. Chamae-Cyparissus*. ZORN. ic. t. 245.

LOC. Europa australis.

*Fruticulus, mansuetus.*

PHARM. SANTOLINAE Herba.

146. [CARTHEVS. M. M. Sect. IX. c. VI. §. 3.]

148. [*Acmellae* Semina lumbricos expellunt. DALE.]

149. [IVNKER Mat. Med. p. 516.]



QVAL. amara, nidorosa.

Rarior, praestans.

VIS: tonica, pellens, carminativa.

## POLYGAMIA SUPERFLUA.

## TANACETVM.

51. T. *vulgare*. Gmel. fib. 2. p. 133. t. 65. f. 1. $\alpha$ . Tanacetum vulgare luteum. $\beta$ . Tanacetum crispum.LOC.  $\alpha$ . Europae margines pratorum. *Perennis, cicur.*PHARM. TANACETI  $\alpha$ . Flores, Semina. $\beta$ . Herba,  $\nabla$ , &c.

QVAL. amara, aromatica, luteo-tinctoria, nidorosa.

Praestans.

VIS: tonica, pellens, carminativa.

## ARTEMISIA.

52. A. *Judaica*. PLUCK. alm. 4. t. 73. f. 2.LOC. Iudaea, Arabia, Numidia. *Exotica, perennis.*

PHARM. APSINTHII IVDAICI Fol. Fl. Sem. Essent.

QVAL. fragrans, subnauseosa, amaricans.

VIS: tonica, stomachica.

53. A. *Contra*.

LOC. Regnum Boutang Mogolis, Caramania Persiae, Palaestina per Alexandriam, Arabia, Numidia.

PHARM. CINAE (SANTONICI) Sem. 3j. *Confectio.*

QVAL. amara.

Trita, praestans.

VIS: tonica, stomachica.

52. [Fol. et summitates *Apsinth. jud.* aqua, cerevisia, vel vino infundi, sicque pueris dari possunt.]53. [Haereo ac fluctuo animo, an non Semen *Santonici*, quo non facile quidquam dixerim me vidisse efficacius, primum omnium anthelminticorum ponam. Sane ego huic nullum facile praefero, quum eius virtutem nunquam mihi imposuisse, omni ratione confirmare possim. Sed nescio profecto, quomodo acciderit, ut Cl. SELLE in Med. Clin. p. 631. id *levioribus* anthelminticis adnumerare potuerit. Num id fortasse ab illo ideo factum est, quod Semen *Cinae* a variis *Artemis.* speciebus desumitur? Dari potest vel decoctum cum lacte, vel melli immersum, vel in confectioe, ac nisi primis diebus vermes prodeant, laxans subiungi potest. Ego plerumque cum radice *Jalappae* et *Mercurio dulci* coniunctum exhibui, ubi me nunquam fere spes fefellit. Taenia illi non cedit, nisi in larga dosi sumatur. Id autem quemque

154. *A. Abrotanum*. DUHAMEL. arb. I. p. 20. t. 4.  
 LOC. Syriae, Galatiae, Cappadociae, Italiae, Carniolae,  
 Monspeli montes aprici. *Suffruticosa, cicur.*  
 PHARM. ABROTANI Herba,  $\nabla$ .  
 QVAL. amara, nidoroso-halituosa. *Rarior, praestans.*  
 VIS: tonica, stomachia, pellens.
155. *A. Santonica*. GMEL. fib. 2. p. 115. t. 51.  
 LOC. Tartaria, Persica etc.  
 PHARM.  
 QVAL. et VIS.
156. *A. campestris*. GMEL. fib. 2. p. 117. n. 102. tab. 53.  
 f. 1. 2.  
 LOC. Europae campi aprici, aridi. *Perennis, vulgaris.*  
 PHARM. ARTEMISIAE CAMPESTRIS Hba, Sem.  
 QVAL. Sem. *Cinae.*  
 VIS: Sem. *Cinae.*
157. *A. pontica*. JACQ. austr. t. 99.  
 LOC. Hungaria interior, Pannonia, Thracia, Myfia:  
 loca aprica, arida. *Perennis.*  
 PHARM. APSINTHII PONTICI Herba, *Conserva.*  
 QVAL. sequenti suaveolentior. *Rarior, praestans.*  
 VIS: sequenti debilior.
158. *A. Apsinthium*. GMEL. fib. 2. p. 129. tab. 63.  
 LOC. Europae ruderata arida. *subperennis, vulgaris.*  
 PHARM. APSINTHII VVLGARIS Herba, *Syrupus,*  
*Conserva*,  $\nabla$ ,  $\Omega$ ,  $\otimes$ ,  $\ominus$ , *crystall.*  $\ominus$  *non crystall.*  
*Essent. simpl. Extr. inspissat.*  
 QVAL. amarissima, nidorosa, halituosa. *Trita, eximia.*  
 VIS: stomachia, pellens, resolvens.
159. *A. maritima*. I. BAVH. hist. 3. p. 178.

animadvertere oportet, quod iam olim ZWINGERVS obser-  
 vasse sibi visus est, pueros, qui non verminabant, usu huius  
 feminis male se habere. Quare curiose prospiciendum, ne  
 quod in largienda dosi liberalitatis vestigium appareat.]

156. [ROSENSTEIN l. c. p. 514.]

157. [GALENVS meth. med. lib. II. c. XVII. ampliori oratione  
 hanc plantam complexus est, eiusque vires enumeravit; un-  
 de factum, ut *A. ponticum* Galeni adpellatum fuerit.]

159. [Cum stanno raso (seu potius granulato) et corall. rubr. spe-  
 cificum Anglor. adversus Taeniam. MEAD monit. et praec.]

LOC. Europae septentrionalis litora maris. *Perennis.*

PHARM. ARTEMIS. MARIT. Herba.

QUAL. amara, suaveolens, camphorata.

VIS:

### GNAPHALIVM.

160. *G. arenarium.* OED. FL. DAN. t. 641.

LOC. Europa australior, Scania campestris.

*Perennis, cicur.*

PHARM. STOECHADIS CITRINAE Flores. *Vitata.*

QUAL. flava, sicca.

VIS: exsiccans.

161. *G. stoechas.* MORIS. hist. 3. p. 401. f. 7. t. 11. f. 7.

LOC. Germania, Gallia, Hispania, Oriens; colles aridi.

PHARM.

QUAL. antecedentis.

VIS:

### CONYZA.

162. *C. anthelmintica.* RHEED. mal. 2. p. 39. t. 24.

LOC. India.

*Annua.*

PHARM. CONYZAE ANTHELMINT. Semina.

QUAL. amara.

VIS:

### TVSSILAGO.

163. *Petasites.* BLAKW. t. 222. REGN. bot.

LOC. Germania, Belgium, Angliā, Gallia.

*Perennis,  
cicur.*

PHARM. PETASITIDIS Radix, Flores.

QUAL. Rad. ingrata, amara, leviter styptica.

*Rarior, Fl. superflua.*

VIS:

*med. p. 67. praecipue adv. taeniam Solium L. utile. PALLAS  
nord. Beyträge I. p. 55.]*

160. [G. arenarii flores vino decocti et poti lumbricos ventris expellunt, quod TRAGUS experientia certum esse didicit. Externe in emplastro ad necandos vermes interdum adhibetur.]

161. [Flores Gnaphalii Stoechadis vino decocti aut macerati et poti, lumbricos fugant. RAI hist. pl. p. 291.]

162. [RETZIUS ad Serratulam referendam esse mavult, eo, quod foliulis foemineis caret. vid. eius fasc. I. p. 28.]

163. [Facit ad latos lumbricos, teste RAI.]



## SENECIO.

164. *S. vulgaris*. OED. FL. DAN. t. 513.

LOC. Europae culta, ruderata, succulenta.

*Annua.*

PHARM.

QVAL.

VIS:

## INVLA.

165. *I. Helenium*, OED. FL. DAN. t. 728.

LOC. Europa australior.

*Perennis, cicur.*

PHARM. ENVLAE Radix, Condita, Conserva, Essentia, Extractum, ∇.

QVAL. aromatica, mucilaginoso.

*Trita, praestans.*

VIS: pellens, stomachica.

## CHRYSANthemVM.

166. *C. millefoliatum*. MILL. ic. 6. t. 9.

LOC. Russiae australis campi.

*Perennis.*

PHARM. CHR. MILLEFOL. Semina.

QVAL. et VIS: fere *Achillae*.

## MATRICARIA.

167. *M. Parthenium*.

LOC. Europae australioris culta, ruderata.

*Subperennis, cicur.*

PHARM. MATRICARIAE Herba, ∇, ♂, Flores.

QVAL. amara, nidorosa, halitosa.

*Vstata, praestans.*

VIS: tonica, stomachica.

168. *M. Chamomilla*. ZORN. ic. t. 139.

LOC. Europae agri, ruderata.

*Annua, vulgaris.*

164. [Ad lumbricos utilem esse verisimillimum est, siquidem Veterinarii Anglicani et Hippiatri succum eius expressum equis praebent, adversus ventriculi et intestinorum vermes, Bōs dictos, quorum praesentissima pestis est. RAI hist. pl. L.VI. c. XIV. p. 290.]

165. [Radices *Enulae* vino decoctae, aut recentium succus vino infusus et potus, lumbricos et enecat et expellit. CAR- THEVS. M. M. Sect. XII. §. 8.]

166. [Adhibita est cum fructu a medico quodam in Russia. Calida est, adeoque promiscue propinari non debet.]

167. [Ventris lumbricos profligat vel herba ipsa, vel succus eius expressus non secus ac *Centaurium* aut *Apsinthium*. CAR- THEVS. M. M. Sect. XII. c. XIII. §. 5.]

PHARM. CHAMOMILLAE *nostratis* Herba, Syrupus,  
 ▽, ☉, caerul. Flores ☿.  
 QVAL. amara, odorata. *Trita, praestans.*  
 VIS: resolvens, roborans.

## ANTHEMIS.

169. A. *nobilis*. BLAKW. tab. 526.  
 LOC. Europae pascua aprica. *Annua, cicur.*  
 PHARM. CHAMOMILLAE ROMANAE Herba, ☉,  
 Flores, ▽ anifat.  
 QVAL. amara, suaveolens. *Trita, eximia.*  
 VIS: balsamica, carminativa.

## ACHILLEA.

170. A. *Ageratum*. MILL. ic. t. IO. MORIS. hist. 3. p.  
 38. f. 6. f. 2.  
 LOC. Liburnum, Florentia, Monspelim. *Perennis.*  
 PHARM. AGERATI Herba, ☉.  
 QVAL. amara, suaveolens, aromatica. *Exoleta, superflua.*  
 VIS:

171. A. *Millefolium*. OED. FL. DAN. t. 737.  
 LOC. Europae pascua prataque. *Perennis, frequens.*  
 PHARM. MILLEFOLII Hb. Essent. Extr. ▽, ☉.  
 QVAL. aromatico-odorata. *Stabliana, trita.*  
 VIS: narcotica, tonica.

172. A. *odorata*. BARR. rar. III 6. t. 992.  
 LOC. Helvetiae, Narbona, Hispania. *Perennis.*  
 PHARM.  
 QVAL. amara.  
 VIS:

## POLYGAMIA FRVSTRANEA.

## CENTAVREA.

173. C. *benedicta*. ZORN. ic. t. 122.  
 LOC. Agri in Chio, Lemno, Hispania. *Annua.*

169. [CARTHEVS. M. M. Sect. XII. c. XVI. §. 6.]  
 170. [Felici successu oleo ipsius *Agerati* utebatur SIM. PAVLLVS  
 in verminantibus pueris, tam ut iis id propinetur, quam ut  
 Gossypio exceptum umbilico eorum admoveatur.]  
 171. [CARTHEVS. M. M. Sect. XII. c. XVI. §. 10.]  
 172. [RAII hist. pl. Lib. VIII. c. III. p. 348]  
 173. [CARTHEVS. M. M. Sect. IX. c. VI. §. III]

PHARM. CARDVI BENEDICTI Herba, Conserva, ▽, †,  
Flores, Semina.

QUAL. amarissima.

*Vsitata, praestans.*

VIS: tonica, pellens, purgans, subemetica.

CLASSIS XX.

G Y N A N D R I A.

HEXANDRIA.

ARISTOLOCHIA.

174. *A. Serpentaria*. CATESB. car. I. p. 29. t. 29.

LOC. Virginia, Carolina.

*Perennis, mansueta.*

PHARM. SERPENTARIAE VIRGINIANAE Radix 36  
Essentia.

QUAL. acris, hircosa, odore Valerianae.

*Trita, eximia.*

VIS: pellens.

175. *A. Piftolochia*. CLVS. hist. 2. p. 72.

LOC. Hispania, G. Narbonensis, Helvetia.

*Perennis.*

PHARM. A. PISTOLOCHIAE Radix.

QUAL. convenit cum *Serpentaria*.

VIS: antecedentis.

176. *A. rotunda*. ZORN. ic. tab. 125.

LOC. Italia, Hispania, G. Narbonensis.

*Perennis;  
mansueta.*

PHARM. ARISTOLOCHIAE ROTVNDAE Radix.

QUAL. foetida, aromatica, acris, exurens.

*Vsitata, praestans.*

VIS: incidens, pellens, emetica.

177. *A. longa*. ZORN. ic. tab. 201.

LOC. Gallia australis.

PHARM. ARISTOLOCHIAE LONGAE Radix.

QUAL. praecedentis.

VIS: praecedentis.

174. [CARTHEVS. M. M. Sect. XII. c. VII. §. 3.]

176. [*A. rotunda* ob insignem amaritiam merito anthelminticis  
adconsenda videtur.]



## CLASSIS XXI.

## M O N O E C I A.

## T E T R A N D R I A.

## BETVLA.

178. *B. alba*. BLAKW. tab. 240.

LOC. Europae sylvae.

*Arbor, frequentissima.*PHARM. BETVLAE Lignum, Lympha, Epidermis,  
Folia tenera, adulta, Fuligo, Carbones, Oleum  
moscoviticum.QVAL. *Lymphae* edulcorans, ♂ suaveolens.*Vitata, praestans.*VIS: *Fol.* sudorifera; *Lymphae* diluens, anthelm. Carbon.  
anthelm.

## BVXVS.

179. *B. sempervirens*. ZORN. ic. tab. 181.α. *B. arborefcens*.β. *suffruticosa*.

LOC. Gallia, Helvetia.

*Arbor, mansueta.*

PHARM. BVXI Lignum, ♂ Gtt. xx.

QVAL. tetra, foetida, amara.

*Rarior.*VIS: *Lign.* diaphor. mundificans. *Fol.* purgans, pellens,  
♂ anthelmintica.

## MORVS.

180. *M. nigra*. ZORN. ic. tab. 173.

LOC. Italiae maritima, in Persia sponte.

*Arbor,*  
*mansueta.*

PHARM. MORI Roob. Syrup. Cortex, Radix.

QVAL. dulci-subacida.

*Trita, eximia.*

VIS: refrigerans, corroborans.

178. [OLAFSEN und POVELSENS *Reise in Island I. Th. p. 113.*  
Aliis carbores eundem effectum monstraverunt PALL. *nord.*  
*Beyr. I. p. 57. vid. Fraxinus etc.*180. [Cortex radicis *Mori nigrae*, dosi ʒijss, in aqu. font. lbj  
per semihoram coctus, et decoctus mane propinatus, revera  
Taeniam pellere dicitur. Quodsi vero unica dosis non suffi-  
ciat, iteranda est, usque dum Taenia eliciatur. ANDRY  
l. c. p. 172.]

181. *M. alba.* DOD. pempt. p. 810.

LOC. China, Persia sponte.

*Arbor, mansuet.*

PHARM. MORI ALBAE radix.

QUAL. amara.

VIS: purgans.

## P O L T A N D R I A.

### IVGLANS.

182. *I. regia.* BLAKW. tab. 247.

LOC. America septentrionalis, Persia. *Arbor, mansuet.*

PHARM. IVGLANDIS fructus immaturi, Extractum, Roob.

QUAL. graveolens, amaricans, denigrans. *Ravior, praestans.*

VIS: pellens.

## A D E L P H I A.

### PINVS.

183. *P. sylvestris.* TREW in nov. act. A. N. C. III. app.

p. 452. t. 15. f. 1. 3. t. 16. f. 11—25.

LOC. Europae borealis sylvae glareosae.

*Arbor, frequentissima.*

PHARM. PINI Liber, Turiones, Resina, Pix, ꝓ picis,

TEREBINTHINA COMMVN. cocta, Ω, ∞

Templinum.

QUAL. resinosa.

*Trita, praestans.*

VIS: mundificans.

### CROTON.

184. *Tigilium.* RHEED. mal. 2. p. 61. t. 75.

182. [Nuces iuglandes egregia vi vermifuga praeditae sunt. CL. FISCHER in Comment. phys. med. de vermib. in C. H. et anthelmintico, Stadae 1751. extractum eius parari iuber. Cuius drachmas duas in uncia dimidia aquae cinamomi s. vino solvuntur, huiusque solutionis infantibus duorum aut trium annorum guttas viginti vel triginta ter de die porriguntur. Interiectis sex vel octo diebus Laxans mercuriale subiungendum esse docet. Iuglandes aridae commestae tæ-nias adeo certe Mediolanensibus eiciunt, ut nihil praestantius teste BEREHS. Decoctum foliorum item vermibus inimicum creditur.]

183. [BARTHOLINI Epist. med. T. II. Cent. IV. epist. LIV. pag. 345. ROSENSTEIN l. c. p. 514]

184. [ACTA PHYS. MED. Vol. IX. obs. 13. p. 34. sq. Anne laurophae Cúrcas et multifidae semina ob vim eius drasticam anthelminticis adnumerari possunt?]

LOC. Zeylona. *Arbuseula, peregrina.*

PHARM. TIGLII (Tilli) Grana. Gr. iij.

PAVANAE Lignum.

QUAL. Radic. inprimis Corticis illius, *Ligni recens.*

*Foliorum* (quae licet ceteris partibus debiliora, delibata linguam vellicant et adurunt) *Granorum* nauseosa, acerrima. *Exoleta, causa, superflua.*

VIS: emetica, drastica.

### RICINVS.

85. R. communis. MILL. icon. 219.

LOC. temperatum coelum IV. orbis partium.

*Annua, mansueta.*

PHARM. RICINI VVLGARIS (cataputiae maioris)

Semina gr. xxv. (Palmae Christi Ol.)

QUAL. succ. acris, amara; cotyledon. subadstringens, oleosa.

*Exoleta, cauta.*

VIS: drastica. *Folior.* purgans; *Ol.* laxans, anthelmintica.

### HIPPOMANE.

86. H. *Mancinella*. CATESB. car. I. p. 95. T. 95.

LOC. Litora inf. Caribaeorum et vicinae continentis Americae.

*Arbor, peregrina.*

PHARM. LAC FICVS. (Lait du Figuier.) SVCCVS RE-

CENS. Dosis cochl. I — 5 vel 6.

QUAL. succus lacteus amaricans.

VIS: vesicans, excorians, inflammans, corrodens, venenatissima.

### S Y N G E N E S I A.

#### CVCVMIS.

87. C. *colocynthis*. SABBAT. hort. I. t. 70.

LOC. Syria, Alepo.

*Perennis, mansueta.*

PHARM. COLOCYNTHIDIS Pulpa, Semina, Resina,

Extract. gr. -iv.

85. [HVNGERBYHLERI Diss. de oleo Ricini medicam. purgante et anthelm. etc. Friburgi Brisgoviae 1780]

86. [Est specificum anthelminticum Cayennense Cel. BAION. Journal des Médecins tom. 34. p. 60. Datur vel solum, vel cum  $\oslash$  ricini, aliisque mucilaginosi oleosis. Etiam cum Simarouba. Sed deleterium medicamentum esse recte monet Cel. AVBLET in hist. des pl. de la Guiane p. 885.]

87. [Quondam ad vermes pellendos umbilicus illipebatur unguento ex oleo diacolocynth. et felle taurino parato.]



QVAL. amarissima, nauseosa.  
VIS: drastringa.

Rarior, heroica, causa.

### BRYONIA.

188. B. *alba*. OED. FL. DAN. t. 813.

LOC. Europa ad pagos et sepes. *Perennis, infrequens.*

PHARM. BRYONIAE Rad. ʒj. Extr. ʒj. Foecula, Baccarum, Semina.

QVAL. Rad. recent. turion. acris, amara, nauseosa, substyptica, baccarum mitior. *Vitata, eximia.*

VIS: purgans, pellens.

189. B. *dioica*. JACQ. austr. t. 199. MILL. ic. 71.

LOC. Europa ad pagos et sepes.

*Perennis.*

LOCVS: BRYONIAE DIOICAE Radix.

QVAL. praecedentis sed praestantior.

VIS: — —

### CLASSIS XXII.

### D I O E C I A.

### DIANDRIA.

### SALIX.

190. S. *fragilis*. LINN. flor. lapp. T. 8. f. b.

LOC. Europae borealia.

*Arbor, vulgaris.*

PHARM. SALICIS FRAGILIS Cortex.

QVAL. amara, substyptica.

VIS: tonica.

### T E T R A N D R I A.

### VISCUM.

191. V. *album*. BLAKW. t. 284.

LOC. Europae arbores gummosae resinosaeque.

*Frutex, parasiticus, infrequens.*

PHARM. VISCI Lignum, & (heraclinum).

QVAL. graveolens.

*Rarior, praestans.*

VIS:

### MYRICA.

192. M. *Gale* OED. FL. DAN. t. 327. ZORN. t. 217.

190. [HIRSCHEL l. c. p. III. sqq. et GERHARDT mat. med. p. 300 — 302. Salicis cortex e *Salice alba* et *pentandra* quoque desumi potest.]

192. [Folia *Myrri brabanticae* lumbricos necare DALE adserit.]

LOC. Europae, Americae septentrionalis uliginosa.

*Frutex, vulgaris.*

PHARM. MYRTI BRABANTICAE Folia.

QUAL. amara, nidorosa, luteo-tinctoria, cerifera.

*Exoleta, praestans.*

VIS: phantastica, narcotica.

## P E N T A N D R I A.

### CANNABIS.

193. C. *sativa*. MILL. icon. t. 77.

LOC. Iaponia, India orientalis.

*Annua, cicur.*

PHARM. CANNABIS Semina, Ol.

QUAL. virosa.

*Rarior, praestans.*

VIS: narcotica, anodyna.

### HVMVLVS.

194. H. *Lupulus*. BLAKW. t. 536. a. et b. REGN. bot.

LOC. Europae sepes et ad radices montium.

*Perennis, cicur.*

PHARM. LVPVLI coni.

QUAL. amara, nidorosa.

*Rarior.*

VIS: tonica, narcotica.

## M O N A D E L P H I A.

### IVNIPERVS.

195. I. *Sabina*. BLAKW. t. 214.

LOC. Lusitania, Italia, Sibiria, Oriens, Olympus, Ararat.

*Arbustula.*

PHARM. SABINAE Herba, Extr. Essent. ▽, ☉.

QUAL. amaricans, hircosa.

*Triza, praestans.*

VIS:

193. [*Cannabis herbae succus, nec non seminis certa pernicies est vermibus interaneis, confirmante Rajo. Emulsionem e Cannabis seminibus laudat ANDRY l. c.*]

194. [ACTA N. C. MISC. D. II. A. VII. obs. 240. ubi cineres sarmentorum lupuli adversus vermes commendantur. MATHIOLVS laudat eius semina.]

195. [*Juniperus Sabina* ingreditur specificum cel. RATHIER adversus taeniam, quod constat e pulv. Sabin. gr. XX. Sem. Rutae gr. XV. Meri. dule. gr. X. ol. Tanac. gtt. XII. M. f. c. Syr. fl. perf. bol. in 2. p. div. et altera mane, altera vesperi sumenda, hausto dein cyatho vini, in quo nuclei persicor. per XII. h. macerati fuerunt. JOURN. de MEDECIN tom. 28. p. 44.]

196. *I. communis.* BLAKW. t. 187.

LOC. Europae frigidioris, sylvae.

*Arbuscula,  
vulgatissima.*PHARM. IUNIPERI Lign. Cineres, Baccae, Rob. ▽,  
Ω, ∞.

QUAL. aromatica, resinosa.

*Trita, praestans.*

VIS: pellens, carminativa.

## CLASSIS XXIII.

## P O L Y G A M I A.

## M O N O E C I A.

## VERATRUM.

197. *V. album.* JACQ. austr. t. 335. MILL. icon. t. 271.LOC. Russia, Sibiria, Austria, Helvetia, Italia, Graecia  
in montosis.*Perennis.*

PHARM. HELLEBORI ALBI Radix gr. vij.

QUAL. acris, nauseosa.

*Exoleta, cauta.*

VIS: drastica, emetica.

198. *V. Sabadilla.*

LOC. Mexico.

PHARM. SABADILLI Semina.

QUAL. acris, amara, caustica.

VIS: drastica, vomitoria, phthiriaca, toxica.

## ANDROPOGON.

199. *A. Nardus.* RUMPH. amb. 4. p. 22. t. 6.

LOC. Zeylona.

*Perennis, peregrina, dubia.*

PHARM. SPICAE (INDICAE) NARDI Radix.

QUAL. fragrans, acris, aromatica, amara.

*Eximia, inusitata.*

VIS: stomachica.

196. [Decoctum summitatum *Iuniperi* comm. vel etiam succum  
expressum equis verminantibus medici equarii exhibere so-  
lent. Olei eiusdem guttulae duae vel tres puerulis datae  
lumbricos, quibus consistantur, occidunt, extrudantque.  
Gummi iuniperinum idem praestat.]197. [In Russia radix recens ad pond. 3. cum melle datur ad  
expellendos lumbricos et taenias. PALL. Reise I. p. 50.]198. [SCHMUCKERS *vermischte Schriften* 2ter B. pag. 241.]



## D I O E C I A.

## FRAXINVS.

200. *F. excelsior.* BLAKW. t. 328.

LOC. Europae sepes.

*Arbor, vulgaris.*PHARM. FRAXINI Lign.  $\Theta$ , Cortex, Folia, Sem.

Carbones.

QVAL. Cort. amara, Sem. aromatica, singularis. Carbonum mechanica.

VIS: Cort. adstringens; Sem. siccans; Sal. diuretica. Carbonum anthelmintica.

## CLASSIS XXIV.

## C R Y P T O G A M I A.

## F I L I C F S.

## PTERIS.

201. *P. aquilina.* BLAKW. t. 325.

LOC. Europae sylvae, praesertim caeduae.

PHARM.

QVAL. resinosa, nauseosa.

VIS: incidens, tonica, eccoprotica.

## POLYPODIVM.

202. *P. Filix mas.* BLAKW. t. 325.

LOC. Europae sylvae.

*Perennis, vulgaris.*

PHARM. FILICIS Radix.

QVAL. amarulenta.

*Vsitata.*

VIS: tonica.

200. [Carbones *Fraxini* compositionem specifi. HERRENSCHWANDII adversus taeniam, adfirmante Ill. VOGELIO, praecipue ingrediuntur; quamquam huius specifi. compositio varie ab auctoribus traditur. *Fraxini* carbones irritant intestina et vermes perinde ac *Dolichos pruriens* et *urens*.]201. [THEOPHRAST. Hist. pl. IX. 20. p. 193. ed. Heins. DIOSCOR. l. IV. c. 196. 187. PLIN. l. XXVII. p. 430. ed. Hardouin. RAIUS, HALLERVS alique laudes ad Pteridis aquilinae radices circumeidendas esse putant. Non desuerunt tamen, qui radicem *Pteridis aquilinae* Filici mari praetulerint.]202. [Basis est specifi. NVFFERIANI et HERRENSCHWANDIANI, de quibus conferri meretur Ill. PALLAS in libro: *Nordische Beyträge* l. p. 67. sqq. quo teste utrumque Taeniam latam promte, reliquas autem aegrius expellere solet. Ex-

203. *P. Filix foemina*. MORIS. hist. 3. p. 579. f. 14.  
t. 3. f. 8.

LOC. Europae frigidiora subhumida.

PHARM. FILICIS FOEM. radix.

QUAL. praecedentis.

VIS: praecedentis.

## A L G A E.

### LICHEN.

204. *L. aphthosus*. OED. FL. DAN. t. 767. f. 1.

LOC. Europae iuniperata.

*Vulgaris.*

PHARM. MVSCI CVMATILIS Herba.

QUAL. tetra, mephitica.

*Inusitata.*

VIS: drastica.

### FVCVS.

205. *F. Helminthochortos*. BARRELIER N. 1337. Icon.  
1391. n. 13.

LOC. Corsicae insula, litora maritima Aiacii, meridionalis Galliae orae.

PHARM. HELMINTOCHORTOS.

QUAL. nauseosa, penetrans, mucilaginosaf.

*Trita, praestans.*

VIS:

### CORALLINA.

206. *C. officinalis*. ELLIS. cor. 48. n. 2. 3. 4. t. 24.  
f. 2.

stant tamen observationes, quae docent, radicem *Filicis maris* Taeniam Solium L. exturbasse. Conf. Cel. GMELINI Confid. general. Filicum. Erlangae 1784.]

205. [Quicumque plura de utilitate ac praeslantia huius helminthagogi legere cupiat, evolvat P. I. SCHWANDIMANNI Diss. inaug. Helminthochortos hist. nat. atque vires sistentem, Argentorati. 4. 1780, ubi omnia optime explicantur. Nos profecto ex omnibus, quae lumbricos expellunt, maxime singularem virtutem habere deprehendimus, ita, ut illum vix unquam spem fessellisse liquido adfirmare possimus. Solemnis nobis haec formula fuit: Rec. Helminthochort. ʒij Coq. [in Aqu. fontan. ʒiv Coq. adde Mellis despum. ʒʒ. Omni bihorio cochleare sumendum. Hausta hac medicina vermes plerumque sine ullo purgante subiuncto exierunt.]

206. [Verosimile est, *Corallinas* ad regnum vegetabile referendas esse. Conf. Ill. PALLAS Elench. Zoophytorum. Poterit ita-

LOC. Mare Atlanticum, Norvegicum. *Manfueta.*

PHARM. CORALLINA.

QUAL. insipida, inodora, calcaria. *Frequens.*

VIS: absorbens, subadstringens.

## F V N G I.

### BOLETVS.

207. *B. Laricis.* JACQ. misc. 1. p. 172. tab. 20. 21.

LOC. Alpium Tridentinarum, Tyrolis, Helvetiae, Delphinatus (Russiae, Sibiriae) Larices.

*Peregrinus.*

PHARM. AGARICI OPTIMI 3ß, Resina, (Extractum)

℥ij.

QUAL. subdulcis, mox amara, acris, nauseosa.

*Trita, eximia.*

VIS: subadstringens, eccoprotica.

## A P P E N D I X.

### P A L M A E.

#### COCOS.

208. *C. nucifera.* JACQ. amer. 277. t. 169. — pict.

P. 135.

LOC. Indiae paludosa, umbrosa.

PHARM.

QUAL.

VIS:

### R E S I N A E.

209. MYRRHA.

LOC. Regio Troglodytarum Africae. *Barbara.*

PHARM. MYRRHAE Gummi - resina ℥j, TR. 3ß,

Extr. 80 destil. et 80 per Deliquium.

que haec in numerum anthelminticorum vegetabilium recipi.

VAN SWITEN Comment. T. IV. p. 727.]

208. [E nucleis confusis atque expressis lac extorquetur, lumbricis enecandis utilissimum teste DALE.]

209. [CARTHEVS. M. M. Sect. XII. c. XXVIII. §. 15. *Aloen, Crocum* et *Myrrham* sumebat BOERHAVE Chem. Tom. II. Process. 81. p. 277. Laudat hoc remedium, quoties in primis viis lumbrici hospitantur. VAN SWIETEN egregie hoc profuisse testatur.]



QVAL. ruffa, amara, subacris, aromaticâ, naufeofa, graveolens.  
*Trita, eximia.*

VIS: tonica, ftomachica.

210. SAGAPENVUM.

LOC. Alexandria, Perfia.

*Barbara.*

PHARM. SAGAPENI Gummi-refina.

QVAL. virofa, acris, rufefcens.

VIS: eccoprotica, refolvens.

M I S C E L L A N E A E.

211. AGALLOCHVM. EVMPH. amb. 2. t. 9.

LOC. China.

*Arbor, peregrina.*

PHARM. ALOES (Agallochi veri) Lignum ꝓj. Resi-  
na, ꝑo.

QVAL. lactefcens, meditullium trunci amariffimum.

*Ravior.*

VIS: venenatiffima, excorfans.

212. SPONGIA FLVVIATILIS.

QVAL. afpera, tetra.

VIS: irritans (mechanice) vermes et inteflina.

212. [Datur in Ruffia adverfus vermes. GMEL. I. p. 150. Num.  
genuina fit *Spongiae* fpecies, dubitari adhuc potefl. Certe  
non efl animal, cum vitae nullum in ea reperiatur veftigium.  
PALL. elench. Zooph. p. 384.]

---

XIX.

DR. GEORG. ALBERT. WEINRICH

DISSERTATIO

DE

HAEMATOKYLO CAMPE-  
CHIANO.

ERLANGAE,

1780.





## P R O O E M I V M.

Ex quo tempore a quisquiliis repurgari coepit cordatorum virorum studio, variam sortem experta est Materiae Medicae scientia. Etenim, quod in aliis rebus quoque saepius accidit, auream non raro transgressi sunt mediocritatem repurgatores, plura proscribentes remedia, quibus comprobata per longum aeuum efficacia locum vindicare videbatur; neque vnanimi consilio haec facta sunt, sed omnium, quicumque selectam exhibere Materiam Medicam prae se ferebant, alius aliam medicaminum instituit collectionem. Alii de locupletanda potius cogitarunt scientia, antiquis illis inertibus noua substituentes remedia, euporistorum et indigenorum primam rationem habentes, vel ex remotioribus terrae regionibus nouam suggerentes penum, quam insignem testantur recentiores eruditissimorum pariter ac solertissimorum virorum, immortalis Archiatri a LINNE, ill. MURRAY, GLEDITSCHII, BERGII, aliorumque de Mat. Med. conscripti libri. Bene de re medica meritos esse, qui medicamentum antea inusitatum non introducere, nisi omnimode definitum et experimentis rite captis sat comprobatum, quis est, qui negauerit? Ast quot noua remedia, quot inauditae cognitorum decantatae fuerunt virtutes et adhuc audacter decantantur, quae si rigidae subieceris tentationi consistere nequeunt! Quae quamuis dies deleat commenta, non varias tamen de confusa et incertis rebus obruta scientia querelas medicorum excitant; quo factum est, vt plures, omne recentiorum apud hanc Medicinae partem collocatum studium deridentes, in iis, quae a doctoribus olim acceperant, subsistant, nec pauci tironum praecipue dubii, quibusnam recte vtantur,

---

diu haereant. Palmam itaque reliquis praeripuisse mihi videntur ii, qui neque dulci nouitatis desiderio capti, neque inuentoris nomen inhiantes, iis, quae nobis cognita sunt Mat. Med. subiectis vltcrius explorandis potissimam operam impenderunt. Hi quidem vno alteroue experimento perfunctorie capto non temere fisci, tam descriptionem rei exhibent curatiorem, qua cognosci et ab omnibus aliis facile discerni queat, quam in veras eius virtutes maxima, qua fieri potest, circumspeditione et sedulitate inquirunt. Quorum vestigia ego premens in exhibendo hoc inaugurali specimine, quamquam me eos assecutum esse minime mihi persuasum habeam, tamen assequi conantem veniam a Lectore Beneuolo impetraturum esse confido.

---

## §. I.

*Ligni descriptio.*

Quod sub nomine *Ligni Campechiani*, siue *Campechensis*; *Bois de Campêche*, *Bois d'Inde* Gall. *Logwood*, *Campeachywood* Angl. *Hout van Campeche* Belg. *Legno di Campeche* Ital. *Palo de Campecho* Hisp. *Biauholz*, *Blutholz* Germ. apud mercatores prostat, cortice et alburno rescissis in maiora frusta dissectum venit, quorum superficies est inaequalis et ab aquae aërisque iniuriis fusco-cinerea. Solida et compacta est textura, dissectu difficile, intus colore sanguineo et, si laeuigatum fuerit, ad aureum aliquantiſper vergente, praeditum. In longitudinem diffusum venis nigricantibus longitudinalibus pictum est et laminulis transuersis laeuius splendentibus, quas pectines vocant, quae vero, si dolabra adhibita fuerit, minus conspicua sunt, transuersim sectum annulos dat undulatos rubros et alternos obscuriores. Aquam pondere superat, et ratio grauitatis aquae ad grauitatem ligni est sicut 1 : 1,057. Odor ligni integri vix ullus est, rasi vero peculiaris quidam debili illi forsitan similis, quem flaccidi violae odoratae flores spargunt. Saliuam leuiter masticatum colore inficit rubro caerulescente. Saporem in lingua excitat dulcem adstringentem, in fine parumper amaricantem. Frusta quaedam ligni subinde reperiuntur, quibus alburnum et cortex adhuc adhaerent, quale et mihi conspiciere contigit. Easdem quidem, quas solum lignum, aëris et aquae iniurias quamquam pertulerint, ita vt de vera vtriusque natura parum coniecere possim, prorsus omittere eorum descriptionem tamen nolui. Corticis crassities vix lineam geometricam aequat, color epidermidis est nigricans, corticis sub ea sordide flauo-cinereus, sapor mucilaginosus, ingratus, acriusculus. Alburnum itidem saporem mouet fatuum, acriusculum; colorem ostendit albicantem, odorem, vti et cortex, cundem qui ligno proprius est. Aquam neque cortex, neque alburnum, aut sola, aut addito alumine, notabili colore tingunt.



## §. II.

*Arboris descriptio.*

Arbor, quae lignum Campechianum dat, est

*Haematoxylon Campechianum*, LINN. *Spec. plant.* p. 549. *horr. Chiff.* p. 160. IACQVIN *obs. bot.* I. p. 20. MILL. *Gacinerlex.* ed. nouiss. 2. p. 415. BERGII *mar. med.* 1. p. 351. MURRAY *appar. med.* 2. p. 429.

*Haematoxylon spinosum*, foliolis (foliis) pinnatis, racemis terminalibus. BROWN. *nat. hist. of Iamaica* p. 220.

*Lignum Campechianum*, species quaedam Brasiliae Io. de Laet. SLOAN. *nat. hist. of Iamaica* 2. p. 183. t. 231. f. 1. 2. *ligni.* RAI. *hist.* 3. *dendrol.* p. 132.

Quae cum nemini adhuc enarratius fuerit descripta, imaginem eius, ex peregrinatorum itinerariis et ramulorum exemplis siccatis, quae ex instructissimo suo herbario, missos a generosiss. de ROHR, Architecturae militaris et civilis summo Praefecto in insulis Indiae occidentalis, regis Daniae imperio subditis, mecum communicauit ill. SCHREBER, Praeceptor atque Fautor ob singularem in me fauorem pio venerandus animo, duce ipso gaudens et auctore, quatenus verbis exprimi potest, iam sum exhibiturus.

ARBVSCVLA duodecim ad quatuordecim pedes plerumque alta \*) formae neglectae, parum comosa \*\*), Crataego Oxyacanthae similis \*\*\*).

TRVNCVS brevis, raro vltra septem pollices crassus †) nodosus, vna cum ramis primariis cortice rimoso nigricante vestitus, inermis vel paucis tantum spinis armatus ††), nonnunquam magis spinosus †††).

*Rami* alterni, subflexuosi, teretes, materie flaua, eisdem fere fabricae et coloris, ac lignum Berberis vulg. cortice fusco, epidermide ex albido cinerea rimosa, laeui, punctis crebris eleuatis fuscis scabra, spinosi.

\*) BROWNE, IACQVIN *l. c.* in cultis.

\*\*) IACQVIN *l. c.*

\*\*\*) DAMPIER *voy. autour du monde t. III. p. 299.*

†) BROWNE, in cultis.

††) DAMPIER *l. c.*

†††) IACQVIN *l. c.* — Cetera ex exemplis siccis.

*Folia* plurima, bipollicaria circiter, alterna, patentia, pinnata. *Foliola* triiuga, quadriiuga et quinqueiuga, cuneiformia, integerrima, margine crassiusculo, apice rotundata vel emarginata, supra nitida, subtus pallidiora, vtrinque glabra, venis maximam partem parallelis, ad angulum acutum (50 circ. gr.) a nervo medio discedentibus dense striata, planiuscula, compacta, persistencia; maiora semipollicaria.

*Petiolus* cuiusque folii communis fere semiteres, supra planiusculus, pilis brevibus hispidus, subtus convexus, glaber, articulatus: articulis quam foliola brevioribus, nonnunquam retrofractis. *Petioluli* brevissimi, glabri; infimi rarius elongati, singuli biugi.

*Stipulae* geminae, laterales, sessiles, subulatae, basi latescentes; ramo appressae, deciduae, longitudine circiter lineae.

*Spinae* axillares, patentes, simplices, conicae, acutae, ramo circulari commissura iunctae, eiusdem cum eo structurae et coloris; ex inferioribus tantum alis emergentes.

*RACEMI* terminalis et axillares plures, patentes, foliis longiores, tripollicares et ultra.

*Pedunculus communis* filiformis, apicem versus sensim attenuatus, striatus, glaber. *Pedicelli* plurimi, ad angulum rectum a pedunculo exstantes, articulatione ipsi iuncti, sparsi, capillares, glabri, sesquilineam longi. *Bractae* minimae, falcatae, acuminatae, deciduae.

*CAL.* *Perianthium* monophyllum, quinquepartitum, coloratum, purpureum \*), basi persistens: *laciniis* patentibus, oblongis, obtusis, quatuor *superioribus* aequalibus, margine apiceque tenuioribus petaloidis albidis vel flavescentibus: *infima* paullo longiore; omnibus deciduis.

*COR.* *Petala* quinque, patentia, sessilia, ovalia, obtusa, subaequalia, flava \*\*) calyci inserta, eius laciniis maiora.

) MILLER l. c.

\*) IACQVIN l. c.

STAM. *Filamenta* decem, subulata, pilosa, erecta, calyci ad basin laciniarum inserta, inaequalia \*), vix corolla longiora. *Antherae* ovales.

PIST. *Germen* oblongum, compressum, staminibus brevius. *Stylus* filiformis; ultra stamina protensus, deciduus. *Stigma* infundibuliforme.

PER. *Legumen* sesquipollicare, lanceolato-acinaciforme, compressum, obtusum, uniloculare, utrinque futura crassiuscula non dehiscente marginatum, valvulis medio per longitudinem ruptis se apertiens, et in duas partes nauculares discedens; quarum superior altera minor.

SEM. solitaria (vel gemina ternae \*\*) oblonga, compressa, utrinque per longitudinem sulcata, medio alterius marginis affixa funiculo brevi; longitudine quatuor lineas aequantia.

GEMMAE axillares, conicae, obtusae, stipulaceae, breves.

SOMNVS, ut in quibusdam foliis, una missis, apparet imbricans \*\*\*).

Flores odorem, pergratum spirant †).

Haec docent, arborem ad ordinem naturalem plantarum leguminosarum staminibus non connatis, quas Lomentaceas nominat b. a LINNE', pertinere et generis characterem essentialem hunc esse constituendum:

*Cal.* quinquepartitus, basi persistens. *Petala* quinque subaequalia. *Legumen* lanceolato-acinaciforme, valvulis extra futuras per longitudinem discedentibus.

CATESBY in libro: *The natural history of Caroline* etc. ††) Haematoxyli ramum breuiter descripsit, eiusque egregiam effigiem aeri incisam addidit, adposito, quod SLOANEO repetebat, nomine: Lignum campechianum

\*) Nonnunquam duo reliquis paullo breviora sunt.

\*\*) MILLER l. c.

\*\*\*) Idem testatur perill. a LINNÉ in diss. de somno plant. Acad. 4. p. 348.

†) IACQ. l. c.

††) Tom. II. p. 66. tab. 66.



species quaedam etc. qui ramus vero a vulgari specie eo differt, quod nullas spinas habeat certe nec in figura conspicendas, nec in libro ipso indicatas, et quod omnes eius partes sint solito maiores. Quod utrumque vero cum a cultura productum esse queat, et ceterum imago Catesbyana bene conueniat cum ramis illis siccatis, quos inspicere mihi licuit, non nisi recedentem quodammodo a communi Haematotoxili Campechiani forma eam, quam CATESBY depinxit, arborem pronuntiare audeo; quibus autem in posterum Indiae occidentalis insulas adeundi occasio dabitur, naturae periti, obscuram nunc rem dubiis discussis facile illustrabunt. Id adhuc monendum de hac figura habeo, basin foliorum nimis acutam esse, neque calycem satis a corolla distinctam apparere. Veram ipsius speciei, qualis crescere in loco natali solet, iconem nondum habemus, ea enim quam *Herbarium Blakwellianum* tabula quadragesima nonagesima tertia exhibet, si modo hanc arborem referat, variis laborat vitiis \*).

Antequam ulterius progrediar, errores nonnullorum reprehendere liceat in determinanda arbore, de qua lignum sumitur Campechianum, olim, cum minus ea cognita fuerit, commissos. POMET \*\*) sibi fingeat eam esse Myrtum Pimentam LINN. quem secutus est BOMARE in *Dictionnaire d'histoire naturelle* \*\*\*). RAIUS, certiora nondum edoctus †), speciem esse credidit Caesalpiniae, quam LINNEI triuiali nomine Sappan designauit, eiusdem ipse sententiae, cum primum ediderit librum de *mat. med.* ††); et cel. ADANSON adhuc in Caesalpiniiis eam quaerit †††); sed euidentiora sunt virorum cl. SLOANE, BROWNE et IACQVIN testimonia, quam de quibus vel momentum liceat dubitare.

\*) IACQVIN *obs. l. c.*

\*\*) *Hist. générale des Drogues p. 120.*

\*\*\*) *T. II. Yverdon 1768. p. 137. Art. bois de campêche*, cui in hac editione additur, Linnaeanum nomen esse *Haematoxylum*.

†) *Hist. pl. 2. p. 1736.*

††) *p. 69. no. 203.*

†††) *Familles des plantes, II. Partie p. 318. 315.*

## §. III.

*Patria. Solum.*

Solum patrium Haematoxyli est Yucatan, peninsula in australiori parte regni Nouae Hispaniae, et eius quidem maritima regio. Nomen duxit ab vrbe Campeche, ad quam, nec non ad totum sinum eiusdem nominis, copiose antehac proueniebat, vnde primum a solis Hispanis in Europam deportatum est. Iamaica insula potiti Angli id quoque viderunt in eo sinu nauigantes, et primum quidem vsus eius atque pretii ignari, mox ipsi hic posteaque in sinu Honras e regione sito, ceciderunt \*), quod monitis et armis prohibere diu frustra conati Hispani, nostra denique aetate, inita post secularia certamina pace concedere coacti sunt. Disseminata arbor paullatim fuit in insulis, quae circumiacent, Antillis maioribus et minoribus, in quibus nunc rara non est. Sepibus struendis inseruit suauipulchritudine conspicuis, in St. Domingo et Iamaica insulis \*\*). In pratis quoque crescit Iamaicae \*\*\*). Ad insulam Cayenne eadem translata et in hortis plantata est †). Quam depinxit arborem, in insula Prouidence, Lucaicarum maxima, vidit CATESBY. Initio incrementum difficulter capit, donec nouo solo plantae fuerint adsuetae. Arbutulas ex semine eius eduxerunt in Anglia ††), quod ill. IACQVIN Viennae e millenis seminibus vix annuis non contigit. Loca humilia praecipue amat pluuiarum tempore inundata, cetero humida ac paludosa, et terram exiguit argillaceam luteam humo leuiter tectam †††), qualis regio est, vbi Angli id caedunt; sed quod in ficciore solo ad occidentalem sinus Campechiensis oram crescens reperiunt et vendere coeperunt nuper Hispani, Anglico illo deprehenditur praestantius \*). In Guinea quoque eam

\*) DAMPIER *voy 3. p. 286.* ROBERTSON *Geschichte von America II. 383. sqq.*

\*\*) IACQVIN *l. c. p. 20.* MILLER *l. c.*

\*\*\*.) BROWNE, JACQ. *l. c.*

†) AVBLET *histoire des plantes de la Guiane françoise etc. I. p. 393.*

††) MILLER *l. c.*

†††) DAMPIER *3. p. 299.* BROWNE, *l. c.*

\*) ROBERTSON *l. c.*

prouenire credidit SLOANE locis quibusdam PURCHASII ductus \*); sed de quo ibi sermo est, lignum tinctorium absque dubio est Caesalpiniae Sappan LINN. Recentiores quidem de his terris relationes nullam Haematoxyli ibi crescentis faciunt mentionem.

## §. IV.

## G u m m i.

Celeberrimi viri, BROWNE et IACQVIN, ligni nostri descriptionem tradentes, de gummi quoque mentionem iniiciunt e trunco et ramis primariis exsudante, oui saepe gallinacei volumine cortici adhaerente, quod in Angliae tabernis venit. Quamquam vero huc apportandam quandam eius copiam omni data opera curauerim; haecenus in conspectum meum nondum venit, quare in enarrandis iis, quae illi de hoc gummi commemorarunt, coactus subsisto. Molle primum est, sed breui solidescit, tandemque fragile redditur digitis in puluerem facile conterendum. Color ipsi est saturatissime ruber, quo fit, vt, quamuis pellucidissimum sit, nigrum et opacum appareat. Lentissime quidem, ast totum soluitur in aqua, lente iterum spissescens. De sapore aliud vterque fert iudicium, et BROWNE quidem egregie subadstringens illud praedicat, cum dulcedine quadam, qua gratissimum palato sese commendat \*\*). IACQVINVS autem insipidum deprehendit, nec quidquam adstringentis in eo detexit; solutum tamen in aqua leuissimam linguae dulcedinem imprimere ipse fatetur \*\*\*).

## §. V.

## ANALYSIS CHEMICA.

*Infusum frigidum aquosum et vinosum. Decoctum aquosum.*

Chemicam Haematoxyli suscepturo explorationem omnium primus labor erat inquirendi, quae, si aqua frigida illi affunderetur, digna notatu essent apparitura; quo in negotio duce gauisus sum *perill.* DELIO, Fautore meo-

\*) l. c.

\*\*) l. c.

\*\*\*) l. c.



rumque studiorum Promotore summe colendo. Affusa frustulis ligni, qualibus vtuntur opifices et tinctorum, aqua post horas viginti quatuor colorem adsciuerat sanguineum, qui ex admixta solutione vitrioli martis puri in nigrum illico conuertebatur. Alia portio cum alcali fixo commixta vinum, quod Pontac appellant, colore retulit, eundemque colorem effecit spiritus salis ammoniaci. Alumen crudum in aqua antea solutum infusionem hanc ligni aquosam reddidit ex coccineo purpuream, quo liquore aluminato cum alcalisato illo combinato, color violarum ortus est, et terra aluminis praecipitata. Ordinis naturalis conubium animum adduxit indagare, num infusum frigidum aquosum instar infusi ligni nephritici, Guilandinae Moringae LINN. colores sit variaturum; sed nullum huius vestigium (vidi \*), quamuis, quod deinde legebam, hanc infusi virtutem comemoret BROWNE \*\*). Infusum frigidum vinosum fusci coloris fuit, quem alumen additum in eum, qui vino burgundico est, mutauit \*\*\*). Aquae fontanae librae quatuor cum vnciis duabus rasurae ligni tamdiu coctae, vt dimidia liquidi pars superesset, liquorem ex atro saturatissime rubrum dederunt, qui multa dilutus aqua in sanguineum conuersus est. Odor illi est, aequae ac infuso frigido aquoso, debilis ligni, sapor vtrique sat dulcis adstringens, quem comitatur in saturato potissimum decocto paullulum cuiusdam nauseosi. Nescio, quid imposuerit ill. POERNER, qui decoctum hoc nullius dicat esse odoris vel saporis, nisi terreus cuiusdam. Sensus tamen ipse af-

\*) Liceat hic paucissimis indicare, eandem, quam in ligno nephritico diu cognoueramus, virtutem in Aesculo Hippocastano, Aesculo Pania, et Fraxino excelsiore detexisse cl. FRISCHMANNUM, Pharmacopolam peritissimum; nec infusum solummodo aquosum frigidum corticis et ligni, sed et extractum vtriusque in multa aqua solutum coloris in luce et umbra variationem praestare. Facile ideo explorari iam potest, si extractum corticis chinchinae extracto Hippocastani sit adulteratum. De Fraxino GESNERVM idem iam tradidisse lego.

\*\*) l. c.

\*\*) Hanc vini albi in rubrum mutationem, ope ligni tinctorii cuiusdam, aluminis et cet. fallacibus oenopolis in usu esse arguit perill. DETIUS in libello: *Ensay sur revision der weinprobe etc.* p. 18.

firmat illud excitare in ore et lingua parum adstringentem \*). Decoctum, cui vitriolum martis additur, colorem nanciscitur ex caeruleo nigrum, qui tunc demum, cum magna vitrioli copia particulas tingentes praecipitauerit, in liquore supernatante in virescentem illum mutatur, quem ill. MURRAY ipsi tribuit \*\*). Plura experimenta cum decocto et salinis liquoribus variis instituta recenset POERNER \*\*\*). v. cl. quem, cum a proposito longius recedere mihi non liceat, quorum ea scire interest, quaeso euoluant.

## §. VI.

*Haematoxyli tinctura spiritu vini facta. Extractum resinofum I. gummosum II. †).*

Rasurae ligni vncia dimidia cum spiritus vini rectificatissimi vnciis quatuor per noctem digesta, ortus est color nigro-fuscus, qui cum eadem spiritus vini quantitate dilutus saturatam retinuit rubedinem. Odor nullus erat, nisi spiritus vini, et sapor praeter spirituosum parum adstringens. Ad extracta, pro more solito, paranda ligni ab externis partibus corruptis optime liberati ac derasi vnciis tribus bis additae sunt spiritus vini rectificatissimi vnciae octodecim, quae digestionem sufficiente dederunt extracti resinosi drachmas sex cum granis octodecim, quod coloris erat ex fusco nigri, saporis dulcis adstringentis, odoris, cum prunis inspergeretur, qualis est ligni guaiaci accensi. Residua ligni copia bene siccata coquebatur cum aquae communis mensuris quatuor, quibus euaporatis relicta fuit massa drachmam vnam et grana viginti quatuor pondere aequans, nigricans, linguam primum, quasi sal medium ipsi admoueat, pungens, postea adstringente leniterque amaricante sapore afficiens. Monendum est harum extractionum quamlibet menstruo duabus vicibus affuso factam, et inspissatos ad mellis consistentiam duos liquores

\*) POERNER *chymische versuche und bemerkungen zum nutzen der fürbekunst* T. III. p. 261.

\*\*) MURRAY *apparatus medicaminum* vol. II. p. 430.

\*\*\*). l. c. p. 262. sqq.

†) Haec et sequentia experimenta chemica comite amicissimo FRISCHMANNO, in laboratorio eius fuerunt instituta.

homogeneos in vnico vase commixtos ad extracti ficcioris consistentiam fuisse euaporatos.

## §. VII.

*Extractum gummosum I. resinofum II. Experimenta cum quatuor extractis capta.*

Vnciis tribus ligni rasi aquae mensuris quatuor affusis, coctis, exhalatis remansit extractum vnciam dimidiam et drachmam dimidiam pendens. Sapor eius est idem fere, qui extracti resinosi primi, adstringens dulcis, vix, si gustaueris, initio salsum illud extracti aquosi secundi prodens; color quoque idem. Reliquum ex hac coctione aquosa lignum, infusis spiritus vini rectificatissimi vnciis octodecim extractum, reddidit drachmas duas vnumque scrupulum massae, cuius color reliquis extractis erat paullo rubicundior, sapor parum dulcis, terreus, adstringens. Iam, quomodo soluantur in aqua et spiritu vini haec extracta, experturus, cuiuslibet granis duobus adfundendas curauit aquae fontanae purae drachmas quinque. Post quatuor dies, cum interea bene fuisset agitatus liquor, extractum aquosum secundum totum solutum atro tinxit aquam colore; reliqua, quamque diutius in aqua relictæ, extracta rubram tantummodo eam reddidere, ac in fundo integra fuere conspicienda. Dein eidem extractorum quatuor quantitati spiritus vini drachmis itidem quinque additus est, qui post triduum extractum resinofum primum totum soluerat, resinofum vero secundi dimidiam circiter partem. Aquosum primum saturatam menstruo conciliauit auream rubedinem, aquosum secundum dilutam, nec magis quicquam post plures dies praeterlapsos. Periculum quoque feci cum extracto resinoso primo, num idem phaenomenon id nobis sit praebiturum, quod in gummi guaiaci natiuo in spiritu vini soluto, cum spiritu nitri dulci mixto et aqua diluto videre saepius est, gummi nempe praecipitari caeruleo praeditum colore \*). Ast post horas demum viginti quatuor praecipitatum aliquid est non caeruleum, sed atro-fuscum exhibens colorem.

\*) CRELLII *chemisches Journal* Vol. II. p. 78.



## §. VIII.

*Aqua destillata.*

Rasurae ligni vnciis quatuor cum aquae communis libris quatuor in vesicam cupream stanno probe obductam infusis, ignis destillatorii ope transit in vas excipiens aqua pellucida colore rubicunda instar florum Persicae, qui dimidia vix praeterlapsa hora in flauo virescentem mutabatur persistentem. Odor ipsi erat, qualis ligni, vnguinoso quodam quasi remixtus. Oleum nullum in ea conspiciabatur. Colorem hunc aquae destillatae inexpectatum sane pulueri rasurae subtilioris, dum infunderetur in vesicam, ad alembicum adscendenti ac vapores ibi transeuntes tingenti, ortum suum debere rati, alteram suscepimus destillationem aequalibus ligni et aquae quantitibus adhibitis, vase ope aquae destillatae simplicis solerter eluto, et remoto, cum infunderentur rasura et aqua, alembico. Sed en, aqua destillata priori omnimode similis fuit. Vtramque oleum tartari per deliquium rubicundam reddidit, qualis fuerat e vesica descendens, quem colorem vitriolum martis ad eum reduxit, qui constans aquae est, flauo-virescentem, terra martiali nigra praecipitata. Ad aliam aquae partem addidimus primo vitriolum martis, et color illico ortus est caeruleo viridis, persistente pelluciditate. Aliam spiritus salis ammoniaci citrinam tinxit, idemque fere adfuso spiritu vitrioli color apparuit. Dubii mirabundique de tertia iam cogitamus destillatione ligno in segmenta minora conciso vsi, et nunc aqua descendit in vitrum appositum decolor, limpida, salibus nullis mutanda, eiusdem cum prioribus duabus odoris ac saporis, nec vestigia quidem olei perhibens; quam aquam residuo in vesica ligno iterum infusam, addita vncia vna salis tartari, destillatio reddidit adeo parum immutatam, vt vix flauescens aliquid in colore eius oculus inuenerit. Constat itaque aquam ligni Haematoxyli e frustulis destillatam esse limpida, sine colore, odoris ac saporis, quem supra retuli, oleo nullo praeditam, nisi forte pauxillo in maxima eius copia latente. Quenam vero liquorum prius destillatorum ratio? summam adhibuimus solertiam atque circumspectio-

nem, quo minus peregrini quid accederet, nec vitio nobis verti potest, vesica cuprea nos vsos fuisse; non enim solum stanno interius accuratissime obducta ea est, sed vltima quoque destillatio in eodem vase instituta fuit. Aquam in vapores solutam particulas subtilissimas rasurae secum abripuisse, quibus colorem debeat, in aprico mihi positum videtur; sed quae sit rubicundi in virescentem mutati coloris causa, nisi in acido aëro eam quaerere liceat, nullo pacto indagare possum. Causam autem hanc vt probabilem credam eo adducor, quod spiritus vitrioli colorem aquae exaltauit ad laete citrinum; et quod in hunc finem cepi experimentum penitus confirmare meam sententiam videtur. Aqua segmentis ligni infusa, donec eundem assumeret colorem rubicundum, quem aqua destillata ab initio ostendebat, affuso acido nitri aut vittiolii colorem recuperauit seruauitque flauo viridem. Alia infusio aquosa ad eundem gradum tincta decantata post sex horas eundem, quem aqua destillata, adsciuerat colorem.

#### §. IX.

##### *Destillatio sicca.*

Quae denique partes fortioris ignis ope in ligno Haematoxyli detegi queant experturus, sedecim vncias eius in frustra concisi in vase retorto terreo igni aperto tradendas curauim. Qui primus descendit liquor aqueus clarus erat, vnciam dimidiam pondere aequans, quem excepit fuscus vaporum densiorum sub forma transiens. Omnis, quem e destillatione hac retulimus, liquoris odor est empyreumaticus, sapor acidus, pondus vnciarum quatuor. Materiae alicuius salino-oleosae siccae in collo retortae nihil animaduerti potuit. Oleum empyreumaticum ita cum acido liquore fuit coniunctum, vt pars quidem eius vitri fundum occuparit, pars eius lateribus adhaeserit, multum autem cum acido ipso iunctum fuerit, nec post quatuordecim dies verae separationis vestigium vllum apparuerit. Filtro itaque aqua imbuto acidum ab eo separauimus vncias tres cum dimidia pendens, oleo spissiore nigriore paullulum, quam liquor per filtrum transmissus remanente. Carbores in vase destillatorio reliqui pondere aequabant vncias

quatuor cum dimidia, quos in cineres conuerfuri in crūcibulo candefactos libero aëri in tabula cuprea commifimus. Quoniam autem hoc pacto in cineres abire plane recufabant, atque in alio vafe, vbi aëri minus, quam in crucibulo, aditus erat praeclufus, denuo igni fortiori commiffi, vix vllam cinerum praebebant copiam; addita illis eft integra libra ligni in segmenta concifi, quibus vna cum carbonibus foco ex tubulis argillaceis albis conftitūto impofitis et accenfis, facile ceffit combustionis negotium, cineribus albis relictis, quibus calcinatio niueum induxit candorem. Hifce vnciam dimidiam et fcrupulum vnum pendentibus quater in aqua deftillata coctis, liquorem habuimus limpīdum infipidum linguam quafi exficcantem. Vix ūnica praeterierat poft eius filtrationem hora, cum cuticula in fuperficie eius nafci coeperit, fenfim adaucta, inftar cremoris calcis, quam, quoties concuffo vitro fundum petierat, altera breui excepit. Decantato poft quatuor dies liquore cremorem illum ficcatum fimillimum deprehendi terrae Thermis Carolinis fupernatanti (Badefchaum). Laminulis conftat tenuibus, laeuius, albidis, faporem nullum habet, pondus trium granorum. Vnum huius terrae granum adfufa aqua infillatoque fpiritu nitri efferuefcendo foluebatur, ad quam folutionem additus fpiritus vitrioli nullam excitauit perturbationem. Euaporatione facta orti funt fasciculi cryftallorum radiati radiis ex centro produntibus, quos fupperfufum acidum falis communis intactos reliquit, nifi quod citrinum inde acquifuerit colorem. Igni expofiti inftar gypfi cocti, in fuperficie fatifcentes apparuerunt. Ipfe liquor decantatus ac infpiffatus dedit refidui grana quatuor, quorum circiter vnum terra fuit cremori modo defcripto fimilis, reliqua tria verum fal alcali conftituerunt. Haec fuerunt, quae quadruplici coctione ex cineribus aqua foluere potuit. Quam intactam reliquit terram, ea albo cinerea eft, infipida, in fuperficie fplendens. Huius quartam partem, cui aquam fupperfudimus, fpiritus nitri drachmae duae efferuefcentem foluebant; cui folutioni, quam filtrum a refiduo, terram infolubilem atro cineream exhibente, feparauerat, adfufum oleum tartari per deliquium abfque vlla efferuefcencia illi-



cō terram praecipitauit, quae in aqua sexies abluta siccataque niuea apparuit, tenera, tactū similis magnesiaē nitri, triginta sex granorum pondere. Acidi salis vncia dimidia citissime soluit eam summopere aestuando; quo facto remixtoque cum aquae vnciiis duabus liquore, instillatus est spiritus vitrioli, qui absque turbatione, praeuia euaporatione, formauit cum terra crystallos seleniticas, laminoso radiatas, in aqua minime solubiles \*). Reliquae terrae copiae primum non mutatae, deinde et cum seuo hircino in patella terrea vsae solerter adhibens magnetem, ne miculam quidem ferri conspiciere potui. Terrae insolubilis grana quatuor cum borracis granis duodecim fusa vitrum dederunt pellucidum, colore subaquilum. Reliqua eius copia nec sola, nec cum seuo tosta magneti quaedam prae-buit attrahenda.

## §. X.

*Experimentorum lustratio.*

Quod ad menstrua, quibus partes Haematoxyli actiuae extrahuntur, attinet, maior copia extracti resinosi tam primi, quam secundi, et ipsa extracti resinosi primi perfecta in spiritu vini rectificatissimo solutio comprobant, quae LEWIS \*\*) et MURRAY \*\*\*) v. cl. nos docent, spiritum vini plures earum soluere, quam aquam. Explicitam quoque resinam in eo non esse, nec purum gummi, arguit

\*) Nudo oculo apparent hae et quas antea e cremore ortas indicaui crystallos, instar pilorum breuium crassiorum e communi centro, tamquam sphaerae radii diuergentium in fasciculos minores collectorum, simillimi argento antimoniali, capillis niueis v. BORN *ind. fossil.* p. 82. quod in cuniculo omnium sanctorum in Hodritsch ad Schemnitzium Hung. fodiunt. Armato oculo se ostendunt, vt columnae, prorsus pellucidae, tenerae, longae, acuformes, hexaëdrae duobus lateribus latioribus, ex parte in breuem apicem, quem constituunt duo plana obtuso angulo conuergentia, ex parte in longum acumen, ex parte quoque in crenam desinentes e duobus planis angulo obtuso inclinatis formatam, eiusdem generaliter figurae, ac nattrum flexile LINN. *Syst. nat.* 3. p. 90. cuius imaginem exhibet DELISLE in *Crystallographie tab. V. f. 3. 4.*

\*\*) *Med. med. arvic. Lign. Campech.* p. 354.

\*\*\*) *Appar. med. l. c.*

magna, quae extractum intercedit aquosum primum et resinofum primum, similitudo, et solutio dimidia tantum partis extracti resinofi secundi in spiritu vini. Nulla etiam prorsus olei vestigia in aqua destillata apparuere limpidissima, quae tamen odore ligni specifico non est destituta; nec ullam salis miculam in inspissato decocto, post aliquot menses reperire mihi contigit, quem tamen arguit sapor subdulcis; ita scilicet mucilaginis inuolutum particulis, ut in crystallos secedere nequeat. Quod adhaeret hisce phlogiston, coloris sine dubio in se continet rationem. Miranda omnino venit paucissima salis alcalini fixi copia, nec minus attentione digna terra calcaria videtur. Veram esse calcariam crystalli, quas inde obtinui, seleniticae comprobant, nec aluminosam illi admixtam persuadere mihi facile possum. Nulla enim facta est perturbatio ab affuso ad solutam terram acido vitrioli, quae ex affinitate terrae calcariae cum hoc acido propinquiore, quam quae est terrae aluminosae, esset consecuta. Et ipsa solutio terrae in acido salis optimum argumentum est, quod aluminosam terram totam quidem soluit, sed in materiam gelatinosam, difficulter in crystallos coagulabilem, qui si oriantur in aëre mox liquefcunt \*). Ferrum, nisi prorsus deficiat, in minima quantitate adest, et adhuc dubito, num color citrinus spiritus salis crystalli seleniticis affusi illud vere prodatur. Collectis iam rationibus et comparatis scimus unam libram Haematoxyli continere

Salis alcalini fixi	-	grana $1\frac{1}{2}$
Terrae calcariae	-	74
Terrae insolubilis siliceae	-	54

## §. XI.

*Virtus medica e partibus constitutivis et experimentis cognoscenda.*

Adstringentem vim esse Haematoxyli ligno non solum manifeste arguit, sed et experimentorum, quae modo retuli, plura confirmant. Vitriolum martis omnium

\*) ERXLEBEN *anfangsgründe der Chemie* §. 453. WENZEL v. d. *verwandtschaft der körper* p. 142.

vegetabilium styptica virtute pollentium solutioni aquosae nigrum conciliare colorem, res est peruulgatissima; quoniam acidum eius, connubium cum terra eorum arctius iniens, ferrum, quod solutum in eo haeserat, relinquit. Virtutis adstringentis rationem continet terra vegetabilium in acido soluta \*), quod vitrioli et aluminis analogia potissimum suadet. Terram hanc calcariam quidem, sed ex maiori parte aluminosam esse affirmat cl. GMELIN \*\*); ego vero nullo modo aluminosam in Haemotoxylō terram inuenio, nec in vniuersum valere eam sententiam arbitror; cum in gallis solum et cortice peruuiano experimenta Viri sagacissimus ceperit. Ferri praesentiam in ligno meo equidem non penitus negauerim, et experimentis suis idem Vir eruditissimus nos docuit, quatenus ex aliquot vegetabilibus adstringentibus ad reliqua omnia concludere licet, non ferro quidem soli adstringentem deberi adstringentium vim, deberi tamen primario, licet pariori copia, quam aut aluminosa, aut calcaria terra, reperiatur, quae hanc vim tantum adiuuant, eo, quod ferrum longe maiori menstrui copiae vim constringendi conciliet \*\*\*). Cum interim nulla omnino apparuerit ferri particula in ligno meo, primariam certe, nisi totam adstringendi vim terrae calcariae in acido solutae non attribuere non possum, duce usus et autore ill. GLEDITSCH, qui ferrum aut principium ferreum terrae remixtum vnicam et propriam adstringentium terram esse negat †). Ad declarandam hanc Haemotoxylī virtutem facit quoque mutatio, quam in ouillo vellere produxit. Cui in vase terreo clauso probe circumdatum et humectatum post duos menses colorem et fusco nigrum, magnam densitatem et veram corii faciem conciliauit aucta simul crassitie; sed rigidius euasit corium fragiliusque alio eiusmodi velleris frustulo in cortice peruuiano per idem temporis spatium condito. Minuunt stypti-

\*) GLEDITSCH *einleitung in die wissenschaft der rohen und einfachen arzneymittel etc.* II. Th. p. 373.

\*\*) I. F. GMELIN *Disquisitio an adstringentia ferreo principio debent efficaciam etc.* Tub. 1773.

\*\*\*) l. c. p. 31.

†) GLEDITSCH l. c. p. 381.



cani qualitatem, ut subadstringens remedium recte dicatur, phlogiston et mucilaginea pars cum terra et acido intimius coniuncta. Par sine dubio ratio subest, cur Haematotoxylum ossa animalium non inficiat colore rubro, quod testatur cl. BOEHMER \*). Terrearum enim partium in rubia non maior solum est copia, quam in Haematotoxilo, sed et in iis, cum resinosis paucis combinatis, tingentem haerere constat virtutem \*\*), quam in phlogistico salinis Haematotoxili potissimum quaerit POERNER \*\*\*). Urinam et feces interdum tingere dicitur, quod in his tantum videre mihi semel contigit. Antiseptica vi pluribus aliis cedit, quamquam ea non adeo destitutum. E tribus enim carnis bubulae portionibus pondere aequalibus, eodem tempore tribus terreis ollis inclusis, quarum una sibi relicta, altera Haematotoxilo, cortice chinchinae tertia circumdata fuit, prima elapsis sexaginta horis putredinosum spargere coepit odorem; altera post horas nonaginta octo, primum debilem vix a specifico ligni distinguendum edidit odorem putidum, et tertia denique post horas centum et quindecim eum prodidit.

## §. XII.

*Usus in dysenteria.*

Cognitis iam remedii nostri qualitatibus et constitutivis partibus, age vires, quas ad aegrorum salutem inde expectare licet, auctorum fide et mea ipsius experientia videamus comprobatus. Pauci sunt, teste celeb. PRINGLE, morbi acuti, in quibus sanandis natura nobis adeo desit, quam dysenteria, eoque magis de remediis efficacibus utraque morbi debellandi methodo sollicitos esse oportet medicos. Variis ille indiget, pro variis suis stadiis, remediorum generibus, in quibus eligendis et suo singulis tempori accommodandis omnem prudens quisque medicus operam navat. Et in ultimo quidem morbi huius stadio, in quo alui profluvium opio alii, alii cortice peruiano,

\*) I. B. BOEHMER *diff. radice rubiae tinctorum effectus in corpore animali*. Lips. 1751.

\*\*) POERNER l. c. T. II. p. 159.

\*\*\*) l. c. T. III. p. 166.

casçarillae, aromatibus, terra catechu sistere conantur, inter varia haec medicinae gênera Lignum quoque Campechianum Anglis medicis per plura vsitatum fuit decennia. Primus eorum, quantum mihi quidem innotuit, de vsu eius tradidit in libro de *morbis castrensibus* PRINGLE, ac post eum DON. MONRO, BAKER, HUME, FORDYCE, CLARKE, WHYTT, AKENSIDE, WINTRINGHAM aliique, a quibus et nos id accepimus; nec superuacuum me suscepisse laborem mihi persuadeo, quid illi de vsu eius atque praestantia nos docuerint, quid de viribus eius ipse expertus sim, sermone paullulum fusiore expositurum.

### §. XIII.

#### *Idoneum eius adhibendi tempus.*

Cum adstringendo agat hoc remedium, de vsu et variis noxis adstringentium in dysenteria exhibitorum medicaminum quaedam praemittenda esse censeo. Omnes fere, quisquis eorum de dysenteria nostra aetate tradidit, therapeuticae doctores, seria addunt monita, ne ante locus adstringentibus detur, quam sordēs in ventriculo et intestinis haerentes, utpote vera totius morbi causa proxima, satis superque fuerint expurgatae; neque parum ad salutem aegrotorum interest attentas monitoribus praeberi aures. Repellentibus solis acquiescendo in omni dysenteriae stadio peccarunt antiquiorum medicorum plurimi, e quibus vnicum liceat excitare CELSUM, eas expressis verbis commendantem, quae aluum adstringunt, potiones \*). Utinam vero illos tantum accusare, nec aegrotos agyrtarum similibus remediis pereuntes quotannis videre cogemur! Inflammatio intestinorum vix non semper letifera, scirrhi eorum atque ulcera, hydrops, pertinacissima alui obstructio cum torminibus diuturnis, materiae retropulsae ad viscera depositio nobiliora peruersam hanc medendi methodum tristi vindicant animaduersione, quibus quantum, nisi ea res longius ab incepto me traheret, malorum turbam addere possem! Plures dysenteria laborantes solis euacuantibus rite datis et continuatis eam superant, ut

\*) CELSI de re medica L. 4. C. 15.

prorsus nullis, quibus nimius ventris comprimatur fluor, opus sit medicamentis. Attamen saepius accidit, adhibitis omnibus intestina repurgantibus et ab acrimonia defendentibus immorigerum morbum adstringentia requirere, quibus intestina nimis debilitata confirmantur. Laudantur quidem et vsurpantur in hoc casu varia aromata, anodyna, spirituosa, quae vero, quando et quoniam profint noceantue modo, cum ad propositum meum nihil attineat disquirere, in Haematoxyli vsu praecipue definiendo consistam. Ipso quidem morbo congruis iam profligato medicamentis et materia peccante satis expurgata, tanta saepe restat intestinalis tubi debilitas, qui nec assumpta, donec cito ex illis praeparetur alimentaris liquor, retinere, nec humoribus in vasa eius excernentia nimis affluentibus resistere valeat. Valida tum corroboracione eget, et iam Haematoxylo locus datur exhibendo. Ita DUNCAN septimo aut octauo morbi die, cum in prioribus fordes solerius eduxisset, felicissime id in vsum vocasse a MONRO \*) accepimus. Sedulo tamen monent omnes adstringentium exhibendorum auctores, neque tunc temere negligendam esse euacuationem, sed quoties tormina, aut alia denuo collectae in primis viis materiae signa sese manifestarent, illis esse interponendam. Adstringentium enim ope humorum vltiorem quidem secretionem in vasis et glandulis intestinorum, minime autem praesentis in tubo eorum materiae-excretionem impedire conamur. Tenesmus in fine morbi molestissimus non raro perseuerat, variis causis, inflammationi, vlceri, muco deficienti, materiae peccanti in cellulis intestini recti haerenti ortum debens. Vltimam harum caussarum frequentissimam pronuncians cel. IMMERMANN \*\*), tincturae rhabarbari optimum trinit in ea remouenda effectum; si vero ad hanc colluuiem in fine intestini totius canalis insignis accedat debilitas, torminibus omnibusque febris symptomatibus absentibus, Haematoxylon commendare nullus dubito; non enim contrahendo retinet materiam euacuandam, sed leniter

) Don. MONRO krankheiten in den britischen feldlazarethen in Deutschland, p. 61.

) Von der rubr. p. 81.



adstringendo muscularibus intestini fibris suum, quo col-  
luuiem exterminare valeant, robur restituit, cuius rei,  
quam mox enarrabo, morbi historia, egregium praebet ar-  
gumentum. Accidit quoque eos, qui omnem superarunt  
morbum, ex infirma intestinorum constitutione denuo in  
alui profluuium incidere, quod diarrhoeam, quam dysen-  
teriam reuertentem dici mauult PRINGLE \*), praemissa  
ipecacuanhae radice, Haematoxylo, cui tincturam iaponi-  
cam adiunxerat, frequenter in hoc casu usus. Variæ sunt  
dysenteriae species pro varia febrium eam concomitan-  
tium indole, quæ differentia verò, cum in fine morbi,  
qui nullam amplius febrem habet, remedium commenda-  
uerim, vix hic in censum venire videtur. Omnes quidem  
infirma relinquunt intestina, suoque adstringentem medi-  
cinam tempore exigunt, siue putridus sit, siue biliosus,  
morbi fomes, siac maligna accedat febris; sed vbi inflam-  
matoriae indolis est dysenteria, non superflua erit ZIM-  
MERMANNIANI moniti \*\*) repetitio, summam in porri-  
gendis adstringentibus adhibendam esse circumspectionem,  
quippe rarissime eiusmodi exigat remedia. Superest, vt  
diuturnam dysenteriam, et quid in ea valeat Haematoxy-  
lon, breui definiam. Optimam eius expressit imaginem,  
quam inspiciat quaeso noscendi cupidus, ZIMMER-  
MANN \*\*\*), qui in hac quoque adstringentia recte detesta-  
tur, nisi, post eliminatos humores morbificos, confirmatio-  
ne solummodo indigeant intestina; et difficile sane hac de  
re est iudicium, cum causæ molestissimi huius mali variæ  
sint. Si sola eorum accusatur debilitas, absque organica  
destructione, euacuantia quidem negligere nunquam aude-  
rem, quæ vero cum materiae excernendæ finem vix vn-  
quam sint impositura, non vltimum in sananda hac corpo-  
ris labe locum Haematoxylo assignandum esse existimo, ex-  
perto eius efficaciam MONROO mihi assentiente †).

\*) *Beobachtungen über die krankheiten der armee*, p. 331.

\*\*) *l. c.* p. 280.

\*\*\*) *l. c.* p. 269. 770.

†) *l. c.* p. 70.

## §. XIV.

*Morborum, in quibus profuit, quaedam enarrationes.*

Ad argumenta iam proporo euidentiore illis, quae particularum constituentium cognitio, et celeberrimorum medicorum fides praestantiam remedii, de quo agitur, comprobaturum mihi suppeditarunt. Primam morbi, in quo mihi ipsi exoptatissimum tulit auxilium, historiam exponere liceat.

Adolescens vicesimum tertium aetatis annum nondum egressus, habitu tenui stricto praeditus, sat confirmata valetudine per plures annos gauisus, postquam insigne refrigerium in itinere nocturno passus essem, in dysenteriam tum temporis epidemicam implicitus sub finem Augusti anno praeterito decubui. Putridae indolis fuit morbus absque omnibus inflammationis signis, et idonea quacuis euacuantia et inuoluentia adhibuit ill. WENDT, l'author et Praeceptor beneuolentissimus, cuius memoriam pio in aeternum animo seruabo. Torminibus in principio quidem vehementioribus ultra quintum diem non vexabar, sed incredibilis aderat materiae bilioso-putridae, sanguineis striis permixtae, colluuiis et creberrima excretio, quam perpetuus tenesmus comitabatur. Accedit pulsus irregulari rhythmo intermittens, verus ille sordium in ventriculo et intestinis haerentium testis, sub vesperam praecipue, qua immanis anxietas et praecordiorum oppressio me simul excruciebat, percipiendus. Continuantur euacuantia remedia, non neglectis quoque, quae corrigere materiam et intestina ab eius acrimonia defendere valent; sed tanta iam nata est horum infirmitas, ut hordei aut aue-nae cremorem, quem vix ingesseram, ponderis instar e ventriculo per gyros intestinorum descendente saepissime senserim, et myrtilli siccati ex aqua cocti, vix vlla digestionem permutati, nec ultra horae dimidium in abdomine commorati deiectioni fuerint. Quae mala, cum ad finem usque secundae hebdomadis perpetuo perseverarent, infuso et puluere rhabarbari, radice salap, bolo armena, externisque herbarum aromaticarum epithematibus frustra in auxilium vocatis, in corticibus chinchinae et cascarillae

medela quaesita est. Extracti vtriusque binae drachmae in aquae scordii vnciis sex soluebantur, cuius potionis vnciam dimidiam quouis bihorio assumpsi. Dein, interposito pulueris rhabarbari tosti vsu, corticis cascarillae drachmas duas duodecim horarum spatio deglutiui, quo iterum non iuuante, decocto corticis peruiani vsus sum, et quidem primum, quum aluum temere adstringere religio esset, duabus tantum drachmis, dein dimidia vncia eius cum sex aquae vnciis coctis. Nec opii vim experiri neglectum fuit, cuius vnum granum cum radicis salap, bolique armenae, singulorum quinque granis et corticis peruiani scrupulo vno miscebantur, puluere in quatuor partes diuiso, quibus noctu quies a perpetuis alui depositionibus et somnus aliquantum conciliaretur. Hoc quidem effecere illi, vt per aliquot semihoria comprimeretur venter; interdiu vero idem rerum tenor perrexit. Tunc denique, cum vires insigniter fractae essent, tormina diu cessauissent, tenesmus autem et frequens alui profluuium nullo compesceretur remedio, suatore ill. SCHREBER ad Haematoxylum confugit vir salutem meam sollicitissimus. Huius grossiuscule puluerisati vncia semis ex aquae fontanae vnciis sex cocta fuit, vt tertia quauis hora, quod cochlear capit, haurirem. Qua dosi vix aliquoties vsus optatissimum sensi leuamen; mitigatus est, qui continuo me excruciat, tenesmus, aluique deiiciendae conatibus longior mora interiecta. Consumto remedio ter tantum quaterue de die illi reuertebantur, noctu prorsus silebant, et, quod ad superandam vltimam morbi vim repetitum fuerat eadem quantitate, decoctum, ex parte tantum haurire opus erat. Omnis enim iam cessabat dysenteria, ne minimo eius symptomate reuertente, nec alio subsequente malo, quod temerariam argueret huius medicamenti exhibitionem. Ita quidem confirmata eo fuerunt intestina; vt, qui antea, quantum memoria repetere praeterita possum curru vehi non poteram, quin nausea et vomitione frequenti vexarer, praecipue si post assumpta quaecunque corpus ita motum fuerit, nunc a largo prandio surgens absque vlla molestia primam, post morbum superatum, excursionem in curru susceperim, et adhuc quouis vehiculo



longum iter faciam. Vulgaris quidem est opinio, dysenteriam passos maiori, quam antea, intestinorum robore gaudere, quam vero cum ne de iis quidem in vniuersum valere sciamus, quibus sine medicina adstringente alui conditio naturalis reddita fuit \*); eo magis perspicuum est, in meo rerum statu, in quo natura defuit, soli remedio omnem intestinorum firmitatem esse tribuendam.

Altera hanc excipiat morbi a cl. D. LOSCHGE, amico et exercendae praxeos in instituto clinico socio amantissimo, duce ill. WENDT curati relatio.

Iuuenis vicesimum aetatis annum agens, admissa ad corpus summe incalescens subita refrigeratione, vltimis mensis Augusti diebus anno praeterito febriles motus cum torminibus ventris, nausea aluique profluuiio passus est, quod quauis hora frequentius rediens mox sanguine permixtum et tenesmo accedente molestissimum redditum fuit. Pulueres ex rheo et gummi arabico ante incassum ceperat quam ad ill. WENDT accederet. Sexto morbi die, seuerius ante omnia admonito ipsi vt a carnis, iusculis et cereuisia sibi temperaret, quibus hucdum vsus fuerat, ob nauseam continuantem scrupulus pulueris ipecacuanhae porrectus fuit vomitum quater excitantis leniorem. Diebus sequentibus rheum vna cum variis inuoluentibus, gummi arabico, radice salab et tepido potu ex radice althaeae decocto assumsit. Haec quidem aluum aliquantisper cohibuerunt, et inunctum abdomini oleum mastichinum cum vnguento anodyno tormina vehementissima vnica nocte placauit; sed cum morbi vim prorsus non infringere potuissent, ad alia remedia confugit medicus. Cortex simarubae ex aqua decoctus nihil profuit. Debilitatem aegroti in dies auctam pulsus debilis indicabant et virium defectus; ardorem in regione vmbilicali, sitim clamosam post potum frigidum sentiebat miser, appetitu ad omnia, ea quoque, quae ipsi necessaria erant, cremorem scilicet hordei, auenae, oryzae et similia, prorsus prostrato, aluo tamen minus frequenti et sanguine rarius permixta. Duo-

\*) v. ill. ISENFLAMM, Eautoris et Praeceptoris grato animo nunquam non colendi *dissert. de dysenteriae affinitate. p. 24.*

decimus iam agebatur morbi dies, cum in ancipiti hoc rerum statu vires vitri antimonii cerati, ab aliis in pertnaciori malo laudatas, experiri in animum induceret medicus. Huius medicamenti grana quatuor cum radicis althaeae granis duodecim mixta addito decocto e floribus chamomillae, mediocrem vomitionem, et denovo assumpta grana duo cum althaeae granis decem sequenti die nullam effecere. Qua noua euacuatione facta, solutio gummi arabici et corticis cascarillae drachmae duae in aquae vnciis sex alternis bihoriis propinata, adeo imminuerunt alui depositionem, vt quatuor tantum aut quinque de die numerarentur; in quibus cum post triduum sanguinis maior copia iterum adesset, oedema pedum et abdominis accederent intumescencia, mane tinctura rhei, et vesperi puluis eiusdem tostus prioribus adiungebantur remediis, quae, vt satius anxio aegroti summopere languentis desiderio fieret, cum pulueribus ex gummi arabico, bolo armena et radice salab compositis, et theriaca Andromachi, cortice cascarillae et simaruba cum syrupo cydoniorum in electuarii formam redactis commutata fuerunt. Aluus quidem magis nunc sistitur, sanguis rarius vna profluit, sed eodem tenore pergunt inappetentia, defectus somni, abdominis inflatio et oedema pedum; vires vero in dies decrescunt, accedente tussi et pituitae flauae excreatione. In hisce rerum angustiis tandem praebebatur aegro Ligni Campechensis in puluerem redacti minus subtilem vncia dimidia ex aquae fontanae vnciis sex cocta, additis tribus syrapi myrtillorum drachmis, cuius potionis vnciam dimidiam tertia quauis hora hausit. Omnem expectationem superauit remedii effectus in reddendo vigore ac tollendis cunctis illis malis adeo periculosis, e quorum aceruo sola restitit insomnia, quam massae pilularum de cynoglossa parca dosis breui profligauit. Nulla alia vltius vsus medicina optime conualescens iuuenis cibus mox vescebatur, quibus rite subigendis par nondum erat ventriculus, vnde aluus subinde orta liquidior alteram requisivit decocti Haematoxyli exhibitionem, quod absque syrupo addito perfectam reddidit aegroti sanitatem.

## §. XV.

*Vsus in diarrhoea.*

Ipsa diarrhoeae cum dysenteria affinitas, quam in caussis atque medela arctiorem, quam quis crederet, esse luculenter docuit cel. BALDINGER \*), vsum Haematotoxylum in hoc morbo commendare videtur. In omnibus quidem eius speciebus prius illud dare quoque non conducit, quam materia alui fluorem excitans satis fuerit exterminata. Si primarius est et idiopathicus morbus, siue stercorea audiat, siue biliosa, siue serosa diarrhoea, diuersa enim est pro materiae diuersitate; in eo, quod modo designaui, stadio, nisi sponte remiserit, adstringentia, in iisque Haematotoxylum decoctum, necessaria ducit MACBRIDE \*\*) eiusque virtutes saepius expertus egregias quoque praedicat BALDINGERVS \*\*\*). Si alium morbum vna cum reliquis comitatur symptomatibus, illius quidem veram et proximam causam aggredi prudentis medici est; interdum tamen et symptomatis huius, si vrgeat, peculiarem habere oportet rationem, cuius rei exemplum sit diarrhoea phthysicorum colliquatiua. Quorum morbus cum insanabilis sit, certe ubi eo vehementiae processit, vt fusi vi febris humores per aluum effluant, profluuium hoc aegrotis molestissimum saltem arcendum est, vt ἐνδρασιαν ipsis conciliemus. Difficillime quidem hunc in hac rerum conclamata conditione consequimur finem, attamen et tunc non prorsus defuit Haematotoxylum in femina, cuius curam me teste adhibito habuit D. KNIGGE, amicus studiorumque sodalis iucundissimus.

Sexagenaria haec vitam inde a iuuentute trahens plenam aerumnis, caccis haemorrhoidibus tussique continua per aliquot annos laborans, medio hoc anno in veram incidit tympanitidem, vomitu et pertinacissima alui obstipatione comitatam. Opposita malo efficacissima quaeque re-

\*) Von den krankheiten einer armee. P. III. Sect. 3. Cap. 4. zorum.

\*\*) Einleitung in die theor. und praktische arzneykunst. II. Tb. pag. 747. 749.

\*\*\*) l. c. p. 455.



media impedire nequierunt, quo tussis, dyspnoea, abdominis intumescencia pulsusque celeris debilitas, vna cum virium deiectione minus in dies ingrauescerent, quibus procliuitas ad vomitum sese adsociabat. Tartarus denique tartarizatus, dissolutus in aqua foeniculi et syrupo domestico, ingentem flatuum copiam supra infraque propellens, totius morbi faciem in meliorem commutauit; quae vero salutis spes cum vix aliquot dies affulgeret, pulsus hecticus, tussis et sputa flaua caenosa redierunt, aluumque decies de die deponere coacta est. Saturatissimum corticis peruuiiani decoctum addita aqua cinnamomi hordeata diu vsurpatum ne minimam quidem opem attulit; itaque Haematoxyli sesquiuncia in aquae nouem vnciis cocta largioribus propinabatur dosibus, aliquoties absque leuamine repetitis. Denique extracti eius gummosi sex drachmae, in vnciis octo aquae menthae piperitidis sine vino paratae, dissolutae continuato vsu deiectionum aluinarum numerum ita redegerunt, vt tres tantum quatuorue de die, minori simul copia, superessent. Quamuis nunc omnem medicamentorum vsum recuset, vltra quinarium non ascendit depositionum numerus, neque vires ex vsu remedii refocillatas quodammodo fuisse negari potest.

De diarrhoea vere critica nullus mihi sermo est, huic enim adstringentia adhibere summae temeritatis indicium esset; sed oriuntur non raro diarrhoeae sub finem variorum morborum, febrium quoque, quibus, quamquam morbum soluere videantur, non prorsus indulgendum est. Talis est diarrhoea, quam PRINGLE in febre putrida castrensi obseruatam describit, quae critica quidem, provide reprimenda est, cum largioribus euacuationibus ferendis aegroti non pares deprehendantur in hoc morbi stadio \*). Tunc quoque, licet neminem auctorem habeam, Haematoxylum, tamquam leniter et secure adstringens medicamentum suadere nullus dubito. Saepe etiam primam infirmitatem superatam sequitur alui profluuium, pro critico minime habendum, sed morbum secundarium constituens difficulter debellandum, quod in lenteria praecipue nun-

\*) l. c. p. 375.

quam fere non accidit. In diarrhoea eiusmodi post lienteriam exorta, quam cortex peruuianus vincere non potuit, praestantissimum sese praebuit Haematoxylum \*). Habitualis quoque et diurnus alui fluxus obseruatur, qui vel in dysenteriam facile abit, vel ortum ex eadem ducit, et ad quem omnia, quae de dysenteria chronica proposui, censeo esse referenda.

## §. XVI.

*Vires eius comparatae cum viribus corticis et opii.*

Tonum reddituri intestinis a dysenteria aut diarrhoea languidis, auxilium in cortice peruuiano diu ante quaesuerunt medici, quam virium Haematoxyli periculum factum fuerit, et maior pars nunc quoque eodem praestantissimo roborante remedio in hoc casu utitur; sed variis adducor rationibus, ut promiscua eorum praeconia, quibus eum collaudant, disquisitione egere existimem perspicaciori. Sua utrique remedio manet laus, suus utrique agendi locus, nec ubi cortex utiliter adhibetur, ibi Haematoxylum semper iuuat, nec in huius locum ille eodem cum effectu ubique surrogatur. Corticem enim chinae cum virtute antiseptica Haematoxilo antecellentem (§. XI) probauerim, in omnibus illis casibus vnicum et potissimum praedicare oportet remedium, ubi vniuersae colliquationis humorum putredinosae potior, quam confirmationis intestinorum ratio est habenda. Cum itaque aphthae fauces occupant, petechiae apparent, gangraenosa extremitatum corporis corruptio coepit, febris maligna dysenteriam comitatur, totum corpus insigniter languet, quisnam de necessario corticis peruuiani usu dubitaret? Optimum auxilium eum ferre obseruauit CLARKE \*\*) in dysenteria putrida epidemica, cuius eadem, quae febrium continuarum remittentium, causae sint; minus tamen in genere virtutem eius in dysenteria putrida fatetur esse exploratam, quam in febribus, quippe qui non raro ipsi defuerit. Sub omnibus illis, quas praecedente paragrapho exposui,

\*) V. KNIGGE *diff. de mentha piperitide*. p. 26.

\*\*) *Betrachtungen über die krankheiten in heißen gegenden*. p. 159.

conditionibus longe superatur ab Haematoxylo cortex, quod tum eae comprobant, quas ipse adduxi, morborum historiae, tum aliorum testimonia satis affirmant. Expres-  
sis enim verbis testatur, quem modo excitaui CLARKE \*), se tunc quoque, cum morbo superato intestina corroborare studuisset, minorem plerumque expertum fuisse corticis efficaciam, quam aliorum, in quibus Lignum Campechianum numerat; remediorum. Ad praecauendum morbi reditum corticem suadens MONRO, scilicet remedium, quo nullum sit in hunc finem potentius, argute subiungit, robur aliquod ante conciliandum esse intestinis, quam cortici locus concederetur \*\*). Itaque sic habendum est, si putrida humorum resolutio vrgeat, si febris maligna adsit, si omnis corporis fibra robore egeat, corticem peruianum praeualere \*\*\*); si vero partialis intestinorum laxitas auxilium requirat, Haematoxylum ipsi esse praeferendum, saepiusque accidere, ut utriusque medicamenti virtutem combinari necesse sit. Aliud est, nec minus solenne pluribus medicis ad vim morbi huius refraenandam medicinae genus, quod anodyna exhibeant; neque satis disquirere iam possum, quonam in statu aegris talia vere conducant, quippe suo loco saluberrima. Vbi vero id tantum agimus, ut alui nimium compescamus profluvium, nec dolorem sedare simul mens est, tutius ab Haematoxylo, quam a soporiferis auxilium speratur. Secretionem quidem materiae cohibet opium, sed tantum abest; ut validiora inde reddantur intestina; vniuersalem potius relinquit infirmitatem, quam MACBRIDE quoque veretur †). Tunc quoque, cum in cortice opem quaerere oportet, anodynorum in locum, quae medicorum plurimi addunt, cum putridae humorum indoli faueant, Haematoxylum substituendum esse existimo; neque in hoc casu ob vires antispasmodicas atque simul tonicas digna non est Inula dysenterica, quae ulterius experiundo innotescat.

\*) *l. c. p. 160.*

\*\*) *l. c. p. 241.*

\*\*\*) Cascariillae cortex cum proxime ad corticem peruianum viribus accedat, eadem de eo ferenda est sententia.

†) *l. c. p. 749.*



## §. XVII.

*Modus exhibendi.*

Cum simplicissimus, tum optimus virtutis Hæmatoxyli in vsum vocandæ modus mihi videtur, si solum lignum rasum ea, quam in enarrationibus morborum modo indicavi, proportionem in aqua coctum ad vnciam dimidiam ter, quater, sæpiusque de die pro re nata porrigatur. Alii cinnamomum addiderunt \*), aut in aqua calcis decoctum præbuerunt cinnamomo quoque addito \*\*). Extractum resinofum cum guminoso mixtum, quale confici iubet *Pharmacopœa Edinburgensis* \*\*\*), commendat FORDYCE absque additamento in pilulas formatum, quarum vero magnitudo ægrotis non molesta esse non potest, cum e duabus extracti drachmis viginti pilulas fieri velit; earumque tres quatuorve sexta quavis hora deglutiri †). Solutum in aqua fontana, et cinnamomi spirituosa cum pauca tincturæ iaponicæ quantitate coniunctum dedit PRINGLE ††), in aqua et spiritu vini gallici MONRO †††). Cumprimis arridet mihi methodus ill. BALDINGERI, drachmam extracti in aqua menthæ crispæ vncia dissolventis \*), quam observatio supra (§. XV.) relata interdum potiore esse comprobatur decocti exhibitione. In terris Indiæ orientalis extracti nullum vidit effectum CLARKE, propterea forsitan, quod situ facile corrumpatur \*\*). Syrupum e decocto conficiendum curavi, qui grato sapore et colore, nec non virtute leniter subadstringente se commendat. Nec in enemate adhibitam aquam, in qua coctum Hæmatotoxylum fuit, exoptatum non edituram esse effectum existimo, si aphthæ fauces obsidentes aut aliud eiusmodi obstaculum, quo minus hauriatur, impediant.

\*) CLARKE *l. c. p. 255.*\*\*) MACBRIDE *l. c. p. 749.*\*\*\*) *p. 166.*†) FORDYCE *grundsätze der ausübenden arzneugelahrheit. p. 155.*††) *l. c. p. 331.*†††) *l. c. p. 591.*\*) *l. c. p. 455.*\*\*) *l. c. p. 158.*

Singula medicamenta extracti ope Americanos Surinamenses colorare refert cl. ROTTBOELL \*).

## §. XVIII.

*Vfus tinctorius.*

Color, quem Lignum Campechianum in aqua coctum pannis laneis inducit, similis est ceraforum, sed in aere non persistens in pallide badium mutatur. Addito alumine purpureus violaceusque paratur, aequae minus constans. Eodem vitio laborat canus varii generis color, qui ex Haematoxylo, gallis et vitriolo martis conficitur: sed optimus et ingenuus ligni usus est tinctoribus pileorumque opificibus in nigrore pannis et coactilibus conciliando, si gallas itidem et vitriolum ipsi adiecerint.

Omniem sic ad finem perduxì commentationem de Haematoxylo Campechiano, quam cum pro exiguo virium modulo adornare diligenter studuissem, aequi consulat eruditus quisque vehementer rogo, neque omni utilitate destitutam tempus comprobet, vehementius opto.

\*) v. *Acta literar. Hafn.* 1778. p. 290.

XX.

DR. IOANN. DANIEL. CARL

DISSERTATIO


DE

VIRIBUS CHAMOMILLAE.

GOETTINGAE,

1775.





## P R A E F A T I O.

*Indigena quaedam remedia permultis exoticis longe praefenda esse, iam aliquoties monuerunt medici. Nullo enim non tempore nimis laudata fuere exotica illa, quae ex dissitis regionibus allata. Nimirum nec Graeci ipsi a vana illa opinione prorsus alieni fuisse videntur, ea, quae in exteris regionibus genita, indigenis magis efficacia esse, illorumque usu melius mederi morbis, quam horum, quae patria largiretur. Arabes etiam suo tempore, nec non medici a Sec. XV. initio ad nostrum fere usque tempus, nimium omnino laudibus ornarunt, quae illis innotuerunt varia aromata calidiora, et vegetabilia Indiae utriusque, quae magno emuntur pretio, et nocent saepius quam inuuant, immo saepissime in artis exercitio non tam eximiam praestant vim remedialem, quam inuentores illis magna ostentatione tribuunt, nec non alii nimis creduli, inuentorum auctoritate decepti, quum saepe non accurate satis examinarent illorum commenta.*

*Quamquam vero haec omnia verissima sint, pauci tamen hodie imitantur illustre Suecorum exemplum, qui vero amore patriae et civium, magno studio tentarunt, plantas in Suecia indigenas inuestigare, quibus omne morborum genus sanare possent. Sine artis detrimento, quod ex illorum observationibus patet, facile possunt carere permultis remediis, quae antea magno pretio emenda erant ab exteris \*).*

*Germania nostra inprimis vegetabilibus abundat, quorum vis remedialis tot repetitis experimentis adeo comprobata, ut iure meritoque permultis exoticis longe praefenda sint in exercitio artis nostrae. Pauca saltim ex multis, ut adducam exempla, nominasse sufficiat: Millefolium, Alchimillam, Allium, Scordium, Sambucum, Taraxacum, Fumariam, Absinthium, Iuniperum, Valerianam, Ebulum, Asarum, Arum, Cicho-*

\*) vid. Berättelser till Riksfens Högskola. Etänder rörande medicinala Verkens Tillstånd J. Riser ingifne wid Riks Dagen 1769 af Kongl. Colleg. med. n. s. w. Upsala 1769. 8vo.

rium, radicem Graminis, Bardanam, Saponariam, Armoricam, multaque antiscorbutica notissima, Pinum, Sonchum, Hordeum, Arnicam, Altheam, Maluam, Helleborum, Muscum islandicum, Cherefolium, Centaurium minus, Carduum benedictum, Rubum Idaeum, Fragam vescam, fructus horaeos, Nasturtium aquaticum, et plantas nonnullas, quae non multum a ferulaceis illis praestantissimis differunt, licet apud nos rarius in usu sint, Lewisticum, Imperatoriam, Enulam. Adde his aliquot Salicis species, Hippocastanum, herbam Chamaedryos et Chamaepytios, ut probe instructam officinam pharmaceuticam haberemus, si illis iungere vellemus ex regno animali, Formicas, Millepedes, Cornu Cerui, et ex minerali denique Salia fontium Germaniae, cineres clauellatos, Succinum, Calcem viuam, Martem, Vitriolum, Nitrum, Alumen, Sulphur ac Salia neutra artefacta, Antimonium. Accedit producta alia, quae usibus medicis inseruiunt, etiam in Germania ipsa parari v. c. Sal Ammoniacum, Saponem vegeto mineralem, Sal mirabile Glauberi, Spiritum Vini, Sal Tartari, Oleum Vitrioli, Cinnabarim et alia multa. Exotica denique praestantiora nuper in patria nostra, cuius ager adeo fertilis est, colere coeperunt, quorsum pertinet rhabarbarum et Rubia Tinctorum, et largam messem promittunt agricolis plantae in agro nostro laete crescentes, quas ciuitatis iure nuper donarunt. Aliae fortassis plantae exoticae non differunt a nostris, sicut radix Salep, quae coniectura est verosimilis Ill. SPIELMANNI; saltim Orchis nostra MORIO L. eandem vim probauit Cl. QVARIN. Optimo igitur consilio continuanda foret industria nonnullorum, qui de reformandis pharmacopoliis, et de minuendis pharmacis, saluberrima dederunt hoc seculo consilia.

Verosimile est admodum, exiguum esse numerum exoticorum, aut saltim cum multum minui posse, quibus plane non potest carere medicus in praxi. Eius generis videntur Cortex peruianus, Cascarillae, Aurantium, imprimis Curassauensium, Cinnamomi, Simarubae, Guaiacum, Sassafras, radix Rhabarbari, Sassaaparilla, Senega, Zedoaria, Ialappa, Serpentina virginiana, Gentiana rubra, Squilla, fortassis quoque Ipecacuanha, Sagu, maxime vero Gummata iila ferulacea dicta, Tamarindi et Cassia, Manna, Aloe, Opium, Myrrha;



Balsama nonnulla natiua, Oleum oliuarum, olea exotica aetherea et fragrantia, Caricae pingues, Camphora, Moschus, Stannum anglicanum, Saccharum lactis, Cremor tartari, Hydragyrus, et quae sunt reliqua, quae vere selectum sistunt rationalem medicamentorum, quibus vera inest vis remedialis. Chamomillam officinarum in praesenti specimine placuit denuo pertractare, quam recte primum euporiston vocat FRID. HOFMANNVS in clav. SCHRÖDERIANA, et polychrestum remedium SIMON PAULI. Eius eximia virtus antiquissimis temporibus iamiam celebrata fuit, quae per tot secula sese commendavit, et hodie etiam magni aestimatur. Quare videbor fortassis nonnullis Iliada post Homerum scribere. Sed sciendum est me apud neminem recentiorum, qui huius plantae mentionem fecerunt, vel illam in libellis academicis seorsim pertractarunt, omnes vires collectim recensitas inuenisse, quas in tot libris passim annotatas, et observationibus confirmatas inuenire contigit mihi, cum ex instituto consulerem medicorum monimenta. Similem laborem iam ante me suscepit Ill. HALLERVS, qui in altera editione stirpium Helvetiae, magno studio collegit ubique notatu maxime digna, circa vires plantarum, sed contentus fuit potissimum, ea annotare tantum, quae sibi praecipua visa sunt, nec omnium plantarum historiam integram medicam scribere voluit vir summus, cui tot ac tanta artis nostrae incrementa debemus. Nemo tam facile in dubium vocabit, utilissimum fore laborem, si unitis viribus societas eruditorum ex tanta librorum multitudine in epitomen redigere vellet historiam medicam simplicium, a primis inuentoribus ad recentissima usque tempora. Quis enim non expertus est, non sine magno temporis dispendio et taedio, ex medicorum scriptis colligi absolutam historiam remediorum simplicium, quae sparsim latet, velut disiecta membra, in tot libris, in quibus saepe vix expectare licet, quae ad historiam illam pertinent, cuius utilitatem nemo negare potest, qui didicit: morbis promptius mederi posse, cum calleat medicus effecia remedia, quorum vim probatam alii iamiam nobiscum communicarunt. Iuvat non minus, si fieri nempe potest, annotare ubique, quis primus omnium vim aliquam remedialem observauerit, nam dulcius ex ipsis fontibus bibuntur aquae. Haec itaque lex esto et norma in recensendis chamomillae viribus, ut sollicite, quot-

---

quot huius plantae vires inuenire potuerim, seorsim exhibeam, omnes vero examini subiiciam, et ut decet, sincere ac candide moneam, quae suo loco monenda, ut idemum appareat, quibus morbis chamomilla vulgo dicta, mederi possit, quae certissime permultis aliis ex utraque India allatis simplicibus palmam praeripit, hinc iustas meretur laudes summorum virorum, quod, nisi omnia me fallunt, ex specimine meo luculenter satis patebit.

---

## §. I.

*Chamomilla officinarum quid?*

Quae in officinis asseruantur plantae, quibus Chamomillae nomen imponunt vulgo, non vnus eiusdemque sunt generis. Paucis vero nunc sufficit indicasse verbis, de quibusnam plantis mihi potissimum sermo sit, cum exulta hodie botanica, non sicut olim, tantis difficultatibus prematur plantarum cognitio, et faciliori longe negotio vna ab altera distingui possit, quae genere differt planta, olim admodum confuse descripta, vt Oracula Delphica non adeo obscura, quam descriptiones plantarum apud veteres auctores. Sic Chamaemelum olim erat genus quoddam plantarum, non accurate satis definitum, plantas continens permultas, quas summo iure recentiores in aliquot genera diuersa distribuere docuerunt. Plantas omnes, quibus olim nomen Chamaemeli datum fuit, pro genio seculi, sermone prolixiori recensuit Io. BAVHIN, in *histor. plantar. vniu.* T. II. Cap. XIII. p. 115.

Occurrit etiam in Onomatologia Botanica, nuper edita, relatio prolixa de Chamaemeli apud varios auctores significatu. III. LINNE'VS in Spec. Pl. et III. HALLERVS in edit. altera Stirpium Helvetiae, suis locis vbique inter synonyma annotarunt, quibus plantis olim Chamaemeli fuerit nomen. In libris materiae medicae, recentissimis temporibus GEOFFROY, LEWIS, III. SPIELMANN aliquot genera plantarum, more antecessorum ad Chamomillam officinarum retulerunt. Solam ego intelligo Chamomillam vulgarem et romanam, missis omnibus reliquis, quibus idem fuit olim nomen. Est vero *Chamomilla vulgaris* planta, quam *Matricariam Chamomillam* L. vocat, ed. Spec. II. p. 1266, quae apud HALLERVM l. c. p. 143. describitur. *Chamomilla romana* est *Anthemis nobilis* L. l. f. p. 1260. Graecum nomen *Dioscoridis* *Ανθῆμις* restituit III. *Eques*, cum admodum verosimile sit, plantam nostram esse illam, cui illud nomen olim fuit. Asseruatur quoque in officinis varietas floribus plenis romanae, et



ordo medicorum Parisiensis iam ante aliquot tempus ciuitatis iure illam donauit. De dissensu, quaenam ex illis alteri sit praeferenda, alibi opportuna differendi erit occasio. *Chamaemelum* veteres graeci scripsere, *Chamomilla* barbari. Chamomillae adnumerant non pauci, et ex nuperis *III. SPIELMANN*, nec non *LEWIS* plantam, quae apud *L.* audit *Anthemis Cotula*, l. c. p. 1281. et apud *III. HALLERVM* describitur l. c. p. 44. Non solum in officinis errore nonnunquam Cotulam, quae vulgo foetida vocatur, loco Chamomillae vulgaris, interdum exhiberi scio, sed annotatum etiam inuenio, errasse quoque scriptores in viribus recensendis, et *RAII* obseruationem de Chamomillae viribus in Scrophulis, de Cotula foetida potius intelligendam esse. Testimonia occurrunt apud *HALLERVM*, consilio nonnunquam, loco Chamomillae vulgaris, forma clysterum, adhibitam fuisse Cotulam. Odor foetidus et molestus, distinguit Cotulam ab aliis plantis, quae habitu et similitudine aliqua conueniunt, maxime vero a Chamomillis officinarum. Sed etiam chemicum examen discrimen a Chamomillis decuit. Ex triginta nimirum libris Cotulae *III. SPIELMANNVS* nullum obtinuit oleum. Candide fatentur alii, vires Cotulae nulla fide digna obseruatione confirmatas reperiri in monimentis medicorum. Ad Chamomillam redeo. Non fugit me, fallax esse argumentum virium plantae cuiusdam, quae centies ab auctoribus laudatur, saepe enim ex nonaginta nouem, vnus alterum allegauit, vt bene monuit de Opio *YOUNG*. Sed nulla fere occurrit in materia medica planta, quae tot repetitis multorum obseruationibus et experimentis confirmauerit efficaciam in sanandis morbis permultis, quam Chamomilla. Inde factum, vt principes viri in arte nostra, vno ore omnes fateri coacti sint autopti, Chamomillam et romanam et vulgarem, donum esse diuinum, mortalibus vtilissimum. Illustris *TRILLERVS*, vir annis et meritis conspicuus, in *Thef. Pharmaceut. s. Disp. viii.* p. 130. qua pollet facundia, mirifice laudat Chamomillam, polychrestum et panchrestum remedium vocat, nec non pauperum Panaceam et aegrotorum Nepenthes, et haec omnia quidem verax. Scripserat *ALBERTVS BVLIGHIVS*,

D. et Phyf. Neo-Ruppinenfis in Marchia, libellum, cui titulus *Anthemiatrice f. Medicatio per Chamomillam, cuius plantae natura et vfus ita docetur, vt eam effe inflar Panaceae*, fed nunquam prodiit in lucem, cum mors e viuentium numero eriperet auctorem, antequam cum orbe erudito communicare poffet doctas fuas lucubrationes. BARTHOL. ZORN in auctariis ad THOMAE PANCOVII *herbarium*, et poftea in *Botanologia medica*, multus eft in recensendis viribus Chamomillae, quas ex obferuatorum libris collegerat. Deinde IO. DAN. SCHEFERVS Diff. Arg. 1700. et SAM. HERZOG Diff. Halae 1730. Praefide b. SCHVLZIO defenfam, de Chamomilla edidit. Paffim denique in recentiorum libris occurrunt annotationes, de remedii noftri viribus, et vfu polychrefto.

Plantae ficcatae fapor et odor non adeo penetrans, quam viridis, fed mitis eft; et omnino exficcatio emendat plantam, quae bene afferuata diu efficax, bene monente LEWIS, manet. Sed cum vires delitefcant partim in principio volatili, olfactus organon afficiente, quod etiam praeparatis nonnullis communicat, et aromaticis plantis omnino adnumeranda fit Chamomilla, quotannis nouam plantae copiam, quae tot vſibus inferuit, colligendam et in officinis bene afferuandam eſſe, cenſeo. Vulgaris odor dulcis eſt balsamicus, iſque non ingratus, romana aroma magis ſpirat, vulgaris ideo temperata magis, romana magis penetrans et fragrans. Chomomilla odorem ſuauem habet, qui pomum vinoſum refert, multi dixere, et vocis originem deriuant a χαμαί *humile* et μῆλον, pomum, quia humi haeret, et odorem pomi habet. Odor tamen, hinc et olei deſtillati copia, differt pro diuerſitate loci natalis. Vulgaris habet ſaporem mucilagiноſum, romana amarum magis et aromaticum. Aromaticam qualitatem ex ſapore, odore, et oleo cognoscendam, ETTMULLERVS iamiam annotauit, ita tamen, vt haec qualitas in romana maior ſit.

## §. II.

### *Analysis chemica.*

Ab oleo incipiam, quod per deſtillationem obtinetur. Olei, quod vulgaris largitur, coloris amoeni, ſapphirini,

apud non paucos fit mentio, et quod suo loco moneam, diu iamiam in usu illud fuit. Sic meminerunt olei huius SIMON PAVLI l. c. TH. BARTHOLIN, Act. Hafn. P. I. p. 76. TEICHMEYER, *Chym.* p. 66. NEVMANN, prael. chem. ed. ZIMMERMANNI p. 769.; REDI T. II. p. 139.; ETTMULLER, l. c. FABRICIUS in Dissert. de oleis aether. destillat. Io. BOHN, in *epist. de alt. et acid. insuffic. acced. ei. Diss. phys. chym.* Lips. 1696. 8vo. p. 535. etiam MYLIVS, in *Pharm. spagy.* Non in disco et flosculis flosculosis, sed in calice potissimum latere oleum hoc, NEVMANNVS l. c. p. 169. annotavit. Causam eximii coloris deriuarunt nonnulli a vesica cuprea, e qua destillatum, sed ex obseruatione SIM. PAVLI iam 1664. facta, aequae coeruleum obtinetur, si vase vitreo instituitur destillatio florum Chamomillae vulgarium exsiccatorum, quod pariter dixit ETTMULLER l. c. Io. BOHN l. c. et b. VOGELIUS in *Chemia* p. 133. Perperam itaque RICHTER in libello de corruptione medicamentorum p. 20. dixit, hunc coeruleum colorem esse adulterii signum, est enim color naturalis, et millefolium, galbanum, pimpinellae nigrae radix ac seselios montani semen, simile oleum coeruleum stillant. Eius tamen color sapphirinus post aliquot tempus mutatur, et in album degenerauit, notante THOM. BARTHOLINO. l. c. p. 76., BOHN (l. c. p. 536.) aëre externo inprimis saepius admissio, per plures tamen annos LEWIS vidit coeruleum mansisse, rariori certe exemplo, et fortassis optime seruatum, vetustum fit alias etiam viride-flauum et fuscum. Credidit FR. HOFFMANNVS in obs. phys. chym. p. 11. si color post integrum annum adhuc constans coeruleus, oleum mangonifatum esse. Sed cadit hypothesis auctoritate Cl. LEWIS, et prolixè iam respondit NEVMANN p. 770. A solo natali repetunt alii causam coloris coerulei elegantissimi, coniectura valde verosimili. Ab aliis etiam causis mutari posse colorem, non mirum est, et ex physico-chymicis rationibus, de diuersitate oleorum aethereorum, a b. VOGELIO in *Chym.* allatis, facile intelligitur. Iisdem fere causis debetur, non eandem copiam olei semper obtineri. Ex integra libra NEVMANNVS paucam quantitatem, scrup-



pulum vnum; drachmam integram *III.* SPIELMANN, et tres accepit LEWIS. Oleum destillatum romanae est colore flauum, et quantitate longè superat vulgarem, omnium consensu, hinc a maiori copia olei essentialis, maior etiam vis romanae pendet. Est omnino magna copia olei, quod ex vulgaris integra libra accepit LEWIS, scilicet quinque drachmas elicit. Vulgaris adulterium frequens fit addito terebinthinae oleo, vna cum floribus chamomillae destillato, vt aequè rarum sit verum oleum chamomillae, quam oleum cinnamomi, vt ait b. NEVMANN.

Extractum largitur vtraque, tam aquosum, quam spirituosum, cuius quantitas omnino insignis est, proportio tamen non eadem ab auctoribus annotatur. Ex vtraque  $\frac{1}{2}$  aquosi et  $\frac{3}{8}$  spirituosi NEVMANNVS obtinuit. Vtrumque inertius esse, non mirum, nam per violentam coctionem pars bona principii illius volatilis, quod tam eximie in neruos agit, horumque motus nimios compescit, dissipatur. Ex romana fere  $\frac{1}{2}$  extr. aquosi, et  $\frac{1}{3}$  spirituosi, et eandem fere quantitatē ex vulgari, CARTHEVSEVS accepit. Recentiores, cum melius perspexerint rationes, cur non in eadem proportione possimus obtinere semper partes sic dictas constitutiuas, has quidem non negligunt, at in recensendis et determinandis illis, non tam anxie curant dissensum circa quantitatē, quam ii, qui in ea erant opinione, vires vnice pendere a proportione, quam chemicum examen extorquet. Ex eadem planta, nunc recenti, nunc sicca, alia proportio partium elicitur. Sic iam annotauit FEISTL in *Diff. vegetabilia recentiora siccis esse praeferenda* Alt. 1740, Chamomillam recentem maiori olei copia turgidam esse, quam siccam. Quum in chamomilla pars aromatica praecipue sit efficax, facile intelligitur, aquosum extractum esse fere iners, cum resinofum teste CARTHEVSERO et LEWIS, et tinctura spirituosam optimam possideant vim. Nimis fere subtilis est descriptio examinis chemici chamomillae vulgaris, quam dedit GEORFROY. Is enim spiritum vrinosum, sal volatile vrinosum, et aquam acidulam colorem chartae coeruleum rubro colore tingentem, ait se obtinuisse, ac Chamomillae tribuit sal ammoniacale cum acido saturatum, et duplex oleum,

tenerius et crassius, quae quidem principia arctius inter se vnita. In extracto, cuius sapor amarus salus, tandem in eius superficie crystalli minores visae sunt a Cel. LEWIS. Idem obseruatur in aliis praestantiorum herbarum extractis, et crystalli illae sunt partim species salis natui essentialis, partim species salis aduentitii, partim denique, vt verosimile est, nascuntur ex noua vnione et syncrifi. Monuit SIMON PAVLI, infusum vinosum aliquoties cohobatum, adeo salum fuisse sapore, quasi admixta esset larga salis communis portio. Illud principium salinum quoque fuisse aduentitium *III.* CARTHEVSEVS affirmat. Qualitates manifestae, odor, sapor, immo chemica analysis vtriusque plantae, notabile discrimen ostendunt, vt auctorum consensu vires vtriusque non perfecte conueniant, hinc aliis vsibus alia planta adhibenda sit, de quibus mox dicam. Quamquam vero haec ita sunt, ab aliis tamen promiscue romana et vulgaris adhiberi solet, immo propter qualitates mitiores vulgaris, haec magis in vsu esse consuevit, et praefertur.

Romanam magis exaestuare bene monet GEOFFROY. Vulgarem in Electuario amauit FRID. HOFMANNVS in M. R. S. Romanam propter vim magis penetrantem externis vsibus potissimum, tanquam neruinum et resoluens remedium commendat Io. IVNCKER in *Therap. gen.* Romanam magis neruinam esse, vulgarem magis emollientem, monitum est *III.* CARTHEVSEI, ab analysi chemica desumptum. Idem ad febres intermittentes sanandas maluit romanam adhiberi; item in sacculis pro epithemate saepius laudatur romana, tanquam magis efficax; quam vbique prae vulgari commendat *III.* HALLERVS. Solam vulgarem b. SCHULTZIVS in *mat. med.* omitta altera, pertractauit. Cl. GERHARD *III.* CARTHEVSEI epitomator, a praeceptore vix dissentit; et ait ille: in vulgari abundare spiritum rectorem balsamicum, et vaporosum principium, in romana principium aromaticum et olei aetherei copiam. Romana iam olim in anglia officinarum fuit. NEVMANNVS fateri debet, romanae vires quamquam magis excitantes, rarius tamen in vsu esse. Parisini teste LEWIS promiscue vtraque vtuntur et DANIEL



LVDOVICI in *Pharmac.* credidit iamiam, sufficere vulgarem, et nos posse carere prorsus romana. *Cel. PLENK* in *mat. met. chir.* mauult vbique adhibere vulgarem, et nescio qua ratione permotus dixerit, esse efficacem magis. Sed haec sufficiant de medicorum dissidiis. Sua vtilitate quaeuis non caret, et facile est diiudicare, in quonam casu haec vel illa sit adhibenda. Interim facile quoque patet, non semper annotasse observatores, quam plantam adhibuerint, sed cum vires vtriusque sibi similes sint, exceptis tamen praeparatis quibusdam, discrimen exigui momenti credidisse.

### §. III.

#### *Praeparata simplicia.*

Ea vulgo praeparata efficacia censemus, quae plantarum spiritum rectorem, principium aromaticum, oleosum, gummosum, resinosum, salinum, fixas vel volatiles partes continent. Praeter oleum illud coeruleum essentiale vulgaris, quod in Elaeosacchari forma, vel ex brodio potissimum, propinare solebant medici, et extractum spirituosum, in pilulis vel elixirio, cum aliis, v. c. Gummi ammoniaco, myrrha, oleo destillato rutae, etc. de quibus suo dicam loco, adhibendum, aqua destillata, Syrupus, Tinctura spirituosa, seu essentia, eximia sunt pharmaca, quorum efficacia in praxi saepius confirmata legitur. Aquam florum destillatam iam parare iubet VALERIUS CORDVS, cuius memoriam toties recoluit *Ill. SPIELMANN*, et quam laudat BOERHAAVIUS in *Chymia*, (idem cohobatam in *historia Plantarum*,) quae odorem et vires habet plantae, monente HALLERO, cuius sit mentio apud SIM. PAVLI, HERMANNVM, et SCHVLTZIVM, officinalem esse iubent Edinburgenses.

Aquam destillatam cum aliis remediis fomentationis forma, adhibuit olim KEYLAV. Inprimis magni facit aquam *Ill. TRILLERVS*. Aquam esse balsamum *HILL* et GEOFFROY annotarunt. Aquam cum vino per destillationem paratam, laudant AMATVS LVGITANVS et ETTMÜLLER. Aquam ex succo florum destillatam



FONSECA nec non ZACVTVS LVSITANVS, saluberrimam inuenerunt.

Essentia vtriusque, non minus ab ETTMULLERO, CARTHEVSERO laudatur. Dicit CL. LEWIS, chamomillam cum spiritu vini destillatam, partem aliquam principii efficacis in se recipere, partem vero in extracto remanere. Tinctura spirituosaf occurrit in Pharmacop. Parisin. Extractum ipsum non solum frequenter praescribitur in pilulis antispasmodicis, neruinis, vterinis, contra mulierum morbos, sed etiam in *Pharmacop. Edinb.* quem meretur locum, inuenit, quamquam sit debilius.

Syrupus commodum excipiens boli, electuarii iam occurrit in *Pharmacopoea Augustana*. Oleum infusum laudabat AETIVS, coctum ARETAEVS, et locum inuenit in Pharm. Edinb. Sed recte dixit LEWIS, non magnam vim expectari posse ab oleo illo cocto; nam oleum antequam incalescit ad eum gradum, vt ebulliat, sustinuit vehementiorem ignem, qui destruxit iamiam gratum aroma chamomillae, vt vires, quas illo oleo tribuunt, potissimum ab oleo pressio emolliente repetendae sint. Meliori methodo oleum coctum parare docuit NEVMANN l. c. p. 771.

#### §. IV.

##### *Praeparata composita.*

De his fere idem monendum, quod de aliis compositis, quae Sec. XVI. et XVII. frequenter in vsu erant, esse partim vana, partim superflua, et magis saepe nocere, quam prodesse. Quare paucis verbis indicasse praecipua sufficiat. Addita fuit chamomilla aromatibus et calidis remediis, ex quibus olim parabant aquas carminatiuas, quarum variae formulae passim occurrunt.

Sunt: 1) *Aqua Carminatiua* DORNCREILII, et *Pharmac. August.* ex chamomilla et variis aromatibus composita, ad duo cochlearia sumenda. Vehementer illam laudat b. HOFFMANNVS, in *Diff. de specif.* Occurrit aqua contra flatu s. vino, in catal. compos. ap. HERMANN.

- 2) *Aqua Carminatiua* SCHRÖDERI, cum vino, cuius dosis drachma vna et dimidia. Calida omnino medicina, caute praescribenda.
- 3) *Aqua Carminatiua* WÜRTENBERG. DORNCREILII est compositio correcta.
- 4) *Aqua Carminatiua spirituosio Würtembergensium*, etiam calida medicina, parca dosi ad aliquot drachmas sumenda.

Exstat quoque *Essentia Chamomillae* WEDELII, et in sequentibus compositis flores chamomillae occurrunt, scil.

- 1) in *Essentia Carminatiua* MICHAELIS.
- 2) in *Spiritu Carminatiuo* SYLVII.
- 3) in *Aqua Carminatiua Norimbergensium*.
- 4) in *unguento martiato*.
- 5) in *emplastro de meliloto*.
- 6) in *emplastro de ranis cum mercurio* IO. de VIGO.
- 7) in *Aqua Carminatiua* MYSICHTI.

Nobis solummodo placet aqua cohobata ex magis compositis. Oleum destillatum nonnunquam addito oleo terebinthinae corrumpi, supra dixi. Sed consilio HARTMANNVS et SENNERTVS oleum Chamomillae cum terebinthina destillare simul iubent, vt oriatur balsami species ad vulnera sananda. Terebinthinae loco addita fuit ab aliis rasura ligni pini. Sed ETTMÜLLER superflua omnia iamiam declarauit.

Conseruam et sal THEODORVS vulgo TABERNAE-MONTANVS, iamiam nominauit. Sal, quem laudat quoque ZORN, sed prae aliis salium generibus per incinerationem paratis, nullam vim singularem habere videtur, in iisdem morbis, in quibus prodest sal cardui benedicti, absinthii, vtilis fuisse dicitur. De sale annotauit GMELIN in Act. Petrop. T. V. p. 289. hunc esse impurum, acidum continere et phlogiston. Conserua tamen efficax et non contemnenda est. Plura composita leguntur apud HERMANNVM in *Cynos. mat. med.* P. I. pag. 575. Sed vix laudare possum formulas, quibus nimia opiatorum copia admixta. Reliqua composita, quae olim in officinis asseruata fuere, omitto, cum hodie magis selecta remedia in promptu habeamus, nosque illis facile possimus carere.

## §. V.

*Praescriptio extemporalis.*

Forma tam simplici, quam composita, additis scilicet aliis, remediis, vario modo prodest chamomilla, quod ex ante dictis patet. Flauedinem chamomillae, pulueris forma, mole modo maiori, modo minori, vna vice sumenda, praescriptam fuisse, scripta medicorum testantur. Et ea quidem forma pro vsu interno admodum efficax sistit medicamentum, vt suo loco videbimus. Idem puluis saepe in bolo vel electuario exhibitus fuit. Pro excipiente inseruire potest et conserua et syrupus. Extracta in pilulis vel elixirio praescribenda esse, formularum doctrina docet. Itidem aqua propria, simplex vel cohobata, menstrum esto. Oleum destillatum Elaeosacchari forma optime propinabis. Si placet menstruum et potionis forma, cum aqua et syrupo eiusdem plantae illam concinnare possumus. Oleum cum mica panis in pilulas redegit BOERHAAVIUS, et non inepte illud gummatibus aliisque extractis admiscetur, pro pilulis conficiendis. Succum recenter pressum ad vnicas aliquot diu dederunt medici.

Puluis florum in sacculis, modo siccis, modo humidis, frequentissime applicatur externe, ac medicinam multorum constituit domesticam. Infusa denique, decocta, vinosa, aquosa, omnium frequentissime parantur, pro vsibus modo internis, modo externis. Nonnunquam loco menstrui cereuisia sumitur, pro decoquenda chamomilla. Singulis illis iusta laus manet, et ex scopo electio facile diiudicanda erit. Singula enim menstrua efficacia sunt, ac suscipiunt varia proportione aromaticum chamomillae principium. Infusum theiforme, leni tamen igne paratum, est pro vsu interno vera medicina polychresta, qua carere nollem in artis exercitio. Decoctum specie fomenti, clysteris, iniectionis in vterum, balneorum, pediluuii, infusus, balnei vaporosi, vtilissimum sistit remedium in permultis morborum generibus, vt suis locis videbimus. Decoctum cum lacte paratum, non solum interne, forma potus, sed externe, fomentationis forma, iuuat in morbis magnis et auxilio fuit statim. Aqua, quod antea dixi, non-



nunquam inter fomenta recipitur. Oleum coctum decoctis pro clystere admiscetur, et linimentis ac vnguentis, nec non balsamis externis. Varias formulas communicauit HERMANN l. c. Decoctum, vel infusum nonnunquam constituit haustum pro assumendo puluere. Essentia chamomillae misceri potest, cum essentia, quae similes habet virtutes, item cum extracto spirituofo, vt fiat elixirium, quod, si forma diluta magis desideratur, in aqua propria, ea proportionem dissolui potest, vt cochleatim assumi queat medicamentum.

Reseruabo monita de addendis aliis medicamentis, ad augendam chamomillae vim, suis locis, et vbique addam in specialiori disquisitione, quibus morbis mederi possit chamomilla, simplices compositiones, quas vel medicorum peritia declarauit saluberrimas, vel artis nostrae praecepta, non inutiles fore suadent.

## §. VI.

### *Vires Generatim.*

Qui chamomillae vires propriis obseruationibus edocti annotarunt, illam laudant tanquam antispasmodicam, neruinam, carminatiuam, antifebrilem, emmenagogam, aristolochicam, antihystericam, lithontripticam, diureticam, antipodagricam, antiscorbuticam, anthelminticam, roborantem. Mederi affirmatur recensitis malis, potissimum vero illis, qui a spasmodis oriuntur, interno vsu. In morbis potissimum intestinorum, et viscerum infimi ventris praestantissimum remedium videtur, et illico praestat opem. Non solum spasmos subito lenit, flatum dispellit, sed etiam viscerum infimi ventris obstructions resoluit, quod GALENVS iamiam sciuit. Planta aromatica haec inprimis neruis grata videtur, et non solum motus a nimia neruorum sensibilitate, sed etiam a nimia fibrarum muscularium irritabilitate, compescit egregie. Inde concipimus, chamomillam permultis morbis spasmodicis, horumque effectibus, scilicet haemorrhagiis naturalibus turbatis, et febribus egregie mederi posse. In morbis pectoris, asthmate, pleuritide spuria, saepissime vtilissima fuit medicina, non aliam ob causam, quam remouendo in primis viis causas

materiales, vnde consensus lege illi morbi originem habebant. Vis roborans, nec non neruina, antispasmodica, mihi videntur primariae vires, et ab illis reliquas omnes pendere, ac ex iis explicari posse, facile mihi persuadeo. Sine dubio praecipua virtus chamomillae haec est, vt solida mutet. Hanc veritatem suo tempore iam perspexit ETTMÜLLERVS. Is enim ait: „*neruorum motus compefcit et irritationem sensilem.*“ Eam igitur ob causam recte concludit, inderi morbis infimi ventris idiopathicis, et pectoris ex consensu cum infimo ventre ortis. Efficaciam chamomillae in solida nostri corporis egregie confirmauit HALES, in libro cui titulus: *Haemoflatique*, p. 134. Is vim quandam stypticam in chamomilla latere probat, vt tarde per vasa transeat, sicut *Cinnamomum*. Ea vis docet, cur chamomilla sit tam eximium antipyreticon. In putridis morbis, vsu interno et externo, adhibita fuit, et in gangraena ipsa, scorbuto, sphacelo, antiquiorum temporum medicis eius vis antiseptica iamiam nota fuit, quam recentiori demum tempore, nouis tentaminibus et observationibus egregie confirmauit III. PRINGLE, princeps eorum, qui hoc seculum ornant, et ad augendam omnino artem nostram natus, quae gloria paucis contingit.

Non minus CL. MACBRIDE in tentaminibus suis, anglice scriptis p. 130. vim, qua chamomilla resistit putredini, obseruauit, cinnamomo tamen minorem inuenit. Docet haec vis antiseptica similitudinem aliquam florum chamomillae cum cortice peruiano, quae quidem pharmaca hodie sibi saepe substitui, nonnunquam misceri simul, notum est. Eadem vis antiseptica, qua plurima remedia febrifuga gaudent, inprimis cortex peruianus, argumentum ab analogia desumptum praebet, chamomillam inter febrifuga optima locum mereri, et magis fidum est argumentum illud, quam illa, quae sola coniectura nituntur, nulla vero fide digna obseruatione confirmantur.

Non solum enim similes qualitates in cortice peruiano et chamomilla inuenimus, sed virium atque effectuum similitudinem et conuenientiam res ipsa per experientiam docet. Fluida nostri corporis a chamomillae viribus non vna ratione mutantur, ac mutari possunt. Et

vim alia fluidorum mutatio per chamomillam intelligitur atque concipitur ex aromatica eius qualitate et mixtione, qua statim mutat humores; alia vero ceu effectus roboris per chamomillam aucti, aut spasmi sopiti considerata venit. „*Corrigendo agit, scribit ERTMÜLLERVS, hostilem materiam acrem, nervis infensam, et spasmos ac dolores lenit, ac flatus discutit.*“ Valde subtilis nonnunquam est materia morbida, quae nervos ac musculos sic irritat, ut spasmi oriantur vehementes, et saepe maxime efficacia antispasmodica sanant dirissimam convulsionem, sine manifesta quadam euacuatione morbidi, ut nullum sit dubium, inesse remediis nonnullis eam vim singularem, ut spasmos tollere possint, minima dosi et copia exhibita. Non audeo vim omnem medicamentorum, quae saepe mira est, et summam admirationem meretur, methodo demonstratiua, quae nonnullis nimium placuit, explicare, et sufficit, vim illam longo rerum usu cognitam atque perspectam habere. Plura dicam in speciali morborum disquisitione, statim subiungenda.

Quod chamomillae externe adhibitae laudes attinet, vis paregorica, dolores et tumores leniens ac discutiens, resoluens, antiseptica, spasmos sopiens, ab omnibus et singulis agnoscitur. Romana discutiens magis censetur, vulgaris anodyna magis.

Forma remedii externe adhibita et alia admixta, mutant vim.

## §. VII.

### *Vis Febrifuga.*

Vim illam eximiam, qua efficax chamomilla solet mederi febribus intermittentibus, tertianis potissimum, aliquando etiam quartanis, nonnunquam aliorum remediorum usu vix sanabilibus, primo loco pertractare volui, cum sit fere antiquissima omnium, cuius notitiam veteres habuerunt, ut ab omni aevo in usu fuisse, medicorum scripta nos doceant. Aegyptiis notam fuisse vim chamomillae, ad febres sanandas GALENVS libro III. de medicament. simpl. facult. Cap. X. reliquit, ac testatur, plantam apud Aegyptios soli dicatam fuisse, quam omnium febrium putave-



runt remedium. Rectius tamen GALENVS dixit, in ea febre potius adhibendam esse, quae circa viscerum inflammationem infestaret, maxime, quae ab humore bilioso aut cutis densitate orta esset. Chamomillam enim calidis medicinis adnumeravit, et in aliis febribus, non nisi coctis adhiberi voluit. DIOSCORIDES in *facile parab. L. II. Sect. 25.* in febribus cum rigore per circuitus redeuntibus, inter remedia contra lassitudinem, chamomillae quoque mentionem fecit. In iisdem morbis idem DIOSCORIDIS remedium sic descripsit AETIVS *Tetr. II. Serm. I. Cap. 88. collect.* SREPHAN. p. 218. externe inungendum, ad rigorem febrium tollendum „*Chomaemeli flos tritus et in pastillos formatus, ac in umbra exsiccatus, et usu expectante cum oleo tritus ac illitus.*“ Idem AETIVS *Tetr. I. Serm. I. l. c. p. 10.* testis est, inuentorem vnguenti ex pastillis e floribus chamomillae et oleo, fuisse NECHEPSON, Aegyptium. Totum corpus a capite ad calcem inungi debet hoc linimento, contra rigores. Ibi exstat quoque memorabilis relatio, eundem in potu pastillos exhibuisse febre laborantibus, fabae quantitate, ex aqua calida. Oleum, in quo chamomillae flos maceratus et insolatus, eodem occurrit loco. ORIBASIVS, qui omnia fere ex GALENO hausit, scribit *L. II. C. I.* „*iam exanthemata, quae ex febris excessu orta sunt in capite, sanat chamaemelum, si viride sit, oleo incoctum, si aridum, aceto prius conspersum.*“

Medici recentiorum temporum frequenter floribus chamomillae sanarunt febres intermittentes. MORTON dedit florum drachmam integram, vel per se, vel cum sale absinthii; nonnunquam cum antimonio diaphoretico. Idem adhibuit cochlearia tria succi, cum aliquot guttulis spiritus vitrioli, ex brodio.

Aegyptiorum dosis fuit florum drachma integra, quod etiam annotavit DE HAEN, *Rad. med. p. XI. p. 60.* Flores in febribus intermittentibus *catholicon febrifugum* vocat ETTMÜLLER, laudat HEISTERVS, *de med. german. indig.* HOFMANNVS, senior, *de med. offic. L. 2. Cap. 62. p. 165.* SCHVLZIVS in *mat. med.* flauedinem florum, certum remedium antifebrile nuncupat, item in *docta diff. de febr.*

*interm. curat. antiquis* §. 4. p. 10. narrat, se amicum per triginta sex menses aegrotum, qui frustra iamiam varia accepisset remedia, solo usu florum chamomillae, et vnica quidem dosi, a febre liberasse. PITCARN verissime dixit, medicos fore felices, si in omnibus morbis tam certa et efficacia haberent medicamenta, quam Chamomillam et corticem peruianum in febribus intermittentibus. RICHARDVS MEAD, in aureo libello, *monita* etc. chamomillam in febribus intermittentibus efficacem inuenit, cum corticem frustra dedisset. Drachmam integram, ex decocto proprio sumendam commendat HERMANN in *cynos. mat. med.* in febribus puerorum, BAGLIV magni fecit flores chamomillae in febre. Eius vero specif. Cap. XIII. *Op. de fibra motr.* monente LEWIS, fuit medicina composita. SENNERTVS in tertiana decoctum chamomillae et cremoris tartari, ante paroxysmum exhibuit. LAZARVS RIVERIVS, laudat potissimum decoctum chamomillae in febribus pituitosis, L. 17. *prax. med.* Sect. 2. Cap. 1. 3. 4. et Cent. IV. obsl. 12. 16. Flores ad scrupulum, vel drachmam integram in tertiana rebelli, quae cortici nolebat cedere, vtilem obseruauit FAVRAT, *thes. miscell.* Dedit autem aliquoties eandem dosin in die. VALCARENGHI in febre intermittente, cum symptomatibus malignis, cum cortice peruiano miscuit chamomillae flores, in *med. rat.* p. 20., quod connubium saluberrimum est. In febre intermittente irregulari, cum sale absinthii simul praescripsit PRINGLE. Flores vulgaris ad vnciam dimidiam LINNEVS laudat in tertiana. BOERHAAVIUS commendat infusum, item aquam, in *Chym.* et monet: decoctum a nonnullis magis laudari, quam corticem peruianum, et in *hist. plant.* dicit, succi vnciam vnam vel vncias duo, aequae esse antipyreticum, quam C. P. Flores in puluere praescribit pro dosi a granis duodecim ad drachmam dimidiam LEWIS, et nunc addi iubet sal alcali, nunc sal ammoniacum, vel alia aperientia aut roborantia. Recte monet idem, praestare chamomillam, vbi noceret cortex peruianus, propter obstructions viscerum. FRIDERICVS HOFMANNVS in M. R. S. Tom. IV. P. 1. p. 24. commendat sequens electuarium: ℞. Roob Samb. ʒʒ. pulv.



C. P.  $\mathfrak{z}\text{v}$ . fl. Cham. vulg.  $\mathfrak{z}\text{ij}$ . Extr. Cent. min. pulv. Caryoph. ana  $\mathfrak{z}\mathfrak{ss}$ . syrup.  $\mathfrak{f}\text{tos}$ . Citr.  $\mathfrak{z}\text{ij}\mathfrak{ss}$ . misc. dos.  $\mathfrak{z}\mathfrak{ss}$ . omni bihorio. Loco Syrupi nonnunquam elegit iulepum Rosarum, et addidit aliquando sal ammoniacum. Aliam formulam communicavit KLEINIVS, *select. rat. med.* R. Roob Samb. pulv. C. Peruv. ana  $\mathfrak{z}\mathfrak{ss}$ , Sal. ammon. dep.  $\mathfrak{z}\text{iiij}$ . Extr. Card. bened. extr. fl. Cham. ana  $\mathfrak{z}\mathfrak{ss}$ . Syr. C. Aurant. Curassav. vel Iulep, Rosar. q. s. F. Elect. Paulisper mutavit III. COTHENIVS, Archiater Reg. Pruss. formulam HOFMANNI. Est sequens: R. pulv. C. Peruv.  $\mathfrak{z}\text{vj}$ . rad. Zedoar.  $\mathfrak{z}\text{ij}$ . Fl. Cham.  $\mathfrak{z}\text{iiij}$ . Mell. Ros. Roob. Iunip. ana  $\mathfrak{z}\text{ij}\mathfrak{ss}$ . Samb. q. s. F. El. Dos.  $\mathfrak{z}\text{ij}$ . omni bihorio.

CL. THEEDEN, summus chirurg. Praef. exercitus Reg. Pruss. pilulas antifebriles sequentem in modum concinnare docuit: R. Extr. fl. Cham. Card. bened. Imperat. ana, pulv. rad. Ari q. s. ad consist. Militibus et pauperibus haec medicina est admodum proficua. Est mihi nota compositio alia, quae saepissime feliciter profligauit febres R. Conseru. fl. Cham. Card. bened. ana  $\mathfrak{z}\text{ij}$ . Sal. absinth. Card. bened. cent. min. ana  $\mathfrak{z}\text{ij}$ . (vel vnus hor.) pulv. C. Peruv. opt.  $\mathfrak{z}\text{vj}$ . Rhab. opt.  $\mathfrak{z}\text{ij}$ . misc. d. dosi facile limitanda. Extemporalis praescriptio hunc etiam in modum fieri posset: R. pulv. C. Peruv.  $\mathfrak{z}\text{ij}$ . Sal. ammoniac. flaued. Fl. Cham. ana  $\mathfrak{z}\mathfrak{ss}$ . Syr. C. Aurant. q. s. F. Elect. HEISTERVS laudat flores Cham. in Elect. c. Roob Samb. et infusum, tempore paroxysmi.

WERLHOFIVS, decus illud insigne seculi nostri, magni fecit in *Tr. de Febr.* flaued. flor. Chamomillae. Florum  $\mathfrak{z}\mathfrak{ss}$ . in electuario, vel succi recentis vncias duas, immo quatuor, in febribus ex hypochondriis, praescribit LOESECKE, in *mat. med.* Ex aqua, puluerem flor. et herbae absque stipitibus adhibuit, ACHILLES GASSER, ap. WELSCH: in syllog. obs. 25. p. 25. et potione illa ante paroxysmum data, quarta dosi sanauit tertianam notham, in filia sua. Non possum omittere memorabiles obseruationes illas, quarum quidem SCHEFFERVUS etiam mentionem fecit, cum eius diss. fortassis non omnibus ad manus sit, scilicet ZACVTI LVSTITANI, L. III. *prax. med. admir.* Obs. 26. qui in chronica febre, cum alia remedia



non iuuarent, decoctum chamomillae calidum cum faccharo, ad aliquot vncias, vacuo ventriculo dedit. Formula est sequens. R. Fl. Cham. p. iij. Comar. absinth. p. ij. coque in aquae ℥iij. ad reman. ℥iſſ. Colat. add. sacch. ℥iv. Dos. ℥v-vj. Allegauit ille quoque AVICENNAM (ed. nostra Bas. 1556. fol.) L. II. Tr. II. Cap. 121. p. 203. qui quidem febrifugam chamomillae vim, et alias quoque recensuit, sed ad verbum ex GALENO hausit. ZACVTVS aquam Ch. e balneo mariae destillatam suadet illis, qui sumere nolunt decoctum propter fastidium. Antecessorem habuit MANARDVM, qui laudauerat vsum internum et externum, et (sicut MATTHIOLVS), nihil dixerat, quod non legerat in scriptis Graecorum.

DIEMERBROECK non solum chamomillam; quod alii etiam fecerant, dedit, sed cum aliis herbis amaris, post purgans ante propinatum. Exstat in *Obseru.* 94. obseruatio, de febre intermittente aliquot mensium, profligata vſu decocti sequ.: R. Absinth. Mj. Cent. min. Mij. Card. bened. fl. Cham. ana Mjſſ. Coque ex cereuis. ten. ℥iij per horae quadrantem, expr. Die febris bis; apyrexias, ter dedit praebium. VITVS RIEDLINVS passim in *lin. med. et meth. cur. febr.* aliquot proprias obsl. de chamomilla febrifuga nobiscum communicauit. Similes occurrunt in A. N. C. Romanam Chamomillam CARTHEYSERVS in *mat. med.* tanquam magis aromaticam, magis efficacem censet.

Quod modum agendi attinet chamomillae, tam eximii febrifugi, quod iuuat nonnunquam cortice frustra iam iam dato, quod prodest saepe, vbi cortex noceret, et quod cortici omnino par censendum, consentiente quoque HERMANN in *mat. med.* ex longo tempore consentiunt medici, chamomillam praecipuis indicationibus in febribus intermittentibus facere satis. Resoluere nimium viscidum et infimi ventris obstructions, roborare ventriculum et intestina, spasmos compescere, acidum in primis viis corrigere, excretiones non turbare, turbatas restituere, obseruatum fuit. Eandem ob causam chamomilla est polychrestum medicamentum in tot morborum generibus ab obstructione, immo laxitate viscerum, et intestinorum,

viscido, originem habentibus, et malis praecipue, quae ad spasmodorum familiam pertinent. Non memini, vnquam noxium effectum ab vsu chamomillae in febre intermittente, fuisse obseruatum, et non immerito dixeris chamomillam Europaeorum Chinam. Puluis florum, quod PRINGLE annotauit, magis quam cortex ipse et serpentaria virginiana, putredinem arcet, et vi antiseptica eximia gaudet, quae a febrifuga non videtur diuersa, sed nisi omnia me fallunt, vna eademque. Idem eximius obseruator PRINGLE, repetitis tentaminibus denuo probauit, etiam infusum chamomillae antisepticum esse, et in febribus castrensibus felici euentu adhibuit saepe chamomillam. Medetur morbo et praecipuis eius symptomatibus. In vomitu enim febrili, cum magna copia viscerum ventriculorum replet, in horrore, nullum remedium mihi notum est, quod praeferre malim infuso florum chamomillae.

Egregie nimirum moderari solet vomitum, immo non raro iuuat, et facit, vt facilius eiiciatur turpis hostis. Inunctiones spinae dorsae ad mentem veterum, non contemnendae sunt, inprimis cum b. HOFMANNVS, in M. R. S. felici euentu id genus auxiliorum adhiberi, nos docuerit. Paucis adhuc dicendum est, longe plures auctores magni fecisse chamomillam in febribus, quam vt omnes allegare potuerim, ne scilicet libelli mei moles nimium cresceret. Cui tamen placet, euoluat quoque ADR. SPIGEL, eximium obseruatorem, *de febr. semitert.* (seorsim et in Opp. ei) passim; DVNCAN. LIDDELIVM *de febr.*; ROD. & FONSECA, Conf. med. 51. T. 2. qui succum dedit ad 3vj. in tertiana; RAYM. IO. FORTIS, *de febr.* passim; FRANC. PIENS, qui non male de febribus scripsit, *Cap. II. med. experim.* DIGBAEAN; *Theaur. secret. Colon. Allobrog.* et TH. FULLERI, *pharmac. extemp.* Sed sufficiant haec de vi febrifuga. In pleuritide spuria, flatulenta potissimum, post SIM. PAULI, ZORNIVM, multis aliis eximiam vim probauit. Inflationem ventris tympaniticam ex intermittente ortam, sanauit chamomilla PRINGLE.

## §. VIII.

*Vis antispasmodica in Cardialgia, Colica, Hysteralgia, Hypochondriasi, Calculo, Asthmate, Nephritide, Dysenteria, Ischuria, caet.*

Commode satis pertractare licebit vires antispasmodicas in variis morbis, coniunctim, cum ex cognatione illorum morborum cognita, nullum hodie superfit dubium, omnibus illis morbis, specie et schemate diuersis, eadem ratione chamomillam mederi, spasmos nempe mitigando, et discutiendo flatus, roborando, et resoluendo viscidum. Breuiter ac strictim obseruationes memorabiles recensebo ex ordine, in variis morbis collectas. Sit igitur

1) *Cardialgia.*

Romanae cham. flores sunt specificum in cardialgia, ait G. W. WEDEL, *amoen. mat. med.* p. 558.; FR. HOFMANN, in *M. R. S. Part. II.* p. 236. scribit: „in omni dolore cardialgico flores ch. vulg. eorum aqua, oleum, et quidem elaeosacchari forma, essentia saturata, cum spiritu florum ch. non adeo spirituosus et elaeosaccharo eximia sunt. Laudat idem extractum in pil. et decoct. fl. cham. e cereuisia, vel cum auena excorticata simul paratum et epotum, nec non clysteres flor. cum oleo cocto et lacte. SIMON PAVLI I. C. FORESTVS, L. XVIII. Obs. 20. L. VII. Obs. I. AMATVS LVSITANVS, *Cent. V. Curat.* 39. RIVERIVS, *prax.* L. IX. C. X. HARTMANN, *prax. chym.* forma decocti ex cereuisia, fomentationis, clysteris, immo aquam destillatam ad vncias tres, laudant ex propriis obseruationibus. Plures obseruatores ZORNIVS, in *Botan.* p. 194. et p. 195. allegauit.

2) *Pica; Malacia.* Placuit tribus saltem verbis annotare, in his morbis quoque chamomillam fuisse vtilem, teste IAC. HOLLER, et FR. HOFMANN, *sen. meth. med.* L. I. C. 19. et NENTER, *fund. med.* P. 3. p. 833., qui docoetum exhibuit. Oriuntur vero hi morbi, ex saburra et singulari neruorum affectione, vt ex principiis artis nostrae facile possis perspicere agendi modum.



3) *Colica. Iliaca.*

Laudarunt MATTHIOLVS decoctum in colica flatulenta; SENNERTVS decoctum florum ex cereuisia vel vino tenui albo, ad uncias quatuor, et ETTMÜLLER in omni fere colica decoctum vinosum; RIVERIUS Lib. IX. Cap. X. in colica quacunque, SIMON PAVLI decoctum vinosum, tanquam praestantissimum remedium; FIENI, *de Flat.* Cap. 21. tanquam mirificum; a colica vero non multum differt iliaca passio, et obseruatores per iliacam passionem saepissime intellexerunt colicam, cum vehementioribus torminibus et tenesimis. In colica flatulenta et nephritica, calculosa, praecipue vsum habere videtur insignem, tam interne, quam externe, in omni forma, scil. clyst. foment. baln. pediluu. semicupii, decocti, infusi, caet. Singula enim praeparata ex chamomilla in colica laudari lego. Aquae carminatiuae compositae saepius nocent, quam iuuant.

4) *Dysenteria.* Sunt tenesmi et tormina praecipuum symptoma huius morbi molestum. Infusum florum chamomillae, clysteres et fomentationes optime tormina et tenesimum, non solum in hoc morbo, sed aliis etiam spasticis infimi ventris leniunt. In dysenteria autem propter vim antisepticam, prae caeteris sese commendat Chamomilla. Decoctum fl. ch. cum lacte paratum, calide potum, vehementer laudat in dysenteria SIM. PAVLI, et BOERHAAVE in *chym.* Nuper in dysenteria infusum, et fomentationes, magni vsus inuenerunt viri *Cel. PRINGLE, MONRO (de milit. morb.) ZIMMERMANN, de dysent. passim.*

5) *Calculus; Nephritis.*

Nephritis, cui remedio fuit chamomilla, saepius a calculo natales repetit, saepius mere spastica existit. Vis lithontriptica, quam obseruatores de chamomilla annotarunt, partim debetur eius viribus antispasmodicis, partim leniter roborantibus. Quis enim nescit, calculos, saepe maiores, sponte expelli, spasimis sedatis; et tonica illa, immo nonnunquam adstringentia, calculi expulsionem non raro iuuare.

In nephritide, calculo, et orta inde ischuria, dysuria, stranguria, primo SIMON PAVLI vehementer laudat clysteres ex cham.; DIOSCORIDES cham. vulg. fl. potu et infessu ad vrinae vitia et calculum pellendum; omnia ex chamomilla Io. IAC. WALDSCHMID, *monit. med. de calc.* Io. RAIUS, in *Cat. plant.* dicit: *inter omnes plantas, quotquot contra calculum recipiuntur, nil floribus chamomillae efficacius esse.* Aqua chamomillae lithontriptica Eph. N. C. D. II. A. I. p. 387. Decoctum in nephritide calculosa, PECHEY, *herbal.* ap. HALLERVM. Obstructionem vrinae sanauit nuper Cl. TODE, oleo cham. externe illito, *Collect. soc. med. Hafn.* Vol. I. Obs. 26. Infusum lenit saltim dolores ex calculo LOESECKE.

Etiam in dysuria a pituita et acrimonia ISER. DE DIEMERBROECK Obs. 40. et FORESTVS L. 25. Obs. 25. inprimis decoctum cum lacte, quod commendat quoque HERMANNVS, et lactis vis hic etiam auget vim chamomillae.

6) *Hypochondriasis, Hysteralgia varia, menstrua et Lochia retenta.* Propter cognationem horum morborum, de his etiam simul loquar.

Quod damna ex flatibus retentis a spasms in primis viis, in malo hypochondriaco quotidie obseruare liceat, notum est ex libris ROB. WHYTT et Ill. DELI *von Blähungen und Dünsten* etc. In asthma debellando, inprimis stomachico et flatulento hypochondriacorum, mira est chamomillae efficacia, quae et ventris inflationes a causa frigida tam egregie compescit. Contra tormina ventris flatulenta commendat ZORN infus. cham. cum vino vel cereuisia, cum aniso; decoctum aquosum, solum, vel cum Cortice Citri, Aurantium, sine pari est, ait ERTMULLER, in morbis ventriculi et intestinorum. SCHVLZ in *diff.* magni facit cham. in affectione hysterica. Optimus ille FR. HOFMANN, in M. R. S. T. IV. P. I. p. 118. spasmos hystericarum optime lenire decoctum ex flor. cham. vulg. et summit. millefolii. Ibidem P. II. pag. 330., aquam fl. cham. vulg. in doloribus intestinorum commendat.

Decoctum in hysteralgia familiare constituit remedium domesticum. Vix habemus in vniuersa materia medica medicinam mulierum; tot morbis sanandis specie diuersis, caussarum ratione sibi cognatis, efficacem magis, quam chamomillam nostram. Non rite enim menstruat, grauidis, parturientibus, et puerperis, saluberrima est. Externe non minus cataplasma ex floribus et lacte, tumores mammarum frigidos, vel a lactis coagulo, discutit, maturat, BOERH. *hist. plant.* p. m. 167.

Hypochondriacis maxime prodest propter vim resoluentem obstructions viscerum, quare GALENVS iam laudat, in morbis ex infimo ventre. Quam salutare sit hypochondriacis decoctum, ch. sciuit iam IO. PAVL. PERNVMIA L. V. *de curat. art.* p. 352.

Menstrua certissime fluere facit, spasmos auferendo et roborando, hinc commendat FERNELIVS, BOERHAAVE *hist. plant.* LOESECKE l. c. Forma potus, balnei, clysteris, inunctionis optime iuuat. Breui ante partum tempore clystere ex chamomilla nihil melius, difficultatem enim pariendi propter spasmos, optime tollit, quare iam BOERH. commendauit, *hist. pl.* ob eandem causam, etiam post partum, si adsint tormina, spasmi, placentae et lochiorum retentio, clystere, fottu, potu. Probatam inuenit in lochiorum obstructione TREW; in vteri flatulentia post partum ETTMÜLLER et FORESTVS L. 28. Obs. 75. et 81. vt instar arcani sit, decoctum cum cereuisia in partu difficili et doloribus post partum. Non ineptum est consilium ETTMÜLLERI, qui ad menstrua pellenda decoctum ex cham. et artemisia commendauit. Infusa et decocta cum cereuisia vel vino, nimis calida videntur.

Sed iniectiones in vterum, in eius post partum inflatione, laudes merentur. Nimis calida est essentia, quam vt cum CARTHEUSERO laudare possim in hoc casu. PETRVS LOTICHIVS, in lochiis retentis Obs. 21. praescripsit cum aurantiorum cortice. Non solum lochia pellit, sed auertit quoque damna a retentis lochiis oriunda, maxime putredinem arcet sanguinis in vtero collecti, et laxitati vteri a partu medetur. Ex chamo-



milla et matricaria fiat contra dolores post partum fomentatio, abdomini applicanda, iubente ETTMULLER. Ex Chamomilla cum emollientibus, althaeae radice, decocta et fots laudant multi in variis spasmodorum generibus, cum semine lini et lacte cataplasmata alii.

7) *Haemorrhoides.* Non solum tumentibus, et inde ortis symptomatibus medetur, sed etiam nimium fluentibus, ex laxitate scilicet et spasmis. In casu priori cataplasma, fomentatio, et olei inunctio laudantur, in posteriori, nimio nempe fluxu FR. HOFMANNVS M. R. S. T. II. p. 92. chamomillam cum millefolio simul in vsum vocauit.

8) *Spasmus et dolor vesicae.*

Nostro aeuo cognouimus, morbis eiusdem naturae, indolis, ac generis, eadem mederi remedia. Non itaque quoad medendi methodum alia desiderantur auxilia in spasmo vesicae, alia in spasmo vteri, caet. nam consensus lege partium, plurimis affectibus spasmodicis infimi ventris medetur fomentatio, clyisma. Quare vix miror, scripsisse iamiam GALENUM: in vesicae morbis fomenta ex chamomilla prodesse; quae non contemnenda sunt quoque in

9) *Hernia incarcerata*, et in hoc malo diu iamiam in vsum fuerunt.

10) *Otalgia, Odontalgia*, potissimum rheumatica, sacculis paregoricis, discutientibus, modo siccis, modo cum vino coctis, saepissime profligata fuit, et sacculi paregorici ex chamomilla vtraque, familiare constituunt remedium domesticum, omnibus notissimum. Camphora interdum additur, vel sacculos irrorare solent spiritu vini camphorato crocato, aut simili. Fots ex floribus chamomillae cum lacte coctis, in otalgia laudat b. HOFMANNVS, M. R. S. Oleum caeruleum chamomillae, cuius aliquot guttulae calide in aurem fuerunt instillatae, surditatem sanasse, ait FR. JOEL. L. 2. Pract. S. 2. Nolo illud in dubium vocare, nam verosimile est, causam surditatis illius fuisse colluuiem feri stagnantis in auris cauitate, siue interiori, siue exteriori meatu.

11) *Phrenitis, Angina*, occurrunt in numero morborum, in quibus externe potissimum, propter vim emollientem, varia praeparata ex chamomilla laudata invenio. Pertinet huc usus olei cocti apud ARETAEVM Cap. VIII. in phrenitide, cataplasma illud ex decocto chamomillae et furfure, ab ALEXANDRO L. VI. p. 270, in eodem morbo laudatum; et in angina oleum fuit topicum egregium, in E. N. C. Dec. II. A. I. p. 315.

12) *Icterus* nunc a spasms, nunc ab obstructione hepatis, a flatibus et aliis causis oriri potest, quibus singulis medetur chamomilla, et si verum fateri licet, vis eius in febribus, tot observationibus confirmata, iamiam declarat, chamomillam saepius in ictero praestantissimum fore medicamentum, et quem fugit, corticem peruianum, immo alia remedia, extracta, varii generis, roborantia, resolventia, antispasmodica, in febribus intermittentibus non solum, sed etiam in ictero efficacia esse remedia. Flaucdinem florum chamomillae in infuso vinoso contra icterum laudat ZORN, *Botanolog.* p. 194, infusum in ictero commendat BOERHAAVE, decoctum HERMANN. Propter vires obstructions viscerum resolventes, antispasmodicas, tonicas, non solum in ictero, sed etiam

13) *Hydrope* videtur prodesse.

Ab usu salis per incinerationem parati, praecae caeteris eodem modo paratis, vix peculiarem quandam efficaciam expectandam esse, supra monui. Legi apud PAVLVM L. VII. contra hydropem chamomillam laudari, sed confusa ibi est plantarum descriptio, ut dubitem, vtrum de nostra chamomilla apud PAVLVM sit sermo, quanquam illius efficaciam in hydrope nolim in dubium vocare, quam SIMON PAVLI iamiam ad obstructions omnium viscerum infimi ventris, lienis, hepatis, mesenterii et hydropem, et LOBEL in morbis splenis, hydrope, (maxime syrupum, flores, infusum vinosum), laudant.

Icterus, febris intermittens, quartana, tantam inter se habent cognationem nonnunquam, ut in iis morbis eadem adesse possit viscerum conditio morbosa, quare



et eadem remedia iuuant. Exstat apud ZORNIVM p. 195. memorabilis locus, ex ADR. ZIEGLER *Pharmacop. spagyr.* p. 106.: „*extractum chamomillae doloribus colicis, stomachi, uteri conuenit, menstrua prouocat, urinam retentam pellit, comminuit calculum vesicae et renum, flatus dissipat, obstructions hepatis et lienis tollit, ictericis confert.*“ In morbis a spasmis et obstructionibus commode extractum chamomillae in pilulis cum extracto millefolii, cardui benedicti, Sagapeno, Galbano, Assa foetida, Myrrha, Castoreo, Croco, pulu. Cascarillae eiusque extracto, oleo Rutae, Caiaputi, Chamomillae, praescribi possunt, ad mentem BOERHAAVII, HOFMANNI, CARTHEUSERI.

## §. IX.

*Vis in variis morbis.*

Quum vela sint contrahenda, necessitate coactus breuiter tantum perlustrare possum eximiam vim chamomillae in permultis aliis morbis, vbi resoluendo potissimum ac roborando iuuare videtur. Huc pertinet inprimis

- 1) *Podagra.* BOERHAAVIUS in *hist. plant.* HERMANN in *cynos. mat. med.* chamomillae vires in podagra tribuunt, quae omnino continuato vsu in podagra utilis videtur, partim quatenus est resoluens remedium, partim quatenus ceu stomachicum emendat chyli elaborationem. Roborantia selecta stomachica, omnium consensu fere optima sunt eorum, quae mitigant vehementiam doloris podagrici, et corrigunt materiam podagricam. Succus in podagra prodest, ait BOERHAAVE.
- 2) *Scrophulae.* GEOFFROY commendat infusum et decoctum; florum vsus internus et externus PLENK, *mat. med.* p. 128. qui vidit a saeculis ficcis chamomillae cum camphora scrophulas resolui. In *Bronchocele* puluis florum chamomillae cum melle profuit, teste Io. BAVHIN, l. c.

Tumores folia trita cum vino imposita discutunt BOERHAAVE l. c.

Sanauit decoctum vinosum fluorem album, NENTER *Prax.* pag. 128. certe ob vim aromaticam, roborantem.



Princeps remedium traumaticum est chamomilla, propter vim roborantem et antisepticam. Sanat vlcera inueterata, BOERHAAVE l. c. PLENCK l. c. in gangraena, sphacelo, vlcere putrido, antiseptica. Eandem ob causam infusum in variolis malignis, putridis, laudes merecur. *Paresin* sanasse lego.

Observationes nonnullae, passim occurrentes, ad vim emollientem et discutientem pertinent. Scilicet linimentum BOERHAAVII, in *Chym.* ex oleo chamomillae et hyperici, ana, cum pauxillo spiritus vini camphorati, in rheumatismo; observatio illa, de tumore scroti, illico sublato vsu olei ch. illiti, in E. N. C. Dec. III. p. 221.

Supereſt vis *anthelmintica*, chamomillae, quam dubiam vocat Ill. CARTHEUSER, et cuius iam mentio fit apud AETIVM L. VII. Pulveris florum drachmam vnā ex decocto proprio in verminosa puerorum colluie HERMANNVS in *Cynof. mat. med.* sumi iubet et SCHEFFERSVS in diss. annotavit in febribus verminosis prodesse.

Summus BOERHAAVIUS in *Chym.* docuit parare pilulas ex mica panis et oleo chamomillae, quae ieiuno ventriculo sumendae, certissimum anthelminticum, nec id a veritate alienum videtur, quum oleum illud sit satis efficax, et augere possit motum peristalticum et destruere viscidum glutinosum, seu nidum vermium.

In lassitudine et musculorum debilitate oleum inungi iubent, quod propter vim eximiam Io. VIGO vocat *oleum benedictum*. Quamquam nonnulla dicenda supersint, prohibet tamen temporis et chartae angustia, dicere plura.

---

XXI.

DR. IO. THEOD. PHIL. CHRIST. EBELING

DISSERTATIO

DE

QUASSIA ET LICHENE  
ISLANDICO

GLASGVAE,

1779.

THE TOWN OF ...  
...

...



## DISSERTATIONIS

## PARS PRIMA

## DE

## Q U A S S I A.

QUASSIAM arborem regio Surinamensis alit, quae inter 317<sup>mum</sup> et 323<sup>um</sup> gradum longitudinis, si ab Insula Ferro numerum incipis, atque sub sexto et septimo latitudinis borealis sita est. Usus ejus in Europa inclarescere cepit, quum Linnè, qui racemum florum fructus et folia hujus arboris a protribuno militum Dahlberg in patriam reduce acceperat, dissertationem, quae descriptionem atque enarrationem virtutum ejus continet, in lucem ederet. Primus, qui hoc remedio, ut Dahlberg refert, ad febres fugandas usus est, et in cujus honorem Linnè arborem Quassiam nominavit, servus Nigrita Quassi fuit. Quum summo successu febrium malignarum, quibus ob atmosphaerae calorem atque numerosas paludes regio Surinamensis maxime obnoxia est, medelam ope hujus ligni susciperet, arborem, a qua illud desumebat, omnibus anxie celavit, donec illam Dahlbergio, benevolentia ejus adactus, patefaceret. Sed quum flores Quassiae jam ante quinquaginta \*) annos Surinamensibus ad ventriculi vires restaurandas usui cessisse constet, Hallerque referat, generum suum jam anno 1742 \*\*) illo, quum febre epidemica laboraret, tanquam noto remedio, sanatum esse, suspectam hujus narrationis fidem haberemus, contra quam haud minus militare videtur, quod jam ante sexaginta annos frustum hujus ligni in Sebae museo asservatum, ejusque usum jam tunc Indis, a quibus Quassie vocabatur \*\*\*), notum fuisse, fertur; nisi forsitan Quassi, ut saepe fieri solet, remedium usitatum pro novo ac prorsus incognito venditavit.

\*) Fermin description de Surinam, Amst. 1769. tom. I. p. 212.

\*\*) Bibliotheca botanica, vol. 2. p. 555.

\*\*\*) Schlegel in den Berlinischen Sammlungen, 2. B. 1. St.

Sed haec minus utilia mitto atque ad ipsam arboris descriptionem progredior, quam ex Linnei dissertatione \*) integram immutatamque tradere coactus sum, quum nunquam mihi hancce arborem videre contigerit; illam enim, quam in horto Edinensi pro Quassiae speciei habebant, ad novum genus Picraniae nomine referendam esse repere-runt, nec mihi decernere licet, quamnam cum Quassia similitudinem alat, aut quid ejus ab illa discrimen sit, quum adhuc nullos flores ostendit.

CALIX Quassiae est periantheum pentaphyllum, brevissimum, foliolis ovatis persistentibus.

COROLLA petalis quinque constat lanceolatis, eiongatis sessilibus, aequalibus.

NECTARIUM, squamis quinque, ovatis villosis, basi filamentorum interiori insertis.

STAMINA filamenta decem, filiformia, aequalia, longitudine corollae. ANTHERAЕ oblongae, incumbentes.

PISTILLUM receptaculum carnosum, orbiculatum, elevatum, germine latius. GERMEN ovatum, ex quinque compositum. STYLUS filiformis, longitudine staminum. STIGMA simplex.

PERICARPIA quinque, lateralialia, distantia, receptaculo carnosum, orbiculato inserta, ovata, obtusa, bivalvia. SEMINA solitaria, globosa, glabra.

CAULES teretes, arborei, cinerei, ramis raris, nec multum subdivisis, ramulis ultimis viridibus, punctis impalpabilibus albis adpersis.

FOLIA pinnata, alterna, petiolata, patentia. PETIOLIS communibus, spithamaeis, utrinque marginatis, membrana latiuscula, ad ortum foliorum contracta, terminatis in mucronem mollem, subulatum, marcescentem, pubescentem. PINNAE sive foliola trijuga seu quadrijuga, sessilia, rarius exacte opposita, lanceolato-ovalia, acuminata, integerrima, laevia, glabra, non nihil venosa, patentia, pervigilia, ante explicationem conduplicata, digiti longitudine, duorum pollicum latitudine, membranacea nec rigida, persistentia saepe per totum autumnum, haud tamen perennia, laete viridia.

\*) Amoenitates academicae, vol. 6.

FULCRA Stipulae nullae sunt nec arma. RACEMI terminales simplices, BRACTEIS alternis, linearibus reflexis, corollisque magnitudine et fere forma Dictamni albi.

A Zygophyllo igitur, ad quam pertinere Rolander putabat, fructu discrepat, qui in Quassia ad idem receptaculum carnosum pericarpis quinque, distantibus, monospermis gaudet, quum in Zygophyllo capsula quinqueloculari et monosperma constet.

A Linneo olim \*) ad decandriam monogyniam numerata fuit, nomenque specificum \*\*) amarae accepit, in ultima vero systematis vegetabilium editione \*\*\*) video, novas observationes docuisse, eam ad dioeciam decandriam pertinere, classem, quae cum Monoecia et Polygamia exulanda foret, quum fere omnes earum plantae in diversis regionibus utrumque in eodem flore sexum ostenderunt, nisi metuendum esset, ne aliae classes, quae jam nimium plantarum numerum continent, inde adhuc difficiliores redderentur. Bergius †) in materia medica Simarubam, quae antea Burserae gummiferæ nomen gerebat, ad idem genus refert, eamque Quassiam dioicam appellat, nostram adhuc sub decandria monogynia locans.

An nux Americana foliis alatis bifidis Commel. hort. I. p. 185. t. 94?

Bois de Coissi Fermin description de Surinam, tom. I. p. 212. Alia synonyma mihi non occurrerunt, nec illam in Bancrofti descriptione Guianae inveni.

Arbor jam eo tempore, quum Linnè dissertationem de illa scriberet, in horto Upsalensi adfuit, sed, quum nullos flores proferret, species Sapindi habita est, quacum arctam, si faciem externam spectas, similitudinem alit. An postea floruerit asserere haud possum.

Ad usum medicum lignum trunci et radicis recipitur, sed lignum trunci radice albidius illique amaritie ce-

\*) Genera plantarum, p. 212. n. 529.

\*\*) Species plantarum, vol. 2. p. 553.

\*\*\*) Linnè systema vegetabilium cura Murray, Goettingae, 1774. p. 828.

†) Materia medica e regno vegetabili, Holmiae, 1778. tom. I. p. 355.



dit. Ligno betulae albae simillimum, transverse sectum ex punctulis depressis, supra totum discum sparsis, frequentibus notatur. Medulla cum alburno tam arcte cohaeret, ut vix ab illo distingui possit. Aquae lignum supernatat, quamvis adeo durum sit, ut non nisi summo labore in pulverem redigatur. Aeri expositum et exsiccatione cito flavescit. Cortex leviter griseus, rugosus, fragilis, superficie interna splendente, albida, latis maculis nigris distincta. Ligno amariorem reperi. In ramo parvo semipollicis circiter diametro, librum latusque album illi respondens coloris pulcre ebenini vidi, ita ut ramo transverse secto, circulum nigrum duarum linearum crassitie efficeret. Attamen nec gravitate propria nec amaritiae deficiebat.

Odor corticis et ligni nullus, quamvis in pulverem redactum ferro candenti inspergas. Sapor vero ita amarus, ut Linnè aliique Quassiam omnia alia vegetabilia amaritiae antecellere contendant. Qua de re ut certior fierem, quum alii hanc praerogativam Colombae, alii vero Gentianae tribuant,

## EXPERIMENTUM I.

Quassiae, Cursutae sive Gentianae luteae sylvestris, Colocynthis, Corticis Peruviani, Lichenis Islandici, Colombae et Gentianae luteae vulgaris drachmam aquae unciis quatuor ad uncias tres coqui curavi. Decocti cujusque grana triginta tria (pondus cochlearis parvi) quatuor aquae purae unciis miscebantur, quo melius de sapore ejus judicari posset. Lichenem Islandicum experimento ita instituto cortice peruviano amariorem reperi, sed cortex linguam statim, Lichen vero non nisi post aliquot minuta secunda affecit. Quassia Colombam amaritiae multo superavit, statimque saporem suum linguae impressit, quum Colomba illum non nisi post aliquot minuta secunda exferret. Colomba Gentianam vulgarem vicit, Colocynthis vero, cui tamen sapor haud pure amarus, Quassiae palam praeripuit. Omnium autem amarissima Cursuta fuit, cui sapor satis purus, sed Quassia multo ingrator. Hunc itaque ordinem sequuntur, Cortex peruvianus, Lichen

Islandicus, Gentiana, Colomba, Quassia, Colocynthis, Cursuta; documentum, quantum virtutis plantae saepe cultura perdant, quum Cursuta eandem cum Gentiana vulgari speciem constituat, eo tamen discrimine, quod haec plerumque in hortis colatur, illa vero in regionibus borealibus sponte crescat.

## EXPERIMENTUM II.

Decocti et infusi color addita salis martis solutione nullo modo mutabatur, indicium satis certum, vix ullam vim adstringentem Quassiae inesse, nec caro, quae in illis per aliquot dies asservabatur, manifesta constrictionis signa ostendebat. Aroma nec odor nec sapor prodit.

## EXPERIMENTUM III.

Ad optimam vires Quassiae extrahendi methodum indagandam Quassiae raspatae scrupulum tribus aquae unciis ad uncias duas coqui, deinde scrupulum aquae bullientis, alium vero aquae frigidae unciis duabus infundi, et per viginti quatuor horas seponi; alium aquae bullientis, alium denique aquae frigidae unciis duabus infundi et per horae quadrantem teri curavi. Deinde pulverem Quassiae aqua effusa summa cura collegi, et exsiccavi. Supererant e scrupulo Quassiae aqua frigida tritae — grana 15 et una quarta pars, aqua igitur suspendebantur gr.  $4\frac{3}{4}$  (pulvis fere insipidus)

aqua bulliente tritae grana	16	suspensa	gr. 4
coctae	gr. $17\frac{1}{4}$	susp.	$2\frac{3}{4}$
aqua bulliente infusae	gr. $17\frac{1}{8}$	susp.	$2\frac{7}{8}$
aqua frigida infusae	gr. 17	susp.	3

Majorem igitur aquam frigidam, praesertim tritu in auxilium vocato in Quassiam vim habere ac aquam calidam aut ipsam coctionem videmus, quod et de cortice Peruviano valere Perceival \*) observavit. Annon igitur praestaret, plurimorum vegetabilium vires affusa frigida, ut jam in non nullis pharmacopoleis consueverunt, extrahere, quam ea vehementi coctioni subicere, quum partem virium destruere, aut non nunquam mutare constet.

\*) Essays, Vol. I.

Spiritum Sachari, vinum Malvaticum, Portugalense, spiritum vinosum tenuiorem, acetum et inprimis spiritum vinosum rectificatum Quassia insigni amaritiei imbut.

Si lignum ipsum exhibere animus est, ruditer tustum leni igne exsiccetur, et in mortario vitreo probe teratur. Uncia ligni hoc modo in pulverem redacta pulveris subtilissimi drachmas sex largiebatur, qui aquae multo maiorem, ac lignum ruditer tustum, amaritiem impertiebat.

Quamvis Quassiae amarities purissima, ideoque plurimis haud ingrata sit, alia tamen quaedam remedia, quae saporem corrigerent, nec scopo, ob quem Quassiam exhibemus, repugnarent, admiscere ratum putavi. Huc praecipue aromatica pertinent. Zingiberis itaque scrupulum cum Quassiae drachma in aquae libra ad uncias duodecim coqui curavi, decoctum vero saporis potius inquinati quam correcti obtinui. Sed scrupulus cinnamomi Zingiberis loco Quassiae additus decocto pergratum odorem et saporem, quamvis amaritiei haud prorsus velata conciliavit. Infuso Quassiae drachmarum duarum in aquae frigidae libra, vini Hispanici albi unciis sex opus erat, ad amaritiem aliquo modo obtegendam, eidem vero scopo aquae Cinnamomi cum vino unciae quatuor sufficiebant. Tincturae e cortice Aurantiorum, quam ipse, quum Edinburgi in officinis haud proffet, ex corticis Aurantiorum uncia et spiritus vini tenuioris unciis octo, paravi, sesquiuncia infuso odorem gratissimum largiebatur, saporemque satis celabat. Quoad saporem vero tincturae Cinnamomi, quae infuso colorem pulchre rubellum conciliabat, uncia illi palmam eripiebat, nec huic eadem aquae moschatae pars impar erat. Tincturae Kino, quam addidi, ut iis satisfacerem, qui vim corticis Peruviani a particulis adstringentibus amaris conjunctis pendere putant, drachmae tres infusum fere omnino insipidum reddebant. Aetheris vitriolici guttae triginta idem fere praestabant.

Ex syrupis non nisi eos adhibere volui, qui aliquid aromatici cum Saccharo jungerent, ne Quassiae vis inde imminueretur. Syrupi Caryophyllorum rubrorum sesquiuncia odorem, colorem et saporem pergratum duodecim infusi unciis conciliabat. Eadem syrupi Zingiberis



quantitas soli saporis emendando sufficiebat, qui tamen haud ita gratus ac praecedentis. Syrupum e cortice Aurantiorum optimum correctorem puto, quum una tantum uncia requiratur, ad saporem pergratum atque odorem gratissimum infuso largiendum; nec minus eam ob causam syrupo Caryophyllorum praeferendum, quod omni anni tempore parari possit. Quae de sapore grato locutus sum, non nisi momenta aliquot post assumptum remedium spectant, quum postea Quassiae amarities, quidquid addas, sese majori minorive gradu semper prodat, nisi remedium vim penitus destruere in animo habeas.

Infusum drachmae Quassiae raspatae in aquae bullientis libra per horam sepositae Linnè prae caeteris commendat; optimam vero Quassiam propinandi methodum Fermin putat, semunciam corticis in aquae libris sex ad libras tres vase *probe* clauso coquere, modo mihi saltem incognito. Surinami praesertim tincturam unciae ligni duodecim spiritus vini uncis infusae in usum trahunt. Omnium autem mihi gratissimum videtur infusum drachmarum duarum in vini albi Hispanici libra, quod etiam ad roborandas ventriculi vires maxime convenit.

#### EXPERIMENTUM IV.

Quassiae raspatae uncia viginti quatuor horas duabus aquae libris infusa destillationi in balneo maris subjiciebatur, donec libra circiter in excipulum transcenderet. Aqua haec destillata coloris subflavi saporem amariusculum, sed nulla olei aetherei vestigia ostendebat. Oleum aethereum quoque Schlegel \*) et Paarmann \*\*) Quassiae inesse negant, sed Severi \*\*\*) se illud inde obtinuisse refert.

Ex uncia Quassiae sexies coctae non nisi drachmam extracti sicci, quamvis experimento saepius repetito obtinere potui. Eandem quantitatem Paarmann indicat, sed Schlegero plus quam sextam partem largita est. Bergius †)

\*) L. c.

\*\*) Ligni Quassiae examen. Argentorati 1772. 4.

\*\*\*) Commentarius, in quo medicatae vires Quassiae expenduntur. Patavii 1776. 4.

†) Materia Medica e regno vegetabili. 1778. 8. Vol. I. p. 353.

non nisi decimam quartam partem obtinuit. Color extracti aquosi fusco ferrugineus est. Granum ejus quatuor aquae libris evidentem amaritiam et colorem lutescentem conciliat. Tinctura spiritiosa colorem subluteum ostendit et extracti resinosi Paarmanni vigesimam quartam, Schlegero vigesimam, mihi vero vix trigesimam partem dedit.

Alia ad eruendas Quassiae partes constituentes experimenta facere mihi nec tempus nec occasio permisit. Eas igitur, quas Severi invenisse putat, referam. Duodecim patebatur infusiones, antequam cessaret aquam amaritiae sua imbuere. Infusa haec extracti amarissimi magnam largiebantur copiam, sed non nisi duo ultima flammam concipiebant. Post has infusiones adhuc tincturam spirituosam, cui evidenter resina inerat, dedit, et, quamvis lignum jam plane insipidum videretur, vigesies tamen decoctum adhuc amaritiam suam ostendit. Infusum et decoctum charta bibula trajectum terram pinguem in charta reliquit. Post omnes infusiones ferrum in cinere, et alcali aliquid in lixivio remansit. Varia Quassiae recentis decocta extracta dederunt, quae crystallis formatis pinguem lixiviosam et ferro mixtam in charta bibula terram relinquerent. Crystalli hexaedri linguae frigoris sensum excitabant, igne detonabant, et cum acido effervescebant, manifesto signo, nitrum in illis sale alcali mixtum adeste. Aquae destillatae paucillum olei aetherei innatabat. Destillatio sicca initio aquam puram, tum aquam acidam, spiritum acidum oleumque foetidum largiebatur. Carbo reliquus ferrum, lixivium vero non nihil salis cubici, sapore salis muriatici continebat. Quassiae igitur terram argillaceam, alcalinam, ferream, gummi, resinam et oleum aethereum inesse constat. E salibus nitrum, alcali et sal muriaticum ostendit. Modum experimentorum dijudicare mihi haud licet, quum Severi dissertationem non nisi ex recensione Halleri novi; hoc vero constat, ab analysi plantarum haud ad virtutes earum medicas concludi posse, quum plurima experimenta a chemicis Gallicis instituta omnibus fere plantis easdem partes constituentes inesse demonstraverunt.

## EXPERIMENTUM V.

Ut experirer, quatenus vis Quassiae antiseptica esset, drachmas duas Gentianae, Cursutae, Quassiae, Lichenis Islandici, salicis et corticis Peruviani in aquae frigidae unciis sex infudi et per viginti quatuor horas sepositas filtro trajeci. Uniuscujusque infusi unciis tribus sanguinis semunciam admiscui, normae loco sanguinis semunciam per se, aliamque aquae purae unciis tribus mixtam apponens. Omnia probe conquassabantur. Paucis post horis Lichen Islandicus multis bullis aereis, salix pluribus, cortex plurimis tecti erant, quorum vero nullae in caeteris reperiebantur. Jam a secunda die sanguis in infuso corticis et salicis fundum petebat, quum aliis infusis probe admixtus remaneret. Bullae aerae in Lichenis infuso plane evanuerant. Per quatuor dies, ad septimum Decembris, per quos thermometrum inter quadragesimum octavum, et quinquagesimum secundum caloris gradum cernebatur, nulla mutatio. *Septimo* Decembris hora octava post meridiem sanguis purus subfoetidus. Therm. gr. 47. *Octavo* hora octava p. m. aqua et sanguis paululum afficiebantur. Th. 46°. *Nono* hora nona a. m. sanguis putridior, Quassiae odor ingratus, Lichenis acidus, Th. 51°. Hora secunda p. m. Quassia valde putrida, ita ut foetorem aquae et sanguinis excederet; Lichen subputridus, Cursuta parum affecta. Th. 52°. *Decimo* sanguis, sanguis et aqua et Quassia ob foetorem seponebantur. Cursuta subfoetida, Lichen putridior. Th. 54°. *Undecimo* hora octava a. m. Cursuta et Lichen ob foetorem seponebantur. Infusi salicis odor acidus, quem a natura possidet, auctus. Th. 54°. Hora septima p. m. Salix putridior. *Duodecimo* hora octava a. m. Cortex et Gentiana, haec tamen magis, male olere incipiebant. Salix putrida. Th. 58°. Hora septima p. m. Gentiana subputrida. Th. 57°. *Decimo tertio* hora octava a. m. Gentiana putrida, Cortex subputridus. Th. 52°. Hora septima p. m. Cortex putridus. Th. 51°.

Ordo igitur, quo putredinem subierunt, hic est: sanguis purus, sanguis et aqua, infusum Quassiae, quod vero brevissimo tempore, ex quo affici ceperat, plane putridum



evafit, Lichenis, Cursutae, Salicis, Gentianae, Corticis; ex quo elucet, vim eorum antifepticam nec ab amaritie, quum Cursuta omnium amariffima fit, et Quaffia Gentianam valde antecellat, nec a vi adstringente pendere, quae in falice maximopere praevalet. An evolutio aeris a caufa mechanica, compreffione fanguinis pendet, quum non nifi in infuso Lichenis, Salicis et Corticis Peruviani bullae aereae cernerentur, qui manifefta vi adstringente praediti funt? Cur vero plus aeris in corticis Peruviani infuso evolvebatur, quam in Salicis, quum haec tamen multo magis adstringens fit? A fingulari fanguinis indole derivari poffe haud videtur, quum idem phaenomenon bis feſe ostenderet.

Idem experimentum poſtea repetii atque eundem putredinis ordinem obſervavi, quamvis ob minorem atmosphaerae calorem tardius appareret.

#### EXPERIMENTUM VI.

Infusi Quaffiae, Colombae, Lichenis Islandici, Corticis Peruviani, et Cursutae eodem modo parati unciiis quatuor immittebatur carnis bovinae ſemuncia. Salicem omiſi, quum mihi copia ejus deficeret, Gentianae vero Colombam ſubſtitui, quia non ſolum ad idem cum Cursuta genus ſed ad eandem etiam ſpeciem pertinet. Norma fuit carnis ſemuncia in aquae unciiis quatuor appoſita. Poſt viginti quatuor horas caro infuso Lichenis, corticis et Cursutae manifefta conſtrictionis ſigna oſtendit, quum in illa, quam infuſum Colombae et Quaffiae tegebat, vix ulla oculis aut tactu obſervari poſſent. Primis tribus diebus nulla ſeſe oſtendit mutatio. Sub finem tertii caro in infuso Quaffiae et aqua pura putrida. Quarto tempore matutino caro Colombae putrida, vespere etiam Lichenis. Quinto Cursutae putrida. Sub finem ſexti caro in infuso corticis male olere coepit, et ſeptimo tandem plane putrida evaſit.

#### EXPERIMENTUM VII.

Ejuſdem infuſi unciae lactis recentis vaccini uncia admiſcebatur. Normae loco lactis puri uncia inſerviebat.

Duobus post diebus nulla adhuc mutatio. Duodecim abhinc horis omnia infusa praeter corticis acidum spirabant halitum, sapor nihil indicabat. Quarto die tempore matutino lac ipsum, infusum Quassiae et Colombae coacta erant, quod et vespere ejusdem diei Lichenis et corticis infuso contigit; Cursutae vero haud ante diem sextum coit.

### EXPERIMENTUM VIII.

Colombae, Cursutae, Quassiae, Corticis Peruviani et Lichenis Islandici drachmae duae duabus bilis bovinae unciiis admiscebantur, et singulae in phialis apertis seponabantur. Normam constituebant bilis purae unciae duae. Post triginta sex horas bilis subputridum, Quassia vero ingratum, quamvis haud putridum, odorem spirabant. Post quadraginta octo bilis putrida, Quassia subputrida. Post sexaginta Quassia putrida, Colomba odoris acidi. Post septuaginta duas nulla alia mutatio praeter bilis purae et Quassiae odorem putridum diminutum. Quatuor post diebus Lichen Islandicus subputridus, cortex et Cursuta odoris rancidi. Duodecim abhinc horis Lichen putridus. Insequente die omnia ita exaruerant, ut fere nullum amplius odorem percipere posses.

Decocti igitur Lichenis Islandici, corticis Peruviani, Quassiae, Cursutae, et Colombae hoc modo parati, ut pulveris cujusque drachma aquae unciiis tribus ad uncias duas coqueretur, unciae duae bilis bovinae semunciae admiscebantur. Norma erat bilis semuncia duabus aquae purae unciiis mixta. Post quadraginta octo horas bilis aquae mixta subputrida, quum thermometer ad quinquagesimum octavum gradum ascendisset, insequente vero die, atmosphaerae calore immixto melius olebat, et post octoginta quatuor horas demum in perfectam putredinem abiit. Quinto die Quassia putrida. Undecimo Colomba acidum halitum spirabat. Duodecimo Colomba putrida, Lichen subfoetidus, sed cortex foetidior. Decimo tertio Lichen putridus, cortex putridissimus. Cursuta nulla putredinis signa ante diem vigesimum primum ostendit, et vigesimo secundo demum omnino putrida evasit.

## EXPERIMENTUM IX.

Colombae, Quassiae, Cursutae, Lichenis Islandici, et Corticis Peruviani drachma unciae bilis putridae admiscebatur, ut cujusque vires in corrigenda putredine elucescerent. Post horae quadrantem Quassia minus male olebat, Colomba et Cursuta vero subdulces erant. In Lichene Islandico et Cortice nulla apparebat mutatio. Post horam dimidiam Cursuta omnino dulcis, Colomba et Quassia melius olebant, ac antea. Cortex fere foetidior nec sese bili intime misceri patiebatur, ut caeteri pulveres, praesertim pulvis Quassiae, quae omnem bilem probe absorbuerat. Post tres horae quadrantes jam cortex et praesertim Lichen melius olebant, ita ut Quassiam grato odore superarent. Post horam corticis odor melior ac antea: Post horam et quadrantem Lichenis foetor fere nullus, qui post horam et dimidiam denique omnino evanuit. Post septem horae quadrantes Colomba iterum foetere incipiebat. Post quinque horas Cortex aequè dulcis ac Cursuta et Lichen. Post octo horas Colomba et Quassia foetidae. Post octodecim horas Cortex adhuc dulcis, Cursuta et Lichen foetere incipiebant, Colomba vero foetidior, Quassia foetidissima. Post nycthemerum Cursuta et Lichen odorem omnino foetidum exhalabant. Post triginta sex horas cortex subfoetidus, qui sex abhinc horis tandem in perfectam putredinem abiit. Cortex igitur quamvis tardus ad corrigendam bilem illam tamen diutissime correctam servavit, Quassia verò, quamvis initio putredinem satis imminueret, eam tamen haud omnino auferre potuit.

Diversam igitur eadem antiseptica vim in fibram solidam diversosque animalium humores exserere haec experimenta probant. In sanguine enim et carne a putredine tuendis cortex primum obtinuit locum, lac vero et bilem Cursuta omnium optime servavit. Virtutem bilem putridam corrigendi ab amaritie pendere ultimum demonstrat experimentum, quum Cursuta Colombam, haec Lichenem, ille vero corticem superaret. Quassia omnium quidem, quum caeteros pulveres levitate excedat, bilem optime absorbit, odoremque initio satis correxit, quod vero



postea sese minus efficacem ostenderit, ei forsitan tribuendum, quod ob majus volumen majorem ac caeteri aeri superficiem praeberit, quum hocce experimentum poculo, quo ab bibendum infusum theae utuntur, institueretur. In caeteris vero vim ejus antisepticam amaritiei, qua pollet, minime respondere, haec experimenta aequae ac illa, quae Paarmann et Severi instituerant, probaverunt. Vim adstringentem cum principio acido haud ita arcte conjunctam esse, ac non nulli putant, ex experimento septimo elucet, quum lac, cui infusum Quassiae et Colombae admixtum erat, citius illo coiret, quod cum infuso Lichenis et Corticis miscueram, qui tamen evidente adstringentia praediti sunt. Acida vero lac facillime cogere res notissima est. Quod in conservanda bile cortex a Lichene et imprimis a Cursuta tanto gradu superatus sit, inde forsitan derivandum, quod coctione magna virinum ejus pars pereat, nisi illud insigni Cursutae virtuti, aut sicciori atmosphaerae, quum primis experimento diebus nubilo, postremis vero sereno coelo fruermur, tribuere velis. A corticis mala indole pendere haud potuit, quum in illius et Colombae selectione summam curam adhiberem.

Quassia praecipue in febribus valet, ad quarum sanationem primus in Europa Linnè eam, nimis forsitan laudibus commendavit, quem multi postea, vel auctoritate ejus vel novitatis studio seducti sequuti sunt, quum alii vero cortici nimium faventes eam prorsus rejicerent. Cortex quidem diu primum inter febrifuga, ut vocant, locum merito obtinuit, atque omnes adhuc, qui aequae efficax remedium pro illo substituere conati sunt, spe sua exciderunt. Saepe tamen votis minus respondet, aegro eum ob ingratum odorem et saporem omnino recusante, quem nec lacte nec glycyrrhiza, optimis quidem vehiculis, haud ita velare poteris, ut sese non aliquo saltem modo prodat. Alii eum ob singularem idiosyncrasiam averfantur. Hominis cuiusdam mentionem Cullen facit, qui ab assumpto cortice convulsionibus corripiebatur, ipseque aliquem novi, cui vel odor solus nauseam excitaret. Praeterea in febre remittente quae saepe tempore autumnali late vagatur et ob magnam bilis copiam, quam aegri evomunt, haud

inepte biliosae nomine venit, ea est ventriculi irritabilitas, ut, qualicunque modo eum exhibeas, protinus vomitu ejiciatur. Nec minus hoc in febribus vernalibus tertianis atque quotidianis prostratis aegri viribus accidere solet \*). Non negandum quidem, eum rebus ita jubentibus per anum haud sine fructu injectum fuisse, sed, quum tonuss ventriculi ad vincendum in corporis superficie spasmi plurimum valeat, haec methodus multo minus idonea est, et plerumque tardius, ac morbi violentia fert, effectus suos edit. Nec desunt observationes, corticem nimia copia ingestum pertinaci alvi obstructioni ansam praebuisse, aut diarrheas maxime noxias excitasse. His adhuc adjiciam, quod saepe, praesertim apud pharmacopolas belgas, qui viliori pretio omnem quem Angli recusant, avide emere dicuntur, inquinatus aut corruptus proftet, eamque ob causam ingenti copia exhibendus sit, aut prorsus inutilis inveniatur. Corticem igitur, quaequae sint ejus vires, saepe alii remedio secundum esse videmus. An Quassia ejus loco in usum trahi mereatur, aliorum, quas referam, observationes docebunt. Non dubito, fore quosdam, qui credant, eosdem effectus aliud quodvis remedium insigni amaritiae praeditum edere potuisse, quum aliis, quae sensus feriunt, virtutibus carere videatur. Nec id prorsus denego, sed Cursutam, cui amaritiae et vi antiseptica cedit, ut et Gentianam grato sapore, et eo, quod sanguinis impetum haud augeat, antecellit. Colomba quidem nuper magnam sibi famam acquisivit, et vi calefaciente, ut Perceivalis experimentum probat, destituta est, atque vi antiseptica magis eminet, sed quum septies majori pretio veniat, et plerumque a vermibus corrosa reperiatur, eam haud aequa in laude esse arbitror. Nec Cursutam, quamvis e propinqua Norvegiae regione accersatur, minus mucori obnoxiam inveni, quum Quassia e contrario ob insignem ligni duritiem plurimos annos incorrupta remanserit. Chamomillae flores, quos ad fugandas febres jam antiqui laudarunt, in eo peccant, quod plerumque diarrheam excitent, et majori copia, quam quae aegro saepe convenit, ad finem propositum obtinendum exhiberi de-

\*) *Monro's diseases of the British military hospitals*, p. 167, 186.

beant. Alvum movere plerisque amaris commune vitium, quo vero mendo Quassiam haud laborare aliorum meaque ipsius me docuit experientia. Caeteroquin, ubi febrem sustulit, tam parya dosi illud effecit, ut nullam aegro molestiam exhibere posset.

Quod observationes ipsas attinet, Linnè \*) aegrum octogenarium qui semitertiana laborabat, cuique emeticum ob vires debiles, cortex vero ob aversionem dari non poterant, infuso Quassiae, cujus uncia quavis hora exhibebatur, intra duos dies sanavit.

In diversi generis febribus illam emetico aut purgante praemisso nunquam fefellisse asserit Fermin \*\*).

In febribus intermittentibus, Schwenke, cui le Clerc \*\*\* ) assentit, repetito adductus tentamine eam cortici praefert, totamque medelam duabus infusi methodo Linnaeana parati libris, aut ad summum quatuor perfici posse contendit.

In quartana, quam summa spirandi difficultas, corporisque tumescencia comitabantur, hominem quadraginta annorum, multis aliis remediis incassum adhibitis sanavit, testante Schlegero †), qui summas ejus virtutes in diarrheis et febribus biliaribus celebrat. Eodem auctore in sudoribus foetidis tabidi foetor sudorque brevi tempore ab ejus usu remisit, quum tamen febris nullo modo augeretur, aut expectoratio diminueretur; nec minus effluvium salivae nimium et diabeten senis, ut et diabeten post gravem dysenteriam sanavit.

In tertianis et catarrhalibus illam laudant auctores anonymi versionis Germanicae systematis Linneani ††).

De aegro quodam, qui diu febre remittente afflictus corticem quoquo modo exhibitum vomitu ejecit, quem Quassia subito stitit, febremque ipsam brevi tempore sustulit, loquitur Fairley †††). Eodem auctore novimus, ter

) Amoenitates academicae, vol. 6.

\*) Description de Surinam, vol. I. p. 212.

\*\*) Histoire naturelle de l'homme, vol. 2.

) Berlinische Sammlungen, 2. Theil. S. 160.

†) Linnè pflanzensystem, Nurnberg, 1777. 2. Theil. S. 464.

††) Philos. trans. vol. 58. p. 81.



ubi propensio in putrefactionem aderat, et corticem ventriculus haud ferret, drachmam Quassiae suffecisse ad morbum tollendum, eamque in hoc corticem excelluisse, quod aeger ab eius usu haud incaliceret. Nec minus in febribus addita serpentaria, aut solam, summos effectus edidisse. Duobus aegris, quorum alter jam ante octo septimanas correptus vehementi, alter vero sat levi tertiana laborabat, Simson chirurgus Dalkeithiensis a me rogatus eam exhibuit, eo cum successu, ut ambo duabus infusi libris, methodo Linneana parati, omnino a febre liberarentur.

E contrario vero Tissot \*) in febribus intermittentibus corticem praefert Quassiae, quae et Bergium \*\*) saepe in his sefellit. Nec Spielmann experimentis Argentorati institutis eam votis respondere vidit. De virtute ejus febrifuga dubitat etiam Bourgeois \*\*\*), sed an propria observatione edoctus, haud addit. Severi †) vult, intermittentes haud sanare, nisi vernales, alias satis leves. In sexdecim quidem aegris febris vim fregit, sed cortice tamen opus erat, ad paroxysmi reditum impediendum. Unciae quinque ligni per se febres sanare haud potuerunt, et ad drachmas sex in die datum, febrem auxit. Sed novae febres, quas etiam quinque corticis uncis haud omnino tolleres, et corticem febrem augere constat, si intempestive adhibeas. Praeterea sex Quassiae drachmas, imprimis forma pulveris, nimiam dosin arbitrarer, quum tam insigni amaritiae praedita sit. Denique illam Home in nosocomio Edinensi nuper in tertiana vix ullo cum fructu exhibuit. Initio quidem febrem imminuere videbatur, sed quum postea paroxysmus vehementior et ante solitum tempus recurreret, cortici cessit, quo febris paucis post diebus sublata est.

Ex hisce igitur observationibus comparatis, Quassiam, quamvis cortici haud aequiparandam, haud omni tamen

\*) Sur la santé des gens de lettres, p. 224.

\*\*) Materia medica, p. 225.

\*\*\*) Valmont de Bomare dictionnaire d'histoire naturelle, article Quassia.

†) Diss. supra citata.

virtute febrifuga destitui videtur, et satis inde auxilii peti posse credo, si febrem solummodo imminuat, viamque cortici paret. In febre biliosa maxima ejus laus, sed in infuso frigido exhibendam suaderem, quum vereor, ne pulvis ventriculo molestus sit. Praeterea infusum citius per ventriculum et duodenum diffunditur, eamque ob causam bilem putridam, vomitus causam breviori tempore corrigere potest. Nec minus forsitan in nimio vomitu gravidarum, aut in vomitu, qui febrem puerperarum comitari solet, laudari meretur. Iis porro infusum Quassiae in vino Hispanico albo aut Lusitanico rubro aqua dilutum commendarem, qui febre autumnali remittente laborarunt, quum saepe, antequam integram sanitatem recuperent, summa vertigine et oculorum caligine afficiantur, at quas tollendas tonica plurimum valent. In febre hectica cortex plerumque ob nimiam virtutem tonicam nocere solet, in his igitur si febrem sistere res suadet, Quassiam praeferrem, quum testante Bergio et Fairley haud calefaciat, quibus mea ipsius experientia assentit, nam nec infuso nec decocto Quassiae, quamvis saepe sat magna copia biberem, pullum aut celeriores aut fortiores inveniri.

Medelam podagrae atonicae et regressae \*) a remediis, quae ventriculi tonum restituunt petendam esse ratio et experientia docuerunt, ad quem scopum jam antiquos praecipue amara adhibuisse novimus. Nec hic desunt Quassiae laudatores. Podagrici enim sexaginta annorum Linnè mentionem facit, qui a materia podagrica ad abdomen et pectus retrograda, suffocante adeo asthma metastatico afficiebatur, ut sese jam in mortis limine crederet. Sed assumpto infuso Quassiae post aliquot horas non asthma solum penitus sublatum est, sed cruciatus etiam, quos in abdomine passus erat, brevi tempore cessaverunt. Infusum vinolum ad podagram commendat Bourgeois \*\*), et podagricum illius cochlearia duo quotidie ante coenam assumpsisse refert, eo cum effectu, ut dolores, quibus fere continuo excruciabatur, magnopere di-

\*) Cullen's practice of physic, vol. I. p. 368.

\*\*) L. c.

minuerentur. Caeterum Bergius \*) Koelpin, Sandifort \*\*), et Wahlbom \*\*\*) illam in podagra magni faciunt. Calculosos etiam et hypochondriacos magnum inde levamen percepisse afferit Wahlbom. Usus ejus per integros annos continuandum, ut non nulli voluerunt, haud suaderem, quum a nimis diuturno amarorum in podagra usu saepe tristissima mala sequuta sunt. Nam de pulvere, qui apud recentiores ducis Mirandolae aut Portland nomine venit, et Gentiana centauryo minori aliisque amaris, atque Aristolochia constat, jam Coelius Aurelianus †) refert, usum ejus diuturnum apoplexiae, pleuritidis, asthmatis et hydropis causam exstitisse, quod recenti experientia Cullen ††) confirmat. Non eadem quidem est Quassiae ratio, quum Gentiana et praesertim Aristolochia illa multo calidiores sint, sed in re tanti discriminis periculum facere boni medici sane non est. In podagra inflammatoria aut erratica (misplaced) Quassiam haud adhibendam esse, res ipsa suadet.

Ad roborandum ventriculum Tissot †††) illam cortici praefert, eamque inprimis litteris deditis commendat. Nec minus Haller \*) in summa intestinorum post dysenteriam debilitate virtutes ejus in se ipso expertus est. In colica periodica, quae hypochondriacos et haemorrhoidibus affectos infestare solet, atque emollientibus et laxantibus strenue resistit, optimos effectus edidit \*\*). In vertigine diuturna cum spasmodicis nuchae et doloribus capitis obtusis auxilium attulit, quod frustra a variis aquis mineralibus petebatur \*\*\*). In dysphagia quam dyspepsia a nimio salium usu orta antecessit, grandiusculis cibi massis viam dolor praecludebat. Graves e ventriculo eructationes nullum omnino levamen afferebant. Cibi appetentia

\*) *Materia medica*, l. c.

\*\*) *Konigl. Wetenfk. acad. Handl.* vol. I. p. 168.

\*\*\*) *Medicinal werk tillstand for ar*, 1769. p. 105.

†) *Morb. chron.* l. v. c. 2.

††) *Pract. of physic*, vol. I. p. 401.

†††) *Sur la santé des gens de lettres*, p. 224.

\*) In praef. ad *pharm. Helvericam*, p. 10.

\*\*) *Linne syst. naturae versio Germanica*.

\*\*\*) *Schlegel in den Berlinischen Abhandlungen*.



parum laesa, febris nulla, lingua ac alvus naturalis. Nul-  
lum vitii topici signum. Spasmus oesophagi igitur ventri-  
culi atoniam, quae aequilibrium tolleret, indicabat. Ca-  
storeum, elixir viscerale, liquor anodynus, essentia Gen-  
tianaë, aqua menthaë piperitidis incassum adhibebantur,  
infusum rasuraë Quassiaë vero aegrum intra triduum peni-  
tus sanavit \*).

Iis qui corticem in dyspepsia in usum trahere cu-  
piunt, auctor essëm, drachmas ejus tres et Quassiaë drach-  
mam vini Hispanici libris duabus infundere, et per aliquot  
septimanas seponere, quum ejusmodi infusum non solum  
tincturam Corticis grato sapore excellit, sed ventriculo  
etiam multo minorem, si ullam, molestiam exhibet.

Vermes apud non nullos Quassiaë ope profligatos esse  
Tissot et Fermin asserunt, quod vero potius tono intestino-  
rum restituto, quam vi ejus propriae in vermes tribuen-  
dum. Fortioribus igitur anthelminticis merito cedit, sed  
infantibus aut debilioribus, quibus haec minus conveniunt,  
vino Hispanico aut spiritu frumenti infusa exhiberi potest,  
quem solum vermes expellere memini.

Haemorrhagias, nisi eas excipias, quae a vi externa  
oriuntur, a plethora provenire, hanc vero non nunquam  
ab imminuto vasorum tono pendere, scimus; quod praefer-  
tim accidere solet, inprimis iis, qui aetate provectiori gau-  
dent, quando haemorrhagiae repetitis vicibus et certo  
quasi temporis stadio recurrentes in malum chronicum  
abierunt. Quod si igitur ita res se habet, nec ulla inflam-  
mationis signa obstant, remedia tonica haud inepte adhi-  
bemus. Quassiaë etiam hoc in morbo solitas virtutes tri-  
bui posse, variae observationes docent. Haematuriam re-  
bellem, qua matrona nobilis affligebatur, ejus ope mature  
stitit Bergius \*\*). Haemorrhagiam uterinam mulieris  
quingenta duo annorum, multis aliis remediis incassum  
adhibitis, illa sanavit Schleger \*\*\*), qui haud minori cum  
fructu alii mulieri, quae per novem septimanas doloribus  
colicis continuis, a vehementi cistorrhea oriundis afflicta,

) Tode in collect. Haefnienfibus. 1774. p. 205.

\*) L. c.

\*\*) L. c.

febri hecticae fere succumbebāt, Quassiam in sero lactis propinavit, eamque brevi tempore ad pristinam sanitatem restituit.

Saepe haemorrhoides, quae primam causae totum corpus afficienti originem debent, aut quae mora nimis altas radices egerunt, quando, quaequae sit causa, subito sistuntur, vertiginem, cephalalgiam, anhelitum, aliaque haud minoris momenti symptomata excitant, sed praesertim ventriculi vires inde patiuntur. Hirudines et vapores tepidi ano adhibiti sanguini exitum parant, saepe vero etiam remedia tonica votis respondent. Frater Levinus Ebeling \*), qui Luneburgi medicinam proficitur, quum doloribus capitis ab haemorrhoidibus interceptis vehementissimis afficeretur, quinquaginta guttis extracti Quassiae drachmae unius in liquoris terrae foliatae tartari uncia solutae bis die usus est, eo effectu, ut haemorrhoides inter quatrimum fluere inciperent, iisque solutis cephalalgia prorsus evanesceret. Alium quendam solius Quassiae scrupulis duabus in die exhibitis brevi tempore sanavit, idemque remedium postea haud minori cum fructu non nullis, qui eodem morbo laborabant, obtulit.

Leucorrhea plerumque a laxitate ultimorum vasorum uteri oritur, diuque protracta totius corporis sed imprimis ventriculi vires magnopere imminuit. Saepe igitur tonica multum ad eam tollendam valent. Infusi Quassiae vinosi ope Schleger fluorem album benignum, qui aegram valde exhauriebat, octo septimanis sustulit, nec minus Frater Levinus Ebeling, virgini leucorrhea pertinaci, quae remediis evacuantibus ab alio medico adhibitis, quotidie incrementum ceperat, laboranti, pillulis ex extracti Quassiae drachmis tribus, saponis veneti et gummiatis ammoniaci cujusque drachmis duabus confectis, quarum scrupulum mane et vespere quotidie assumpsit, sex septimanis medellam attulit. Amenorrhoeam vero, a partu superstitem, a qua tres tumores mammae, ovi gallinacei magnitudine ortum trahebant, semicupiis tepidis, purgantibus et diutur-

\*) In Litteris ad me datis.

no usu Quassiae sustulit Alix \*), quo facto tumores mammae absque ullo remedio externe adhibito evanuerunt.

In gangrena profuturam credit Linnè, sed nulla mihi occurrit observatio, quae efficaciam ejus in hoc atroci morbo testaretur. Externe adhibitam ob tenuem vim antisepticam inutilem fore arbitror, quum cortex ipse ita adhibitus vix ullius efficaciae sit. Effectus quoque, qui usum ejus internum sequuntur, potius vi tonicae, quae inflammationis gradum ad separandam partem gangraena correptam necessarium excitat, quam antisepticae tribuendos esse, autumo. Sed an Quassiam aequo jure in usum trahere possimus, ideo dubitamus, quod sanguinis impetum vix augeat. Quum vero ventriculi irritabilitas saepe gangraena ita increseat, ut corticem omnino respuat, Quassiam exhibendam suaderem, donec haec irritabilitas adeo imminuta sit, *ut cortex tuto in usum trahi queat.*

\*) Observata chirurgica, Alrenburgi, 1774. 8.



DISSERTATIONIS  
PARS ALTERA  
DE  
LICHENE ISLANDICO.

**I**NTER gravissimos corporis humani, eosque in nostra globi parte frequentissimos, phthisis pulmonalis numeranda est, cui fere nullam adhuc ars medica medelam afferre potuit. Haud inutilem igitur laborem suscepisse spero, pauca de remedio novo disserendo, quod multum, si a virtute plantarum insita ad vires earum medicas concludere licet, in hoc morbo profuturum esse videtur. Nec sola tantum ratio, sed etiam experientia non nullorum gravissimae in re medica auctoritatis virorum LICHENIS ISLANDICI virtutes praedicat. Nomen planta ab insula Islandia accepit, ubi omnes fere montes rupestres tegit. Haud vero soli huic insulae propria, sed per omnem quasi Europam occurrit. In Suecia illam Linne \*), in Dania et Norvegia Borrich \*\*\*) et Oeder \*\*\*); in Prussia Breyn †), in Germania in Hercyniae montibus Schnecker ††) et Weifs †††), in Saxonia Rupp \*), in Austriae Alpibus Scopoli \*\*), in Helvetia Haller \*\*\*), in Italia Michel †), in Gal-

\*) Flora Suec. 959. 1085 Lap. 445 Suecis hede-massa.

\*\*) Muscus catharticus Aët. Dan. 1671. Obl. 66.

\*\*\*)) Oeder flora Danica Fasc. 3. Tab. 155. Islands mosse. Figura omnium optima.

†) Muscus pulmonarius terrestris sanguineus. Aët. nat. curios. 3. p. 439. c. f.

††) In Litteris ad me datis.

†††) Cryptogamia Goettingensis.

\*) Lichen terrestris pictorum, rigidus, foliorum eryngii aemulus, basi purpurascens, substantia ad fuscum vergente. Flora Jenensis 1. pag. 341, et 2. 297.

\*\*) Annus secundus historiae naturalis.

\*\*\*)) Historia stirp. indig. Helvet. tom. 3. p. 82. ad Lichenes corniculatos refert.

†) Lichen pulmonarius, minor, angustifolius, spinis tenuissimis ad margines ornatus, receptaculis florum transverse oblongis,

lia Tournefort \*), Vaillant \*\*) et Gerard \*\*\*), in Anglia Ray †) Morison ††) et Hudson ††), in Scotia Lightfoot \*), in Thracia denique et Asia Minori Buxbaum \*\*) invenerunt.

Habitat praecipue in ericetis et pinetis atque in summo montium cacumine. Semper e terra aut saxis provenit, nec unquam in arboribus crescere visus est. Ad classem naturalem Algarum pertinet, inter Lichenes vero ad foliaceos secundum Linnei divisionem numeratur. Ostendit folia propemodum erecta, a duobus ad quatuor pollices alta, sicca rigida et coriacea, recentia vero mollia et flexibilia, varie absque ordine divisa in lacinias late distantes extremitate bifida vel trifida. Superior aut interior superficies concava, glabra, coloris spadicei. Superficies inferior aut exterior glabra, albida, foveolis et verrucis parvulis nigris hinc inde notata. Basis foliorum coloris minei, qui sese etiam aliquando partibus superioribus immiscet. Margo foliorum ubique spinulis coloris badii, inflexis ciliatus. Scuta rara extremitati laciniarum adhacrentia, margine libero, in adultioribus fimbriato in junioribus integro.

Duas alias hujus Lichenis varietates enumerat Linne \*\*\*), primam.

Lichenoidem Eryngii folia referentem, tenuioribus et crispioribus foliis. Dillenii hist. musc. 212. tab. 28. f. 112. secundam vero,

rubris vel ex rubro ferrugineis. Nova pl. genera, p. 85. n. 7. T. 44. f. 4.

\*) Coralloides cornua damae referens. Hist. des plantes autour de Paris 423.

\*\*) Botanicon Parisiense.

\*\*\*) Flora Gallo Provincialis.

†) Synopsis pl. generalis p. 77.

††) Musco fungus terrestris superne cinereus. Hist. pl. univ. tom. 2. p. 632.

†††) Flora Anglica, p. 449. Eryngo leaved Liverwort.

\*) Flora Scotica, vol. 2. p. 829.

\*\*) Lichen terrestris foliis Eryngii. Centuriae pl. minus cognitarum cent. 3. p. 11.

\*\*\*) Species plant. p. 1611.

Coralloidem tenuissimum nigricantem mundi muliebris instar textum Dillen. musc. 113. tab. 17. f. 33.

Primam varietatem Lightfoot ad Lichenes fruticulosos nomine *LICHENIS HISPIDI*, fruticulosi, solidi, ramosissimi, ramis divaricatis subcompressis glabris, spinulosis, angulis obtusis refert, secundam autem comparato Dillenii specimine cum figura speciem omnino diversam, Lichenem pubescentem Linnei exhibere arbitratur. Mihi de hac re judicare haud licet, quum non nisi primam speciem, quam uberius descripsi, recentem vidi, hanc igitur solam experimenta omnesque, quae sequuntur, observationes spectant.

Odor hujus Lichenis nullus, nisi ferro candenti inspergas, quum subacidum edit, quod vero plerisque aliis vegetabilibus etiam contingit. Saporem intense amarum appellarem, quamvis alii illum non nisi leniter amaricantem praedicent, adeoque tenacem reperi, ut decoctum vigesimum adhuc manifesta amaritiei signa ostenderet. Quem inter amara, cum quibusdam aliis comparatus, locum obtineat, prima hujus dissertationis pars docet.

Decoctum Lichenis Islandici colorem luteum ostendit, qui vero affusa salis martis solutione in rubrum mutatur.

### EXPERIMENTUM I.

Ut de gradu adstringentiae, quem cum nonnullis aliis plantis hac virtute praeditis comparatus obtinet, certior fierem, drachmam pulveris corticis Peruviani, corticis salicis, Lichenis Islandici, radicis Gei rivalis, quam Indi in colonia Eboracensi \*) ad fugandas febres intermittentes adhibent, theae boheae et foliorum rosae Eglanteriae, quae non nulli in Germania loco theae utuntur, tribus aquae frigidae unciiis infudi. Post viginti quatuor horas infusum Gei, filtro trajectum colorem badium, theae luteum, rosae subluteum, corticis flavum, salicis subflavum et Lichenis ex violaceo flavescentem ostendit. Cujusque infusi unciae drachmae duae solutionis salis martis affusae, Gei atramentarium, rosae ex rubro atrum theae ex viridi

\*) Kalms Reise nach Nordamerica.



atrum, cortici gramineum, salici luridum, et Licheni ex violaceo rubrum colorem conciliaverunt.

Duabus reliquis cujusque infusi unciiis drachma carnis bovinæ immittebatur. Post quadraginta octo horas, caro ex infuso theae primum, ex rosae secundum, ex Gei tertium, ex salicis quartum, ex corticis quintum, ex Licheni infuso denique ultimum constrictionis gradum ostendit. Eandem igitur adstringentiae rationem cum carne observaverunt, quam quoad nigrum colorem cum sale martis exseruerant, excepta rosa, cujus infusum limpidius theae infuso majorem tamen addito sale martis nigredinem ostendit, quum vero in constringenda carne a thea magnopere superaretur; ex quo elucet unam hanc alteramve vim adstringentem dijudicandi methodum in magno adhuc discrimine versari.

## EXPERIMENTUM II.

Lichenis Islandici uncia in aquae libra per quadrantem horae cocta preloque subiecta septem mucilaginis uncias largiebatur, amaræ, rubicundæ atque in ore solubilis, ejusdemque fere consistentiæ, quam gummi Arabicum tribus aquae partibus solutum possidere solet. Cum Vitriolo martis profunde rubrum colorem exhibebat, chartæque illinita leviter illam conglutinabat.

Hujus mucilaginis semuncia pari quantitate olei amygdalarum leviter terendo conjuncta illam in sex aquae unciiis sensim affusis optime suspendebat. Nec minus oleum Ricini et oleum therebinthinae eodem modo arte aquae conjungit, quæ alias difficillime aquae miscentur. Olea hæc quidem post aliquot horas aquæ innatabant, sed phialam leviter concutiendo iterum aqua subigebantur. Ad camphoræ scrupulum aquae unciiis sex intime miscendum drachmæ duæ hujus mucilaginis requirebantur, quæ camphoræ nec non olei therebinthinae saporem urentem aliquatenus velabat. Oleo Ricini quoque amarities ejus gratum et fere amygdalinum saporem conciliat.

Mercurium haud probe subigit, nec ceram aquae miscet, quum nimio tritu dissolvatur.

## EXPERIMENTUM III.

Ad Lichenem Islandicum in pulverem redigendum, requiritur, ut prope ignem amplius exsicceetur, quum alias ita tenax sit, ut nullo modo contundi queat.

Uncia hujus pulveris aquae libra per nycthemerum infusa in balneo arenae destillationi subjiciebatur, donec circiter unciae octo in excipulum transfirent. Aqua destillata odoris et saporis aciduli, nullam a solutione salis maris coloris mutationem patebatur. Metuens ne forsitan vis adstringens exsiccatione Lichenis periret, Lichenem haud in pulverem redactum eodem modo, sed eodem quoque eventu destillationi subjeci. Nullum olei aetherei vestigium reperi.

## EXPERIMENTUM IV.

Uncia Lichenis sexies fortiter coquebatur. Decocta invicem mixta et ad siccitatem evaporata extracti drachmas quinque scrupulosque duos largiebantur. Extractum hocce coloris subnigri et substantiae coriaceae, aqua calida solutum mucilaginem spissam, omnis fere amaritiei expertem exhibebat. Igni admotum flammam concipiebat.

Lichen a coctione superstes et probe exsiccatus per quadraginta octo horas spiritu vini rectificato infusus extracti resinosi granum et quinque octavas partes dedit. Lichenis vero haud cocti uncia quinque spiritus vini rectificati per horas quadraginta octo infusus, extracti grana tredecim largiebatur. Lichen ab infusione superstes, probe exsiccatus et sexies coctus, extracti gummosi drachmas quatuor, scrupulos duos et grana sex dedit.

Experimenta, quae docent, Lichenem vi antiseptica haud destitui, prima dissertationis pars continet.

Experimenta jamjam relata ostendunt, Licheni amaritiam, adstringentiam, parvam resinae et permagnam gummi copiam inesse. Mucilago ejus ad olea aquae miscenda aliis forsitan praeferenda est, quum non solum saporem oleorum corrigat et acrimoniam obtegit, sed etiam per longum temporis spatium impediat, quo minus rancida evadant; mixturas oleosas enim, de quibus supra locutus

sum, per quatuordecim hebdomades, quamvis tempore hiberno in hypocausto calido sepositas, a putredine immunes servavit. Praesertim in colica utilis erit, quum oleum therebinthinae ita arcte aquae misceat, ut clysmate adhiberi possit, absque metu, ne intestina nimis irritet, aut rejiciatur, antequam superiores coli partes attigerit, quod alias plerumque accidere solet. Nec minorem laudem meretur, quando oleum ricini in ileo aut aliis colicae speciebus adhibere animus est, quum illi saporem pergratum conciliet, quem quidem ab admixto spiritu frumenti aut sacchari etiam obtinet, sed haud absque aliquo periculo inflammationis auctae.

Ad usum medicum vel diaeteticum Lichenem hoc modo exhibendum commendarem. Uncia Lichenis aqua bulliente infundatur et per semihoram seponatur, tunc hac aqua effusa in aquae bullientis libris quinque ad duas coquatur. Infusione praevia a rebus heterogeneis et a magna amaritiei et adstringentiae parte liberatur. Coctione repetita decoctum priori amarius sed multo minori mucilaginis copia imbutum reperies. Primum igitur decoctum solum adhibeatur. Quum vero et hoc non omni omnino amaritiei destituatur, pari lactis copia, aut sexta mellis vel syrupi limonum parte, aut, si in febribus exhibeas solo nutriendi scopo, quarta vini Hispanici albi parte, aut pari jusculi bovini copia satis gratum illi saporem concilies. Lacte coctus minus convenit, quum illi nimiam amaritiam impertiat. Ad linctus mel et syrupus limonum decocto Lichenis prius hunc in finem ad majorem spissitudinem evaporato fumantur.

In Islandia, ubi Fiaella-grass vocatur, hicce Lichen incolis jamdiu alimentum aequae ac medicina existit. Olaus Borrich \*) refert, Islandos primo vere illo ad ducendam alvum uti, aestate vero in farinam comminuere et pulmentis admiscere. Vim purgantem illi denegat Scopoli, nec ego ipse illam in me expertus sum, sed forsitan non nisi de herba recenti valet, quum mihi vero cum exsiccata tantum experimentum facere licuit. Sed Borrichio

\*) L. c.



haud magis assentit Olafsen \*), qui potius quotidiana Islandorum experientia evinci contendit, eum, si unquam, alium non nisi lenissime solvere, et mulieris cujusdam exemplo probat, eum ad cohibendam pertinacem diarrheam profuisse. Vim ejus nutrientem vero tantam esse asserit, ut operarii tenuem alias victum recusantes, illo omnino contenti sint, nec minus ita facilem digestu reperiri, ut debili ventriculo languentibus et phthisi correptis maxime conveniat. Lichenem huncce plerumque in pulmentum coctum comedunt, sed antea aqua frigida per diem extrahendae amaritiei causa macerandus, deinde in sero lactis elixandus in gelatinam, quam denique lacte mixtam in cibum recipiunt. (Experimento vero a me instituto aqua frigida vix ullam amaritiem extraxit, nec Lichenem de illa aliquid perdidisse insequens coctio ostendit.) Alii eum modo jam dicto maceratum igne vel ardore solis exsiccant, atque in pulverem reductum in lacte puro elixant. Panem inde haud saepe coquunt, qui tamen adjuncta frumenti farina satis bonus est. (Ego quoque ex pulvere Lichenis admixta farina et praevia maceratione panem conficere tentavi, sed absque coctione Lichenis, antequam in pulverem redigeretur facta, vix ob ingentem amaritiem edulis erat. Lichen quater coctus addita parva farinae triticeae quantitate panem haud ingratum largiebatur, sed magna ejus copia requiritur, quum coctione quater repetita ultra dimidium ponderis perdat.) Horrebow \*\*) etiam refert, se Lichenem modo solito apparatus libenter esitasse, tanquam cibum salubrem sapidumque, additque, Islandorum complures nulla omnino frumenti farina uti, quando satis magna Lichenis copia illis datur. Nec est, cur mireris, quum testante Olafsen cadum Lichenis probe emundati et compressi eandem ac duo frumenti cadi nutrimenti copiam continere putent. Solent Islandi ante foenificium catervatim aspera saxeta petere ad hunc Lichenem colligendum, qui, quo vegetior fuerit, eo magis ipsis placet; istae autem excursiones potissimum instituuntur coelo pluvio ne folia arida manus laedant, neque vero crebrius eadem loca

\*) Reise igiennem Island. tom. I. p. 159.

\*\*) Zuverlaessige Nachrichten von Island, p. 104. vers. Germ.

revisitantur, quam interjecto triennii spatio, quum planta haec tres annos ad sui incrementum requirat. Peracta demum collectione, suam quisque penum ignis ope refactam in farinam conterit et in doliola immittit. Pretio admodum vili venit, quum mensura, quam Angli bushel vocant, uno circiter shillingo comparari possit. Summa hujus Lichenis vis nutriens eo quoque probatur, quod in Carniola, parte circuli Austriaci, boves equosque macros ad ea loca mittere soleant, ubi copiose crescit, qui sic brevi tempore pinguescunt, atque amissas vires recuperant. Nec minus ibi ad faginandas fues adhibetur.

Extra patriam, a qua Lichen Islandicus nomen suum accepit, jam sub finem seculi praeteriti eum in usum medicum adhibuit, et quibusdam experimentis chemicis subjecit Hiaerne \*) medicus Suecus, qui praesertim magnas ejus laudes in phthisi et scorbuto facit. Digestu facillimum esse, perspirationem leviter augere atque respirationem laesam liberiores reddere asserit. Nostreis vero temporibus praecipue Scopoli eum phthisi pulmonali laborantibus commendavit, nec immerito, si ex pluribus, quas addit, observationibus, et virtutibus huic plantae insitis concludere licet. Vana forsitan spes esset, nos ope hujus plantae dirum huncce morbum omnino tollere posse, sed mihi remedium haud omni laude carere videtur, si in morbo tanti discriminis aliquod saltem levamen affert. Sed non hoc solum de Lichene praedicare, sed eum etiam fere omnibus, absit invidia verbo, quae adhuc contra hunc morbum adhibita fuerunt, remediis antepone audeo. Sperma ceti enim ventriculum saepe offendit, et facillime, praesertim in australioribus Europae regionibus rancescit. Olea eodem mendo laborant, atque sicut et mucilagines atque saccharina magna copia ingesta ventriculum laedunt. Lichen vero corruptioni nullo modo obnoxius, nisi loco humido asservetur, et, ut omnes testantur observationes, digestu facillimus est, quum forsitan laxitas, quam magna mucilaginis, qua scatet, copia ventriculo inducere posset, vi ejus adstringente et amaritiae corrigatur. Nec minus ob

\*) Abhandl. der schwed. Acad. der Wissensch. 6 B. S. 163.



virtutem antisepticam, quam insigni gradu possidet, laudari meretur. Apud exercitus tempore aestivo, praesertim quando bellum per plagas calidiores vagatur, aut in navibus, quae diuturna versus austrum itinera suscipiunt, summa cura vix impedire poteris, quominus oleosa rancida evadant; eorum igitur loco Lichenem nostrum commendarem, cujus magnum volumen obstaculo haud erit, quum loco paleae ad firmandas lagenas vitreas adhiberi possit. Balsama plerumque corporis calorem nimium augere, ubi obstructions in pulmonibus adsunt, tradit Monro \*), quum tamen in tussi a relaxatis pulmonum vesiculis haud absque emolumento exhibeantur. Sed et huic Lichenem mederi posse verisimile est, quum haud exigua vi adstringente praeditus sit. Praecipue admixto syrupo limonum profuturum spero. In diarrhoea vero, quae sub finem phthiseos occurrere solet, mucilagines et adstringentia laudantur; quis igitur remedium inutile praedicare poterit, quod utramque virtutem in tanto gradu possidet, ac de Lichene Islandico constat? Nonne etiam amaritiei ejus vi tonica ad hoc funestum symptoma tollendum valebit, quum tamen tonica validiora ob metum, ne calorem augeant, in usum trahere haud queas? Hic igitur decoctum absque infusione praevia, qua magna pars adstringentiae perit, paratum, in clysmate, aut cum syrupo limonum ore assumptum commendarem. Quodsi res ita jubet, quartam circiter partem solutionis gummi Kino aquosae, cujus exigua pars amarum Lichenis saporem omnino velat, admisceri poterit, quod etiam remedium ad sistendos sudores hecticos laude sua haud destituetur. Morbo vero haud ita altas radices agente, praesertim quando puris excretio minus bene sit, mel admixtum praeferebam, quod insigni vi, ut vocant, detergente gaudet. Tussi urgente decoctum ad majorem spissitudinem evaporatum cum melle aut forsitan parva syrupi papaveris quantitate forma linctus magis idoneum censeo, quum vix sperare possis, tam parvam ejus copiam effectus suos in pulmones edituram. Scopo nutriendi cum lacte adhibeatur.

\*) Diseases of military hospitals, pag. 2.



Sed missa ratiocinatione ad ea, quae experientia edocuit, procedo. Juvenem macie correptum, tussientem, difficulter respirantem, foetida exspuentem, ac lenta exhaustum febre, postquam a medicis derelictus fuisset, Lichene Islandico lacte, et quum lac ventriculus ferre recusaret, aqua cocto omnino sanatum refert Scopoli, qui sequentes quoque nobis observationes tradidit.

Clericus haemoptysi repente correptus emaciatur, sputa purulenta ejicit, noctu sudat, ac lenta febre consumitur. Variis remediis incassum adhibitis, Lichene solo pristinam recuperat sanitatem.

Fossori post febrem intermittentem tussi, sputo sanguine mixto, respiratione ardua, sudoribus nocturnis et macie affecto, Lichenis usu omnibus hisce symptomatibus sublatis, vires amissae omnino redduntur.

Femina quaedam gracilis, tussiculosa et debilis, quum infantes haud absque magna utilitate lactaret, Lichene utitur lacte cocto per integrum annum. Sic nutritio felicius succedit, vires augentur, raro tussit et lactationem lausse absolvit.

Concionator capucinus pallidus, tussiens et maceram per plures annos Lichene utitur, sed a secundo ab ejus usu anno bona omnino valetudine gaudet. Nec minus in pluribus aliis ejusdem generis morbis votis respondisse eundem Scopoli testatur.

Bergius \*) quoque refert, se multos vidisse, phthisi pulmonali obnoxios, ex usu pulmenti e lacte et Lichene parati in integrum restitutos et obesos factos; atque ita facilis digestionis hoc pulmentum invenit, ut etiam vomitu frequenti chronico afflicti, quique alia esculenta rejicerent, illud retinere potuerint. Praeterea novi, Lichenem non nullis medicis Germanis summo cum fructu adhibendum fuisse.

\*) Mat. medica, p. 858.

In catarrho etiam fauces et laryngem a muco acriter optime tuetur, ut in me ipso expertus sum, et muci excretionem, glandulas mucosas jam relaxatas vi adstringente roborando, promovere videtur. Nec minus in peripneumonia ad tussim sedandam optime valet, qua impeditur, quominus mucus majorem spissitudinem acquirere et mitior fieri possit. In initio phthiseos ab hoc morbo ortae, Lichenem summo cum effectu adhibuit Quarin \*), qui eum etiam in tussi a morbillis cum puris excreatione et nephritide magni facit. Nec minori cum fructu in morbillis epidemicis Hafniae grassantibus eo usus est Schoenheyder \*\*), quam tussis purulenta septimanas aliquot post morbillorum decessum aegros invaderet. Ex quatuordecim infantibus non nullis oxymel scilliticum, aliis quibus, excreatio difficilis, kermes mineralis exhibebantur, quibusdam ad praecordia applicabantur vesicatoria, aliis linimenta oleosa et Theriaca Andromachi, sed absque ullo fructu. Corticem jam antea spei haud parem invenerat, ideoque Lichenis Islandici unciam aquae libra ad uncias duodecim coquendam, addita syrupi scillitici semuncia praescripsit, hujusque decocti unciam omni bihorio aegris propinavit. Initio nullum praeter doloris diminutionem effectum edidit, post unam vero alteramve hebdomadem res in melius mutatae aegrique omnes quinque hebdomadam spatio ad integram sanitatem restituti fuerunt. Quibusdam sub ejus usu diarrhoea accidit, frequens in morbillis symptoma, quae tamen usu mucilaginis Arabicae silebatur.

Forſitan etiam in febre maligna, ubi tussis et respiratio difficilis aegrum afficiunt, spermati ceti, quod Monro \*\*\*)) cum spiritu mindereri adhibuit, praeserri meretur, quum hoc putredini nimium faveat, cui Lichen admodum resistit. Summos saltem in hoc symptomate ab ejus usu fructus percepit Quarin †). Saepc etiam in ejus-

\*) Meth. med. inflamm.

\*\*) Collect. Soc. med. Hafniensis, vol. I. p. 128.

\*\*\*)) Diseases of military hospitals, p. 19.

†) Meth. medendarum febrium.

modi febre, praesertim si jam sublata revertitur haemorrhagiae narium et sanguinis ex alvo profluvium aegri vires prostermit, quibus cortex, potus acidus, vinum, victusque nutriens et digestu facilis medentur. Nonne hic Lichen cum acido vitrioli, aut syrupo limonum aut vino in usum trahi meretur, quum tanta virtute nutriente gaudeat, visque ejus adstringens aliquantum saltem ad haemorrhagiam alvinam sistendam conferre possit? Nec minus in ingente post febrem urinae atque salivae profluvio, ut et in sudoribus colliquativis cibi loco assumptus proderit, quum in his, praesertim diabete, victus nutriens, mucilagines ad urinae vias ab acrimonia tuendas, et adstringentia requirantur. Sed absit, ut credas, Lichene solo hos morbos tolli posse, quem non nisi alius cibi minus nutrientis et digestu difficilioris loco adhibitum, medelam promoturum censeo.

In rachitide victus nutriens et acidum, quod plerumque nimia copia in ventriculo adest, corrigens, inter optima remedia merito numeratur. Lichenis igitur, quum utramque virtutem possideat, decoctum spissius cum jusculo carnis, vel vini generosioris aut aquae cujusdam aromaticae parva quantitate, saporis corrigendi causa, haud sua laude carebit. Il vero, qui vinum aut aquam aromaticam ob magnum pretium adhibere nequeunt, uncias duas Lichenis cum drachma seminum foeniculi aquae libris quinque ad duas coquant. Decoctum hocce satis spissum et saporis haud ingrati reperietur, sed frigide propinandum, quum omnis potus victusque calidus, quem ventriculi vires imminuere novimus, in hoc morbo evitandus sit. Nec ante coctionem aqua calida infundatur, quia infusione magna pars vis adstringentis perit, quae in rachitide, cui remedia tonica praecipue conveniunt, magnae utilitatis esse potest.

Saepe in dysenteria tanta materiei acris copia intestinalia obsidet, ut, qualiacunque evacuantia adhibeas, impedire haud possis, quominus aeger tenesinum et atrocissimos dolores inde patiatur. Anodyna narcotica dolores



vix minuendo morbi impetum plerumque vehementer augere videntur. Aliud igitur remedium haud datur, quam intestina magna liquoris demulcentis copia ab acrimonia tueri, quum dolor, nisi inflammatio adest, a sola materie acri intestina convellente, et mucis naturalis defectu oritur. Non nulli olea laudant, quia alvum solvunt, sed metuendum, ne calore corporis iusto majori et bilis putridae admixtione rancescant. Lac vomitum movet, alvum stipat, languorem auget, atque artuum dolores excitat. Lichen vero putredini resistit, bilem putridam brevi tempore corrigit, nullamque ventriculo molestiam creat. Adstringente vi tanta non gaudet, ut commodum, quod a vi ejus correctrice expectandum est, superare possit; praeterea decoctum cum melle, quod insigni vi laxante et antiseptica praeditum est, exhiberi poterit. In dysenteria putrida syrupi limonum aut sachari et vini rhenani vel gravenensis aut succi prunorum vel vaccinii admixtio potius eligenda. Quod si faeces nimium aquosae et ingenti copia excretae fuerint, absque praevia infusione per anum injiciatur, addita, si res postulat, parva solutionis gummi Kino quantitate. Praeterea, quum in dysenteria maligna aegri vires subito exhauriantur, victu nutriente sustentandae sunt, cui caro, quae nimium in putredinem prona est, haud convenit, spissiore Lichenis mucilaginem cum pauxillo vini instar nutrimenti adhibendam suaderem. Nec minoris in dysenteria chronica usus erit, quum et in hac caro noxia visa sit. Quando dolores ad os sacrum percipiuntur, signum rectum inprimis affici, decoctum clymate injiciatur, nisi a scybalis durioribus proveniant, quae salium ope eliminanda sunt.

Nonne etiam decoctum aliquantum spissius in vomitu cruento et morbo nigro ad sanguinem cohibendum aliquo modo conferre poterit, quum fere nulla omnino alia remedia adhiberi queant, quam mucilagines, quibus vero virtus adstringens deest. Non nulli forsitan ab hac Lichenis virtute ventriculum irritari posse arbitrantur, sed quum testante Bergio in vomitu chronico ventriculus, qui omnes alios cibos rejiciebat, eum optime

ferret, haec mihi haud justa timoris causa esse videntur.

In haemorrhoidibus, si validiora adstringentia in usum trahere res vetant, Lichenis Islandici decoctum absque praevia infusione per anum cum fructu injici poterit, quum vis ejus adstringens ad sanguinis profluvium sistendum aliquantum saltem facere; et mucilago, quam continet, alvum ab excoriationibus, quibus in hoc morbo saepe obnoxia est, optime tueri queat.

In gonorrhea plerumque mucilagine gummi arabici utuntur ad urethram ab urinae acrimonia tuendam, quae deficiente naturali suo mucositate graves plerumque dolores inde pati solet. Sed mihi parva hujus mucilaginis copia, quae raro uncias duas vel tres excedit, haud magni momenti esse videtur. Forsitan, si Lichen Islandicus cum lacte aut melle victus loco exhiberetur, majoris utilitatis foret. Eodem vero tempore decoctum ejus tenue syringis ope in urethram injiciatur, quum mucilagine urinae ardorem mitiget, et vi sua adstringente ad tonum amissum glandulis mucosis sensim sensimque reddendum, a quarum laxitate gonorrhoeam oriri non nulli putant, conferre possit. Nec metuendum, ne subito muci effluxum, virulique, si quid adest, exitum cohibendo graviora symptomata exsurgant, quae fortiorum adstringentium usum saepe sequuntur, quum vis ejus adstringens tanta non sit, ut glandulas et urethram nimium constringendo atque irritando inflammationi ansam praebere possit.

Quomodo ad fracta consolidanda, ut Breyn \*) vult, conferre, aut hydatides ex utero expellere potuerit, ut observatio Spoeringi \*\*) docet, haud video.

In fissuris mammarum, quibus feminae lactantes saepe obnoxiae esse solent, spissa Lichenis mucilago externe

Acta nat. curios. Art. 3. D. I.  
\*) Wetenskaps Acad. Handlingar 1743. p. 106.

adhibita profutura esse videtur, quum partem excoriatam ab aere et humore acri, si quis exsudaverit, tueri, et fissurae labia vi adstringente sibi invicem propiora reddere atque ea re fissurae coalitionem promovere possit.

---



XXII.

DR. FRIDER. DEGENHARD KERCKSIG

DISSERTATIO

SISTENS

OBSERVATIONES ET EXPERIMENTA

CIRCA

USUM MEDICUM CALCIS ZINCI  
ET BISMUTHI.

H A L L E,

1792.



In medicina facienda, antispasmodica in usum frequenter veniunt, quorum nonnulla aegre et raro agunt, quaedam dum his profunt, illis nocent, et denique alia nullam propriam facultatem ostendunt. Anceps aliorum effectus, abdita ratio operandi, medicos alliciunt, ut nova remedia antispasmodica invehant, aut proponant. Inter haec antispasmodica sua virtute flores Zinci, et magisterium Bismuthi valde inclaruerunt. Sed non ubivis medentium iudicio probata sunt, nec vituperatione omni caruerunt, dum vel eadem non satis efficacia, vel non satis tuto adhibenda iudicant. Haec inter medicos dissensio ulteriorem illorum indaginem requirere visa est, ad quam equidem tanto alacrius accessi, quum Excell. REILII, Praeceptoris summe venerandi consilium annueret, incitaretque me, ut quum mihi pro capeffendo Doctoris gradu jam aliquid exarandum esset, hanc potissimum scriptionem prosequerer. Spem cetera Lectioribus facere licet operis Illustri REILII, medici summi, hanc materiem ex asse complexuri stabili-  
busque rationibus ac experimentis rem omnem roboraturi, illustraturi. Quod dum prodeat, haec nostra ut aequus candidusque Lector boni consulat, verecundius rogamus. Igitur ne longior iusto sim praefando, dicam primum de Zinco, tum de Bismutho.

## SECTIO I. DE ZINCO.

### §. I.

Veteribus Zincum ignotum fuisse, nemo inficiatur. Primum quidam Germanus, nempe ALBERTUS MAGNUS, in Libro mineralium, libr. V. cap. 5. ejus mentionem fecit. Hic *marcasitam auream* illud appellat. Deinde Metallurgi et Alchymistae varia nomina illi dederunt. Sic vocatur Speltum, Marcant, Calaem, Cadmia metallica, sol philosophicus, Chalybs philosophorum, Lunaria, Magnesia, herba saturnina, Salamandra, Phoenix, Lucifer, Venus, Spuma maris, metallum masculum, f. anonyum,



Alcali minerale, Demogorgon, Aurum polatile, Draco ignem exomens, Cinabaris sapientium, Aes immaturum Paracelsi etc. — PARACELSIUS primum tritum nunc ejus nomen variis locis scriptorum suorum inferuit. Opiniones Veterum de essentia Zinci vere tam variae fuerunt, quam nomina. Albertus Magnus e. g. dicit, *illud esse naturae martialis*: Paracelsus \*) *Zincum marcasitum cupri*, et in Philosoph. p. 56. *filium spurium cupri nominat*: LIBAVIUS mercurialis attribuit: *Glauber* illud habet pro specie plumbi: *Barbette* pro specie jovis, cui aliquid mercurii insit. *Rulandus* \*\*) statuit; Zincum esse metallicam marcasitam, et mixturam quandam naturalem ex quatuor metallis immaturis, cupream vero potissimum apparere. LEMERY pro specie marcasitae vendit: HELMONTIO \*\*\*) videtur, Arsenicum esse magis fixatum ab intertexto sulphure rubeo: *Homberg* †) habet pro hermaphrodito ex stanno et ferro conflato: alii contendunt, in Zinco arsenicum et sulphur contineri etc. Hinc etiam artificia ista, Zincum artificiale componendi, ortum trahunt.

## §. II.

Historiam naturalem primo LAEHNEIS ††) satis exactam publici juris fecit: deinde STAHL †††). Praeparationem ejus ex mineribus jam descripserunt LOEHNEIS \*), STAHLIUS \*\*), KELNER \*\*\*), SCHWEDENBORG †), SCHLÜTER ††) et CRAMER †††) ex quo praecipue GEOFFROY, HELLOT, MALOUIN, POTT, MARGGRAF, GEHLER et alii quam plurimi, quorum opera in plerorumque

\*) In Archidox. de separat. Element. p. 793.

\*\*) In Lexico Alchem. p. 471.

\*\*\*) In paradox. Disc. p. 108.

†) In Act. Acad. Scient. Ann. 1710 p. 313.

††) In libro suo metallico p. 79. 80 — 83.

†††) In diss. de metallurgia.

\*) L. c.

\*\*) In opuscul. chym. p. 791.

\*\*\*) Praxis metallica curiosa, p. 281.

†) In opere philosoph. libr. IV. p. 382.

††) In opere. de fusione metallorum p. 224. 230. 234.

†††) In element. artis Docimas. P. I. p. 237.

manibus versantur, historiam naturalem, affectiones chemicas, et praeparationem florum tam prolixè tradiderunt, ut eis recensendis supersidere possimus. Id tantum mihi adducere liceat.

1) Medicus, floribus Zinci interne usus, eos semper a Pharmacopaeo, de cuius fide et dexteritate constat, praeparari curet, quod jam cel. GAUBIUS monuit. Neglecta enim hac cautione, nihilum album saepius prodit, merga mixtum, vel Zincum tantummodo acidis destrutum, nec satis edulcoratum. Zincum hoc modo praeparatum aegris valde offecisse, testatur DUGUD \*) et PERCIVAL. \*\*).

2) Flores Zinci praeparaturus:

- a. Zincum orientale seu regulum purum ad calcinationem sumat: Zincum enim Göslariense saepissime plumbo conjunctum est, et flores ex eo parati non sunt albi, sed rubri \*\*\*).
- b. Zincum in calcem perfectam convertat, nullamque partem metallicam commisceat cum illis.

### §. III.

Flores Zinci (*lana philosophica* quondam dicti) bene praeparati, sunt tactu molles, valde albi, inodori, insipidi, nec aqua solubiles, nec igne volatiles, etsi eo, quod Zincum deflagratum eos facile largiatur, quis crederet, eos esse volatiles. Hoc autem a vehementia, qua Zincum deflagrat, pendet, qua in modum albidii fumi, qui in leves albosque flosculos concrevit, mechanice attolluntur. In acidis facile solvuntur. Et flores nostri ab aliis corporibus terreis citissime dignoscuntur et discernuntur, si carbonibus candentibus eos imponas: inde enim, mox saturati flavum colorem recipiunt, quod in aliis terreis corporibus non observatur. Refrigerati demum albedinem pristinam recipiunt, idque optimum atque ad fraudem detegendam maxime securum est argumentum.

\*) Edinburg. med. Comment. 5 Th. 1 St. p. 93.

\*\*) Ibid. 11 Th. 3 St. p. 318.

\*\*\*) Hagen Lehrbuch der Apothekerkunst, 2 ed. p. 801.

## §. IV.

Jam per longum tempus flores Zinci ut exsicccans leniterque constringens remedium externe adhibiti sunt. Laudantur in ophthalmiis praecipue in chronicis humidis seu glandulosis. Ill. VAN SWIETEN observavit, fumum ardentis Zinci, rubentibus exceptum oculis, iis promptissime mederi. Sic etiam studiosus Leidenfis, qui ophthalmia laborabat, subitum sensit levamen, dum sublimationi florum Zinci in laboratorio chemico Ill. Gaubii adesset \*). Cel. DE HAEN \*\*) dicit florum Zinci drachmam unam, quinque unciiis aquae rosarum, vel euphrasiae admixtam, incipienti ac repetenti inflammationi tunicae conjunctivae efficacissimo esse remedio. BARBETTE et POTT \*\*\*) etiam jam illos in hunc usum commendaverunt: WOOLHOUSE in forma unguenti eos adhibuit. Calx Zinci nostra aetate ingreditur multa unguenta ophthalmica, quae exsicccandi scopo ad vulnera, et ulcera oculorum, ut et discutiendi ad ophthalmias adhibentur. In intertrigine, excoriationibus praecipue inguinum infantum, in papillarum fissuris †) et exulcerationibus ex diuturno in morbis decubitu ††) laudatur. In profundis ulceribus herpeticis flores Zinci commendat CULLEN., Cl. BROWN †††) testatur, eos vulneribus sclopetariis, aliisque insperfos efficax auxilium ferre.

## §. V.

Internus usus florum Zinci apud veteres medicos non invaluit, sed illos cum arsenico albo comparaverunt, et hujus malignum prae se ferre ingenium, crediderunt \*). GLAUBERUS quidem jam ad 4 — 12 grana pro excitandis sudore, vomitu et sedibus eos commendavit. S. Fr.

\*) *Tode medicinisch. chirurg. Biblioth. B. III. St. I. p. 181.*

\*\*) *Ejus Heilungsmethode a. d. Latein. üb. v. Plazner. IV. B. IX. Th. p. 312.*

\*\*\*) — *Observ. et animadvers. Coll. Hda. p. 45.*

†) *Barbette in CRANTZ mat. med. T. II. p. 63.*

††) *Rosenstein in Berlin. Samml. IV B. IV Th. p. 386.*

†††) *Edinburg. medic. Comment. IV Th. II St. p. 237.*

\*) *v. Pott. obs. et animad. coll. II. p. 11 et 48. quo loco illam opinionem praejudicatam fusius refutat.*



GEOFFROY \*) initio hujus seculi jam docuit, flores Zinci esse diaphoreticum, et ad grana 4—12 propinatos vel vomitum, vel alvum ciere. Id autem artis peritus nemo imitatus est, nec interne prius adhibiti sunt, quam Ill. GAUBIUS detegeret, flores Zinci constituere *arcanum Ludemanni*. De hoc medicastro GAUBIUS \*\*) refert: caput heteroclitum, quem perhibent ecclesiastem, olim in Germania degisse, sed ob heterodoxiam e. communione sua expulsus, Amstelodamum petiisse. Ibi primo futrinam exercuit, deinde mentitus est medicum, chemicum et astrologum, denique medicinam saepe optimo, mirandoque cum successu fecit. Praedixit adhaec dato personae pronomine, annoque et die natali, velut mantes praeterita, praesentia et futura ad usque vitae terminum. Qua re tantam sibi famam comparavit, ut Delphici oraculi instar magno undequaque hominum numero quotidie frequentaretur, et Praxi medica magnas opes conquireret. Remedia sibi domi ipse paravit, quorum praecipua inter, pulvisculum venditavit, *lunae fixatae* nomine, quo saepissime, eoque nonnumquam cum successu usus est, ut pene miracula praestare videretur, nemine interim naturam ejus cognoscente. Admirationem vero illud maxime movebat, quod uno tantum pulvere quotidie sumpto, sine ulla corporis functionumve conturbatione, aut manifesta quadam evacuatione tam felices medicationes efficeret. GAUBIUS ipse testatur, hoc arcanum Ludemanni interdum in morbis spasmodicis, in quibus omnia alia remedia incassum adhibita essent, sanationem effecisse, et casum profert, quo infans diris convulsionibus decumbens atque a medico ordinario depositus, minima dosi hujus pulveris liber evaserit. Hoc et rogatio Ephori, utrum hoc pulvisculo tuto et absque metu alicujus detrimenti uti queat, Cl. GAUBIUM incitaverunt, ut illud examini subjiceret. Quo facto ex solubilitate ejus in acidis et eo, quod tantillum hujus pulveris in scrobiculo carbonis positum, afflata per tubum lampadis flamma, momentaneo fulgore viridescente arde-

\*) Ejus mat. med. üb. v. *Ludwig* T. II. p. 356.

\*\*) In *Adversar. varii Argumenti* Libr. I. Lugd. Batav. 1771. p. 121.

ret, agnovit *Arcanum Ludemanni* praeter flores Zinci nil continere; atque inde aegrotis suis eos in morbis spasticis et convulsivis, periculi faciendi causa, optimo cum effectu dedit, observationesque de iis in allegato libro descripsit. Flores itaque Zinci eo ex tempore a multis medicis practicis in hisce morbis fuere adhibiti, magnaue encomia tulere.

## §. VI.

Antequam vero florum Zinci in morbis effectus expendantur, quaedam experimenta in medium proferam, quibus hujusce remedii in corpore humano effectus unice queant declarari.

### EXPERIMENTUM PRIMUM.

Die XXVIto Januarii 1792. catello adulto scrupulum unum florum Zinci cum pane, lacte macerato, dedi, quin ullum effectum pharmaci prodeuntem viderem.

D. XXVIImo Dosi duplicata nihil prorsum in functionibus mutatum: Alvus tamen isto die solito laxior.

D. XXVIIIvo circa horam quartam eidem catello drachmas duas et dimidiam cum lacte infudi: secutus est vomitus ac tremor cum tristitia immoto decubitu et magna cordis palpitatione: praeterea neque allicienti mihi caput erigebat, alias licet valde alacer, neque ante horam VI. trepidare humi jacens desit. Circa horam VIIIvam jam pristina alacritate recuperata, nulla amplius functionum alienatio: alvus ceterum laxa. Iterum datis decem granis, catulus aliquantulum trepidare quidem caepit, at alacer.

D. XXIXno hora II da pomeridiana scrupulos duos et dimidium sumtos cum cibo, trepidatio rursus, tristitia, ructusque sed sine vomitu sequebantur: decubuit animal immotum integra hora, octava vero cessantibus symptomatibus omnibus, sueta alacritate redeunte. Alvus laxior deprehendebatur eo die, quam antecedenti.

D. XXXmo infusis hora IVta pomeridiana catello drachmis duabus cum lacte mox visus est vomitus perpetuusque ructus, tremor cum insigni tristitia, cordisque

palpitatione, quae symptomata catellum usque ad horam septimam immotum in suo cubili detinuere. Post illud vero tempus alacriter discurret, alvusque multo laxior cernebatur, qua sensim tamen ad aliquam rediit consistentiam. Diebus XXXImo, Imo Februarii secundo ac tertio nihil catello exhibui medicaminis, IVto autem drachmas tres illi infudi, cujus parum evomuit, licet crebri essent vomendi conatus: nulla trepidatio et exigua admodum tristitia apparebat, cor vero vehementer celeriterque palpitare sentiebatur. Die Vto excretio alvina fluida. Sequentibus diebus omnia naturalia.

### EXPERIMENTUM SECVNDVM.

D. XXVto Januarii 1792. catellus quatuor hebdomadam decem grana florum Zinci sine ullo sensibili effectu absumsit. Continuavi, per sequentes dies singulos 10—15 grana cum lacte et pane animali dare, demumque die XXIXno pilos horrere, catulumque tristiores fieri animadverti, at excrementa a naturalibus nondum differentia. Tristitia die XXXmo et XXXImo aucta, bestiola pedes posteriores paralyti jam correptos tantum trahebat. Musculi abdominales tensi ipsumque abdomen durum, quo contracto catellus incedebat vel potius repebat, ita ut dorsum valde gibbosum cerneretur. Ob appetitum cibi prostratum, pauca tantum comedebat, et prono cursu marcescebat: excrementa, eo usque naturalia, fiebant nunc dura nigricantia, instarque excrementorum caprinorum globosa.

Augebantur illa symptomata diebus Imo et IIdo Febr. attamen quotidie devoravit singulis prandiis X grana florum Zinci, donec d. IIItio Febr. cubile suum non amplius relinqueret catellus. Inde tractum pedibusque stare impulsus ad minimum contactum collabi, suumque stratum repetere saepius vidi. Cibos omnes aversabatur, praeter tantillum lactis, quo in ipso cubili suo sumto contractus dorso recubuit.

Die quarto, etsi non surgeret, coepit tamen solitam panis lactisque portionem pro prandio; pro coena vero parum admodum. Alvus a die IIda Febr. haud soluta.



Die Vto, eadem conditio, omnisque cibi abstinencia: erectus enim concidit statim et hora undecima convulsio- nibus correptus perpetuoque ejulans obiit circa horam IV..

Sectio cadavere vidi:

Integumenta abdominis valde tenuia, et sine omni adipe, quibus dissectis et remotis intestina detexi in situ naturali: omenta naturalia nihilque adipis continentia, et ventriculum parvum coloreque album, semicoctis partim crudis cibis impletum, ejus vero membranae admodum crassae ac tenaces erant, tunica villosa admodum rugosa, et plicae tam stabiles, ut pressioni non cederent: id quod mihi a fortiore contractione et inductione reliquarum ventriculi membranarum esse videbatur. Dimidium stomachi pyloro vicinum obductum erat bili vitellina, adeo arcte adhaerente, ut cultro vix abraderetur. In quibusdam locis *intestinelorum tenuium* maculae flavae, a materie flavescente in membranis contenta, ortae, apparebant, membranae illorum magis adhuc crassae durioresque, quam illae ipsius ventriculi, et, si in quibusdam locis obvias leviores contractiones exceperis, aequae constrictae, earumque lumen adeo imminutum, ut vix sondae iter pateret. Duodenum bile, membranas ventriculi obducentis simillima, plenissimum; reliqua autem intestina tenuia replebat spissa, flavescent, tenax et pulti ex fructibus solani tuberosi coctae non absimilis materia.

*Intestina crassa* in statu naturali, nisi quod a coeco ad rectum usque replerentur sicca, dura, nigricante globosaque faece, quam dicunt, caprilla. Vasa mesenterii distensa, arcusque tam distincte, quam si felicissime injecti essent, adparebant. Vesica fellea admodum quoque turgida, qua dissecta prodiit materia tenax et, flavescent, oleum pervertustum et amurcosum referens. Reliqua intestina abdominis naturaliter sese habebant.

Aperto thorace pulmones vidi molles, maxime naturales, et cavitates cordis sanguine vacabant, elutarum instar.

### EXPERIMENTUM TERTIUM.

Puellae sanae, annorum viginti duorum, robustae constitutionis ab aliquo tempore cibo tantum farinaceo,

ut ptisana avenae vel hordei, panis, aliisque id genus nutritae praescripsi d: XXVto Januarii 1792, octo grana florum Zinci, quae jejuna sumeret. Secutae sunt vomitiones, et ructus frequens, donec post duas horas ptisanam hordei assumeret.

Die XXVIto tempore matutino eandem dosin eadem symptomata inscuta sunt, et praeterea una vice sedes solitas alvus excrevit, pulsu haud mutato. Vespere ejusdem diei, ptisana in coenam sumpta, XV grana florum Zinci cum scrupulo uno radicis liquiritiae ingessit; ac nec nausea, nec ructus sequebantur, somnusque erat quietus, multum sudoris, et sensus urens cutis.

D. XXVIImo tempore matutino iterum sumsit jejuna, octo grana, quo facto nausea, ructus, ac tormina quaedam accesserunt, quae meridie primum cessabant, dum ptisanam biberet. Sedes eo die solito fluidiores. Vespere ejusdem diei hausit sedecim grana a coena sine ullo nauseae sensu, multumque de noctu sudoris fudit.

D. XXVIIIvo medicamine vacavit. Alvus hoc tempore solito laxior.

D. XXIX. Puellae jejunae iterum praebui octo grana sine omni effectu sensibili.

D. XXX. XII. grana sine nausea comedit, et vespere ejusdem diei XX grana absque ullo effectu, praeter sudorem nocturnum, sensumque urentem cutis: sedes erant solito fluidiores.

D. XXXI. Jejunae data fuere XX grana, quae eadem ac die XXVII symptomata excipiebant. D. 1 — 2. Febr. nihil sumsit.

D. III. Febr. exhibitus fuit puellae scrupulus unus et D. IVto Drachma semis sine omni sensu molestiore, praeterquam quod pulsus aliquantulum esset celerior, et multus noctu sudor fluere.

D. Vto scrupulos a jejuna comestos duos secutus est vomitus, frequens ructus, cum nonnullis torminibus: pulsus naturali celerior, sedesque fluxae. Ceterum omni fere tempore appetitus ciborum bonus, nec insequabantur alia postmodum incommoda.

## EXPERIMENTUM QVARTVM.

In novem pueris 10 — 14. annorum farinaceis, crustisque cibis victitantibus, ac lana ducenda se sustentantibus apparebant quaedam symptomata verminosa e. g. pruritus narium, confluxus aquae in ore, somnus inquietus, bulimus, tormina intestinorum, orificium intestini recti pruriens, tenesmus et obstructiones alvinae; attamen nulli adhuc vermes prodierant. Ut igitur aliquod periculum facerem, jussi puerorum quemque jejunum d. VI. Febr. absumere VIII grana florum Zinci cum scrupulo dimidio sacchari. Unus eorum grandior quam aetas dare videretur, puer vividae irritabilisque magis constitutionis, quam reliqui, tres vomitus, totidemque sedes reddidit; duo reliquorum nauseam ructusque et duas tresve sedes passi sunt: quatuor bis terve alvus soluta est sine ulla nausea: duo vero nullum medicaminis sensum habuerunt.

D. VII. eadem, quae antecedenti, dosis ingesta est. Unus eorum vomuit, non ille, qui praegresso die pulvisculum vomitu ejecerat: sed ex illis unus, qui tantum ructus passi fuerant. Reliquorum plures tormina quaedam, nulla vero praeterea incommoda senserunt: sedes solitis similes.

D. VIII. vo eadem sumta dosi, nullus puerorum vomuit, neque nauseam vel ructum senserunt: septem bis terve alvum solverunt: excrementa solitis magis tenuia, duorum autem plane naturalia: duo magnam ascaridum copiam reddiderunt: Omnibus secuta nocte vehemens sudor.

D. IX. no nullus eadem dosi data vomitus, plures eorum quaedam tormina suere passi, singuli duas tresve habuere sedes, singulisque magnus ascaridum numerus decessit: in pluribus de nocte multus sudor.

Perrexi per sequentes quinque dies, jejunis eandem dare dosin, qua sumta nihil incommodi sentiebant praeter rariora quaedam abdominis tormina. Cetera pueri alacres, appetitu valentes, sine ullo caloris sitisve augmento: pulsus naturalis, sedes de die duae, tresve, noctu vero plurimis sudor, et postea omnium verminosorum symptomatum finis.



## EXPERIMENTVM QVINTVM.

Puella constitutionis debilioris et coloris chlorotici, annos circiter XVII. nata, tantumque intra tres quatuorve menses menstruari solita, ab aliquo jam tempore querebatur de sapore amaro, ructibus acidulis et doloribus in regione abdominali. Malis his accidebant ventris inflationes, murmura, globuli ad fauces ascendentes sensus, cum caloris frigorisque vicissitudine. Tempore matutino multum salivae in ore confluebat, linguaque muco flavo obducta cernebatur, et tantum singulis tribus diebus sedes. Emetico sumto aliquantulum bilis viridis reddidit, quo facto sapor amarus et ructus acidi cessarunt, ceteris symptomatibus haud quaquam mutatis. Vocatus die VIII. Martii praescripsi florum Zinci tria grana cum scrupulo dimidio sacchari, quater de die sumenda.

D. IXno invisi aegram, quae nullam omnino nauseam neque alia incommoda ex assumpto pulvere senserat, perque noctem bene sudaverat. Dolores ventriculi valde quidem imminuti; reliquus vero status idem. Pulveres hoc die datos sequutae sunt duae sedes.

D. Xmo dolor ventriculi fere omnis discesserat, reliquis symptomatibus imminutis: de nocte aegra multum sudaverat, semelque alvo soluta est. Florum Zinci dictam dosin perrexit sumere.

D. XI. cardialgia prorsus cessavit et aegrota conquerebatur tantum de ructu molesto et dolore abdominalis leviori.

## EXPERIMENTVM SEXTVM.

Femina triginta fere annorum laborabat carie ossium humida, magnam tibiae partem afficiente. Huic cariei juncta erant ulcera, pessimum ichorem, foetoremque insupportabilem spargentia, et cum excrescentiis spongiosis cyathi majoris altitudinem et ambitum aequantibus, osque affectum operientibus, circumsepta. His excrescentiis fungosis flores Zinci mane vespereque inspersi sunt, quo facto postridie jam contractae satis apparebant, et continuata inspersione eadem ita fuere imminutae, ut post quinque dies peripheriam monetae Imperialis et dua-

rum linearum altitudinem aequarent: foetor itidem valde minutus. Idem remedium tentavi postea saepius semperque effectu simili.

### EXPERIMENTVM SEPTIMVM.

Magno vulnere inspersi flores Zinci, quin aegrotus ullum inde sentiret dolorem, aut ullum aliud incommodum. Sex horis post inspecto vulnere nil mutatum animadverti, praeterquam quod ipsius rubor auctus videretur. Continuavi idem, et quidem eodem effectu.

### EXPERIMENTVM OCTAVVM.

Ulcus quoddam herpeticum, thalerum magnitudine aequans, a quinque jam septimanis oitum unguento ex drachmis duabus florum Zinci et drachmis sex axungiae suillae recentis intra octiduum perfecte sanavi.

### EXPERIMENTVM NONVM.

Die XVI. Febr. 1792 catello, cui jam ante (Exper. Ino) doses flor. Zinci majores exhibueram, quotidie ad X gr. dare perrexi. Nullam quidem mutationem visibilem animadverti, praeter semper fluentem alvum, et crescentem indies maciem. Circa finem Martii minorem observavimus paralyseos gradum in pedibus posterioribus, et excrementa paullatim duriora. Duplicabam igitur medicaminis dosin. D. VII. Aprilis cibos respuit, multumque latravit valdeque tristis erat: alacritas altero die rediit.

A die XV. ad XX. quotidie exhibui drachmam unam: die XVII. pejus sese habuit quam VII, tamen redeunte diarrhoea, alacritas multo major, quam antea extitit.

Eundem canem Clar. Reil tradidi, qui in sectione animadversa in libro promisso indicabit.

Ex allegatis, quae ipse institui, experimentis, colligendum esse existimo:

*Primo.* Florum Zinci majores, quam hucusque medicis visum est, a dimidio usque ad duo grana praescribentibus, doses absque magno periculo posse exhiberi, id quod, ut opinor, Exper. I. et II. satis evincunt, confirmatque idem DE LA ROCHE \*) qui eosdem repetitis vicibus

\*) Frankfurter med. Wochenblatt fürs Jahr 1780. p. 299.

ad 20 — 30 grana de die dare non dubitabat. Etiam WITHERS \*) augere coepit dosin ad viginti grana. Ceterum prudenter ab initio periculi faciendi duo tantum vel quatuor praebebimus grana, numerumque eorum provehemus sensim, prouti major minorve perceptus fuerit effectus, idque imprimis in subiectis debilioris teneraeque constitutionis, in quibusque acrimoniae in primis viis suspicio subest. Quum enim, ut notum, calx Zinci in quovis acido solvatur, indeque nauseam vomitumque moventia salia formet, si ergo multum acidi in ventriculo reperiunt, illis irritantem, acrem, contrahentem ac vitriolo albo similem qualitatem impertiunt, qua in personis debilioribus effectus vehementiores interdum excitantur.

*Secundo.* Flores Zinci vi 1) acrimoniam acidam infringendi, 2) adstringendi, 3) nauseam et emesin ciendi 4) leniter aperiendi, 5) vi demum diaphoretica, 6) anthelminthica, 7) et antispasmodica esse praeditos; iis quoque diuturniori usu adhibitis eundem, quem calci saturni effectum adscribo.

Jam vero medicamis nostri vires ex ordine et propius describere liceat.

1) Nemo fere dubitat, quin acrimoniam acidam infringere valeat, cum instar terrarum absorbentium acidis facile solvatur. Idem jam GAUBIUS sensit, atque, idcirco primum flores infantibus dedit ex acido primarum viarum convulsis, successu admodum fortunato.

2) Vim adstringentem sextum experimentum satis jam probat, qua de causa in morbis supra (§. IV.) allegatis exitu sperato, ut opinor, adhibebuntur, quod et octavum experimentum aequae ac observationes Clarissimorum medicorum confirmant. Etenim quum experientia doceat, externe inspersos detergere, exsiccare et adstringere, verosimile erat, pari modo internas quoque partes iis affici. Hancce conjecturam satis probavit experimentum secundum: Medici quidam ob hanc vim adstringentem conjectaverant, flores Zinci interne administratos valide roborare et adstringere, et in hunc finem eos proposuerunt.

\*) *Thomas Wither* Abhandl. von der Engbrüstigkeit und Heilkräften der Zinkblumen, a. d. Engl. v. Fr. Michaelis, 1787.



Ceterum interne ad adstringendum, ad roborandum et ad acidum primarum viarum absorbendum, corrigendumve aliis remediis longe cedunt, et numquam sunt adhibendi, quoniam id tutius et melius praestant alia remedia.

3) Gaudere eos virtute, nauseam vomitumque movendi; patet ex primo, tertio et quarto experimento ne-  
moque id negavit praeter *CARMINATUM*, qui flores Zinci toties ad nauseam et vomitum concitandum pares esse, contendit \*), quoties in calcem non satis essent conversi: tunc enim eos emeticam, qua fecus idem Zincum pollet, facultatem non anittere, asserit, qua plane privarentur calcinatione perfecta. Ad probandum adsertum allegat, duas mulieres sine omni molestia duo grana Zinci bene calcinati deglutisse; at sumtis granis duobus medicaminis imperfecte calcinati, alteram nausea, cardialgiaque correptam esse, alteram vero pulvisculum vomitu reddidisse. Sed Viro summo non solum mea experimenta, primum et tertium, verum et observata magnorum medicorum repugnant. Et quare, (si is effectus ab imperfecta calcinatione pendet) prima dosi tum saepe vomitus movet, reliquis otiosis? Si quispiam autem quaerat, cur flores Zinci, minima dosi absumpti, interdum vomitum, alias vero, copiosius adhibiti, numquam nauseam et vomitionem concitarint, respondebo, me prorsus ignorare, num vi quadam nervos musculosque irritante, qua initio stomacho insolita, aut in subjectis mobilissimo fibrarum genere, et stomacho valde sensibili praeditis, producant, quam deinde ventriculo huic remedio adfuescente, aut in hominibus non tam sensibili stomacho donatis; an theoria *GOLDWITZII* infra alleganda majori gaudeat verisimilitudine.

4) Adscribendam floribus nostris esse vim leniter aperienti, commonstrat quartum et quintum experimentum, idque jam *GLAUBERO* observatum est, ut et *GEOFFROYO*, *HUFELANDO* aliisque. Multi e. g. *GAUBIUS* hanc virtutem non animadverterunt, cum Zincum iusto minori dosi darent.

5) Vis diaphoretica florum nostrorum tertio, quarto

\*) *Carminari opuscula therapeutica* Vol. I. 1788. p. 90.

et quinto experimento evincitur, eamque testantur RO-BOL. \*) et HUFELAND \*\*).

Licet vero nemo facile flores Zinci adhibere velit pro emetico, laxante vel diaphoretico, (quem in finem meliora magisque secura adfunt remedia): tamen et hasce virtutes hic allegasse non erit superfluum, cum omnes florum Zinci effectus in corpus humanum enarrare animus sit, tum quoque, ut qui eis ceu anthelminthicis, vel antispasmodicis uti velit, ad dictas virtutes respiciat, quo melius casus, quibus sint adhibendi, determinet.

6) Flores Zinci etiam esse efficacia anthelminthica et quidem praecipue ascarides iis pelli, docet quartum experimentum. Plures de hac re observationes reperiuntur in *Frankf. med. Wochenblatt*, f. Jahr 1787. p. 184. et HUFELANDO l. c. Celeb. MOENCH \*\*\*) praceptor omni pietatis cultu prosequendus, flores Zinci ut anthelminthica et praecipue contra ascarides praedicat. Reliquis anthelminthicis praestare videntur, eo quod

- a. Omni sapore et odore carent, ideoque omnibus etiam delicatissimis infantibus facile ingeruntur:
- b. Quod ad convulsiones et spasmos a verminibus ortos, eos adhibere possumus, dum causam remonent et effectum tollunt.

7. Virtuti eorum antispasmodicae id referunt, quod locus ipsis inter medicamina sit concessus. Eam virtutem vix aliquis, tot tantisque testimoniis Celeberrimorum medicorum exstantibus, vocaverit in dubium. Verum quidem est, nostros flores non ubique vim illam exferere, ideoque nomen specifici infallibilisque remedii jure haud ferre, neque desunt observata, eos ad spasmodicos et convulsivos morbos vincendos aut leniendos impares fuisse, nullamque salutarem mutationem effecisse, immo interdum et nocuisse. CARMINATI innixus experimentis institutis omnem fere ipsis efficaciam negat.

Vis quidem florum antispasmodica indubia, at tamen

\*) In Sammlung auserl. Abhandlungen f. pract. Aerzte, 7 B. 3 St. p. 447

\*\*) Bemerkungen über die Blattern, 1789. p. 124.

\*\*\*) Ejus systematische Arzneimittellehre, 1789. p. 237.

difficillima est explicatu. Ex partibus constituentibus eorum eadem non poterit determinari, ideo ex phaenomenis certis erit deducenda. Quare et NICOLAI \*) et GREN \*\*) ex vi emetica florum efficiunt, eos etiam tunc, cum nulum moveant vomitum, irritando tamen agere, et hinc ortam irritationem aliam, spasmos cientem, tollere, Flores DUNKANO videntur in nervis mutationem eam efficere, ut causa irritans convulsiones non amplius creat. HIRSCHHEL \*\*\*) quocum explicatio cl. HERZII convenit †) affirmat, flores Zinci nervis commutationem impertire, quae paulo post spasmos et convulsiones tollant seu leniant, nervisque hujus mutationis, et quidem mox adfuetis, nullam amplius salutarem commotionem producant.

GOLDWITZ ††) ex eo, quod ipse sumtis Zinci floribus post cibos acidos cardialgiam, vomituritiones etc. passus sit, quod vero ejusmodi dolores etc. dum ab his cibis per aliquot dies abstineret, non secuti fuerint, concludit: eos interne administratos toties esse efficaces, quoties acidi quid reperiunt; cui irritantem, contrahentem, vitriolo albo similem valdeque nauseosam addant qualitatem, quae praesentem in ventriculo acrimoniam, interdum spasmos moventem, immutent, et ratione a NICOLAI et DUNKAN descripta operentur. An vero hoc vel alio specifico modo flores nostri efficaces sint, decernere non audeo.

Flores, ut remedia antispasmodica considerati, ab aliis ejus generis praecipue differunt, quod

- a. Omni gustu odoreque vacant
- b. turgescunt sanguinis haud augent, nec pulsus celeriores, validiores (iuxta dosi admodum propinata) reddunt,
- c. diaphoresin promovent
- d. vermes pellunt,
- e. excretionem canalibus intestinalibus non ut alia remedia antispasmodica sistunt, sed adjuvant.

\*) Ejus Recepte und Kurarten I. B. Jena 1788 p. 856.

\*\*) — Handbuch der Pharmacologie Th. II. p. 310.

\*\*\*) Ejus Nebenstunden S. 190.

†) Briefe an Aerzte I S. p. 136.

††) Frankfurt. med. Wochenbl. fürs Jahr 1780 p. 536.



Ob istam virtutem antispasmodicam in sequentibus praecipue morbis laudantur,

a. in *Convulsionibus ac spasmis*, praecipue iis, quorum caussa in nervis simpliciter haeret \*) aut quae acido primarum viarum \*\*) vermibus \*\*\*) et retro-pulsis capitis exanthematibus †) proditur, inque omnibus convulsionibus, certe infantum ††), cum primis illis, quae variolas aliaque exanthemata praecedunt †††).

b. In *epilepsia*, a causis ad convulsiones indicatis orta \*).

\*) *Gaubius* l. c. *Hart. diss. de Zinco*, ejus florum usu med. observ. confirmatis Lugd. Batav. 1772. *De la Roche* im Frankfurter med. Wochenblatt fürs Jahr 1780 p. 285. 312. 326. *Nebel. ibid.* p. 350. *Hoffmann* *ibid.* p. 419. *Velling* *ibid.* fürs Jahr 1781 p. 283. In *Hurlebusch* *diss. Zincum med. inquirens*, Helmstaedt 1776. *Martini* praef. *Crell* *diss. de Zinco med. recent. observ. sistens*, Helmst. 1780. *Morin* im Journal de med. chir. et Phar. T. LIX. *Herz* Briefe an Aerzte, I S. p. 116. *Baldinger*, praeceptor pie venerandus. Im neuen Magazin für Aerzte, I. B. 3 St. p. 43. *Odier* in Edinburg. med. Comment. 3 T. 2 St. p. 204.

\*\*) *Martini*, *Gaubius* et alii jam allegati. Item *Mellin* Kinderarzt, Kempten 1782. Et ejus *mat. med.* p. 356. qui etiam efficaciam florum adversus diarrhoeam et vomitum ab acido primarum viarum ortum expertus est. Frankf. med. Wochenbl. 1780 p. 510.

\*\*\*) *Moench* Arzneymittel. Lehre p. 276.

†) *Robols* auserlesene Abh. für prakt. Aerzte, VII B. 3 St. p. 450. flores Zinci eo cum effectu dedit, ut aegroti aliquorum dierum spatio sub usu hujus remedii a convulsionibus immunes essent, et tinea capitis retropulsa prodiret.

††) *De la Roche*. *Mellin*, l. c. *Beaume*, in Journal de med. et Chir. T. LIX. p. 523. *Hufeland* l. c.

†††) *De la Roche* et III. *Hufeland* l. c. praecipue eos valdopere laudat in stadio eruptionis variolarum, si symptomata maligna, e. g. sopores, deliria, subsultus tendinum, Convulsiones, diarrhoea aquosa, symptomata verminosa ad eruptionem cunctatam, et interruptam accedunt, virtutesque supra laudatas propria experientia edoctus, vir summus affirmat et stadio suppurationis eos opio, cortice chinae etc. pro conditione rei, fortunato adhibuit successu.

\*) *Observ. v.* in *Hart. et Hurlebusch* etc. l. c. in *Edinburg. med. comment.* I. Th. 2 St. p. 229. et 4 St. p. 468. II. Th. 3 St. p. 316. III. Th. 1 St. p. 105. IV. Th. 3 St. p. 330. V. Th. 1 St. p. 89. In *Act. Societ. med. Hafniens.* V. l. p. 451. In Jour-

- c. In *chorea sancti viti*, quem morbum egregie sanant a vermibus praesertim oriri solitum \*).
- d. In *tussi convulsiva*. Hic vero in secundo tantum stadio, ubi morbus a sola impressione nervosa procedit, indicantur \*\*).
- e. In Asthmate convulsivo \*\*\*).
- f. In *malo hysterico* †), in insultibus hystericis optimum saepe celerrimumque praestant effectum, qui tamen in hoc morbo non solet persistere diu. Si autem malum a sola consuetudine sustentetur, et pertinax sit, flores Zinci certe, cum eruptionem quorundam paroxysmorum impendant, perfectam sanationem praestare poterunt.
- g. DE LA ROCHE ad tollendam maniam a febre residuam ††) itemque in ischuria spastica †††) ac colica spasmodica fausto successu floribus usus est.

8) Diuturnum continuatumque usum medicaminis nostri fere eandem, quam calx saturni, praestare effectum meo jure ex Experimento secundo deducere posse videor. Credo quidem, ab iis phaenomenis, quae in animalibus brutis ex quibusdam remediis ingestis eveniunt, non omnino licere ad homines concludere; attamen, ad agendi rationem medicaminum nondum satis perspectam, eam erui, vel cognitam ulterius illustrare. Quum autem flores Zinci in cane, ratione structurae internae corporis homini non absimili; quique ut homo victu vegetabili et animali nutrirī solet, diu adhibiti, eosdem, ut calx saturni, effectus

nal de med. Chir. Pharm. T. LX. In *Tode med. chirurg. Biblioth.* VI. B. 1 St. p. 113.

\*) *De la Roche, Hart, Herz* l. c. *Edinb. med. Comm.* 2 Th. 3 St. p. 317.

\*\*) In *Hart. Hurtlebusch; Mellin* l. c. *Frankf. med. Wochenb.* 1. c. et 509 p. 669. *Percival.* in *Edinb. comment.* V. Th. p. 175. *Edinburg. med. comm.* VI. Th. p. 365. *Tode med. chir. Biblioth.* VII. B. 3 St. p. 471.

\*\*\*) *Thomas Withers* l. c.

†) *Obs. v.* in libr. saepe jam cit.

††) L. c. observationes duas quoque profert, quibus testatus usum florum hilaritate fuisse exceptum.

†††) *Abh. der Königl. Schwed. Acad. der Wissenschaften*, V. XXXVIII.

edunt e. g. horrentes pilos, paralyfin obftructionem alvi, faccem caprillam, contractionem inteftinorum, convulfiones, aliaque quae fere omnia calx faturni in homine etiam producit, quumque praeterea Zincum cum Saturno multum habeat fimilitudinis chymicae, itemque externe adhibitum eosdem, ac calx faturni, prodat effectus, conclusio haec noſtra ſuo talo ſtare videtur, eoque magis cum theoria medica noſtram ſententiam adjuvet: plumbum enim praecipue gaudet vi exſiccante, adſtringente et certo modo ſedativa: his qualitatibus producit contractionem inteſtinorum et vaſorum, hincque excretiones impediuntur, et faeces in canali inteſtinali contentae retinentur ac corumpuntur. Hinc viſcidus ille mucus, qui vigente iſto a plumbo orto morbo per vomitum rejicitur; hinc illa foetens acida acrimonia, magna bilis copia, quae partim vomitu ejicitur, partim in cadaveribus hominum, colica faturnina defunctorum, reperitur; hinc denique obſtructio alvina et contractio ventris intelligitur. Et quando partes plumbi adſtringentes, fibrasque irritabiles paralyſi afficientes in ſanguinem tranſeunt, producunt paralyſin, inſenſibilitatem, aſthma, athrophiam, infarctum, obſtructiones viſcerum aliaque mala. Spasmo ac ventriculi viſcerumque conſtrictione, eadem vi adſtringente plumbi producta, ſanguis in cerebrum ac alia loca congeritur. Quibus ex rationibus conſiderata hac qualitate conſenſuque primarum viarum cum reliquo corpore omnia fere ſymptomata colicae faturninae explicari, illuſtrarique poterunt. Ceterum lubens fateor, in doctrina hujus morbi multas ſuperſeſſe difficultates, quas ulterius excutere, hujus loci non eſt. Cum vero flores Zinci eadem \*) vi adſtringente exſiccante et ſedativa gaudeant, ut patet ex II<sup>do</sup>, V<sup>to</sup>, VI<sup>to</sup> et VIII. experimento, cur iisdem cauſis eidem effectus ſummo jure non adſcribantur? Objici quidem poſſet, ex interno ſorum

\*) Artamen dubito, an particulae adſtringentes calcis Zinci ad ſanguinem tranſeant: ex obſervationibus id certo non patet, mihiſque interdum viſum eſt, Zinci particulas faeci catellorum ineſſe, quin ſucco gaſtrico ſolvantur: id quod et *Spallanzani* reſtatur: quare et verosimilius eſt, maciem etc. a nimia contractione inteſtinorum, oriri.



Zinci usu numquam ejusmodi effectus apparuisse: verum id inde est, quod justo minori dosi semper sint dati, quodque eorum usus per nimis breve tempus fuerit continuatus: et pauca illa exempla satis diuturni usus contra nostram sententiam haud militant, cum et ipse saturnus interdum sine sensibili malo effectū sit adhibitus. Ea certe exempla solummodo evincent, flores Zinci serius, quam calcem saturni, malos prodere effectus.

Haec qui rite perpenderit, humani ac probi medici esse statuēt, ob ea, quae institui experimenta, paucissima (plura enim instituere temporis brevitās et occasio deficiens vetabat) in interno hujus medicaminis usu omni cautione uti, usumque ipsum justo diutius non protrahere: ac si quidem darentur casus longum medicaminis istius usum postulantēs, suaderem per intervalla saltim relaxantia, involventia, et reliqua a medicis pro antisaturninis laudata pharmaca dare: si enim utrumque metallum, chymice consideratum, magnam habet similitudinem eosque effectus in corpore humano prodit, morbis ab iis ortis sine dubio eadem remedia occurrent: qua de causa haec et tunc in usum vocanda forent, quando illa jam nocere coeperint.

## SECTIO II.

### DE BISMUTHO.

#### §. I.

Bismuthum, quod et stannum glaciale, Contrefeyn, Plumbum cinereum, Saturnus gryseus s. philosophorum, Antimonium album, marcasita, Pyrites cinereus, minera Saturni, magnesia saturnina, Electrum immaturum, tellurum argenti etc. nuncupatur, veteribus plane ignotum erat, nec ulli Romanorum, Graecorumve scriptorum vel nomine dictum, nec AVICENNAE adpellatione marcasitae videtur indicatum. Probabile igitur est, minerale istud a Germanis metallurgis ac Alchymistis detectum, vel siquidem jam fuerit Arabibus cognitum, certe evolutum praecipue et excultum. Ejus enim expressa primum sit mentio apud ALBERTUM MAGNUM \*) qui illi marcasitae no-

\*) In libr. mineralium libr. V. cap. 15.

men tribuit, itemque apud BASILIUM \*) sub titulo Bismuthi vel magnesia. Extra Germaniam illud diu incognitum exteri scriptores, vel plane non vel rarissime indigittantes, cum plumbō confundunt. e. g. FALLOPIUS \*\*) ALDROVANDUS \*\*\*). Interim et Germani ab hac confusione non raro sibi non caverunt, maximeque de essentia dissenserunt. Sic RULANDUS †) existimat, pallidissimum et vilissimum plumbum esse, BALISIUS et PARACELSUS, Bismuthum esse sobolem spuriam stanni. Alii autumant, esse istud argentum immaturum, aequo maturius e venis erutum, ideoque in sui progressu ad argentum impeditum, idque ideo, quod tantum in mineris Cobalti, vel cobalti et argenti reperiatur.

Sunt et alii, ut LEMERY ††) qui asserant, esse regulum stanni, ab Anglis artificialiter praeparatum, quique ex stanno, tartaro, nitroque, cui quidam arsenici quid admisceant, facile possit confici: sicque aliae compositionis ejusmodi artificialis methodi commendantur. Sed in executientis veterum sententiis non morabor, cum jam constet inter omnes, Bismuthum ex suo specifico desumi minero.

## §. II.

Historiam Bismuthi naturalem, rationem illud eruendi ejusque chemicas qualitates ob chartae angustiam hic transeo, pauca tantum de ejusdem calcinatione moniturus. Haec quidem fieri poterit vel sicca vel humida via. Bismuthum enim in aperto vase liquefactum, uti plumbum, flavescente terreaque cuticula obducitur, qua saepius sublata, tantem in calcem abit, quae calx, vel cinis Bismuthi appellatur: si autem igni fortiori fusorio ita exponitur, ut simul aër externus illud contingat, omnis superficies ejus parvâ flammâ ceruleâ emicat, spissoque fumo flavo, corporibus frigidis tenera forma adhaerente, obtegatur.

\*) In libr. de mineralibus p. 53.

\*\*) — de Fossilibus p. 322.

\*\*\*)) In musaeo metallico p. 161.

†) In Lex. alchim. p. 102.

††) In Lex. materialium p. 266. et in *Curso chemico* e. versione Zimmermanni p. 155.

Illā quidem calx flos Bismuthi dicitur. At qui in pharmācopaeis laborant, calcem nostram via humida conficere solent, et quidem ita: acido Nitri in Alembicum fuso, Bismuthum minutissimis particulis districtum injicitur. Bismuthum Acido statim vehementer corroditur ac per calorem effervescentiamque validissimam solvitur. Quum vero inter hanc operationem magna aëris nitrosi copia evolvetur, Bismuthum, minutius divisum, acido satis diluto indendum, quin solutio externo igne adjuvetur, ne secus tota massa facile effluat. Solutione perfecte saturata, interdum pulvis gryseo-nigrescens praecipitatur, quo secreto, solutio clare refusa coletur, majorique copiae aquae purae destillatae affundatur eoque modo ita diluatur, ut Bismuthum solutum retinere nequeat, quod tum inde forma pulveris candidissimi dejicietur, ac satis edulcoratum siccatumque servabitur. Haec calx dicitur magisterium Bismuthi, et a calcibus supra dictis tantum pulcherrimo candore differt.

### §. III.

Omnes istae calces igne amplius volatiles non sunt; facile vero liquefcunt, et in lebetē fusorio ope ignis fortioris consistentiam vitream nanciscuntur, atque ita per se oritur vitrum flavum pellucidum; quod vero non adeo cito, ut vitrum saturninum, lebetes penetrat at terras uti et calces metallicas ignobiliore vitrescere facit. Facillima calx nostra ope phlogisti reducitur, ab omnibusque acidis magis minusque solvitur: utut vero acidum aëreum promte suscipiat; aqua tamen, ejusmodi acido impraegnata, eandem non solvit: olea autem ferventia calcem nostram solvunt, sicque conjunctiones unguentis similes efficiuntur.

### §. IV.

Ob egregium splendidumque candorem teneritudinemque magisterium Bismuthi jam dudum pro cosmetico valde communi adhibitum fuit, qua de causa nobis *candidum cosmeticum*, (Gallis Blanc d'espagne, Blanc des perles, Blanc de plomb) appellatur. Praeter hunc vero usum calx Bismuthi jam ab antiquioribus medicis externe et interne



est commendata: ita enim commendatur \*), ad vitia cutis, Scabiem, Lentiginem, Ephelides, guttam rosaceam, atque ab Aliis ad faciem pruriginosam. Usus calcis praecedere jubent quidam laxantia. IACOBI \*\*) flores Bismuthi cum dimidia vel tertia parte salis ammoniaci sublimati in ulceribus septicis fistulosis, in ulcere miliari ex erysipelate orto, in fissuris papillarum et labiorum vel per se vel cum melle, et emplastri forma in durissimo et summo dolorifico splene externe valdopere commendat. Sic etiam alii laudarunt ad Tumores, obstructions Lienis, inflammationes, et ulcera exedentia, fistulas siccando et extergendo et LEMERY unam drachmam calcis hujus cum quatuor uncis aquae vel una unguenti pomati, scabiei asserit egregie mederi: eadem calx emplastrum Dippelii ad cancrum ingreditur; LANGIUS et BARKHYSEN eandem ut egregie refrigerans ac adstringens in gonorrhoea praecipue virulenta internis partibus jam inflammatis ac erosis praedicant. RIVINUS quoque calcem cum saccharo saturni vel vitriolo martis junctam saepe adversus fluorem album adhibuit.

## §. V.

Interne datam calcem vehementer laudat METZGER †) qui eandem specificum alexipharma minerali appellat in morbis acutis, contractura, arthritide, itemque (p. 106.) in affectibus ventriculi, cardialgia, Bulimo, pica, Soda, cephalalgia, Hemicrania, Asthmate, peripneumonia, obstructione Hepatis, ac cachexia. Commendat quoque eam in febribus intermittentibus, ac quartana, praegressis scilicet evacuantibus ut egregium, at ut certissimum remedium in febribus continuis, acutis, benignis et malignis, peste, purpura, variolis et morbillis ad 6 — 12 grana bis de die sumenda. KOENIG ††) calcem nostram esse ait praecipuum quoddam Bezoardicum minerali: antimonio

\*) In Pharmacopoea Bateana p. 107. in Rolfsine chimia p. 345. aliisque.

\*\*) In Diss. de Bismutho.

\*\*\*) In cursu chymico p. 160.

†) In tractatu de duobus specificis, p. 13.

††) In regno minerali.

diaphoretico aequiparandum vel certe anteferendum. CRAMER \*) magnas ei vires tribuit in morbis epidemicis, et IACOBI \*\*) in contractura manuum et pedum Arthriticorum, multum profluente urina: in acutis aestu nimio fervente laudat ut diapnoicum et alterans egregium pro calore imminuendo ad gr. III — X. En ejus verba! „pulvis flavus, ex Wismutho solo igne paratus vim habet in deliriis, affectibus uterinis, splenicis, cerebri apoplexia, epilepsia, calculo, obstructionibus viscerum ad 1. 2 grana.“ Itemque alio loco asserit, vitrum Bismuthi, caeruleum, per se praeparatum esse diaphoreticum et hydragogum instar omnium ad 2 — 3 grana. Celebratur \*\*\*) etiam calx Wismuthi in peste, contractura, quartana. In hydropse KIRCHER, CNOEFFEL et alii solutionem Bismuthi in acidis commendant.

## §. VI.

Attamen ingenti multorum commendationi, utpote falsa hypothese de concentrato in ipso spiritu mundi nixae, parum fidei adhibebatur eaque oblivione fere deleta fuit, donec Clar. ODIERUS, bismuthum ad curandos morbos nervosos inveheret †). Quum enim iste cum Cel. DE LA ROCHE de effectu metallicarum quarundam rerum, e. g. mercurii, cupri ammoniacalis et florum Zinci conferret, spem illi cel. medici conceperunt, Bismuthum ejus generis remedium futurum, quod vires metallis illis tributas possideret, eorumque simul qualitatibus noxiis destitueretur. Hinc calcem Bismuthi primo ad decimam sextam unius grani partem cum saccharo subinde exhibuerunt, diversis subjectis diverso successu. In nonnullis decima sexta pars grani nauseam, vertiginem etc. movit, in quibusdam grana duo nullum sensibilem effectum excitarunt. Nonnullis aegris quidem insigniter profuit; sed tam arduum visum est, ejus dosin constituere, ut viri cel. illud solummodo summa cum cautione, ut remedium ambiguum sive periculosum, et per plures deinde annos plane

\*) In medicina castrensi p. 114.

\*\*) L. c.

\*\*\*) In Taeda trifida chemica p. 261.

†) Sammlung auserl. Abhandl. für pract. Aerzte 12. B. p. 326.

non adhiberent. Cardialgia spasmodica, multis aliis remediis resistens, Cel. ODIERUM ad experiendum rursus compulit, et dum calx Wismuthi, initio ad octavam partem grani, deinde ad granum unum quater die sumptum, morbum sine molestiis solveret; hoc feliciter susceptum experimentum illum movit, ut vires calcis nostrae rursus in morbis nervosis et spasticis exploraret. Ex ejusmodi vero quam plurimis periculis observationibusque, dum aegris ad 2 — 12 grana quater de die sumenda, daret, collegit, calcem Bismuthi nullam noxam inferre ac vomitum, alvi fluxum, vertiginem etc. quae ex usu ejus interdum acciderent, a peculiari potius aegrorum natura atque a prima et stomacho insolita remedii actione, quam ab ejusdem nocua qualitate pendere, parvasque doses initio interdum majores molestias efficere, quam multo majores protractione usu. Addit demum, calcem nostram nullam internis aliisque partibus labem afferre, et denique morbos a sensorii communis passione ortos, ut e. g. epilepsiam, hysteriam perraro sanare; contra vero spasmis et doloribus ventriculi ab eo proxime affecto excitatis fere semper mederi. Etsi autem calx nostra interne a Cel. ODIERO non omnium primo data est, ut vulgo traditur, sed vires et effectus hujusce remedii jam alii (v. §. V.) detexerunt, eidem nihilominus et nomen et fiduciam apud artis cultores, ne quidem exiguam conciliavit. Deinde BEAUME \*) CARMINATI \*\*) et alii illud adhibuerunt, laudibusque cumularunt. E re igitur judicatum est, in aegris, cardialgia et malo hysterico laborantibus calcem Wismuthi experiri, quoties eam adhibendi occasio praesto esset, et in Schola clinica aestate praeterita multa pericula hujus rei institui-mus. Aegrorum quosdam perfecte sanabat, pluribus levamen addebat, paucissimis nihil proderat. Exemplorum loco sequentes historiae tres sunt.

## §. VII.

### I. HISTORIA CARDIALGIAE SPASMODICAE.

Mulier XL annorum, quae quarta vice jam cardial-

\*) Sammlung auserl. Abhandl. für pract. Aerzte 12. B. p. 568.

\*\*) Opuscul. therapeutica p. 96.



giam spasmodicam patiebatur, ceteroquin sana, XV Augusti, quo scholam clinicam adiit, interrogata hoc edixit: ante nonnullos ab hinc annos hancce cardialgiam per duos integros menses se passam esse vehementissimam, assidueque se affligentem. Quum vero hunc morbum ante annum postremo sufferret, is quoad durationem multo mitior erat. Jam a duabus septimanis denuo illa tentabatur, uti affirmabat, graviter. Ista vero affectio ita se habebat, ut per totam regionem epigastricam, imprimis sub hypochondrio sinistro, nec non circa vertebrae istae regionis respondentes, dolorem sentiret tensivum. Haec sensatio constrictoria saepius quoque omnem oesophagum percurrebat, et emesin excitabat, praecipue post assumptum, utut perpaucum cibum. Ceterum omnia erant naturalia, nisi quod haberet saporem depravatum, appetitum ciborum diminutum, sitim magnam, alvumque sequirem. Praescribebantur XV Augusti florum Bismuthi gr. jii. sacchari albi scrupulus dimidius, m. f. pulv. disp. d. IV. f. Singulis quatuor horis unus sumendus.

D. XVI. Post assumptam unam istius medicinae dosim per duas integras horas sensationem ventriculi urentem, et unam emesin materiae pituitosae acidae habuit, et post assumptum reliquum medicamenti illius fere omnis dolor spasticus evanuit. Praeterea ructus, alias assidui, nunc multo rariores fuerunt acidioresque ac antea. Flor. Bismuthi ad continuationem praescribebantur.

D. XVII. Heri hora pomeridiana tertia dolor ille urens sponte recruduit. Ructus tamen non ut antea frequentes, et nulla omnino, licet cibum solito largiorem assumsisset, emesis, neque sapor rerum alienarum. Hodie aegrotam affirmabat, dolorem circa vesperam semper exacerbari. Pulsus erat tardus, lingua albidus, sitis non ita magna ac heri et nulla alvi sedes. Flores Bismuthi sumere continuavit.

D. XVIII. Dolor ventriculi spasticus fere nullus, neque sensatio, de qua antea conquesta erat, urens maior, sed dolor pressorius per dorsum, ructus frequentes, lingua mucosa; una emesis materiae mucosae allevans, pulsus tardus et assumpto emetico pomeridie ejusdem diei una

emesis, unaque alvi sedes. Remissio dolorum. Floribus Bismuthi, uti heri, usa est.

D. XX. Dolor nullibi restans, si excipias levem sensationem, prementem in scrobiculo cordis. Hinc non nisi duo jam pulveres florum Bismuthi ex duobus granis cum sacchar. alb. dati: perfecte sanata D. XXII. dimissa est.

## II. HISTORIA MALI HYSTERICI.

Mulier XXXV annorum, constitutionis corporis debilioris, quae ante dimidium anni partum ediderat sanum, vehementer aegrotaverat ex anni quadrante doloribus hystericis spasticis, qui utrumque hypochondrium nec non scrobiculi cordis regionem occupabant, omneque dorsum percurrabant. Incipiebat plerumque talis paroxysmus in hypochondrio dextro, et diu vehementerque, imprimis ventriculo vexato desinebat, ut plurimum cum sensatione strangulatoria in gutture vomiturationeque pauculae aquae limpidae vel muci. Redibat plerumque tribus quatuorve vicibus per nycthemeron, quorum singuli tres quatuorve horas continuabantur. Lingua erat pura, sapor oris ac si ova putrida comedisset, appetitus ciborum nullus, alvus segnis. D. XXII Augusti praescribebantur pulveres ex granis  $\text{ʒi}$ . Flor. Bismuthi ac scrupulo dimidio sacchar. alb. quorum omni IVta hora unus sumendus.

D. XXII. Circa vesperam paroxysmus brevior solito, nempe per duas horas continuatus, sed nocte pertinacior: Ceterum nulla omnino sensatio singularis post assumptam medicinam.

D. XXIII. Ab hora vespertina septima, qua paulo prius pulverem assumerat, aegrota assiduam sensationem urentem per istas corporis partes, quas antehac dolor tensivus et compressorius tentaverat, experta est. Durabat hic dolor urens ad quartam usque horam matutinam, tamen absque dolore pungente. Sapor oris adhuc acidonauseosus: emeticum praescribebatur et flor. Bismuth. ad continuationem.

D. XXV. Post assumptum emeticum aegrota per magnam bilis atque muci copiam evacuavit. Hora vespertina decima iterum, et quidem post tres ab assumptione

florum illorum horas vexata est, non quidem a fuetis suis doloribus, nec sensatione urente, sed fornicatione quadam intollerabili. Praeterlapsa una hora quievit ad quartam usque horam matutinam suavi et recreante somno, quod ex pluribus, uti affirmabat, septimanis factum non erat. Hora VIta assumsit alium pulverem et hora octava sensatio supra descripta per unam horam recrudit, sed non ita vehementer. Jam lingua eius erat pura et rubra, pulsus major, quam heri, totus habitus vegetior.

D. XXVI. Aegrota pulverem gr. IV. flor. Bismuth. hora Vta, qua mediocritet bene se habebat, adsumsit. Quo facto hora VIta repente ab intollerabili fornicatione in iisdem partibus corporis, quae alias a dolore premente pertentatae sunt, excruciatu est, ita, ut per omnem noctem vix oculos clauderet. Hora sexta matutina, qua iterum pulverem granorum duorum assumsit, ab ista sensatione erat libera; sed hora octava iterum, licet levior, apparuit, per unam horam continuans. Qua durante sensit quidem dolorem, jam simul pressorium, sed perlevem. Lingua ejus erat pura et rubra: pulsus debilis.

D. XXVII. Dolor ventriculi spasticus aliquoties recurrens, sed horae quadrantem non excedens: At fornicatio ferme perpetua, imprimis per noctem.

D. XXVIII. Aegrota non ita molestata est, interim fornicatio, sed tolerabilior, ac antea.

D. XXIX. Omnia ut heri, sed ineunte nocte per quatuor horas ab atroci dolore spastico, qui sequentibus diebus saepe recrudit, vexata est, floribus Bismuthi solis incasum adhibitis: Paroxysmus hic hystericus, et fornicatio illa floribus nostris, opio et extracto gentianae conjunctis, tollebantur.

### III. HISTORIA MALI HYSTERICI.

Mulier L annos nata, constitutionis corporis debilioris, jam ex XIV. annis malum hystericum passa fuerat. A. d. III. Junii denuo ab illo tentabatur. De clavo hystérico, vertigine, tinnitu aurium, repentina suffocatione cum tumore per modum strumae protrusae, quem globum hystericum appellant, de subita pectoris oppressione,



appetitu ciborum diminuto, ructibus acidissimis, flatibus, borborygmis, torminibus et obstructione alvina querebatur. Aliis antihysteriis sine utilitate adhibitis, jubebatur Die XXVII flor. Bismuth gr. II. cum sem. foenic. scrupulo dimidio mane et vesperi sumere.

D. XXVIII. post assumptam medicinam nullam molestim habuit. Hodie omnia symptomata multo leviora, dolores spastici, tormina, inflationes ventriculi etc. remiserant. Medicina, eadem dosi sequentibus diebus continuata, non nisi de flatibus conquerebatur. D. Imo Julii autem spasmi non quidem tam vehementer quam alias recrudescentes, granis III. flor. Bismuthi assumptis statim cessarunt. Eandem dosin florum quotidie mane et vesperi assumere continuavit, quo omnibus affectibus hysteriis, si leviores inflationes ventris et ructus excipias, libera fuit. Hae, die Vto Julii cessabant, affectiones hystericae non amplius revertebantur, et dum per aliquod tempus floribus Bismuthi uti perrexerat aegrotā, sana dimissa est.

#### §. VIII.

Modo transeo ad ea pericula, quae ope calcis Bismuthi in hominibus et animalibus brutis ad proprios eruendos effectus ejus institui.

#### EXPERIMENTUM PRIMUM.

Catello jam seniori d. XXIVto Januarii tempore matutino et pomeridiano unam pro dosi drachmam florum Wismuthi dedi, sed sine omni maligni effectus signo.

D. XXVto post meridiem hora secunda drachmas tres temque hora tertia drachmas duas, et postero die drachmas sex simul cani per longum tempus impranso cum lacte infudi; verum neque alium tunc effectum vidi; nisi quod livus his diebus flueret.

#### EXPERIMENTUM SECVNDVM.

Puellae sanae annorum viginti duorum fortioris vitaeque constitutionis, victu crudo et imprimis farinaceo vivere solitae, die XXImo Januarii 1792 jejuna exhibui pulvisculum granorum octo florum Wismuthi et scrupuli imidii sacchari, sine ullo sensibili effectū.

D. XXII<sup>do</sup> pulverem sumsit item jejuna XVI granorum et

D. XXIII<sup>to</sup> alium XXIV granorum: nullus incommodi sensus, sudor vero de nocte largior: puella ceterum sudori haud sueta erat, omnique, quo magisterium Bismuthi sumsit, tempore, tenui tegumento tegebatur. Sedes naturales.

D. XXV<sup>to</sup> XXX grana secutae sedes tres; sudor de nocte fortior cum peculiari sensu urente cutis, nulla praeterea incommoda.

D. XXVI<sup>to</sup> more solito scrupulos duos sumsit, quos exceperunt nauseae, confluentes in ore salivae, ructus, calor auctus et pulsus celerior. Eodem die vesperi, comestis ptisana hordei, scrupulos duos pro dosi assumpsit. Nulla ab initio incommoditas vel nausea; sed sudor consueto largior de nocte, urensque per cutem calor, quem ipsa nequibat describere, vehementes nauseae et vomituriones. Cessarunt quidem mox symptomata praeter sudorem et calorem in cute, qui et postridie, cum eam hora X inviserem, jam dudum cubitu egressam et tenui solitoque vestitu indutam in cameraque temperato calefacta sedentem adhuc persistere et usque ad meridiem duravere. Tunc nulla incommoda amplius sensit, praeter quaedam torminariora. Sedes utroque die fluidae.

De die XXVII<sup>mo</sup> floribus Bismuthi abstinens perfecte sana fuit.

Die II. Feb. sumpta drachma dimidia florum accessit quaedam nausea et per noctem sudor vehemens cum calore. Sedes pulsusque naturales.

D. III. Febr. mane sumsit eandem dosin sine omni nausea cetera symptomata hesternis paria: sedes naturales.

D. IV<sup>to</sup> Drachmam unam comedit, quam exceperunt nauseae, ructus vehementiores et quidam vomitus cum pulsu celeriori. At omnia cessavere symptomata post ptisanam avenae assumptam. Vesperi ejus diei drachmam sumptam eadem, quae d. XXVI Jan. symptomata sunt intecuta, tandemque postridie circa meridiem prorsus quieverunt. Ceterum puellae toto tempore, quo medicamen su-



mebat, appetitu valuit, neque ullum maligni ejus effectus vestigium sensit.

### EXPERIMENTUM TERTIUM.

Septem pueris annorum 10 — 13 constitutionis robustae, crudis digestuque difficilioribus alimentis, ut pane atro, fructibus solani tuberosi aliisque id genus se nutrientibus, cetera sanis, nisi quod nonnulla symptomata verminosa apparerent.

Die XIIIto Martii 1792 grana VIII calcis Bismuthi cum scrupulo dimidio pulveris rad. liquir. sumenda exhibui, eo quidem fine, ut periculum facerem, num et haec calx seu flores, ut Zinci flores, vim anthelminthicam haberent. Puerorum duo nullum prorsus sensere effectum, duo alii lenia quaedam tormina, tres aliquoties alvum solverunt, horumque duo sine torminibus, unus cum iisdem. De nocte sudavere quinque, alias sudare haud soliti.

D. XIVto. eadem dosis data. Tres leniter alvum posuere, quorum duobus multum ascaridum abiit; quatuor reliquis nullus medicaminis effectus. In omnibus pulsus naturalis, neque calor auctus, neque functiones immutatae.

D. XVIto nihil datum. Quatuor pueri, qui praeterito die nihil senserant, et hoc die optime valebant: duo per sedes fluidiores magnam ascaridum copiam dejiciebant. — Unus autem illorum constitutionis non admodum firmae, irritabiliorisque, quam reliqui, hoc mane de dolore ardente, lancinante; diversas plagas abdominis invadente, calore urente, temulentiaque querebatur. Aliquoties copiose alvum dejecit, et videbatur aliquid levaminis inde habere. Pomeridie aegrum vertiginosum, temulentum solitoque morosiores deprehendi. Aspectus ejus erat meditabundus, moerens, abdomen molle, manu contrectante dolor non augebatur, praecordia tamen attactum averfabantur. Lingua pura, ructus amari et acido austeri. Ceterum conquerebatur aeger de dolore capitis et abdominis, sapore amaro, siti magna. Pulsus erat durus, plenus et frequens. Hodie praescripsi ol. amygdalar. et opium cum infuso et extr. flor. chamomill.



D. XVII<sup>mo</sup>. Per noctem bonus somnus, interdum tamen pavores, terriculamenta, borborygmi, et circa aurorum una sedes, et vomitus crebri biliosi. Mane, cum spectarem, dolor abdominis quidem levior, sed nunc lumbagine et difficili per vices respiratione conjunctus. Pulsus durus, plenus, sed minus frequens ac heri. Reliqua ut heri. Praescripsi laxans e manna. Opium cum inf. flor. cham. ad continuationem.

D. XVIII<sup>vo</sup>. Heri pomeridiano tempore dolores colici et Lumbago aliquid remiserant. Per noctem habuit sudores, bonusque somnus sine pavoribus, terriculamentisque, aliquoties alvi sedes et mane vomitus crebri biliosi. Hodie aegrotus a Borborygmis et lumbagine liberatus fuit. Dolores colici valde remiserunt. De vertigine, temulentia, cephalalgia, sapore amaro, ructibus amaris acido-austeris demum conquerebatur. Lingua erat albida et flavo muco obducta, respiratio bona, et plane libera, Pulsus adhuc durus, calor naturalis. E re judicavi emeticum et continuationem illius medicinae.

D. XIX<sup>no</sup>. Post assumptum emeticum tres vomitus aeger habuit, et eo a magna copia bilis viridis liberatus est, et duae alvi sedes infecutae. Hodie secundum aegroti assertum dolores colici, et illi, quasi rheumatici fere plane cesserunt. Sed cephalalgia, temulentia et vertigo adhuc restabat. Pulsus minus durus ac heri, calor naturalis, appetitus ciborum nullus, sitis naturalis. Medicinam pristinam ad continuationem praescripsi.

D. XX<sup>mo</sup>. Omnia meliora, et nil molestiarum restabat, nisi levior cephalalgia et temulentia, Pulsus fere naturalis, appetitus ciborum nullus. Medicina continuata.

D. XXI<sup>mo</sup>. Nullus amplius dolor, nox quieta, lingua pura, pulsus naturalis et nil morbosus, nisi debilitas et levior temulentia restabat.

D. XXII<sup>do</sup>. Omnia naturalia, temulentia etiam plane cessit.

#### EXPERIMENTUM QVARTVM.

Sartor, scabie humida jam per longum tempus detentus et sub exitu Februarii in Nosocomium illatus mihi

occasionem praebuit, experiundi, quid calx Bismuthi in scabie externe adhibita praestaret. Pustulae ejus, acrem ichorem plorantes, universum fere corpus affecerant, imo in extremitate inferiore dextra confertissimae, et suram praecipue ulceribus superficialibus latis et pruritu valde molestis foedaverant. Praescripsi unguentum ex drachmis duabus Calcis Wismuthi et drachmis sex axungiae suillae recentis, quo eum jussi ulcera lata in sura inungere, quae mox oboriebatur crusta, atque ulcera intra biduum sanata sunt. Bono successu laetus aeger omnem fere extremitatem inferiorem hocce unguento bis terve de die illivit, intraque quatuor dies omnes pustulae ulceraque lata primum aruerunt, et deinde crustis delapsis sanata sunt; ea vero, quibus unguentum non fuerat adhibitum, quamvis reliquis proxima, persistere ut antea. Quum autem scabies jam inveterata per totumque corpus diffusa esset, ne quid incommodi majoris accideret, experimentum Bismuthi non continuavi, sed sueta interna et externa remedia exhibui.

#### EXPERIMENTVM QVINTVM ET SEXTVM.

Magisterium nostrum vulnere recenti ac excrescentiis fungosis supra (exper. VII. de Zinco) descriptis sparsum eosdem, ac flores Zinci, produxit effectus.

#### EXPERIMENTVM SEPTIMVM.

A Die XXVto Januarii catello adulto quotidie X grana florum Bismuthi exhibebam, quae vero sensibilis mutatio haud excepit, praeter alvum laxam: diebus XXX et seq. excrementa naturalibus duriora. Jam ineunte Febr. parum cibi appetebat: medio Februarii pedes posteriores paralyfin passi cernebantur, quos rigidiores trahebat; capilli horrentes, ipsumque animal sensim marcescens.

Die XX. Febr. animal omni cibo abstinuit, toto die latrans, seque in strato volutans: excrementa lapsis diebus jam duriora.

Die XXI. mo. catellus alacris erat, cibumque sumebat: major autem paralyfis pedum posteriorum. Dosi florum Wismuthi duplicata nullus effectus sensibilis.



Quia vero tempus mihi non per mittebat, experimentum continuare, catellum ILL. REILIO tradidi, qui ubi per sufficiens tempus doses Bismuthi continuaverit, sectionem in libro suo describet.

### §. IX.

Haecenus experimenta et observata, quae ad veras calcis Wismuthi facultates eruendas suscepi, et singulatim enarravi, circumstantia ne minima quidem omissa, cum artis gnaris satis constet, quod levis interdum visa res, de qua nemo cogitavit, viam ad penitiorum rei alicujus cognitionem sternat, qua vero neglecta et insuper habita, in suspenso haec vel illa relinquuntur.

Quid vero ex iisdem liceat statuere, tam perspicue ostendunt, ut illud ipsum modo persequi superfluum videri quibusdam facile possit. Praecipua, quae inde consequuntur, tamen obiter attingam.

Primo itaque evincitur, calcem Wismuthi nullam molestiam (si exceperis leviora ventris tormina et ardorem urentem) nullamque functionum perturbationem, nec vomitum generatim attulisse, etiam si largius quam quisquam consueverit, adhiberetur. Diaphoresin autem plerumque et alvi fluxum interdum, majori dosi adsumtam promovere.

An conjectura mea, flores Bismuthi anthelminthica virtute gaudere, vera sit, ex experimento tertio certo concludere non licet, dum solummodo in duobus pueris, in quibus alvi fluxum produxit, ascarides evacuaverunt.

Admitti autem debet, calcem Wismuthi, in parva dosi etiam adhibitam in cardialgia, et iis in morbis, ubi princeps sedes et causa aut in stomacho haeret aut in eo malum praesertim se exserit, fere semper perfecte sanare aut saltem eam insigniter, inter exiguum temporis spatium mitigare, tum in aliis spasmodicis morbis, qui a primaria cerebri nervorumque passione orti sunt, nihil aut parum sane prodesse. Cel. CARMINATI experimentis innixus quoque putat, remedium hoc, non in eo modo dyspepsiae specie, quae a causis ventriculum proxime afficientibus, proficiscitur, apprimè convenire, sed et aliis symptomatibus, in quibus ventriculus simul aut primario afficitur,



salutare esse. Quonam modo autem effectus exserat, determinare nequeo, interim auguror, irritabilitatem et sensibilitatem nervearum carnearumque fibrarum ventriculi subito obtundi et spasmos hoc modo solvi, ac denique ob vim suam adstringentem (quam exper. V. probat) in dyspepsia CULLENII non mediocrem utilitatem afferre, ut CARMINATI affirmat: nam hac vi, distensas et relaxatas fibras ventriculi constringit, stratumque illarum robor restituit; etsi ad hunc usum aliis remediis cedat. Credo autem, ob eandem virtutem adstringentem et exsiccantem illud in iisdem morbis externis, in quibus Zincum laudatur, bono eventu adhiberi, usum vero ejus cosmeticum esse nocuum: quum nimio usu partes has exsiccet et in senio multo deteriores post se relinquat.

### §. X.

Calx Bismuthi ob egregias celeresque virtutes antispasmodicas, utique inter utilissima quaevis remedia merito referretur, si quidem noxiis sequelis omnino libera esset. ODIER, BEAUME, CARMINATI (qui a paucis granis ad scrupulum integrum exhibuit) affirmant, nullam manifestam mutationem nullamque noxam generatim attulisse, et symptomata post remedii hujus usum in quibusdam aegris a Cel. ODIERO observata, neutiquam noxae ejus indoli, sed idiosyncrasiae aegrorum adscribenda esse, id quod etiam I. et II. dum experimentum videtur comprobare. Verum enim verò jam HOFFMANNUS et LAMORT propter vim emeticam deleteriam et adstringentem incertis pharmacis eam adnumerat. STHALIUS eandem rejecit, quod anxietates praecordiorum ejus usum sequi viderat. Juvat et addere POTTII verba \*). „*Applicatio reguli ad mangonia vini propter exortas exinde colicas spasmodicas et pareses jam dudum suspecta fuit.*“ Provocat ad Ephem. Natur. Curios. Dec. I. An. II. obs. 39. *Wepferum* de apoplexia et *Zeller* de vino lithargyriato. At Illustribus GRENIUS \*\*) suo jure observat, his testimoniis fidem haud largam haberi oportere, cum olim de characteribus

\*) V. Observ. et animadvers. Coll. I. S. 174.

\*\*) Handbuch der Pharmacologie, II. Th. p. 308.

orygtognosticis parum fuerint solliciti, et plumbum pro marcasito seu Bismutho habuerint. Hanc enim confusio- nem sat olim crebram fuisse, supra notavimus, ex eoque demum magis confirmatur, quod tunc opinarentur, Bis- muthum acidis vegetabilibus saporem dulcem saturninum addere, quem errorem jam POTT pluribus locis refellit. Cel. GREN, ut arbitror, ex recentioribus fere solus est, qui omni cautione ad usum hujus remedii accedere jubeat. Quamvis enim ipse malignos ejus effectus haud vidisset, ex sola tamen analogia illius cum plumbo chymica deducit, liberum alias phaenomenis malignis visibilibus, similes plumbi sequelas noxias post se trahere. Experimentum Illitium et Vllmum mihi satis evincit, suspensionem Cel. GRENII veram esse: haec experimenta enim tam perspi- cua sunt, ut mihi hanc suspensionem quasi certam reddere videantur. Unde enim illa colica saturninae simillima in puero cetera sano? Ingens copia bilis non erat colicae causa sed consequens, uti saturninae. Cum enim calx Bismuthi vim irritabilitatis fibrarum carnearum et nervea- rum primum nimio intendit et deinde destruit, continua laceffitione systematis gastrici humores inquilini et praeci- pue bilis copiosissime secernuntur. Hinc omnis colica sa- turnina etiam symptomata biliosa exhibet. Si quis vero quaerat, cur puella (Exp. II.) quae majorem calcis quanti- tatem sumserat, et reliqui puelli pravas illas sequelas passi prorsus non fuerint, respondebo, me causam illius prorsus ignorare: interim tamen jam dudum patet, multos homi- nes per plures annos plumbata tractantes, noxas plumbi haud sentire, cum alii idem facientes pessimis plumbi se- quelis affecti fuerint. Idem certe experimentum Illitium me movit, ut desisterem a periculis, remedio nostro ulte- rius in hominibus instituendis.

#### ADDITAMENTVM.

Quae sequuntur experimenta, Ill. RELL, Praceptor Humanissimus mecum communicavit. Pro coronide ea liceat adjicere, quo doctrina de floribus Zinci et Wismu- thi magis magisque stabiliatur.

Cuniculorum trium ejusdem partus Vto Augusti in- clusorum unus matutino tempore scrupulum unum florum



Wismuthi, reliqui duo scrupulum unum florum Zinci hauserunt. Praeter aliquam lassitudinem nihil in iis animadversum nullusque vomitus infecutus est. (Dubito vero, inquit RELL, an haec animalia vomant, cum illis sit fortis annulus musculosus ad cardiam, et fortior ad Pylorum.) Tantum alvum aliquanto laxiorem, et defectum appetitus cernebamus.

D. VI. eadem portio: imminutus appetitus, et defectus alacritatis.

D. VII. Repetita eadem portio. Unus ob sumtum Bismuthum valde debilitatus: omnes vero cibos fugiebant.

D. VIII. Dosis haud data. Circa vesperum, qui flores Zinci sumserant, ceciderunt. Alter ante mortem diarrhoeam vehementissimam fuerat passus. Intestina materiem viridescentem siccam continebant: in ventriculi altero latere parva hinc inde loca inflammata, cum primis in pyloro. Ipse ventriculus aliquid ciborum aquosis humidatibus dilutorum habebat. Atrium Cordis et ventriculus dexter plenus erat sanguine. In arteriam asperam aliquid florum Zinci intraverat. Fauces sanae.

Alterius vero vasa sanguinea abdominis valde plena, nulla praegressa diarrhoea; intestina naturali dura faece repleta: ventriculus distentus digesta brassica, licet intra duos dies nihil comedisset. Unde vero ista ventriculi distensio fuerit, si quaeratur, a paralyfi derivetur. In contentis flores Zinci visibiles: in interno ventriculi margine eschara magnitudinem sextantis assis aequans, cui flores Zinci adhaerebant, omnes ceterum tunicae praeter externam ventriculi peresae. Inter cardiam et pylorum ad curvaturam minorem simile, at minus eschara: asperam quoque arteriam aliquid flor. Zinci intraverat, ubi et interna cutis aliquanto inflammata: atrium et ventriculus cordis dexter sanguine turgens.

Tertio dati fuere flores Wismuthi, sed parum admodum ventriculo illatum videtur, cum sanus maneret, Forma namque pillulari pharmacum infartum est ei, quod continuo regerebat. Praeterlapsis quinque diebus quindecim grana una dosi eidem exhibita, quae dosi postero mane repetita vehiculo pabuli. Subito prostratus appetitus cibi,



pili horrentes, obstructions alvinae, et multa urina effluens. Altero die post primam dosim omnem cibum negligebat, incedere amplius nequibat, omnis alacritas amissa, dyspnoea, fluxus sanguinis e naribus. Tertio die circa meridiem mortuus est. Secto cadavere *intestina crassa* excrementis plena, *tenuia* vero vacua et aëre tensa: ventriculus pabulo plenus, minores inflammationes his, quam iis, qui flores Zinci absumpserant. Inflammatio maxima in Cardia.

Hepar sanguine plenissimum, nulla tamen inflammatio, abscessus hinc inde minores, qui inveterati videbantur. Sinus et ventriculus dexter cordis sanguine repletus: pulmo dexter valde inflammatus profunde rubens, et admodum tumens, durus etiam post ablutum sanguinem scatensque materies albida (sine dubio fibra sanguinis.)

Pulmo sinister parum inflammatus; cerebrum naturale.

\* \* \*

Die Xmo Martii 1792 cuniculorum quatuor inclusorum, duo quotidie V gr. flor. Wismuthi, duo autem V gr. singulis diebus flor. Zinci absumpserunt.

Unus, qui Bismuthum hauferat, post tres hebdomades obiit: sectione instituta animalis summa macies, nullum adipis vestigium. Abdominis quaedam intestina solito in his animalibus constrictiora: in quibusdam intestinorum partibus loca punctis distincta instar cutis suillae nigrae, ex qua setae extractae sunt: sine dubio hoc phaenomenon erat a glandulis obstructis. In mesenterio repertae quaedam glandulae, magnitudinem capitulorum acus aequantes, quas alias in hisce animalibus numquam animadvertis. Ventriculus inter Cardiam et pylorum vehementer contractus, ut vix pennam transmitteret, membranae solito crassiores, et quasi cartilaginosa: *Fundus* valde expansus cibos continens. Flores Bismuthi in excrementis adhuc integri. Vesica urinaria dimidia urinam, dimidia fluidum farinaceum, lacteum monstrabat. Hepar sanguine scatens; vesica fellea praeter modum magna et plena: Magna hydridum copia circa intestina et in mesenterio. In thorace nihil praeternaturale.

---

XXIII.

DR. CAROL. JOSEPHI WIRTENSOHN

DISSERTATIO

DEMONSTRANS

OPIUM VIRES FIBRARUM CORDIS  
DEBILITARE, ET MOTUM TA-  
MEN SANGUINIS AUGERE.

SECUNDUM EDITIONEM ALTERAM:

MONASTERII WESTPHAL:

1775.

DEPT. OF THE INTERIOR

WASHINGTON

UNITED STATES DEPARTMENT OF THE INTERIOR  
BUREAU OF LAND MANAGEMENT  
WASHINGTON, D. C.



## P R A E F A T I O.

Frigus naturale, agens in corpus humanum, pro diverso, quem excitat, effectu, in quatuor gradus dividi potest.

Frigus, si tantummodo calorem corporis humani imminuit, id quod saepe aestate fieri deprehendimus, si aëre frigidiusculo refocillamur; aut si tempore hiemali non nisi frigoris sensus procreatur, tale frigus primi gradus dici potest.

Quod si autem frigus naturale, non solum frigoris sensum excitat; sed praeterea fibrarum muscularium vitam vim, et partis frigefactae sensibilitatem imminuit: frigus secundi gradus appellari potest. Tale tempore hiemali deprehendimus, si digitos frigore rigidos, motu difficiles et ad varias res, tactu explorandas, ineptiores habemus.

Interdum frigus naturale, hiemali tempore, vires fibrarum muscularium, et partis frigefactae sensibilitatem aufert: hocque tertium frigoris gradum sistere potest. Hujus generis frigus illud erat, quo affectus homo quidam, quem ipse vidi, algidissimos pedes fornaci adpositos, gravissime adusserat, nullum inde dolorem, nisi recalescente iterum corpore, sentiens; quo tempore autem, de gravissimo adustorum pedum dolore, conquerebatur.

Ii, qui frigore interimuntur, omnem sensibilitatem perdunt, et deinde in soporem incidentes moriuntur. Frigus, quod non solum stuporem partium, sed etiam soporem, vitam auferentem, inducere valet, quartum ejusdem gradum constituit.

Si veterum scripta volvuntur, facile colligitur, hos non alio, quam hic enarrato, modo, frigoris diversos gradus determinasse; Thermometro enim, recentiorum temporum invento, destituebantur. Divisionem itaque, quam circa frigus naturale fecerant, ad medicamenta refrigerantia applicabant, haecque similiter in quatuor classes, nempe in refrigerantia primi, secundi, tertii et quarti gradus redigebant. Refrigerantia primi gradus volebant esse ea,

quae non nisi calorem corporis humani debilitare; secundi, quae praeterea vim fibrarum moventium et sensibilitatem partis imminuere; tertii, quae has penitus auferre; et quarti denique, quae insuper soporem, quem mors subsequitur, inducere valebant.

His sibi formatis ideis non dubitabant, opium quarto gradu esse frigidum. Opio enim Turci, Chineses, alique populi orientales, adhuc hodie ad aestum et sitim refræ-  
nanda, optimo cum successu utuntur: ita, ut nullum sit medicamen quod calorem apud illos tantopere arceat, et refrigerium tam suave inducat, quam hoc opium. Inde est tam ingens his gentibus in opio delectamentum. Hic igitur eundem effectum, quem frigus naturale primi gradus producit, observari credebant. Paulo autem majori dosi alhibitum opium, ut frigus naturale secundi gradus, vim fibrarum muscularium et sensibilitatem imminuit, aucta iterum quantitate, vires motrices fibrarum suffocat et sensibilitatem ita destruit: ut membra sine omni sensu rescindi possint, id quod frigus naturale tertii gradus etiam efficere solet, uti exemplo allegato combustorum pedum patuit. Opium autem iterum aucta dosi, quemadmodum frigus naturale quarti gradus, soporem infert, quem mors sequitur. En cur pristinorum temporum medici opium quarto gradu frigidum constituerunt.

Sententiae, opium refrigerantibus medicamentis esse adnumerandum, e recentioribus summi in arte viri: SYDENHAMIUS, BAGLIVIVS, G. W. WEDELIUS, ETTMULLERUS, WILLISIUS, GEOFFROI, FRID. HOFFM., etc. calculum adjicere non dubitaverunt.

Tanta tot tantorumque virorum auctoritate firmata res satis certa rata et explorata videtur, et haberetur, nisi magnorum virorum aliter sentientium testimoniis certitudo haec mirum quantum infringeretur. BOERHAVIUS enim, STAHLIUS, DE HALLER, HAMBERGERUS, TRALLES, alique viri gravissimi, idem hoc opium, quod graeci et veteres quicunque medici, quarto gradu frigidum statuerant, et plurimi hodiernorum refrigerantium catalogo inscribendum esse judicant, calefaciens imo calefacientissimum esse volunt, suamque ut roborent sententiam,



ad observationes saepe reiteratas, ad experientiam provocant, strenue affirmantes, se invenisse, nostris in terris, opium fere semper intensum calorem et sitim excitare; in febribus ardentibus, praecipue in earum principio, pulsum et aestum febrilem augere; nec non sudoriferum esse summum. Vera haec esse, nemo facile rerum gnarus inficiās ire conabitur; at verum simul, gentes orientales eodem hoc opio quotidie ad aestum et sudorem refroenanda uti; accedit, unum eundemque BOERHAVIUM, sua materia medica opium esse calefacientissimum, asserentem, aphorismis 610 et 691. de cognoscendis et curandis morbis tamen docere: si omnia in febribus ardentibus, ad motum febrilem et aestum moderandum in cassum sint adhibita, denique ad opium, quo hic scopus obtineatur, esse confugiendum; quibus addatur, idem opium, apud nostrates sanos ut plurimum sudorem egregie pellens, sudores colliquativos hecticorum tamen valde imminuere solere.

Quid igitur jam statuendum, opium augeatne sanguinis motum, et calefacit, an vero imminuit eundem et refrigerat? Si observationes non invertere, sed ita proponere volumus, uti ipsa natura illas offert, fateri debemus, opium pro diversitate circumstantiarum, jam sanguinis motum augere, jam infringere, jam calefacere, jam refrigerare.

Quamvis autem haec ita sese habeant, medico non sufficit scire, opium pro diversitate circumstantiarum jam hoc, jam illud agere; sed operam etiam navare debet: ut intelligat, quae sint circumstantiae, sub quibus hoc illudve facit; hoc enim nisi exploratum habeat, effectus opii exhibiti saepe non respondebit intentioni, et nonnunquam eo loco, ubi prodesse cupit, obesse potest. Verum cum, experientia teste, omnia medicamenta, quae sanguinis motum augent, calefaciant; e contrario, quae motum istum imminuunt, refrigerent; sufficet inquirere, an opium vires fibrarum sanguinem moventium augeat vel imminuat; et determinare, quibus sub circumstantiis tam hoc quam illud agat: En Lector Benevole hujus dissertationis scopum, quem autem, si minus obtinuerim, ut tamen conatibus meis favere velis, enixe rogo,



## §. I.

Phaenomena, opio producta tam varia sunt, tamque multiplicitia, ut unius dissertatiunculae libellive angustiis comprehendere nequeant. Voluminibus opus foret, si singula rite persequi oporteret. Hacce igitur dissertatione tantum examinare constitui, quid opium circa vires fibrarum motricium cordis et arteriarum valeat; nondum enim liquet, an mediocri opii dosi augeantur vel imminuantur.

Etenim Illustriss. DE HALLER, et cum hoc plurimi medici contendunt, opium vires fibrarum cordis augere, quamvis omnibus aliis fibris motricibus noceat; cum e contrario plurimi alii medicorum, inter quos ROBERTUS WHYTT eminet, persuasum habeant, vires cordis aequè opio debilitari, quam fibras musculares reliquarum partium. Quae Celeb. hic vir hac de re publicavit, succincte narrabo, eos, qui uberiori tractatu delectantur, ad ipsum auctorem relegans.

## §. II.

Clarissimus hic Anglus ranae exciderat cor, et nihilominus haec, praeterlapsa hora, ranarum more saltabat, vitamque ultra unam sesqui alteram horam conservabat.

## §. III.

Opium solutione ventriculus ranae alius implebatur, et praeterlapsa hora dimidia omnis hujus animalis membra movendi potentia extincta erat, nullaque irritatione resuscitari poterat.

## §. IV.

Apparet hinc, quam insensum sit opium viribus vitalibus fibrarum muscularium. Hae enim vires, quamvis ranae cor erat excisum, vix post dimidiam debilitatae videbantur (§. 2.); cum e contrario eodem tempore, opio ita destruerentur, ut nequidem irritatione resuscitari potuerint (§. 3).

## §. V.

Ranae huic, (cui opium membra movendi potentiam abstulerat (§. 3)), aperiebatur pectus, ita ut cor in conspectum

veniret, et non nisi 17. pulsationes minuto contingebant, quo tamen tempore in ranis sanis 60. ad 70. fieri solent.

### §. VI.

Fortior jam parabatur opii essentia: una opii et octo aquae partibus constans. Haec solutio vel essentia, in ranæ ventriculum ope siphonis injiciebatur; et post horam aperto pectore non nisi septem cordis palpitationes minuto videbantur. Irritabatur jam idem hoc cor apice forficis, quo factò, una alterave quidem pulsatio accelerabatur, brevi post autem lentus et debilis ut ante cordis motus, pergebat.

### §. VII.

Opio igitur vires fibrarum cordis moventes valde imminuuntur (§. 6.)

### §. VIII.

Plurima adhuc praeter haec enarrata experimenta (§. 3. et seq.) cum publico communicavit cel. Anglus; tot autem, eum in finem cumulavit; ut suam contra Illust. DE HALLER stabiliret sententiam, opio nempe vires fibrarum cordis debilitari. Haec qui legere cupit, volvat *sammlungen auferlesener Warnehmungen aus der Arzneiwissenschaft, wundarznei- und Apoteker kunst 9ter Band f. 5. und f.*

### §. IX.

Nullus jam dubitabam, quin opium vires cordis moventes debilitaret, at cum hanc meam sententiam amico medico exposuissem, dissentiente quidem illo, nec tamen quidquam, quod contra C. WHYTII experimenta deductasque inde conclusiones faceret afferente, placuit utrique nostrum, ut postero mane, meo in hypocausto, conveniremus, sumturi uterque granum opii eo fine, ut pulsus in nobismet ipsis exploraremus, sicque veritatem investigaremus.

### §. X.

Stabat amicus promissis, meque postridie circa nonam matutinam conveniebat. Ne ambulatio pulsus mutaret,

ambo fellae affixi quiescebamus. Post quadrantem explorabamus pulsus, et mihi erant minuto 76, ipsi autem 71 pulsationes. Jam capiebamus ventriculo adhuc vacuo opii granum. Nono minuto pulsus fiebat major, plenior, frequentior; et praeterita hora dimidia, in me 86. et in amico 84. pulsus fortiores numerabantur.

### §. XI.

Quamvis autem jam convictus eram, in nobis pulsus post opium captum esse auctum; experimenta tamen Cel. WHYTT, clarissime demonstrantia, vires fibrarum cordis opio imminui, opinionem in me suscitabant, quod in me et amico forsan animi quoddam pathema, aut expectatio, quid opio futurum, pulsus excitaverit auctum, minime opio productum. Flagrabam ideo cupiditate, reiterandi experimentum. Abstineui, quia sequentibus temporibus, praxin medicam exercens, et plurimis aegrotantibus opium exhibens, multiplicem occasionem perscrutandi nanciscebatur. Observabam autem fere semper, post opium exhibitum pulsus plenior, fortior et frequentior.

### §. XII.

Jam igitur, quid de opio existimarem, an fibris cordis robur adderet, an has debilitaret, ipse nesciebam. Mihi multum ambiguo in mentem veniebat, quod forsan opii tam parva quantitas, quam aegrotis praescribere consuescimus, vires cordis augeat (§. II.); cum e contrario major, quam Cel. Anglus adhibuerat, has suffocet et deprimat (§. 5. et 6.) In hanc rem inquirere jam erat animus. Eni methodum, qua inquisitionem hanc instituendam putavi. Cognitum est vires vitales fibrarum cordis, in genere esse eo durabiliores, quo animalia nativitati sunt proximiora. Ne igitur diversa ranarum aetas experimenta redderet fallacia, duodecim, quantum potui, ejusdem magnitudinis elegi. Decem ranis, unicuique pilulas duas, grano opii confectas, in ventriculum ope bacilli lignei urgebam, duae autem ranae nullum accipiebant opium. Post quinque minuta exsecabam corda duarum ranarum opio non infectarum; corda duo, quae indicio habere constitueram.



Eodem tempore duo alia corda ranarum a numero decimali, quae opium acceperant, exsecabam, et quatuor haec corda, juxta se, mensae mundae lignae imponebam. Palpitabant egregie, et vix differentia motus apud quatuor haec corda, nec ratione celeritatis, nec durabilitatis observare licebat. Opii pilulas in fibras cordis nondum egisse, igitur constabat. Post decem minuta e numero decimali ranarum opio pastarum denuo duo corda exsecabantur, et mensae juxta quatuor antecedentia imponebantur, haecce non dabant minuto quam 25. ad 35. pulsationes; cum antecedentia e contrario hoc tempore adhuc ultra sexagesies ictitabant; moriebantur corda, in quae opium egerat, 64. et 76. minutis, quo tamen tempore corda quatuor antecedentia Systolen et Diastolen adhuc optime absolvebant. Quinque minutis serius iterum corda duarum ranarum exscindebantur, absolvebant minuto 22. ad 24. pulsationes, et praeterlapsis 50 et 58. minutis sese movere desinebant. Quid multa? ranarum opio non vexatarum corda omnium optime ictitabant, et motum longius quam reliqua sustinebant, cetera autem eo longius, quo minus opium in ea egerat, i. e. quo citius post opium exhibitum erant excisa.

## §. XIII.

Pilulae opio factae non eo momento, quo capiuntur, agunt, sed harum actio deinde incipit, et postea sensim sensimque increfcit, donec sit tanta, quanta opio exhibitio fieri potest. Cum igitur experimentis antecedentibus ranarum corda a quinque minutis ad quinque minuta exscinderentur, et in nullis motus auctus, e contrario autem eo magis imminutus deprehenderetur, quo tardius post opium exhibitum exsecabantur (§. praec.); clarissime apparet, opium minima quantitate agens, jam cordis vires debilitare, et deinde eo magis, quo majori quantitate fibras cordis aggreditur.

## §. XIV.

Convictus jam me mea opinione deceptum esse, et opium minima quantitate agens, vires cordis debilitare,

assequi non poteram, qui fieret, quod hoc opium fibris moventibus cordium ranarum adeo inimicum (§. 6.) sanguinis tamen motum in me, amico meo (§. 10.) et plurimis aegris (§. 11.) auxerit. In duplicem et sibi oppositum hunc opii effectum de novo inquirens, conjecturam faciebam, forsan quod opium parva dosi exhibitum in hominibus alium, aliumque in ranis producat effectum. Non deerant, quae huic suspicioni favere videbantur. Nonne Tabaci pulvis, quem homines quotidie innoxie naribus trahunt, ranis est venenum praesentissimum, ita ut paucorum minutorum intervallo moriantur, si hoc insperguntur? Nonne nux vomica aliter in hominibus, aliterque in canibus agit? Forsan igitur quod est, cogitabam, ut opium parva dosi exhibitum, in hominibus fibras cordis agentes augeat, in ranis autem imminuat. Verum hanc suspicionem etiam omni carere fundamento postea intellexi, et intelliget quicumque, qui binas sequentes paragraphos mente attenta legerit.

## §. XV.

In experimentis a me institutis et haecenus adductis tantum phaenomena narravimus, quae post opium datum in ranarum cordibus e corpore evulsis apparebant (§. 12.); supererat igitur videre, quid post opium exhibitum accideret, si cor in corpore ranarum illaesis suis nervis et vasis sanguiferis remaneret. Non nego, me haec experimenta vix non superflua habuisse, existimans, eventum nullatenus diversum esse futurum, et cordis motum magis magisque opio agente imminutum iri (§. 13.) Quod minime existimabam, contingebat, uti jam narrabo.

## §. XVI.

Eodem modo, ut antea (§. 12.) dictum est, trium ranarum ventriculos pilulis opiatibus onerabam; harum pectora, praeteritis viginti minutis, aperiebam; corda, quantum poteram, illaesis vasis sanguiferis denudabam, ac videbam, quis hoc expectasset! videbam inquam, corda haec non solum celerius, sed etiam vehementius systolen et diastolen absolvere, sanguinemque vehementius propellere, quam in aliis ranis, opio non patis, contingebat.

## §. XVII.

Ne deciperer, reiteravi experimentum, mihi que ideo iterum erant sex ranae ejusdem fere magnitudinis, quas pilulis opiatissatiaveram, et effectus erat idem.

## §. XVIII.

Hinc concludebam, opii ergo actione debilitantur vires fibrarum cordum ranarum e corpore excisorum, augentur vero hae vires mediocri dosi; si cor adhuc cum suis vasis nervisque cohaeret.

## §. XIX.

Sic concludebam inquam, haecque conclusio nil videtur continere, quam quod in antecedentibus experimentis (§. 16. et 17.) latuit. Experimenta vera sunt, et tamen sequela ex his deducta est falsa et erronea. Benevolus Lector ut hic ulterius legere desinat et inquirat, an errorem detegere valeat, enixe rogo; quod, si non potest, ut convincatur, necesse est, *nos interdum erroneis auctorum conclusionibus sat facile decipi, artemque experimentis, observationibus et experientia rite et juxta concludendi longe esse difficiliorum, quam vulgo creditur.*

## §. XX.

Conclusionem hanc (§. 18.) interim indubitatae certitudinis habens, recedebam a sententia Cl. WHYT, (§. 8.) et arripiebam denuo illam, Ill. HALLERI, docentis opium mediocri dosi datum equidem fibras musculares totius corporis (§. 1.) non autem cordis, integris nempe ejusdem vasis et nervis debilitare; hoc enim clarissime experimenta et in me, et in amico meo (§. 10.), et in variis aegrotis (§. 11.), et nunc in ranis capta (§. 16. et 17.) demonstrare videbantur.

## §. XXI.

Jam etiam STAHLIO, BOERHAVIO, HALLERO, HAMBERGERO, et aliis magnis in arte viris, qui opium ad Classem medicamentorum calefacientium relegaverant (prae-fat.), calculum adjiciebam; quamvis antea contra



hanc sententiam, Clar. WHYTT experimentis motus, steteram (§. 8. et 9.) Opium enim aegris propinatum agit in cor, quod integra adhuc vasa, illaefosque nervos habet; non autem in cor, cujus nervi et vasa sanguifera sunt. abscissa.

### §. XXII.

Quamvis haec ita esse non dubitarem, errorem tamen cognoscebam meum, legens, idem opium, quod apud nostrates motum sanguinis auctum, calorem majorem et sitim inferre solet, apud Turcas, Chinenfes, aliasque gentes orientales optimo cum successu quotidie ad sitim, aestum et motum sanguinis majorem compescendum adhiberi, legens idem hoc opium, quod BOERHAVIO Calefacientissimum audit, ad aestum, et motum febrilem compescenda, aphorismo 610. et 691., si omnia alia medicamenta ad hunc scopum adhibita nil effecerint commendari; legens inquam idem hoc opium, quod hodie summum habetur sudoriferum, sudores tamen hecticorum colliquativos interdum, uti plus semel ipse expertus sum, compescere; omnibus enim hisce in casibus egerat in cor, cujus vasa et nervi non erant abscissa.

### §. XXIII.

Accedebat ad has difficultates, alia non minor. Jam dudum cognoveram, facillime nos concludendo ex experimentis decipi, nisi antea phaenomenorum genuinas causas detexerimus. Causa autem, cur opii mediocri dosi exhibita, cordis motus, abscissis nervis et vasis, debilitatus; e contrario autem integris adhuc nervis vasisque sanguiferis auctus erat (§. 16, 17, 18.), me plane fugiebat. Quo diutius in causam hujus tam contrarii effectus eodem opio producti inquirebam, eo minus hunc nodum solvere poteram; unum errorem relinquens, alium denuo amplectens sicque vitans Charybdim incidens in Scyllam, cognoscebam, me opii actionem in fibras cordis nondum intelligere. Pedem sistere me oportebat, ulterius progredi cum non possem.

## §. XXIV.

Jam igitur quid de opii actione statuere nesciens volvi, quos habui auctores, volvi incassum. Adibam igitur Eminentissimi Electoris Colonienfis Archiatrum, et Collegii nostri medici Directorem Celeber. HOFFMAN-  
NUM, quem plurimis in casibus tam theoreticis quam practicis ducem amicum me habuisse laetus et gratus recordor, ipsum enixe rogans, ut suam hac de re sententiam mecum communicaret, id, quod mihi non denegavit. Demonstratio ipsius omnes hactenus relatas difficultates aufere, mihi ita arridebat, ut eandem, dissertatione hac inaugurali, orbi literarum offerre animo constituerem, pulchrius nil habens, quod ipsi tradere possem. Quis enim crederet, haec phaenomena explicari non posse, nisi mechanices regulae hic applicetur, quae docet: vires moventes augeri, si quidem vis agens, resistentia autem simul magis imminuitur. Hoc itaque, ut clarissime ob oculos ponam, de regulis docentibus, quotuplici modo motus excitari, et excitatus augeri possit, inchoabo, hasque deinde applicabo.

## §. XXV.

*Quadruplici autem modo, motus potest excitari, et prae-  
sens augeri; quod ut eo melius intelligatur, mox in principio  
indicare conveniet, non solum ad vires agentes, sed simul  
ad resistentias his viribus oppositas esse respiciendum. Si  
enim vires agentes non superant resistentias, nunquam ex-  
citabitur motus, quia sub hac conditione resistentiae vires  
agentes absorbent. Sit E. G. vis agens = 100 unciis, et  
resistentia etiam = 100 unciis, nulla motum excitandi  
ratio adest, hincque nullus motus est futurus, si vero vis  
agens superat resistentiam, motus existit, et quantitas mo-  
tus invenitur, si vis agens a minori resistentia detrahitur, E.  
G. sit vis agens = 100 unciis, resistentia autem = 60 un-  
ciis. Tunc si detrahitur resistentia = 60 unciis a vi agen-  
te = 100, remanent 40 unciae pro vi movente vel viva.  
Nam si haec 40 unciae adduntur iterum resistentiae, ori-  
tur aequilibrium inter vim agentem et resistentiam.*

1. *Posita igitur eadem resistentia, motus corporum mo-*

*torum fit eo major quo magis vis agens increcit.* E. G. sit resistētia = 100 unciis et vis agens = 110 unciis, vis movens erit = 10 unciis. Si porro eadem manente resistētia vis agens est = 120 unciis, vis movens vel viva erit = 20 unciis, et sic porro.

2. *Si vis agens manet eadem, resistētia autem decrescit, motus eo fit major, quo resistētia magis imminuitur.* E. G. sit vis agens = 100 unciis, resistētia autem = 90 unciis, vis movens erit = 10 unciis. Si vero eadem hac vi agente resistētia est aequalis 80 unciis, vis movens erit = 20 unciis, et si resistētia est = 70 unciis, vis movens erit = 30 unciis, et sic porro.

3. *Si vero et vis agens augetur, et resistētia imminuitur, ut motus corporum in motu constitutorum augeatur ex iis, quae jam n<sup>o</sup>. 1. et 2. diximus, tam perspicuum est, ut ulteriorem demonstrationem et adductionem exemplorum, supervacaneam existimem.*

4. *Si vero tam vis agens quam resistētia decrescunt, resistētia autem magis imminuitur, quam vis agens, motus fieri debet major, et eo major, quo magis resistētia relative ad vim agentem imminuitur.* E. G. decrescat vis agens 100 unciarum, 10 unciis et erit = 90 unciis, minor igitur quam antea. Resistētia autem 100 unciarum, quae totam vim agentem 100 unciarum absorbebat, decrescat 20 unciis, et erit aequalis 80 unciis et nascetur vis movens 10 unciarum. Haec enim resistētia 80 unciarum, si detrahatur a vi agente 90 unciarum, restant 10 unciae pro vi viva, decrescat porro illa vis agens 100 unciarum, 40 unciis; et erit tantum = 60 unciis, resistētia autem = 100 unciis decrescat 80 unciis, et supererunt 20 unciae, quae detractae a 60 unciis adhuc relinquent 30 uncias pro vi viva vel movente.

## §. XXVI.

Exempla adjecta re ipsa demonstrationis locum implere possunt, quia loco numerorum et ponderum adjectorum quicumque alter numerus salva demonstratione substitui potest.



## §. XXVII.

Ego itaque in me, et amico (§. 10.), et plurimis in aegris (§. 11.), et in ranis suis cordibus adhuc praeditis (§. 16, 17.), motum sanguinis auctum, post opium exhibitum observans, hincque concludens: ergo manentibus vasis cordis integris, opium vires fibrarum cordis auget (§. 18, 19.), graviter in regulas logices impegeram. Hic enim motus sanguinis auctus, mere resistentia imminuta sine augmento virium agentium cordis. (§. 25. n<sup>o</sup>. 2.) imo his viribus imminutis (§. 25. n<sup>o</sup>. 4.) contingere poterat.

## §. XXVIII.

Cum circa determinationem vis vivae vel moventis, non solum ad vim agentem, sed etiam ad resistentiam respiciendum sit (§. 25.): quaeritur, quomodo jam inquisitio sit instituenda, si detegere volumus, num opium vires cordis debilitet, nec ne? Optimum erit, omnem amovere resistentiam, fibris cordis datam; sic enim nobis tantum, cum solis viribus fibrarum cordis, mercandum est. Ejusmodi autem sub conditione experimenta erant instituta, cum vasa sanguifera cordis erant resecta (§. 13.) quo casu observator nil videbat, quam solam mutationem virium, a fibris muscularibus cordis pendentem. Cum vero hac sub conditione post opium datum cordis motus imminutus deprehendatur (§. 12. et 13.), sequitur, opio vires cordis agentes imminui.

## §. XXIX.

Viget igitur jam iterum sententia Celeb. WHYTT, opio nempe vires cordis moventes debilitari (§. 8. et praec.)

## §. XXX.

Si vero opio vires cordis debilitantur (§. praec.) quaeritur, quo contingeret modo, ut opium in me, et in amico meo (§. 10.), et in plurimis aegris (§. 11.), et in ranis, in quibus vasa sanguifera et nervi manserant integra (§. 16, 17.), motum sanguinis auxisset. Regulas jam jam (§. 25.) allatas ad hoc problema applicemus. Prima regula (§. 25. n<sup>o</sup>. 1.) nos convicit, motum fieri posse majorem, si vires

moventes augentur; haec autem hic loci non quadrat, quia jam certo certius est, vires moventes fibrarum cordis opio imminui (§. 28.) Secunda regula (§. 25. n<sup>o</sup>. 2.) docuit, motum augeri posse, si vis agens manet eadem, resistentia vero decrescit; haec autem hic loci etiam ideo applicari non potest, quia vires agentes fibrarum cordis non manent eadem, sed opio debilitantur (§. 29.) Tertia regula (§. 25. n<sup>o</sup>. 3.) quae docet motum augeri, si et vires agentes increscunt, et resistentiae imminuuntur, non est applicabilis; quia vires agentes opio non augentur (§. 28. et 29.) Quarta denique regula (§. 25. n<sup>o</sup>. 4.) quae nos convicit, motum augeri debere, si vires moventes simul cum resistentia decrescunt, resistentia autem magis imminuitur, hic applicari potest imo debet, quia vires fibrarum cordis opio certo certius debilitantur (§. 28. et 29.), et debilitatis his viribus, nulla alia sub conditione, nisi resistentia adhuc magis imminuta, sanguinis motus auctus contingere potest (§. 25. n<sup>o</sup>. 4.)

#### §. XXXI.

Cum sanguinis motus saepe post opium datum auctus observetur (§. 10, 11, 16, 17.), et cum opium nunquam sanguinis motum auctum excitare possit, nisi resistentiam, movendo sanguini datam, magis quam vires cordis debilitet (§. praec.): quaeritur, quo opium modo resistentiam a sanguine movendo datam imminuere possit? Id, quod nunc explicare adnitar.

#### §. XXXII.

Post opium datum sanguinis quantitas non mutatur. Si vero manente una eademque quantitate, resistentia imminuitur, nil licet cogitare, nisi quod vel sanguinis visciditas, qua cum lateribus vasorum et inter se cohaeret, vel actio vasorum contractilis, quae in sanguinem movendum agit, et hujus motui resistit, decrescat: opium ergo, si resistentiam a sanguine datam imminuit (§. 30. et 31.) agere debet vel

1. Sanguinem resolvendo vel
2. Imminuendo actionem vasorum sanguiferorum contractilem vel

## 3. Utrumque expediendò.

## §. XXXIII.

Si opium sanguinis motum auget, quatenus hunc resoluit, perinde esset, an opium, an aliud medicamen aequè potenter resolvens ad hunc obtinendum scopum exhiberetur. Jam vero ullo sine dubio integra uncia tartari solubilis, aliaque medicamenta sanguinem potenter solventia, majorem possidet resolvendi vim, quam unum granum opii; et tamen sanguinis motum augere non solet, a vi resolvente opii, ejus vis, motum sanguinis augendi, neutiquam deduci potest.

## §. XXXIV.

Nil igitur jam superest, quam ut opium, quoties cordis et sanguinis motum auget, hoc praecipue agat, quatenus resistantiam a contractilitate vasorum sanguiferorum pendentem imminuit (§. 32.), quod, quomodo contingit, jam explorandum est.

## §. XXXV.

III. DE HALLER vasa sanguifera magna vario modo in animalibus viventibus irritavit, et invenit: haec sese, non nisi stimulo spirituum acidorum generosorum contrahere; tunc autem eo deduci, ut sanguinem antrorsum retroque repellant, et se ita constringant, ut ne sanguinis guttulam quidem transire permittant, repetii experimentum et idem inveni.

## §. XXXVI.

Quamvis autem irritabilitas vasorum sanguiferorum magnorum tam sit exigua, ut sese non nisi adhibitis peracribus spiritibus acidis, constringant, longe tamen alia lex circa vasa minora valet. Nostro C. L. HOFFMANNO convicti sumus, vasorum sanguiferorum irritabilitatem, cum horum imminutione increscere; ita ut minima, quae sanguinem ex arteriarum extremitatibus acceptum venis tradunt majoribus, valde sint irritabilia, et sese levissimo adhibito irritamento contrahant. Sufficiat hoc loco veri-



tatem hanc quibusdam illustrare exemplis. Virgo perterrita palpitante corde pallecebat et sane hoc cor palpitans majorem exercebat nixum sanguinem movendi. Cum autem malae nihilominus rubicundum amitterent colorem sequitur, harum vasa sanguifera minima contracta nequidem particulas sanguinis rubicundas admisisse, quamvis cor palpitans sanguinem aucta vi adversus illa urfisset. Fortasse autem quod vasa genarum tantum sint tam irritabilia. Minime. Si enim ejusmodi terror menstruantibus supervenit, haecce purgatio subito cohiberi solet. Idem contingere, observationes docent, si frigida abdomini admoveatur. Ductuli cutanei insensibilem perspirationem vehentes, hae extremitates arteriarum sese contrahunt, et insensibilem perspirationem prohibent, cutis si modo aëre frigido tangitur; hocque contingit, quamvis vasa sanguifera magna, quorum haec sunt propagines, sese, ut dictum est, nonnisi adhibitis generosis spiritibus acidis constringant.

#### §. XXXVII.

Vasa sanguifera minima valde sunt irritabilia, hincque acutissimis viribus vitalibus instructa (§. 36.) Quaecumque ita sint, non potest non, quin perpetuum sese constringendi nixum exercentia, in sanguinem contentum agant, et hujus motui resistent. Facile enim patet, haec vasa minima sanguifera, si se plane constringerent, nullum sanguinem per arteriarum extremitates in venas transfere posse, hincque sanguinis motum subsistere debere, et ideo vasa sanguifera minima, sanguini ex arteriis in venas movendo, eo majorem dare resistentiam, quo magis hae extremitates sese contrahere conantur; eo minorem autem, quo minor est horum actio in sanguinem movendum. Cum imminutione enim luminum increscere, et cum augmento eorundem decrescere, resistentias fluidis per haec movendis datas hydraulicae necessitatis est.

#### §. XXXVIII.

Opium pro diversa quantitate exhibita debilitare et auferre actionem vitalem omnium fibrarum moventium, indubia res est (§. 2; 3, 4, 8.) Opium ergo, pro minori

et majori quantitate exhibita, vires vitales fibrarum vasorum minimorum imminuere et auferre debet, quod vero si fit, ut sanguini movendo eo minor detur resistentia; quo magis irritabilitas et contractilitas horum vasorum est imminuta, necesse est (§. 37.) Patet igitur jam, quomodo contingat, ut opium resistentiam sanguini movendo datam imminuat.

### §. XXXIX.

Qui videre cupit, opium vires vitales et irritabilitatem fibrarum canales coarctantium imminuere, vel plane tollere, nil agendum habet, quam ut hunc in finem duas ranas experimento consecret; uni nil, alteri autem debitam opii dosin exhibeat. Si enim unamquamque post dimidiam aperit; inveniet, non solum in rana opio pasta motum intestinorum vermicularem valde imminutum, sed etiam hunc irritatione longe difficilius augeri posse (§. 8.); et suis praeterea videbit oculis, intestina hujus ranae sese loco irritato vix vel ne vix quidem coarctare, quod tamen in altera rana, opium non experta, facillime contingit; ita, ut si irritatio fuit sufficiens, haec plane sese claudant, et ne guttulam quidem pergredi sinant.

### §. XL.

Jam indicato, quomodo contingat, ut opium resistentiam, cordi a sanguine movendo datam imminuat (§. 38, 39): reliquum est, ut ostendatur, cur hoc remedium saepe saepius vires vitales cordis minus quam fibras vasorum minimorum debilitet. (§. 30) Verum vires vitales fibrarum cordis constantia et durabilitate longe superant omnes alias fibras irritabiles, vitalitate donatas; ita ut cor ranae mensae impositum longe ultra 24 horas palpitare possit, quo tempore autem omnes aliae fibrae musculares suam vitalitatem et movendi potentiam amittunt (§. 3.) opium ergo, quamvis vitalitati et irritabilitati omnium fibrarum admodum sit inimicum (§. 2. et seq.), his tamen cordis constantioribus, durabilioribus et fortioribus tam facile et tam cito nocere non potest, quam aliarum partium. Hoc re ipsa inveniens Ill. HALLERUS dubitavit, an opium viribus vitalibus cordis obesset, quamvis hoc ratione omnium

aliarum fibrarum muscularium ratum habuerit et exploratum. (§. 8.)

### §. XLI.

Jam etiam intelligitur conditio generalis, sub qua opium cordis et sanguinis motum non augere, sed imminuere debet. Si enim vasa sanguifera minima jam multum virium vitalium amisere: horumque cavitates jam sunt ampliatae (§. 38, 39), tunc opium multum harum virium coarctantium destruere et auferre non valet, vel has minus, quam cordis debilitat, quo casu autem, ut cordis et sanguinis motus opio imminuatur, necesse est.

### §. XLII.

Nunc in aprico esse autumo, cur opium mortiferam dosi exhibitum, quamvis in principiis motum sanguinis augere soleat, deinde tamen hunc plenarie tollat, mortemque inducat. Actio enim opii, hac rerum conditione sensim incipit, sensimque increscit, hincque opium in principio vitalitatem vasculorum sanguiferorum magis quam cordis debilitare (§. 40.), sicque sanguinis motum augere debet (§. 38.) Si vero actione opii sensim magis magisque aucta, fibrae vasorum minimorum ita sunt relaxatae, ut ulterius relaxari vix possint, hoc opium praecipue et tantum vires vitales fibrarum cordis debilitare et denique destruere potest (§. 5, 6, 40.), tuncque motum sanguinis eo magis imminuere debet, quo magis vires cordis debilitat (§. 25.) Quamvis igitur hoc casu opium in principio motum cordis et sanguinis augeat, postea tamen eundem magis magisque debilitare debet, et denique si vires fibrarum cordis tantopere decrescunt, ut sanguinis resistantiam superare ulterius nequeant, cordis motus subsistere, cessare (§. 25.) morsque subsequi debet.

### §. XLIII.

Vasa cutanea insensibilem perspirationem ducentia, tactu aëris frigidi sese contrahere, et sic saepe perspirationis insensibilis et sudoris materiam retinere, nemo artis gnarus nescit. Orificia igitur horum vasorum viribus vitae gaudent exquisitissimis. Verum haec vascula, has



suas vires vitales facillime exuunt, suamque contrahendi potentiam magna ex parte deponunt, tuncque sudor prorumpit sua sponte, quamvis vires cordis admodum sint debiles, et sanguinis motus valde sit imminutus. Ejusmodi sudores observamus in perterritis, in iis, qui animi deliquio corripiuntur, in moribundis quibuscunque, quos medici unanimi consensu relaxatis cutaneis vasculis tribuunt. Cum itaque mera haec vasculorum cutaneorum relaxatio, ad sudoris excretionem, imo praesente pulsu debili sufficiat, quid futurum, si medicamentum exhibetur, quod non solum vitalitatem et contractilitatem vasculorum cutaneorum valde imminuit, sed simul sanguinis motum auget? Sane hoc egregium debito sub regimine esse debet sudoriferum, opium igitur, quoties vascula cutanea relaxat, et motum sanguinis auget (§. 38.), quod nostris in terris ut plurimum contingit, debito sub regimine potenter sudorem pellere debet, id quod quotidiana observatione corroboratur.

## §. XLIV.

Si vasa cutanea sese constringunt, et insensibilem perspirationem retinent, saepe oriuntur morbi, retenta materia insensibilis perspirationis producti. Cum vero opium vires horum vasorum sese coarctantes debilitet (§. 36. seq.), facile patet, cur opium praecipue cubitum eundo sumtum, insensibilem perspirationem restituendo, paucis horis hos morbos profligat. Plebs his morborum generibus affecta hic locorum dicere solet: *ich bin krank, habe Kopfwegh und Durst, es ist aber nur die Rose, ich will diesen Abend Theriac zum Schwitzen nehmen, und dann bin ich morgen wieder gesund.* Vidi admodum tyro ancillam hoc morbo laborantem, inveni pulsum durum, frequentem, febrilem, suasi venae sectionem, dissuasi optima intentione theriacam, cum ipsa mihi respondebat, se reiteratis experimentis scire, hoc medicamento una nocte morbum profligatum iri, quod etiam contingebat: theriacam autem opio contento praecipue agere, quis est, qui nesciat, idem postea saepe observare, in plebeis mihi contigit.

## §. XLV.

Veteres opium habuisse valde frigidum, et ut corrigerent, huic plurima stimulantia, aromatica, calefacientia admiscuisse, uti e compositione theriacae aliisque apparet, notum est. Quaeritur jam, an ejusmodi opii correctio cum plurimis medicis hodiernis sit spernenda et rejicienda, vel laudanda et imitanda. Verum omnibus illis in casibus, in quibus vasa minima et cutanea opio relaxare (§. 43.) simul autem vires cordis agentes sargas testasque conservare animus est, aroma opio adjectum, re ipsa vim opii fibras cordis debilitantem (§. 28, 29.) corrigit, morbis igitur, quibus constrictionem vasorum cutaneorum imminuere, cordis fibras autem simul stimulare, sicque sudorem fortiter pellere animus est, opium aromate armatum opio puro est praeferendum.

## §. XLVI.

Jam determinavimus, quo casu opium insensibilem perspirationem aut sudorem moveat, nempe si vim vasculorum cutaneorum constringentem vitalem imminuit: Quid vero futurum, si haec vascula ita sunt constituta, ut opium eorum vim ulterius debilitare hincque eorundem lumina augere non valeat? Tunc sane sudorem movere non potest, e contrario, quia hac sub conditione tantum vires cordis agentes debilitat (§. 41.) sudoris secretionem imminuere debet.

## §. XLVII.

Patet jam, cur opium a Turcis, Chinesibus aliisque populis orientalibus ad sitim, aestum et sudores compescenda, optimo cum successu quotidie adhibeatur, quamvis hisce in regionibus sitim, aestum et sudorem excitare soleat. Isthis enim in regionibus calidis, vasa cutanea, et minima sanguifera, multum virium vitalium perdiderunt: et ita, ut plurimum, sunt relaxata, ut opio vix ulterius debilitari possint, quo autem casu vires cordis solummodo opio praecipue decrescere, motus sanguinis compesci (§. 41.) et causa occasionalis sudoris et aestus imminui debent.

## §. XLVIII.

Nec minus jam constat, cur BOERHAVIUS in principio ardentium, quamdiu vascula sanguifera suas vires vitales integras adhuc possident, opium angue et cane pejus fugiat, his viribus autem jam partim ipso morbo, partim évacuantibus et aliis medicamentis sufficienter fractis usum opii experientia fretus, commendet. Si enim in principio harum, quo vires vitales adhuc sunt integrae, opium adhibetur, hoc relaxans vascula sanguifera, resistantiam sanguini movendo datam, magis quam vires agentes cordis imminuere, sicque sanguinis motum et aestum febrilem augere debet (§. 38. et seq.) Si vero vires vitales vasorum sanguiferorum vel ipso morbo vel alio modo sufficienter sunt debilitatae, opium vires cordis; nondum tantopere debilitatas (§. 40.) magis quam resistantiam imminuere sicque motum et aestum febrilem compescere debet (§. 41.)

## §. XLIX.

Nunc etiam dictu est facile, cur opium tempore vespertino sumtum, quamvis in sanis pulsum reddat majorem; et sudoris excretionem juvet, sudores tamen colliquativos et febrim hecticorum moderari soleat, id quod in praxi medica mecum unusquisque observabit. Hocce in casu enim vasa cutanea et sanguifera minima longitudine morbi sunt debilitata, hincque opio motum sanguinis (§. 41.) et sudoris excretionem imminui (§. 46. seq.) necesse est.

## §. L.

Demonstratis jam, tunc tantum opium excretionem sudoris promovere, si vasa cutanea nisum exercent, sese contrahendi et angustandi, sicque materiam sudoris retinent, et haecce constrictio opio vel debilitatur vel auferitur (§. 43. seq.); e contrario idem hoc opium sudores prohibere debere, si nulla constringens potentia vasorum cutaneorum eodem auferri potest (§. 46. sqq.): facile explicatur, cur opium in sanis ut plurimum omnes alias secretiones praeter cutaneas impedire soleat. Quamvis enim ductuli excretorii cutanei admodum sint sensibiles, errabit tamen, qui sibi imaginatur, ductulos excretorios aliorum



organorum secernentium aequae sensibiles esse. Ureteres nequidem spiritibus acidis adhibitis eo deduci possunt, ut sese constringant, et ductuli excretorii reliquorum organorum secernentium, quamvis sint ureteribus irritabiliores, cedunt tamen longe vasis cutaneis. Quae cum ita sint, vasa cutanea insensibilis perspirationis et sudoris materiam vehementia si exceperis, reliqui ductuli excretorii organorum secernentium rarissime sunt in eo statu, ut, sese constringendo, secretionem liquoris imminuant vel suffocent, hincque rarissime tantum opium secretionem et excretionem earundem augere potest (§. 43.), e contrario easdem aequae imminuere debet, sicuti hoc circa secretionem cutaneas facit, si haec vasa nullatenus sunt constricta (§. 46, 49.)

### §. LI.

Quamvis autem opium, si cutaneas exceperis secretionem, ceteras ut plurimum ideo imminuat, quia horum organorum ductuli excretorii ut plurimum non sunt constricti (§. praec.), idem hoc opium tamen, si hi ductuli forsitan sunt constricti, et eorum spasmus, causa interceptae secretionis existit, toties interceptam secretionem restituere et augere debet, quoties constrictionem spasmodicam ductulorum excernentium vel imminuit vel aufert (§. 39, 43). Unum alterumve hujus veritatis exemplum in medium proferre non inconsultum judico.

### §. LII.

Juvenis 27. annorum ischiaticis vexabatur doloribus, insequabatur urinae difficultas et brevi post ischuria, tempore 36. horarum ne guttulam quidem minxerat; quamvis selectissima medicamina e diureticorum catalogo hoc tempore essent adhibita, frustra inquam ideo adhibita, quia dolorem et hoc dolore inductam constrictionem vasorum spasmodicam mitigare non poterant: Opium autem hoc efficiens (§. 39, 40, 51.) ischuriae brevi tempore medebatur, aegrumque servabat.

### §. LIII.

Juvenis 22. annorum colicis doloribus iisque saevissimis correptus alvi obstructione pertinacissima laborabat:

Clysmatibus plurimis, fumo herbæ nicotianæ in anum immisso, variaque indolis purgantibus nil efficiebatur; omnia sensim sensimque in pejus ruebant; ita ut cardialgia, anxietates et singultus accederent, nullaue spes salutis superesse videretur. Eo cum res deducta esset, experientissimus accedebat medicus, optime scævissimis doloribus intelligens spasmodicam quandam intestini constrictionem constipationis esse causam (§. 39.) quæ quibuscunque irritantibus et stimulantibus purgantibus augeri (§. eod.) opio autem vel mitigari vel tolli debebat (§. eod.) Quo igitur omnis stimulus clysmatibus acribus et purgantibus productus auferretur, clyσμα mere oleosum, et quo constrictione spasmodica tolleretur, opium sat magna dosi interne capiendum præcipiebat. Prima vice aegro grana duo laudani propinabantur, et quacunque hora insequente unum præcipiebatur granum, donec dolores cessarent. Nemo huic consilio contradicebat, cum nemini aliquid spei superesse crederetur. Cessabant sumtis tribus laudani granis dolores, somnus insequabatur, et vix præterlabebatur hora, cum alvus redderetur. Sic opium spasmodicam intestinorum constrictionem auferens hoc casu alvum solvebat, quamvis aliis sub circumstantiis alvum adstringat (§. 50.)

#### §. LIV.

Scimus irritationem solam sufficere ad inducendam partis cujuscunque inflammationem, quacunque sub sanguinis conditione. Omnia sufficienter irritantia, cuti admoda, sive sanguinem resolvant, sive coagulent, sive ipsum immutatum relinquant, hunc morbum inducunt: Sic spina infixa, sanguinem non mutans aequè inflammationem partis affectæ infert, quam resolvens sal volatilis, vel coagulans acidus spiritus. Cum igitur Causa inflammationis generalis, in qualibet inflammatione quacunque Causa producta præsens esse debeat, et cum hi enumerati casus nil commune habeant quam irritationem, quæ tam spina infixa, quam acribus adhibitis medicamentis inducebatur: sequitur Causam inflammationis generalem esse irritationem. Quæ cum ita sint, quaeritur, quomodo irritatio

inflammationem inducat. Verum hoc facile intelligitur. Si enim pars quaecunque irritatur, irritantur vasa sanguifera minima in eadem, hinc haec sese fortiter contrahere conantur, sanguis autem arteriosus a tergo urgens hoc non permittit, et ea aperta servat, sanguis igitur arteriosus per haec vasa movendus, majorem inveniens resistantiam (§. 37.) urgetur vi cordis et arteriarum in subtilissima et debilissimis parietibus constructa vascula serosa, et eadem, tantam vim non sustinentia expandit. In inflammatione oculorum, qua sanguis plurima vascula statu naturali globulos sanguinis rubicundos non admittentia, implevit et extendit, dicti veritas omnium pulcherrime apparet. Rubet itaque pars quaecunque inflammata, quia sanguis plurima vasa serosa implevit; tumet, quia haec vasa sunt expansa; dolet ob partium tensionem; et pulsatio in eadem saepe percipitur, quia sanguis arteriosus cum sanguine in parte inflammata incarcerato, communicat, huncque alterne premit.

#### §. LV.

Exposita jam inflammationis theoria, facile patet: cur opium in inflammationibus, nisi harum causam debilitare vel auferre possit, admodum noxium esse debeat. Hoc enim *tanta dosi dari nequit, ut constrictionem vasorum fortissime irritatorum in parte inflammata auferat*, et hoc non agens, relaxat tamen omnia totius corporis vascula minima (§. 38.), per quae jam sanguis liberrime movetur (§. 37.) Hic igitur sanguis liberrime motus propter immutata in vasis minimis totius corporis resistantiam, minus, uti mechanicis patet, agit in sanguinem partis inflammatae; hic igitur minori vi premitur et propellitur, facile subsistit (§. 56), putrescit, et gangraenam et sphacelum inducit. Opii igitur usus, in inflammatione fortè nondum debilitata, et febribus inflammatoriis inde ortis, admodum perniciosus esse debet, nisi inflammationis causam vel tollat, vel debilitet.

#### §. LVI.

Practici tot referunt exempla, opio in morbis inflammatoriis sinistre adhibito, producta, haecque tam sunt vulgaria, ut jure eorum nullam mentionem faciam.



## §. LVII.

Si vero dixi, opium nihilominus in morbis inflammationis esse proficuum, imo necessarium, si causam inflammationis debilitare vel destruere potest (§. 55.), hoc ulterius declarare non superfluum esse duco. Duos hic juvat adducere casus, quibus opium valde convenit, in primo evacuationem materiae inflammationem inducentis evacua-bit, secundo autem motus partis inflammationem augens opio imminuetur vel sistetur.

## §. LVIII.

Quod ad primum casum attinet; Fingatur materiam insensibilis perspirationis retentam inflammationem inferre, hancque materiam opio evacuari posse; tunc vero ut opium ipsam inflammationem auferat necesse est. Sublata enim causa tollitur effectus. Exemplum huc pertinens vidimus in antecedentibus (§. 44.) Opium ergo in febribus a retenta insensibili perspiratione, quam egregie movet (§. 43.), summae est utilitatis (§. 44.) quamvis in aliis inflammatoriis ut plurimum noceat (§. 55.)

## §. LIX.

Quod ad alterum casum attinet. Scimus non solum inflammationem esse irritatione productam (§. 54.) Sed etiam omnes fibras motrices irritatas majorem conatum exercere sese movendi. In inflammatione ergo intestinorum, ut motus vermicularis valde auctus sit, necesse est. Jam vero omnis medicus ratum et exploratum habere debet, inflammationem actione fibrarum partis augeri, E.G. sit digitus inflammatus, hicque saepe adducatur et extendatur, nil sane certius futurum, quam doloris et inflammationis augmentum (§. 54.) Cum e contrario quies digiti verum sit remedium, quo incrementum inflammationis avertitur. Ipsa igitur aucta fibrarum actione, inflammatio intestinorum increfcere, et debilitato motu eorundem vermiculari haec decrefcere debet. Jam vero opio motum intestinorum vermicularem imminui, indubitata docent experimenta (§. 38, 39.) In inflammationibus intestinorum igitur opium causam inflammationis auctae de-

bilitare potest, imo ut debilitetur, saepe saepius princeps est medicamen, hincque ad hunc morbum debellandum, si circumstantiae exigunt, a prudentibus medicis toties et quidem recte adhibetur.

### §. LX.

Placet paragraphum praecedentem adhuc exemplo illustrare. Vir 42. annorum laborabat hernia, haecque commisso in Diaeta errore et nixu ponderis auferendi incarcerationata inflammabatur. Quicquid ab arte pro reponenda hernia excogitatum est, incassum adhibebatur. Celebris Chirurgus non alio modo, quam cultro adhibito herniam reponi posse, strenue affirmabat, nec erat quispiam, qui aliud remedium superesse credebatur. Omnia igitur ad operationem parabantur et ad manus erant. Interim Chirurgus dubium eventum, propter inflammationis progressum praedicenti, placebat, medicum quendam celeberrimum et praecclarum rogare, ut praesentia ipsum et auctoritate tueretur, si quidpiam sinistri sine ulla culpa, vel durante operatione, vel post illam accideret. Adibat igitur Chirurgus medici domum, et cum hic loci interrogaretur, quaenam medicamenta hactenus essent adhibita hic referebat, opium nondum esse tentatum. Consulebat itaque Chirurgus hic, ut methodo antea indicata (§. 53.) id adhiberet, et tentaret, an eodem inflammatio et tumor, continuatis simul externis, imminui et postea hernia reponi posset. Felicissimus erat consilii successus, hernia sat facile reponebatur, aegerque sine operatione conservabatur.

### §. LXI.

Primarius hujus dissertationis scopus fuit exemplo ob oculos ponere. solas observationes formando bono medico non sufficere, sed hunc simul logicis, mathematicis, mechanicis aliisque veritatibus, ad medicinam facientibus instructum esse debere; huncque scopum jam obtentum esse, mihi persuadeo. Logices enim necessitatem unusquisque concedet, in memoriam revocans, quoties ego ex indubitatis observationibus, experimentis et experienciis concludens, regulas autem logices negligens, erraverim. (§. 19,

20 et 29.) Quis medicus, solus observator logicis praeceptis non imbutus concludet me melius? Mechanicarum autem veritatum in re medica egregiam utilitatem unusquisque sentiet, perspicuens, me harum tantum ope actionem opii ob oculos ponere potuisse, et neminem his destitutum opii actionem intelligere posse (§. 25. seqq.) Elegi autem, ut scopo meo satisfacerem, ex plurimis aliis, hoc de opio exemplum, quia opium est medicamentum valde heroicum, quo medicus non facile carere potest, et quo tamen jure meritoque ut plurimum careat, nisi ejus actionem perspectam habeat et exploratam. Jam igitur huic dissertationi colophonem imponerem, nisi, quo certius voti mei fiam compos, unum adhuc alterumve adferre exemplum, quod hac in paragrapho contentas veritates ulterius confirmare valet, consultum ducerem.

### §. LXII.

Serenissima Princeps uxor Comitis de Schaumburg Lippe corripiebatur noctu hora undecima paroxismo febrili. Hoc die uti et sequenti nauseabunda perpetuo, vix aliquid ciborum assumerat; et paucos assumptos vomitu reiteratis vicibus rejecerat. Praecipiebatur ideo leve vomitorium, quod medicamenta nauseae et vomendi conatui abigendis accommodatissima excipiebant. Tertia jam nocte, hora undecima, redibat paroxismus febrilis, et vix optima Princeps conquesta erat, cum omnem loquendi et percipiendi facultatem amitteret. Advocabatur noster HOFFMANNUS, qui forte fortuna tum temporis ibi commorabatur; hicque ad lectum accedens inveniebat Serenissimam Principem sine loquela, aphonam, oculis apertis fixis comatosam, membris quibuscunque, uti in catalepsi fere rigidis, pulsu parvo intermittente, respiratione laboriosa stertente, paucis, inveniebat illam febre intermittente soporosa affectam. Expergefactus Illustrissimus Comes, hicque cum virgine aulica nobili stirpe nata, et cubicularia coram lecto tremantes et ejulantes nil aliud quam praesentissimam mortem expectabant. Quid quaeso egisset lector hoc rerum statu? forsan vomitorium praecepisset, forsan clysmata acria praescripisset, forsan alia vola-



tilia naribus admovenda, forsan cantharides, forsan alia stimulantia adhibuisset. Sic enim magni in arte viri agendum hoc casu statuunt; Verum his consiliis non obtemperabat medicus, optime gnarus, haec medicamina, simili in casu, saepe et fere semper incassum esse adhibita, aegros nihilominus vitam cum morte commutasse, hincque his non fidendum esse; nedum quod periculum erat in mora et medicamentis praescribendis et parandis tempus non concedebatur, opiumne igitur forsan erat tentandum, quod medicus propter alium morbum praescripserat et ad manus habebat? Quis hoc opium soporiferum in morbo soporoso praescriberet, interrogant viri medici graves et re ipsa primo intuitu nil absurdius esse videtur. Quid igitur hoc casu, ut mors averteretur, suscipiendum erat? verbo ut dicam, noster archiater, qui jam aliquoties simili in casu opium optimo cum successu adhibuerat, landani opiati bene parati gutt. 45. in os aegrotæ infundebat, et animadvertibat, has post unum alterumve minutum deglutiri. Aliquot minutis praeterlapsis pulsus fiebat major, respiratio liberior, et intra horae dimidium totus paroxysmus soporosus erat victus, pulsus factus erat plenus, rigiditas membrorum evanuerat, mens sibi constabat, loquebatur Princeps, insequiebatur aestus febrilis et sudor post aliquot horas prorumpens paroxysmo finem imponebat. Altero mane, ut sequens averteretur paroxysmus, liberali manu corticem peruvianum exhibere decretum erat, qui autem nausea antecedentium dierum continuante, quoties sumtus erat, toties vomitu rejiciebatur. Conficiebatur igitur e vino burgundico infusum, quod vero stomacho gratius non erat, cortice in substantia porrecto. Non feliciori successu tentabatur corticis extractum. Clysteres cortice divites injiciebantur, paroxysmum autem insequentem non praevertebant, qui tempore nocturno, hora circiter undecima, tertio die aequè terribilis redibat, eademque methodo et medicina opio confecta, felicissime superabatur. Nausea et vomendi conatus postridie pergebant, quibus corticis usus internus impossibilis reddebatur, nihilque reliquum erat, quam continuatio clysmatum, cortice armatorum; hi autem cum antecedentem paroxysmum non

praescidissent, novus timendus erat. Comes maritus, qui laudani effectum hoc morbo jam bis suis viderat oculis, proponebat, num fieri posset, ut hoc medicamen exhiberetur hora decima ante instantem paroxysmum eo fine, ut forte eodem recurrente prava et terribilia symptomata averterentur. Cum enim istae guttulae, ajebat, ipsum debellare valent soporem praesentem, videntur etiam futurum avertere posse. Re ipsa sic contingebat, insequebatur quidem post opium exhibitum febrilis paroxysmus sed nullo sopore junctus. Hoc paroxismo finito infusum corticis vino paratum melius ferebatur, febris extinguebatur, Princepsque paucis diebus pristinae restituebatur sanitati.

### §. LXIII.

Casus hic, docens, quomodo medicus aegro, paroxismo soporoso jam praesente succurrere possit, eximiae esset utilitatis, nisi temerarium esse videretur, opium soporiferum exhibere in affectu soporoso; verum vanus hic timor, perspecta febris soporosae causa et actione opii, sua sponte cadit, et ideo non inutile esse duco; hac de re adhuc verba facere; Videamus igitur febre intermittente laborantem; materia febrilis in fine uniuscujusque paroxismi maxima ex parte evacuatur, sudorem foetentem reddit, et haec est causa, cur paroxysmus finiatur. Hancce evacuationem ut crisin considero, qua febris tollitur. Verum materia febrilis post sublatum paroxysmum restans et sese perpetuo iterum augens, si denique sufficiente quantitate est genita, iterum paroxysmum novum excitat. HIPPOCRATES jam dixit, quae relinquuntur post crises, recidivas facere solent, et si unumquemque paroxysmum febrilem uti recidivam paroxismi antecedentis considero, causam paroxysmorum perspicio. Non licet hac de re hoc loco ulterius agere.

Jam vero observet quicumque medicorum aegrum febre intermittente laborantem mente attenta ante paroxysmum instantem, et mecum inveniet, pallescere in principio nares, malas et extremitates digitorum, unguesque livido indui colore; haec inquam antequam frigus febrile incipit, observabit.

Cur vero nares, malae et extremitates digitorum pallescunt? Non pallescerent sane, si sanguis rubicundus omnia illa vascula impleret, quae antea ingressus erat. Nares, malae et extremitates igitur pallescunt, quia plurima vascula, quae antea globulos sanguinis rubicundos admittebant, hoc jam non permittunt, i. e. quia horum diameter est imminutus, et ipsa vascula sunt contracta. (§. 36.)

Cur vero haec vascula sese contrahunt? Frigus febrile hic loci accusari nequit, quia vascula sunt contracta, antequam hoc frigus ingruit. Quae igitur hujus rei causa? Haec vascula non contraherentur, nisi homo febre intermittente laboraret; materia igitur febris intermittens constrictionem causari debet. Quomodo vero hoc contingit? Vasa sanguifera minima maxime esse irritabilia, in antecedentibus demonstravi (§. 36.) addo nunc ipso corde esse irritabiliora, fere tam irritabilia quam vascula cutanea insensibilem perpirationem et sudoris materiam vehentia. Si igitur materia febris intermittens acris sensim sensimque majori copia generatur, et sanguini admiscetur, haec vascula sanguifera minima valde irritabilia cogere debet, ut sese contrahant, et plurima eorum sanguinis globulos rubros non admittant (§. 35. et 36.) Jam igitur intelligitur, cur ante instantem paroxysmum febrilem facies et extremitates pallescere solent.

Verum si hoc tempore adhuc materia febrilis augeatur, ut ejus irritandi vis increseat, et vasa sanguifera minima sese adhuc magis contrahant, necesse est, tuncque pallor increscit et denique frigus febrile excitatur, quod ut fiat, ideo necesse est, quia vascula sanguifera minima contracta sanguinis transgressum ex arteriis in venas eo magis impediunt, quo magis angustantur (§. 37.) Inde est, quod lividus unguium color, sanguinis fere subsistentis indicium tempore frigoris fere in quibusque febricitantibus observetur.

Non omnia corpora humana eodem modo sunt constituta; alia aliis sunt sensibilia. Quid igitur futurum si homo, quia vascula minima sanguifera irritabiliora habet, febre intermittente corripitur; praecipue uti in senibus saepe contingit, si cordis vires sunt debilitatae? Tun-



materia febrilis, tempore frigoris vasa minima tantopere irritare potest, ut sese valde contrahant, et sanguis ex arteriis in venas transgredi nequeat. Quis vero non intelligit, tunc hominem, omnium rerum inscium fieri, membra movendi potentiam amittere, symptomata febris soporosae induci, et mortem ipsam denique subsequi debere.

Quid igitur prudenti medico, si hoc casu opem vult ferre, est agendum? Hic omnem debet ullo sine dubio navare operam, ut constrictionem vasorum sanguiferorum, causam inducti soporis, tollat, sicque liberum sanguinis circulum restituat. Hocine forsitan clysteribus acribus, salibus volatilibus naribus admotis, frictionibus, cantharidibus externe applicatis obtinebitur? minime. Haec enim stimulantia constrictionem vasorum minimorum auferre, et liberum sanguinis circulum restituere nequeunt, et inde est, quod tam raro hac methodo quispiam, paroxismo soporoso afflictus, servatus sit. Opium e contrario, quod non solum constrictionem intestinorum, irritatione inductam (§. 39.), sed etiam vasorum minimorum imminuit et aufert (§. 38, 40.), hic loci indicatur; Sane, si quopiam hocce in casu opio circulus sanguinis restitui, morsque averti potest, id quod non solum exemplo Celsissimae Principis sed et quibusdam aliis confirmatur. Verum, qui opio quid efficere vult, hic ut illud tanta exhibeat dosi, quo constrictionem spasmodicam auferre possit, necesse est; ad quod obtinendum magna saepe hujus medicamenti requiritur dosis.

#### §. LXIV.

Casum, quem hic narraui, meis quidem non vidi oculis, verba autem de ipso facere non nolui, partim quia me praesente, Serenissimae Principis S. R. I. Comes maritus, ejusdem saepe saepius mentionem fecit; partim quia notatu est dignissimus. Et re ipsa hic Monasterii aliquoties utilitatem opii praedicto in casu egomet ipse observavi. Illustrissima Comes de Merveld corripiebatur affectu soporoso, materia febris intermittens inducto, quotquot aderant, mortem ejulabant praesentissimam; ex orci autem

faucibus eripiebatur eodem laudano liquido quibusdam guttulis olei vini armato. Ipsemet ego hoc medicamen praesentibus Directore HOFFMANNO, et Consiliario Aulico nec non Archiatro FORCKENBECK in guttur Comitissae soporosae infundebam. Canonicus Capitularis hujus Ecclesiae Cathedralis L. B. de Bourscheit corripiebatur catoche, tantaque erat morbi saevities, ut nemo adstantium crederet, ipsum adhuc unum alterumve minutum superstitem esse posse, et simili artificio in admirationem totius urbis hodieque optima gaudens valetudine conservabatur.

En Lector Benevôle ! quamvis futilis falsaue theoria in mille errores ducat, quanti tamen ponderis sit vera, tanti utique, ut aegri, de quibus diximus, huic soli salutem debeant. Nisi enim medentis theoria tenebras discussisset, hic sane opium soporiferum, ad soporem debellandum non adhibuisset; quod vero agere perspecta soporis causa et opii actione sine metu nullus dubitavit.



XXIV.

DR. JOANNIS BRICKENDEN

DISSERTATIO


DE

RADICE SCILLAE.

EDINBURGI,

1759.





## DISSERTATIO MEDICA.

DE

## RADICE SCILLAE.

INTER medicamenta quae nobis regnum vegetabile sup-  
peditat, perpauca sunt quorum usus est frequentior vel  
antiquior radice Scillae; hanc ideo pro argumento hujus  
dissertationis selegi.

PRIMA ejus mentio quae nobis occurrit, e schola Py-  
thagorica derivata est; et Pythagoram ipsum de ea condi-  
disse volumen, vires ejus medicas colligentem, auctor est  
Plinius \*).

IN compluribus \*\*) Hippocratis scriptis, cum in spu-  
riis, tum etiam in illis quae pro veris habentur, Scillae  
internum atque externum usum frequenter celebratum in-  
venimus.

THEOPHRASTUS \*\*\*) hujus plantae descriptionem  
adeo accuratam nobis exhibet, tempora, peculiaremque  
florendi rationem, et locum natalem ostendens, ut nullus  
dubitandi locus sit, quin nostra eadem sit Scilla qua anti-  
qui utebantur.

DIOSCORIDES †) diversas illo tempore Scillae pa-  
randae methodos tradit, sed omnino ejus descriptionem  
omittit: attamen cum de pancratio loquitur, quod accu-  
rate describit, cum id aliquos Scillam pusillam appellare,  
Scillaeque virtutes praeparationesque similes habere dixe-  
rit, nos certiores facit ipsum de eadem radice, de qua ve-  
teres reliqui, locutum fuisse.

GALENUS ††), Oribasius †††), Aetius \*), Paulus Ae-

\*) Hist. nat. I. 19. c. 5.

\*\*) Edit. Foef. lib. de superfoet. p. 265.; I. de ratione vict. in  
morb. acut. p. 407. et alibi.

\*\*\*) Hist. plant. lib. 7. c. 12.

†) Lib. 2. c. 202. et c. 203.

††) Charter. tom. 13. p. 126. 127. 229. et alibi.

†††) Col. med. I. 10. et 12. de virtute simp. I. 2.

\*) Tetrab. 4. serm. 1. c. 51. et 81.

gineta \*), et alii Graeci medici, praeparationes ejus describunt, et de ejus virtutibus in scriptis adeo copiose loquuntur, ut nobis satis constet, etiam per id tempus eam in magno pretio haberi.

APUD Latinos usus Scillae aequè frequens occurrit, uti testantur Celsus \*\*), Caelius Aurelianus \*\*\*), et Plinius †), qui praecipue virtutes ejus enumerat, et omnia quae in antiquorum operibus disperse latuerunt, sedulo collegit.

GRAECE σκίλλα vocatur, a σκελλω, *exsicco*, quia in locis aridis crescit; vel a σκυλλω, *molestiam exhibeo*, ab acrimonia sua; vel quod inter hujus, et marini testacei, ejusdem nominis piscis, squamas magna est similitudo.

LATINE et Italice *Scilla* vel *Squilla*, Hispanice *Cebolla albaranna*, Gallicè *Squille*, vel *Oignon marine*; Anglice, *the Squill. or Sea-onion*, ob locum natalem, et cepaceo generi similitudinem.

PLANTA quae ab hac radice nascitur, ad Hexandriam monogyniam a Linnaeo refertur, inter plantas floriliaceo a Tournefortio recensetur, et inter herbas radice bulbosa praedita a Raio enumeratur.

Hujus duae sunt species, alba et rubra: *altera* Scilla vulgaris radice rubra, C. B. p. 73.; Scilla magna rubra vulgaris, J. B. 2. 615. Raii hist. 1164.; Ornithogalum maritimum, Tournef. Inst. 381.; Scilla radice tunicata, Linnaei Hort. Clift. 123. Upf. 89. Mat. med. 162.; Scilla foemina, Plin. *Altera est* Scilla radice alba, C. B. p. 72. Raii hist. 1164.; Scilla magna alba, J. B. 618.; Scilla mascula Plinii. Hae duae colore tantum inter se differunt, et una pro altera sine discriminè sumi potest.

SCILLAE radix est bulbosa, magna, et pyriformis, aliquando etiam ad capitis infantis magnitudinem crescit, ex tunicis succosis squamis concentricis composita, multis crassis fibris ab infima parte exeuntibus. E media radice caulis rotundus, aequalis, et rectus ad altitudinem unius

\*) De re med. lib. 7.

\*\*) Lib. 4. c. 4. et lib. 3. c. 21.

\*\*\*) De morb. chron. lib. 3. c. 8.

†) L. 19. c. 5. lib. 20. c. 9. lib. 21. c. 17.



aut duorum pedum oritur, e quo flores tenues, albi, sex petalis constantes, absque calicibus emergunt. His succedunt fructus in orbem vergentes, sed parum triangulati, et in tres cellulas divisi, quae parvula nigra semina continent. Marcescentibus flore et caule, folia demum oriuntur.

SPONTE et copiosissime in siccis arenosisque littoribus Hispaniae, Siciliae, et ubique fere ad maris Mediterranei littora crescit, unde quotannis ad nostras regiones delata est.

Hujus plantae radix est pars quae sola hodie in medicina recipitur; hanc tumidam, modicae magnitudinis, a putredine cui maxime obnoxia est, liberam seligere oportet.

ODOR ejus est debilis, crudus, qui radicibus recentibus communis, sed minime acris, nec qui lacrymas acrimonia sua excitat, ut aliqui volunt \*).

SUCCUS viscidus est et mucosus.

SAPOR acris, amarus, palato ingratus et pungens.

Ex Scillae radice, retortae vitreae commissa, adhibito igne, primum leni, postea gradatim aucto, quicquid ei inerat volatile per destillationem elicatum fuit. Sub hanc exstillavit primum liquoris aquosi multum, qui in initio insipidus penitus, et inodorus fuit, tandem vero empyreumatici quid redolebat: prout calor adhibitus augebatur, exstillavit liquor flavescens, acris, qui procedente destillatione, continuo magis fuscus, densus, et acris evadebat, et tandem hujusmodi materies fere nigra, omnino crassa in collum tantum retortae evecta est; dum in fundo restitit massa prorsus carbonaria.

LIQUORES in vase excipiente collecti, cum sale alkalino adjecto effervescentes, aliquid acidi in iis inesse ostendebant.

MASSA in fundo retortae restitans, igne aperto calcinata, et aqua elixata, praebuit salem omni nota alkalinum, qui tamen a Cartheusero \*\*), alias satis accurato, non inventus fuisse videtur.

\*) Cartheuser. mar. med. vol. 1. p. 393.

\*\*) Mat. med. vol. 1. p. 423.

IN aqua infusa-Scilla liquorem flavescentem exhibet, acrem, valde amarum, et consistentiae parum mucosae; qui cutem instar saponis detergit, et inspissatione ad *extractum* redactus, dotēs easdem fere possidet.

IN aqua itidem, parvulo salis alkalini fixi addito, infusa, liquorem fuscum sine ulla acrimonia, et cum haud multo amaritudinis, exhibet.

ACETO infusa, acrimonia augetur, sed amaritudo aliquantulum diminuitur.

SPIRITUS vini rectificatus affusus, parum omnino, vel nihil de Scillae radice extrahere videtur.

Ab hac Scillae analysi satis apparet, quod virtutes ejus in mucilagine residunt, quae menstruis aquosis et vinosis, atque etiam acido vegetabili extrahuntur, et quod nullae vel saltem paucae siccando avolant, aut in destillatione cum aqua, vel cum alkohole, assurgunt.

PROPTER Scillae recentis acrimoniam, methodos ad hanc corrigendam antiqui multas excogitarunt, quarum tres sequentes ab \*) Dioscoride describuntur. Primo, farina subactam lutove oblinitam, donec satis intosta fuerit, in clibano imponi jussit, et ex hac trochisci formandi erant. Secundo, in aqua coqui donec mollis evaderet, et tam saepe mutari aquam quam aliquid acrimoniae vel amaritudinis in Scilla percipitur; ita praeparatam adhiberi ab \*\*) Hippocrate legimus, eandem etiam saepe a \*\*\*) Galeno. Tertio, in taleolas dissecari, et has funiculo trajecto, et intervallis commodis, ne sese invicem contingere possint, sejunctas, suspendi ad siccandum, et siccatas vino vel aceto infundi jubet.

ALII vero in vino coqui, et decoctum aegrotis adhiberi jubent.

SED praeparatio quae omni tempore caeteris aliis honore praestabat, erat Acetum Scilliticum; cujus componendi methodus a †) Galeno describitur: secundum ejus testimonium, pro panacaea fere habebatur, utpote

\*) L. 2. c. 202.

\*\*) Foef. de rat. viſt. in morb. p. 407.

\*\*\*) Charter. tom. 13. de simp. med. facult. l. 8. c. 18. §. 23.

†) De medicament. facile parand. l. 3. c. 205.

hominem ad omnia munia vegetum reddens, corpus sanum praestans, vitamque ad extremam senectutis metam producens.

HODIE Scilla adhibetur recens in forma pilularum vel boli, aromaticis quibusdam additis, ne fastidium ventriculo creet.

SCILLA cocta tantum pro trochiscis ad theriacam usurpatur, etsi ad eandem magis commoda et aequae apta foret Scilla ipsa, leniter siccata.

MINUTIM concisa, et leniter siccata, aceto infunditur, unde acetum scilliticum Pharm. Lond. Celeberrimi medici Edinenses, putantes Scillam volatilis esse naturae, ejusque virtutes quodammodo siccando amissas fore, nuper Pharmacopoeiae suae editione, eandem quam Londinenses copiam scillarum recentium adhibuerunt, quo acetum suum scilliticum multo debilius reddiderunt; nam tres unciae siccatae prope aequales sunt librae pondo recentis Scillae; uti \*) auctor Pharmacopoeiae novae bene observavit. Acetum scilliticum Pharm. Lond. ab illo Galeni nulla alia re distat, quam quod majorem Scillae copiam habeat.

Ex aceto scillitico denique cum melle cocto, fit Oxy-mel Scilliticum.

### VIRTUTES MEDICAE.

SCILLA recenti cutis perfrieta, inflammatur et exulceratur. Contrita, et externe applicata, eundem, quem sinapismus, producit effectum, ut notat Oribasius \*\*). Capitibus scabiosis, tumoribus strumiosis, et pernionibus, optime convenire putabant veteres.

DIOSCORIDES aceto incoqui, et parti a vipera morsae Scillam applicari jubet. Siccata, in pulverem redacta, et naribus hausta, sternutamentum invitat.

IN ore et faucibus, acrimonia ejus, majorem salivae copiam prorit, in ventriculum recepta nauseam, et in majori dosi vomitum excitat.

Cum tenerae hujus organi tunicae etiam parva Scil-

\*) p. 401.

\*\*) Col. med. 60.



lae dosi stimulantur, per hanc tum viscidam pituitam, vel cruditates ibi depositas ejicere, et tum coctionem languidam promovere, utcunque adjuvatur ventriculus. A dosi largiori ingesta, iidem a Scilla producuntur effectus, ac ab ullo alio emetico, tum in ventriculum ipsum, tum in alias quascunque corporis partes: agit forsan velocius, sed certe majore nausea et molestia quam ipecacuanha.

IN intestina deducta, excretoria quaeque in his hiantia stimulat, secretionisque per ea auget; et dum simul intestina ipsa irritat, pro ratione doseos plus minusve cathartica fit. Inde prodest, cum tubus intestinalis mucotenaci et viscido oppletur: nidum variarum vermium, quae intestina infestant, destruendo, eas forsan inde movere, et prorsus expellere potest.

UTILIS etiam est in ictero, a muco ductus biliares obstruente, orto; necnon in ventris inflationibus, motui peristaltico debiliori originem suam debentibus.

A RADICE recenti ingesta, primae viae, ut in praxi observatur, promptissime afficiuntur; cum vero modice siccata fuerit, virtutes ejus adeo involvuntur, partesque ejus maxime volatiles, quae ventriculum praesertim irritant, removentur, adeo ut facilius in sanguinem transire possit.

AD usum igitur medicum praefertur Scilla modice siccata, quod ita facilius in vasa sanguinea transiens, vires suas per totum corpus melius exercere, et excretoria quaeque certius irritare potest.

UTCUNQUE absorpta venis lacteis, et fluidis demum circulantibus commixta, vasa forsan stimulat, et sanguinis circuitum accelerat; sed certius adhuc, in excretoriis tandem collecta, omnes secretiones auget.

Ex antedictis de Scillae viribus facile apparet, quam ob causam haec radix pro aperiente, attenuante, diaphoretico, diuretico, et pectorali medicamento tam saepe habita sit, et in quibus porro malis prodesse possit; in iis, viz. ubi, propter inertiam solidorum, circulatio languescit, ubi fluida sunt tenacia, excretiones supprimuntur, et totum corpus pituita aggravatur. Quoties quidem stimulo opus est, ad fibras torpidas excitandas egregie con-

fert Scilla; ut in lethargo, apoplexia serosa, epilepsia, paralyfi, catarrho, asthma, tussi convulsiva, febribus intermittentibus, anasarca, mensium suppressione, cachexia, etc.

HODIE vero usus ejus maxime celebratur, quando bronchia muco tenaci opprimuntur; ut in catarrho, peripneumonia notha \*), et asthma pituitoso \*\*), in quibus morbis oxymel scilliticum, ab optimis auctoribus, nec immerito, commendatur. Opium, medicamentum efficacissimum in catarrhis inveteratis, sed, propter vim ejus calefacientem et astringentem, caute adhibendum, tutius et utilius redditur admixta Scilla. Hoc nobis tradit D. Pringle \*\*\*), secum communicatum a. D. Joanne Clerk, medico Edinenfi quondam celeberrimo. Illustrissimus tamen Huxham †) non videtur fuisse ignarus Scillam opio commiscendi, praecipue in variolis, salivatione viscida et difficili, et respiratione brevi et laboriosa.

Nec minus prodest in asthmatibus convulsivis, vel spasmodicis; cujus celeberrimum exemplum ab Hoffmanno ††) memoratur, qui qualitatem anodynam ei attribuit, eamque passim in operibus magnopere laudat. Vid. etiam Dissertationem inauguralem Hen. Schultze, de aegroto Scilla sublevato.

PRO diuretico etiam feliciter adhibetur. Clarissimus Mead †††), de incerto effectu hujus classis remediorum loquens, subjungit. „Ut plurimum vero ex radice Scillae parata omnium sunt efficacissima.“ Et hic etiam felicem Scillae cum opio conjunctionem medici experiuntur, dum opium, spasmos meatuum urinariorum tollendo, Scillae operationi favet; et haec invicem excretionum suppressionem illam, quam nimis saepe ab opio fieri solitam novimus, prohibere optime conducit. De virtute ejus pectorali et diuretica, satis constat ex D. Wagneri observationibus clinicis. Formula praescribendi, ex Hoffmanno extracta, sequitur.

\*) Huxham on fevers, p. 149.

\*\*) Mead, mon. med. cap. de asthma.

\*\*\*) Diseases of the army, p. 163.

†) Huxham on fevers, p. 149.

††) Med. rat. tom. 4. p. 3. §. 2. c. 8. et §. 2. obs. 3.

†††) Mon. med. cap. de hydropse.

R<sub>x</sub>. Scillae ficcatae, et in pulverem redactae, gr. iv.;  
 Nitri crystal. gr. viii.; his exacte tritis, adde radi-  
 cis vincetoxici pulverisatae scrup. i. Misce.

SAEPE haec dosis augetur, pro habitu aegri, vel quo diutius in usu fuit medicamentum. Plerumque operatur vomendo et purgando; sed num hi effectus sequantur, nec ne, semper fere certissimum diureticum et expectorans existebat. Et quamvis ante turbidus et inquietus esset aeger, post tamen hocce medicamentum exhibitum, placidus plerumque et tranquillus somnus per multas horas secutus est.

HAEC Scillae virtutes praeterea confirmantur dissertatione, nuper edita a Gottwaldo Schuster, in appendice qui adjungitur novis actis academiae naturae curiosorum 1757, sub hoc titulo, *De differenda hydropicorum morte per efficacissimam Scillae virtutem*. In eandem sententiam consulere licet actorum naturae curiosorum vol. 8. obs. 16. ubi agitur de radicis Scillae insigni efficacia in oppletionem pectoris pituitosa; necnon eorundem actorum vol. 10. obs. 34. ubi de pulveris scillitici compositi effectibus singularibus disserit Joan. Seb. Albrecht.

---



XXV.

Dr. JOANN. ANTON. ADAMI

DISSERTATIO

DE

OLEO CAJEPUT.

GOETTINGAE,

1783.



## §. I.

Secundo nostri saeculi decennio, Oleum Cajeput, alias Kajuput, Cajeputi, Cajaputi, Cayo-puet, itemque Oleum Wittnebianum ab inuentore, Ducis Brunsvicensis Rudolphi Augusti, verbi diuini interprete, qui postea discessit Batavianam philosophandi causa, appellatum, innotescere incepit. Primus qui eius facit mentionem, est LOCHNERVS \*), deinde centurio Anglus SALMON \*\*\*) tandem in numerum auctorum grauissimorum, qui in primis inuenti huius olei temporibus, contractam quasi iniecerunt mentionem referimus Collectores commercii litterarii norimbergensis \*\*\*), LINKIVM †) pharmacopœum Lipsiensem, BAYERVM ††) physicum Calensem, Schendum VAN DER BECK †††), TREWIVM \*) et IOERDENS \*\*). Quorum virorum cura atque opera, postquam mox in Germania magnam celebritatem adeptum hoc oleum esset, praeclaram sibi conciliauit laudem in debellandis variis nostri corporis affectibus. Sed cum remediis fere eadem quae vestibus fors contingere soleat, in quibus nempe recipiendis, iterumque reiiciendis magis plerumque opinio et mos valet, quam propria earum indoles, etiam medicamentum hoc, obliuione quasi tectum, rarius quam praestantissimae eius vires merentur, a recentioribus medicis in auxilium vocatur. An vero remediorum nouorum despectus, vel timor ambiguum tentandi remedium causa sit, cur de eo pauca essent relata, certe definire nequeo: imprimis nullum fere vestigium tum in Anglorum, tum in Gallorum libris inuenies, quoniam forsitan illi medici iterata experientia probatis maluerint vti medicaminibus, quam dubio et incerto, vt eis videbatur, experimento aegrotorum vitae nocere. Cui opinioni qualicum-

\*) in append. ad Ephem. Nat. Cur. Cent. V. VI. p. 157.

\*\*) Der gegenwärtige Staat der orientalischen Inseln S. 99. Altona 1723.

\*\*\*) Anno 1731. p. 3. 1732. p. 10. 1735. p. 68. 1737. p. 129.

†) Breslauer Sammlung 1719. Vers. 9. S. 257. Breslau 1721. 4

††) l. c. Vers. 27. p. 558.

†††) Vol. I. in app. ad Act. acad. N. C. p. 123.

\*) Commenc. litter. Norimberg. 1732. p. 10.

\*\*) ibidem 1734. p. 33. 1735. p. 68.



que dissensus saltem auctorum, de origine, colore et signis quibus genuinum cognoscitur oleum ansam praebere videri debet. Ideo me non superfluum suscepturum esse credo laborem, si quantum iuueniles permittant vires, accuratius in naturam huius olei inquiram et quae ad liquidum, perducī possunt afferam.

## §. II.

In diuersas auctores abeunt partes in materia illa definienda, ex qua oleum Caieput elicitor. Nonnulli enim et forsan plurimi id ex Cardamomi specie aliqua parari, sibi persuaferunt. Primo hanc amplexus est sententiam ABRAH. VATER in litteris ad TREW datis \*) scribens, se semen olei Caieput ab ALBERTO SEBA Amstelodamo accepisse, quod congruat cum semine Cardamomi longi quod alio tempore inclusum capsulis suis sub nomine Melagettæ acceperit, descriptionem vero et delineationem exhibitam esse a Dominico CHABRAEO \*\*). Nominato huic Sebae accuratiorem Cardamomi descriptionem in lucem edere in animo erat, sed praematura eius morte hoc suum propositum irritum factum est. Hoc negotium Cel. TREW in se suscipiens, magnum opinioni SEBAE et VATERI addit pondus dicens: vt autem citra omne dubium cuius constet ex his granis verum parari oleum Caieput addo praestantissimum apud nos pharmacopoeum DIETERICVM ex his ipsis granis elicuisse oleum omnibus notis cum illo ex Indiis allato conueniens. Cumque eo consentiunt Ill. MARTINI \*\*\*), SPIELMANN †), LOESKE ††), CRANZ †††), GESNER \*), VOGEL \*\*), CARTHEUSER \*\*\*), ZIMMERMANN †), TRILLER ††), et alii.

\*) Commenc. litter. Norimberg. 1731. p. 366.

\*\*) Stirp. sciagraph. Class. 15. p. 18.

\*\*\*) Diff. epistolaris de Oleo Wittnebianum siue Caieput. 1751.

†) Diff. Cardamomi historia. Strasb. 1762. p. 34.

††) Mat. medic. ed. ZVEKERT p. 324. Berol. 1773.

†††) Mater. med. Tom. I. p. 188.

\*) Mat. med. Stutgard. 1771. p. 156.

\*\*) histor. mat. med. 1758. p. 248.

\*\*\*) Pharmacolog. Berol. 1770. p. 217.

†) Grundsätze der theoretischen und practischen Chemie. Dresden, 1755. I. Th. S. 572.

††) Thesaurus, p. 307.

Quam tamen sententiam, quamvis eam gravissimi et fide dignissimi scriptores tueantur, sequi nequeo. Nam hi viri qui illud Cardamomis adscribunt, non eandem nominant speciem. TREWIVS id ex singulari et hactenus parum nota, Cardamomi maioris specie destillari statuens, figuram fructus nec rotundam nec exacte triquetram dici posse, cum triangulari tamen seu potius oblonga, et ex rotunda compressa convenire expressis docet verbis. Ut melius autem diiudicemus quemnam fructum ille intellexerit, ipsius verbis uti mihi sit licitum. „Capsulae tegmen crassa constituit membrana fusca, fibris longitudinalibus vndique scabra, densaque, quae ipsa gravem, nec tamen molestum spirat odorem aromaticum, saporem autem exhibet minus acutum, ablata capsula congeries deprehenditur granulorum plurimorum, quae triplices continet ordines, ita ut quilibet membrana tenui albidula excipiat. Ipsa grana angulosa ad latera plana, superius vero magis convexa ubique glabra sunt, et ex griseo seu plumbeo colore argenti in modum splendent, sub tenero cortice alba latet pulpa, quae masticata illico acutum gratum tamen excitat saporem Cardamomi genuini saporis proxime accedentem, cum aliqua tamen dulcedine simul iunctum, seu verbo olei Cajeput statim manifestantem.“ Inter cardamoma maiora retulit.

III. MARTINI quidem, ut ipse ait, amplexus est TREWII sententiam, sed aliam appellat speciem, Cardamomum medium siue longum appellatum et a maiori diversum. A BONTIO \*), C. BAVHINO \*\*), SCHROEDERO \*\*\*), VAN DALE †), quidem haec species Cardamomum maius appellatur, alii vero, ut IONSTON ††), POMET †††), LEMERY \*), GEOFFROY \*\*), nomine Cardamomi minoris insigniunt. WEINMAN \*\*\*) Cardamo-

\*) Histor. L. VI. Cap. 32.

\*\*) Pinac. Libr. XI. Sect. 3. tit. 10.

\*\*\*) Pharmacop. L. IV. Cap. I.

†) Pharmacolog. L. II. Sect. 34.

††) Dendrolog. L. 3. Cap. 2.

†††) Histor. des Drogues. L. I.

\*) Traité des Drogues. p. 152.

\*\*) Abhandlung von der Mat. medic. Leipz. 1761. 2 Th. S. 546.

\*\*\*) Phytanthoza-iconographia. T. II. p. 42. Ratisb. 1739.

mun longum siue medium vocat. Sed magna sane est differentia inter hasce species. Haec enim habet folliculos longitudine vnciae, quater aut quinquies latitudinem superante, acutis angulis, planisque lateribus non raro incuruis, extremitas inferior est rotunda, superior oblonga, color corticis externi vel fuscus vel cinereus est; tria continet loculamenta, quorum vnumquodque duplicem feminum serie impletum est, quae badia, rugosa, duriuscula, angulata, complanatis lateribus sibi invicem incumbentibus, nullo prorsus sapore et odore camphorato, sed debiliori saltim aromatico gaudent.

A Cardamomo rotundo siue iauanico illud a TREWIO descriptum plane etiam abhorret. Magnitudine enim est auellanae rotundae tribusque angulis obtusis, striisque crassioribus distantibus distinguitur. Colore mox ad cinereum, mox ad fordide album, mox ad flauum vel fuscum vergente gaudet. Occluditur vndique nec vllum hiatus vestigium apparet. Semina in tres ordines posita, in globum, quod ciceris semen quodammodo refert, contorta, folliculo nullibi inhaerent, septi intermedii, tenuis, candidi, pellucis tres alae in mediam quamuis valuulam inferuntur. Semina ipsa sunt inaequalia, angulata, depressa superficie externa, protuberante margine, eminentiis cuiuslibet seminis in sinus vicinorum exacte receptis. Color est diuersus, in aliis cinereus, in aliis fuscus, in aliis nigricans, interna medulla alba. Quamuis haec grana oleum Caieput sapore et odore ita aemulentur, vt CARTHEVSE haec oleum Caieput reddere suspicaretur, et adhuc nonnulli inueniantur auctores, qui hanc habeant sententiam, nihilominus instituta hoc cum semine destillatione, oleum quidem aromatico camphoratum, sed minime illi simile praebet, qua re non solum CARTHEVSEI sed etiam aliorum opinionem esse refutatam puto.

Cardamomum minus vulgo dictum, cuius folliculi semiuncia haud maiores, teneriores, albicantes, aut subflaui, tenuissime striati, tribus obtusis praediti angulis, lateribus hinc inde gibbis, valuulae mox arcte clausae, apex papilla perforata mox longiori mox minori, coronata, cuius cavitatem tres tenuissimo distincti septo loculi, sin-



guli quinque ad sex femina sibi inuicem incumbentia excipiunt, quae sunt angulosa, rugosa, subrufa, per senium cinerea, et odori suauis aromatico, sapore amariuscule, paululum ad illum, qui Camphorae inest accedente instructa, quae illo latere quo siue septum, siue femina contingunt membranula obvoluuntur. Hoc, inquam, contra sententiam Cl. PIDERIT \*) aliud, ab oleo Caieput valde diuersum oleum largitur \*\*).

En igitur dissensum auctorum! TREWIVS affirmat femina larga copia ad manus suas peruenisse, sed unde venerint, et an oleum saepe egregio cum successu ab eo adhibitum ex India allatum sit, an vero ex femine, quod vocat Caiupoet elicatum haud proponit. GOEZIVS †), vidit illud semen ex officina suppeditatum, non omni sapore quidem destitutum ad olei saporem accedente, at debilius ei visus est, ut inde oleum odoris sensum tam acute feriens elici potuisset. Merito quaeri potest, an semen a GOEZIO degustatum recens fuerit! etiamsi hoc probare nequeam, attamen iam GOEZIVM quandam cepisse dubitationem per se liquet. Sed fac hoc semen non fuisse recens, fac oleum, quod TREWIVS accepit, quicum illud ex femine elicatum conueniebat, fuisse genuinum non adulteratum, femina quae ad olei destillationem sunt adhibita ab his doctissimis viris, esse ab eadem Cardamomi specie desumpta, fac denique haec olea sapore, odore, virtutibusque ad amissum respondere oleo Caieput, quae tamen, ut iam antea probavi, non extra omne dubitationis punctum iacent, attamen non valet conclusio oleum Caieput parari ex Cardamomi specie. Quis enim est, qui eat inficias aut iure negare possit, nos variis gaudere medicaminibus, quae ex diuersissimis plantarum generibus parantur! sic, ut exemplum allegem, varia plantarum genera nobis praebent Camphoram, et tamen vno ore medicamentum hoc salutare Lauro Camphorae L. tribuimus. Ex quorum subiecto igitur praecipue et primitus oleum extrahatur, inquirendum est.

\*) Pharmac. rational p. 234.

\*\*) SPIELMAN Diff. cit. p. 75.

†) Commerc. litter. Norimb. 1731. p. 3.

## §. III.

Fuerunt itaque alii sonum vocis sequentes, qui crederent, Taxum nuciferam vulgo Kaiu dictum, quam KAEMPFERUS \*) descripsit, et van GOCH \*\*) repetiit, dare oleum Caieput. Hi omnino refutationem mereri non videntur, verborum enim similitudinem sequentes, per facile a recto aberramus tramite, et tantum verba captamus, studio veritatis omisso.

Vidimus ergo, horum allegatorum scriptorum opiniones veritati non congruere, quodnam vero plantarum genus hoc famosum oleum largiatur, de hoc nunc sermo erit. Iam olim verbi diuini concionator apud Amboinenses FRANCISCUS VALENTYN \*\*\*) mentionem fecit arboris Caioepoetch, quae ab incolis vocatur Leithum, in lingua belgica Witt-hout Boom et duas distinguit species, nempe maiorem et minorem arborem, a maiori iterum duae diversae inueniuntur arbores. Prolixam insuper loco hoc litteris demandauit arborum, foliorum fructuumque descriptionem, quae, cum omni modo illi quam RUMPHIUS †) profert respondeat, silentio praeterire possumus. Immortalis et sagacissimus hic Vir non solum descriptionem sed etiam delineationem arboris nobis reliquit. Tres obseruauit arbores albas siue Caiu-Puti, myrto affines. Maior est arbor perfecta, simplici non admodum erecto at arcuato gaudens trunco, qui plerumque hominis crassitudinem refert, quidam etiam hominum duorum et ultra crassitiem habent. Raros gerit ramos eosdem incuruos, qui comam raram et incomptam habent. Folia peculiarem dant formam, quae a caeterorum arborum foliis facile distingui possunt, per longitudinem neruos habentia, nouem decemue, quorum qua-

\*) Amoenit. exotic. politico - physico - medicar. fasc. V. pag. 814. Lemg. 1712.

\*\*) Der gegenwärtige Staat aller Nationen T. I. P. 2. p. 136. Altona 1733.

\*\*\*) Beschryving van Oud en nieuw Ostindien 3. Theil p. 192. Amsterdam 1724.

†) Herbarium Amboinense ed. Burman Amstelodam. 1741. P. 2. p. 75. seq.

tuor quinqueue prae reliquis eminent. Plurima ad finem sunt incuruata fere instar acinacis. Sex, septem octoue pollicum et ultra longitudine, pollicis latitudine, firma, glabra, coloris pallide viridis fere glauci, sique conterantur, sicca apparent, et fragilia, odoris fortis quodammodo aromatici, sed et simul aciduli. Illorum sapor resinofus est cum parua adstrictione ad Myrti folia accedens. In ramulorum extremitatibus, atque ex proximorum foliorum alis lignosi progerminant petioli, semi-pedis longitudine, qui obfessi sunt oblongis viridibusque capitulis, seseque aperientibus in flosculos albos, ex quinque angustis petalis constantes, repletis plurimis longis, flaccidis et albicantibus staminibus villosis, antheras albicantes gerentibus: stamina haec in medio seu centro pistillum viride recondunt, quod post flores delapsos, in paruo concavo persistit quasi cyatho vel caliculo. Tenue est semen ac si palea esset, vel quod formam habet abruptorum spinarum acuminum parum incuruum ac pallide fuscum, quod demum decidit, si baccae diu in arbore haeserint. Truncus molli obducitur cortice, digiti circiter crassitudine, innumeris tenuissimis ac tenerrimis pelliculis constructo. Inferior huius trunci pars semper nigricans apparet, ac si combusta esset, in qua omnia etiam exustionis signa conspiciuntur, quodque mirabile est nemo vnquam hanc arborem conspexit ardentem. Forsan ardentibus diebus aestiuis hic siccus et tener cortex, qui ignis fomitem tantam refert, ardenti solis feruore incenditur non tamen eo usque vt flammam concipiat, sed ita exurit, vt combusta quasi videatur. Ex albo seu cinereo colore hae arbores e longinquo facile dignosci possunt ac plerumque solo occurrunt rubro, pingui et argilloso, alba mixto terra atque lapillis, quod haud facile alias producit plantas. Baccae maturae seu fructus resinofum dant saporem ad Myrtum accedentem, cum notabili adstrictione, sine vlllo colore, vetustae vero baccae admodum sunt siccae, fragiles ac fere fatuae et infipidae. Folia quoque adeo sicca sunt, vt ex contritis vix vllus elici possit succus. Lignum satis durum est ac graue, oblongis constans fibris, nec elegantem dat colorem, ex cinereo enim albicat fusco mixtum,



per longitudinem facile finditur, immo fere sponte, si soli fuerit expositum, eius medulla est mollior, fungiosior ac plurimum rimas agit. Aedificiis hinc erigendis nullo modo inseruit, quum non bene poliri possit, facile findatur ac cito cariosum fiat, in aqua maritima satis durabile est, sed tum non prolapsae sed recens caesae eligantur arbores, ex quibus costae nauium vel asseres formantur, si secetur hoc lignum gratum at debilem praebet odorem fere instar sandali. Arbor ipsa quum solitarie sit locata haud profundas admodum ac raras agens radices fortioribus facile difficitur ventis ac imbribus. Flores dat mense Februario ac mense Martio, fructus maturescunt ab Augusto vsque ad Nouembrem nec facile progerminant ita, vt raro ex his arbusculae pullulent, quae neque transplantari neque ab hominibus coli possunt. In omnibus fere occurrit insulis Archipelagi huius Moluccensis, a Celebes parte orientali per Moluccas, Ceramam et Amboinam, plurimum vero per insulas ad Eurum sitas, ac forte vsque ad nouam Guineam, in Boero et Cerama totos occupat montes et vix vllum in ea, quam sibi vindicauit regione, admittit arborem, raro vero propè littus occurrit, sed in montibus intra teli iactum a littore sese offert, in altissimis ac frigidis montibus non laete progerminat, sed locis ipsis vicinis ac radiis solaribus melius expositis. Cortex plurimum in vsu est saltim Amboinensibus ad obturanda nauigia, quippe qui iuncturis interponitur, si asser asseri adnectendus atque adunandus sit. In aqua marina intumescit, vnde nauigia optime obsoolidat. Licet hic cortex decorticetur, arbor eodem in loco nouum iterum producit corticem. Fructus vel Baccae Amboinensibus nullo sunt in vsu, quod magis ipsoꝝ ignorantiae est adscribendum, quam quod minoribus valeant virtutibus quam Iauanenses, in Amboinensibus enim maior vis aromatica percipitur vel saltim sapor penetrantiꝝ est, quam in iis, qui in Iauanorum cistis aromaticis transferuntur.

Arbor alba maior, communi malaicensi nomine Cayoputi vocatur. Quidam Kilang arbores vocant, alii Brant-Boomen, seu exultas nominant arbores, quum incendii signa in trunco appareant. Verum nomen est Kaiu-Gelam,

ac fructus Gelam. In Iaua et Balega fructus vocantur Ballong et Bobolong. Ternatensibus dicitur Hate-Kelang et Badiule. In lingua Amboinensi varias habet denominationes, iuxta varia, in quibus crescit loca. Vulgo vocatur Ayputi, sed proprie Kilan, Ilam et Elan. In Cerama vocatur Sakelan, in Banda Kelan, quae omnia nomina sine dubio ortum habent a Malaicensi Gelam.

## §. IV.

Kaiu-Kelam altera arbor in occidentalibus crescens insulis, vti in Iaua, Borneo et Malacca, graciliorem habet truncum, folia sunt pinguiora et latiora, et lignum quoque durum est et graue, crescit non in montibus, sed in planis campis et iuxta fluminum ripas.

## §. V.

Tertia denique arbor, Caiu-Puti, Daun-Kitsil, Caiu-Kilan vel arbor alba minor vocata, maiori quoad externam faciem in omnibus similis est, excepto quod omnes eius partes sint minores, nec adulta nec perfecta sit arbor, et aliquando pluribus exsurgat stipitibus, ita vt fruticem referat. Stipites hi raro ultra pedis ac rarissime cruris sunt crassitiem, tenui, giluo ac multiplici obducti cortice, vti in praecedente, sed multo tenuior est, rugosior, magisque laciniatus, ita vt ineptus sit fissuris obfolidandis. Folia prioris foliis sunt similia, sed dimidio minora, tres quatuorue pollices longa, vix minorem digitum lata, paruaeque salicis foliis similia, ac parum reflexa, trineruia, quae paruas quasdam atque incuruas transuersales gerunt venulas, coloris praecedenti similis; sed non ita pallidi ac magis herbacei, suntque firma, sicca atque fragilia, odoris grati aromatici ad Cardamomi odorem accedentis. Fructus seu baccae sunt quoque multo magis aromaticae, et saporis calidioris, quam baccae praecedentis, sed cum parua adstrictione. In Amboina crescit, sed non aequae frequenter ac praecedens, terramque amat ficiorem ac scopulosiorem, cui ingentes et acuti mixti sunt lapides, aerem etiam marinum plus amat quam praecedens. Haec omnia memoriae tradidit eruditus Vir et adiecit duarum

arborum delineationem \*), RVMPHII interpres vero Cl. BURMAN in obseruatione ad nominatum caput, descriptionem rami a D. GARCIN sub nomine Myrti-Leucodendron incolis Caiuputi dicti nobiscum communicat, qui tantum abest vt ab arbore a RVMPHIO alba maior appellata discedat, vt potius omnibus noti ei sit similis. Conueniunt igitur sibi VALENTYN, RVMPHIVS, GARCIN et BURMANNVS, vt sit arbor quae Caiuputi siue arbor alba; (Caiu enim arborem, et puti albam significat) nuncupetur at ab aliis speciebus differat. Nemo vero est qui his Viris fidem denegare audeat, vt equidem credo. Enimvero vt ne vllum quidem dubium remaneat lectu adhuc digna sunt, quae Cl. HOVTRVYN allegat \*\*). Accepit a Cl. ANDREA BONN accuratam et elegantem totius plantae delineationem, quae vt ibidem obseruas, et accurate cum illa a RVMPHIO depicta conuenit, et a certo RICHTERO a solo natali apportata est. Nunc pro mea quidem sententia nullo modo dubitare nostrum est, an RVMPHIVS et alii veritatem attigerint nec ne. Vt vero vno quasi intuitu totius plantae descriptionem perspicias LINNAEI vtar verbis.

Polyadelphia polyandria

MELALEVCA LEVCADENDRON.

**Cal.** Perianthium superum quinque partitum: laciniis rotundatis, evanescentibus persistentibus.

**Cor.** Petala quinque subrotunda minuta.

**Stam.** Filamenta vltra viginti, sebacea erecta, longissima, connata in corpora quinque e 6 siue 7 singula. Antherae oblongae, incumbentes.

**Per.** Capsula colorata, subrotunda, vestita, calyce baccato vrceolata integerrimo, praeputii instar, triangularis, triualuis.

**Sem.** Numerosa, decumbentia, oblonga introrsum acuminata, extrorsum truncata.

Arbor, trunco nigro, ramis albis, folia alterna lanceolata, versus alterum latus falcata, petiolata, integerri-

\*) l. c. Tab, 16 et 17.

\*\*) Natuurlyke Historie der Dieren, Planten, en Mineralien. Amsterdam, 1774, 8. 2. Th. 3. St. p. 212.



ma, sub auenia fructificationes sessiles, adglutinatae, sparsae infra folia, fructus ante maturitatem.

Melaleuca Leucadendra. *Mantissa* p. 105.

Myrtus Leucadendron. *Spec. Plant.* 2. p. 676.

Arbor alba Caieputi. *RUMPH. herb. amb.* 2. p. 72.

Lepto spermum Leucodendron. *FORSTER. Nov. Gen.* p. 48.

Weis Baum. *Linne Pflanz. System.* 2 Th. p. 23. Tom. 158.

Schwarz weis *Dieterichs Pflanzenreich* 2 Th. pag. 907,

Wit-hout Boom. *VALENTYN l. c.* p. 193.

*Icones plantar. medicinal. Cent. IV. T. 307.*

## §. VI.

At vero num ex hac arbore oleum illud eliciatur alia est quaestio. Nomen quod arbor gerit suspensionem adhuc mouet, an nimirum oleum, quod eodem modo est insignitum, etiam ex ea esse possit. Scriptorum vero libris accuratius excussis satis superque nobis persuademus de veritate huius rei. *VALENTYN* \*) oleum Caieput ex hac elici arbore ea contendit fiducia, vt qui ei fidem deneget neminem fore arbitrer. *RUMPHIUS* \*\*) quamquam non singulari designat nomine, vnusquisque tamen descriptione ab illo exhibita perlecta, illum intelligi voluisse nostrum oleum fatebitur. Immortalis *LINNAEVS* adhuc in ambiguo versari videtur an Melaleuca Leucadendron oleum praebeat, quod contra Cl. eius filius †) certe affirmat, grauissimis haud dubie conuictus argumentis, quae ex dictis laudati *HOVTTVYN* ††) animo facile se insinuare videri possunt. Per destillationem ille ex arbore Caiaputi ex India missa oleum accepit genuinum: Eo igitur rem deductam esse credo, vt certum habeamus oleum nostrum venire a Melaleuca leucadendron, ad quamnam vero speciem referendum sit, nunc inquiramus. *VALENTYN*,

\*) l. c. p. 193.

\*\*) l. c. p. 77.

†) *Supplementum plantarum* p. 342. *Brunsvig.* 1781.

††) l. c. p. 212.

RVMPHIVS et HOVTTVYN a parua Caiepoeti arbore venire vno ore contendentes, nos perfacile assentientes habent.

Quaenam vero arboris pars ad oleum exprimendum adhibeatur, iterum hac de re auctores non sunt conuenientes. GOETZIVS †) narrat se ex ore hominis fide digni, litterati, atque aliquot annos, in India commorati, auduisse ligno exprimi oleum. CL. DEHNE ††) se ex seminibus, nomine Cajepūt acceptis, ait, licet paruam quantitatem attamen genuinum elicuisse oleum. Fructus ex quo oleum elicit ouato-rotundi, acuminati magnitudine Cardamomi minoris, petiolo praediti sunt. Capsulae colore subrubro, rugosae, crassiusculae pulposae, duo nigra splendentia, altera parte convexa, altera plana superficie praedita semina abscondunt. Superficies amborum granorum lentis magnitudine quadrantium, se inuicem attingentes globulum quasi formant. Membranula filo aradnoideo similis, vnum ab altero dispescit.

Idem nos docent Celeb. dispensatorii Brunsvicensis auctores †††). Attamen fateamur oportet, quamquam minime haec omnia in dubium vocamus, ad eorum tamen opiniones nobis vertendum esse, qui RVMPHII sententiam, quam mox adducemus pro vera agnoscunt. Hoc semen enim, quod obtinuit CL. DEHNE, nullo modo idem est, quod ex arbore Caiepoet obtinetur, et fac etiam semen quod Clarissimi hi Viri acceperint esse fructum arboris nostrae, et oleum conuenire ei quod Cajepūt dicitur, tunc idem adhuc valet quod de illo ex semine Cardamomi parato supra monuimus. VALENTYN \*) et RVMPHIO testibus multos annos commoratis in India orientali adeoque omni fere exceptione maioribus ex foliis destillatur oleum. „Huius arboris nempe minoris folia calidiori die collecta, „sunt RVMPHII verba \*\*), licet penitus sicca imponantur sacco, ita sponte incalescunt ac humida sunt, ac si „in aqua forent macerata. Si haec dissecentur, et aquae

†) l. c. p. 5.

††) Crellsches Journal. Lemgo 1778. I. Th. p. III.

†††) Dispensator. pharmaceutic. Brunsvic. 1777. p. 110.

\*) l. c. p. 193.

\*\*) l. c. p. 77.

„infundantur, vt per noctem fermentent, sique deinde  
 „destillantur oleum extrahitur ex his tenue, pellucidum,  
 „ac subtile, sed parua tantum quantitate, ita vt ex duo-  
 „bus faccis, his foliis impletis, vix tres olei istius drach-  
 „mae eliciantur, quod fortissimum Cardamomi spirat odo-  
 „rem, sensim autem iucundius est, sed facillime auolat.“  
 Haec ille. His itaque testibus in medium productis atque  
 excussis, quomodo et quam ex parte oleum exprimat  
 compertum habemus. Cl. HOYTIVYN †) eo magis nos  
 persuadet, affirmans Amstelodami genuinum et verum  
 oleum Cajeput esse ex foliis arboris Cajepoeti, ex India a  
 RICHTERO apportatis, elicatum, methodumque oleum  
 parandi aequae ac eius vsum descripsisse ††).

## §. VI.

Iam vero expositis iis quae ad eius originem spectare  
 videri possunt, mihi graue ac difficile exsequendum est  
 officium, olei ipsius nempe descriptio: Limpidum, tenue,  
 aliquantulum flavescebat secundum GOEZII †††), viride  
 vero secundum III. THUNBERG \*) sententiam, hoc oleum  
 odore aromatico, forti, fragrante, initio grato, pede-  
 tentim subterebrinato, sabinae digitis contritae simili,  
 quam diutissime durans, est praeditum. Sapor aromati-  
 cus sensum aliquem refrigerii linguae imprimens cum te-  
 nuissimae acrimoniae perceptione, ad rosmarini oleum  
 siue Camphoram proxime accedit. Genuinum oleum illud  
 esse a cuius guttula vnica temporibus illinita, morficatio  
 in oculi cantho interiori lacrimarumque prouentus produ-  
 catur, narrabatur GOEZIO \*\*).

Plerumque oleum, quod in pharmacopola prostat,  
 colore gaudet viridi, artificiose, vt fere vno ore auctores  
 contendunt, facto. Solertissimi nostri temporis chemici,  
 experimentis eruere atque ad liquidum perducere, quibus  
 additamentis hic color sit productus, non omisere. Cl.

†) l. c. p. 212.

††) in libro *nieuwe Vaderlandsche Letter Oeffeningen*. Derde  
 Deel Nomm. 3. Mengelwerk. Bladz. 104. cuius tamen inspi-  
 ciendi copia participem me reddere non potui.

†††) l. c. p. 4.

\*) Kongl. Vetenskaps Academiens nya Handlingar. 1782. p. 223.

\*\*) l. c. p. 5.



DEHNE †) succum Rhamni cathartici L. cum oleo vnguinoso mixtum, vel aliam baccam accusat. Cl. HEYER ††) accurate instituens examen, suum oleum cum parte resinosa Achilleae millefolii L. adulteratum inuenit. Ob saporem hoc fieri credit Anonymus †††) Cl. denique BINDHEIM \*), amicus suauissimus, ea qua semper solet examinare corpora diligentia, perscrutatus oleum, partes cupreas obseruauit. An haec nefanda fraudatio venditoribus consciis sit suscepta, an potius destillatio super alembicum cupreum instituta, vel transportatio in vasis aeneis suscepta, oleum his partibus foedauerit, certe definire nequimus. Transportationem fieri in vasis aeneis contendit Anonymus \*\*) Ill. THUNBERG \*\*\*) magna copia in Banda destillari et vasis vitreis Batauiam transportari asserit. Prius vero adulterationis genus sine dubio magis insons est, quam posterius: eamque ob causam publico nomine amico meo exoptatissimo sum obstrictus, quod nostram huic rei induxit attentionem. Quo magis color viridis nostrum ornat oleum, eo magis id suspectum habeamus necesse est, resina enim colorem magis viridiorem, cuprum vero ex coeruleo viridescentem oleo conciliat †), adeoque bene aegris nostris consulinius, si antea, quam id in usum vocamus, chemica analysi inquiramus, an sit adulteratum nec ne.

#### §. VIII.

Oleum aqua instillatum ei innatat, et non vt alia ex India allata submergitur. Per omnem eius superficiem adeo diffunditur, vt nisi accurate attenderis, tibi credendum sit, id in auras abiisse. In spiritu vini integerimo facili negotio soluitur, nec colorem albidum seu lacteum ei conciliat. Si duae Olei Vitrioli partes cum vna nostri olei parte coniunxeris, materies quaedam resinosa fundum petit ††). Spiritus Nitri fumans ei admotus, flammam qui-

†) Crell Journal. I. Th. p. 113.

††) eodem libro 3 Th. p. 101.

†††) eodem libro 4 Th. p. 251.

\*) Neueste Entdeckungen von Crell, Leipz. 1781. 3 Th. p. 80.

\*\*) eodem libro 3 Th. p. 83.

\*\*\*) loc. citat. p. 223.

†) Neueste Entdeckungen von Crell. 3. Th. p. 84.

††) MARTINI l. c. p. 15.

dem non excitat, at fumum tamen qui oleum consumit \*). Oleum accensum sine strepitu et sono in flammam sub flauo-rubescens, quae fumum atrum spargit, erumpit, qua finita exigua materia tenax, resinosa, quae strias et maculas quasdam subfusco flauas format, et amarum dat saporem in cochleari remanet \*\*). Nulla singularia obseruantur phoenomena sub euaporatione. Mox enim admoto molli carbonum igne cochleare in auras abit, ita vt nullum residuum resinofum suspiceris, nisi tactu paucillum materiae pinguis viscidioris, quae fundum obducit animadverteris \*\*\*). Odorem aequae ac saporem in vitreis oclulis diu seruat, liberi autem aeris accessus vtroque privat. Vt certior fierem, an haec phoenomena in oleo, quod possidebam sese demonstrarent, omni qua potui diligentia institui experimenta, et quae ab illis a laudatis viris recedunt, paucis enarrabo verbis. Oleum cum partibus anaticis liquoris salis essentialis Tartari mixtum, paululum albidior nanciscebatur colorem, sed satis clare viride mansit, nec efferuescebat nec sedimentum praebebat. Cum Acido Vitrioli albi concentratissimo mox accipiebat colorem rubicundum, vitrum calescebat, et cum aqua destillata mixta eundem conseruabat colorem, quamuis aqua turbida et alba fieret, attamen nec vestigium quidem partis resinosae fundum petentis detexi. Ab acido nitri fumante guttatim instillato nullam patiebatur mutationem, vitro vero clauso statim magno cum impetu vitrum confregit et in flammam erupit. Cum acido salis vel aceto concentratissimo mixtum nullam obseruaui mutationem, quamuis paululum turbidius et non tam aperte viride obseruabatur. Purissimum immittebam Zincum aequae ac ferrum cylindriacum, sed nec haec vllam cupri suspensionem mouebant. Alkali minerale, vegetabile ac animale statim unionem saponaceam cum eo ineunt, albidumque reddunt, sed ita vt maiorem ab Alkali minerali accipiat albedinem. Hisce coniunctionibus iterum solutis, mox pristinum accepit colorem, excepto hoc, quod Alkali volatile illud rubicundum fecisset.

\*) MARTINI l. c. p. 15.

\*\*) CARTHEUSER l. c. §. 4.

\*\*\*) CARTHEUSER l. c. §. 4.

Oleo accenso nullum materiei resinosae vestigium aparuit. Plura adhuc instituire experimenta animus erat, sed temporis breuitas, et varia incommoda, quae ex defectu laboratorii et idoneorum instrumentorum oriuntur, me cogebant hisce acquiescere et reliqua in aliud tempus transferre. His allatis vero diiudicare potes, me oleum ab omni sorditie liberum obtinuisse, quod verisimile etiam est genuinum.

## §. IX.

Vires, quas oleum Caieput in corpus nostrum edit, cum iis quas omnibus oleis aromaticis inesse compertum habemus, conueniunt. Sed haud minori gradu omnes praecellit, vim enim exferit valde calefacientem, sanguinis auget circulationem, corporis calorem intendit, omnes etiam subtilissimos nostros penetrat humores, ab eo solida ad viuidiorem excitantur oscillationem ac contractionem, neruique stimulantur, ita se - et excretiones, praecipue transpiratio cutanea liberiores euadunt, humores attenuantur, dissoluuntur, ideoque haud inepte discutientibus, calefacientibus, resolventibus, sudoriferis, diureticis, nervinis, anodinis, stomachicis, carminatiuis adnumeratur.

Multa experimenta a medicis consultissimis suscepta eius demonstrant efficaciam. Horum vero morborum, in quibus oleum hoc testantibus iteratis obseruationibus certius validiusque praestitit auxilium mentionem faciam. Inter horrendos et tristissimos conuulsuorum motuum morbos, primo nominabo Choream St. Viti: ad hanc sedandam, cortice peruuiano et oleo animali Dippelii frustra adhibitis, nostrum oleum exoptabilem editeffectum \*): WERLHOFF corticem equidem pro summo habet medicamento, si post diuturniorem vero exhibitionem nihil amplius vtilitatis veniat, spasmis non integre sublatis, ad oleum Caieput confugit et eum etiam sine cordice leuiorem mali gradum in quatuor aegris superasse testatur (\*\*). Non solum motus hi saltantium instar inuoluntarii remedio hoc mitigantur, et hoc modo medicus occasionem obtinet, vt alia, nisi hoc causam tollat, propinet remedia, sed etiam

\*) MARTINI l. c. p. 17.

\*\*) ENGEL specimina medica, accedit Sylloge epistolar. WERLHOFF. Berolin. 1781.



nonnunquam radicitus malum euellitur. Causa enim horum motuum extraordinariorum, in quadam inimica neruorum impressione collocari videtur. Saepissime vero nimis tenera et imbecillis systematis neruosi structura, animi pathemata, transpiratio suppressa stimulum hunc producant, hanc impressionem depellere nil oleo nostro praestantius aegro porrigere potes. Sicuti vero alia medicamina, si iusta cautio negligetur, non solum effectum exoptatum denegent, quin immo, vt morbus in peiorem irruat partem, ansam praebent; ita et nostrum medicamentum praesente plethora, saburraque primarum viarum, vrgentibus sanguinis congectionibus versus partem quandam nobilem, non prius quam iusta congruaque methodo haec symptomata euanescent, in vsum vocari potest.

Laudibus non est destitutum in morbo conuulsuo spasmodico, nonnullos ante annos epidemice grassato, ab immortali LINNAEO non satis recte Raphania denominato, a Cel. TAYBE \*) eximia qua pollet eruditione descripto. Quem nonnulli scriptores nescio qua ratione cum antecedente confundunt. LENTIN \*\*) accuratus obseruator non omisit intentatum. Vtinam et Cel. TAYBE remedium hoc etiam in tanto, proh dolor! aegrotorum numero tentasset! sperans fore quin eius vsum commendaturus esset.

Epilepsiae eximio cum fructu opposuerunt MARTINI \*\*\*), LANGE †). Cardialgiam crudeliter aegros vexantem oleum Caieput sanasse, multa exstant exempla ††). TREWIVS historiam pueri febre intermittente tertiana laborantis, cortice peruuiano sanati, impatientia aeris pluuiosi frigidique expositi, atrocissimis Colicae torminibus afflicti, oleo Caieput sanati narrat †††): In eodem morbo ab aliis etiam laudatur \*). In malo hysterico vel quod idem est in hypochondriaco, cum a summis nupero tem-

\*) Geschichte der Kriebelkrankheit. Göttingen, 1782.

\*\*) Beobachtungen einiger Krankheiten. Göttingen, 1774. p. 45.

\*\*\*) l. c. p. 18.

†) Miscellae veritatis fasc. I. Luneburg. 1773. p. 128.

††) Commenc. litter. Norimb. 1732. p. 10. 1734. p. 34. 35. 1735. p. 68. 1739. p. 35. 305. 1742. p. 303. LANGE l. c. p. 128.

†††) Commenc. litterar. Norimb. 1737. p. 187.

\*) LANGE l. c. p. 128. Commenc. litt. N. 1732. p. 10.

pore euictum sit medicis, non quoad naturam et essentiam, sed tantummodo quoad sexum quem torquet, hosce morbos differre prestantissimum est remedium \*).

His morbis adhuc multi ex conuulsuorum vel spasticorum genere, in quibus quidem non experientia constat oleum nostrum prodesse, verum tamen ratiociniis persuasi, boni successus spe propinare possumus, adnumerari merentur. Tetanus, eiusdemque variae species, consimilesque morbi, spasmus cynicus, Tussis conuulsua, Astma conuulsuum, Palpitationes cordis, Tremores artuum procul dubio non raro illis causis originem debent, quae optime nostro cedunt medicamento. Inter alia morborum genera, quibus aut profligandis, aut minuendis oleum Caieput commendatur, etiam pertinent affectus apoplectici et soporosi \*\*). Non raro hi morbi spasticae sunt indolis, ita vt tuto iis oleum nostrum opponere possimus. Maximum vero damnum oriretur, nisi recte corporis aegri conditionem, causam et gradum morbi, et symptomata cum concomitantia perpenderis, quae autem seorsim proferre superfluum esset labor. - Contra Catalepsin \*\*\*), Paralytin †), Melancholiam ††), eximio cum fructu usurpatum est. TREWIVS amaurosini colicam sequentem cum eo curauit †††). Nec defuerunt medici prudentissimi, qui in Hydrope Ascite \*), Anasarca, Leucophlegmatia, nec non tumoribus oedematosis manuum ac pedum \*\*) oleum Caieput tentarent. Humores enim viscerum ac stagnantes attenuantur, et discutiuntur, viscerum obstructions tolluntur et vasorum solidorumque amissus elater et robur restituitur. Quantum vero est auxilium quod in recentiori ascite, a laxitate nimia orto, integris visceribus expectes,

\*) MARTINI l. c. p. 16. III. BALDINGER Magazin vor Aerzte.

II. St. 1778. p. 970. LANGE l. c. p. 128. WERLHOFF opera edit. III. WICHMANNI Hannouerae 1775. 2 Th. p. 711.

\*\*) Breslauer Sammlung 1723. pag. 569. Commenc. Norimb. 1731. pag. 5.

\*\*\*) Commenc. litt. Norimb. 1731. p. 5.

†) MARTINI l. c. p. 16.

††) Breslauer Sammlung 1723. p. 569.

†††) Commenc. litt. Norimb. 1737. p. 187.

\*) Commenc. litter. N. 1737. p. 5.

\*\*) CARTHEUSER l. c. §. 14.



tantum e. contrario est damnum, quod sequitur, si in inveterato, corruptis visceribus, praesente febre hectica experimenta cum eo feceris. Haemorrhoidum, mensium, lochiorumque fluxus, a colluvie pituitosa, quae ex atonia vel imminuta viscerum ini ventris actione sese generat, animique pathemate impeditur, et varia interdum lethalia corpori affert incommoda, ad hunc prouocandum adhibitis simul aliis congruis, adaequatisque medicamentis, omniure oleum Caieput praescribere possumus et vt efficax remedium hisce in casibus laudatur \*). Quomodo in doloribus rheumaticis ac arthriticis \*\*) opem ferre possit, non mirabimur cogitantes, id accelerare motum aërium tenaciumque humorum in vasis parti affectae proximis stagnantium vel, aperire poros cutaneos, vt alienigena materies eliminari possit, confortari nervos, partesque debiles, vt eo magis nihilum materiei morbosae pristinum iterum occupandi locum oppugnent, roborare viscera concoctioni inferuentia, adeoque morbosae materiei generationi resistere. Hic adducam necesse est ea, quae a Celeb. STROMEYERÖ, praeceptore meo, ob magnam in me collatam beneuolentiam ad cineres vsque colendo, audiui. Narravit igitur mihi historiam aegrotae (cuius parentes iam rheumatismo diu essent vexati) quae ab eadem materia mox doloribus dentium, mox stranguria male habita, tandem illa causa vomitu per annum durante laborans, multa eaque vtilia sumebat remedia, sed frustra omnia erant tentamina, vsque dum oleum Caieput in medium vocatum integram reduxit valetudinem. Sicuti in omnibus, ita et in his morbis indicationes et contraindicationes, ea qua decet diligentia explorare debet medicus. Necandis quoque verminibus aptum pronuntiatur \*\*\*), nec in hoc medentium fallit spem medicamentum, quod primas vias roborat, mucum attenuat, verminosae ideo pullitiei et causas et nidum destruit.

Magnus sane morborum catalogus restat, in quibus oleum commendare possem, sed partim cum recensitis sunt analogi, partim facile ex iis possunt deduci, ne ergo lecto-

\*) *Commerc. litter. Norimb. 1739. p. 75. 1731. p. 4.*

\*\*) *Commerc. litter. Norimb. 1735. p. 68. MARTINI l. c. p. 16.*

\*\*\*) *Breslauer Sammlung 1719. p. 258.*



ris patientia nimis defatigetur, silentio praetereo. Sed ne accusari possim nimis fusius pertractasse morborum cohortem mihi verendum esse credo, si olei usum in acutis adhuc attingo. §. X.

VALENTYN \*) oleum ab incolis in intermittentibus febribus usurpari narrat et eodem modo laudatur \*\*). Omnino requiritur ut ad febris naturam attendamus, causamque materiale, si quae adest remoueamus. Inseruit tantum dum solida stimulet, amissum restituat robur, et characterem nervis impressum extinguat. Cortex Peruvianus procul dubio in hisce febribus optimum est remedium, ita ut diuino huic febrium intermittantium domitori antepone oleum nostrum, valde a me sit remotum. Interdum secundum medicorum observationes sublata etiam causa materiali, adhibita larga corticis Peruviani copia, nihilominus tamen paroxismus reuertit. Tunc alia vel seorsim, vel hoc coniuncto data remedia paroxismi inuasionem impediunt. Optimis hoc in casu iuuantibus remediis non male accenseo oleum Caieput. Ill. MARTINI \*\*\*) profert quaestionem, cui nisi fallor adhuc ab nullo medico responsum est, dicens: „An vero illud oleum simul cum „cortice Peruviano coniunctum vel eius usum interpolatum efficaciam praestitutum sit haud contemnendam, in „febribus huius generis soporosis, imprimis cum periculi „ingentis velocitate tanta copulatis, ad eorum proximam „accessionem praepedire, vel saltem eius vehementiam „quodammodo imminuere, tam salutare quam necessum „sit, nec non ad febrium istarum reuersionem auertendam, „aliasque febrium reliquias rheumaticas, colicas, arthriticas, paralyticas, aurium tinnitum, surditatem ac capitis temulentiam, variaque eiusmodi incommoda, post „febres magnas et vehementes saepius restantia, quippe „in quibus materia illa febrilis, saepenumero sanguini „eiusque liquidis ulterius secretis altius impacta adeoque „firmiter infixata est, ut a cortice protinus attingi ac domari „nequeat, sit aptius, quaeri potest.“

\*) l. c. p. 139.

\*\*) Breslauer Sammlung 1719. p. 258.

\*\*\*) l. c. p. 25.

Verisimillimum est nos ex connubio olei cum cortice Peruuiano multos aegros ab imminente ex eiusmodi malignis febribus certissimo interitu vindicare, vel tristes sequelas, quas non raro in consortio habent remouere posse, imprimis absente statu sanguineo, deficiente primarum viarum saburra, regnante systematis neruosi perturbatione potius causa frigida quam calida orta. Operae ergo praetium esset vt medici vtrum experientia ratiociniis hisce adaequaret nec ne, tentarent.

## §. XI.

Progredior ad febres continuas, quibus ob vim eius diaphoreticam opposuere \*). Constat inter omnes nos melioribus et naturae indolique febrium accommodatioribus instructos esse auxiliis, ideo generatim olei vsum potius dissuadeo quam commendo, sed in febribus exanthematicis aequae ac in febre lenta neruosa reiicere non conor, quum in prioribus ab aliis laudetur \*\*), in posteriori vero maxima cum ratione adhiberi possit. Variolarum ac Morbillo-  
rum eruptio saepe retardatur, et ad hanc facilitandam crederes, aptum esse oleum quod sanguinis circuitum auget porosque cutaneos patulos reddit; quis vero est quem fugit diathesin sanguinis inflammatoriam sueta concomitantem symptomata, humores biliosos vel putridos, primas obfidentes vias, vel solidorum rigiditatem, spasticamque stricturam exanthematum obviare eruptioni, et an eius vsus tunc admittatur an vetetur, per se liquet: languente vero vi vitae, praesente vera debilitate systematis neruosi, postulante quasi natura a cardiacis vigorem, ad eruptionem perficiendam non inutile erit oleum Cajeput, quamuis lubenter fateor nonnulla alia remedia ei palmam praeripere, quod prudens medicus facile iudicabit. Eaedem causae, quae exanthematum eruptionem retardant, eorum retrogressionem etiam conciliare valent, ex allatis vero clare elucet quibus sub conditionibus oleum votis nostris respondere possit. Arthritis si fixo alicui minus nobili iuhaeret parti nonnunquam vel ob vis vitalis languorem, vel ob vitia partis quam occupare solebat; vel ob prauam mede-

\*) Breslauer Samlung 1719. p. 258.

\*\*) Commenc. litt. N. 1731. p. 5. Bresl. Samlung 1723. p. 569.



lam, vel denique obperuerfam aegri vitae rationem a consueto demigrat loco, et persaepe nobile torquet viscus. Tristissima huius anomaliae sequela non raro est mors, omnem igitur medici adhibent curam, vt materiam peccantem iterum ad pristinam detrudant partem, huic scopo inferuire oleum Caieput memoriae est traditum \*); WERLHOFF cardialgiam a podagra retrogressa ortam, plus quam vna vice cum oleo Caieput sanauit \*\*). Iniustum esset, in periculoso hoc morbo solam spem in oleo callocare, cum potius ad partem minus periculosam materiam reuocandam, inflammationem instantem praecauendam aut iam praesentem tollendam adhuc alia et efficacissima requirantur medicamina.

### §. XII.

Vtile et efficax, vt clare liquet, hoc remedium, aut per se aut cum aliis nuptum ab aegris sumitur. Solito sacchari frustulo instillatum deglutiunt aegri, sed etiam cum Vino. Liq. anod. m. Hoffm. Spiritu Nitri dulci. Liqueore Cornu Cerui succinato et aliis spiritibus, antispasmodicis, neruinis, carminatiuis coniungere potes, sicuti diuersitas morbi mox hanc mox illam miscelam admittit. Corporibus ficcis etiam vnire potest e. g. cum Cortice Peruiano, radice Valerianae, cordice Aurantiorum, Moscho, Castoreo aliisque idoneis medicamentis, tunc vero cauendum est, ne nimia quantitas praescribatur, quandoquidem illud, vt iam antea dictum est, facile avolat. Cum pilulis, electuarijs, bolis conubium mihi non placet, partim quia quantitatem non accurate determinare potes, partim ob olei obnubilationem, quam in hac forma patitur, et deinde etiam aegris commodior est forma liquida aut si saporem amant forma Eleosacchari sumere.

Dosis a diuersis dependet conditionibus, aetas, sexus, corporis conditio, morbus ipse non paucum conferunt pro hac determinanda. Plerumque a guttula vna duabusue vsque ad sex praescribitur, immo nonnulli ad duodecim, viginti et vltra ascendunt. Quamuis non probare possim quandoquidem aegros detrimentum nacturos esse,

\*) *Commerc. litt. Norimb. 1735. p. 68. MARTINI l. c. p. 24.*

\*\*) *Oper. edit. Ill. WICHMANN 1775. p. 2. p. 710.*



tantam olei quantitatem haustos, attamen imitationem nemini suadeo, praecipue si iam humorum abundantia, vel sanguinis versus viscus quoddam impetus adest, vel tantum suspicionem invenis.

### §. XIII.

Non solum usu interno oleum hocce sese commendat, et varios haud leves morbos debellat, sed etiam externe adhibitum, non parvae est utilitatis. Otalgiam, surditatem, aurium susurrum profigavit \*), nec minus in paralyti, sphacelo ac sugillationibus commendatur. Doloribus rheumaticis, si malum adhuc recens, et nondum inueteratum vel nimis vehemens erat, optimo cum successu opposuit THVNBERG \*\*). Contra odontalgias a quacunque causa etiam a carie dentium ortas, imprimis quando refrigerium vel materies rheumatica morbum hunc molestum produxerat eximiam praebuit opem \*\*\*): a causa arthritica non raro oriuntur inflammationes, quibus dissipandis oleum Caieput inseruire posse iam suspicari possumus, et sic THVNBERG ophthalmiam arthriticam cum eo sustulit †). Inter omnia remedia quae Ill. THVNBERG tum in India orientali, tum in Europa maxima cum circumspeditione in Arthritide et Podagra adhibuit, oleum Caieput primum tenet locum, quo neque quidquam efficacius in doloribus hisce auferendis, nec quidquam materiei retrogressioni minus fauet ††). Nonnulli aegroti vel absque iussu, si dolores evanescerent usum continuabant olei, et semper pori aperiebantur, morbusque sueto prius finiebatur, quamvis Camphora forma sicca in sacculos posita, partis laesae figuram habentes doloribus iam mitigatis oleo antecelleret: Aegra febre mox liberata, iusto citius aeri sese exponens, convulsionibus arrepta, frictione olei in facie pristinam recuperabat valetudinem †††). Inimicus est Herpes et plane hunc morbum depellit \*). Saepissime etiam dolores capitis aufert, vel saltem le-  
\*) Breslauer Sammlung 1723. p. 569.

\*\*) l. c. p. 224.

\*\*\*) THVNBERG. l. c. p. 224.

†) l. c. p. 224.

††) l. c. p. 225.

†††) THVNBERG. l. c. p. 226.

\*) THVNBERG. l. c. p. 227.

nit\*). Applicandi modus pro partis diuersitate est diuersus. Praesente othalgia, sorditate, auriumque fufuratione gossypium contortum, summitate nonnullis huius olei guttulis imbutum, in meatum auditorium immittitur. Ad Cephalalgiam auferendam, vel temporibus illinitur, vel naso admouetur. Ophthalmia, de qua ILL. THYNNBERG narrat, olei vaporibus est sanata. In odontalgia, vel per se denti illinitur, vel gossypio instillato applicatur. Membra paralytica vel solo cum hoc oleo etiam mixto cum aliis idoneis congrisque remediis, inunguntur. Partibus sphacelo correptis, praegressa scarificatione latiora spongiae segmenta hoc oleo imbuta, vel oleum simpliciter illinire suadet CARTHEUSER\*\*); eodemque modo adhiberi potest in fugillationibus. In arthritide et Podagra etiam inunctio locum habet. Superfunt adhuc nonnullae affectiones, in quibus medici externum huius olei usum praedicant, nempe in vulneribus recentibus, vlceribus veneris, inficosis venarum haemorrhoidalium tumoribus, sed quilibet morbum eiusdemque causam perpenditans inquirensque, olei qualitates cum hisce comparans, mox diiudicabit an salutare sit nec ne: quemadmodum neminem fore spero qui credat, me oleum in hisce morbis sine omni limitatione commendatum iuisse, quandoquidem bene noui vniuersale plane non esse remedium, adesse contra posse conditiones, quae optime huic vel illi remedio cedant, his vero iterum absentibus, antea salutare auxilium nociferum esse posse, medici ergo est secundum therapeutices, et materiae medicae regulas destinare quando in auxilium vocari quandoque reiici debeat oleum. Insecta hoc oleo necantur vel si scatulae tamquam receptaculo horum animalium guttulam instilles mox pereunt †).

#### §. XIV.

Haec sunt, beneuole Lector! quae in medium proferre statui: lubentissime concedo, multa adhuc restare, quae allegari mererentur, multa me adduxisse, quae forsitan lectu non sunt digna, multa adesse, quae melius dici potuissent: Ignoscas haec omnia rogo, atque a Te efflagito.

\*\*) THYNNBERG. l. c. p. 227.

\*\*\*) Diss. l. c. §. 19.

†) THYNNBERG. l. c. p. 227.

XXVI.

DR. ET PR. CHRISTIAN. FRIDER. JAEGER

ET RESPOND.

DR. CAROL. ENGELHARD GAUPP

DISSERTATIO

DE

CAMBOGIAE GUTTAE SUCCO  
SIVE GUMMI GUTTAE OFFI-  
CINALI.

TUBINGAE,

1777.



B. W. CHRISTIAN

CAROL ANN

CHRISTIAN

CHRISTIAN

1892

## §. I.

Quum et lex et consuetudo fini suo quam maxime accommodata, cursum studiorum academicum absoluturis munus imponat, publice quaedam de re ad scientiam, quam sunt amplexi, spectantia differendi, meum in hac meta constituti subiit animum, paucula de succo illo vegetabili, quem *Gummi Guttae* barbara sed usitata voce insigniunt medici, proferre, et quæ tum historia naturalis, tum analysis chemica, tum Medicorum experientia suggerit momenta, speciminis loco, collecta hic sistere.

## §. II.

Diu disputatum fuit inter Auctores tum medicos quam botanicos, ex quanam aut arbore aut herba, vel vulnerata vel sua sponte, promanet hic succus, suo jam tempore celeberrimo Clusio notus, qui missum ab aliis anno recuperatae Salutis 1603. primum acceperat; alii ad Rhamni Genus referre plantam gestiebant, alii ex Euphorbiae, alii ex Ricini quadam Specie, alii ex Rhabarbaro recenti, aut exprimi aut profluere reputabant, alii aliter in re incerta excogitantes, compositum esse succum, ex variarum plantarum liquoribus, v. c. ex Scammonio, Chelidonio et Croco conflatum autumabant.

## §. III.

Qui certiora nos docuit, primus forsan fuit celeberrimus ille VAN RHEEDE, praestantissimi horti Malabarici Autor et editor, totque aliis in rem herbariam orientalem eximiis meritis clarus: Testis hic omni exceptione maior suis ipse oculis in loco soloque natali vidit arborem, quæ succum illum stillat, ad naturam ipsam delineari quam accuratissime curavit, et pro suo aliis inserviendi studio et adumbrationem et descriptionem exactam cum erudito Orbe communicavit \*).

\*) V. HORT. MALABARIC I. p. 41. T. 24. alia etiam prostat Icon. in vulgat. Herbario BLACKWELLIANO edit. Norimberg. T. 392.

## §. IV.

Haec Indiae orientalis arbor, Cambayensi praesertim ac Siamenſi regno atque insulae ZEYLN \*) indigena, Cambogia Gutta illustri LINNAEO \*\*) suo Idiomate dicta, excelſo satis, et amplo vastoque, ut duo homines amplecti vix possint, trunco ſuſtentata lignum habet albidum, corticemque intus albicantem, subſlavum, extus rubescentem, tunica nigricante vestitum, in ramos diffinditur multos, eosque frondosos, quibus oblonga, angusta, neque ullo modo incisa singula ſuis propriis iisque brevibus petiolis innixa, in medio latiora, crassa, ſuperne obscuro virore nitentia, inferne dilutiora bina, ſemper ex adverſo poſita, per totum decurſum adſident folia: copioſos flores, quos patrium ſolum Martio jam mense perfectos ſubminiſtrat, apici ramorum adhaerentes videas, odoris nullius, ſaporis aceſcentis: hi et calicem habent et corollam, illum ex quatuor foliolis, oblongis et concavis, hanc rubicundam, ex totidem ſimilibusque petalis conſtantem; medium floris occupant numeroſa valde ſtamina, albicantia, erecta, nullibi aut cum calice, aut cum corolla connexa, antheras ſulvas ſuſtinentia; in centro Circuli, quem ſtamina haec conſciunt, ponitur germen ſolitarium, angulis ſive ſtriis elevatis octo conſpicuum, et nulla intermedia tuba in ſtigma quadrifidum albidum terminatum: ex hoc germine ſ. ovario, marceſcente ſenſim flore, fit pomum magnum, initio virens, poſt ſlavum, denique albeſcens, pomum aurantium referens, a petiolo radiali pendens, edule, ſaporis inter acidum et dulcem medii, octo angulis emicantibus ſpectabile, in octo intus loculos partitum, qui ſinguli oblongum pulpae quaſi infixum ſolitarium dilute caeruleum, et figura ſua renis aemulum includunt ſemen.

## §. V.

Haec igitur arbor ab illustri LINNAEO plantarum polyandriarum claſſi et monogyniarum ordini ob recensitas jam notas adſcripta, quocumque in loco caudicem vul-

\*) RHEEDE l. c.

\*\*) LINNAEI Mat. med. Edit. II. p. 135. et *Amoenitat.* Acad. T. I. p. 402.



neres, aut incidas, succum plorat, qui calore solis inspissatus ab incolis calidarum harum regionum, eum Gummi Jamba, Gutta Gamandra, Gummi Gotta, Caddam, pulli, Gemu, Catta-guuma, et sexcentis aliis vocibus appellatibus, varios in usus adhibetur, et in placentarum vel baculorum teretium formam redactus, vel cucurbitae excavatae immissus, in Europam defertur, ubi nomine receptissimo *Gummi Guttae* tum in officinis Pharmaceuticis medico pro scopo habetur, tum a pictoribus varia ad sua artificia desideratur.

## §. VI.

Succus ille inspissatus, fragilis, si bonae notae est et in frustra diffringitur, interiore fracturae superficie nitet, et fulvo croci colore resplendet, aliquando tamen ex croci colore in flavescentem declinat: si narium subicias examini, nil sentis, si in ore tuo volutes, principio resinam quandam inspidam tenacemque, vel Gummi Arabicum mandere putares, sed si diligentius dentibus teras, gustes, linguaeque apici adfrices, subdola se prodit acrimonia, partes oris internas urens, et uberrimum salivae diluentis affluxum excitans. Prunae ardenti si eundem hunc succum inspergas, flamma manifesta, resinosam naturam indicans, exsurgit.

## §. VII.

Gummi Guttae aquae purae, quae ipsi superfunditur, croceum quidem conciliat colorem, sed nequaquam penitus dissolvitur, certe non ita, ut omne, quod aqua, calore ebullitionis adjuta, dissolvit, dissolutum maneat, et si eidem aquae addas salem aliquem, quem vocant lixiviosum, v. c. cineres clavellatos, omne tuum Gummi Guttae perfectissime solvitur, solutione pellucidissima permanente, absque omni impedimento per filtrum transcurrente, et colore sanguineo coruscante. Si affundas tuo Gummi Guttae Spiritum Vini aureo mox fulget colore, et omne fere absorbet, ut vix sexta pars haud dissoluta supersit. Spiritus quoque, quem vocant salis armoniaci vinosum, extemplo fere totum dissolvit Gummi Guttae, et quae

nascitur inde solutio, sive aquam adfundas, sive spiritum vini, perstat penitus pellucida.

### §. VIII.

Jam diversa haec, quam aqua et Spiritus Vini in succum hunc exierunt, solvendi vis, ex diversis conflatum esse principiis aperte loquitur; alterum, quod facilius in aqua solvitur, gummosum dicunt; alterum, quod in Spiritum Vini potius transit, et super prunas ardentes flammam concipit, (§. VI.) resinofum adpellant. Eadem sole clarius testantur experimenta a celeberrimo et clarissimo quondam Chemico Berolinensi NEUMANNO \*) instituta, qui, quum librae, sive sedecim uncii Gummi Guttae Spiritum Vini adfunderet vix duas superstites habuit uncias, in quas Spiritus ardentis vis erat nulla, quum eidem autem Copiae Gummi Guttae superfunderet aquam, tres superabant unciae, quae aqua intime uniri renuebant.

### §. IX.

Sed eadem pericula facillime persuadere accuratius inquirenti possunt, utriusque hujus principii particulas naturae beneficio tam arcto inter se cohaerere connubio, ut, si chemicis certe artibus, quascunque tibi finxeris, avellere alias ab aliis, resinofas segregare a gummosis, seorsimque utrasque purissimas sistere velis, oleum videaris operamque tuam perdere.

### §. X.

Ex hac utique chemica Gummi Guttae in partes suas resolutione nihil certe ad virtutes medicatas concludi ulla cum fiducia posse, lubens fateor, neque enim me latet, alia atque alia gummata, alias atque alias resinas aliter atque aliter in corpus hominis vivum agere; suo tamen minime destitui usu chemicam hanc analysin, si de adhibendo in finem medicum succo sermo sit, nemo facile negabit.

### §. XI.

Etenim haec ipsa chemica experimenta docuerunt,

\*) *Chymia medico-dogmatica experimentalis* edit. KESELII. Vol. II. §. 2. p. 439. Zuttichau.

parti resinosa potissimum istud acre stimulan, quod in Gummi Guttae latet, inhaerere, atque inde facile intelligitur, cur infusum spirituofum fortissime purget, aquosum contra multo lenius agat, quin cur NEUMANNUS in suis praelectionibus chemicis ex Gummi Guttae, extracta scilicet antea per spiritum vini parte resinosa, tale medicamentum parare potuerit, quod alvum non amplius movebat, sed urinam tantummodo pellebat, unde simul elucescit, eandem hanc analysin chemicam adminicula subministrare, quibus medicus vim drasticam Gummi Guttae mitigare possit.

## §. XII.

Verum cum, uti jam (§. X.) confessus sum, ex analysi chemica non tuto ad effectus alicujus medicamenti in Corpus humanum concludatur, supersedebo ratiociniis, quibus a priori indoles et virtus Gummi Guttae investigari posset, et ad eas potius transeo observationes, quae sese medicis obtulerunt, dum hoc pharmacum et hominibus et brutis animalibus propinarunt.

## §. XIII.

Violentos esse ejusdem effectus multa certe pericula loquuntur, quos cum dissimulare minus velim, non taedet me quaedam Auctorum testimonia producere. Sic Auctores *Pharmacopaeae Würt.* vehementer per superiora et inferiora hunc succum purgare \*), HERMANNUS \*\*) potiones eo acuatas esse acerrimas, faucesque inflammare, sursum deorsumque purgare; BOECLERUS \*\*\*) vehementissimum esse emeticum et purgans, CHOMELIUS †) inter valentiora purgantia *hydragoga* recenseri GEOFFROY ††) et, ut reliquos sat numerosos taceam, testis omni ex-

\*) Stuttgartiae. 1771. p. 124.

\*\*) Cynofura mat. med. cur. BOECLERO Argent. 1776.

\*\*\*) In notis ad HERMANNI Cynof. mat. med. p. 684.

†) en ipsius verba: C'est un violent emetic, et purgatif, il evacue les ferosités et approche par son acreté de l'Euphorbe, on ne l'ordonne guères sans preparation etc. Abregé de l'histoire des plantes usuelles Paris T. I. 1731. p. 72.

††) Traët. de mat. méd. T. II. Paris 1741. p. 685.



ceptione major FRIDERICUS HOFFMANNUS \*) ad purgantia validiora pertinere, quae vehementer cum spasmodicis et torminibus ventrem moveant, et subito copiosas dejectiones efficiant, et alibi \*\*) vires maxime infringere et robur ventriculo subtrahere, fidem faciunt, atque ideo, delicatulos et infantes ab ejus usu plane esse interdicendos, docent incautosque monent.

#### §. XIV.

Cum effectuum Gummi Guttae observandorum gratia, clarissimus HILLEFELD \*\*\*) dignus suo praeceptore perillustri HALLERO discipulus, cui plurima in eruenda venenorum indole debemus, studio experimentum institueret, et cuniculo, qui auripigmenti grana decem impune tulerat, Gummi Guttae grana octodecim in aquae sufficienti copia dissoluta infunderet, vix horae elapsus erat quadrans, quum excrementa liquida coloris straminei aluo exirent; hora ab adsumto inconsueto hoc potu altera urinam claram misit, amatum alias brassicae olus fastidiit, et inde ab eo tempore ad alterum mane sopore stertoroso vix unquam interrupto oppressus est, donec tandem mors sublequeretur: ut proximam mortis causam investigaret Celeb. HILLEFELD, incidit cadaver, et invenit ventriculum brassica devorata refertum, ejusque villosam, quam adpellant, tunicam adeo laxè cum ceteris cohaerentem, ut, quum brassicae glomum eximere e ventriculo vellet, divulsa tunica sequeretur: Vidit etiam hinc inde inflammatum ventriculum, intestina chymo et cinereo in flavum colorem vergente plena, tenuem eorum partem interiori latere inflammata, bilem tenuem copiosam, ex fusco in rubicundum colorem declinantem, hepar atro rubore suffusum, pulmones sanos, et cordis denique ventriculos atque auriculas sanguinis fluidi perparum continentes.

#### §. XV.

Sed nec deficiunt exempla funestissimorum effectuum,

\*) Medic. rat. Syst. T. II. Hal. 1729. p. 241.

\*\*) ibid. II. p. 245.

\*\*\*) Experimenta quaedam circa venena Goett. 1760. p. 27.

28 §. 13. Exp. I.

quos improvidus Gummi Guttae usus in corpore humano exleruit. Memoratu dignum ejusmodi casum refert nobis CHRIST. FRANC. PAULLINI \*). Barbitonfor artem salutarem temere exercens, temeritate vix excusanda, viro cuidam, nescio quem in finem, semel et simul assumendam Gummi Guttae, nullo modo correcti sed in pulverem tantummodo comminuti, praescripsit drachmam; unde ille vomitus experiebatur fere continuos acerbissimos, alvum perpetuo exonerabat summis cum doloribus, et ita tum doloribus, tum evacuationibus exhauriebatur, ut in deliquium aspectu horrendum caderet; post sexcenta alia tristissima mala, congruis medicamentis feliciter superata, orci faucibus quidem ereptus, miseram aliquamdiu traxit vitam, sed brevi tamen vivere desiit.

## §. XVI.

Quae, si omnia attenta mente pervolvās, haesitabis certe, an bono religiosoque medico, cui salus aëgrotorum curae cordique est, liceat non dubio tantum et suspecto, sed vere lethali pharmaco hoc uti; obmurmurantes certe audio plures, qui prudentem, non temerarium medicum violenta ejusmodi medicamenta adhibere minus decere asserunt, quin imo veneficii eum, qui salutem hominum invigilare debeat, accusare non dubitant.

## §. XVII.

Verum, quod vulgo dicunt, abusum non tollere usum, id quoque de Gummi Guttae succo valet. Prudentum certe non temeraria manu eodem usorum medicorum observationes prostant, quae istos timores scrupulosve dispellere possunt. Dantur varia adminicula, quibus violentum pharmacum in salutare converti potest; dantur prudentiae regulae, sub quibus sanctius observatis istud nocendi periculum vel minuitur vel evanescit, quin contumax atque per leniora et consueta remedia interdum non debellanda nonnullorum morborum natura suadet et praecipit potentius medicamentum, atque tritum istud in mentem revocat proverbium, quod durus nodus durum requirat cuneum.

\* ) EPHemer. Nat. curios. Dec. I. A. VIII. p. 139.

## §. XVIII.

Non ideo a nefandae temeritatis infamia istum §. XV. allegatum barbitonforem liberabo, neque in aliam causam, quam in istud Gummi Guttæ praebium subsecutam istius aëgroti mortem transferam. Sed quis quaeso prudens artemque suam callens medicus tantam crudi Gummi Guttæ copiam semel et simul assumendam permittet, nedum praecipiet! et quis aequus rerum arbiter ideo, quod barbitonfores aliive scientiae medicae expertes in detrimentum ipsiusque vitae jacturam pharmacum aliquod temere propinare ausi fuerint, veri nominis medicis hoc idem interdicit, quod abusu tantummodo nocet, et in profanis demum insani hominis manibus venenum evadit. Infantes profecto pulveres illi ex meris terreis conflati, magnifico cordialium, alexipharmacorum, antepilepticorum, etc. titulo condecorati, magnas in gente humana ediderunt strages \*) dum his nonnulli male utebantur, et efficaciora, quae genius morbi postulabat, negligebant. Efficacia artis medicae subsidia, cortex v. g. peruvianus, divinum a multis dictum remedium, cortex cascarillae, et alia, quibus nocentem affricare labem nemo certe auferit, intempestive, eo tempore, quo roborandum corpus non erat, sed laxandum potius, adhibita multoties jam nocuerunt.

## §. XIX.

Sed concedam, esse venenum, excitare in vivo animalis corpore turbas violentas, an ideo omnis proscribendus ejus usus? Si multi morbi vel potentissimis eorum remedium, quae ab omni veneni suspicione absolvere liceat, cedere renunt, vtrum medico dignius et reipublicae magis proficuum, satiscere aegros, omni auxilio orbos, et morbi atrocitiae succumbere, an, quae unica adhuc spes restituendae salutis superest, anceps experiri remedium, et morbum, qui lenioribus vinci non poterat, aggredi remediis violentioribus?

\*) vid. Sommer Diss. Venenor. Discrimina summatim excussa praefide Excellentiss. D. D. SIGWARTO defensa Tub. 1765.



## §. XX.

Ferream hanc necessitatem jamdudum sensere medici, et multa corpora, tum naturalia, tum arte confecta, in usum aegrotorum adhibebant, quae aliis vel ipsimet venenis accensere nulli dubitabant. Nolo audaces illos plumborum et arsenicalium remediorum internorum commentatores allegare; sed videas ipsum BOERHAVIUM solutiones cupri \*) Meadium stannum rasum \*\*) VAN SUI TEN mercurium sublimatum corrosivum spiritu frumenti solutum \*\*\*) STÖERK IUM cicutam †) hyosciamum, napellum, stramonium ††) colchici radices †††) alios fide dignos viros alia ejusdem generis laudantes, quibus formidabile veneni nomen denegaverit nemo.

## §. XXI.

Verum enim vero religiosi medici haud inconsulte, non cruda et sine omni correctione temerariorum medicastro- rum ad instar, prae buerunt venena, non propinabant delicatulis, non administrarunt in morbis, quas superare lenioribus remediis poterant, sed aliis atque aliis modis vim virulentam infringere, et quod in perniciem hominis factum esse primo intuitu videbatur, in salutem hominum, ne atrocita et pertinacia morborum occumberent, convertere annitebantur: Multa in his jam veteres, multa illustres, qui Viennae artem salutarem exercent, medici, multa alii \*) tam factis periculis, tam ratiociniis praestitere.

\*) Elem. Chem. II. Lugd. Bat. 1732. p. 476. 478.

\*\*) Monit. praecept. medic. Sect. III. p. 119.

\*\*\* ) Commentar. in Aphorism. BOERHAVII de cognoscendis et curandis morbis. T. V. Lugd. B. 1772. p. 545 — 556.

†) Libellus, quo demonstratur, cicutam non solum usu interno tutissime exhiberi, sed et esse simul remedium valde utile in multis morbis, qui hucusque curatu impossibiles dicebantur Vindob. 1760.

††) Libro de Stramonio, hyosciamo, napello übersetzt durch Schinz Zürich 1763.

†††) Abhandlung von dem sicheren Gebrauch und der Nutzbarkeit der Liechtblume übersetzt durch Schinz Zürich 1764.

\*) BLASINKE Diss. de vi venenorum medicata Viennae. 1757. WICHMANN Diss. de insigni venenorum quorundam virtute medicata Goett. 1763. P. F. GMELINI Dissert. de materia toxicorum

## §. XXII.

Primo paucissima sunt venena adeo mortifera, ut vel paucissimis exhibita praebitis veneni adhuc vices agant. Virulentissimi mercurii sublimati corrosivi granulum unicum sexcentis aquae partibus solutum, et per has aequaliter divisum, sexcentesima sua parte, nisi iners, certissime fit innocuum: Opii, cujus grana decem aut pauciora non adueto homini aeternum inducunt somnum, si granum in quatuor dispescas partes, quadrans licet certissime erit insons: Resina scammonaei immoderato aliquot drachmarum pondere, lethale provocat alvi profluvium, moderata contra paucorum granorum dosi fit medicata. Ergo hoc primum artis subsidium, ut corpora, de quorum nimis violento effectu metuimus, minuto praebeamus pondere.

## §. XXIII.

Sed restant alia adminicula. Vix ullum nostris certe temporibus novimus venenum, quin summo maximi Creatoris beneficio suum quoque habeat remedium antidotum, quod vim ejus infringere aut imminuere et truculentos ejus effectus certe ex parte averruncare queat. Habent venena salinae indolis suam aquam temperantem, habent venena acria leniens oleum, mite lac, involventem mucilaginem, habent pleraque plantarum venena salubre acetum: Si igitur veneno, quod in usum aegroti adhibere cupis, addas remedium adaequatum, quasi vagina sua recondis ensen, certissime sic non nociturum, si nimium addis remedii antidoti, omnem vim tollis et iners plane reddis tuum venenum, nam vires oppositae aequales sese mutuo destruunt. Sin autem ea copia addis, ut praepon-

*hominis in medicamentum convertenda* Tubing. 1765. HAHN *orat. de venenorum usu in medicina* Ultrajecti 1773. ZAGONI *de inventis hujus seculi in arte salutari novis* Ultraj. 1764. Praeprimis autem conferri meretur MELCHIORIS FRICCIJ tractatus *de virtute venenorum medica*. Ulmae, 1701. Qui forsitan nonnullis recentioribus medicis, (licet ab iis rarius allegetur) in venenorum usum medicum inquirendi ansam praebuit, atque in quo proprium caput XXIV. habetur, de remediis venenatorum necessitate.

deret quidem venenum, sed ob additum antidotum partem virulentae suae efficaciae amittat, facile tibi erit, exoptatissimo artificio virulentam vini convertere in medicatam.

## §. XXIV.

Aurea hac via jam dudum incessere praestantissimi artis magistri; jam, testante Celebr. SPIELMANN, Pythagoras \*). Hinc variae methodi excogitatae sunt, quibus de arte medica solliciti viri venena nociva vi vel exuere vel in salutare adeo medicamentum convertere conabantur. Sic Squillae violentiam aceto infringi notum est; sic C. GESNERUS \*\*) Hellebori virus oxymelle deleri, Mercurii sublimati corrosivi spicula frumenti spiritu obtundi, praeeunte summo BOERHAVIO, VAN SUI TEN; \*\*\*) Vitri antimonii aciem insipida involvi cera magnum illud Scotorum lumen, Young, Cantharidum acrimoniam emulsio-nibus maxime camphoratis mitigari †) vel et aceto temperari KRAMER ††) colchici virus aceto et melle cicurari STOERK †††) suis aliorumque tam experimentis, quam observationibus luculenter comprobarunt.

## §. XXV.

Aliud porro subsidium venenorum noxiam vim invertendi haec subministrat observatio, quod ipsa ista virulenta et infesta indoles non semper insit toti corporum sic dictorum venenatorum substantiae, sed interdum nonnullis tantummodo eorum particulis inhaereat. Sic stupefacientia pleraque suum debere virus particulis volatilibus loquuntur observationes, testantur auctores omni exceptione majores \*) sic venenatissima Jathrophae Manihot

\*) In Instit. Mat. Med. argent. 1774. p. 230.

\*\*) Epistolar. ad I. Bauhinum datar. Basil. 1591. p. 9. 12. b. 20. b. 19.

\*\*\*) l. c. T. V. p. 546-556.

†) Cl. Dnus. KAYSER in Dissert. de Cantharid. pag. 28. sub praesidio Exc. D. Doct. et Ph. JAZGER heic 1769. habita.

††) commercium literarium Noricum. 1735. pag. 83.

†††) Abhandlung von dem Gebrauche der Lichtblumen.

\*) H. ZIMMERMANN Erfahrung in der Arzney-Kunst II. Th. p. 221-222 de conio BOERHAYE de morbis nervorum p. 236.



radix non innocua tantum fit, sed per curatiorem expressionem succi separandi et removendi et per aliquoties repetitam desiccationem in farinam convertitur, ex qua Americani panem in quotidianum alimentum cedentem coquunt \*\*).

## §. XXVI.

Ex quibus conicere jam liceat, levi saepius manu, aut plenaria particularum, in quibus vis noxia sedem suam fixit separatione, aut relicta saltem illa earum copia, quae agere quidem, attamen non nimis violenter possit vel innocuum plane, atque iners, vel edule quin medicatum fieri posse venenum, si quidem, quod de pluribus valet, noverimus, in qua praecise parte violenta vis lateat.

## §. XXVII.

Ideo hanc quoque viam in corrigendis et cicurandis toxicis magna cum laude et exoptatissimo cum successu ingressi sunt celeberrimi, et de vera aegrorum suorum salute solliciti medici: portionem partium volatilium evaporatione expellendo rabiosum Atropae belladonnae vim celeberrimus olim hujus Academiae Professor OETINGER \*\*\*) atque illustrissimus STOERKIUS somniferam Conii maculati vim †) lethalem Daturae, Stramonii et Hyosciami nigri efficaciam ††) et formidandam Aconiti Napelli potentiam †††) in medicamentosam convertere docuerunt. Separando a gummosis violentia sua infames resinosas partes, in mitius et securum catharticum convertit dudum suam aloem sapiens antiquitas, dum aut

de fungis Ill. LINNAEUS Amoenit. Acad. Vol. I. p. 451. de STRAMMONIO Cl. SHINZ in praefat. ad *Störck's Abhandlung von dem sichern Gebrauch des Wilsam-Krauts* p. 20. et de HYOSCIAMO apud Ill. HALLERUM *Histor. stirp. Helv.* etc. Vol. I. p. 254 de aliis, alii.

\*) *Onomatologia botanica complexa* V. B. p. 5.

\*\*) Praeunte praeceptore suo *Alberti* in *Diff. de Belladonna tanquam specifico in cancro* Halae 1739.

\*\*\*) *Libellus de cicuta ejusque supplementum necessarium.*

†) *Libell. de Stramonio, Hyosciamo et Napello.*

††) *L. m. c.*

extractum gummofum inde parari, aut variarum plantarum succis aquosis simul solvi, solutionemque per pannum depuratam coctione leni jubebat inspissari \*).

### §. XXVIII;

Quae omnia, si animo tecum volvas, an imprudentiae vel temeritatis accusabis eos, qui exinde concludunt, etiam violentam, sive, si mavis virulentam Gummi Guttæ vim, perinde ac aliorum venenorum nocentem efficaciam una alterave via posse emendari, et in salutem hominis adhiberi, sive parcissima exhibendo praebea, sive addendo accommodatum antidotum, sive segregando partes violententer agentes.

### §. XXIX.

Sed non sufficit demonstrasse, posse Gummi Guttæ prudentis medici manibus commissum in sanitate restituenda utilissime adhiberi, videamus etiam, quid revera factum sit, quid medici fecerint, viderint, et tentando observandoque experti fuerint.

### §. XXX.

Violenter per superiora et inferiora purgare, jam superius annotavi; CLUSIO jam relatam fuerat, ab Indis in solo natali arboris, ex qua incisa Gummi Guttæ stillat, degentibus, eundem succum eum in finem adhiberi, ut hydropicorum aquas evacuent, atque eodem effectu celebritatem nacta sunt alia drastica purgantia, radix Bryoniae, Jalappae, etc. sed, quod dura forsitan impune ferunt Indorum Ilia, objicies, id delicatulis Europaeorum visceribus obtrudere nefas esse.

### §. XXXI.

Equidem fateor, me longe abesse ab ea sententia, quae in omni hydropis aut specie aut periodo vehementia ejusmodi remedia prodesse, et omnibus, eo morbo laborantibus, porrigi cum spe optati eventus posse, pronun-

\*) Unde Aloë depurata sive lota, insuccata, violata, rosata. etc.  
Pharmac. Würt. P. II. p. 3.

ciat: alta mente repositae sunt aureae Sydenhamii \*) regulae, quae illius curationem hydropis, qui febres intermittentes saepius solet excipere, acribus catharticis, perseverante adhuc febre, tentari serio vetant, et SWITENII \*\*) praecepta, quae firmas vires et viscera integra postulare talium remediorum usum, neque medicum post-evacuatas per purgantia illa aquas sibi persuadere debere, se simul sustulisse causam morbi, serio inculcant.

## §. XXXII.

Sed in hydrope pertinaci lenioribus mediis non cedente, et longiori mora in deterius abituro, viribus nondum fractis, in hominibus robustis mediae aetatis vel crudum Gummi Guttae ad grana tria, aut pro ratione aegri sex ad octo \*\*\*) vel spiritu Vitrioli †) vel aceto ††) utroque plurimorum venenorum\* vegetabilium, antidoto efficacissimo, vel saccharo, vel ovi vitello vel sale lixivioso quodam fixo †††) temperatum, vel spiritu vini solutum \*)

\*) opera omnia Sect. I. C. V. p. 120,

\*\*) l. c. T. IV. p. 161.

\*\*\*) ultra decem grana non ascendendum esse, SPIELM. l. c. p. 614. non ultra quindecim GEOFFROY l. c. II. p. 685. gr. II. ad IV. absque vomitu grana IV. ad X. copioso liquore diluta blande agere GEOFFROY ibid. docet et duas drachmas aqueo liquore per noctem macerata, mane percolatas uno haustu ab Americanis bibi.

†) Ea methodus fuit HOCHSTAETTERI. observat. medic. Francof. 1674. eo modo correctum propinavit ipsis pueris ad gr. III.

††) more auctorum Pharmacop. Wurtemb. II. p. 99

†††) ad instar HERRENSCHWANDII, qui salem Absynthii crystallinum elegerat, aut Celeb. BALDINGERI in Edit. Pharmacop. Edimb. Brem. 1776. p. 270. in Epilepsia verminosa et hydrope coquitur Gummi Guttae cum aqua, et sensim instillatur oleum Tartari per deliquium, quod mitigat omnino vim drastrictam purgantem Gummi Guttae: illud medicamentum ab igne remotum, et refrigeratum guttatim exhibitum, per vias urinae solet aquas hydropicorum evacuare, larga nonnunquam excretionem.

\*) hanc methodum ad incommoda a purgantibus resinosis praecavenda tanquam tutam et jucundam proponit et laudat CH. CLOSSIUS in *Nova variolis medendi Methodo cum specimine observationum miscellarum* p. 123. seq.



vel saepius aquâ lotum et depuratum \*) majori etiam dosi \*\*), optime forma potus, boli, aut pilularum exhibitum non modo non nocet, sed testibus Jentenio \*\*\*) LORTICCHIO †) et HOCHSTAETTERO ††) miracula praestat.

## §. XXXIII.

Mirifice porro profunt, quae vomitum †††) et alvum validius movent, in vermibus necandis, et ex corpore expellendis; ad gratiolam provo, quam celeberrimus BOULDUCE \*) ad scamnoneum et resinam Jalappae, quam Ill. VAN SWITEN \*\*) ad spigeliâ anthelminticâ, quam LINNAEUS \*\*\*) ad radicem Jalappae, quam WEPFERUS †) tanta cum potentia in vermes agentes conspexerunt, ut praecipuam spem curandi morbos verminosos in remediis evacuantibus ponendam esse, Illustrissimus nostri aevi medicus ††) pronunciare non dubitet.

## §. XXXIV.

Annon itaque, cum Gummi Guttae cum medicamentis paragrapho priori nominatis conveniat, et virtute per superiora et inferiora evacuandi polleat, suspicari liceat, vale hoc idem Pharmacum quoque ad vermes debellandos maximeque ad pertinacem toties leniora medicamenta elu-

\*) Ea methodus, qua mitior pars gummosa a violentiore resinosa liberatur, fuit Jansenii prodrom. act. Hafniens. eo modo cicurati principio dedit gr. V. et sic alternis exhibendo diebus ascendit ad grana XV.

\*\*) Grana viginti dedit Clusius, largiori adhuc manu exhibuerunt alii.

\*\*\*) l. c.

†) de Gummi Guttae seu laxativo Indico discours. Francof. 1636.

††) l. c.

†††) Vomitoria, dum ventriculum et intestina saburra glutinosaque materia liberant, ad vermes expellendos inservire, pluribus demonstrat WILHELMUS ROHN in diss. de usu Vomitoriorum ad ejciendos vermes praeside RUDOLPH. AVO. VOGEL. Goetting. 1765.

\*) Memoire de l'academie royale des sciences a paris 1705. p. 246.

\*\*) l. c. T. IV. p. 737.

\*\*\*) Amoenit. academ. vol. V. p. 140.

†) Histor. et nox. ciculae aquaticae C. XV. p. 224.

††) VAN SWITEN l. c. p. 738.

dentem taeniam ejiciendam: verum non opus est suscipione, cum luculenta prostant experimenta rei veritatem evincentia. B. WERLHOFIUS, qui adhuc dum ante hos decem annos summa cum laude inter germanos Praxin medicam exercentes eminuit, pro taenia fuganda, omnem spem in Gummi Guttae posuit, idque testante Cl. WICHMANNO \*) operum WERLHOFIANORUM denuo recusorum editore, exoptato cum effectu ad grana usque viginti pro dosi subinde propinavit, nulla alia adjecta praeparatione, nisi ut cum pauxillo saccharo Gummi Guttae terendum curaret, qua simplicissima methodo resinae facilius cum aqua et ventriculi intestinorumque humoribus misceri posse videntur. Saltim WERLHOFIUS nil mali ex hoc Gummi hac ratione dato timuit, quia postridie a sumto Pharmaco pristinum vigorem vidit recuperare aegrotos, quibus ideo, prima dosi contra pertinaciorem taeniam nil efficiente, eandem dosin secundo tertiove die exhibuit, donec filum taeniae sive mucronem alvo exiisse constabat.

#### §. XXXV.

Hoc remedio Ill. WERLHOFFII, qui vivus quidem id scriptis non publicaverat neque tamen celaverat, sed candide Cl. WICHMANNO aliisque aperuerat, multo majorem famam nactum est NOUFFERIANUM et HERRENSCHWANDIANUM contra taenias celebratum arcanum. Utrumque Gummi Guttae ingreditur, sed neutrum aequè ac WERLHOFIANUM simplex est. Illud NOUFFERIANUM nuper regia regis Galliae munificentia cognitum reddebatur, quippe qui istud pretio quodam a domina NOUFFERA redimi et in publicam hominum salutem divulgari curavit \*\*). Nolo totam istam methodum, quam ista foemina in taenia expellenda sequuta est, transcribere, cum nuper demum per publicos rerum novellarum indices satis superque communicata fuerit, id tantummodo annotare liceat, radicem

\*) D. PAUL GOTTLIEB WERLHOFFII *opera medica collegit* WICHMANN p. 735. in Not.

\*\*) *Traitement contre les Tènia ou vers solitaires pratiqué à Morat, Suisse, en examiné et éprouvé à Paris, publié par ordre du Roy. à Paris 1775.*



flicis maris, (cujus caeterum virtus, si quis eam quatuor drachmis ex melicrato ebibat, jam GALENO \*) laudata erat) ad drachmas tres datam et bolum laxantem, quem omnino Gummi Guttae ingreditur, potissimam et principalem hujus curationis partem absolvere.

### §. XXXVI.

Diversa a NOUFFERIANA est curandi methodus, qua HERRENSCHWANDIUS inclaruit, qui suo, quem vocant, specifico pulvere plures in Germanorum, Gallorum et Helvetorum intestinis hospitantes taenias ejecit, multorumque egregium remedii effectum admirantium oculos attentos in se convertit. Praeparabat et tractabat HERRENSCHWANDIUS suos ab infesto hospite liberandos aegros ita, ut ipsis hora a meridie quarta pulverem praeparatorium, (qui sex circiter grana vitrioli Martis continebat), in aqua tepida assumenda daret, levem hora septima coenam concederet, post bihoriumque, antequam cubitum ibant, cochlear unum alterumve olei amygdalarum vel olivarum porrigeret, atque sequenti mane pulverem suum specificum jejuno ventriculo exhiberet, quem plerumque aliquot vomitus aliquotque per alvum evacuationes sequebantur. Si hae evacuationes post bihorium circiter cessabant, jusculum propinabat, et post illud denuo certam quandam specifici pulveris dosin, cui interdum, si taenia forsitan nondum prodibat, tertiam, nunquam quartam ulterioremque addidit.

### §. XXXVII.

Licet hac ratione maxime industria Bonneti \*\*) methodus et remedia praeparatoria HERRENSCHWANDII cognita essent, cardo tamen rei vertebatur in pulvere isto specifico, quippe quo solo etiam absque praeparatoriis remediis taeniam exiisse constabat, hunc vero HERRENSCHWANDIUS diu pro arcano habebat, eumque et amicis celabat; ut certe neque BONNETO neque v. DOEVE-

\*) de Simpl. rer. facult. Lib. VIII.

\*\*) Mem. de Mathem. et Phys. present à l'Acad. roy. T. I. p. 479.



REN \*) cognitus esset, donec nuper, quantum scio, primum b. VOGELIO, sua sponte suum arcanum HERRENSCHWANDIUS patefaceret, et publicare permetteret, quod ex Gummi Guttae quindecim totidemque vel viginti granis salis Absynthii et carbone fraxini compositum est \*\*) unde denuo manifestum est, Gummi Guttae esse ex amplissima HERRENSCHWANDII experientia egregium vermifugum remedium, illudque bene sale alcalino corrigi, ut majori quoque dosi, attamen pro viribus aegri aestimanda et moderanda, repetitis vicibus intra paucas matutinas horas praebere possit.

### §. XXXVIII.

Grates certe laudesque apud eos, qui quam difficulter taenia expellatur propria edocti experientia didicerunt, promeritus est HERRENSCHWANDIUS, quod suum remedium non perpetuo silentio suppressit, atque tot exoptatis effectibus \*\*\* ) utilitatem Gummi Guttae ab aliis medicis saepius reformidati demonstravit et confirmavit, neque de candore dubitandum est clarissimi viri, qui nunc procul a negotiis medicis vitam degere rusticam amat, et in sua fortuna facile acquiescere potest, si forsitan effectus remedii expectationem frustratur, etenim ipse HERRENSCHWANDIUS dudum erga Cl. v. DOEVEREN † ) ingenue confessus est, suum remedium non convenire contra eam taeniae speciem, quae portiones cucurbitini-formes †† )

\*) Qui amicitiam cum HERRENSCHWANDIO coluit, et in dissertatione de vermibus intestinalibus ignorantiam hujus pulveris fatetur.

\*\*) Vid. RUDOLPHI AUG. VOGEL praelectiones Academicae de cognoscendis et curandis praecipuis corporis humani affectibus §o 739. pag. 652. conferendo novissimam editionem Libelli ROSENSTEINIANI *Anweisung zur Kenntniß und Cur der Kinder-Krankheiten* a celeb. J. A. MURRAY denuo 1774. revisam et auctam.

\*\*\* ) In litteris ad VAN SWIETEN asseritur in ducentis casibus tantum octo vel novem vicibus non successisse remedii effectum vid. comm. ad §. 1372. p. 739.

† ) Conf. disert. *de vermib. intest.* p. 73. et 74.

†† ) Sub qua denominatione eam potissimum speciem, quam LINNAEUS in *Syst. Nat.* solum nominat. intellexisse videtur,

denittat, eam saltim rarius expellere, verum et NOUFFERIANUM remedium tantummodo contra taeniam vulgarem LINNAEI, multo minus contra eam speciem, quam alii vermem cucurbitinum vocant, valere, ipsa hujus remedii a Gallis nuper communicata descriptio docet.

### §. XXXIX.

In aliis quoque praeter recensitos morbos, morborumque causis Gummi Guttae ab aliis adhiberi me quidem non latet, neque votis effectus saepius respondere nego, attamen nequaquam ab eorum partibus stare volo, qui quemvis morbum lenioribus facile superandum, mox fortissimis remediis aggredi gestiunt. Non ad solos verminosos morbos Gummi Guttae usum restringo, sed toties, quoties potentiore, quam consueto et ordinario, stimulo opus est, eundem utilem neque contemnendum existimo, atque ideo non adeo miror, in morbis a saburra glutinosa mucoque tenaciore ventriculum et intestina obsidente ipsosque nervos opprimente hoc ipsum remedium mira praestitisse, atque ab eodem paralytin epilepsiamque curatam esse praedicari. Merentur certe hoc respectu ea penitus considerari, quae Celeb. UNZERUS \*) de Epilepsia per purgantia drastica curanda, et ex D. PIETSCHII, et ex propria experientia convictus docet, inter quae et Gummi Guttae ad alia purgantia, (quorum Dosis insolitum in modum auctam audentius contra mucosam primarum viarum saburram propinandam esse tradidit) acuenda laudat.

quae articulos longiores facile dimittit. Habitat praeter vulgarem speciem LINN. etiam taenia lata LINN. in intestinis humanis, sed et contra hanc speciem, remedium HERRENSCHWANDII aliquid efficere videtur, saltim BONNETUS apud HERRENSCHWANDIUM tales portiones ex homine expulsum vidit, quas cel. PALLAS in *differt. de infestis viventibus intra viventia* pag. 36. ad taeniam latam LINNAEI refert. Taeniam caninam, quae quarta LINNAEI species est, in humanis nidulari intestinis, nullibi lego, hinc non est hujus loci.

\*) Vid. der Arzt, eine medicinische Wochenschrift: 249 Stück. Conferendo eam observationem, quae existat in 302 Stück.

## §. XL.

Alios extra officinas Pharmaceuticas succi nostri usus recensere a scopo meo praesente alienum est, sufficiat itaque annotasse, pictoribus Gummi Guttae jam a longo tempore plurimum inservire, et recentiore quoque auctorem \*) illius ope cum lacca et sanguine draconis compositionem egregiae flavae vernicis, qua cuprum obduci possit, docuisse.

\*) Rozier Observations sur la Physique, l'Histoire naturelle etc. 1774. Janv. et Mars.

---



XXVIII.

DR. LEONH. CHRIS. HELLMUTH

DISSERTATIO

DE

RADICE SENECA.

ERLANGAE,

1782.



## P R O O E M I U M.

Homines, quam diu erunt, morbis sunt conflictaturi, quorum caulæ sunt vel externae vel internae. Illorum quidam sunt leviores, alii vero graviores; quibusdam opponuntur remedia, quæ tanquam specifica agunt; ut febribus Cortex Peruvianus, Syphilitidi Mercurius, crustæ lacteae et aliis, uti videtur, exanthematum speciebus, viola tricolor; alii vero scientiæ medicorum peritissimorum illudunt, fudent licet in reperiundis remediis, vix tamen omnibus suis adhibitis viribus obtinent scopum. Hanc ob rem sæpius peregrinamur per omnem terrarum orbem, disquirimus plantas et perscrutamur animalia, immo disquisitionibus nostris omnia Naturæ Regna percurrimus, ut patefiant occulta, ut inveniamus remedia, quæ morbis huc usque nondum compescendis opponi possint, aut, qui solummodo longa via, diuturnoque remediorum usu illorum viribus resistere non valuerunt, citius ac iucundius coerçantur. Licet non semper tam felices fuimus, in expiscandis materiae medicae obiectis, ut medicamenta detegeremus antea dictis specificis agentibus conformia; tamen non minus felici successu remedia invenire sæpius contigit scrutatoribus, quibus in exercenda medicina non sine maximo nostro incommodo careremus. Mox animalium instinctus, mox vero casus fortuitus, ad vires rerum ususque manifestandos viam nobis monstrarunt. Plurima autem eadem fere efficacia pollentia, ac e regno minerali desumpta, materiae medicae obiecta tradidit nobis regnum vegetabile. Illorum minima pars ex animali ad usum medicum fuit recepta, quæ nostro aevo imminuitur potius, quam augetur. Priusquam vero in rem medicam introducantur recens inventa, bene et provide sunt examinanda, ne inutilibus aut deleteriis adeo nonnunquam locupletetur rebus; si hæc ab antiquioribus iam observata fuisset cautela, ubi materialium virtus interna a figura externa atque colore ut plurimum petebatur, minor forsitan, sed efficaciorum, illorum numerus in



penu medico extaret. Plura brevi in temporis spatio huiusmodi scripta, partim apud nos, partim alios prodire, quae simplicia, ad rem medicam spectantia tractant, quoslibet ut quaedam modo adducam e. g. sunt, de mentha piperita, de haematoxylo, de lichene islandico, de helminthochorto, de viola tricolore, de conio maculato, de pulsatilla nigricante, de caryophyllata, de cortice hippocastani, de gratiola, alia. Etiam ego huic tramiti insistens, non quidem mihi tironi abblandior, me admodum iam bene de orbe medico meriturum hoc ipso esse; attamen, cum mihi nunc specimen inaugurale sit exhibendum, medicamentum quoddam sat recens et celebre, nec sane iners elegi, Radicem scilicet Senegam. Prodiit quidem iam Anno MDCCXLIX. de hac radice eximia et concinna dissertatio Ill. LINNAEI \*), nec, me post tantum Virum multa nova dicturum, videri posset; interim tamen, cum ab eo tempore plures recentiores proflent observationes, mihi-que ipsi sub institutione Ill. WENDT, Fautoris ac Praeceptoris nunquam non pie colendi, experiri huius radiceis vires contigerit, et examini chemico etiam ipse manus admoverim; quae edoctus sim, cum Lectore erudito communicare, non intempestivum iudicavi.

\*) *Amoenit. Acad. Vol. II. p. 126. sqq.* quas Perill. DELIVS, Fautor ac Praeceptor summo pietatis cultu in aeternum prosequendus, mecum communicavit.

## §. I.

Senega, Seneca, Seneka, Senecka, Sennagar. Vnam eandemque radicem sub hisce vocabulis semper indicant autores, quam exactius describere et examinare suscepi. Nomen quidem unde acceperit, non plane in aprico est; verisimillimum mihi tamen videtur, quod a Natione quadam, Seneker dicta, eamque Americae borealis plagam inhabitante, ubi radix nostra copiose provenit, hocce nomine fuerit insignita. Si vero alii malint, primas fuisse has gentes, hanc radicem contra morsum serpentis crotalophori in usum vocantes, uti LEWIS \*) dicit: radicem nostram adhiberi ab Indis Sènegaviensibus contra morsum Crotalophori, quoque non dissentiens ero. Neutiquam vero derivandum erit nomen radicis nostrae ab Insula Senegal, vel ut etiam dicitur Senega, haec enim est Insula ad Africam pertinens \*), unde nobis gummi Senegalense adfertur; nostrae vero solum natale est America borealis, et praecipue Pensylvania, Marilandia, et Virginia, nec minus quoque in Canada invenitur. Dudum Indi eius virtutes contra morsum serpentis Crotalophori noverant, unde demum Europaeis innotuit,

## §. 2.

Superflua foret prolixa terribilis huius serpentis descriptio, sufficiat dixisse, hunc serpentem, Caudisonum quoque dictum, secundum CATESBAEI \*\*\*) recentissimi scriptoris delineationem, qui in Carolina serpentem ipse vidit et delineavit, fusco esse capite, oculis rubris, in dorso colore subfusco, ubi etiam striae decurrunt irregulares nigrae: ipsum crepitaculum quoque esse fuscum, multis cellulis inter se connexis conflatum, membrana constantibus, quae ad duritiem cornu fere accedit: cellularum figuram esse pyramidalem et undulatam: harum articulationem, multa abundantem synovia, mobilitatem faciliorem partibus conciliare annulis inferioribus inclusis, ut eo

\*) *Mat. med. p. 469.*

\*\*) *VOSGIEN Dictionnaire Geographique p. 627.*

\*\*\*) *III. LINN. Amoen. acad. Vol. II. p. 131.*

melius ad latera eorum allidere possint, sonumque illum producere, qui exauditur, dum serpens caudam agit. Dum mordet hic serpens dentibus suis, qui interdum longitudine sunt digiti unius transversi, nonnisi periculosissima exinde redundare solent symptomata, praesertim si longitudo dentium eius ad nobilissima maximaque penetrat vasa, quod saepius contingit. Qui ab hac Caudifona sauciantur, magnum sentiunt dolorem, cum inflammatione vulneris; respiratio fit difficilis, tussis, sputum cruentum, pulsus durus et inflammatorius; interdum debilis et celer. Vulnus sphacelus exurit, laesus intumescit, et in saniem colliquescit caro.

## §. 3.

Americani ic̃tu Crotalophori laesi radicem masticant, succum illius deglutiunt, masticatam de cetero vulnere imponunt, sed iusto praebeatur tempore, antequam virus per universam humorum massam, sese diffundat. Decoctum illius lacte edulcoratum, quin imo tinctura vinosa idem etiam efficit, cum in hisce praeparatis, omnes radicis particulae iunctis viribus agant.

## §. 4.

IOHANNES TENNENTIVS Medicus Scotus, in regionibus Americae vitam degens, et symptomata morsum serpentis sequentia et effectum radicis senegae observans, quam ab Americanis borealibus adhiberi vidit, magnamque symptomatum similitudinem cum pleuritide et peripneumonia videns \*) eam et in his morbis tentavit felici successu, quem usum medicum postea primo in peculiari libro \*\*) descripsit, atque sic haec planta eiusque vires primum in Europa innotuere.

## §. 5.

Primus, qui plantam nostram ex Marilandia in Europam transferebat, Anglicoque Botanico RAYO eam in historiae suae plantarum tertia parte describendi occasio-

\*) *Dictionnaire de medecine T. VI. p. 90.*

\*\*) *Essay on the Pleurisie. Philadelph An. 1736. 8.*



nem praebebat, erat D. KRIEG, Germanus, qui per aliquot tempus in Marilandia commoratus est.

## §. 6.

Botanici Senegam ad genus Polygalae referunt.

POLYGALA *Senega* floribus imberbibus spicatis, caule erecto herbaceo simplicissimo, foliis lato-lanceolatis. LINN. *Amoen. acad. Vol. II. p. 139. Spec. pl. 2. p. 990. Mat. med. ed. 4. p. 192. n. 468. Syst. veg. p. 532.* GRONOV. *fl. virg. ed. 2. p. 103.* cum descr. brevi ex amoen. acad. b. a. LINNE excerpta.

*Polygala marilandica*, caule non ramoso, spica in fastigio singulari gracili e flosculis albis composita. RAI. *app. 670.*

*Polygala* caule simplici erecto, foliis ovato-lanceolatis integerrimis, racemo terminali erecto. GRONOV. *Virg. 80.*

*Seneca officinarum.* GEOFFR. *mat. med. 2. p. 131.*

*Senega, Seneca, Seneka* Indis Pensylvanis.

## §. 7.

Prima delineatio prodit ab Ill. a LINNE in amoen. acad. Vol. II. Tab. II. radix vero non satis est contorta, et caulis egrediens nimis horizontalis erectus, quam figuram fortasse rarius caulis obtinet. Flores quoque non satis distincte expressi videntur. Secunda invenitur apud MILLERVM \*), radicem et tres caules bene exhibet. PLUCKENET figuram in Phytographia Tab. 439. f. 4. sub nomine: *Perficariae* similis spicata, herba Mariana, et Tab. 453. aliam, sub titulo: *Perficariae folio planta cheusanica*, fructu parvo rotundiore, summo caule in spicam disposito, exhibuit, quae utraque figura nostram quodammodo refert polygalam Senegam. Ast certo non dici potest, an sit, nec non, quia partes fructificationis non sat distincte sunt expressae.

## §. 8.

Illustri SCHREBERO, Fautori ac Praeceptorum ad cines colendo, cui ante aliquot annos radix recens et ramus

\*) *Gärtner Lex. 3. Tb. 8. 641. novissimae editionis germanicae.*

polygalae senegae e Pensilvania allata transmittabatur, frequentem mihi delineationem plantae tradere placuit.

**RADIX** crassitie pennae anserinae, cygnae, vel etiam paullo crassior, longitudine circiter digitali, tortuosa, uno latere carina modice elata spirali ductu per totam longitudinem decurrente carinata, ceterum teretiuscula rugisque unius, duarum triumve linearum spatio a se invicem remotis, transverse annulata, vel latere carinae opposito fulcis transversis confertis exarata, vel etiam e regione carinae nodosa: nodis plus minusve protuberantibus, incisuris variae magnitudinis a se invicem separatis; superficie ut plurimum rugis plurimis flexuosis per longitudinem ductis, pro diverso siccitatis (cui originem debere videntur) gradu magis vel minus conspicuis, semper tamen parvis, exarata. Caput radices magnum, crassum, difforme, e caulium originibus confluentibus et inaequaliter protuberantibus conflatum. Rami nulli vel pauci, trunco radices tenuiores. Radiculae etiam paucae, tenues. Cuticula radices tenuis, cinerascens. Cortex satis crassius e luteo rufescens, in aliquot strata dividuus et siccatione haud raro divisus. Lignum in superficie striatum, album, molle, subinde in sectores aliquot se findi patiens.

**CAVIES** herbacci, pedales, crassitie pennae columbinae, erecti, aliquantulum flexuosi, teretes, modice striati, villo tenui brevissimo, crispulo, vix notabiliter pubescentes, simplicissimi.

**FOLIA** plurima alterna, sessilia, lanceolata atque e lanceolatis ovata, basi contracta, ut fere in petiolum brevissimum desinere videantur; integerrima, ut tamen margo denticulis minimis cartilagineis exasperetur, obtusiuscula, glabra, supra laete viridia, subtus pallidiora et fere glauca, obscurius venosa, plana, tenuia, ima unciae trientem vix aequantia, superiora fere tripollicaria, magis ad ovatam figuram accedentia, quam inferiora, quae per gradus fere angustiora sunt.

**PEDUNCULVS** terminalis, subspicatus, striatus, pubescens. *Pedicelli* plurimi, alterni, brevissimi, (trientem lineae longitudine vix aequantes) capillares, cernui; a quorum cuiuscunque basi utrinque stria prominula decur-

rit. Bracteae parvae, sessiles, lanceolatae, integerrimae, acutae, deciduae.

FLORES magnitudine lentis minoris, (longitudine circiter lineae parisinae).

CAL. *Perianthii foliolum summum* minutum, ovatum, obtusum, vix pedicello longius, album medio viride. *Duo infima* paullo minora, similia. *Duo media aliformia* e subrotundis ovata, apice rotundata, longitudine capsulae, albida, medio virescentia venisque viridibus obscurioribus picta.

PERICARPIUM. *Capsula* cordata, apice vix emarginata, leviter pubescens, bilocularis: dissepimento contrario, viridis.

SEM. solitaria reniformi-ovata, fusca, villis albis pubescentia, altero latere *arillo* albido membranam tenuem referente tecta.

Reliquas partes fructificationis describere non potuit ILLUSTR. VIR, utpote quae in caule supra memorato desiderantur. E descriptione tamen satis apparet, Senegam ad Polygalae genus referendam esse, quod etiam testimoniis CLAYTONI, GRONOVII, MILLERI et BERNHARDI a IUSSIEU confirmatur; et quidem, secundum b. a LINNE, ad familiam eius generis, quae corolla imberbi distinguitur. Flores albi sunt, teste MILLERO. Facies plantae fere Persicariae est aut Epilobii aquatici \*).

### §. 9.

Nomina germanica, anglica et belgica radicem serpentariam denotant, (*Schlangenwurz*) sed neutiquam est confundenda Radix Senega cum serpentaria virginiana, quae est species aristolochiae, neque cum alia planta passim serpentaria dicta, quae est species Ari LINN.

### §. 10.

Sola radix hucusque tantum in usum medicum adhibita est, cum huic virtute reliquae non aequiparari possint partes.

Sapor huius radiceis primo est farinaceus, mox subaci-



duſ, denique penetrans, excitans, urens fauces cum tuſſi-  
cula, fere conſtringens.

Sapor hic acris exurens, ſimulque acidus ſingularis:  
adeo ſentitur, ut ſimilis in toto regno vegetabili vix repe-  
riatur \*).

Illuſtr. SPIELMAN ſaporem acrem inter pimpinel-  
lam et pyrethrum medium tenere aſſerit \*\*).

Odor radicis ſiccaſt debilis, ſubacris parumque  
acidus.

## §. II.

Cum ob quantitatis ſufficientis defectum ab Ill. a.  
LINNE adaequata radicis analyſis ſuſcipi non potuiſſet, et  
praeterea, quantum equidem ſcio, nulla proſtet chemica  
reſolutio, non potui quin illam exactius diſquircrem. Hunc  
in finem in FRISCHMANNI, Pharmacopoei huius artis et  
Chemiae peritiſſimi dexterrimique, Laboratorio, illius  
auxilio ſuffultus ipſe manus admovi.

## §. 12.

Pulveris itaque radicum craſſiorum et teneriorum,  
optimae tamen notae, unciiſ duabus cum ſufficiente aquae  
deſtillatae quantitate affuſis, digeſtis et coctis, omnem ra-  
dicis ſaporem et colorem extrahi, pulſo in auras liquido  
ſuperfluo, ſenſim ſenſimque calore leni ita exſiccavi ex-  
tractum, ut in pulverem teri poſſet. Acepi huius ex-  
tracti gummofi primi drachinas quinque et grana octode-  
cim. Colore erat ſubfulſco, odore grato baſſamico, ſapore  
primum acido, mox acri, pungente, et ad tuſſum ſtinu-  
lante.

Reſiduo optime ſiccato affudi ſpiritus vini rectificatiſ-  
ſimi quantitatem ſufficientem, digeſtione absoluta et de-

\*) Ill. LINN. *Amen. acad. Vol. II. p. 143. EIVSD. Mat. med.*  
*ed. 4. l. c.* ubi radicis qualitas acido-acris ſubaromatica eſt ad-  
ſcripta.

LEWIS *Mat. med. p. 469.*

BLANCARD *Lexic. Med. ab Illuſtri Iſenſtamm Fautore ac*

Praeceptore omni pietatis cultu nunquam non colendo  
editum. *Art. Seneka.*

*Dictionnaire de medecine loc. cit.*

\*\*) *Inſtitut. mat. med. p. 581.*

decantato spiritu reiteravi affusionem, usque dum in spiritu nec color nec sapor amplius observaretur. Extractum resinofum secundum ad eundem siccitatis gradum redactum, ac gummosum primum, drachmas duas et sex grana pondere aequabat. Color idem erat ac primi gummosi. Sapor acrior est illius quam huius. Residuum erat pondere uncia et grana sedecim; scrupulum igitur sub laboribus amisi \*).

## §. 13.

Eiusdem ponderis radicum quantitati recenter pulverisatae affudi spiritus vini rectificatissimi sedecim uncias. Colore flavo impraegnato spiritu decantato, de novo reiteravi infusionem, et digerendo et extrahendo continuavi, donec liquor supernatans omnis coloris et saporis esset ex pers. Inspissati et ad pulveris siccitatem leni calore redacti extracti resinosi primi acquisivi drachmas quinque, scrupulum et grana septem, quod tanti saporis acris est, ut diu post in faucibus sensationem sat urentem relinquat, et vix veratri saporis dissimilem esse statuo.

Residua radicum copia bene siccata coquebatur, et omnis sapor extrahebatur, aquae destillatae sufficiente quantitate, qua evaporata, relicta fuit massa plane exsiccata, pondus drachmae, scrupulorum duorum et granorum trium sistens, sapore urente, utrique tamen resinoso cedente; fortasse quia partes acriores in gummosis extractis magis mucilagine adhuc involvuntur.

## §. 14.

Unciis binis radice pulverisatae superfudimus spiritus vini rectificatissimi uncias sedecim et digestionem reliquimus. Spiritus destillatus praeter spem nec saporem nec aliud quoddam radice partium sistebat. Nulla observabantur vestigia olei destillabilis, nec particularum camphorae referentium, sed plane immutatus inveniebatur spiritus.

\*) Extracti aquosi valde acris  $\frac{3}{8}$ , resinosi mitis  $\frac{1}{16}$  exhibet Cl. BVSCARD. CARTHEUSER illius  $\frac{1}{2}$  huius  $\frac{1}{4}$  adducit Illustr. SIEGLM. *Institut. mat. med.*

## §. 15.

Essentiam radiceis cum spiritu vini rectificatissimo non de novo praeprare volui, quia in officina Frischmanniana iam prostat saturatissima. Est saporis valde urentis, uti extractum fere resinofum et stavescente imbuta est colore. Apud nos nunc frequenter in usum vocatur.

## §. 16.

Tincturam vinosam ipse non paravi; propterea ex Ill. a LINNE dissertatione \*) excerptam, quae hic necessaria videntur. Dicit.: Tinctura vinosa, cum vino edentulo parata, colore est subpurpurascēte, odore medae et sapore fere radiceis. Dosis cochlearia tria. Haec TENNENTIO fuit usitatissima. Conficitur hoc modo. R. Rad. seneg. comminut. uncias IV. Vini Canariensis Libr. I. Stent in digestionē per III. dies loco cal. Decant. col. serva usui.

## §. 17.

Decoctum aquosum, quod semper fere in praxi mea adhibui, coloris est albidī, saporis sat acris, paulo tamen mitioris ac in solutione spirituosā. Saporis occultandi gratia ut plurimum cum melle edulcorandum curavi.

## §. 18.

Radiceis concisae et contusae unciis duabus cum aquae fontanae unciis sedecim in retortam vitream infusis et digestis, ignis destillatorii ope transit in vas excipiens aqua paululum lactescens. Odorem et saporem describere vix audeo, nihil enim mihi fere est notum, quocum aequiparari posset. Nullum verae separationis vestigium huc usque apparuit, etsi iam ante mensem destillatio absoluta fuerit. Si maior radiceis copia forsan destillationi submitteretur, olei destillabilis quid prodire posset. Interim iure hoc destillatum in officinis mereri locum, et aliis aquis resolventibus praeferrī posse autumo.

## §. 19.

Quae denique partes fortioris ignis ope in radice

\*) *Amoen. acad. Vol. II. p. 148.*



Senega detegi queant, experturus, quatuor uncias eius in frustula teneriora concisae in retortam inieci, et destillationem siccam institui. Qui primus transiit liquor aqueus clarus erat, et removebatur excipulum, quam primum guttulae quaedam oleosae apparebant. Nihilominus impediri non poterat, quin una et altera guttula oleosa liquori primo prodeunti immisceretur, quae statim petebat fundum. Commiscendo et agitando, liquori supernatanti colorem atro purpureum conciliabat; liquor ipse primo prodiens aquosus erat. Mutato vase, continuataque destillatione, subsequēbatur liquor acidus, quem doneque atro fuscus vaporum densiorum sub forma transiens excepit. Materiae alicuius salinae siccae in collo retortae nihil plane animadvertere potui. Destillatione peracta, filtroque aqua imbuto, spiritum empyrevmaticum ab oleo separare studui, et accepi illius unciam unam drachmas duas et scrupulum, huius autem unciam semis et scrupulos duos. Odor fere idem percipitur, qui oleo empyrevmatico proprius est.

## §. 20.

Carbones in vase destillatorio residui pondere aequabant unciam, drachmas tres cum dimidia, et grana quindecim. Ponderis igitur defectus destillatione olei empyrevmatici sub vaporum forma per rimas in auras avolavit. Illos in cineres conversuri, crucibulum fornaci prunis impleto tradidimus. Illo candefacto, carbonēs immisimus et obiter solummodo crucibulum lateris frustulo teximus, ne aeris liberi accessus impediretur, alia tamen heterogenea a prunis protrusa averterentur. Sic ultra duarum horarum spatium vehementi ignis gradu saepius massam agitando continuavimus. Ast quia hoc pacto in cineres abire plane recusabant, cineritio massam commissam, ubi aeri minus quam in crucibulo aditus erat praeclusus, igni forti denuo exposuimus, ubi denique facile cessit incinerationis negotium. Supra cinerem albescentem drachmam et grana octo pendentem affudimus aquam destillatam, quam infusionem reiteravimus. In auras pulsus liquidis, salis impuri accepimus grana sex. Soluta aqua destillata

sale filtrato crySTALLISATIONI exposito prodibant crySTALLI tãna figuram salis mirabilis GLAUB. aequantes\*) quam paucissimi cubi admodum exigui salis communis. Pondus illarum erat granorum duorum cum dimidio. Altera crySTALLISATIO unam et alteram eiusdem figurae fistebat crySTALLULAM, plurimae vero irregulares erant, et mox hio mox illic vestigia apparebant salis alcali vegetabilis, liquefcebat enim una et altera spicula salina. Duo grana haec crySTALLISATIO exhibebat.

### §. 21.

Ad huius salis partes constitutivas expiscandas, solutae fuerunt crySTALLI primae crySTALLISATIONIS aqua destillata (quia in forma sicca loco tepido expositae in pulverem dehiscere plane recusabant, quae tamen est indoles Salis mirabilis *Glaub.*) et sequentia instituta sunt pericula.

Solutionis huius guttulae quaedam addebantur Lunae solutioni, ex quo enascebatur luna cornua.

Solutio mercurii sublimati aquosa, additione solutionis salinae lactescit. Mercurii solutio in aqua forti purissima instillando liquorem salinum, fit turbida.

Auro infundebatur aqua fortis purissima, additis liquoris salini aliquot guttulis, nulla fiebat mutatio, coquendo vero statim aqua regis proveniebat. Solutione hac quoque in manu linea ducta illum colorem exhibebat badium, qui signum solutionis auri plerumque habetur.

Tinctura spiritiosa radice anchusae addendo liquorem salinum acquirebat colorem caeruleum.

Solutionis secundae crySTALLISATIONIS parte quadam cum spiritu nitri mixta, exorta fuit effervescencia. Evaporato humido, nitrum cubicum et regeneratum prodibant.

Tinctura anchusae spiritiosa affusione huius mutabatur in violaceum colorem.

Eadem tinctura magis diluta, combinatione essentiae radicum senegae saturatae, referebat colorem aurantium, non vero coeruleum. Exinde liquet, nullum alcali vestigium in essentia adesse; nonne vero acidi?

\*) DELISLE *Crytallographie*. Tab. III. fig. 2. 3.

## §. 22.

Haec igitur allata pericula sat docent, partes huius salis constitutivas consistere in acido salis et alcali minerali vegetabili iuncto. Mirandum est, acidum vitriolicum nullo modo se manifestasse etsi crystallisatio supra indicata, eius praesentiam arguere visa sit.

## §. 23.

Terrae residuae, ex qua sal elutum erat, scrupulus solvebatur spiritu nitri purissimo. Ast grana sex indissolubilia remanebant. Decantatione et acido vitriolico praecipitatione facta, accepimus Selenitidis grana sex.

Liquori decantato denuo instillabantur aliquot olei tartari guttulae. Statim in fundo apparebant striae terreae, in superficie autem fluidi materia terrea floccida, Filtrando separavimus, utrumque calcinationi tradidimus, illa peracta, materiam dissolvere studuimus spiritu nitri, coximus, sed nihil solvebatur, et instillando in fluidum decantatum acidum vitriolicum, nulla fiebat praecipitatio. Terra vitrescibilis grana quatuor pondere aequabat.

Illa sex grana a prima infusione terrae cum spiritu nitri indissolubilia relictæ, etsi coctio cum spiritus nitri drachmis duabus ter suscipiebatur, calcinavimus, et iterum affudimus spiritum nitri, sed plane nulla solutionis aut effervescentiae vestigia apparuere. An haec terra silicea sit pars plantae constitutiva, aut demum generata, cum in incineratione radicum, cineritio usi simus, dubius haereo.

## §. 24.

Experimenta chemica hactenus enarrata abunde testantur, radici Senegae inter medicamenta admodum efficacia locum omnino esse concedendum.

## §. 25,

Virēs autem, quibus haec radix gaudet, sunt resolventes et evacuatoriae \*).

Sialagoga: quivis enim qui vel minimam huius por-

\*) Ill. a. LINNE *Amoen. acad. Vol. II. p. 144.*

*Eiusdem mat. med. edit. 4. l. c.*



tiunculam degustaverit, satis percipit, quam copiose confluat saliva; movet praeterea in fauce secretus copiosus, et diu illic remanet sensatio urens.

Vomitoria evadit, dum in ratione subiecti, maiori, quam par est dosi, propinatur. Ipse nonnunquam praebui adultis pulveris illius scrupulum saccharo mixtum, et vomitum subsequi vidi, cum tamen ab Ill. VOGEL \*) ut incidens ad grana triginta quatuor, et ab Ill. a LINNE \*\*) ad grana triginta quinque praescribatur. Sensibilitatis gradus hic igitur vehementiorem effectum produxisse videtur.

Purgans observatur, licet non adeo specificè, interdum enim leviter alvum subducit, quem effectum quam saepissime in exhibito remedio observavi, interdum vero usque ad catharsin, interdum in has vias ne minimum quidem operatur. Diversitas huius effectus a varia petenda erit subiectorum temperie.

Diuretica vis radici fere adnata adiudicatur, qua efficaciam suam singularem extra omnem ponit dubitationis aleam, et omni iure inter praestantissima medicamenta diuretica sibi vindicat locum.

Diaphoretica non adeo est conspicua, cum potissimum alvo et diuresi agat; aucta enim una excretionem, semper diminuitur altera. Vna et altera vice solummodo, crisi post largum decocti senegae usum per sudorem largum subsequutam esse vidi.

Incidens est praestantissimum, tam in calidis quam frigidis morbis; mirum enim in modum tenacem humorum compagem ac gelatinosam dividit, et antiphlogisticam eorum diathesin solvit.

Expectorans denique egregium iudicatur, dum levi quodam stimulo pulmones ad concussionem stimulat.

## §. 26.

Partes radices praecipue agentes latere mihi videntur in extracto tam resinoso quam gummoso, plurimum vero in illo, quia sapor magis est urens. Hoc non obstante

\*) *Histor. mat. med.* p. 227.

\*\*) *Amoen. acad. Vol. II.* p. 148.

tamen in mea praxi lubentius decoctum aquosum adhibui, nihil perdidit quoque, maxima enim pars resinosi in aqueo menstruo coquendo solvitur. Pro re nata essentiam etiam dedi, et extractum.

## §. 27.

Modus propinandi pro ratione morbi, subiecti et finis varius est, mox enim in pulvere, mox in infuso, nunc in decocto aquoso, nunc vinoso, hic in essentia, illic in tinctura aquosa et vinosa, modo in extracto aquoso, modo spirituofo exhibetur. En igitur varia radice praeparata, quae medicus pro scopo suo optime eligere poterit.

## §. 28.

Brevi postquam radix innotuisset per scriptum TENNENTII, Cl. PAUL medicus Massiliensis celebris experimenta repetit felici successu, eadem quoque probarunt, GRONOVII, LEMERY, IUSSIEU et BOUVART experientiae. Sed eandem radicem etiam alias humorum spissitudines praeter phlogisticam attenuare, BOUVARTII observationibus patet, qui inde anasarcas curatas vidit, valide quoque urinam ducere expertus est. GRONOVIIYS praeterea eius vires ad rheumatismos, arthritides et febres intermittentes aequae ac lentae celebrat \*), inde successive plures hac radice usi sunt, eamque in variis morbis salutarem invenerunt et commendant in peripnevmonia \*\*), in pleuritide \*\*\*), in hydrope pulmonum †) ad resolvendos et per varias excretionem evacuandos humores ††) in pleuritide spuria et vera, peripnevmonia et asthmate †††). Etiam in nephritide sabuloso-pituitosa et cataracta recentiori commendatur \*). Hanc radicem in ulteriori morbo

\*) Ill. SPIELM. *instit. mat. med.* p. 581.

\*\*) Ill. a LINNE *mat. med.* ed. 4. l. c.

Cl. MACERIDE *in Merbodical. Introduction etc.* Vol. II. p. 428. Ill. VOGEL *Histor. mat. med.* p. 227.

\*\*\*) Cl. BUCHAN *in medicina domestica Pars. I. Cap. IV.*

†) Cl. PERCIVAL *Dissert. et experiment.* Vol. II. p. 172.

††) Ill. MURRAY *Apparat. medicam.* Vol. II. p. 436.

†††) Ill. TISSOT *Anleit. für den gemeinen Mann, in Absicht auf seine Gesundb.* p. 301.

\*) Ill. CARTHEUSERI *Fundam. mat. med.* edit. nov. T. I. p. 576.

eximios edidisse effectus, testis sum, in instituto enim nostro Clinico bis mihi contigit videre, cataractam purulentam praecipue usu radicis senegae resolutam fuisse. Sunt tamen alii, qui de virtute resolvente et evacuantem nondum aliquid certi statuere audent \*).

## §. 29.

Nunc vero mihi afferenda erunt, quae me propriae observationes in instituto nostro Clinico docuerint.

Infans unius anni et sex mensium, pessime nutritus, habitus atrophici, ante semestrem purpura detinebatur scarlatina, quae sine notabili crisi, ut referunt parentes, evanescibat.

Neque enim desquamatio cutis, neque sudores copiosiores, nec urina hypostatica, nec alia crisis signa, observabantur. Praeterlapso aliquo temporis spatio, puer magis magisque infirmior factus, pedibus non amplius insistere valebat. Corpus totum emaciatum marasmo senili laborantem hominem aequabat, omnes se et excretiones erant turbatae, pulsus matutino iam tempore celerrimus et sat frequens, corpus fere disfluere videbatur sudoribus, abdomen durum, elevatum, tensum, ac glandularum mesentericarum infarctus tactu iam cognoscendus erat, appetitus mox plane deiectus, mox nimius erat, puer quoque vix manum corpori admoveri, ob sensationem delorificam permisit. Alvus mox lubrica, mox obstipata, et varias corporis partes obsidebant tumores. In hisce angustiis advocatus, vix laetam formare poteram prognosin, morti enim proximus esse mihi videbatur aeger, et oleum et operam perditam esse credidi; nihilominus auxilium efflagitabant parentes, illorumque desiderijs satisfactorius, praecrispsi potionem ex Tinctura rheii, sapone veneto, Tartaro solubili et syr. de cich. c. rh. constantem, nec non species pro potu resolventes, quarum basin rubia tinctorum fessebat. Hancce medicinam assumptam nullum subsequabatur levamen, aegerque illam ulterius assumere recusabat. Aliam itaque formulam ut componerem necesse erat. Confugi consentiente Ill. WENDT ad radicem

\* ) Cl. RVLME de febre puerperarum. Sect. IV.



senegam, cuius drachmas duas in aquae fontanae unciis quatuor ad trium unciarum remanentiam decoquendas curavi, gustus et roborandi gratia syrupo cortic. peruv. edulcoravi, omnique bi vel trihorio cochlear dimidium propinandum iussi. Diaetam simul inculcavi strictissimam. Hoc decocto per aliquot dies exhibito, mutationem tumorum observavi. Omnes enim tumores ubique dispersi in duos colligebantur, qui superiorem et inferiorem femoris partem obsidebant. Haec subitanea mutatio animum addidit, ut omnia experirer, quae vitam servare possent. Tumor superior inferiori multo erat maior, propterea illi emollientia cataplasmata imponi suasi. Post biduum fluctuatio materiae pressu digito offendebatur, et dolores imminuebantur. Urina decocti usu paulo copiosior exercebatur. Alvus iusto erat liquidior, sudores cessabant. Reiterando medicamento totidem corticis peruviani addidi et cum supradicta senegae quantitate decoquere iussi, veritus, ut puer ob virium defectum tumoris apertionem sustineat, simul quoque, ut materiae resorptae obex opponeretur, quo minus febrem augere posset. Hoc medicamento adhibito altero die maiorem vigorem in pulsu observavi. Aperuit igitur chirurgus advocatus tumorem superiorem, ex quo ad mensuram pene puris maligni sanguine mixti effluebat, ac quaelibet deligatio, bis de die suscepta, ichoris copia scatebat. Tumor inferior plane disparuit, quia materia ad superiorem aperturam sibi viam aperuit. Febris interea, longe remissior facta est. Medicamento antea dicto continuato successu temporis pus laudabile generabatur, et tandem plane coaluit ulcus. Abdomen decrevit, dolores cessarunt, excretiones alvinae factae sunt naturales. Aliquamdiu adhuc continuatis roborantibus balneisque frigidis corpori robur reddebatur; ita ut omnes partes nunc fungantur suo munere. Viribus igitur resolventibus Senegae roborantibus iunctis, bonum huius morbi eventum adscribendum esse persuasum habeo. Me quoque in pluribus atrophiciis hanc adhibuisse radicem, non vero eodem semper insigni cum effectu, uti in historia relata, sincere et ingenue confiteor.

Vir XL. annos natus, habitus siccioris, temperamenti

cholerici, venæsectionibus aliâs bis de anno adfuetus, illas nunc per triennium neglexerat. Sine causâ præcedente manifesta uno impetu in brachio dextro diris infestabatur rhevmaticis doloribus, ita ut illud ne movere quidem posset. Accersitus pulsus inveni plenum, spasticum, iusto frequentiore, linguam puram, appetitum vigentem, alvumque liberam. Oppositis frictionibus cum panno laneo aspero et speciebus e radicibus resolventibus pro potu ordinario non cessit malum. Pulverem igitur ex Antimonii crudi alcoholisati  $\mathfrak{zj}$  et sacchari lactis  $\mathfrak{z}\beta$  compositum, comparandum, inque XVIII. partes aequales dividendum, signandumque curavi, ut omni bihoriò una dosis assumeretur; nec minus decoctum resolvens continuandum et diætâ strictissime servandam iniunxi. Decem dosibus assumtis post diarrhæa accessit, cui quoque pressio pede levamen subsecutum est. Non in totum vero cessarunt dolores. Ad illos subito plane debellandos, me inscio, suavoribus amicis spiritum lumbricorum cum sapone mixtum inunxit. Quo factò dolores et pulsus tam aucti fuere, ut fieri non posset, quin vena in pede secaretur, et larga sanguinis copia detraheretur, simulque cucurbitulas parti dolenti imponendas curavi. Hoc non obstante dolores duravere, ut diu noctuque somno frui non posset. Non potui igitur quin ad radicem senegam properarem. Præscripsi illius  $\mathfrak{z}\beta$ ; in aquae fontanae.  $\mathfrak{z}\text{iv}$ . decoquendam, quam gustus gratia syrupo edulcoravi, omnique bihoriò cochlearia duo exhibui. Hoc decocto assumto disparuere ferè omnes dolores, et reiterata medicina plane sunt discussi, ita, ut nunc aeger omnes suos labores perficere possit, et ne minimum amplius sentiat dolorem.

Iuvenis XVII. annos natus, habitus gracilis, ficcioris, de vehementi conquestus est cephalalgia, appetitu plane prostrato, amaritiæ dira in ore, lingua tecta erat corio, languorem totius corporis sentiebat insignem, alvus iusto erat segnior, ictus dolorifici utrumque circumvagabantur thoracis latus. Pulsus tactu erat plenus, durus magnus et fortis. Comperi quoque eum ante quatrimum initio morbi pulverem emeticum a chirurgo quodam exhibitum assumisse, qui crebriores vomitus et sedes produxit,

eundem die post venam secasse, et ei pulveres temperantes exhibuisse, quorum compositio autem me fugit. Cum ob amaritiam et linguam squalidam evacuantia adhuc necessaria videbantur, et tamen ob drastrictum effectum medicamento emetici antea assumti non auderem evacuantia praeberere, solummodo ad tantum aestum moderandum et resolutionem promovendam, exhibui potionem ex nitro, sale polychrest. TR. papav. rh. Aq. destill. et syrupo acidulo constantem, cuius usus vero plane nullum afferbat levamen. Altero die igitur me coactum vidi mutare medicamenta, et senegam elegi, cuius  $\mathfrak{z}\beta$  in Aqv. font.  $\mathfrak{z}\text{vj}$ . ad reman.  $\mathfrak{z}\text{iv}$ . decoquendam curavi, et saporis causa syrupum addidi omnique bihorio duo cochlearia assumere suasi, simul quoque pediluvia ex mera aqua tepida praeparanda curavi, et regimen appropriatum commendavi. Altero die matutino tempore accedens magnam iam sensi mutationem, somnus quidem suavis nondum fuerat, dolores autem antea diri imminuti, alvus liquidior facta, et continuatio huius medicamenti semper plus levaminis afferrebat. Decoctum reiterari mandavi, dolores, continuato usu penitus evanescere, amarities squalidaque lingua cessabant, urinae copiosius excretae flammeus color mutabatur in citrinum, vires rediere sensim, et sic sine ullo alio medicamento, ac sine repetita sanguinis missione peripneumonia, solummodo usu decocti radicum senegae, resolvebatur, et aeger intra XIV. dierum spatium restituebatur. Comprobatur igitur experientia Cel. Tennentii aliorumque Senegam efficacissimum esse remedium in peripneumonia et pleuritide, asserentium, hacce et sequentibus historiis.

Mater eiusdem iuvenis XLVI. annos nata, habitus macilenti, adhuc menstruata, filio cum sanitate in gratiam redeunte, eodem morbo, in quem ex dissidiis obversantibus incidit, gravissime decubuit, et eodem medicamento longiori tamen temporis spatio restituta est. Roborans solummodo ob plenariam virium prostrationem in fine morbi substitui.

Foemina LI. annos gerens, habitus siccioris, venae-sectionibus a vigesimo aetatis anno ad quadagesimum se-



cundum, in quo aetatis termino mēstruorum fluxus cessavit, bis de anno adfluenta, semper fruebatur sanitate firma et valida, usquedum in pago quodam vicino encaenia celebrando rixae et dissidia orirentur, quae eo pervenerunt, ut rustici sibi manus inferrent inimicas, et in hanc foeminam improvidi irruerent. Quo facto in lipōthymiam incidens exanimis fere domum portabatur. Redeunte mente horrorem per aliquot horas durantem et subsequenter aestum percepit, qui sine intermissione quotidie incrementum cepit, cum dolore sat diro omnium partium. Alvus iusto erat segnior, et solummodo per trium dierum spatium semel multo cum dolore exonerabatur. Appetitus plane deiectus erat, sitis nulla, amaritiem vero insignem accusabat in ore. Haec symptomata crescebant usque ad decimum morbi diem, ubi in plenarium incidit soporem. Maritus nullum hucusque sibi expetiit auxilium, ex inopia fortasse et curta supellectile. Necessitate igitur urgente advocatus relata audivi, eamque delirantem, difficilemque animam trahentem, inveni, vix reiteratis excitationibus nonnunquam mentis compos fiebat, ubi summos dolores punctorios in latere dextro in quacunque inspiratione auctos, nec minus palpitationem cordis vehementem, manu admota perspicue observandam, accusabat. Pulsus parvum frequentem celerem et intermittentem deprehendi, respiratio ipsa iusto celerior et brevior erat, lingua obducta erat muco. Hisce periculis motus consilium cepi resolutionem promovendi, et affluxum sanguinis versus superiores partes derivandi. Praescripsi itaque, annuente ill. WENDT, potionem resolventem ex salibus mediis compositam, quam large assumendam esse suasi. Pro potu ordinario decoctum hordei aceto et melle ad gratum saporem redactum, nec non pediluvia tepida adhibenda curavi. Nox sub continuo delirio evanuit, et sequenti die illud non erat mitius, accessit praeterea tussicula sine sputis, pulsus parvus et frequens tangebatur, alvum vero per noctem deposuerat. Ad radicem senegam nunc confugi, et huius radicis  $\mathfrak{ss}$  in Aqv. font.  $\mathfrak{iv}$  decoquendam praescripsi, decocti syrupo cort. peruvian. edulcorati, omni bihorio cochlearia duo exhibui simul

quoque sinapismum pedum plantis bene cum aceto fricatis applicavi, loco decocti hordeacei prunorum decoctum folliculis iennae paratum potavit. Clysmata enim ab adstantibus, qui vitae periculum inde augurabantur, non admissa sunt. Sequentis matutino tempore diei accedens laetus vidi et audiui, delirium imminutum, pulsum elatiorem esse, alvum quoque subsecutam esse, invita quidem aegra. Sudores nulli provenire, dolores in latere mitiores fuerunt, urina copiosius excreta nubeculam in fundo sistebat. Medicamentum continuabatur. Praeter expectationem pomeridiano tempore advocatus, aegram difficilior, ac nunquam aegrotantem, inveni, omnia symptomata ad summum gradum aucta, respiratio erat difficilis, laboriosa, pulsus parvus, debilis, frequens, inaequalis, delirium summum. De novo igitur renovandos curavi sinapismos, et loco cochlearium duorum decocti senegae omni bihorio, nunc omni hora illam dosim praebui, nec malo effectu, etsi non statim inde redundaret levamen. Altero die enim summo mane accedens, alvum liberiores involuntarie tamen, deposuisse percepi, sudor quoque partialis in capite prorupit, nihilominus sopor durabat, et reliqua symptomata paululum solummodo erant leviora. Continuavi decoctum et sinapismos. Vesperis iam magis suae mentis erat compos facta et omnia symptomata leviora. Die subsequenti non sine gaudio illam extra lectum deprehendi, summam quidem debilitatem visusque hebetudinem et surditatem accusantem. Addidi nunc senegae corticem peruvianum, et dietam strictissimam observare iussi. Hoc decocto per aliquot dies assumpto, vires sensim sensimque rediere omniaque symptomata quotidie immutata sunt.

Ad robur tamen plenarium, gravi morbo plane sublatum, corpori reddendum, loco corticis pretiosi decoctum haematoxyli per aliquot dies adhuc praebui. Quo assumpto valedixit medicamentis, et solummodo dietam exquisitam adhuc servandam esse mandavi, et aliquot septimanis post fuetis laboribus praefuit, optimaque ex eo tempore gaudet sanitate.

Puella quinque annos nata, vegeta, sanissima, praeter

variolas et purpuram scarlatinam, quae tenera iam in aetate eam corripiebant, nullum passa est morbum, infestabatur motibus febrilibus, qui vero sine medicamentorum usu, ut referunt parentes, sponte cessarunt. Quatuor septimanis post intumescere coepit puella. Quotidie increvit tumor, ita ut quarto die accersitus, eam deprehenderim tam tumidam, ut neque stare, neque ambulare posset. Tumor per totum corpus erat tensus et aequalis. Oculi vix conspiciendi erant. Post pressionem digito susceptam nulla remansit fovea, appetitus erat nimius, lingua pura, alvus respondebat, pulsus vero, ob tumorem insignem, vix tangi poterat. Lumbricos iam nonnullis vicibus excrevit aegra. Existimans igitur, leucophlegmatiam hancce, a sordibus primarum viarum, praecipue vero a visciditate humorum ortum ducere, praescripsi rad. seneg. pulverisatam, quam additione syrupi rad. 5. aperient. in electuarii formam redegi, a quo medicamento ter de die cochlearia duo minora scilicet pro potu Caffee destinata sumere iussi. Altero die audiui, puellam lumbricum eximiae magnitudinis excrevisse, copiosius quoque urinam mittere, tumorem etiam imminutum vidi. Continuabatur electuarium, etsi valde ingratum et nauseosum erat medicamentum. Quotidie tumorem insigniter decrescere, et urinam larga in copia excerni, observavi. Vermis vero nullus amplius in conspectum venit, sic intra octiduum puella a tumore leucophlegmatico plane est liberata, et pristina nunc fruitur valetudine.

Foemina LXIII. annos nata, habitus ficcioris, corporisque macilenti, variis agitata calamitatibus, incidit in pleuro peripnevmoniam. Auxilio Ill. WENDT efflagitato, hic mihi occasionem praebeuit, symptomata observandi, morbumque tractandi. Audiui igitur, cum accederem, eam die praecedente mane frigore et aestu subsequente correptam fuisse, alvumque per biduum esse obstipatam. Suasoribus amicis Electuar. Mithridat. in spiritu vini solutum ad motum febrilem cito debellandum assumpsit. Hausto medicamento expectatione celerius ictus punctorii in latere dextro accesserunt, qui qualibet inspiratione aucti fuerunt. Pulsus erat inflammatorius, lingua puris-



suma, nihilominus vehementes conatus vomendi adfuere. His indicantibus ductus praescripsi potionem resolventem, ex salibus mediis compositam, suasque lintheamina lacti calido immissa et a superfluo humido iterum liberata parti dolenti applicare, quae vero non adhibita fuerunt. Dum altero die advenirem, aegram alvum deposuisse audivi, paululum mitior quoque erat febris, ictus vero in latere dextro ne minimum quidem remittebant, urinam excernebatur flammea. Nox inquieta transiit, praeterea tussis accedebat, et spuma albicans exscreabatur. Quia iusto parcius assumsit medicamentum, pars quaedam restabat, quam sumendam curavi, nulla vero ratione eo perducere potui, ut lintheamenta lacte tepido impraegnata adhibuisset. Die subsequente eadem symptomata aegram maiori vehementia vexabant, nox inquietissima, ictus aucti, vires maxime suppressae, pulsus quoque mane iam multo erat frequentior et parvus ac die praecedente, vesperi autem recursuum frequentia matutinam multo superabat, et tam debilis erat, ut mihi laeta non annunciarer. Confugi itaque ad senegam, et ab illius decocto supra iam descripto, omni bithorio ad cochlearia duo praebui. Etsi altero die saporem maxime ingratum huius medicamenti accusaret, lactus tamen audivi, eam noctem quietiorem transegisse, dolores in latere mitiores fieri, et pectus non amplius tanta anxietate torqueri, uti antea, pulsus quoque multo elatiorem tetigi, alvique excretio successit. Afferuit quoque, se post quamcunque decocti assumptionem levamen sentire. Sputa flavum induebant colorem, urina copiosior prodibat et hypostatica. Ob egregium effectum continuandi suasi decocti usum. Quotidie huius medicinae usu mitescebant symptomata, dolor ascendebat versus scapulam, vires redibant. Consumto decocto, id reiterandum curavi, et sic sine venaesectione in initio administranda, totum morbum debellavi. Sudores nunc redeunte sanitate copiosi prorupere. Morbo ut plurimum superato roborantia exhibui, ut eo citius vires redirent. Nunc optima fruitur valetudine.

Vir XXXVI. annorum, habitus macilenti incidit in peripneumoniam. Ob alvum per aliquot dies iam obsti-

patam pulveres ex sale aperitivo Fridericiano et Magnesia alba prae bui, qui effectum optatum quidem produxere, ratione alvi obstructae, dolores vero sat diri punctorii in latere remanebant. Decoctum itaque radice senegae praescripsi, quod syrupo de erysimo Lob. edulcoravi. Quia sanguinis sputa nimis copiosa erant, venam quoque secavi in lateris affecti brachio. Venaesectione administrata pulsus quietior est factus, et dolores paululum imminuebantur. Decoctum itaque senegae continuavit aeger, nec hic haec radix vires suas resolventes denegavit. Alvus semper usu huius medicinae aperta servabatur, nonnunquam quoque diarrhoea mitior accessit. Urina ab initio decocti usus copiosior prodiit, continuato vero illo sudores subsecuti sunt. Vncia solummodo huius radice in forma decocti requirebatur, ad hunc morbum plane profligandum. Superato morbo roborantia exhibui. His per aliquot dies exhibitis, de novo incidit in morbum primum. Removi igitur roborantia, et decoctum radice senegae reiteravi. Elapso biduo evanescere quoque dolores in latere. Quia hic aeger sano iam in statu phthisicum referebat habitum, diu roborantia adhibui, ita, ut nunc firma valetudine praeditum laboribus suis praesse laetus videam.

Iuvenis XXI. annorum, habitus macilenti, corpore aestuante et sudante frigori se exposuit, simulque frigidum potum ingurgitavit. Statim post hoc vitium diaetae commissum infestabatur doloribus rheumaticis vagis sat diris, qui tamen praecipue latus thoracis sinistrum occupabant ita ut lecto affixus esset. His doloribus coactus, auxilium chirurgi cuiusdam sibi expetiit, qui varia ei exhibuit medicamenta sine levamine. Me igitur vocare iussit. Omnia bene reputans, exhibui cremorem tartari larga in dosi. Huic vero optimo remedio resolventi non cedebat malum. Dolores increverunt et febris accedebat. Confugi igitur ad senegam radicem, cuius unciam dimidiam in quatuor uncis aquae fontanae decoquendam curavi, et omni bishorio cochlearia duo exhibui. Post dimidiae partis assumptionem dolores iam imminuebantur et perpetuo magis crescebant. Reiterato decocto, eoque assumpto, in totum siluerunt dolores, et pristina tandem gavissus est valetudine.

In hoc quoque casu aeger semper alvum ope usus decocti rite deposuit, quae alias continuo legnior iusto erat, urina quoque copiosior prodibat.

Addam adhuc historiam morbi ab amicissimo PFEIFFER Medicinae Candidato dignissimo, commilitone suavissimo, mecum communicatam:

Maritus quinquagesimum quartum agens aetatis annum, habitus corporis strictioris, vitam degens laboriosam, binis quotannis affuetus venaesectionibus, optima hucusque gavissus sanitate, si leviores exceperis morbos, praesertim qui sub catarrhorum nomine vulgariter veniunt, nunc graviori morbo conflictabatur. Corripiebant eum nempe statim ab initio morbi horror et subsequens aestus, prior quidem non amplius rediens at posterior continuabatur et versus vesperam augebatur, coniuncta erant cum ipso lassitudo totius corporis, sitis ingens, pullus iusto citator, dolores capitis et extremitatum feroces, somnus turbatus, appetitus deiectio plenaria, alvus iam per plures dies obstructa, et lingua squalore copioso obsessa erat; urina parca flammea excernebatur sine sedimento, ceterum hucusque nulla criseos signa se sensui offerebant.

Talis erat status aegroti quum prima vice et quidem sexto morbi die iussu *Illustris* WENDT, illum viderem. Non diu haesitabam, prae reliquis enim symptomatibus alvi obstructio primam sibi promeruit attentionem meam. Illa igitur ut solveretur et, ut motus nimii temperarentur, ipsi praescriptum est medicamentum compositum ex Grem. tartar. vj et sacch. lactis ℥jjj. qua massa in pulverem redacta et in IX. partes divisa, quavis hora unus ipsi porrigebatur pulvis.

Non sine effectu hoc medicamentum propinatum fuisse, altero die eum videns, laetus animadverti. Alvo enim nunc soluta, aestum quoque nimium magna ex parte temperatum esse, arteriarum ictus nunc minus frequentes mihi annunciabant: sed cetera symptomata continuare videbantur, et de materia in corpore adhuc latente testabantur. Eum in finem efficaciora resolventia, et quidem salina digestiva cum amaris, sequenti formula simul concepta ordinata sunt.



R̄. Extract. hippocastan. ℥℥.

℞is polychrest. S. ℥j.

∇. Taraxac. ℥iv.

Mel. despumat. ℥℥.

M. D. S. Quovis bihorio cochlear j.

Effectu bono quoque hoc medicamentum destitutum ne-  
tquam erat, sitis ingens, lassitudo, dolores qua maximam  
partem profligabantur, nec non appetitus cum iomino re-  
ficiente redire nunc incipiebat.

Restitutionem sanitatis amissae nunc merito brevi se-  
cuturam, sperabam. At! spes mea me fefellit. Novae  
enim calamitates, novus morbus, ipsum nunc invadere  
inchoabant. Cum enim gulae nimis indulgens, carne  
suilla copiose vesceretur, nec non sudores criticos refrige-  
rando supprimeret, pedes intumescebant, tumor quotidie  
ascendebat ad genua usque et post aliquot dies abdomen  
quoque ad scrobiculum cordis usque intumuit. Novus  
morbus, de novis medicamentis, hydropi nempe opposi-  
tis, cogitare cogeabat. Ad hunc morbum debellandum  
praescribebantur aegroto Rad. Bryon. inc. ℥jj. cort. hip-  
pocastan. ℥℥. coqu. in ∇. comm. ℥vj. colaturae adde Sy-  
rup. c. aurant. ℥j. mixtae huius potionis quovis trihorio  
cochlear j. assumsit aeger.

Quo medicamento per nonnullos dies adhibito le-  
vamen fere nullum sensit, sed tumor idem permanfit. Hoc  
igitur medicamento incassum adhibito, aliam, ut scopo  
nostro satisfaceret, supposuimus medicinam, sequentem  
nimirum:

R̄. rad. seneg. ℥℥.

Sacch. albiss. ℥j.

M. F. ℞is D. in Decuplo S. omni trihorio pul-  
verem.

Statim post nonnullas assumtas doses levamen sensit, tu-  
mor subsidere incepit et per urinae copiosorem excretio-  
nem quotidie diminuebatur, ita ut aeger post usum huius  
medicamenti per XIV. dies continuatum ab omni tumore  
immo ab omni morbo liberatum sese senserit.

## §. 30.

Varia adhuc eximiae virtutis radices senegae exempla adducere possem, et plura ill. WENDT suppeditaret, si extra dissertationis oleas vagari vellem. Solummodo Ill. RUDOLPH Fautorem ac Praeceptorem summe colendum, illam magno cum fructu in catarrhis inveteratis et Cl. WERNBERGER Physicum Windsheimiensem meritissimum ac Fautorem amicissimum eam loco radices gentianae aliorumque ad fonticulos aperte servandos adhibuisse, sufficiat dixisse.

## §. 31.

Ex hisce allatis sat luculenterque radices senegae virtutes elucet. Persuasum igitur mihi habeo, neminem iure huic radici vires suas denegare conaturum esse, nisi veritati sese opponere consulto velit.

## §. 32.

Quum radix nostra exotica sit, et pretium illius saepius mirum in modum increseat, praecipue nostris temporibus, cum ob gentes ibi bellantes collectio et exportatio difficilior reddatur; diu iam medici cogitarunt, annon indigenae extarent plantae, quae ad polygalae senegae vires accederent. Varia quoque ei substituere quaesivere, quae inter plurimum sunt, Polygala vulgaris, ut Ill. LINNE \*), M. PAUL \*\*), et LEWIS \*\*\*) asserunt, praeterea etiam Valeriana et stipites Dulcamarae nostrae radices analogae putabantur, neutiquam vero illius locum implere valuerunt. Polygala amara eximiis pollere dicitur viribus incidentibus et resolventibus †), hinc, si revera hisce viribus gauderet, tota planta tamen radices senegae loco substituenda esset, quia tam teneris instructa est radiculis, ut pretium huius illud senegae multo superaret. Fraus itaque vix condonanda est, si vicinis nostris polygalae amarae radices desiderantibus, illae polygalae vulgaris a mercato-

\*) *Amoen. acad. Vol. II. p. 151.*

\*\*) *Dictionnaire de medecine Tom. VI. p. 90.*

\*\*\*) *Mat. med. p. 470.*

†) *BLANCARD Lexic. med. edit. nov. Art. Polygala.*

ribus venduntur. Vt tonicum polygalam amaram quotidie adhibeo, bono effectū, saporem vero illum in senega praesentem et vires cum hac aequales detegere et observare mihi nunquam obtigit.

## §. 33.

Nulla igitur, neque Polygala vulgaris neque amara neque chamaebuxus, quae tres species solummodo nostris in terris proveniunt, etsi haec sapore illi senegae maxime adfinis est, radici senegae aequiparari poterit.

## §. 34.

Radix Polygalae sibiricae LINN. eodem fere gaudet sapore ac Senega, uti perhibet Ill. SCHREBER, paulo solum debiliori. Non tam cito quidem sentitur in masticando sapor, statim vero post aliquot minuta elapsa.

Ad finem nunc perduxi specimen pro exiguo virium mearum modulo elaboratum. Aequi bonique consulatis, Viri eruditi, et si quae sint, uti nullus dubito, minus recte exposita, indulgeatis iuvenili conamini, vehementer rogo.

---



XXVIII.

DR. ET PROF. PHILIPP FRIDER. GMELIN

ET RESPOND.

DR. CAROL. DE OLNHAUSEN


DISSERTATIO

DE

PROBATO, TUTOQUE USU IN-  
TERNO VITRIOLI FERRI FACTI-  
TII ADVERSUS HAEMORRHA-  
GIAS SPONTANEAS,  
LARGIORES.

TUBINGAE,

1763.



## P R A E F A T I O.

Accinxerat Se Nobilissimus Dominus Candidatus ad conscribendam, et marte proprio elaborandam Dissertationem inauguralem de Themate, quod huius rubrum indicat, mihiq̃ue primam eius quasi sciagraphiam praemonstraverat, cum literas a Suis frequentes acciperet hortatorias, vellet festinare, operamque dare omnem, quantocyus ut adiret Spartam sibi demandatam, quoniam urgeret aegrotorum invalescens adeo numerus, quem et communis augeret anni periodus, et multiplicaret huius praecise anni mensium primorum, solito inclementioribus frigoris, calorisque atmosphaerae gradibus nimis repente alternantium odiosa vicissitudo. Quare Suis ne deesset medicam sitientibus opem aegris, mutavit consilium prius, mihiq̃ue Praesidi tradidit elaborationem argumenti Dissertationis publice defendendae, cum sibi quidem non sumserit, festinante praestare calamo, quae intelligebat, maturiorem non aetatem tantum, sed et meditationem longiorem poscere. Nolui ego dissuadere, quantumvis perspectam habui eruditam Domini Candidati dexteritatem, ne morarer optimo fine agentem, desistendo ab opere inchoato. Selegit ille pluribus ex argumentis, quae rogatus ipsi proposui, hoc medicum, practicum, et chemicum, quod adeoque ita enodare studebo, ut ante omnia enarrem: quid, et quomodo multum usu interno Vitriolum hoc martis sacitium contra morbos nominatos praestiterit? post annitar, ut ex idea Vitriolorum et historia explicem, quod hanc exercere virtutem possit, postremo autem loco demonstrabo, cur hoc scopo aliis praeferatur sacitium ferri Vitriolum? Cum non parum hominum intersit, salutem dare hominibus, quam et ex hoc in eos redundaturum esse saepe remedio speramus, plena nobis fiducia promittimus, quod precamur, huic scilicet etiam Conamini Supremum in Coelis Numen ita benedicturum esse, ut nec olim impensi poenitere laboris possit!



## §. I.

Spontaneas dum assero compescere Vitriolum usu interno haemorrhagias, eas praecipue volo, quae omni absque causa et iniuria externa, vulnere, continuique solutionem efficiente accidunt vehementiores, imo vero excludo haec etiam eas, quae graviores morbos, continua serie Medicorum attentionem exercentes praeter Opinionem symptomatice interpellant, licet excessu cruentae profusionis non minus urgere videantur; illas huc inprimis traho largiores haemorrhagias, quas vivi, sani apparenter ante incurrunt, aut certe morbis afflicti chronicis, qui non profundioris visceris alicuius labem suspicari faciunt, et sub quibus adeo lucidis per multos dies fruuntur saepe intervallis, ut extra lectos non versari modo, sed et sanorum consuetae functiones potiores absque molestia exercere possint. Tales eveniunt quandoque plethoricis narium haemorrhagiae, varias per causas occasionales excitatae, similes occurrunt haud raro in sexu sequiore, nunc ab acrimonia excessiva sanguinis, nunc uterinis vasis, nimis dilatatis, relaxatis, distractis, ruptis, nunc ab orgasmo universali eo ruente, multisque aliis ex causis, passim etiam ad nervos pertinentibus, hosque propius ferientibus. Haud sunt dissimiles haemorrhoidales illae haemorrhagiae, in quibus copiosissime sanguis de ultimo intestinorum fine, recto scilicet, emanat, diarrhoeae sanguineae, alvique deiectiones nigrae, quales in morbo nigro Hippocratis habentur, quoties nimirum phaenomena concomitantia docent, pendere scessum sanguinis abundantem ex atonia, relaxatione vasculorum, vel eorundem osculorum exhalantium, anastomosi nimis cedente impetui etiam naturali circuli sanguinis. Idem valet de mictu cruento ex anastomosi, vel atonia tubulorum secernentium renalium orto. Hae memoratae haemorrhagiae, illisque analogae plures, adeo enormes, ut vere urgentes fiant, et mortem minentur, nisi cito satis succurratur, huc pertinent. Jam vero, quis nescit, commendari quidem hic nobis medicamenta plurima, non topica tantum, sed et interna ischaema, sanguineos fluxus hosce sistentia, verum crebram experientiam docere;

plurima ex illis in casibus innumeris aut suspectae fidei esse tam externa, quam interna, aut augere malum, cui resistere oporteret, aut certe non sufficere domando impetui, quo purpureus proicitur extra corpus latex, interim vero maxime periclitari aegri vitam, nisi hoc fiat, et pretiosissimas esse non horas tantum, sed et minutorum particulas, ut quantocyus applicet Medicus remedium par infringendae velociori et largiori profusioni nobilissimi humoris, ne vitae spes ante reiectetur, et effluat omnis, quam hoc admotum fuit.

## §. 2.

Candide aperiā, unde hauserim ego describendum nunc ulterius hoc medicamentum ischaemum? Annis illis primis, quibus patrios intra muros frui rursus licuit B. Fratre, Moscoviticis e terris reverso, (rediit autem ad nos anno seculi huius quadragesimo septimo, mense Octobris) meas in manus inciderunt haemorrhagiae plures eius generis, quas §. I. indicavi, admodum enormes, quibus passim frustra opposui medicamenta efficacissima, potentissima, tam externa, quam interna; cum vero casu inter amicissima cum illo meo Fratre de rebus practicis, quae saepe miscebamus, colloquia meas ego ipsi angustias circa hos haemorrhagiarum nodos detegerem, ita ille: Crēde mihi, respondit, non invenes remedium tutius et potentius contra has haemorrhagias, ac est vitriolum ferri factitium ad grana tria, vel quinque maxima dosi, propinatum interne, neque ulla occasione animadvertere potui, si cetera fuerunt paria, vel fallere remedium, effectuque sperato illudere, vel aliquam in corpore relinquere noxam? Ego certe innumeris id confirmatum inveni experimentis. Poteris, addidit, confidenter hoc uti remedio, et prout necesse videbitur, modo incipere a dosi refracta, si plus urgere videatur casus, a maiore; poteris, ubi prima non satisfacit, bihorio proximo dare alteram, et sic pro re nata pergere, vel desistere ab usu remedii heroici; obicem, spondeo, pones haemorrhagiae absque molestia subsequente alia, pectoris oppressionibus, capitis perturbationibus, vel quibuscunque aliis, quae derivari forte inde possent,

motuum anomaliis, humorumve aberrationibus, et eorum effectibus.

§. 3.

Imitatus ego frequenter experimentum idem in meis aegris, confirmatam expertus fui efficaciam a B. Fratre laudatam; dedi vitriolum hoc ferri factitium haemorrhagiis laborantibus multis ex utroque sexu cum conditionibus §. 1. optimo cum successu, dosi, ut exigebat morbi gravitas maior, minorve, nunc maiore, nunc minore, mihi modo cum scrupulo dimidio pulveris cordialis Cellensis, modo cum eadem quantitate lapillorum Cancris citratorum, vel integro pulveris marchionis scrupulo, inveni a potiori, duas; tres doses pares fuisse infringendae nimiae fluxus vehementiae, unde periculo fracto urgente destiti ut plurimum ab usu remedii, nec mirari saepe satis potui, quam cito in multis aegris a prima dosi haemorrhagia remittat? unde tum aut abrumpere usum aegros iussi, aut prolongare certe terminum proximae dosis. Insignes huius remedii vidi effectus in haemorrhagiis uterinis, a partibus violentis relictis, abortus, vel molarum excretionem sequentibus, in inictu cruento connato, vel haereditario ex atonia vasorum renalium, vel eorundem languore ab exercitiis venereis. Transfusi medicamenti usum, tot adeo evidentibus convictus experimentis, ad alias excretiones insolitas, praeternaturales, quas ab atonia vasorum, ductuum, fibrarum, pendere suspicari poteram, et ubique votis respondit eventus; praecipue autem, et eminenter efficacem observavi vitrioli huius martialis factitii usum internum nostro in sexu adversus pollutiones nocturnas crebriores, et diurnos etiam seminis materiae secessus tantum non invitos, quos lasciva iuventus variis pravae consuetudinis excessibus quandoque sibi contrahit. Quamvis etiam verè persuasum ego mihi habeam, potiorē virtutis medicatae partem reduci ad roborantem, tonicam, vel muscularem, ut exprimit LINNAEVS, id est, directe in fibras motrices, musculares activam, adstringentem, quam sapor etiam huius vitrioli martis prodit, et sensatio linguae impressa, et quae posset ex



ipsa gustus aestimatione, vel comparatione aliorum effectuum a vitriolis observatorum nimis violenta, nostraeque naturae nimis peregrina videri, adeo tamen demonstrative hoc quoque mihi dubium excussit animo experientia, ut metum confidenter abiicere heic omnem possim, illa enim docuit me, tam aegros, quam aegras usas hoc remedio, certe quoad alvi excretiones, quae satis cito ut plurimum luunt vel abusum adstringentium, vel nimiam vehementiam, nihil prorsus insoliti animadvertisse, imo vero sub usu huius remedii alvum potius laxiorem pluries habuisse, quam segniores, ficiorem.

## §. 4.

Curabimus nunc, ut ideam vitrioli satis distinctam, et historiam variarum eiusdem specierum talem suppeditemus, quae scopo nostro plenius possit satisfacere. BOERHAVIUS cum aliis latiore significatione *Vitriolum* appellat omne concrementum salinum, crystallinum apparenter, natum e connubio acidi, non tantum vitriolici, sed et alius mineralis, quin etiam vegetabilis, cum materia metallica, formansque massam unam, apparenter homogeneam, ita multis in locis elementorum Chemiae Tomi secundi nunc de vitriolo plumbi, nunc argenti, nunc aliorum loquitur metallorum. Mittimus hic vagam illam vitriolorum notionem, cum firmior ad illam saltem extendatur fossilium BOERHAVII septimae Classis speciem, quae idem Auctor Tomo primo suorum elementorum chemiae *semimetallorum* salinorum generi subiicit, id est, eorum, quae constant e metallo vero, et adjuncto sale intime unitis.

## §. 5.

Non erit abs re, praecipua historiae Vitrioli momenta e Celeberrimo describere JOANNE ANDR. CRAMERO, prout ea proponit in Elementis Artis docinaisticae, ubi p. 242 hanc praemittit ideam vitrioli generalem: Si per sulphuris acidum metallum, vel semimetallum ita solvitur, ut ambo simul conjuncta sub forma compareant salina, concretum tale *strictè* dicitur *Vitriolum*, sed haecenus duo tantum in regno minerali ab hoc sulphuris acido

naturaliter reperta fuere soluta, ferrum scilicet, cuprumque, hinc et *nativa duo* tantum numerantur *vitriola*, ferri nempe, atque cupri. Horum illud viride, semidiaphanum, crystallis conspicuum rhomboidalibus, sapore dulci, stiptico, adstringente praeditum, in igne primum liquefit, vaporemque aquosum emittit, dein exsiccat, abique in griseum crama, quod aucto igne tandem rubicundum fit, dum interea vapor acidus, et suffocans expellitur inde. *Vitriolum* cupri autem, per artem a priore separatum, purum redditum, coeruleum est, minus pellucidum, minus aquosum, ponderosius, non tam facile, sicuti prius, ad ignem fluens, sapore nauseosissimo, caustico infestum, ceteroquin a priori non multum differens. Ambo haec vitriola, in aqua soluta, hanc eodem tingunt colore, quo ipsa gaudent. Vtraque simul conjuncta plerumque reperiuntur, sicuti et ambo metalla, e quibus per acidum sulphuris solutis ortum ducunt, vix unquam solitaria, sed inter se varia proportionem mixta esse solent. Ferri tamen *Vitriolum* in illis concretis maxime praedominatur. An Cuprum vitriolo insit, facile detegitur, si lamina ferri polita in *Vitrioli* solutionem immittitur, tum enim semper cupri quidpiam excutitur, quod superficiei laminae, subtilissimi pulveris rubicundi specie se mox applicat. An vero, et in quibusnam subterraneis locis *vitriolum* cupri tam purum occurrat, ac est coeruleum, vulgo venale, me latet, videtur potius factitium esse, quod sub nomine romani, et cyprici, vel indici venditur.

## §. 6.

*Vitriolum nativum* in aquis plurimis haeret solutum, aqua enim semper concurrere debet, ut acidum sulphuris cum metallo transeat in formam *Vitrioli*; nullum enim sal salina virtute agit, nisi vel per ignem, vel aquam solutum; accedit, quod crystallina *Vitriolorum* forma et pelluciditas absque accedente aqua nunquam acquiratur. *Vitriolica* vero salia plurimis aquis medicatis praecipuam dant efficaciam, ut in specie Pymontanis, Swalbacensibus, et aliis; et potest explorari ex tempore, num aquae tales *vitriolum* in se contineant? Si nimirum affundantur decocto

vegetabili, austero, v. c. herbae theae, Gallarum, radicis tormentillae, bistortae, hinc enim illico mixtura in opacum transit atramentum, si vitriolum ferri contineant aquae minerales, prouti novimus, atramentum vulgare, quo ad scribendum utimur, omnem debere aterrimam suam opacitatem ingredienti vitriolo ferri communi concurrenti cum saturato gallarum decocto aquoso, quin etiam a vitriolo quovis modo interne applicato humano corpori alvinas notabiliter denigrari excretiones. An vero cupri Vitriolum aqua contineat, patet, si ferramenta immissa ipsi successive consumuntur, et contra inde cuprum excussum praecipitatur. Imo vero, si plurimum aquis inhaeret cupri Vitriolum, cuprum inde ad iniecta ferramenta excussum copiose tandem solidescit, et extrinsecus scabrum, squamatum, intrinsecus e filis quasi parallelis aggregatum, et secundum horum ductum facilius etiam fissile, ceteroquin ductile deprehenditur, vocatur tum cuprum tale sponte praecipitatum vernacula: Caement-Kupfer, prout aquas eo impraegnatas copiose appellant: Caement-Wasser, qualem Hungaria habet ditissimam cupro; quin et consuetudo hinc obtinuit, ut aquas non modo vitriolicas omnes dicant Kupferwasser, utut vitrioli ferri longe maximam, cupri minimam partem vehentes, verum et ipsum vitriolum ferri vulgare, quod usibus tinctoriis destinant saepe, nomine donent eodem.

### §. 7.

Intra fodinas passim quoque *Vitriolum* reperitur *purum*, forma solida varia; est aliquando congelatum, gelicidii ad instar, tumque vocatur *Vitriolum stalaeticum*, colore viridi, plus minus tamen coeruleo, cupri praesentiam indicante, temperato, compactum, nec exterius, nec interius illam prae se ferens figuram, qualem habet vitriolum, arte in crystallos coactum. Eiusmodi *Vitriolum album* habetur Goslariae nativum, quod solutum in aqua, iterumque inspissatum, colorem album servat, est in eo cuprum et ferrum, sed praeterea etiam aliud quid non metallicum, cuius natura nondum haecenus bene perspecta est. Quare nemini hucusque licuit id adeo imitari, quin



artefactum facile a nativo discerni possit. Praetereo varias germinationes, et efflorescentias vitriolicas, in fodinis, ipsaque terrae superficie obvias, nunc densiores, nunc tomentosas, albas, virides, coerulescentes.

## §. 8.

E concretis mineralibus, in quibus iam perfectum est vitriolum, vel chalcanthum, sed multis aliis terris, mineralibusque aliquando confusum, huc maxime referri merentur: *Lapides atramentarii* dicti; ut ipsa vitriola vocantur atramenta futoria, vernaculae, Atramentstein, veteribus celebres nomine: Sory, Misy, Chalcitidis, Melenteriae. Habent omnes in se perfectum iam Vitriolum, ut sapor docet infallibilis vitriolicus, qui primoribus tantum labris gustanti se offert illico. Praecipue a coloris diversitate quatuor eorum constituuntur species: Est enim *Lapis atramentarius* niger, *Melenteria*, flavus, Misy, aurei coloris, aureisque scintillis, dum frangitur, splendens, efflorescentia rubri, Chalcitis, qui aes aemulatur, friabilis, nec lapidosus est; gryseus; Sory, compactus est valde lapidosus, allisus et attritus aureas emittens scintillas. Inter hos flavus pulcherrimo, sed labili admodum colore; consistentia molliore, quin et vitrioli copia maxime se distinguit, ceteri vero non semper adeo facile dignosci possunt, quin mineras etiam aliorum haud raro mentiuntur metallorum, et interdum reapse vera minerarum variarum ramenta sibi concreta gerunt.

## §. 9.

Praecipuum vitrioli minerale constituunt *Pyritae flavi*, quos vulgo dicunt: SCHWEFELKIES, sunt enim simul vera mineralia sulphuris; hi pyritae, ubique per terram sparsi, liberi ab heterogeneis extrinsecus circumpositis, aureo fulgore splendent, externo aspectu aurichalcum politum referunt, figura plus, quam ullum minerale, varii, plerumque tamen sub forma globosa, varie aspera, dein cubica, hexagona, regulari et irregulari conspicui. Massae sunt ponderosae, solidae, quae, nisi ab interpositis mollioribus lapidibus, terrisque molliores factae sint, ad

chalybem strictae scintillas fundunt, sed verum sulphur redolentes, igni admotae mediocri, mox dissiliunt cum crepitatione, flammulas et vapores vere sulphureos eructant, colorem flavum in obscure rubicundum, nitidam superficiem in pulverulentam permutant. Ditissimae autem sunt sulphure, cuius unam saepe quartam, interdum vero tertiam in se partem continent, ceterum et semper in iis latet insignis ferri copia, nunc major, nunc minor sulphure; dein, ut suis analysibus probavit Cl. HENCKELIUS, terra non metallica proportionem ad reliquas partes itidem diversa, unde specificum pondus in singulis non potest non esse varium. Abundant hisce Pyritis variis Ducatus Würtembergici tractus, in specie vicinia thermarum Bollenstium; dives etiam iis est Anglia, ubi ad littora maris eiiciuntur aggregati e fibris parallelis, lignum fere mentientibus, molles, elegantis valde splendoris, sabulo crassiori ad aliquot pedum profunditatem tecti, aqua oceani satis pervio, nullius saporis, post multas autem hebdomades in aëre vitriolo divites, unde Vitriolum habemus anglicum, quod copiose his de Pyritis, diu satis, et multas per hebdomades, quin menses insolatis, et aëri expositis, pluviisque purum excoquitur; quidam Pyritarum horum, ut Pyritae inprimis ferri, puri, mere sulphurei soli per aliquod tempus expositi aëri sponte fatiscunt, ac in vitriolum pro parte abeunt, vix autem Pyritae cupri, et arsenicales albi, occurrentes in fodinis, quin reperiuntur aliqui ferri pyritae, qui aëri expositi sponte in vitriolum abire renuunt, quamvis neque cupri, neque arsenici plus contineant, ac alii, qui paucos intra dies vitriolescunt, cum alii ustulatione praevia, et expositione ad aërem per aliquot septimanas et menses eo demum disponantur, ut post affusam aquam coctione reddant Vitriolum, ita se habent Pyritae quidam ferri, cupri, et qui una cum sulphure aliquid arsenici sovent, notante Cl. HENCKELIO. Omnes tamen Pyritae habent certe in se principia omnia, e quibus nasci vitriolum potest, cuprum scilicet, ferrum, et acidum sulphuris, vel hoc cum alterutro metallorum nominatorum.

## §. 10.

Nascitur vero etiam ustulatione praecedente vitriolum e plurimo *Lapide calaminari*, quem alias *cadmiam nativam* appellant, et inter Zinci mineras referunt, licet ille lapis nec pyriticosus fuerit, nec tantam acidi copiam habeat, quanta desideratur alibi ad generationem vitrioli ita docent omnia experimenta. Huius generis est *vitriolum album officinarum*, quod est massa quaedam alba, granulosa, instar Sacchari albi concreta, saporis subdulcis, et acris, stiptici, salivamque plurimam prolicientis, ita enim Celeberrimus quoque MACQUERVS Tom. I. Element. Chem. pract. gallico idiomate conscriptorum asserit: albi vitrioli basin Zincum esse, prouti sub finem huius Tomi p. 470. operationem chemicam proponit, qua ope olei vitrioli, aqua diluti e Zinco vitriolum hoc parari possit? Pharmacopoea Wirtembergica vitriolum album elici tradit apud Goslarienses e minera plumbi argentifera montis Rammelsberg, at plumbi minerae saepe quoque Zincum continent, uti *Cadmiae fornacum* inde natae docent.

## §. 11.

Jam disquiramus, quid ex hac vitriolorum historia consequatur? et quomodo ex ea virtus adeo insignis ischaema explicari possit? Narraverat §. 5. esse vitriolum viride, quod tamen mitissimum est, sapore praeditum adstringente, stiptico; exhalans super igne, vaporem emitte-  
 re acidum; iam addamus, ut suppleatur medicata eorum historia, experimenta, et effectus, quos vitriola testibus observationibus chirurgicis, vivo adplicata humano praestitere corpori. Potentissimam vitriolum viride virtutem refrigerantem, antiphlogisticam, repellentem contra ipsam exercet gangraenam contrahendo vi adstrictiva sua vasa, unde decocti nigri chirurgorum species ingreditur; privatum per Calcinationem phlegmatis sui parte majore, calcinatum ad albedinem, vel flavedinem, aspersum locis cruorem fundentibus, fluxum sanguinis compescit, non contrahendo tantum vasa, sed et acido suo in thrombos, grimosque cogendo sanguinem emanantem, ut ipse suas obturet portas, quin tanta haec est vis, ut per modum



apparentis actionis in distans, quemadmodum in exemplo pulveris Sympathetici e vitriolo calcinato a RENELMO DEXB1, Equite atque Cancellario Reginae Magnae Britanniae proposito discimus, virtutem illam constringentem vasa, et coagulantem sanguinem exercere videatur, dum enim sanguis de naribus fluens in hunc pulverem incidit, ad aliquam distantiam, saepe satis cito fluxus cessat, partim ex atomis pulverulentis, directe opposito flumine sursum determinatis ab illapso cruore, partim ab exhalationibus vitrioli spontaneis acidis, eam viam petentibus, unde sanguis emanat. Atque sic in vitriolis, etiam nondum tantopere mutatis per artem docet observatio, quod, quominus aquae continent, ita etiam virtutem ischaemam possideant maiorem, hinc solent ut plurimum chirurgi praeferre vitriolum cyprum scopo ischaemo viridi, addunt illud etiam scopo deterfivo et adstringente aquis ophthalmicis, in quibus etiam prudenter usurpatum plurimum boni adstringendo praestat, quemadmodum scimus etiam ex illa praeparatione lapidis divini, seu ophthalmici, quem Pharmacopoea Wirtembergica habet; similem virtutem deterfivam, et adstringentem vitriolum album praestat, interno usu potentissimum emeticum.

## §. 12.

Quando vitriolum, vel martiale, vel venereum, praeparatum calcinatione, quae abundantem aquam expellat, igne suas in partes constitutivas resolvitur, id quod vasis fieri clausis debet, accipimus inde violento igne reverberii, quem vocant, phlegma, seu aquam, primo fere insipidam, et inodoram, paulo post autem sequitur sulphureus admodum volatilis spiritus, qui exacte sulphuris accensum odorem exprimit, aquae priori nubit, et se ita insinuat, ut phlegma hoc vitrioli, vasis exceptum bene munitis, diu sulphureum hunc odorem spiret, quare procul dubio potentioribus olim antopilepticis adnumeratum fuit, exiit autem hunc odorem post mentes, et annos, inpriniis, ubi non sollicitè prius exclusus fuit accessus liberi aëris, cui se attenuatum illud miscet phlogistum, relinquens iner-

tem partem aquosam, et paucam acidam. Sulphureum illum volatilem spiritum sequitur in destillatione totius vitrioli corporis liquor acidulus, facile sapore dignoscendus acido, multum tamen adhuc aquae habens, ultima vero ignis tortura e vitriolo hoc, iam aquae parte maxima emuncto idem acidum, quod priorem liquorem acidulum fecit, nunc expellit concentratum, acerrimum, vere sapore, omnibusque qualitatibus corrosivum, ad tactum quodammodo unguinosum, consistentia spissius multo, *vitrioli oleum* ideo appellant, licet ceterum nihil prorsus oleosae naturae habeat. Ubi omnes observantur encheireses, tam quoad apparatus vasorum, quam administrationis ignis ultimo vere fusorii, hoc acidum, seu *oleum vitrioli* obtinetur tandem solidum prorsus, omnis expert fluiditatis, instar glaciei, unde *glaciale* dicitur, optime docuit methodum, hoc parandi Celeberrimus Galliae Chemicus, Dn. HELLOT in Actis Academiae scientiarum Parisinae; immisit ille in retortam germanicam sex libras Vitrioli anglici ad rubedinem calcinati, et exposuit igni fusorio, summa violentia continuato, per quatuor dies, noctesque cohaerentes, quo facto invenit in excipulis applicatis oleum vitrioli glaciale, totum quantum crystallinum, et nigrum, ut commune fluidum solet rubescere obscure, post moram atrum evadere. Clarissimus ille Dn. HELLOT ita exprimit encheireses necessarias, ut hoc oleum conficiatur, quarum enarrationi plurimas utilissimas observationes miscet, ut operae pretium sit, utrasque heic repetere, verba eius haec sunt: Successus huius operationis pendet praecipue a cautelis, quas observare oportet, ut impediatur, quo minus vapores acidi, e vitriolo ad rubedinem calcinato igne propulsi sub ipsa destillatione ullum cum externo aëre commercium subire queant, mox enim, hoc si fieret, attraherent ex aëre humiditatem aqueam, quae ipsis interposita non nisi liquidam eos in formam condensaret intra vas recipiens. Opus est, ut hoc satis a fornace remotum sit, quo possit manere frigidum, et condensare potentius vapores. Opus etiam est spatium satis multo, in quo vapores hi oberrare possint, et

ne simul explosiones sulphureae, prodeuntes per vices decoruta rumpere vasa possint, licet enim praegressa vitrioli calcinatio plurimum iam inde fugaverit maxime volatilis materiae, remanet tamen semper adhuc plurimum phlogisti, si nullum etiam nunc admitteremus praeter inflammabile ferri, acidum enim, violentia ignis liberatum format cum eo sulphur, certe mixturam ad analogiam sulphuris communis inflammabilem, nisi acidum praedominaretur in ea. Adaptavi, addit Dn. HELLOT, collo retortae excipulum duorum collorum, et inferiori horum ampullam vitream, amplissimam. Sed maiori fere difficultate glaciale hoc vitrioli oleum promitur ex ampulla, eo enim, quo externi aeris accessum experitur, momento, enittit sulphureos vapores adeo densos, ut necesse sit, hoc intervallo vas recipiens altiore ponere loco supra caput nostrum, vix enim per minutum ferre absque metu suffocationis possemus, et inspirare vapores hosce, quos evomit, sulphureos. Ergo debet quantocyus hoc vitrioli glaciale oleum transferri in lagenam vitream, purissimam, exactissime obturatam epistomio vitreo, hermetice sigillato, adeo enim potenter aqueam aeris humiditatem imbibit, ut, nisi omni cura externi aeris accessus praecludatur, mox resolvatur in liquorem. Est hoc oleum glaciale nigrum, concentrati enim adeo, et ignis activitate acuti vapores acidi semper solutum secum rapiunt, et elevant aliquid rudioris materiae, qua vitriolum raro caret, et quae semper deprehenditur post solutiones eius, et crystallisationes repetitas, in aqua simplici, nullam ultra crystallisationem admittente, vel paucum illud materiae inflammabilis insinuatae denigrat satis cito vitrioli oleum optime rectificatum, et albedine meracam referens aquam.

Notandum vero insuper est, acidum hoc vitriolicum, actum, et expulsum igne fortissimo, elevare quoque in altum partes ferrugineas, certe vitrioli materiam talem, quae nonnisi unione phlogisti opus habeat, ut verum fiat ferrum. Demonstratur haec materia facile in oleo vitrioli communi, et nigro, vel in atris glacialis crystallis, quan-



do in magna destillatae aquae quantitate dissolvuntur, postquam enim haec mixtura per septem, aut octo dies digesta fuit, sponte hinc praecipitatur, vel ad fundum cadit pulvis, aut sedimentum floccosum, quod igne violento calcinatum, particulas continet a magnete attractiles, calcinatum rursus cum cera, fere totum quantum ferrum est,

## §. 13.

Dicendum vero est etiam denique de residuo huius vitrioli destillationis, quod, more aliarum huius generis reliquiarum siccarum, dicitur: *caput mortuum*, id est, massa iners, emuncta nunc efficacioribus principiis; est e vitriolo ferri terra eius martialis, appellant *Colcothar* vitrioli, quod multis videtur idem esse, ac Veterum Chalcitis, Vbi Colcothar hoc expertum est summam, quam pati potuit, ignis violentiam, vix aliquid adhuc acidi habet, ut e sex vitrioli libris Dn. HELLOT, factò lixivio e Colcothare, non ultra duas obtinuerit salis vitriolici uncias, in quibus praeterea observavit, esse adhuc valde terrestres. Quando vero vitriolum neque tam vehementem, neque diu adeo applicatum sustinuit ignem, multo maior utique hinc extrahitur quantitas vitrioli nondum decompositi. Dimittit etiam Colcothar coctione cum aqua sal album crystallinum, quod appellatum fuit *Sal Colcotharis*, est hoc ex alumine paucò, quod vitriolum ordinario continet, et quod per actionem ignis non adeò facile decomponi vel resolvi potest, ac vitriolum, ut plurimum valde vomitorium hoc est, saepe subflavum, dicitur multis *Gilla Theophrasti*, quam Pharmacopoea Wirtembergica de vitriolo albo parari jubet. Quoties tandem frequenter adfusam Colcothar illud vitrioli per aquam, et fervidam, et frigidam omni exhauritur acrimonia salina, corrosiva, corpus relinquit pulverulentum, rubrum, sapore adstringens, neque tamen aut acidum, aut quocunque modo salum, iners apparenter, dicitur: *terra vitrioli dulcis* (vocant enim dulces Chemicì materias omnes expertes acrimoniae salinae,) quae virtutem desiccativam, adstringentem, consolidativam usu externo exerceat, quo scopo etiam emplastra

quaedam, et unguentum purpureum Wurzii ingreditur, alias pigmentum satis vulgare, quo aedes extus perlinunt et obducunt.

#### §. 14.

Quodsi nunc ad analogiam eorum, quae §. 11. dicta sunt de vitriolis ipsis, necdum arte resolutis, prosequi singula etiam eorundem producta velimus, inveniemus profecto, virtutem ibi laudatam, adstringentem solidas partes humani vivi Corporis, coagulantem fluidas, undique confirmari; eam enim eminentem habet oleum vitrioli, tam glaciale, quam fluidum, utrumque vix admotum vulneri sanguinem fundenti, et vasa eundem emittentia contrahit magna vi, et ipsum cruorem, simulac ipsi miscetur, in densos cogit thrombos, prouti sanguinem recentissime de vena salientem primo sui attactu coagulat. Sed videtur profecto haec vis mirifice acui, et augeri a metallica terra vitriolico acido adeo arte unita, ut vix ars plenae separationi par sit in oleo? quare non possumus non eam in vitriolis ipsis maiorem agnoscere, certe omni experimento cognoscimus arctam valde unionem, intelligimus repetita observatione, magnam etiam virtutem adstrictivam exercere, terream illam portionem metallicam solam, arte quantum potuit, privatam acido ipso, quin omnium maxime cupream, qua vitriola cruda, martialia etiam dicta, nunquam carere prorsus suspicari debemus ex observationibus §. 5. Atqui vero haec portio cuprea vitriolorum, quemadmodum externa sui ad corpus humanum applicatione ubique maiorem demonstrat desiccandi, et adstringendi virtutem, sic usu interno non minus e Medicorum fide dignissimorum testimonio suspicione semper maiore sinistri effectus pressa fuit. Iudicent inde artis periti, quam sibi praerogativam vendicet *tartarus vitriolatus* Tackkenii, ex ipso vitriolo martis nativo per affusam puri salis tartari solutionem paratus, prae alio, e solo vitrioli oleo purissimo, aqua diluto, vel spiritu vitrioli cum eodem alcali fixo combinato resurgente.

## §. 15.

Intelligere adeoque licet ex iis, quae §. 11 et 14 dicta sunt, quod vitriolum martis factitium virtutem ischaemam exercere possit contra haemorrhagias largiores, demonstrabitur enim in sequentibus, quod praecipua illa habeat ingredientia, quibus alia constant, quod idem quoque sit combinationis modus, neque poterit cuiquam subnaſci dubium, quod mutata conditio applicationis externae, immediatae ad loca affecta in internam, quam hic supponimus, excludat omnem efficaciam ischaemam, quamvis enim non diffiteamur, plenam ab effectibus vitriolorum, eorundemque variorum productorum, conditionibus memoratis externo sub usu circumscriptorum, ad usum internum non valere consequentiam, existimamus tamen, potentem vitriolo martis factitio virtutem adstringentem denegari usu etiam interno vix posse, tantoque minus, cum observatio doceat, partes vivi corporis internas continuo et calere magis, et plures, nudas offerre ingestis fibras nerveas, unde omni modo magis irritabiles evadunt, et sensibiles, ut nihil dicam de virtute temperante, refrigerante, quam acida mineralia diluta, nec fortissima habent, ut sapor iam docet, et refrigerans efficacia linguae sitientis impressa, quae profecto haud exiguam conferre quoque heic potest symbolam ad augendam virtutem ischaemam.

## §. 16.

Jam vero indicandum etiam est, cur factitium ferri vitriolum pro usu interno praeferatur aliis? praecipuum iam praelibavi argumentum §. 14. quod ipsa eius praeparatio magis stringet, et observamus, Medicos ab omni tempore pro usu interno hoc elegisse, nec enim paradoxus prorsus est omnis ille usus internus, ita occurrit in illo pulvere, quem officinae pharmaceuticae habent, heteroclitō, nomine pulveris absorbentis WEDELII, sic habemus vitriolum hoc martis, cremori tartari nuptum, in tinctura martis aperitiva, tartarifata Ludovici, cum arcano, sive terra foliata tartari combinatum in tinctura martis e vitriolo Zwoelferi, quae utraque tinctura satis frequenter



nostro etiam tempore usu venit interno, prout scopo anthelmintico, anticachectico, emmenagogo, aperitivo, roborante saepe dari solet interne in substantia vitriolum. Ut vero evidentius praerogativa haec in oculos cadat, et firmiore ratiocinio experientia innixo suffulciri possit, videamus ipsam eius praeparationem.

## §. 17.

Pharmacopoea nostra Wirtembergica iubet Limaturae martis purissimae librae uni affundere spiritus vitrioli, triplo aquae diluti libram unam, tum vero praevia digestionem per aliquod tempus aptare liquorem filtratum lege artis nitidae crystallisationi, quae, si rite fuerit observatum punctum exhalationis, crystallos dat elegantes, easque satis magnas, rhomboidales, colore instar smaragdi, et, quantumcunque libero in aëre siccatae fuerint, plurimum tamen aquae habentes, hinc super igne mox, et facile rursus fluentes, multumque phlegmatis forma vaporum dimittentes; alii suadent olei vitrioli uncias quatuor, dilutas decem, vel duodecim aquae communis Unciis affundere limaturae martis purissimae unciae uni, prouti sic praescribit Celebris JACOBUS le MORT in Chemia medico-physica p. 188. alias iterum formulas habent Collectanea chymica Leidensia, Maetsiana, et Marcgraviana, sic enim est ibi formula p. 22. quae describit vitriolum, sive sal martis parandum ex olei vitrioli, et limaturae martis purissimae una uncia dimidia, quatuor aquae purae unciis superfusis ante limato ferro; eorundem dein collectaneorum p. 221. praecipit saltem limaturae ferri affundere oleum vitrioli cum suo phlegmate permixtum, quousque sedatam observaveris effervescentiam, post mixturam digestam diluere aqua multa pluvia, et ad pleniorlem lege artis crystallisationem disponere. Clarissimus BOERHAVIUS Element. Chem. Tom. II. Process. CLXII. requirit oleum vitrioli optimum, purissimum, aquae octuplo dilutum pro solutione ferri vulgaris, limati, recentis, non rubiginosi, purissimi, transitori sic in vitriolum ferri; addit in usu; Intelligimus adeo modum, quo associatione acidi

dura metalla evadant similia salibus, diluenda in aqua; sicque potabilia, tumque saporem acquirere metallicum, novum, salinum, induero simul facultates in corpus humanum singulares. Ita scribit, si sal martis dilutum aquae purae centuplo potatur ieiuno ad uncias duodecim cum leni deambulatione, aperit, laxat, purgat, urinas movet, lumbricos necat, pellitque, foeces alvi aterrimas tingit, aut instar terrae argillaceae format, fibras roborat, hacque ratione multos, eosque diversissimos per sanat morbos; at sciendum omnino est, sal hoc ferri occurfu alcalescunt et putridorum, absorpto acido suo dissolvente in fecem adstringentem, ponderosam, inertem, et metallicam verti, tumque obstructions facere quam pessimas, hinc nocere in febribus putridis, verum et scimus, ferri seobem potatam debili sexui languenti, acidum parienti, rutus allii, vel et ovorum rancidorum parere ab occurrente acido, uti scripserat, sub affusione olei vitrioli ad ferrum limatum vaporem prodire singularem, in quo aliquid allii subolfaciant nares, hinc nasci calorem in corpore prius deficientem, et feces fere nigrescere, tumque prodesse longe magis limati ferri pulverem, quare addit, scitur etiam, acido laborantes iuvare, nocere autem biliosis, calidisque.

## §. 18.

Quantum equidem perspicio, vix potest constans quaedam stabiliri lex, quae definiret quantitatem aquae pro diluendo vitrioli oleo, vel spiritu? cum hoc oleum praecipue adeo varium habeatur ab artificibus ratione suae virtutis, acrimoniae rosivae, puritatis ab aqua; sufficiat scire in universum, quod hic non aliud requiratur, ac temperatum valde aqua, et quod errare nunquam possimus, si paulo debiliorem etiam habemus vitrioli spiritum, cum, prout hoc acidum vitriolicum promptissime ferrum solvit, ita plurimam etiam distributum per aquam semper adhuc par esse huic solutioni observetur. Et, si purum satis habeatur ferrum, erit perinde, sive paulo acrius adhuc fuerit menstruum, sive magis temperatum; Natura enim,

quae in his corporum relationibus nullibi suos turbare finit circulos, heic etiam suarum tenacissima se monstrat legum, nec ferri plus, nec minus solvitur, ceteris paribus, qualiscunque fuerit gradus acrimoniae menstrui, modo non sit vel fortissimum, vel nimis debile, certa est et determinata quantitas et mensura ferri, quam recipit acidum, sola exhalatio liquoris crySTALLIFICATIONI praemittenda in altero casu largior, et longior, in altero parcius, et brevior esse debet; forte maxime consultum foret, destinare semper huic martis vitrioli confectioni medium illum spiritum acidum, qui e destillatione vitrioli consueta prodit post phlegma, et spiritum volatilem sulphureum, qui expers omnis sulphurei odoris, sapore satis adhuc temperatus, et aquosus antecedit ponderosissimam illam acidi vitriolici partem, quae ultima denique, eaque summa ignis tortura exprimi debet, eam ipsam ob causam suspectam semper, ne aut novum e ferreis, metallicis reliquiis ab acido tantopere concentrato generatum sulphur secum vehat, aut ipsam portionem terrae illius metallica solutam, et intime nuptam acido, quin per illud subtilissime divisam, aut utrumque simul secum in altum tollat, et in acido relinquat, nulla separabile arte? quapropter equidem optarem, nunquam ut pro hac praeparatione oleum vitrioli quaecunque fumeretur, istam enim labem aqua non emaculat, vel diluit, ut acidum ipsum.

## §. 19.

Quaenam itaque sunt praerogativae vitrioli martis factitii prae aliis pro usu interno? Sunt profecto satis magnae! Certus, qui hoc propino, esse possum, aegrum accipere vitriolum, omni a consortio venereo, vel cupreo alienum, et immune, maxime, ubi observata etiam fuit cautela §. 18. sub finem inculcata. Quis vero ex iis, quae §. 14. hac de conditione proposita sunt, non intelligat, beneficium esse singulare prorsus, quo se ita distinguit ab aliis? Veruntamen aliud etiam est non minoris pretii, scilicet: habeo hic acidum vitriolicum satis multa dilutum aqua, docuit enim §. 17. sub initium; cryсталlos vitrioli



huius factitii satis multam habere aquam, ita vero temperatur, et infringitur acrimonia illa, tantopere rosiva, et vere caustica, quae calcinata vitriola usu interno excluderet omni, coeruleum et album adeo adhuc cathaereticum, et septicum, destruens pro natura partium externarum, quibus applicatur, exhibet ob quantitatem aquae multo parciolem, quam continet, ut prudentiorum certe Medicorum nemo usum commendare internum posset, nisi summa coactus necessitate. Quare, ipsa si nihil praetervisum fuerit in compositione medicamenti, haud spero futurum, qui non mecum sibi persuadeat, factitium ferri vitriolum hoc etiam pro usu interno palmam praeripere reliquis omnibus.

## §. 20.

Ita vero satisfecissem, puto, praecipuis praefationis huius Dissertationis postulatis, quae mihi enucleanda summi, hoc de argumento meditatus! Non possum tamen semel et simul abrumpere filum, quin aliquas etiam adiiciam coniecturas de modo, quo vitriolum hoc interne agit? quo suam praecise opponit efficaciam haemorrhagiis spontaneis largioribus? Fateor, ubi ad experimenta recurro physiologica, quae docent me, acria et acida, eminenter adstringentia, et sliptica, oscula vasorum resorbentium contrahere, claudere, ac sibimet ipsis aditum ad interiora, et massam sanguinis praeccludere, parum superesse mihi solatii, et spei explicationis, dum cogito, ita non posse vel coagulari sanguinem inspissandum, vel patentia constringi vasa, longis remota saepe intervallis, et distantis a primis viis, et intestinali tubo, quem solum hac ratione immediate tangeret medicamentum? Quoties interim ex altera parte perpendo vim eiusdem summam refrigerantem, et temperantem, metior eminentem adstringentem, coagulantem, roborantem, ob quam paucissima eius quantitas diluta magis humoribus naturalibus, ostia resorbentium subrepens, cruori coagulum utcumque parvum inferens, communi circulationis lege delata etiam ad locum affectum in solidis eius, et fluidis optatam producere muta-

tionem potest; quin etiam, ubi his addo impressam virtutem adstrictivam soli quidem intestinali tubo, sed propter consensum corporis partium omnium e continuitate membranarum, atque fibrarum, nec non commerciis nervorum quaquavorsum propagatam, tanto minus habeo, cur dubitem, posse solam potentiozem in hanc primarum viarum partem actionem sufficere mirabilibus adeo effectibus, alibi observabilibus inde, quanto evidentius et morbi harum primarum viarum suis in reliquum corpus effectibus hoc earum imperium confirmant, et medicamenta haud pauca heroica probant, quorum efficaciam directam; aut certo primis tantum impressam esse viis per experimenta convicti sumus, opii exemplo, aut quorum effectus in totum corpus redundantes adeo celeres observantur, ut vix ante ipsum effectum ea insinuassee se massae sanguineae suspicari possimus, uti exemplum habemus in antipyretico illo specifico febrium intermittentium, cortice peruviano, et solutione aluminis, experimento audaciore ipsis opposita, quod utrumque praeterea medicamentum aequae magna fere difficultas urget resorptionis intra tubum intestinalem, ac proposita de ipso fuit vitriolo. Quantumcunque autem arrideat, vel displiceat explicatio haec qualiscunque, nihil interest; res est observationis, praestare virtutem ischaemam insignem et eminentem vitriolum ferri factitium usu interno, praestitisse repetitis experimentis, esse remedium tutum ea dosi exhibitum, quae praescriptum fuit; et possumus acquiescere analogicis observationibus, quibus edocemur, acidum, quod continet, humores coagulare, vasa stringere, contrahere, illamque vim utramque augeri ex unione principii metallici, ferrei, arctissimo vinculo acido uniti, per se roborantis, firmantis novo addito tono vasa; fibrasque contractiles. Nec observata sub usu huius medicamenti alvi vel plenior libertas, vel maior lubricitas contradicit virtuti adstringenti, prout enim conditiones, causaeque segnitiei, et tarditatis alvi variae possunt esse, ita si maiorem tantum haec stimulum, et excitationem expectaverit, non video, quidni salva virtute adstrictiva reliqua possit etiam aperitivam inde alvus

experiri virtutem; inprimis, ubi simul aestu interno exuruntur omnia, et calent sub haemorrhagiis, quem profecto aestum talem medicamentum potenter etiam refrigerans satis efficaciter compescit. Modo quilibet applicaturus hoc salutis recuperandae instrumentum applicet cum prudentia, discernat haemorrhagias ab haemorrhagiis, distinguat non tempora tantum, sed et aegros, aegras, morbos, eorum periodos, causas, et Symptomata, sic habebit in simplici medicamento hoc remedium, cuius ope saluti, vitaeque hominum prospicere multoties poterit, cum naufragio proxima esse videtur!

---



# I N D E X.

## NUMERI INDICANT PAGINAS.

### A.

Abrotani herba.	172
Abfinthium judaicum.	171.
vulgare.	172
Acidum Tartari purum f. ef-	
fentiale cryftallifatum.	95.
methodus praeparandi,	97.
experimenta cum ifto in-	
ftituta, 101. effectus illius	
in alia corpora.	102
Acmellae herba et femina.	170
Agaricus.	185
Allii radix.	149
Aloe.	150
Aloes lignum.	186
Amygdalae amarae et dul-	
ces.	157.
Angelicae fatirae radix.	146.
Anthemintica regni vegeta-	
bilis.	133 feq.
Anthorae radix.	159
Aristolochiae rotundae	12-
dix.	176
Afari radix.	155
Affa foetida.	146

### B.

Balfami Meccani genuini no-	
tae.	37
Betulae lignum etc.	177
Bilis, quousque fapo dici	
poffit.	63
Bismuthum, 312. calcis eius	
vires praecipue antispas-	
modicae.	327

Boleti fuaveolentis hiftoria	
botanica, 6. descriptio, 10.	
locus natalis et tempus,	
quo viget. 12. analyfis	
chemica, 18. vires medi-	
cae in phthifi, et in aliis	
morbis, fpasticae imprimis	
indolis.	22 feq.
Botryos herba.	145
Bryoniae radix.	180
Buxi lignum.	177

### C.

Calami vulgaris radix.	151
Calx bismuthi, 313. calx f.	
flores Zinci.	295
Camphora.	153
Cannabis femina.	181
Cardamomum minus.	133
Cardui benedicti herba.	176
Cardui Mariae herba etc.	170
Carvi femina.	148
Caryophyllatae radix.	158
Centaurii minoris herba.	143
Cepae radix.	150
Chamaepityos herba.	161
Chamomillae noftratis her-	
ba.	175
Chamomilla officinarum	
quid? 227. analyfis eius	
chemica, 229. praeparata	
fimplicia et compofita,	
233 feq. vires generatim,	
237. vis febrifuga, 239.	
vis antispasmodica, 145.	
vires in variis morbis.	251

Chenopodium anthelminticum.	145
China cortex.	143
Cichorii radix.	169
Cinae semen.	171
Cinnamomi cortex.	152
Cirrus medica et Aurantium.	168
Coffeae femina.	142
Colocynthis pulpa.	179
Contrayervae radix.	138
Corallina.	185
Coriandri femina.	147
Costi dulcis et Arabici radix.	133
Cubebae.	136
Cyclaminis radix.	139

## D.

Dauci sativi et sylvestris radix et femina.	146
Dictamni albi radix.	154
Dolichos pruriens et urens.	166

## E.

Ebuli cortex interior, radix etc.	148
Enulae radix.	174
Erucae femina.	165
Eupatorii herba et radix.	170
Euphorbii gummi.	156

## F.

Filicis radix.	183
Fraxini lignum.	183
Frigoris effectus, 113. usus in febribus, 115 in haemorrhagiis et quibusdam morbis inflammatoriis, 119. in doloribus, 121. in spasmis.	122
Fumariae herba.	166

## G.

Galangae majoris et minoris radix.	134
Galbanum.	147

Gentianae rubrae radix.	145
— — cruciatae radix.	146
Geoffreae inermis cortex.	167
Graminis radix.	138
Grana paradisi.	133
Gratiolae herba.	135
Gummi Guttiae, 159. ex quam arbore promanet hic succus, 403. eius notae, 405. analysis chemica, 406. valet in hydropo et contra vermes.	416 seq.

## H.

Haematoxili campechiani descriptio botanica, 192. analysis chemica, 197. tinctura, 199. extractum gummosum et resinofum, 200. aqua destillata, 201. destillatio sicca, 202. virtus medica, 205. usus in dysenteria, 207. in diarrhoea, 215. modus exhibendi,	219
Hellebori albi radix.	182
— — nigri et viridis radix.	160
Helminthochortos.	184
Hirundinariae radix.	145
Hyperici herba.	169
Hystopi herba.	162

## I.

Ialappae radix.	141
Ignatii faba.	143
Imperatoriae radix.	147
Ireos nostratis radix.	137
Juglandis fructus immaturi.	178
Juniperi baccae et lignum.	182

## L.

Lapathi acuti radix.	151
Lauri baccae.	153
Lichen islandicus, ubi occurrit.	276
Lichenis hujus varietates, 277. experimenta cum illo	

instituta, 278. quo modo decoctum parari debet, 281. vires eximiae in variis morbis.	285	Piper album, longum et nigrum.	136
Liquiritiae radix.	167	— indicum.	142
Lupini semina.	166	Punica Granatum.	156
Lupuli coni.	181	<i>Q.</i>	
<i>M.</i>		Quassiae lignum, 155. arboris descriptio botanica, 256. experimenta cum illo instituta, 258. in febris valet, 267. ventriculorum praecipue restituit, 271. haematuriam rebellem et haemorrhagiam uterinam sistit, 273. vis eius in doloribus capitis ab haemorrhoidibus interceptis, 274. vis in leucorrhoea, ibid.	
Marrubii albi herba.	162	<i>R.</i>	
Matricariae herba.	174	Raphani radix.	165
Meurthae crispae et piperitae herba.	162	Rhabarbari veri radix.	153
Millefolii herba.	175	— — Monachorum radix.	152
Mori cortex et radix.	177	Ricini vulgaris semina.	179
Musci cumatilis herba.	184	Rutae hortensis herba.	154
Myrrha.	185	<i>S.</i>	
Myrti brabanticae folia.	181	Sabadilli semina.	182
<i>N.</i>		Sabinae herba.	181
Nasturtii aquatici herba.	164	Saccharum officinarum.	137
Nepetae herba.	162	Sagapenum.	186
Nerium antidysentericum.	144	Sal acidum essentiale Tartari.	
Nigellae semina.	159	95. methodus praeparandi, 97. experimenta cum isto instituta, 101. effectus illius in alia corpora.	102
<i>O.</i>		Salviae herba.	135
Oleum Cajeput, 377. ex quo elicitur, 378 — 388. descriptio hujus olei, 389. vires ejus, 392. usus et externus.	399	Santolinae herba.	170
Oleum Vitrioli glaciale parandi methodus.	466	Santonici semen.	171
Olivae.	134	Sapo, quid sit? 49. differentiae saponum, 53. usus saponis in genere.	56
Opii vires fibrarum cordis debilitare et motum sanguinis augere demonstratur, 336 seq. vires eius in febre intermittente soporosa.	359	Sapones artificiales formae solidae.	88
Opopanax.	147	— liquidi.	90
<i>P.</i>			
Papaver alb. et nigr.	258		
Persicae flores.	157		
Pimpinellae albae radix.	148		
Pini turiones et resina.	178		



Saponariae radix.	155	Terrae saponatae.	84
Scammonium.	141	Thymi vulgaris herba.	163
Scillae radix, 150. 367. virtutes eius medicae.	371	Tigllii f. Tilli grana.	179
Sclareae herba.	135	Tormentillae radix.	157
Scordii herba.	161	Trifolii aquatici herba.	139
Scrophulariae foetidae radix.	163	Turpethi radix.	141
Sebelten.	144	V.	
Senegae radix. 427. plantae descriptio botanica, 430. analysi radicis chemica, 432. vires eius tam resolventes quam evacuatoriae.	437	Valerianae sylvestris radix.	136
Serpentariae Virginianae radix.	176	Verbenae herba.	135
Serpentum radix.	141	Vicia sativa.	167
Simarubae cortex.	155	Visci lignum.	180
Sinapeos semina.	165	Vitis.	144
Sophiae semina.	164	Mitriolum ferri factitium, quo modo praeparari debet, 471. cur pro usu interno praeferatur aliis? 470. compescit mirifice haemorrhagias, 456. et est efficax adversus pollutiones nocturnas crebriores.	458
Spica celtica.	137	Vomicae nux.	143
Spicae Nardi radix.	182	Z.	
Spigeliae herba.	139	Zedoariae longae radix.	134
— Marylandicae radix.	140	Zincum, 293. florum eius vires antispasmodicae.	308
Spongia fluviatilis.	186	Zingiberis communis radix.	133
Staphisagriae semina.	159		
Stoechadis citrinae herba.	173		
T.			
Tabaci herba.	142		
Tanacerum.	171		

## FINIS TOMI SECUNDI.

ERROR TYPOTHETAE EMENDANDUS.

Pag. 171. lin. 16. e. f. p. loco Ap<sup>s</sup>inthium pone semper Abs<sup>s</sup>inthium.



